

**DE INQUIRENDA
VERITATE LIBRI SEX.
IN QUIBUS MENTIS
HUMANAE NATURA
DISQUIRITUR, &...**

Nicolas : de Malebranche, Jacques
Lenfant





M

14-7-44

~~C. 37. C.~~

C. 37. C.

1875

1875

1875

1875

1875

DE
INQUIRENDA
VERITATE
LIBRI SEX.

IN QUIBUS MENTIS HUMANÆ NATURA
disquiritur, & quomodo varijs illius facultatibus, ut in Scientijs
error vitetur, utendum sit, demonstratur:

AUTHORE

P. MALEBRANCHE,
C. O. D. I. P.

*Ex ultimâ Editione Gallicâ pluribus Illustrationibus
ab ipso Authore aucta Latinè versâ.*



*Conventus
S. Marci de
Scala*



*Prohibeo
die 4. Maj. 1707*

GENEVÆ,
Apud JOH. LUDOVICUM DUFOUR.

M. DC. LXXXV. }
Eum Privilegio Sacrae Caesareae Majestatis.



VERITATE
MICHAEL

IN OMNIBUS MENTIS LUMINE
ET OMNIBUS MENTIS LUMINE

ET OMNIBUS

ET OMNIBUS

ET OMNIBUS

ET OMNIBUS

Quoniam

Quoniam



PRÆFATIO INTERPRETIS.



Uum primùm huic versioni operam dedi, quicquam præfandi animus non erat. Expertum enim habeo hanc methodum, quæ Lectoribus præparandis vulgò destinatur, fastidium potius ut plurimùm creare. Verùm inter scribendum, super toto hoc opere multa mentem subierunt, de quibus Lectorem moneri, operæ pretium duxi. Inter illa quædam Interpretem & versionem spectant, quædam verò Authorem, & ipsum Opus *de Inquirenda Veritate*.

Ad me quod attinet, pauca dicere institui. Ne, quod fieri solet, philautiæ imputentur, quæ utilitatis publicæ gratiâ proferrem, Ac reverâ, in limine libri veniam frustra deprecarer, & supplici apologiâ causam meam agerem. Lector susque deque habitâ præfatione, de iis solùm quæ videt judicat, imò judicare tenetur. Quorsum igitur tum operis difficultatem, tum materiæ, idearum & hypotheseos novitatem, tum diversarum linguarum genium &c. causarer? hæc omnia probè nota sunt, nec in difficilibus minùs est respondendum expectationi publicæ, quàm in facillimis ad opus arduum non debet se accingere imperitus opifex. Frustra etiam monerem de necessitate, quæ Interpretibus incumbit, ut variæ linguarum indoli satisfiat, multa immutandi, contrahendi, amplificandi, quæ Gallico idiomate tropicè expressa sunt, Latinè propriè exprimendi &c. Ex quo Idiomata inter se commutantur, hæc sæpiùs agitata fuere, quàm ut quenquam nunc lateant, sed ita tamen ut nemo ignoret limites & cancellos, intra quos sese continere debet legitimus Interpres. Intra illos memet religiosè continere ubique conatus sum, & nihil scribere aggressus, quod priùs clarè & distinctè non perceperim, imò vividè senserim. Ut hæc igitur, si ulterius urgerentur, inutilia futura omittam, quædam sunt circa versionem, de quibus Lectorem monitum velim.

Non deerunt, qui vitio vertant simplicitatem illam quæ dominari videtur in toto hujusce versionis stylo: addent forsan multa passim occurrere minùs Latina, alia verò obscura & prorsus ἀκατάληπτα. Nobis equidem dubium non est, multa in hac versione desiderari, imò

)(

per multa

P R Æ F A T I O

permulta, ἀναμαρτυρίαν non affectamus. Absit à nobis ista mens immo amentia. Attamen ut aliquid de publicæ criminationis pondere, quantum in me erit, detrahā, non desunt quæ pro partibus meis afferam.

Ad simplicitatem quod spectat, certè iis Latinæ linguæ minùs sapere mihi videntur, qui turgidum illum stylum ubique consecretantur. Ac vix non suspicor eos sub phalerata oratione ingenii & cogitationum tenuitatem velare. Oratorem Romanum, Ciceronem intelligo, in rebus maximis, simplicitatis tamen fuisse studiosum videmus. Immo inter ipsos Poetas Latinos simplicitas à viris eruditis semper fuit spectatissima. Horatius Juvenali apud Doctos palmam facillè eripit, ob simplicitatem illam, quā naturam adeò feliciter est imitatus. Itaque ingenua Latinitas, quæ Ciceronis seculo vigeat, ab adulterina illa quæ inferioribus sæculis obtinuit simplicitate, veluti caractere quodam non malè dignosci posse mihi videtur. Si verò respectu illorum auctorum res ita se habeat, cur, quæso, simplicitas in aliis rebus adhibita, in Philosophicis repudiaretur? Quia potiùs ibi simplicitas regnare debet, si usquam. Ac reverà istud privilegium videmus Philosophis semper fuisse concessum.

Licet hinc ingenuè profiteri debeam, illos hoc privilegio perperam fuisse abusos, intromittendo pro simplicitate tantam terminorum æquivocationem, improprietatem, & barbariem, ut à nemine possint intelligi, licet à multis legantur. Quod me in hanc injicit opinionem. Nempe Philosophi (Scholasticos illos intelligo Philosophos, exceptis ab eorum classe antiquis) cum rerum haberent ideas admodum confusas & obscuras, ne dicam nullas, eas tamen explicare satagerent, simplicitatis studium præ se ferentes, id sibi juris arrogarunt, ut novos eosque barbaros obtruderent terminos, sub quibus ipsorum ignorantia latitaret. Nec ipsis sanè res malè celsit. Quippe Lectoris attentio circa terminos satis superque occupata, rerum ipsarum futilitatem deprehendere amplius non valuit. Ita, ut si quid obscurum esset, id partim profundæ Philosophorum eruditioni, partim ipsorum ingenii tarditati lectores tribuerent, arque sic gens barbara, dum simplicitatis studium simulavit, obscuritatem sibi equidem commodam invexit. Hinc igitur patet vocem *simplicitatis* esse æquivocam. Philosophi vulgò dicuntur *simpliciter* loqui, & ornamenta orationis negligere. Nos verò dicimus illos *barbarè* loqui, nec ornamentis uti, quia illorum quæ dicunt deformitas tanta est ut nullum patiatur *ornamentum*. Hæc non est verorum Philosophorum *simplicitas*, nec fuit etiam nostra in hac versione. Terminos
Schola-

I N T E R P R E T I S.

Scholasticos cane pejus & angue ubique vitavimus. *Simplicitas* igitur hîc adhibita opponitur turgido illi, κομψότης, & metaphorico stylo, qui nihil sapit præter phaleras & cothurnos, quo authores sæculi veluti grallis incedentes populo fucum faciunt.

Dixi veros Philosophos ab ejusmodi stylo abhorrere. Idque non una de causa. Etenim cum *Veritas* sit objectum Philosophiæ, homines verò iis quæ sensus palpant longè magis addicti sint, quàm iis quæ purâ mente percipiuntur, si *Veritas* orationis, ornamentis & tropis, seu aliis quibuslibet involucris induta, ipsis proponeretur, sensibus & imaginatione ita detinerentur circa illa externa, ut ad *veritatem* sub iis delitescentem assequendam inepti prorsus evaderent. Philosophi igitur veritatem nudam, quantum quidem fieri potest, hominibus proponere debent, ac proinde *simpliciter* & propriè loqui.

Nec tamen, ut hîc dicam quod res est, malè institutum fuit, ut cæteri homines dum non philosophantur, istius *philosophica simplicitatis* jugum excutiant, & imaginationi indulgeant. Etenim cum *VERITAS*, circa quam versantur Philosophi, sit admodum brevis & uniformis, si homines puram & nudam veritatem *simpliciter* ubique exprimere vellent, citò ad silentium vel ad injucundas redigerentur repetitiones, sicque societas interiret. Omnes veritates ad quasdam easque paucissimas generales classes possunt referri, quibus peractis eadem dicenda semper recurrerent, vel silendi necessitas incumberet. Hinc factum est, ut homines ad societatem nati, tropos & figuras tum in verbis tum in rebus invenirent, quibus res easdem, licet diversa sub veste, indefinenter sibi mutuò offerrent. Adeò, ut de plerisque illorum libris & colloquiis, si quis absque præjudicio & seclusis sensibus judicare velit, comperiat haud dubiè in iis sub innumeris propè ornamentis & externis modis veritatis & realitatis oppidò parùm subesse. Sed hæc vulgus observare necesse non est, immò nequit, utpote quòd de omnibus per sensus judicet. Utinam saltem qui Philosophi audire gestiunt, ad id attenderent. Hoc pacto enim studia ita instituerent sua, ut veritate à veritatis speciebus secretâ, ab ingentium illorum voluminum lectione abstinerent, quæ, si sola veritas ex iis exprimeretur, ad paucissimas redigerentur paginas, & fuitiles illas syllogisticas disputationes procul arcerent, in quibus dies toti consumuntur ad rem evolvendam, quæ unico momento simpliciiori methodo confici posset.

Verùm præter hæc de *simplicitate* generatim dicta, præsiùs ago, & dico styli simplicitatem hîc non modò fuisse consentaneam, verùm

P R Æ F A T I O

etiam inevitabilem relatè ad authoris propositum. Totus hic nihil sapit, nihilque disertius commendat quàm *simplicitatem*. Immo Capita integra destinantur ad impugnandum plerorumque authorum fastum atque *ρύφον*. Versatur circa sensuum, imaginationis & affectuum errores, qui ab idearum confusione & *multiplicitate* duntaxat oriuntur. Ac denique methodum tradit, quâ scientiæ revocari possint ad principia simplicissima. Quid igitur, si *simplicitatis* præcepta stylo inflato & eloquentiæ floribus ubique distincto tradidissem? Certè pro hoc Opere, ab omnibus tantopere jamdudum desiderato, nihil publico communicasse meritò dicerer, præter monstrum Horatiano simile.

Ad ea quæ minùs Latina forsan in hac versione reperientur. Non inficior multos posse passim occurrere Gallicismos, cùm interpres sit Gallus. Sed si Germanus aut Anglus eidem Operi incubuissent, occurrerent pariter phrasæ Germanicæ & Anglicæ, & sic de cæteris. Addo etiam me Latinæ linguæ non studuisse tantum, ut Latinam linguam callerem, sed duntaxat ut res Latino idiomate scriptas in authoribus tum antiquis tum recentibus intelligere possem. Quemadmodum dotes suas hominibus natura variè distribuit, sic proinde varia ipsis competunt negotia & studia. Sunt qui linguæ Latinæ genium, energiam, proprietates & vices accuratissimè assequuntur, quippe qui à natura ad id fuerint comparati. Si ejusmodi viri huic versioni operam navassent, Latinitate puriori & elegantiori usi fuissent, sed res forsan minùs clarè & energicè expressissent, quippe qui eas minùs clarè intellexissent. Jam autem illud Opus non ad titillandas aures, sed ad mentem erudiendam destinatum fuit. Quanquam reverà Galli felices prædicari debent, quorum solum tantùm tulit virum, quem linguâ sibi vernaculâ loquentem audire, & scribentem legere possint. Cæterùm, si multa circa meam Latinitatem desiderentur, id possum respondere, quod Cartesium respondisse alicubi legi, iis, qui rem eandem ipsi vitio vertebant. Nempe illos qui perfectam Latinæ linguæ cognitionem sunt assequuti, nullam ex ea habere prærogativam quam non haberet ancilla Ciceronis.

Uno verbo, ut istud mislum faciam, etsi illâ puriori & accuratiori Latinitate uti voluissem, id nec potuissem nec debuissim. Quum enim juxta novas ideas (novas intelligo respectu nostri, non in se) ratiocinetur author, novis etiam utendum fuit terminis, quibus illæ alligarentur ideas. Nempe termini usitati ideas vulgares & *usitatas* excussissent. Unde fit, ut nemo ad Librum Latinum faciendum se accingere

I N T E R P R E T I S.

accingere debuerit, nisi prius, principiis in eo expositis altè imbutus. Ac quemadmodum oportuit Interpretem sæpe sensibus & imaginationi silentium imponere, ad excogitandos terminos, qui res exprimerent, eadem etiam necessitas incumbit Lectoribus, ut occasio-
net terminorum adhibitorum, ideas habeant quas ipsos habere par est.

Denique, qui objicient multa in ea versione occurrere & obscura & ἀκατάληπτα, viderint, ne obscuritas, quam tribuunt Interpreti, ipsis sit potius tribuenda. Multos vidi qui eandem quererentur obscuritatem & ἀκατάληπτον in Exemplari Gallico; ac eosdem pariter monebam, illud vitium ipsorum ingenii tarditati potius esse imputandum quàm authori, qui clarè quidem loquitur, licèt ab attentis duntaxat intelligi possit.

Sunt malè feriat quidam homines, qui, quas primo intuitu non sunt assequuti, veluti absurda & intentione indigna respuunt, vulgaribus ideis præpediti, si quid ipsis inusitati offeratur, illud veluti ineptum aut hæreticum igni addicunt. Sic, philautiâ duce, ignorantiam & stupiditatem suam obtegunt. Nemo igitur animum despondeat; veritas non est indigna quæ hunc ab hominibus laborem & patientiam impetret.

Ac certè, ut hic exemplo utar ad rem apprimè facienti, si quid unquam obscuri & ἀκατάληπτο in lucem prodierit, id de Aristotelis Interpretibus dicere posse mihi videor. Id quod ex eo patet, quòd integra volumina conflata fuerint, in quibus, quid de hac vel illa re senserit Aristoteles, ultrò citroque disputatur. Nihilominus tamen, quo ardore, quâ perseverantiâ in Scholis leguntur isti Interpretes, qui Aristotelem veluti Proteum quendam multiformem inducunt? Illum æstum aliquot abhinc annis multis in locis deferbuisse equidem fateor. Sed tamen adhuc plures sunt Peripatetici, quàm veri Philosophi. Veros Philosophos intelligo, qui nulli sectæ, nullive Magistro speciali addicti, rectâ ratione utuntur, illam sedulò interrogant, & ipsius responsiones attentè auscultant ad res naturæ cognoscendas. Jam verò à diligentibus illis Stagiritæ Philosophi affeclis, qui ipsius Interpretes diurnâ nocturnâque versant manu, lubens petam, quid à laboribus suis fructus tandem perceperint? an naturam meliùs quàm antea cognoscant? an effecta per causas faciliùs explicare possint? an talia habeant principia, ex quibus pro re nata, consequentias deducant necessarias ad solvenda obvia quælibet dubia? an se ipsos & sui authorem distinctiùs quàm antea cognoscant? an à sensuum & imaginationis impe-

P R Æ F A T I O

rio possint sese aliquando ad res ut in se sunt inspiciendas, extricare, an denique incomparabilem istam, circa quam tantopere desudant, Philosophiam senserint lumen menti & cordi sanctitatem aspersisse? ausim dejerare illos, si equidem sint sinceri, inanitatem suam esse fasturos. Quod si superbia ipsos sincerè mentem aperire vetet, loquantur modò, proprio ferro ipsi sese jugulabunt. Audias illos terminis vagis & barbaris, confusa, insulsa & indigesta quædam, thrasonicâ audaciâ deblaterantes, nihil verò certi, nihil distincti, nihil solidi. Adeò, ut ipsorum systema terminorum potius quàm rerum systema dicas. Præterea sunt superbi, acres, morosi, iracundi &c. Atque hæc sunt egregia Philosophiæ Scholasticæ emolumenta. Si igitur in libris adeò inutilibus, ne dicam perniciosis, legendis & evolvendis tempus consumere & omnes vorare difficultates non dubitaverint hucusque Philosophiæ Studiosi; omnem profectò superaret absurditatem, si propter leves quasdam difficultates deterrentur à legenda versione istius tantæ spei Operis *de Inquirenda Veritate*. Stultum est equidem difficiles habere nugas, sed veritatem quolibet pretio sibi comparare viri sapientis est. Lectorem igitur bono animo esse, & errores in hac versione admissos nobis indicare enixè rogamus.

Istud enim specimen est duntaxat, quod publici juris facimus, totum Opus emendaturi, si viri cordati sinceris & benignis nos dignentur admonitionibus. Nec id modò. Si hoc initio satisfactum fuerit publico, iis quæ supersunt ejusdem authoris scriptis, nempe *tractatui de natura & gratiâ, colloquiis Christianis, Meditationibus Christianis, Responsioni ad Arnoldum, & Systemati Ethica Christiana*, mox publicandis, operam nos duros esse pollicemur. Nec certè hujus laboris nos poenitebit. Dum modò hic Liber ab extraneis non legatur eodem modo ac spiritu, quo jam à plerisque popularibus nostris lectus fuit. In Gallia nemo non legit hunc Librum; at quotusquisque est, cui eo lecto sit mens perspicacior & purior, judicium rectius & subactius? unde istud? Causam sine dolore non possum afferre. Nempe legunt hunc librum & cæteros ejusdem generis tanquam historias, quas equidem memoriâ tenent, & de quibus ubi casus postulat multa historicè narrabunt. Sed ubi ipsis incumbit proprio Marte ratiocinari, de rebus judicium ferre, verum à falso dignoscere, ac denique vitæ justum genus cooptare, ipsos ut antea videas sensuum, imaginationis & affectuum imperio mancipatos in ratiocinia confusa & absurda, in judicia vulgaria relapsos, verum pro falso, & falsum pro vero accipere, à ratione in omnibus aberrare, ac idem vitæ & studio-

rum

I N T E R P R E T I S.

rum genus eligere, ac si nulla unquam hac de retradita essent præcepta. Quia scilicet, cum bonos libros in proprium succum & substantiam convertere debuissent, illos sine attentione, examine, philæthiâ, rationis & libertatis usu, sed duntaxat famæ sibi conciliandæ gratiâ legerunt,

Ceterum, quemadmodum quæ in hac præfatione à me dicta sunt, auctori legitimè non possunt imputari, quamvis ab ipsius cogitationibus & genio me accommodare conatus fuerim; pariter æquum non esset mihi omnes omnino sententias auctoris tribuere. Recordari debet Lector me hîc Interpretem agere non verò authorem. Auctor nihil equidem proferre debet quod reverâ intus non sentiat. Ac proinde per ipsius scripta aut verba de ipsius sententiis meritò judicamus. Sed de Interprete secus se habet. Omnia juxta auctoris mentem fideliter exprimere tenetur, etiam reluctante mente. Res omnes auctoris sunt, sola Latinitas est Interpretis.

Hæc Lectorem monere operæ pretium duxi. 1. Ne iisdem præconceptis opinionibus, quibus præpediri solent Commentatores, & eadem ratione Interpreter etiam præpediri videar. Certè de auctore istius Operis malè mererer, si in ipsius verba jurarem, ipsique *ἀναπαύσασθαι* tribuerem; cum ipse caput integrum destinaverit ad explodendum futilem Commentatorum & Interpretum consuetudinem, qui auctores suos ad astra evehere solent, *vid. Cap. VII. Lib. II.*

2. Quia, licet systema & institutum auctoris si generatim accipiatur omnem veritatem, utilitatem, & accuratorem, ut ita dicam, superet; si tamen speciatim inspicatur, multa poterunt passim occurrere, quæ vix sese uniuscujusque menti probabunt. Possumus asserere nullum esse humanum Opus, quod humanitatem non sapiat, ac proinde quod in quibusdam non erret & errare videatur, si speciatim examinetur. Auctor ipse Cartesium in genere probat, multa tamen specialia in ipso & quidem meritò carpit. Nec debet nobis succensere, immò non succensabit si de illo idem judicium feramus, quod ipse tulit de Cartésio. Itaque hîc moneo me ita esse affectum, ut tum circa ea quæ in hoc libro clarissima & certissima mihi visa sunt, tum circa ea quæ minùs clara & certa immò omnino falsa judicavi, judicium meum pariter suspendam. Poterit enim fieri, ut ea quæ nunc probo imposterum accuratiori examine factò vel melioribus adductis argumentis sim improbaturus, & quænam vel ex tarditate ingenii vel ex præjudiciis improbo aut non assequor, sim postea & approbaturus & assequuturus. Hæc meâ declaratione viris cordatis & æqui

I N T E R P R E T I S.

æqui amantibus poterit satisfieri, & os obturari malevolis istis hominibus, qui, in aliorum sententias ambitiosè & tyrannicè inquirentes, minimam erroris umbram, immò sæpe veritatem, si recens sit resecta & ipsis incognita, velut hæresin traducere audent. Ceterùm cùm ingenui & liberalis nec modesti Interpretis sit sese authoris censorem gerere, ab iis, quæ in hoc Libro minùs certa mihi equidem visa sunt, enarrandis supersedebø.

Articulum duntaxat de Voetio Theologo Reformato attingere operæ pretium existimavi. Etenim cùm hæc versio in usum extraneorum, inter quos Voetius plurimùm floruit, sit comparata, cùmque Opus ipsum veritates omnibus Christianis communes, quæ non obstante religionum discrepantiâ possunt admitti, contineat; forsan plurimi inter Christianos Reformatos dictos, de quibus Voetius benè meritus est, & erga quem proinde sunt benè affecti, ægrè ferent illum ab authore adeò malè excipi, & hoc solo præoccupati, ab hujusce tam utilis Operis lectione deterrebuntur. Ut igitur authori, seu potiùs veritatibus, quas exponit, patrociner, sedato animo dicam quod res est. Fateor Voetium fuisse præstantem Theologum, vastâ eruditione præditum, & in eo quod consecratus studiorum genere cæteris palmam facilè eripuisse. Sed strenuè etiam asserere debeo, ipsum immeritò & zelo sine cognitione in Cartesium fuisse invectum. Et virum hunc, cæterùm eximium & judicio præditum, hîc tamen sine judicio sese affectibus & præjudiciis mancipasse, ut Cartesium proscinderet, quia ad novum Studiorum genus ipsius scriptis adigi videbatur. Itaque author noster quoad rem meritò à Cartesii partibus stat adversùs Voetium, licèt quod ad modum rei certè immeritò in Voetium tam acerbè invehatur. Id nec Philosophum, multo minùs Christianum, decuisse videtur. Verùm ne in authoris rationes arcanas æquo curiosiùs inquiramus, ut pateat authorem sponte sine occasione & fundamento non carpisse Voetium, poterit legi *Epistola Cartesii ad Gisbertum Voetium*, ibi totum istud negotium delucidabitur.

At verò hujusce totius Operis de *Inquirenda Veritate*, lectione & accuratâ meditatione, omnem malevolentiam & maledicentiam adversariorum Cartesii compressum iri speramus. Illius enim principiis ad utilitatem publicam & ad veritatis propagationem adeò feliciter usus est author noster, ut qui de fonte per rivos judicaverit, non dubitet Deo gratias agere, quòd tantum veritatis vindicem suscitaverit, qualis fuit Cartesius. Sed ut de illo specialiùs agamus re-

latè

I N T E R P R E T I S.

latè ad authorem nostrum. Observandum est in Cartesio, duo esse accuratè distinguenda, scilicet, veritates speciales à veritatibus generalibus & methodo illarum docendarum. Veritates generales quas docuit sunt veræ quidem & certæ, hoc est, inter illas & mentis assensum, manifesta & necessaria deprehenditur relatio. Ita ut Philosophia, quam Cartesius docuit, quatenus ex his generalibus veritatibus constat, non tam dici debeat Philosophia Cartesii, quàm Philosophia universalis, quæ omnium hominum, cujuscunque tandem sint gentis & sæculi, mentibus insita est, sed quam crassis præjudiciorum tenebris obnubilaverant, quamque Cartesius methodo suâ è puteo veluti eruit. Qui igitur Cartesio hæc in parte succensent, videant, ne veritatis & rationis ipsius sese præstent antagonistas. Dixi, veritates illas naturales è tenebris, quibus obruebantur, Cartesii methodo emeruisse. Reverà, videmus illarum veritatum semina passim disjecta in antiquis Philosophis, ut in Pythagora, Platone & Aristotele. Verùm, quia veritates illæ in ipsorum mente erant indigestæ, nec ad illas attendebant, illas inscii in scriptis ex impetu naturæ sine ordine & intempestivè disseminârunt, ita ut Lectores eas quoque incogitanter præterirent. Sed Cartesius illas in ordinem digerendo, atque ut veritates graves proponendo, attentionem excitavit, eoque homines adduxit, ut intra se collecti iis assensum præbuerint, ac ut principiis certis usi fuerint, quæ in aliis Philosophis veluti per transennam legerant. Hinc igitur patet, quàm iniquè circa hæc nonnulli Cartesio indignentur.

Ad veritates speciales quod spectat, possumus dicere illas esse Cartesii, quandoquidem industriâ & ingenio suo illas ex veritatibus generalibus secundum methodum supradictam deduxerit. Itaque cum è veritatis & rationis sinu immediatè non educantur, illas prætere & accipere non debemus, ut veritates certas & immotas. Sed tamen ob eas non est quòd Cartesio succenseamus, immò ipsi grates agere debemus, quòd, in specialibus illis hypotheseis statuendis, innixus fuerit veritatibus generalibus & invictis, methodumque adeò accuratam sequutus, ut res ad verum propius adduxerit, quàm antea adductæ fuerant. Itaque si quis secundum eadem principia eandemque methodum, novas circa specialia hypotheses nobis proponat, non modò attentionem ipsi non sumus denegaturi, verùm assensum pollicemur, si viderimus illum rem acu feliciter tetigisse, quàm Cartesius. Qui circa Cartesium hoc non utuntur temperamento, nec distinguunt inter veritates generales & speciales, omniaque indiscriminatum & præfractè defendunt, *Cartesiani* merito dicuntur, hoc est, ali-

)(

cujus

P R Æ F A T I O .

cujus Sectæ nomine meritò indignantur, nam Cartesius ipsos pro discipulis non agnosceret.

Verùm ut Cartesii causam plenius agamus: distinguenda est ipsius Philosophia quandiu mansit in merâ speculatione, ab eadem ejus Philosophiâ in praxin redactâ. Licet enim veritas in se ipsa sit amanda: & res non dicantur veræ aut falsæ, nisi quatenus sunt in mente ac proinde speculativæ, utiles verò vel noxiæ quatenus sunt in corde seu voluntate, hoc est, quatenus in praxin rediguntur. Tamen quia homines non tam ad speculandum quam ad agendum nati videntur, & utile illos longè vividius afficit, quam verum: tantopere non miror, homines primo intuitu in Philosophiam Cartesianam insurrexisse, quandiu illius utilitas, quam per se, ob socordiam, pertinaciam & stupiditatem, apprehendere non poterant, ipsis demonstrata non fuit. Veritates illæ erant novæ; quomodo igitur ab hominibus, quibus philautia suggessit, se omnes assequutos fuisse veritates, admitti potuissent? Certè hominibus sic affectis novum & hæreticum perinde est. Deinde veritates illæ erant difficiles, quia erant inusitatæ. Igitur stupendum non est, homines ingemuisse, immò rinxisse, dum unius hominis fungi instar intra unius noctis spatium nati causâ, eò se devenisse senserunt, ut prioribus cognitionibus sibi adeò caris & familiaribus abdicatis, novam omnino & incognitam insisterent viam, totumque cerebri ordinem inverterent, ut illud ideis hætenus inauditis induerent. Certè id nec per pigritiam, nec per superbiam licebat. Denique, cui bono, aiebant, tantæ molis opus aggredi? an his perfectiores & feliciores sumus evasuri? his enim incitamentis solent agere homines. Absurdum esset cognitiones, quæ hætenus commodis nostris tantopere inservierunt, nunc deferere, ad amplectendas cerebrosi cujusdam speculationes. Sic ratiocinabantur ingenia obtusa, & legitimè quidem, si ad illorum dispositionem animum advertas, at nunc saltem obloqui desinant. Ex arbore per ipsius fructus judicent. Hunc Librum, qui totus Cartesii principiis generalibus & methodo innixus est, attentè legant, meditentur, relegant. Ausim asserere, vel mentis meæ naturam à natura mentis cæterorum hominum diversam esse, vel ipsos esse experturos, libri illius lectionem tantam menti lucem & capacitatem, judicio accuratorem, & cordi sanctitatem aspersisse, quantam ex ullo libro humano unquam percipere potuerint. Meditentur leges illas seu canones illas capite secundo primi Libri traditos, ad vitandum errorem in scientiis, illâ Cartesii Meditatione fretus, quæ pristinas omnes cognitiones in dubium vocare jubet, ut nihil admittatur, quod distinctè

I N T E R P R E T I S.

distinctè & evidenter non perceptum fuerit. Certè si omnibus & singulis occasionibus observentur hi canones, illorum ope eò certitudinis deveniemus, ut tantùm non infallibiles dicamur. Totum etiam systema de sensibus, imaginatione, & mente purâ nititur illâ meditatione Cartesii, in qua statuitur distinctio corporis & mentis. Jam autem ex illo systemate accuratè examinato potest expromi Ethica Christiana, quæ ad mores nostros, juxta Dei voluntatem informandos, mirum in modum inserviet. Deinde quæcunque passim habet Author noster de legibus naturæ & gratiæ, nituntur meditatione Cartesii, quâ Deus definitur *Ens summè perfectum*. Ita ut, qui ad ideam illam clarè attenderit, Deo nihil ipsius majestate indignum sit tributurus. Per multa alia possem asserere, quibus Cartesio hominum gratiam conciliarem. Sed unumquemque per se experiri juvabit.

Cùm itaque Docti huc usque *locis* quibusdam *communibus* addicti fuerint, ex quibus nihil præter falsam eruditionem generi humano atque etiam Christianismo noxiam sibi comparaverunt, moneo ipsos hocce Libro, ut *Loco communi* ad omnes scientias posse uti. Cùm enim inter veritates, licèt circa diversa occupentur, sit quædam analogia & veluti sympathia, ubi semel ad unam recta via strata fuit, ad cæteras iter perquam facillimum est. Hæc digna essent, quæ fusiùs explicarentur, si per præfationis angustias liceret. Sed suppono me ad viros perspicaces loqui. Tantùm generalia tradam præcepta, quibus utiliter legi possit istud Opus. 1. Hic liber eo animo legendus non est, vel ut refutetur, vel ut admittatur, sed duntaxat ut veritas in eo quaratur, ideoque attentè, sine ullo affectu, nisi erga veritatem. 2. Legendus non est tumultuariè, aut vicibus nimis interruptis, vel per partes duntaxat, sed ipsius lectio à principio est incipienda & ad finem usque perducenda. Etenim si quasdam illius partes separatim legas, in ea forsitan incidēs loca, quæ tibi absurda & ridicula videbuntur, quia à toto systemate ita pendent, ut separatim non possint intelligi. 3. Legendus non est etiam curioso & ambitioso animo, sed mens ab omnibus affectibus & philautia vacua, in ejus lectione adhibenda est. Denique legendus non est, ut historia quædam, in eo enim non facta, sed res continentur, iste liber non est memoriæ, sed mentis & judicii exercitium.

Cæterùm non est, quòd quis animum despondeat propter terminorum novitatem ac veluti insolentiam. Attendat modò Lector, familiares sibi reddat illos terminos, sese palpet, consulat & videbit eorum occasione claras in ipsius mente excitari ideas. Conetur per

P R Æ F A T I O

se alios invenire, & nullas res aptius exprimere posse mirabitur. Deinde terminos illos opponat terminis Scholasticis, quibus assuevit, videbit hos ab illis differre, quantum tenebræ differunt à luce. Saltem termini Authoris nostri tales sunt, ut, cum ideas claras & distinctas excitent, ea quæ exprimunt possint intelligi, examini subjici & rejici, si falsa aut mala sint, admitti verò si bona aut vera. At verò cum termini Scholastici sint confusi & æquivoci nullasque nisi æquivocas & confusas excitent ideas, eorum ope de rebus, quas exprimunt, aut exprimere deberent, judicium ferri nequit. Quo malo penè orbis terrarum in ignorantiam & errorem delapsus est. Ubi enim homines authoritate graves quicquid libet sub terminis æquivocis & obscuris proferunt & obtudunt, quò mortalia pectora non cogunt? sed hæc non urgebo, invidiam in me movere metuens.

Denique qui objicient, Authorem esse in quibusdam nimis abstractum & Metaphysicum; attendant opus istud, nec circa res vitæ ordinarias, nec circa Politicam, nec immediatè circa Ethicam & Religionem, sed immediatè & præcisè circa veritatem versari. Equidem periculosum esset in rebus vitæ ordinariis ad abstracta & Metaphysica ferri, quia sic homines ab actione, quæ tum sola utilis est, ad speculationem præposterè detorquerentur. Si homo, antequam cibum sumeret, singulas particulas & configurationes cibi, quomodo fiat brachii motus, dum attingit cibum, quænam sit analogia inter cibum & palatum, unde nascatur sensatio doloris aut voluptatis occasione cibi orta, quomodo fiat concoctio &c. examinare veller; priusquam hæc omnia examinasset, fame enecaretur. Circa res religionis res non secus se habet. Exempli gratiâ, Scriptura nos docet, *fidem esse ex auditu*, officium igitur Christiani est, verbum audire, & ad illius auditum converti. Sed si veller inquirere, quomodo vox præconis, à se sat longè distantis, posset ipsius aures ferire, deinde quomodo ab auribus ad mentem perducatur, quomodo fiat ista unio & veluti *correspondentia* inter res adeò diversas, ut sunt mens & corpus, & quænam sit relatio inter terminos seu sonos, quibus utitur præco, & res quas ille percipit; hisce speculationibus Philosophicis, à Christiani officio, quo credere, & secundùm fidem agere tantùm tenetur, longè abduceretur. Et sic de cæteris. At verò de rebus Philosophicis, quæque circa rerum veritatem simplicem & præcisam versantur, res secus se habet. Ad illas plenè & planè exponendas necessariò utendum est ratiociniis abstractis.

Verùm quia vox illa *abstractum* forsan eodem modo ab omnibus

I N T E R P R E T I S.

bus non intelligitur, illius æquivocatio est amovenda. Per res *abstractas* vulgus intelligit res quaslibet difficiles & inusitatas, quas intelligere vix potest. Ita, ut quælibet absurda, chimerica, falsa, uno verbo, quælibet meteoremata, *abstracta* vocet. Hoc sensu facemur Philosophos uti non debere ratiociniis abstractis, veritatemque iis non explicari; atque Authorem nostrum iis usum fuisse negamus. Ad aliam igitur significationem *abstracti* transeundum est. *Abstracta* propriè significant ea, quæ seclusis sensibus mente purâ percipiuntur, & terminis ita simplicibus & propriis exprimuntur, ut nullam ideam sensibilem in mente excitent. Hæc equidem difficilia sunt, quia sunt inusitata, & homines longè frequentius sensibus utuntur, quam mente, atque hinc factum est, ut vulgus omnia difficilia & inusitata *abstracta* dixerit. Sed negamus *abstracta* posteriori sensu accepta, in se difficiliora esse, cum sint simplicissima & clarissima, nobisque (si attendamus) maximè intima. Hoc autem sensu accepimus vocem *abstracti*, dum diximus, nihil quicquam posse planè & plenè explicari, nisi ad ultima rationis principia, quæ abstracta sunt & Metaphysica, deveniatur. Ac reverâ cum sensus & affectus duntaxat comparati fuerint ad vitæ & societatis conservationem, jam autem ad illas conservandas opus non sit res cognoscere ut in se sunt; si sensus & affectus consuleremus circa rerum veritatem, ex iis nihil certi addisceremus. Igitur mens pura abstrahenda est à sensibus, ut de rebus quales in se sunt, sine ulla aliena relatione, judicare possimus. Si quis, exempli gratiâ, è vulgo me hîc scribentem videns rogaret, ut ipsi ostenderem, quomodo possim scribere, certè ipsi ludibrium deberem, si rem Metaphysicè exponerem. Cedò calamum, inquirem, chartam & atramentum & ostendam tibi, quomodo scribam. Si verò Philosophus à me rem eandem quærerèt, supponendo quædam principia è Philosophia nostra petita, ipsi rem breviter satis possem exponere. At si perpetuò urgeret, principiaque mea impugnaret, aut sibi probari optaret, tum, ad illa probanda, utendum esset ratiociniis valde abstractis & Metaphysicis? Unde patet rem minimam non posse planè & plenè explicari, nisi seclusâ mente à sensibus, ut secundum ideas simplicissimas & purissimas judicare possit. Quicquid sit, attendat Lector, ut abstractiones Authoris vitio vertere desinat. 1. Ipsum res ad veritatem propiùs adduxisse, hâc ratione abstractâ, quàm antea adductæ fuerant. Quod solum ab homine potest legitimè exigi. 2. Et si principiis istis abstractis multa expugnari videantur, recordandum est gravissima incommoda eò nos adducere non debere, ut à principio

cipio

PRÆFATIO INTERPRETIS.

cipio claro & indubitato desistamus. Quia mens finita, innumeras relationes percipere non valens, omnes non potest solvere difficultates, quæ in principio certo deprehendi possunt. 3. Abstractiones mentis esse utilissimas, ubi illarum ope ea evidenter mente percipimus, quæ fide & revelatione jam acceperamus. Cùm autem abstractiones Authoris nostri sint hujus generis, non video, cur quenquam repugnantem haberent. Sed sentio me jam limites prætergressum fuisse.

Tamen Præfationem facio, non Librum. Hic igitur subsisto,
& Lectorem impensè rogo, ut hanc meam
opellam æqui bonique
consular.

F I N I S.



P R Æ F A T I O.

Niger Creatorem & Creaturas corporeas naturā suā medium tenet mens hominis, cum juxta D. Augustinum, supra illam nihil sit, præter Deum solum, nihil verò infra præter corpora. Sed quemadmodum ingens ipsius supra res materiales eminentia non obstat, quo minus in uniat, immò ab aliqua materia portione pendeat; ita distantia infinita, quæ inter Ens summum & mentem humanam intercedit, non obstat pariter, quo minus hac illi immediatè, & perquam intimè uniat. Hæc ultimā unione mens supra omnia eminet, vitam, lucem, & totam sui felicitatem ab ea consequitur; Et Augustinus de illā unione, tanquam de unione maximè naturali & essentiali menti, passim loquitur: Contrā verò unio mentis cum corpore illam maximè deprimit, & omnium ipsius errorum ac miseriarum nunc causa est.

Vulgus hominum, aut Ethnicos Philosophos, in mente nihil præter ipsius relationem & unionem cum corporibus, nullatenus verò ipsius unionem & relationem cum Deo, considerare, equidem non miror. At Philosophos Christianos, quos Spiritum Dei ingenio humano, Mosem Aristoteli, D. Augustinum misello cui-
dam Philosophi Ethnici Commentatori antepopere decet, in ea versari errore ut mentem potius habeant, tanquam formam corporis, quàm ut factam ad imaginem Dei & propter imaginem Dei, hoc est, juxta Augustinum, propter veritatem, cui soli immediatè unitur, illud est quod omnem superat admirationem. Mens equidem corpori est unita, & illius naturalis est forma. Sed illam Deo unione longè strictiori & magis essentiali uniri constat. Ipsi relatio ad Corpus posset non existere; sed ipsius relatio ad Deum ita essentialis est, ut mentem à Deo creati, sine illa relatione, concipere nemo possit.

Nihil est potentius illā creaturā, quæ mens dicitur rationabilis, nihil est sublimius. Quicquid supra illam est, jam Creator est. Tr. 23. in Joan. Quod rationali animæ melius est, omnibus consentientibus. Deus est, Aug.

Ad ipsam similitudinem non omnia facta sunt, sed sola substantia rationalis: quare omnia per ipsam, sed ad ipsam, non nisi anima rationalis. Itaque substantia rationalis & per

XXX

Deum

ipsam facta est, & ad ipsam non enim est ulla natura interposita. Lib. 1. sup. de Gen. ad Lin. Re. dissimè dicitur factus ad imaginem & similitudinem Dei, non enim aliter incommutabilem veritatem posset mente conspiciere. De ver. Rel.

Deum non posse agere nisi propter se, evidens est; mentes non posse creare nisi ut ab ipsis cognoscatur & ametur, nullam ipsis posse impertiri cognitionem, nullumq; imprimere amorem, nisi propter se, quiq; ad se non tendat, evidens est; at mentes potuit non unire corporibus, quibus jam uniuntur. Itaq; relatio mentis humana ad Deum, est naturalis, & necessaria; sed relatio mentis ad corpus, quamvis naturalis sit, non est tamen omnino necessaria.

Omnes auctoritates & rationes, quibus ad id adducimur ut credamus magis essentiale esse menti humana uniri cum Deo, quam uniri corpori, proferre hic non attinet, id per Praefationis angustias non licet. Ut enim hac veritas dilucide explanaretur, praecipua Philosophia Ethnica fundamenta essent convellenda, mala ex peccato orta exponenda, experientia falsò sic dicta, impugnanda, ac denique adversus sensuum prajudicia & illusiones esset ratiocinandum.

Res tamen ingeniis attentis, veramq; Philosophiam edoctis facile potest probari. Sufficit enim eos hujus commonefacere; nempe cum voluntas Dei naturam uniuscujusq; rei determinet, natura menti longè melius competere uniri Deo per cognitionem veritatis, & amorem boni, quam uniri corpori, cum, ut jam dictum est, certum sit, mentes à Deo fuisse creatas ad ipsum cognoscendum & amandum potius, quam ad informanda corpora. Illud argumentum mentes perspicaces primâ fronte commovere, postea attentas prabere, ac denique convincere potest. At verò homines carnis & sanguinis participes, quos omnium prater eorum, qua sensibus percipiuntur, cognitio fugit, ejusmodi ratiociniis convinci impossibile est. Cum ejusmodi hominibus utendum est argumentis crassis & sensibilibus, quia ipsis solidum nihil videtur, nisi in sensus agat.

Mens quod non sentit, nisi cum purissima & beatissima est, nulli cohaeret, nisi ipsi veritati, quae similitudo & imago patris, & sapientia dicitur.

Primi hominis peccatum unionem mentis nostrae cum Deo ita imminuit, ut duntaxat perspiciatur ab iis, quorum cor purum est & mens oculata; illa unio iis omnibus qui judicia sensuum, & affectuum motus cæco impetu sequuntur, imaginaria videtur.

Contrà verò, unionem mentis cum corpore ita corroboravit, ut istas duas nostri partes habeamus, veluti unicam substantiam seu potius sensibus & affectibus nostris ita nos mancipavit, ut corporis nostri praecipuam esse partem existimemus.

Dum

Aug. lib. imp. de Gen. ad lit.

Dum ad varia hominum attendimus negotia, ad id meriti adducimur, ut credamus illos de se ipsis admodum abjectè & crasse sentire. Cum enim felicitatis & perfectionis sint omnes cupidi, & ad id tantum collaborent, ut feliciores aut perfectiores evadant, quis non judicet, corpus & corporis bona ab illis anteponi menti & bonis mentis, dum perpetuo versantur circa res corporeas, rarerè verò cogitant de iis, quæ ad mentis perfectionem conferre possunt.

Plerique labore indefesso in id duntaxat desudant, ut miseram hanc possint sustentare vitam, & liberis opes corporis conservationi necessarias relinquunt.

*Si verò quos fortuna aut nativitas ab isto necessitate rele-
lo exemit, exercitiis & occupationibus suis non magis arguunt, se
mentem ut nobilissimam sui partem existimare. Venatio, Cho-
rus, Ludus, epula illos habent totos. Ipsorum mens corpori man-
cipata omnes hasce delectationes, licet ipsa indignas magnificis.
Quia verò corpus omnibus sensibilibus relatione aliquâ unitur,
mens non modò corpori, verum etiam per Corpus & propter cor-
pus omnibus sensibilibus mancipatur; Nam per corpus uniuntur
cognatis, amicis, civitati, muneri & omnibus, quæ possident bonis
sensibilibus, quorum conservatio ipsis æquè utilis ac necessaria vi-
detur ac sui ipsorum conservatio. Itaq; bonorum quibus fruun-
tur conservatione, eorum quæ non possident cupidine, gloria & di-
gnitatum ambitione, longè magis occupantur & agitantur, quàm
mentis perficienda studio.*

*Ipsi docti, quiq; ingeniosi audire gestiunt, maximam vite
partem consumunt in actionibus mere animalibus aut quæ sal-
tem ejusmodi sunt, ut arguant illos valetudinem, bona & fa-
mam, mentis perfectioni præferre. Studia in id potius institu-
unt, ut magnitudinem chimericam in hominum imaginatione
positam sibi concilient, quàm ut mentis vim & capacitatem au-
geant. In caput suum ut in armarium quoddam indiscrimina-
tim & sine oratione congerunt, quicquid quendam eruditionis cha-
racterem præ se fert, hoc est, quicquid rarum & extraordinarium
videri, & aliorum admirationem movere potest. Illis Curiosita-
tum & antiquitatum apothecis, in quibus nihil est solidi, & qua-
rum pretium in sola imaginatione, affectu & fortuna situm est,
similes esse gloriuntur, ac nullam ferè ad id conferunt operam,
ut mentis rectitudinem consequantur, & cordis motibus dominen-
tur.*

Non exi-
gua homi-
nis portio,
sed totius
humanae
universita-
tis substan-
tia est. An.
hres. 6. hexa.

7.

Id tamen ex eo non oritur, quòd homines omnino ignorent se mente pradtos esse, & mentem illam esse prapipnam ipforum partem. Immo centies experti sunt famà, divitiis, valetudine per aliquot annos potiri, non tanti esse; & omnia in genere corpo- ris bona, qua non nisi per corpus & propter corpus possidentur, esse bona imaginaria & caduca. Neminem hominum latet pra- stare esse justum quàm divitem, rectum admittere rationis u- sum, quàm ernaitum esse, ingenio vivaci & perspicaci, quàm cor- pore agili, pradtum esse. Non possunt, quin has veritates vide- ant, dum se ipsos serio consulunt. Homerus, exempli gratià, qui Achillem suum ob pedum velocitatem laudat, si ad rem atten- disset, vidisset sanè hanc laudem equis aut canibus venaticis me- lius competere. Alexander insignibus latrociniis famosus, eas- dem nonnunquam in intima ratione audiebat objurgationes ac- sicarii & latrones, licèt assentatoribus undiq, stipatus. Et Casar in Rubiconis transitu terrorem à conscientia sibi incussum, non po- suit non patefacere, ubi ambitioni Patria libertatem immolare tandem decrevit.

Ubi que ve-
ritas prae-
stet omni-
bus consu-
lentibus te.
simulque
respondes
omnibus
etiam di-
versa con-
sulentibus.

Mens quamvis corpori arctissimè unita, unitur tamen etiam Deo, immò ipso momento, quo à corpore sensationes vivi- das & confusas recipit, à veritate aeterna, qua ipsius menti pra- est, officii sui cognitionem accipit. Ubi à corpore fallitur, à Deo corporis fallacia monetur. Ubi corpus ipsi abblanditur, à Deo laeditur, ubi corpus ipsi congratulatur, Deus illam intus increpat, & legis purioris & sanctioris lege carnis, quam sequuta est, mani- festatione condemnat.

Liquidè tu respondes, sed non liquidè omnes audiunt. Omnes unde volunt consulunt, sed non semper quod volunt audiunt. Conf. S. Aug. l. 10. C. 26.

V. Quint.
Curs. 7. 18.

Alexander Scytharum admonitionibus, linguà exoticà fa- ctis, non indigebat, ut suum cognosceret officium; ab illo qui Scy- thas & Gentes maximè barbaras instituit, leges justitiae edoctus fuerat. Lumen veritatis, qua omnes illuminat homines, ipsi

Intus in etiam affulgebat, & vox natura, qua nec Gracè, nec Scythicè, nec domicilio Barbarè loquitur, ipsum ut ceteros homines, sermone clarissimo cogitatio- compellabat. Frustra illum officii sui admonebant, dum Deus nis, nec He- ipsius cor non alloquebatur. Vel potius Deus equidem ipsius cor braza, nec alloquebatur, verum ille solus audiebat Scythas, à quibus ipsius Latina, provocabantur affectus, proinde extra se ipsum rapiebatur, ita ut nec Barba- veritatis vocem, licèt illà territus, non audiret, ipsius lumen, quo ra veritas, tamen perfundebatur, non videret. Fateor linguae or- ganis, sine strepitu syllabarum. Conf. Aug. lib. 11. c. 3.

Pateor equidem unionem nostram cum Deo eò magis imminui & debilitari, quò magis unio nostra cum sensibilibus augetur & corroboratur, sed tamen unio illa penitus destrui nequit quin totiprius destruamur. Quamvis enim qui in vitium ruunt, & sese voluptatibus ingurgitant, veritatem non sentiant, ipsi tamen uniuntur, veritas ipsos non deserit, sed illa ab ipsis deferitur. Lumen veritatis lucet quidem in tenebris, sed tenebras non semper dissipat: quemadmodum lumen solis cæcis & iis, qui oculos claudunt, circumfulget, licet illos non illuminet.

Videtur quasi ipse à te occidere, cum tu ab ipso occidas. Aug. in Psal. 25.

Nam etiam sol iste & videntis faciem illustrat & cæci, ambobus sol præsens est, sed præsentem sole unus abiens est. Sic & Sapientia Dei Dominus J. C. ubique præsens est, quia ubique est veritas, ubique sapientia. Aug. in J. b. Tract. 35.

*De Unione mentis nostra cum corporibus res non secus se habet. Illa minuitur prout unio nostra cum Deo augetur. Verum nunquam penitus destruitur nisi morte nostra. Licet enim eadem nobis esset illuminatio, & aequè à rebus sensibilibus abstraheremur ac Apostoli, ex quo peccatum irrepsit, necesse est mentem nostram pendere à corpore, & legem carnis perpetuò resistere legi spiritus. Mens eò maiorem puritatem, perspicacitatem, fortitudinem & capacitatem assequitur, quò magis ipsius unio cum Deo augetur; quia ex illa unione pendet tota ipsius perfectio. Contra vèò corrumpitur, debilitatur, occæcatur, coarctatur, prout unio ipsius cum corpore augetur & corroboratur; quia illa unio totam ipsius constituit imperfectionem. Illius itaque dispositio, qui de omnibus per sensus iudicat, in omnibus affectuum motus sequitur, & iis tantum delectatur, quæ ipsum palpant, omnium est maxime miserabilis; & sic affectus, à veritate & bono perquam longè distat. * Sed ubi quis de rebus per ideas puras mentis tantum iudicat, creaturarum tumultum sedulo refugit, & apud se ipsum silentibus affectibus & sensibus summum Magistrum auscultat, extra omne erroris periculum versatur.*

Quod hic dico de duabus unionibus mentis cum Deo & cum corpore, intelligi debes iuxta modum vult. Vult. concipiendi. Etenim constat mentem non posse uniri immediate nisi cum Deo; hoc est, mentem à solo Deo verè dependere; ac si unatur corpori, aut ab eo pendeat, id fit, quia voluntas Dei operatur efficaciter hanc unionem & dependentiam. Sed hæc in operis serie satis percipiuntur.

Deus eos nunquam fallit à quibus interrogatur seriâ applicatione, & integrâ mentis ad ipsum conversione, quamvis iis semper non respondeat; verum ubi mens à Deo ad creaturas deficit, atque ad veritatem consequendam corpus tantum interrogat, & sensus, imaginationem & affectus ipsi indefinenter ad murmurantes audit, tum manifestum & perpetuum ipsi imminet erroris periculum. Sapientia & veritas, bonum & felicitas,

) () (3

non

* Quis enim benè se inspiciens non expertus est, tantò se aliquid intellexisse sincerius quantò removere, atque subducere intentionem mentis à corporis sensibus potuit. Augustinus de immortal. anima cap. 10.

non sunt bona, quæ à corpore possint sperari, ab eo solo, quæ si supra nos & à quo esse nostrum accepimus, perfectionem consequi possimus.

*L. 1, de Gen.
ad lit. c. 50.*

Ilac egregiè nos docet Augustinus, Principium, inquit, creaturæ intellectualis est æterna sapientia, quod principium manens in se incommutabiliter, nullo modo cessat occultâ inspiratione vocationis loqui ei creaturæ, cui principium est, ut convertatur ad id ex quo est, quodd aliter formata ac perfecta esse non possit,

*Joan. ap. 1.
cap. 1. v. 2.*

Scimus quoniam cum apparuerit, similes ei erimus; quoniam videbimus eum sicuti est, inquit Johannes. Hac contemplatione veritatis æterna, ad illud magnitudinis fastigium, ad quod omnes creatura spirituales natura necessitate tendunt, extollemur.

*Corpus
quod cor-
rumpitur,
aggravat a-
nimam.
Sap. 9. 10.*

Verum quândiu hic in terris degimus, corporis pondus mentem deprimit; illam perpetuò à Dei præsentia, aut ab illo lumine interno quò illuminatur abstrahit; in id omnino emittitur, ut ipsius unionem cum sensibilibus objectis adaugeat, illamq; ad id adigit, ut omnia sibi representet, non prout in se sunt, sed prout sunt relatè ad vita conservationem.

*Terræna
inhabitatione
deprimat
sensum
multa cogi-
tationem,
& difficile
existima-
mus quæ in
terra sunt,
& quæ in
prospectu
sunt inve-
nimus cum
labore. Sap. 9. 14.*

*Corpus, juxta Sapientem, mentem tanto sensationum numero implet, ut res maximè obvias cognoscere nequeat; corporis visus perstringit & dissipat visum mentis. Nec fieri potest, ut veritas quapiam oculis mentis percipiatur, eodem tempore, quò ad eam cognoscendam oculis corporis utimur. Atq; hinc patet solâ mentis attentione veritates regi, & scientias addisci, cum reverrà attentio mentis nihil aliud sit, præter ipsius conversionem ad Deum, solum magistrum nostrum, & à quo in omni possumus informari veritate, solâ ipsius substantia manifestatione, ut loquitur Augustinus. **

** Deus intelligibilis lux, in quo, & à quo, & per quem intelligibilia per lucem omnia. 1. Sol. Insinuavit nobis (Christus) animam humanam non vegetari, non illuminari, non beatificari, nisi ab ipsa substantia Dei. Augst. in Joh.*

Ex his omnibus liquet impetui corporis adversus mentem esse perpetuò resistendum, ad id paulatim assuescendum, ut respuamus testimonium, quod sensus nostri nobis perhibent de omnibus corporibus, quibus circumdamur, quæ semper ab illis nobis representantur ut digna applicatione & studio nostro: namque sensibilia attentionem nostram nec occupare nec sistere debent. Hanc veritatem nos docuisse videtur Sapientia æterna incarnatione sua.

*suâ. Postquam enim carnem sensibilem ad supremam evexit dignitatem, summâ ejusdem carnis humiliatione nobis, quanto-
pere objecta sensibilia aspernari debeamus, ostendit. Hanc fortè
ob causam dicebat Paulus, se non cognoscere JESUM CHRISTUM
secundum carnem: Etenim carni Jesu Christi non est immoran-
dum, sed spiritui carne velato. Caro vas fuit, quod habebat at-
tende, non quod erat, inquit Augustinus. * Quicquid est visi-
bile aut sensibile in JESU CHRISTO, non meretur adorationes
nostras, nisi propter unionem cum Verbo, quod solius mentis obje-
ctum esse potest.*

*Ille auto-
ritas divina
dicenda est
quæ non
solum in
sensibilibus
signis tran-
scendit
omnem
humanam
facultatem,
sed & ipsum
hominem
agens, o-*

*scendit ei quousque se propter ipsum deprefferit, & non teneri sensibus, quibus videntur illa
miranda; sed ad intellectum jubet evolare, simul demonstrans, & quanta hic possit, & cur
hæc faciat, & quàm parvi pendat. Aug. 2. de ord. 9. * Tract. in Joan. 27.*

*Iis qui Sapientia & felicitatis sunt cupidi, planè necesse est,
suprà dicta altâ mente reposita manere. Non sufficit eos dictis
meis fidem adhibere, & hæc veritate veluti subitaneo quodam
lumine perstringi. Id apud eos innumeris experimentis & de-
monstrationibus extra omne dubium positum constare oportet, ita
ut è mente deleri nunquam possit, & omnibus studiis & cæteris
vita occupationibus semper præsens adsit.*

*Qui hoc nostrum opus attentè legere dignabuntur, hanc
mentis dispositionem, nî fallor, induent. In eo enim multifariam
ostendimus, sensus, imaginationem & affectus nostros nobis esse
inutiles ad relegendam veritatem, & bonum nostrum; quin nos
potius perstringere & ubique decipere, ac in genere, omnes quas
mens, per corpus, vel propter motus quosdam in corpore excita-
tos, recipit cognitiones, esse falsas & confusas, relatè ad objecta,
qua repræsentant; quamvis sint utilissima ad conservationem
corporis, & bonorum, quæ cum corpore relationem habent.*

*In isto, quod publici juris facimus, Opere, multi impugnan-
tur errores; ac ii præcipuè, quæ apud vulgus hominum maximè
obtinuerunt, aut qui majorem mentis pariunt inordinationem;
ac illos errores penè omnes procedere ex unionem mentis cum cor-
pore ostenditur. Multis in locis menti servitutem suam & de-
pendentiam à rebus sensibilibus patefacere conamur, ut vaser-
num excutiat & liberationem suam aliquo conatu tentet.*

*Præter simplicem aberrationum nostrarum expositionem,
ibi etiam mentis natura explicatur. Missâ, exempli gratiâ, lon-
giori errorum specialium sensuum & imaginationis enumerati-
one, causis illorum errorum præcipuè insistitur. Facultates men-*

tis

tis & errores generales quibus obnoxii sumus, explicando, eodem tempore innumeri errores speciales, in quos incidere possumus, explicantur. Totum itaque istud opus circa mentem humanam versatur. Illam in se ipsa, relatè ad corpora, & relatè ad Deum consideramus. Omnium ipsius facultatum natura examinatur; usus ex illis percipiendi ad vitandum errorem indicantur. Denique pleraque eorum, quæ ad progressum in cognitione hominis faciendum utilia existimata fuere, exponuntur.

Omnium Cognitionum pulcherrima, jucundissima & maximè necessaria sanè est cognitio nostræ. Ex omnibus scientiis humanis, scientia hominis homine maximè digna est: hæc tamen scientia omnium non est maximè exculta & perfectæ. Illam vulgaris penitus negligit. Inter eos, qui scientias profitentur, pauci huic operam dant; ac inter eos, qui huic ex professo operam dant, pauciores adhuc felicem sortiuntur exitum. Qui periti apud homines audiunt, non nisi admodum confuse vident differentiam essentialem, qua est inter mentem & corpus. Ipse Augustinus qui hæc duo entia ita apprimè distinxit, se illam differentiam diu ignorasse fatetur. Et quamvis mentis & corporis proprietates explicando, eos omnes qui ante & post ipsum ad nostrum usque sæculum hac de materia scripserunt, reverà superaverit; opera tamen pretium fecisset, si corporibus, quæ nos ambiunt, omnes qualitates sensibiles, quas eorum operâ percipimus, non tribuisset; Etenim illa qualitates in idea, quam habebat de materia, clarè non continentur. Differentiam itaq; mentis & corporis non nisi ab aliquot annis clarè motam fuisse, strenuè dicere possumus.

Confess. l. 4.
c. 15.

Nonnulli mentis naturam sibi optimè notam esse arbitrantur. Plurimi illam cognosci non posse persuasum habent. Denique maximus numerus, cui bono illa cognitio possit inservire, non deprehendit, illamq; hanc ob causam spernit. Verùm omnes ista adeò vulgares opiniones ex imaginatione & inclinatione hominum potius oriuntur, quàm ex visu claro & distincto mentis. Nempe non sine fastidio & labore possunt intra se colligi, ut suas cognoscant arumnas & infirmitates, & scientiis curiosis quæq; aliquem præ se ferunt fulgorem rimandis delectantur. Cùm extra se perpetuò divagentur, propria sua mala non norunt. Se bene valere arbitrantur, quia sese non sentiunt. Immo eos qui morbum suum deprehendere remediis uti agere ferunt eosque,

eosq; dum sanitatem suam restituere conantur, morbum sibi contrahere dicunt.

Verum sublimia illa, si Deo placet, ingenia, qua abditissima natura arcana scrutantur, qua mente caelos petunt, & in abyssos descendunt, quid ipsi sint recordari deceret. Hucce ingentibus objectis forsan duntaxat perstringuntur. Mentem extra se ipsam excedere oportet, ut tot & tanta possit attingere, jam verò extra se exire non potest, quin dissipetur.

Homines ad id nati non sunt, ut Astronomi & Chymici fiant, ut perpetuò ad telescopium pendeant, vel fornaci adhæreant, ac ex istis postea operosis observationibus consequentias satis inutiles deducant. Astronomus terras, maria, & montes in Luna primus deprehenderit; maculas Solis primus viderit, illiusq; motus accuratè supputaverit. Chymicus tandem assequutus fuerit arcanum figendi Mercurium, vel conficiendi istud Alkaert, quò Vanhelmontius se corpora omnia dissolvere posse jaclabat; an inde sapientiores & feliciores evaserunt? Forsan aliquam sibi conciliaverunt famam: verum, si ad rem attenderunt, hac fama ipsorum auxit servitutem.

Astronomia, Chymica, & cetera penè omnes scientia, possunt haberi tanquam viri cordati & ingenui oblectamenta: Verum ob illarum fulgorem non debent praferri scientia hominis. Quamvis enim imaginatio ideam quandam magnitudinis Astronomiae alliget, quia hac scientia versatur circa objecta magna, fulgida, & supra alia infinitis distantius edita; hanc tamen ideam mens certa non debet amplecti veneratione: illius judicem se gerere, ac illam fastu sensibili, quò ratio praevertitur, spoliare debet. Mens de omnibus juxta Lumina sua interna, rejecto falso & confuso sensuum & imaginationis testimonio, judicare debet, ac si juxta purum veritatis lumen de omnibus scientiis humanis judicet, ausim asserere, illas penè omnes ab ipsa contemnendas esse, eam verò, qua nos docet quid simus, ceteris omnibus anteponendam.

Satius igitur ducimus Veritatis amantes hortari, ut de hujus operis materiâ judicent juxta responsa, qua à supremo omnium hominum magistro, seriò ab ipsis interrogato, accipient, quàm illos ingenti oratione, qua fortè pro quodam loco communi & vano praefationis ornamento haberetur, praevertere. Quòd si hanc materiam attentione & studio suo dignam existiment, illos iterum rogator velim, ne de rebus in hoc libro contentis judicent juxta

))(())

rationem

Nolite putare quendam hominem aliquid discere ab homine. Admonere possumus per strepitum vocis nostrum, si non sit intus qui doceat, inanis fit strepitus noster. *Aug. in Joh.*

rationem bonam vel malam quâ exprimantur, sed semper sese apud se recipiant, ut verâ judiciorum normâ utantur.

Cum persuasum omnino habeam homines sese mutuo docere non posse; ac eos, qui nos audiunt veritates, quas ipsorum auribus insusurramus, non discere, nisi eodem tempore, qui eas non docuit eas etiam ipsorum menti manifestas faciat; eos adhuc monere teneor, qui hoc Opus legent, ne bono aliquo erga me affectu moti mihi temerariè credant, neve odio praoccupati dicta mea impugnent. * Quamvis enim hic nihil à me in medium prodisse credam, quod meditatione non fuerit acquisitum, me tamen pigrescit si sententias meas alii admitterent, sine matura cognitione, & in errorem aliquem laberentur, vel quia eas satis non intelligerent, vel quia ipse hallucinatus fuisset.

* Auditus per me factus, intellectus per quem S. dixit aliquis & ad cor vestrum, sed non cum videtis. Si intellexistis fratres, dictum est, & cordi vestro. Munus Dei est intelligentia. *Aug. in Joh. Tr. 40.*

Nonnullorum Doctorem, qui in verba sua jurari exigunt, superbia nobis videtur intolerabilis. Denique postquam loquuti sunt interrogari agra ferunt, qui ipsi Deum non interrogavere. Statim atque ipsorum placitis fidem quis adhibere negat, exacerbantur, ac tenebras ipsorum imaginationis, puro veritatis luminis, quod mentem illuminat, praeferri volunt.

Hanc agendi rationem absit ut imitemur, quamvis illam imitari saepe accusemur. Facta & experimenta à nobis allata credi equidem optamus; quia hac non addiscuntur applicatione mentis ad rationem supremam & universalem; sed quoad omnes veritates, quae in veris rerum ideis deprehenduntur, quas veritas aeterna in intimo rationis nos docet; quoad illas, inquam, monemus non esse acquiescendum cogitationibus nostris; haud enim leve ducimus crimen sese, hoc imperio in mentes, Deo pacem facere.

Noli putare te ipsam esse lucem. *Aug. in Psal.*

Ceterum inter rationes, ob quas istud Opus attentissime legi optamus, praecipua est, ut errorum à nobis admissorum moneamur, etenim erroris immunitatem non affectamus. Mens corpori tam arcte unitur, & ab eo ita dependet, ut non immerito vereamur nos non semper accurate distinxisse tumultum confusum imaginationis à pura Veritatis, quae mentem alloquitur, voce.

Si Deus solus nos alloqueretur, ac de iis tantum quae intelligimus judicaremus, hisce JESU CHRISTI verbis forsitan uti possemus: Sicut audio, sic iudico, & iudicium meum justum est.

Johan. c. 5. v. 30.

Verum

INDEX CAPITVM.

LIBER PRIMVS.

De Erroribus Sensuum.

CAPUT I. 1. De naturâ & proprietatibus intellectûs, 11. De naturâ & proprietatibus voluntatis, ubi quid sit libertas examinatur, pagina 1

CAPUT II. I. De judiciis & ratiociniis. II. Illa à voluntate pendere III. Quomodò respectû illorum quisque uti debeat libertate suâ. IV. Duo proponuntur canones generales, quibus error & peccatum vitari possint. V. In canones istos animadversiones quædam necessariæ adduntur. p.7.

CAPUT III. Responsiones ad objectiones quasdam. In ea quæ dicta sunt observationes. p.11.

CAPUT IV. I. De causis erroris occasionalibus, & quidem esse quatuor præcipuas. II. Totius hujusce operis generale propositum, & speciale hujusce primi libri. p.15.

CAPUT V. DE SENSIBUS, Corruptio quam peccatò contraxerunt bifariam explicatur. Libertatem nostram esse veram errorum nostrorum causam, non verò sensûs. Canon, quò in usû sensuum nostrorum errorem vitemus, proponitur. p.17.

CAPUT VI. De erroribus visûs respectû extensionis in seipsâ consideratæ. Errores illi ad objecta invisibilia extenduntur: De erroribus oculorum nostrorum circa extensionem respectivam. p.23.

CAPUT VII. De erroribus oculorum nostrorum circa figuras. Nos de minimis nullam habere cognitionem. Cognitionem quam de maximis habemus non esse accuratam. Quædam judicia naturalia, quibus errorem vitamus, explicantur. Eadem ipsa judicia in occasionibus quibusdam singularibus nos decipere. p.31.

CAPUT VIII. Ab oculis nostris nos non doceri magnitudinem aut celeritatem motûs in se considerati. Durationem ad motum.

INDEX CAPITVM.

cognoscendum necessariam, nobis ignotam esse. *Exempla errorum visus nostri circa motum & quietem.* p.34

CAPUT. IX. Idem argumentum tractatur. Errores visus nostri circa motum generaliter demonstrantur. Cognoscendam esse objectorum distantiam prius quam de ipsorum motus velocitate iudicium fiat. Rationes quibus distantiae cognosci possunt examinantur. p.37

CAPUT X. De erroribus circa qualitates sensibiles. Distinctio animæ & corporis. *Organæ sensuum explicantur.* Cui corporis parti animæ immediatè unitur. Quid objecta externa agant in corpus. Quid in mentem, & cur mens non percipit motus fibrarum corporis. Quatuor in unaquaque vulgò confunduntur. p.44.

CAPUT XI. De errore quem admittimus circa actionem objectorum in fibras externas sensuum. Causa hujus erroris. Objectio cum responsione. p.48

CAPUT XII. De erroribus circa motus fibrarum sensuum nostrorum. Hosce motus nobis esse imperceptos vel à nobis confundi, cum sensationibus nostris. Res experimento probatur. Tria sensationum genera. Errores quos secum ducunt. p.50.

CAPUT XIII. De natura sensationum. Circa eas ignorantiam nostram non eam esse quam credimus. Objectio cum responsione. Cur nullam sensationum nostrarum cognitionem nos habere existimamus. Omnes homines eorundem, objectorum occasione, iisdem affici sensationibus, falso credi. Objectio cum responsione. p.54

CAPUT XIV. De fallis judiciis quæ sensationes nostras comitantur, quæque cum iis confundimus. Causæ horumce falsorum judiciorum. Errorem non esse in sensationibus nostris, sed duntaxat in his judiciis. p.60

CAPUT XV. Errores speciales visus explicantur, ut exemplo fiat errorum generalium sensuum. p.63

CAPUT XVI. Errores sensuum nostrorum nobis esse loco principiorum generalium & fecundissimorum ex quibus falsas conclusiones elicimus quæ suo loco principiorum vices gerunt. Differentiarum essentialium origo. De formis substantialibus. De quibusdam erroribus Philosophiæ scholasticæ. p.65

CAPUT XVII. Aliud exemplum ex Ethica desumptum, ex quo patet sensus nostros nihil nobis offerre præter falsa bona. Deum solum esse verum nostrum bonum. Errorum Epicureorum & Stoicorum origo. p.68

CAPUT

INDEX CAPITVM.

CAPUT XVIII. Sensûs nostros nos in errores injicere etiam circa res non sensibiles. Exemplum ex hominum commercio & consuetudine mutuâ deductum. Ex habitu externo ei sensibili judicium non esse statuendum. p.70

CAPUT XIX. Duo alia exempla. 1. Prius de erroribus circa naturam corporum. Posterius de erroribus circa qualitates eorundem corporum. p.72

CAPUT XX. Hujusce primi Libri conclusio. Sensus nobis tantum concessos fuisse in usum corporis nostri. Ipsorum testimonio diffidendum esse. Illum non paulum promovisse, qui ritè atque opportunè dubitare didicit. p.75

LIBER SECVNDVS.

De Imaginatione.

PARS PRIOR.

CAPVT I. Idea generalis imaginationis. Ipsam duas in se includere facultates, alteram activam, alteram passivam. Causa generalis mutationum quæ fiunt in imaginatione hominum, & fundamentum hujusce secundi libri. p. 77

CAPVT II. De spiritibus animalibus, & mutationibus quibus in genere obnoxii sunt. Chylum ad cor transire, atque in spiritibus mutationem adferre. Vinum idem efficere. p. 84

CAPUT III. Aërem quem spiramus aliquam etiam in spiritibus. Immutationem adferre.

CAPUT IV. De mutatione quam in spiritibus efficiunt nervi illi qui cor & pulmones attingunt. De mutatione quam efficiunt nervi, qui jecur, lienem & viscera attingunt. Hac omnia citra voluntatis nostræ consensum nec tamen sine providentia fieri. p. 84

CAPUT V. De memoria & habitibus. p. 88

I CAPUT VI. Fibras cerebri non mutari æquè celeriter ac spiritus. Tres mutationes in tribus hominis ætatibus. p.91

CAPUT VII. De communicatione quæ est inter cerebrum matris & cerebrum infantis ipsius. De communicatione quæ est inter cerebrum nostrum, & cæteras corporis partes quæ ad imitationem misericordiæque movemur. Explicatio generationis monstrorum, & propagationis specierum, Quædam inordinationes mentis & in-

INDEX CAPITVM.

clinationem voluntatis explicantur. De concupiscentia & peccato originali. Objectiones cum responsionibus. p. 92

CAPUT VIII. Mutationes quas in infantis ex utero matris exeuntis imaginatione, mutuo cum nutrice, genitrice, aliis commercio, contingunt. Præcepta ad eos benè educandos utilia traduntur. p. 104

PARS SECVNDA.

De Imaginatione

CAPUT I. De imaginatione mulierum. De imaginatione virorum. De imaginatione senum. pag. 110

CAPUT II. Spiritus plerumque tendere in vestigia idearum nobis maximè familiarium, unde fit ut rectum de rebus iudicium ferre non possimus. p. 114

CAPUT III. De vinculo mutuo inter ideas mentis & vestigia cerebri & de vinculo mutuo vestigiorum cum vestigiis, & idearum cum ideis. p. 116

CAPUT IV. Eos qui literis & scientiis operam dant errori magis obnoxios esse. Cur malimus autoritate niti, quàm ratione uti. p. 123

CAPUT V. Duo pravi effectus lectionis in imaginationem. p. 126

CAPUT VI. Homines studio dedidos alicui ut plurimum auctori sese mancipare, adeò ut in id unum colliment, ut nempe quid ille auctor tenuerit, non verò quid tenendum sit, accuratè discant. p. 128

CAPUT VII. De præconceptis Commentatorum opinionibus. p. 132

CAPUT VIII. De novorum systematum inventoribus. I. VI. Primus eorum error, qui studio scientiarum operam dant. p. 137

CAPUT IX. De Ingeniis effeminatis. De ingeniis superficialiis. De viris autoritate præditis. De iis qui experimenta faciunt, p. 139

PARS TERTIA.

De communicatione contagiosa imaginationum fortium.

CAPUT I. De illa dispositione quâ ad alios in omnibus imitandos propendimus, unde manat communicatio errorum qui ab imaginationis

INDEX CAPITVM.

tionis facultate dependent. Dux causæ principales quæ illam augment dispositionem. Quid sit imaginatio fortis. Eam esse multiplicem. De infantis ac de iis qui imaginationem fortem secundum sensum hîc explicatum habent. Duo vitia memorabilia eorum qui habent imaginationem fortem. Quàm sint idonei ad persuadendum & fucum faciendum. p. 145

CAPUT II. Exempla generalia quibus vis imaginationis demonstratur. p. 149

CAPUT III. De vi imaginationis quorundam Authorum. De Tertulliano. p. 156

CAPUT IV. De Imaginatione Senecæ. p. 158

CAPUT V. De Libro Domini Montagne (nobilis Galli.). p. 165

CAPUT VI. De sagis & veneficis imaginariis, seu de iis qui imaginationis vi se fascinosos & fascinantes credunt, & Lycanthropis. Concluduntur duo primi Libri. p. 172

LIBER TERTIVS.

De Intellectu seu mente pura.

CAPUT I. Sola cogitatio essentialis est menti. Sentire & imaginari nihil aliud sunt præter ipsius modificationes. Omnes non cognoscimus modificationes quas mens potest suscipere. Illæ modificationes diversæ sunt à cognitione nostrâ & amore nostro, immò ipsas non semper sequuntur. p. 177

CAPUT II. Cum mens sit finita non potest capere quod pertinet ad infinitum. Ipsius mentis limitatio seu angustia multorum errorum origo est. Et præcipuè hærescit mens est submitenda fidei. p. 183

CAPUT III. Philosophos ingenium suum opprimere ac veluti dissipare dum nullo in studiis suis ordine servato, rebus incumbunt quæ nimias in se includunt relationes, & à pluribus pendent. Exemplum ex Aristotele desumptum. Geometras contra se bene gerere in veritatis investigatione, ac eos potissimum qui Algebra & Analyti utuntur. Ipsorum methodum vim ingenij augere, Logicam verò Aristotelis ipsam minuire? Aliud vitium eorum qui studio operam dant. p. 187

CAPUT IV. Mens non potest diu incumbere objectis quæ nul-

INDEX CAPITVM.

iam secum habent relationem, aut quæ cum infinito nihil habent commune. Voluntatis inconstantia causa est istius mentis in applicationis & per consequens erroris. Sensationes nostræ nos magis occupant quàm idæ puræ intellectus. Ex quo manat morum corruptio. Ut & ignorantia vulgi. p.190

PARS SECVNDA.

De Intellectu puro.

CAPUT I. Quid per ideas intelligatur. Illas reapse existere, ipsasque necessarias ad percipienda objecta omnia naturalia. Diviso omnium modorum quibus objecta externa percipi possunt. p.196

CAPUT II. Objecta materialia nullas mittere species sibi similes. p.199

CAPUT. III. Mentem præditam non esse virtute producendi ideas. Causa erroris in quem hæc de re labuntur homines. p.201.

CAPUT. IV. Nos non percipere objecta per ideas nobiscum creatas. Deum eas in nobis non producere, quotiescunque ipsis indigemus. p.205.

CAPUT. V. Mentem nec essentiam nec existentiam objectorum videre suas perfectiones considerando. Deum solum objecta hoc modo percipere. p.206

CAPUT VI. Nos omnia in Deo videre. p.208

CAPUT VII. Quatuor diversæ rationes res videndi. Quomodo Deus cognoscitur. Quomodo corpora cognoscuntur. Quomodo unusquisque mentem suam cognoscit. Quomodo mentes cæterorum hominum, & puræ intelligentiæ cognoscuntur. p.214

CAPUT VIII. Præsentia intima idæ vagæ entis in genere est causa omnium abstractionum inordinatarum mentis, & plerarumque chimærarum Philosophiæ vulgaris, quæ impediunt quo minus multi Philosophi agnoscant soliditatem verorum principiorum Physices. Exemplum de essentia materiæ. p.218

CAPUT IX. Vultima causa generalis errorum nostrorum. Ideas rerum non semper præsentibus adesse menti statim atque id optamus. Omnem mentem finitam obnoxiam esse errori, & cur res sic se habeat. Iudicandum non esse nihil existere præter corpora aut spiritus nec iudicandum esse Deum esse Spiritum, ut alios concipimus spiritus

INDEX CAPITVM.

spiritus.

p. 225

CAPUT X. Exempla quorundam errorum Physices in quos labuntur homines, quia supponunt res quæ naturâ suâ, qualitatibus, extensione, duratione, & proportionem differunt, esse similes in hisce omnibus.

p. 228

CAPUT XI. Exempla nonnullorum errorum circa Ethicam ab eodem principio pendentium

p. 234

Concluduntur tres primi Libri.

p. 237

LIBER QVARTVS.

De Inclinationibus seu motibus naturalibus mentis.

CAPUT I. Spiritus debent habere inclinationes, quemadmodum corpora habent motus. Deus nullum dat motum spiritibus nisi propter se. Spiritus non feruntur versus bona specialia, nisi per motum quo versus bonum in genere feruntur. Origo præcipuarum inclinationum naturalium in quas dividetur quartus hic Liber.

p. 240

CAPUT II. Inclinatione versus bonum in genere est principium inquietudinis voluntatis nostræ. Et per consequens negligentiae nostræ & ignorantiae. Primum exemplum. Ethica plerisque hominibus parum nota. Secundum exemplum. Immortalitas animæ à nonnullis impugnatur. Ignorantiam nostram esse maximam circa res abstractas, aut quæ parum habent relationis ad nos.

p. 244

CAPUT III. Curiositas est naturalis & necessaria. Tres leges quibus illa possit intra justos limites contineri. Prima illarum legum explicatur.

p. 454

CAPUT IV. Pergitur in eadem materiâ. Secunda curiositatis lex explicatur.

p. 259

CAPUT V. De secunda inclinatione naturali, aut de philautiâ. Dividitur philautia in amorem ? esse & ? bene esse, seu in amorem magnitudinis & voluptatis.

p. 262

CAPUT VI. De inclinatione quâ versus id omne quod nos supra ceteros extollit, ferimur. De falsis nonnullorum piorum iudiciis. De falsis supersticiosorum & hypocritarum iudiciis. De Voetio Cartesij adversario.

p. 265

CAPUT VII. De scientiæ desiderio ac Doctorum falso sic dictorum iudiciis.

p. 270

2 4

INDEX CAPITVM.

CAPUT VIII. I. De desiderio, quo homines docti videri cupi-
unt. II. De ἡδονῶν Doctorum colloquiis. III. De Ipsorum ope-
ribus. p.274

CAPUT IX. Quomodo propensio hominum versùs dignitates &
divitias eos in errorem injiciat. p.280

CAPUT X. De voluptatis Amore relatè ad Ethicam. I. Voluptas
fugienda est licet non efficiat felices. II. Voluptas ad bonorum sen-
sibilibium amorem nos ferre non debet. p.282

CAPUT XI. De amore voluptatis relatè ad scientias speculativas.
I. Quomodo amor ille nos à veritate retengenda arceat. II. Exempla
afferuntur. p.288

CAPUT XII. De effectis quæ bonorum & malorum cogitatio in
mente edere potest. p.297

CAPUT XIII. I. De tertia propensione naturali, nempe de amici-
tiâ quâ cæteros homines prosequimur. II. Ista propensio eò nos fert
ut amicorum nostrorum cogitationes probemus eosque falsis laudi-
bus decipiamus. p.302

LIBER QVINTVS

De Affectibus.

CAPUT I. De natura & origine affectuum in genere. p.310

I. CAPUT II. De unione mentis cum rebus sensibilibus, vel de vi &
extentione affectuum in genere. p.314

CAPUT III. Explicatio Peculiaris omnium mutationum quæ men-
ti & corpori à perturbationibus seu affectibus afferuntur. p.319

CAPUT IV. Voluptates & motus affectuum nos in errorem as-
pectu boni injicere, ipsis indefinenter esse resistendum. Ratio impu-
gnandi libertinismum. p.328

CAPUT V. Perfectionem mentis consistere in ipsius unione cum
Deo per cognitionem veritatis & per amorem virtutis, & contrà ejus
imperfectionem oriri ex corporis in ipsam imperio, propter inordina-
tionem ipsius sensuum & affectuum. p.334

CAPUT VI. De Erroribus generalibus sensuum. Quædam exem-
pla generalia afferuntur. p.340

CAPUT VII. De affectibus speciatim, & primò de admiratione &
pravis ipsius effectis. p.344

CAPUT VIII. Tractatur eadem materia. De recto admirationis
& ex-

INDEX CAPITVM.

& cæterorum affectuum usu. p.357.

CAPUT IX. De amore & odio, variisque utriusque speciebus. p.362.

CAPUT X. De affectibus speciatim, & in genere de ratione illos explicandi, & agnoscendi errores ex his oriundos. p.367.

CAPUT XI. Omnes affectus sese excusare: & de judiciis in quæ nos conijciunt ad sui excusationem seu justificationem. p.372.

CAPUT XII. Affectus, seu passiones quibus malum est pro objecto, esse maximè periculosas & injustas; easque quæ cum minima conjunguntur cognitione, esse omnium vividissimas, & maximè sensibiles, p.377.

LIBER SEXTVS

De Methodo.

CAPUT I. Hujusce libri Institutum declaratur, ut & duæ rationes generales conservandæ evidentia in investigatione veritatis, quæ hujus libri argumentum constituent. p. 381.

CAPUT II. Attentionem esse necessariam ad conservandam evidentiam in cognitionibus nostris. Modificationes mentis illam reddere attentam, sed ipsius capacitatem percipiendi plus æquo distrahere. p.384.

CAPUT III. Quomodo utendum sit affectibus & sensibus ad conservandam mentis attentionem. p.386.

CAPUT IV. De usu imaginationis ad conservandam mentis attentionem, & de utilitate Geometriæ. p.391.

CAPUT V. De modis augendi extentionem & capacitatem mentis. Arithmetica & Algebram ad id omninò necessarias esse. p.403.

PARS SECUNDA.

De Methodo.

CAPUT I. De Legibus observandis in veritatis investigatione. p.412.

CAPUT II. De Lege generali quæ versatur circa materiam studiorum nostrorum. Philosophos scholasticos illam

INDEX CAPITVM

non observare, quod multorum in Physicâ errorum causa est. p.415.

CAPUT III. De Errore periculosissimo Philosophiæ veterum. p.420.

CAPUT IV. Explicatio secundæ partis legis naturalis. Illam à Philosophis non observari. Cartesium verò illam accuratè observasse. p.427.

CAPUT V. Explicatio principiorum Philosophiæ Aristotelis, ubi ostenditur, illum nunquam observasse secundam partem regulæ generalis, & quatuor ipsius elementa, & qualitates elementares, examinantur. p.441.

CAPUT VI. Præcepta generalia necessaria ut ordine procedatur in inquirenda veritate & in delectû scientiarum. p.455.

CAPUT VII. De usû primæ regulæ quæ spectat quæstiones speciales. p.463.


CAPUT VIII. Applicatio cæterarum regularum ad quæstiones speciales. p.474.

CAPUT IX. Ultimum exemplum ut istius operis utilitas patefiat. In hoc exemplo causa unionis partium corporum inter se invicem, & leges communicationis motuum examinantur. p.487.

Concluduntur tres postremi libri. p.508

FINIS INDICIS CAPITVM.

DE INQUI-



D E
INQVIRENDA
VERITATE.



LIBER PRIMVS.
DE ERRORIBVS SENSUUM.
CAPVT PRIMVM.

*I. De natura & proprietatibus intellectûs. II. De natura
& proprietatibus voluntatis, ubi quid sit libertas exa-
minatur.*



ERROR humanæ miseriæ causa est, ex hoc pessimo principio fluxere, omnes quæ inter mortales irrepserunt, ærumnæ. Is est scilicet, qui in mente nostrâ, cuncta quibus conflictamur mala, gignit fovetque; adeò ut frustrâ quisquam solidam veramque speret felicitatem, qui prius errori vitando seriam non dederit operam.

Homines, ideò tantum esse miseros, quòd peccatores sint & rei, ab ipsa Scriptura sacra, docemur; jam autem nec peccatores essent, nec rei, nisi assensu quem errori præbent, peccato sese manciparent.

Si autem error est reverâ, fons humanæ miseriæ, par est haud du-

biè ut quolibet nifu ab eo sese expediant homines. Nec certè ipsorum operam, quamquam plenum non sortiatur effectum, inutilem tamen & sterilem omnino fore, existimandum est. Si erroris immunes non evadunt, saltem multò rarius errabunt; si omnibus malis sese non subducunt, nonnulla saltem declinabunt: in hisce terris, erroris immunitatem frustra ambias, ac frustra proinde perfectam speres beatitatem. At quia liberationem nostram ab infirmitatibus, assiduis exoptamus votis, assiduo pariter labore, in errorem depellendum nos incumbere decet. Quid plura? non secus ac mens nostra, fœlicitatis quam vel non sperat, desiderio tamen flagrat, sic tota eò tendere debet, ut ab errore fiat vacua, licet, id consequi, frustra speraret.

Libro VI.

Porro veritatis indagationem, tantæ molis esse non est arbitrandum. Sat erit si modo oculos aperiās, attentum te præbeas, legesque nonnullas, quas deinceps tradituri sumus, accuratè observes. Illa autem iudicij accuratio, vix ullius est negotij; haudquaquam dura est servitus, ut eam nobis inducit imaginatio nostra; quin utilitates quæ inde ad nos redundant, laborem nostrum, non compensant modò, verùm etiam longius exuperant. Quid enim lucem mentibus affundere, veritatemque aperire, si hanc excipias accurationem, potest?

Sed, quid Lectoribus, quos jam ad veritatis inquisitionem sponte accinctos supponere satius est, disponendis diutius immoramur? Jam igitur errorum nostrorum & causam & naturam investigemus: Cæterum, cum methodus illa, quæ quodlibet ab origine sua resumit, rebus in ordinem digerendis, dilucidius cognoscendis, nec non penitius introspiciendis, aptior cæteris videatur, illa est quam hoc in negotio amplectemur.

I.
De naturâ
& proprietatibus
intellectus.

Cum mens humana non sit materialis, sive extensa, illa procul dubio est substantia simplex, indivisibilis, omnisque compositionis partium expers. In eâ tamen duæ facultates *intellectus* scilicet & *voluntas*, vulgò distinguuntur, quas hic ante omnia explicare, operæ pretium est: quippe notiones sive ideæ, quas sibi de hisce facultatibus hætenus efformarunt Philosophi, minus videntur, claræ atque distinctæ.

Cum verò ejusmodi ideæ sint admodum abstractæ, nec sub imaginationem cadant illas proprietatibus materiæ adumbrare haud abs re erit: illæ enim materiæ proprietates imaginationem faciliè ferientes, notiones, hisce duobus vocabulis (*intellectus* scilicet, & *voluntas*) affingendas, nobis magis distinctas & familiares efficient; dummodò id unum attendamus; has scilicet analogias inter spiritum & materiam, non omninò quadrare, & in eum duntaxat usum esse comparatas, ut mens attentior facta, quæ mox dicturi sumus, facilius hauriat percipiatque. Materiæ sive extensionis duæ sunt proprietates, seu mavis facultates: altera est facultas recipiendi varias figuras, altera verò est mobilitas, sive facultas illa, quâ moveri potest. Mens humana pariter, duabus pollet facultatibus, quarum prior, quæ *intellectus* dicitur, est facultas recipiendi multas ideas, hoc est multa percipiendi; posterior verò, est facultas

cultas multas recipiendi *inclinaciones*, seu mavis propensiones, seu multa volendi. Primò, quâ ratione prior materiæ facultas cum priori spiritus facultate conveniat, explicemus.

Extensio duplicis generis figuras potest suscipere. Hæ nimirum *externæ* tantum sunt, ut rotunditas, e.g. respectu corporis cuiuslibet cerei, illæ vero *internæ*, singulis cerei illius corporis particulis propriæ. Figuræ enim particularum corporis cerei, à figuris particularum corporis ferrei, haud dubiè valdè differunt. *Figuram* igitur voco eam quæ externa est, internam verò, quæ ipsi ceræ necessaria est ut cera sit, ipsique maximè propria, *configurationis* nomine insignio.

De mente humanâ res non secus se habet; ipsius enim ideæ duplicis pariter sunt generis; (jam autem per ideas, illud omne intelligo, quod mens immediatè percipit.) Prioris igitur ideæ, nobis aliquid externum, sive extra nos positum exhibent, qualis est idea quadrati, idea domus, &c. Posteriores verò, illud solum, quod menti nostræ internum est, nobis repræsentant; quales sunt sensationes nostræ, dolor, voluptas, &c. Illas enim ideas, nihil aliud esse præter quandam mentis humanæ schesin, sive quandam ipsius existendi modum, infra sumus demonstraturi, nec aliam ob causam istas ideas, appellavimus *modificationes* mentis.

Nec diffiteor mentis inclinationes sive propensiones, eadem de causâ dici posse ipsius mentis *modificationes*; cum enim voluntatis inclinatio sive propensio sit certa quædam mentis schesis, sanè mentis *modificatio* adprimè dici posset; non secus ac motus corporum, qui nihil aliud est præter quandam eorundem corporum schesin, dici posset materiæ *modificatio*. Inclinationes tamen voluntatis, motusque materiæ, *modificationum* nomine non designabo; hac, nimirum, adductus causâ, quòd istæ inclinationes, istique motus ad aliquid externum plerumque respiciant, inelinationes, scil. ad bonum, motusque ad aliquod corpus extraneum. At figurarum & configurationum corporum, nec non mentis sensationum, nulla prorsus est necessaria relatio ad res externas. Quemadmodum enim illa figura, tum est rotunda, cum singulæ partes externæ corporis alicujus, pari intervallo ab illa parte quæ centrum dicitur, distant; sine ulla ad corpora externa relatione; sic singulæ sensationes, quibus affici potest mens nostra, subsistere valerent, quamquam nullum objectum extra nos actû existeret. Ipforum esse, si fas sit ita loqui, nullam, ut alibi sumus demonstraturi, necessariam cum corporibus, ex quibus oriri videntur, analogiam infert; adeò ut, cum illæ propriè loquendo, nihil aliud sint præter mentem cerâ quadam ratione dispositam seu modificatam, modificationes animæ ritè dici possint, his igitur primò dictis, jam liceat illas sensationes, aperiendæ mentis causâ, *modificationes* nuncupare.

Ac primò quidem facultas illa, quâ materia variis figuris & configurationibus suscipiendis idonea est, cum illa facultate, quâ mens pariter variis recipiendis ideis, seu modificationibus, apta nata est, in eo convenit, quòd utraque facultas, sive illa sit, quâ materia varias recipiti-

guras & configurationes, sive illa sit, quâ mens varias recipit ideas & modificationes, merè passiva sit, nullamque prorsus includat actionem; hanc autem mentis facultatem, seu capacitatem hæc omnia recipiendi, *intellectum* voco.

Unde legitimè concludas intellectum solum percipere, quia scil. solus objectorum ideas recipit; jam autem, objectum quoddam percipere, & ideam, quæ illud objectum repræsentat, excipere mentes est una, eadèmq. Præterea, intellectus quoque est, qui mentis modificationes percipit; nihil aliud enim per intellectum designo, præter facultatem illam mentis passivam, quâ mens ipsa varias excipit modificationes; jam autem illo existendi modo affici, qui dolor dicitur, & dolorem ipsum percipere, menti perinde est; dolore enim non afficitur, nisi quatenus dolorem percipit. Unde colligere pronum est, intellectum objecta absentia, ut ita loquar, imaginari, præsentia verò sentire, ac proinde, sensus & imaginationem, nihil aliud esse, ut infra fusiùs explicabimus, præter intellectum, objecta per organa sensuum, percipientem.

Quia autem dolor, sive aliud quodlibet id genus, sensuum interventu percipitur, id reverà ab ipsis sensibus percipi, vulgus hominum dicere solet, quid per istud vocabulum *sensus*, intelligat, non satis sibi constans; existimat scilicet homini quandam esse facultatem à mente distinctam, quâ vel mens ipsa, vel corpus, sentire valeat, organa enim sensuum, res unâ nobiscum percipere autumat. Corpus, si hominibus ejusmodi fidem adhibeas, tantopere confert sensationibus nostris, ut mens ab ipso separata, quicquam sentire non amplius possit. Sed quis non videat, hanc opinionem, præconcepto cuidam judicio originem suam debere? quia nempe, dum hic versamur, nihil unquam sine sensuum organis sentimus, ut fusiùs infra patebit.

Ut vulgatis loquendi formulis aliquid indulgeamus, sensus ipsos sentire in posterum dicemus. Attamen *sensus* vocabulo, nihil aliud intelligimus, præter passivâ illam mentis facultatem, de qua modò verba fecimus, hoc est intellectû, aliquid, occasione eorum, quæ circa corporis organa versantur, ex naturæ instituto, percipientem, ut alibi videbitur.

Altera analogia, quæ inter utramque, animæ scil. & materiæ facultatem, deprehenditur, hæc est; quemadmodum enim materia figurâ mutatâ, ipsa tamen non mutatur, cera v. g. rotunda, non minùs est cera, quàm cera quadrata. Ita, mens ob diversas quas excipit ideas, non immutatur, sive enim v. g. mens ideam quadrati, sive ideam rotundi alicujus corporis recipiat, nec propter quadratum, nec propter rotundum, ullam memorabilem immutationem patitur.

Præterea, quemadmodum materia, jam tum non leviter immutari censenda est, cum scil. ipsa configurationem particulis ceræ congruam deperdit, ut configurationem igni & fumo accommodatam recipiat, vel brevius, cum cera in ignem vel in fumum convertitur: sic mens non leviter mutari, putanda est, cum in ipsa mutatis modificationibus, dolor voluptati succedit. Unde non obscurè liquet, ideas & sensationes
mentis

VERITATE. LIBER I.

5

mentis, figuris & configurationibus materiæ, non malè adûmbrati.

Multæ, præter has quas observavimus, sunt adhuc similitudines, inter *figuras & configurationes* materiæ, ideæque & modificationes mentis. Materia enim mentis nostræ imago non absurdè dici posset. Rem clariùs dico. Non paucae, scilicet, in materia proprietates, ab ipsis mentis proprietatibus, non procul distitæ, deprehenduntur. Tamen si, natura spiritus, ab ipsius materiæ natura, ut infra patebit, toto genere differt.

Ex supra dictis autem, id altâ mente repositum maneat, per *intellectum*, nihil aliud hic intelligi, præter facultatem illam quâ mens percipit, hoc est recipit, non modò varias *ideas*, verum etiam innumeras *sensationes*; ad eundem modum, materia quibuscumque *figuris* externis, & *configurationibus* internis suscipiendis idonea est.

Posterior materiæ facultas ea est quâ materia multis excipiendis *motibus*, apta est; Posterior verò mentis facultas, ea est quâ multas *inclinationes* sive propensiones recipere potest. Jam harumce duarum facultatum instituaturs comparatio.

Omnium materiæ *motuum*, quemadmodum omnium mentis *inclinationum* eadem est causa universalis, nempe ipsius Autor Naturæ; jam autem, ut omnes motus secundum lineam rectam naturâ suâ ducuntur, nisi à causis externis & peculiaribus determinati in lineas circulares, ipsarum interventu agantur; sic, omnes quas à Deo accepimus *inclinationes*, rectæ quidem sunt, & ad bonum verumque unicè tenderent, nisi ipsius naturæ impulsus, à causa quadam peregrinâ: in malos fines deflecteretur: hæc verò causa peregrina, eadem est quæ omnia, quibus afficimur, mala invexit, inclinationesque nostras labefactavit.

Quod ut nobis liquidò pateat, istud primò cognitum velim. Magnum scilicet est discrimen, inter impressionem aut motum, quo Autor naturæ materiam afficit, & impressionem aut motum, quo mentem indefinenter movet. Materia enim, tota est actionis expers; nulla pollet virtute, quâ motum suum, vel sistere, vel determinare, vel huc aut illuc deflectere possit. Ipsius motus ut jam dictum est secundum lineam rectam semper agitur, quod si quid hanc determinationem mutet, lineam circulem, quam maximam potest, hoc est ad lineam rectam propius accedentem describit. Deus enim motûs ab ipso inditi, determinationem dirigit. Res verò secus se habet de voluntate; agit enim ex seipsa aliquatenus; & inclinationem sive impressionem à Deo acceptam, variè determinandi, virtute prædita est. Quamquam istius impressionis ita domina non est, ut eam possit sistere, eam tamen ad nutum determinare, & hoc pacto, omnem quæ in inclinationibus grassatur, *dragix*, omnesque miseras, assiduas & ineluctabiles peccati pedissequas, afferre potest: hoc igitur VOLUNTATIS vocabulo, *impressionem illam seu motum designo, quo ad bonum indeterminatum & universale, ferimur*: voce verò LIBERTATIS, nihil aliud intelligo, præter vim illam, qua mens impressionem istam versus objecta nobis ardentia diducere po-

II.

De natura
& proprietatibus voluntatis, & Libertatis.

Vide Illustrationes.

test, atque hoc pacto efficere, ut inclinationes nostræ naturales versus bonum universale, Deum intelligo, qui solus est bonum generale; quia solus in se cuncta bona possidet, vago quodam & non determinato motu antea tendentes, singulari cuiuspiam objecto defixæ adhæreant.

Unde nullo negotio comperias, inclinationes naturales, voluntarias quidem esse, sed non tamen esse liberas, libertate illa indifferentiæ, quæ in eo consistit, quod possim velle aut nolle; inclinationibus naturalibus reluctari, & diversum quid, ab eo circa quod feruntur, velle. Quamvis enim voluntario & libero erga bonum, teneamur amore, quia nempe sola voluntas, amamus, & voluntatem unquam cogi pugnat. Bonum tamen non amamus liberè, libertate indifferentiæ, quia penes voluntatem non est, beatitatem non optare.

At verò, & id sedulò animadvertendum est, mens nostra, si illam quidem spectes, quatenus versus bonum in genere impellitur, versus bonum aliquod speciale, motum suum determinare nequit, nisi cognito prius isto bono. Voluntas scilicet, ut cum vulgo loquar, est facultas cæca quæ circa res nullas ferri potest, nisi prius ab intellectu, sibi oblata fuerint. Adeò ut voluntas, impressionem, quæ versus bonum fertur, & inclinationes suas naturales non possit variè determinare, nisi prius intellectui, ut sibi quoddam objectum speciale, repræsentet, imperaverit.

Vide Illustrationes.

Vis ea igitur qua voluntas inclinationes suas determinare valet, vim ferendi intellectum, versus objecta sibi arridentia, necessariò includit.

Rem uno exemplo sensibus objiciam. Dignitatem quamlibet, veluti bonum quod sperare potest, animo suo effingat aliquis; continuò ipsius voluntas illud bonum, eo ipso quod bonum est, vult; impressio scilicet, qua mens indefinenter versus bonum indeterminatum & universale movetur, ipsam versus hanc dignitatem fert. Cum autem illa dignitas non sit universale bonum, nec à mente quæ nunquam clarè perspicit, id quod actu non est, tanquam universale bonum, clara & distincta perceptione judicetur, impressio quæ versus bonum naturâ ferimur, ab isto motu singulari, non omnino sistitur; menti adhuc superest motus, quo ulterius progrediatur; amor quo versus illam dignitatem fertur, cum nec necessarius nec invictus sit, liber est. Hinc autem oritur, illa libertas, quod, cum hanc dignitatem omne bonum amabile, in se complecti, pro comperto non habeat, iudicium & amorem suum, suspensum cohibere potest. Deinde verò, ut in tertio Libro id sumus exposituri, quandoquidem mens humana, cum ente universali in quo residet omne bonum, arctissimè conjuncta sit, hujus unionis ope, alia cogitare, ac proinde alia bona amare poterit. Denique mens humana ita comparata est, ut singula bona possit inter se conferre, collatâ ratione ordinis & præstantiæ amare, ac ea denique, ad illud bonum referre, quod in se tanquam in scaturigine, cætera bona complectitur, quodque unum, nostram amandi facultatem replere valens, unicè pariter dignum, qui amoris nostro circumscribat limites.

Cognitio

Cognitio veri, ab ipso boni amore non valde diversa se habet ratione. Impressione quadam naturali, veritatis cognitione, non secus ac boni possessione gaudemus; neutra enim harum impressionum est invicta, nisi evidentia, ac perfecta & adæquata objecti cognitio accedat; adeò ut, libertate nostrâ, non minus fruamur, in falsis nostris judiciis, quàm in incompressis amoris nostri motibus, ut Capite sequenti sumus ostensuri.

C A P V T I I.

I. De judiciis & ratiociniis. II. Ipsa à voluntate pendere. III. Quomodo respectu illorum, quisque debeat uti libertate suâ. IV. Duo proponuntur canones generales, quibus errorem & peccatum vitari possint. V. In canones istos animadversiones quadam necessaria adduntur.

EX iis quæ Capite præcedenti dicta sunt, colligere est 1. Intellectum nunquam judicare, sed duntaxat res percipere; sive judicia & ratiocinia, quatenus in intellectu sunt, nihil aliud esse præter puras perceptiones. 2. Voluntatem solam reverà judicare, iis quæ sibi ab intellectu objiciuntur sponte & placidè acquiescendo, ipsamque proinde solam in errorem nos injicere. Sed hæc fuliori indigent explanatione.

I.
De judiciis
& ratiociniis.

Hoc igitur primum statuo; in intellectu videlicet, simplicem perceptionem; judicium, & ratiocinium, in eo duntaxat differre, 1. quòd rem simplicem, sine ullâ relatione, simplici etiam apprehensione, percipiat. 2. quòd idem intellectus, relationes quæ sunt inter res plurimas, judiciis perspiciat. 3. Denique, quòd relationes, quæ sunt inter ipsas rerum relationes, ratiociniis dignoscat; adeò ut omnes intellectus operationes mera sint perceptiones.

Cum verbi gratiâ, bis duo, vel 4. percipimus, tum simplex sit perceptio, cum verò judicamus, bis duo esse 4. aut bis duo non esse 5. quid in hoc negotio agit intellectus? id unum certè, percipit nimirum relationem paritatis, quæ intercedit inter bis duo, & 4. & relationem imparitatis, quæ intercedit inter bis 2. & 5. judicium igitur intellectus, nihil aliud est, præter perceptionem relationis, quæ inter duas vel plurimas res deprehenditur; sed ratiocinium est perceptio relationis, quæ non inter duas plurimasve res reperitur; eo casu enim esset judicium, sed est perceptio relationis, quæ inter duas plurimasve relationes, duarum vel plurimarum rerum deprehenditur. Ita, cum sic concludo. 4. minorem faciunt quantitatem quam 6. sed bis 2. sunt 4. ergo bis 2. minorem faciunt quantitatem quam 6. non solum percipio, relationem imparitatis, quæ est inter bis 2. & 6. tunc enim simplex esset judicium, sed hic præterea percipio relationem

relationem imparitatis, quæ est inter duas relationes, nempe inter relationem, quam bis 2. habent ad 4. & relationem quæ est inter 4. & 6. quod verum est ratiocinium. Perceptio igitur, unica est intellectûs functio, voluntas verò sola iudicat & ratiocinatur, iis quæ ab intellectu ipsi offeruntur, voluntariè ut dictum est, assentiendo.

I I.
Iudicium &
ratiocinium
pendere à
voluntate.

Interèa tamen, ubi res quas apprehendimus, evidentissimæ sunt, tum assensus noster non amplius liber videtur; unde eò facile adducimur, ut credamus intellectum iudicare, non verò voluntatem.

Sed ut erroris nostri convincamur; animadvertendum est, res nobis videri evidentissimas, postquam intellectus eas usquequaque, & juxta singulas relationes ex quibus iudicium ferre queat, expendit, non verò prius; unde fit ut voluntas, cuius natura non patitur, ut quicquam sine cognitione appetat, in intellectum agere amplius nequeat, hoc est nihil novi circa objectum ab ipso exigere potest, quia singulis partibus, ad rem de quâ agitur, ab ipso discussis, nihil ulterius cognoscendum desideratur: in iis igitur quæ ab intellectu, proposita sunt, conquiescere, nec illum amplius compellare & sollicitare, necessariò tenetur voluntas. Hic autem plenus assensus, propriè dicitur iudicium & ratiocinium. Itaque, cum iudicium illud, circa res omnium evidentissimas, non sit liberum, libertate indifferentiæ, involuntarium etiam nobis videtur.

Sed quandiu, in rebus, quæ à nobis examini subjiuntur, aliquid subobscuri superest, aut quandiu, aliquid circa quæstionem agitatum, ut in rebus difficilibus, & quasi multiformibus, plerumque contingit, comperiendum desideratur, tum ab assensu superfedere licet, voluntasque intellectui, ut rem ad examen denuò revocet, imperare potest, unde fit ut iudicia, quæ circa res ejuscemodi ferimus, voluntaria esse facilius credamus.

Plerique tamen Philosophi existimant, ea etiam iudicia, quæ circa res obscuras facimus, non esse voluntaria, illamque actionem quâ mens assentitur veritati, quamque *assensus* nomine designant, esse actionem intellectûs contendunt; hanc scilicet distinguentes, ab illa actione quâ mens cum bono consentit, quam voluntati tribuunt, quamque *consensus* nomine indignant. Sed ipsorum & distinctionis & erroris, hæc est causa.

Ita scilicet sumus affecti, ut sæpius veritates, extra omnem dubitationis aleam, positas videamus; Quocirca voluntas, ut mox explicuimus, in consensu, quo hæc veritates amplectitur, non est indifferens. Sed res secus se habet de bonis, nullum enim bonum est circa cuius amorem aut fugam, mens incerta non pendeat. Animi nostri motus, & nobis innata ad voluptates corporeas propensio, suppeditant nobis causas, confusas quidem, sed efficaces tamen propter naturæ nostræ corruptionem, quibus languescimus, & ipsum Deum, amore quodam indifferenti prosequimur. Itaque indifferentiæ & libertatis nostræ dum Deum amamus, manifestâ convincimur experienciâ.

At vice versâ, usus libertatis nostræ in assensu quem veritati potissimum

simum evidentissimæ præbemus, non pariter elucet. Et hinc continuo ipsum non esse voluntarium concludimus. Quasi sola indifferentia, voluntarias efficeret actiones; nonne beati in cœlis, Deum amore necessario, & à quo nullâ dimoveri possunt causâ, per quam voluntario tamen complectuntur. Nulla sane ratio, assensum quem huic propositioni bis 2. sunt 4. præbeo, cohibere potest, adeo ut illum necessario, sed voluntariè tamen præbere teneam.

Sed verò, ut consensus quo voluntas veritatem, à consensu quo eadem, bonitatem amplectitur, facilius dignoscatur; discrimen quod inter veritatem & bonitatem, his vocibus, sensu vulgari, & cum relatione ad nos acceptis, intercedat, sedulo stabiliendum est. Illud autem discrimen, in eo positum est, quod bonitas nos respiciat & afficiat, veritas verò nusquam. Veritas nihil aliud est præter quandam convenientiam inter duas vel plurimas res, bonitas verò in ea convenientia consistit, qua res nobis congruunt. Unde fit ut unica sit actio voluntatis respectu veri, approbatio scilicet, sive assensus, cum analogia inter res quilibet, repræsentatur. Duæ verò sunt ejusdem voluntatis actiones respectu boni, quarum prior est, consensus ille quo rem nobis convenire, agnoscit, & approbat, posterior verò est amor seu motus versus illam rem; quæ actiones, etsi vulgò confundantur, longè tamen differunt. Quis enim rei assensum simpliciter præbere, & rem ab intellectu propositam persequi, perinde esse existimet? Sæpenu- merò certè contingit, ut rebus quas timemus & fugimus assentiamur tamen.

Geometra-
non amant
veritatem
sed veritatis
cognitio-
nem, utur
vulgò lo-
quantur.

Quibus æquâ judicij lance perpenſis nemo non facile comperiet, voluntatem semper assentiri, non rebus quidem nisi ipsi arrideant, sed saltem rerum repræsentationi. Et jure meritò quidem. Cum enim res ita evidentes sunt, ut nihil evidentius, nullaque amplius in iis analogia seu convenientia ab intellectu cognoscenda desideretur, cur non acquiesceret voluntas? Illa igitur intellectus operâ circa hanc rem non amplius indigens, sese exagitare & macerare desinit, & sine ullo erroris periculo aut suspitione, tranquilla tutaque acquiescit. Ceterum præcipuè animadvertendum est, eum in quo versamur statum non nisi imperfectam nobis concedere rerum cognitionem; adeò ut illa libertas indifferentiæ, quâ assensum nostrum sustinemus, nobis plenè necessaria sit.

Quæ necessitas ut à nobis agnoscat, attendendum est nos in verum & bonum, naturali quodam motu propendere. Cum autem voluntas, non feratur nisi in res ab intellectu aliquantum cognitæ, in id certè necessario ferri debet, quod vero & bono simile est; sed quia quicquid vero & bono simile est non reipsa tale est, non dubium quin in perpetuos penè errores incideret, si non libera esset, & in quolibet vero & bono simile, necessario & ineluctabili ferretur impetu. Unde ipsius errores summo conditori, à quo esse suum accepit, tribui non immeritò viderentur.

II.

*Quomodo
debeamus,
uti libertate
nostra ad vi-
tandum er-
rorem.*

Libertate igitur à Deo donati sumus, ut missâ verisimilitudine, in sola veritate acquiescentes, errorem pœnamque ipsam prementem pede non claudo, vitemus. Nostrium, nempe est, animum indefinenter intendere, ad assiduum rerum examen, donec iis à capite ad calcem expensis & enucleatis, nihil ulterius comperiendum, desideretur. Veritatem enim ab evidentia separatam, vix unquam reperias. Jam autem evidentia in eo consistit, ut singulas partes & relationes quibus de objecto quopiam judicari tutò possit, clarè & distinctè percipias.

Si igitur *libertate nostrâ quantum possumus* utimur, eâ ritè quidem utemur; hoc est si nulli unquam rei, nisi internis rationis nostræ objurgationibus moniti & adacti, assentiamur.

Qui falsis veritatis speciebus & indiciis fidem incautus adhibet, vel reluctantè Deo sese mancipat; Qui verò tacitis rationis admonitionibus, quibus dum assensum denegamus, ad assensum tamen incitatur, candidè subscribit, is voci veritatis æternæ, nos intus compellanti auscultat. Jam igitur super his adsunt tibi duo canones, in scientiis speculativis & in ipsis moralibus per quam necessarij, cum omnis humanæ scientiæ fundamentum, haberi meritò possint.

IV.

*Generales
canones ad
vitandum
errorem, &
peccatum.*

Prior, qui ad scientias, hic est. *Ne assensum plenum unquam præbeas, nisi prepositionibus adeo evidenter veris, ut illum sine interno quodam cruciatu; tacitoque rationis murmure, non possis denegare:* hoc est, nisi clarè intelligas, te libertate tua perperam usurum, ipsiusque libertatis imperium æquo latius producturum esse; si assensum tuum denegares.

Posterior, qui in moralibus usu venit, hic est. *Si ab alicujus boni amore, sine conscientia sollicitudine posis abstinere, illud bonum ne amato absolutè & ἀπῶς.* Unde sequitur, Deum solum, amandum esse, absolutè & sine ullo respectu, quandoquidem ipse solus est, à cujus amore, sine ejusmodi conscientiae cruciatu abstinere non possimus; evidenter scil. intelligeremus, nos iniquè agere, si Deum ratione aut revelatione semel cognitum, non amemus.

V.

*Animad-
versiones
quædam in
his can.*

Sed hic animadvertendum est, nos à natura ita esse comparatos, ut rebus quæ nobis videntur verosimillimæ, vix ac ne vix fidem denegare possimus, piget nos reluctari, adeò ut nisi cautè attendamus, assensu nostro erroris periculum nobis impendeat; rarò enim admodum contingit ut veritas cum verisimilitudine planè consentiat. Atque hanc ob causam in hisce canonibus disertis verbis monui, nunquam assentiendum esse, nisi evidentissimè videas, te perperam uti libertate tuâ, nisi assentiaris.

Quamvis autem assensum nostrum, verisimilitudini non facilè denegemus, si tamen seriò præcaveamus, an reverà evidens assentiendi necessitas incumbat: contrarium proculdubio comperiemus. Si enim verisimilitudo sensuum impressionibus nixa est, verisimilitudinem sanè falsò sic dictam! tum ab assensu non sine magnò negotio temperabis; sed unde tam proclivis assensus? ex aliquo scil. motu aut affectu generali; quo in res sensibiles, ut infra patebit, propendimus.

Sed

Sed si verisimilitudo, ex aliquâ cum vero conformitate oritur, ut cognitiones verisimiles, veræ esse solent, certo quodam sensu acceptæ; tum si quis in semetipsum oculos convertat, in duo inclinare se, deprehendet. Primò enim in assensum, deinde in iterandum examen; nunquam tamen ita persuadebitur, ut sine malitiæ conscientia, non possit assensum suum cohibere.

Istæ autem duæ inclinationes, quas verisimilium respectu in nobis experimur, sunt per quam legitimæ. Possumus enim & debemus, assensum nostrum præbere rebus verisimilibus, quatenus scilicet, imaginem veritatis referunt, ille tamen assensus non debet esse plenus, ut in canone scriptum est; prius enim objectum undequaque dispiciendum est, ut naturam ipsius penitus introspecientes, verum à falso dignoscere, & tunc plenè, si id exigit evidentia, assentiri queamus.

In id igitur assidue incumbendum est, ut verum à falso, nosmet ipsos, ut dixi, discutiendo, internoscere, assuescamus. Hæc enim negligentia causa est cur duabus rebus tantoperè divertis, eodem tunc modo afficimur. Vix enim credibile est, quanti sit momenti, libertate suâ bene uti, assensum & amorem cohibendo, donec vera auctoris natura efficacissima, quam mox rationis obmurmurationum, & conscientia sollicitudinum nonnisi, designavi, exaudiat.

In hoc recto libertatis usu, constituta sunt omnia entium spirituum, tum Angelorum, tum hominum officia; adeò ut si, vanitatis & mendacii imperio sese subducentes, libertate suâ appolitè utuntur, omnem, quam ipsorum fert natura perfectionem sperare non immeritò possint. Dummodo interea intellectum suum otiosum jacere non sinant, perpetuò exercent, ad novas cognitiones excitent, ipsiusque capacitatem, assiduis & legitimis meditationibus, adaugeant.

Ut enim mens perfectionem assequatur, rectè uti libertate, assensum suum perpetuò cohibendo, non sufficit; illorum hominum instar, qui absolutam ignorantiam, perpetuamque animi suspensionem ambitiosè venditant. Nec etiam omnibus est assentiendum ut alij non pauci, quos, dum omnia cognoscere satagunt, quicquam ignorare pudet. Sed intellectu ita utendum est, frequentibus meditationibus, ut sæpius rebus ab ipso propositis, tutò assentiri possit, voluntas.

C A P V T III.

I. Responsiones ad Objectiones quasdam. II. In ea qua dicta sunt, observationes.

Non pauci, equidem, ut subodorari primum est, prioris nostri canonis praxim iniquo ferent animo. Illi potissimum scioli, quos, dum rerum omnium scientiam sibi arrogant, nihil tamen non later,

quique dum res facillimas ignorant, de difficillimis quibusque deblatere audent, hoc audito canone, vix sese continebunt.

Illos audire jam mihi videor cum Aristotele dicentes, in solis Mathematicis scientiis perfectam esse quærendam certitudinem. In Moralibus verò & Physicis sufficere, si probabilitas adsit. Cartesium delirasse, cum Physicam, ad Geometriæ modum tractavit, nec mirum esse si oleum & operam tam miserè perdiderit. Homines ad naturæ cognitionem frustra adspirare, arcanam ipsius compagem intellectum humanum fugere, & innumera alia, quæ magna pompa nobis propinant, adductâ secum ingenti Autorum cohorte, quorum autoritate placita suffulciunt, ipsorum nomina & sententias ambitiosè laudantes.

Verum illud genus hominum liceat mihi compellare: quorsum tot verba de rebus sibi, ex ipsorum confesso incognitis? Sistant quæso, infanas vanitatis suæ agitationes; & de rebus, circa quas suam non diffidentur imperitiam, prætumida conflare volumina desinant.

Exuant isti homines, præjudicatas opiniones suas, & rem seriò examinent, certè nullo negotio comperient, horum alterutrum omnino necessarium esse, aut sæpe sæpius errare, aut plenum nunquam nisi rebus evidentissimis, assensum dare. Unde fit ut veritas sit perpetua Geometriæ comes, nisi ex hujusce legis observatione? certè, errores quorundam circa quadraturam circuli, & cubi duplicationem, non aliunde, quam ex præcipiti quodam & pervicaci judicio, quo decepti veritatem à verisimilitudine non satis distinxere, manare potuerunt.

Ab ipsis etiam accipere velim, cur vulgata Philosophia tot falsis & indigestis scateat; quia nimirum Philosophi istius commatis, famæ & utilitati duntaxat velificantes, verisimilitudinem quam in procinctu habuerunt, ipsi veritati anteposuerunt. Quid ille est opinionum circa rem eandem numerus prope innumerabilis, nisi sit errorum fons uberrimus. Per multos tamen discipulos, in illorum magistrorum verba, quorum sensum ipsi non attingunt, serviliter jurantes, iisdem etiam erroribus impediri videas.

Non pauci, equidem, inter illos reperiuntur, qui viginti vel triginta annis miserè consumptis, se ex tam variis & assiduis lucubrationibus nihil novi hausisse tandem agnoscunt, sed eos id palam profiteri pudet. Nullam dari scientiam suâ primum ratione & methodo probare nituntur, quo facto lubenter ignorantiam suam fatentur. Quis enim ipsorum auditis rationibus, risum non compescat? Vel Quis potius à cachinno temperaret, si ipsos incautos eò adduceret, ut progressus suos in isto tam egregio, eruditionis genere, enarrarent? aut si ex subita quadam ingenij alacritate, labores in hoc studium exantlatos, graphice & sigillatim nobis depingerent.

Verum licet hæc docta & sublimis inscitia ludibrium debeat, satius erit tamen si ipsi ignoscentes, nos illorum infortunij misereatur, qui tot annos incassum emensi sunt, hoc scilicet falso omnique cognitioni & veritati adverso, nullius rei dari posse scientiam, adducti principio.

Si

Si igitur lex illa, quam modo constitui, tantæ est uti videmus ad veritatis inquisitionem, necessitatis, ne quis illam torvis conspiciat oculis. Quibus verò ab ipsâ abstinere placuerit, ne saltem, in celebri, qualis est Cartesius autore, id vitio dent, quod istam viam institerit, aut si malint, insistere conatus fuerit. Si virum, de quo adeò temerè opinantur, rectè nossent, non tam inverecundè ipsum damnarent. Sed quid mirum? Ipsius lucubrationes, fabularum illarum instar, quæ quodlibet, dum placeat, mentiuntur, animi gratiâ tantum legunt. Cum illo igitur Philosopho, meditentur, apud semetipsos adhuc deprehendent quasdam notiones, & quædam veritatum quæ ipse docet, semina, quæ se immani quo premuntur, falsæ eruditionis pondere, sese furtim subducent.

Magistrum habemus nos intus docentem, qui sepositâ clarissimorum Philosophorum autoritate à nobis vult solus auscultari. Lumen suum liberaliter dispergit, quid igitur cessamus illum compellare? Sed quo modo à nobis se compellari gaudet? assiduâ scilicet meditatione, & attentione non interruptâ. Nobis verò internâ quadam convictione, & tacitis, quibus impertinaces & incredulos animadvertit, objurgationibus, respondet.

Eâ mente eoque consilio legenda sunt hominum placita, ut ab ipsis erudiri non speremus. Ad lumen mundi oculi nostri sunt convertendi, ut luminis sui nos faciat participes. Si consultum deneget, malè profectò à nobis consultum fuerit.

Sive igitur Aristotelem sive Cartesium legas, calculum tuum neutri protinus adjicito, sed ut ipsi meditati sunt, aut saltem meditari debuerunt, attentissimus meditare, deinde voci nostri omnium magistri, morigerus obtempera, nec convictioni internæ, motibusque quos excitat meditatio relucteris.

Cuilibet sic præparato licet de Autoribus judicare, discussis ad hunc modum Philosophiæ tum Cartesij tum Aristotelis principiis, alter necessariò rejicitur, alter verò admittitur? Et de posteriori nemo sanè non comperiet, ipsius principiis, quatenus saltem ipsi peculiaris sunt, nullum naturæ phænomenum explicari unquam posse. Ut vel ex eo patet, quod à bis mille annis, à doctissimis & in plerisque orbis terrarum locis, frustra laboratum fuerit. At posteriorem, abditissima quæque, aciemque oculorum quam maximè fugientia, penetrasse, & ad omnes veritates, supra mentem finitam, non transcendentis, viam patefecisse tutissimam confidenter asserere nemo dubitabit.

Sed quid horumce duorum Philosophorum opinionibus immoramur, nil sane humani ab ipsis alienum est. Ne igitur ægre ferant Aristotelici, si per tot sæcula in tenebrico versati, nihilque progressi, res nostris tandem oculis usurpare velimus, jam satis superque cæcos egimus, nos oculis pollere tandem aliquando recordari, par est.

Pro certo igitur constet, illam regulam, quæ nos *plenè assentiri nisi rebus evidentissimis*, verat, in veritate inquirenda, esse omnium maximè ne-

cessariam, nihilque admittamus, quod cum eâ, quam exigit canon noster, evidentia à nobis non perspiciatur; sine hac animi dispositione, præconceptas nostras opiniones, non possumus exuere; nec veritatis cognitionem adipisci possumus, nisi hisce præjudicatis opinionibus, nuntium remittamus, quippe mentem impuram, lumen veritatis subire nequit *sapientia prima est, stultitia caruisse.*

II.
In ea quæ
dicta sunt,
observatio-
nes.

Antequam huic Capiti finem imponam, tria observanda sunt. 1. Me hic non agere de rebus fidem spectantibus, quas evidentia non comitatur quemadmodum scientias naturales; nimirum res non nisi per ideas nobis impressas percipere possumus, Deus autem eas tantum in nobis ideas creavit, quæ necessariae fuerunt, ut secundum ordinem naturalem à se præstitutum ageremus; adeo ut mysteria fidei in ordine quodam supernaturali collocata, a nobis evidenter non posse cognosci, mirum videri non debeat, quia videlicet, ne vel eorum ideas habemus. Mentis enim nostræ, vi decreti illius generalis, quibus singulæ notiones necessariae nobis suppetunt creatæ sunt; mysteria verò fidei, ordine tantum gratiæ, ordine naturæ, secundum nostrum concipiendi modum, posteriori, comparata sunt.

Mysteria igitur fidei, à rebus naturalibus, sedulò distinguenda sunt. Fidei & evidentiae pari summissione cedendum est: at in rebus fidem spectantibus, nulla quærenda est evidentia, sicut in rebus naturæ, fides seu autoritas Philosophorum nihili facienda est, uno verbo fidelis cæcus esse debet, hoc est rebus revelatis, potiusquam rationi suæ etiam reluctanti, credere. Philosophus verò debet esse oculatus & perspicax.

Sunt equidem, præter veritates fidei, quædam aliæ veritates, circa quas demonstrationes invictas postulare foret iniquum. His accenseo gesta quæ in historiis memorantur, & cætera quæ ab hominum voluntate pendent. Veritates enim aliæ sunt necessariae, aliæ contingentes. Necessarias voco veritates immutabiles naturæ suæ, & immortæ Dei voluntate constitutas. Cæteræ sunt veritates contingentes. Mathematica, Physica, Metaphysica Ethica, maxima ex parte, veritates necessarias complectuntur. Historia verò Grammatica, jus cuilibet loco speciale, sive ritus, & multa hujuscemodi, ab instabili hominum voluntate dependentia, veritates contingentes duntaxat continent.

Observatio igitur nostri canonis accurata, in veritatibus necessariis, quarum cognitio jure merito dici potest scientia, expostulatur; in historia verò, quæ est rerum contingentium, si verisimilitudo, & illa quidem maxima reperiatur, sufficiet. Quippe, linguarum, rituum, variarum, in quas vulgus Philosophorum scinditur, opinionum cognitio, quia hæc omnia solius ope memoriæ, nullâ adhibitâ certitudine aut evidentia adepti sumus, Historiæ nomine, non absurdè indigitamus.

Quod 2. observatum optamus, illud est. In Ethica scilicet, in Politica, in Medicina, & in cæteris scientiis practicis, in sola verisimilitudine acquiescere necesse est. Non semper quidem, sed saltem ad tempus. Non quod illa verisimilitudo nihil menti incompertum relin-
quat,

quat, sed quia instat opus. In hisce enim rebus, si plenam certitudinem operiaris tempus agendi præterfluit, & nil promoves. Sed quamvis agendi necessitas incumbat, de rerum eventu tamen dubius hæere debet animus. Ut errores agnoscendo certius agas, cum agendi tempus denuo recurret, ut quemlibet studentem, mentisque suæ perfectioni consulentem, decet.

3. Denique, non omnino aspernanda est verisimilitudo plures enim simul junctæ, evidentissimis demonstrationibus sæpenumero æquipollent; hujusce veritatis in Physicis & Moralibus, innumera suppetunt exempla; adeò ut, si rem quampiam demonstratione probare non possis, multis congestis verisimilitudinibus, quod aliter fieri non posset, hoc pacto confeceris.

Dura quidem illa lex est, non inficior. Non pauci nunquam ratiocinari optabunt magis quàm his cancellis includi, inter ratiocinandum. Cum adeò anxiis cautionibus, multorum celeritas moram patietur. Sed quanto, sodes tutius ibis, si illam observes legem. Nonne præstat lentè festinare, quàm præpropere quadam diligentia eo adduci, ut ex itinere revertaris, eademque vestigia denuò premas. Certè si Cartesius, intra triginta annorum spatium innumeras veritates cæteris Philosophis incompertas ex hoc præscripto agens, veluti è puteo eruit, quid obstat, quo minus multi iisdem insistentes vestigiis, pleraque ad vitam fœliciter degendam, necessaria detegerent; quantum saltem beatitudinis in terra cui Deus maledixit, sperare æquum est,

C A P V T IV.

1. *De causis erroris occasionalibus, & quidem esse quatuor præcipuas.*
 1 1. *Totius hujusce operis generale propositum, & speciale hujusce primi libri.*

Perversum libertatis usum, acrem & præcipientem voluntatis versus verisimilitudines, propensionem, & ejusdem voluntatis consensum, intellectûs perceptione longius patentem, causas esse erroris, superiori capite vidimus. Nec certè res fusiori indiget demonstratione, quippe si de rebus clarè perspectis tantum judicaretur, nullus esset erroris locus.

Sed quamvis propriè loquendo, libertatis abusus, unica sit errorum nostrorum causa, multæ tamen insunt nobis facultates, quæ errorum nostrorum causæ, non efficientes quidem, sed saltem occasionales, jurè merito dici possunt. Singuli nostri percipiendi modi, totidem ministrant nobis hallucinandi occasiones. Cum enim falsa nostra judicia ex duobus, ex consensu scilicet voluntatis, & intellectus perceptione oriuntur; omnes nostros percipiendi modos, nobis aliquam errandi occasionem

I.
*De causis
 occasionalibus
 errorum
 dicitur s. præ-
 cipuas.*

occasionem præbere, non obscurum, quandoquidem scilicet, ad assensus temerarios nos adducere possunt.

Cum autem summopere necesse sit, mentem infirmitatum & errorum commonere atque convincere, ut ab iis emergendi legitimo commota desiderio, præjudiciis suis sese minori expediat negotio, accuratam percipiendi modorum, divisionem tradere aggressuri sumus, quæ deinceps veluti totidem errorum quibus mens nostra obnoxia est, capita habenda erunt.

Trifariam res percipere potest mens nostra, *intellectu* scilicet *puro*, *imaginatione*, & *sensibus*.

Intellectu puro, mens percipit spiritualia, universalia, notiones communes, perfectionis & entis summè perfecti ideas, & in genere omnes suas cogitationes, quas internâ circa seipsam meditatione cognoscit. Quædam etiam materialia, ut extensionem cum ipsius proprietatibus percipit *intellectu puro*. Solus enim intellectus purus, circulum & quadratum perfectum, figuram chiliagonam, & similia apprehendit. Ejusmodi perceptiones puræ intellectiones, aut puræ perceptiones dicuntur, quia nimirum hæc sine phantasmatibus sive imaginibus in cerebro impressis, percipit.

Imaginatione, res materiales tantum mens percipit. Cum eas licet non actu præsentem, ut præsentem tamen exhibet sibi, phantasmatibus sive imaginibus ipsarum in cerebro efformatis. Hoc pacto quaslibet figuras, circulum, triangulum, vultum, equum, urbes, campos, sive eas jam viderimus, sive non, imaginamur, hujusmodi perceptiones dici possunt *imaginationes*, quia mens hæc sibi effugit, eorum imagines in cerebro, formando, quoniam spiritualium imagines, non possunt exprimi hinc sequitur mentem ea non posse imaginari. Quod sedulo observandum est.

Sensibus denique objecta sensibilia & crassa mens percipit; cum præsentia suâ in organa externa corporis agunt, sic planities, saxa oculis suis objecta cernit, ferri duritiem, gladii aciem & similia persequitur. Ejusmodi autem perceptiones, *sensus*, sive *sensationes* dicuntur.

Mens igitur hisce tribus duntaxat modis, res percipit. Quod facile quisque videbit, si modò attendat, res omnes quas percipimus vel esse spirituales vel materiales. Si spirituales sint, tum intellectus purus, eas solus percipere potest. Si sint materiales, certè aut aderunt aut aberunt. Si abfuerint, mens eas solâ imaginatione percipere solet; si verò adfuerint, mens eas percipere potest impressionibus quas in sensus nostros agunt, eos feriendo jam igitur mentem trifariam tantum, *intellectu* scilicet, *puro*, *imaginatione*, & *sensibus* res percipere, pro certo habeatur.

Ad has igitur tres facultates, velut ad capita quædam, errores hominum & ipsorum errorum causas referemus, vix enim, præ tanto errorum numero, alia confusio ratione vitari posset.

Verum *inclinationes* sive propensiones nostræ, & affectus sive motus incompositi etiam vehementer agunt mentes nostræ aciem nos falso quodam:

quodam fulgore perstringunt, illam tenebris circumfusam, opprimunt. Itaque inclinationes nostræ, & affectus sive motus incompoliti, nos in errores innumeros conjiciunt, si nosmetiplos ab ejusmodi falsis splendoribus deludi sinamus. Inclinationes igitur nostræ, nostrique motus seu affectus, ut errorum & delictorum nostrorum fontes haberi debent, non secus ac tres mentis facultates, de quibus supra. Et erroribus sensuum, imaginationis ac intellectus puri, errores affectuum, & inclinationum naturalium accedere debent. Itaque omnes hominum errores ipsorumque causæ, ad quinque capita, referri possunt, quorum en tibi ordinem.

Primò de erroribus sensuum. 2. de erroribus imaginationis. 3. de erroribus intellectus puri. 4. de erroribus inclinationum. 5. de erroribus passionum agetur hac enim impropria voce, brevitatìs causâ, imposterum utemur. Postquam denique mentem ab erroribus suis vindicare tentaverimus, *methodum generale*, *generalis*, qua veritas possit haud infeliciter inquiri, tradituri sumus.

Jam igitur ab erroribus sensuum seu potius ab erroribus quos sensuum abusu, erramus, ordiemur. Cæterum erroribus specialibus numero prope infinitis, minus quàm generalibus errorum causis rebusque ad naturæ mentis humanæ cognitionem adipiscendam, necessariis, insistemus.

II.

Totius huius

opus

propositum

generale.

III.

Primi Libri

speciale pro-

positum.

C A P V T V.

D E S E N S I B U S.

I. Corruptio quam peccato contraxerunt bifariam explicatur:

II. Libertatem nostram veram esse errorum nostrorum causam, non verò sensum. III. Canon, quo in usu sensuum nostrorum errorem vitemus, proponitur.

Sensus & passionibus hominis, fini ob quem ipsi concessa sunt, tam aptè respondent, ut eorum opinionem, qui illa peccato omnino corrupta fuisse, censent, vix quisquam ad rem attentus, possit digerere. Sed ne quis ab eorum sententiâ, nos gratis discedere existimet, quo ordine facultates & passionibus primi nostri Parentis in statu justitiæ procederent, & immutationes ac perturbationes ex peccato ortas, hic explicare operæ pretium est. Hæc autem bifariam à nobis concipi possunt.

1. Si genuinum rerum ordinem consulas, quo præstantioribus mens fruitur bonis, eo majori perfundi debet voluptate, id ex notione communi constat. Voluptas est naturæ instinctus quidam, vel ut clarius dicam, est ipsius Dei impressio quâ in aliquod bonum inclinamus; hæc autem impressio eo vehementior est, quo bonum illud est majus. Hoc:

C.

posito principio; primum nostrum Parentem ante peccatum, & è manibus Dei recens eductum, solidiora bona cæteris longè anteposuisse, nemo est qui inficietur. Cum itaque Deus, verum ipsius bonum, cum ut ab ipso amaretur, creasset, probabile est, in ipso quoque gustum sui excitasse, in sui amorem, voluptate quadam internâ, leviter ipsum inflexisse, officiumque ipsi præscriptum temperasse internâ quadam & alacri dulcedine, infra quam exquisitissimæ sensuum voluptates longè fidebant, & a qua homines nunc peccatores nisi speciali quadam gratiâ adjutentur, prorsus desueverunt.

Interea tamen, cum idem homo corpore etiam præditus esset, quod Deus ipsi & conservandum, & ut altera fuimet ipsius pars habendum dederat; voluptates etiam hoc in corpore excitabat, ab illis quibus nunc, dum utimur rebus vitæ nostræ conservandæ idoneis, afficimur voluptatibus, haud absimiles.

An primus homo, præcipuâ cerebri sui parte ab objectis sensibilibus semel commotâ, sensationes jucundas aut injucundas, posset coercere, non est tutum decidere. Hoc forsan imperio in seipsum pollebat, propter illam quâ Deo parebat summillionem, licet rem secus se habere facilius crediderim; quamvis enim Adam spirituum & sanguinis commotiones, nec non cerebri concussus ab objectis sensibilibus ortos, sistere posset, quia nimirum, ordo secundum quem constitutus fuerat, corpus spiritui cedere postulabat. Ipsum tamen, non cohibitis prius motibus in illa corporis sui parte, cui mens immediatè conjungitur, ab objectorum sensu, sive sensatione, temperare potuisse, haudquaquam vero simile est. Cum enim mentis cum corpore unio in eo præcipuè sita sit, quod sensus sive sensationes animæ & motus organorum, mutuo quodam consensu, sibi invicem respondeant; sanè si Adam, ubi semel præcipua corporis sui pars, corporum circumjacentium actionem receperat, sensationibus tamen vacare potuisset, hæc unio potius arbitraria, quàm naturalis habenda fuisset. Rem tamen in medio relinquo.

Primus igitur homo, ex iis omnibus, quæ vel corporis vel animæ perfectioni, numerum aliquem addebant, voluptate commovebatur, quâ erat autem perfectione, voluptatem spiritualem, voluptate corporeâ vividius experiebatur. Itaque justitiam illam quam sine gratia Christi nec consequi nec conservare possumus, quia hac destituti officio nostro non nisi invito fungimur animo, ille per se facile conservare poterat; miserè tamen deceptus, in laqueos incidit. Inobedientiâ suâ justitiam amisit. Nihil autem in hac immutatione prius, & sensibus nostris funestius illâ quâ in hominem justè animadvertit Deus pœnâ; ab illo scilicet communione suâ orbatō secessit, & quemadmodum ipsius bonum sese præstare noleit amplius, nullam pariter voluptatem, tanti favoris indicium, in ipso excitavit. Voluptates igitur corporeæ ad sola bona corporeâ incitantes duntaxat superfuere, quæ cum iis voluptatibus mentem ad verum bonum antea erigentibus, paribus non amplius libratæ momentis, unionem qua cum Deo conjungebatur homo magnopere debili-

Divus Grægorius homil. 30. in Evangel.

debilitarunt, unionemque quâ corpori adhærebat, adauxerunt, corroboraruntque. Voluptas sensuum domina, cor ejus rebus omnibus corporeis mancipatum labefecit: corruptio cordis menti caliginem obduxit, oculis à lumine ipsi prius affulgente deflexis, res omnes cum solo respectu ad corpora, objecit.

Verumtamen non est quod quis sensus ideò magnopere immutatos fuisse credat. Quemadmodum enim si duo pondera in utraque libræ lance, æquato examine sustineam, ac postea aliquid de uno ex illis ponderibus demam, pondus quod integrum remansit, libram ad se depressurum est, nihil immutato primo pondere, idem enim est pondus quicquid fiat. Sic ex quo peccatum irrepsit, voluptates sensuum animam versus res sensibiles depresserunt, delectationibus illis internis, quæ propensionem nostram versus res sensibiles, velut æquipondium quoddam, suspensam tenebant, deficientibus; non eâ, tamen quæ vulgò existimatur, in sensibus, immutatione factâ.

Hæc est posterior explicandæ perturbationis ex peccato ortæ, ratio, quæ priore proculdubio cum veritate magis consonat; ab illa quidem longo distat intervallo, quippe quæ dissimili nitatur principio, ambæ tamen illæ rationes, quoad sensus, inter se optime conveniunt.

Cum ex duabus partibus corpore scilicet & animâ constemus, duo quoque bonorum genera, spiritualia scilicet & corporea, persequenda nobis incumbunt. Bifariam pariter, an quid nobis sit utile, an verò noxiam, nempe mentis solius, vel mentis cum corpore unitæ ope, dignoscere possumus. Utilitas nostra seu mavis bonum nostrum, clara & evidenti cognitione, non secus ac sensu quodam confuso, à nobis cognosci potest. Justitiam esse amabilem ratione quidem comperio, sed gustu, certior evado, hunc fructum boni esse saporis; justitiæ pulchritudo sensu, fructus suavitas ratione, non discernitur. Bona corporea, mentis quam Deus sibi soli comparavit, attentione non digna sunt. Mens igitur ejusmodi bona certo & facili sensuum testimonio contenta, nullo adhibito examine cognoscat oportet; lapides corporis alimentum esse nequeunt, id experienciâ certissimâ constat, idque uno gustus testimonio omnes homines adducti unanimo profitentur consensu.

His igitur positis, voluptas & dolor certa sunt & genuina indicia, quibus bonum & malum internoscantur, fateor: Sed ubinâ hoc cōtingit? In iis scilicet rebus, quæ cum nec bonæ nec malæ sint per se & natura sua, tales quoque clarâ & distinctâ cognitione haberi nequeunt. Cum enim res illæ mente hominis inferiores sint, illam certè nec beare nec punire possunt. Unde sit ut prorsus indignæ sint quæ mentis applicationem tantillum sollicitent: quo circa Deus mentem nostram iis incumbere non sinens; instinctu quodam, hoc est sensationibus jucundis aut injucundis, ad illas nos præquærendere curat.

Res verò secus se habet de Deo, ipse enim verum est mentis bonum, ipse solus supra illam eminet, ipse solus dignus est cui mens tota

adhærescat, sui cognitionem amore vacuum jacere non metuens; nec aliam ob causam amore cæco, & ex solo instinctu seu impetu naturæ nato non contentus; sese primo menti cognoscendum præbet, ut cognitus ab ipsa eligatur, & unice ametur.

Si mens, quod reverâ corporibus inest idque unum, nil prætereâ sentiens, perciperet, ut ea vix amaret, iis pariter haud facîle uteretur; itaque ea menti grata fieri in ipsâ scilicet sensationes, ex rebus quibus tamen carent, ortas excitando, necesse est: at verò quoad Deum ratio valde diversa est; dummodò qualis in se est conspiciatur, non potest non amari, nec ad illum voluptarium instinctum velut ad lenocinium quoddam, ut capter amorem, ipsum confugere opus est.

Beati in cœlo, Deum, quo præsentem potiuntur, summo complectuntur amore; sed voluptas quâ in hoc amore perfunduntur, minus est instinctus cujusdam effectum, quam ipsorum amoris fructus ac veluti merces, non enim solâ adducti voluptate Deum diligunt, sed quia præcipuè ipsum verum esse bonum, evidenter agnoscunt.

Vide Illustrationes.

His ita positis, Adamum ad Dei amorem officiumque suum, nullâ voluptate prævertente, inductum fuisse, credere par est; Deum ut unicum sui bonum pernoscebat, gaudium ex beatâ cum Deo unione naturum, ipsius pectus pertentabat, hæccine igitur ad officium satis efficaciter non adigebant? Et his actus incentivis, nunquid Deum potius sibi demerebatur, quam si voluptate quadam antevertente determinatus ipsum amasset? sic constitutus plena libertate fruebatur. Quid si hoc sensu Scriptura hisce verbis nobis illum repræsentare intendisset. *Deus ab initio constituit hominem, & reliquit illum in manu consilij sui*, hoc est, illum nulla voluptate præoccupatum, solâ sui boni & officij clarâ perceptione, sibi obstrinxit. Sed experientia hominis, tam ritè, ut erat ante peccatum, tamque beatè constituti, fragilitatem, maximo cum liberi arbitrij opprobrio, summaque Dei gloria demonstravit.

Verum circa res sensibiles non eadem erat Adami conditio, ac circa res spirituales, illas enim & quæsiisse & usurpasse cum accurata ipsarum cum corpore suo convenientia, credibile non est. Quid enim? Si varias partium cujuslibet fructus sui ipsius corporis configurationes, perscrutandas habuisset, ut inde comperta inter utrasque analogiâ & correlatione, ex calore sanguinem suum agitante, & innumeris aliis corporis sui dispositionibus colligere posset, an fructus ille corpori suo nutriendo aptus fuisset, necne; tota ipsius mentis capacitas rebus adeò exilibus haud feliciter, repleta fuisset: ejusmodi enim cautionibus, quantumvis anxiiis, si solæ adfuissent, longævam sanè vitam non vixisset.

Cuivis igitur, mentem Adami non fuisse infinitam attendenti, durum videri non debet, si omnes corporum proprietates, quæ haud dubiè sunt infinitæ, ipsi compertas non fuisse, affirmemus. Hoc igitur quod negari non potest, concessum mihi velim, hominis mentem ad id comparatam non fuisse, ut motus & configurationes materiæ dispiceret, sed

sed ut in Dei cognitionem & contemplationem perpetuâ incumberet meditatione. Quo concessio, non est quod quis nobis succenseat, si existimemus Adamum animum suum ab assidua perfectiorum boni sui contemplatione ad excutiendam fructus, sive aliis cujuslibet alimenti naturam, avocare non potuisse, sine memorabili illius in quem cuncta digesta erant, ordinis perturbatione.

Iisdem igitur sensibus ac nos Adamus pollebat, quibus, à Deo nusquam semotus, corpori suo consuleret; non secus ac nos voluptatibus immò etiam doloribus, aut fastidiis quibusdam antevertentibus & inopinatis, afficiebatur. At istæ voluptates (quo quidem discrimine ab ipso longè distamus) illum in servitutem & infelicitatem non conjiciebant, quia scilicet motuum corporis sui compos semel monitus ipsos pro arbitrio compescibat; nec dubium est quin illo imperio circa dolores semper uteretur. Hei nobis! cur non eadem ratione se gessit, circa voluptatem? cur faciem Dei sibi faventem lubens declinavit? cur vanâ spe lætatus, falsâ fructus interdicti dulcedine, vel forsan arroganti ex perfectionum suarum contemplatione, in mente excitato gaudio, mentem suam totam occupari sivit?

Verum peccatum semel admissum novam induxit rerum faciem! Voluptates hominem prius modeste veluti compellabant; dolores, illibatam hætenus felicitàtem suam, in infelicitatem posse commutari, placide tantum commonefaciebant. At post peccatum eæ voluptates & dolores hosce prætermiserunt moderationis limites; sensus & affectus ab eo desciverunt, excussumque jugum ipsius cervici imposuerunt, adeò ut quemadmodum nos, rerum sensibilibus mancipium factus fuerit.

Sensus igitur & passiones ex peccato non originem quidem suam, sed tyrannidem illam, qua peccatores opprimunt, ducere existimandum est, hujus autem tyrannidis sedes non tam in sensibus est, quàm in mente & in voluntate, quæ Deo non ut antea unitæ, ab ipso, lumen & virtutem quâ libertatem & felicitàtem possent custodire, non amplius excipiunt.

Ex hisce duabus, explicandæ peccati corruptionis, rationibus, duo pariter ad nostram integritatem denuò recuperandam, requiri facile colligas.

Primò in id incumbendum est, ut de illo pondere quo in bona corporea proclives, deprimimur, aliquid detrahamus. Voluptates nostras scilicet assidue abdicando; vividamque & delicatulam sensuum nostrorum, circa res sensibiles alacritatem, pœnitentiâ, & cordis circumcissione enecando.

Secundò, pondus gratiæ Dei, cum delectatione illa nos veluti præmulcente, quam nobis Christus merito suo conciliavit, ab ipso Deo exorandum est; quippe nisi adsit illa gratia, quicquid de priori isto pondere demamus, gravitabit semper, & nos jam pronos in peccatum & corruptionem haud dubiè præcipites aget.

Remedium
adversus
corruptionem
ex peccato
origi-
nis ortam,
& funda-
mentum
Et sic
Christianæ.

Vide illu-
strationes.



Hæc duo igitur, ut in officio nostro, ad illud semel revocati perstemus, necessario prærequiruntur; unde non obscure liquet rationem & Evangelium, amicam inter se conferere manum; cum ab utroque doceamur, nos inclinantes, ad Deum erigi non posse, nisi prius peccatum ejuremus, vel saltem ipsius pondus extenuare studeamus.

Sed quamvis præsens fors nostra, nos in assiduas adversus sensus nostros, pugnas adducat; sensuum tamen illorum absoluta corruptio & inordinatio, inde confici non debet. Quis enim illos ad corporis nostri conservationem nobis concessos fuisse, apud se reputans, statim non miretur, quam ritè vices suas hac in parte obeant. Profectò tantutò tamque fideliter nostri respectu scopum suum assequuntur; ut inordinationis corruptionisque, non sine injuria videantur insimulari. Dum illos tantà pernecitate, tot modis, dolore scilicet voluptate, jucundis aut injucundis sensationibus, animum de rebus conservationi suæ vel utilibus vel noxiis, monentes, conspicias; num illam promptitudinem, illum ordinem, illamque assiduitatem, velut quædam peccati confestanea, poteris tibi exhibere?

Sensus igitur nostri, ut falso id opinantur, corrupti non sunt, sed intima mentis nostræ pars ac libertas nostra, vera est corruptionis sedes. Non à sensibus, sed à voluntate nostra ad judicandum æquo prompriori, decipimur. Dum lumen cernimus, id quod cernimus verè quidem lumen est, dum calorem sentio, calorem me reverà sentire, sine erroris periculo credere possum, sive peccatum præcesserit, sive secus, perinde est. Sed si calorem, quem ego sentio, extra mentem, calorem illum reverà sentientem, subsistere puto, tum erro, & quidem gravissimè, ut infra patebit.

A sensibus igitur in errorem non conjiceremur, si libertate nostrâ, ut par est, utentes, ipsorum testimonio, dum de rebus judicandis agitur, fidem nimis præcipitem non adhiberemus. Quia verò ab ista credulitate ob arctissimam mentis cum corpore nostro unionem, vix temperare possumus, in usu sensuum nostrorum, erroris devitandi gratiâ, hoc modo procedendum est.

Nimirum. *De rebus quales in se sunt, ope sensuum tuorum, cave ne unquam judices, is solum utaris, ut cognoscas, quo modo res mutua relatione sibi invicem respondeant.* Et reverà sensus nostri, eo consilio non dati sunt nobis, ut res quales in se sunt cognoscamus, sed duntaxat, quatenus nostræ conservationi vel utiles sunt vel noxiæ.

Sed ut istam, quâ sensus nostros in rerum veritate disquirendâ consulimus, nobis innatam consuetudinem, lubentes exuamus, præcipuos & generaliores, in quos sensuum ductu, labimur errores, capitibus sequentibus recensere propositum est. Inde enim de supradictis facilius constabit apud unumquemque.

C A P V T VI.

I. De erroribus visus respectu extensionis in seipsâ considerata.

II. Errores illi ad objecta invisibilia extenduntur. III. De erroribus oculorum nostrorum circa extensionem respectivam.

Visus cæteros sensûs, ordine, dignitate, & extensione suâ superat, adeò ut si sensus nobis darentur ad veritatem cognoscendam, visus cæteris in hac disquisitione, præiret, & præcelleret. Si igitur auctoritatem quam in rationem usurpant oculi, evertamus, nullis amplius ni fallor, opus erit argumentis, quibus erroris nostri convincamur, & impofterum sensibus nostris cauti diffidamus.

Jam igitur ostensuri sumus, visus nostri testimonio, nequaquam circa rerum veritatem, sed tantum circa vitæ nostræ conservationem, fidendum esse; Ab oculis nostris in omnibus generatim nos decipi, nempe in corporum quantitate, figuris, motibus, in luce & coloribus, quibus exceptis nihil oculis nostris usurpamus. Demonstrabimus præterea hæc omnia non actu esse, qualia nobis apparent, neminem esse qui falsis eorum speciebus non decipiatur, & ex hoc errore in errores alios innumeros non incidat. Ab extensione inchoaturi, argumenta quibus eò adducimur, ut credamus, ipsam reverâ non esse, ut se nobis præbet, in medium proferamus.

Perspicillis quorum autor nobis fuit Galilæus, animalcula, ipsâ arenulâ penè invisibili, longè immò centies exiliora, sæpius visa sunt. Atomi illæ viventes non secus ac cætera animalia, gradiuntur. Habent igitur crura & pedes, ossa quibus crura sustineantur, musculos quibus moveantur tendines, & innumeras fibras in unoquoque musculo, sanguinem denique aut spiritus animales subtilissimos & tenuissimos, quibus musculi impleantur & vicissim moveantur. Hæc enim si non adsint, qui illa vivere, nutriri, ex uno loco in alium transmeare, pro variis

I.
*De erroribus
visus respec-
tu extensio-
nis in se con-
siderata.*

*Vide dia-
rium Do-
ctorum.*

objectorum impressionibus, concipias? Immò potius fieri nequit ut ipsi anatomici & naturæ investigatores, numerum, varietatem, exilitatem omnium partium, ex quibus hæc corpuscula, ut vivant omnesque vitæ functiones obeant, necessario constare debent, imaginari possint.

Imaginatio tantâ tenuitate stupet & absorbetur; partes inperceptâ & furtivâ serie dilabentes, non potest arripere, & ipsi rationi id nos evidenter docenti, sensus & imaginatio reluctantes, animum nostrum sæpius suspendunt.

Visus noster angustis circumscriptus limitibus, objecto tamen limi-

fugit

fugit oculos, orbem in quo totidem, res quamvis pro rerum proportionē longè tenuiores, quot in hoc ingenti orbe continentur, etiam contineri possent.

Hæc animalcula ab aliis animalculis minimis, sibi que quemadmodum ipsa nobis, ob stupendam parvitatem imperceptis, fortè exeduntur. Quod nobis est acarus, illud sunt acaro ejusmodi animalcula perquam tenuissima. Nec impossibile est dari in naturâ animalcula histenuiora, & in infinitum usque tenuiora, illâ tam dissimilâ acari cum homine proportionē servatâ.

Materiæ divisibilitatem in infinitum demonstrationibus evidentibus & mathematicis, possumus demonstrare; quidni igitur animalia parva & minima ad infinitum usque dari posse, vel ipsâ insurgente imaginatione, crederemus? In eum duntaxat usum comparavit materiam Deus, ut ex ea, mirabilia ederet opera; cum autem certum sit nullam esse partem, licet inter minimas sit minima, ex qua Deus pro sua infinita potentia, non possit ejusmodi animalcula eruere, cur istam potentiam infinitam, definimus? cur imaginatione nostrâ finitâ, istius opificis & potentiam & industriam metiendo, ideam quam opificis summè perfecti habere nos decet, temerè extenuamus.

Jam experientiâ duce errorem exuimus, & illum quidem non levem. Hac enim experientiâ animalcula acaro millies tenuiora dari posse edocti sumus. Cur his adhuc exiliora non dari crederes? Id si credas, gratis certè credes. Quin ego longè facilius existimem his à nobis jam compertis, multò minora posse reperiri. Animalcula non desunt microscopiis, microscopia desunt animalculis. Hoc est nulla sunt microscopia ita tenui partium configuratione formata, ut animalcula illa nobis exhibere possint.

Cum per hyemem, germen ex tulipæ bulbo eductum per vitrum convexum, aut solis oculis intueor, in illo germine, folia quæ tempore verno virescere, folia quæ florem constituere & adornare debent, hoc spatiolum quo semen includitur, & sex columellas quæ illud spatiolum in interiori tulipæ parte cingunt, nulla difficultate deprehendo. Ex quibus, germen ex tulipæ bulbo eductum, totam ipsam tulipam includere, nemo est qui non colligat.

De semine synapi, de acino pomi, & generatim de quibuscumque arboribus & plantis, quamquam res oculis, ne vel ipsius microscopij ope, usurpari nequeat, idem esto judicium: nec singulas arbores, in seminis sui germine, compendiosè contineri, absurdum est dicere.

Nec id modo. Ne *ἀπερίσβεστον* quidem cuiquam videri debet, si dicamus in uno germine dari posse arbores infinitas; illud enim germen arborem illam cujus semen est non solum continet, verum etiam innumera alia semina, quæ novas arbores & nova arborum semina, possunt includere. Quæ iterum quantumvis minuta minutissima, poterunt adhuc alias arbores, aliâque semina primis non minus fecunda, complecti. Adeò ut, hoc, quod nec insulsam nec ludicrum cuiquam, nisi

nisi infinitæ Dei potentia mirabilia ideis sensuum & imaginationis metiatur, videri debet, posito principio, haud absurdè dici possit, in uno pomi acino, pomos, poma, pomorumque semina, in sæcula propè infinita dari, proportionè pomi perfectæ, cum pomo in semine suo, servata; adeò ut naturæ partes hac in re illæ sint. Nempe, arbores illas evolvit & explicat, incrementum conspicuum arbori illi quæ est extra semen suum, ministrando, dum incrementa impercepta quidem, sed realia tamen & magnitudini suæ accommodata largitur arboribus illis quæ in semine suo esse concipiuntur. Possunt enim esse corpora adeò minuta, ut in fibras arborum illarum, quæ in semine suo esse concipiuntur, sese insinuent, ac illis alimenta præbeant.

Quod de plantis eorumque germinibus dictum est, ad animalia ipsorumque germen pari jure transferri potest; in tulipæ germine, tulipam integram vides. Vides pariter in ovi recentis, cui non incubuit gallina, umbilico seu germine, pullum fortè omninò conformatum. In ovis ranarum cernuntur ipsæ ranæ, & cum satis sagacitatis & experientia accedet; alia præter hæc cernuntur animalia in suo germine. Sed quocunque tandem procedat visus, ne tamen ibi subsistat mens nostra, quæ aciem suam longius proferre potest, quàm oculi corporei possunt suam. Quid obstat igitur quo minus credamus, omnia corpora hominum & animalium, quæ ad finem usque sæculorum generabuntur ab ipsa mundi creatione, producta fuisse? hoc est fœminas primorum animalium, fortè creatas fuisse, cum omnibus animalibus ejusdem speciei, quæ genita sunt, & quæ impostèrum generanda erant.

Germen ovis est macula illa candida quæ conspicitur in ipso ovi vitello. V. lib. de formatione pulli in ovo. Viri clarissimi Malpighi. Vid. miraculum naturæ Swammerdam.

Istud mentis cogitatum à vero fortè non ita abludit, ut amplius urgeri non posset. Sed in Dei opera penitus introspicere meritò extimescimus. Nihil in iis præter infinitates videas. Non modo sensus nostri, nostræque imaginatio angustioribus circumscribuntur limitibus ut ea possint attingere, sed mens ipsa quantumvis pura puta materiaeque expers, hebetior debiliorque est, ut vel in minimum inter Dei opera, possit penetrare, ad unius atomi, ut sensuum more loquar, conspectum, ipsius acies obtunditur, hebescit, perstringitur, stupet. Sed hoc saltem mens sensibus & imaginatione præstat, quod scilicet suam infirmitatem, Dei quæ magnitudinem agnoscat, quodque infinitum, quo absorbetur, percipiat. At verò sensus nostri, & imaginatio nostra opera Dei deprimunt nosque in imprudentem atque cæcam injectos confidentiam, in errorem etiam præcipites agunt. Oculi enim nostri nullam in nobis ingignunt ideam, eorum omnium quæ microscopiorum opè, vel ipsâ ratione conspiciamus, corpora acaro aut animalculo illo quod Midam vocant minora, visu nostro non cernimus. Si ipsius testimonio fides adhibeatur, acarus dimidiatus est parum nihil Midas ipsi est instar puncti Mathematici, si dividis annuillas. Visus igitur noster extensionem, non ut in se est, sed duntaxat ut est respectu corporis nostri, nobis repræsentat. Quia autem dimidiatus midas corpori nostro nec prodesse nec officere potest, illum visus noster nobis prorsus eripit.

D.

Si verò oculi nostri ad microspiorum exemplar essent conformati, seu potius si acaros aut midas magnitudine non excederemus, de ipsa corporum magnitudine aliâ prorsus ratione judicaremus. Nam proculdubio hæc animalcula oculos habent ita dispositos, ut objecta quibus circumdantur, videant; & suum ipsorum corpus majus ipsis videri debet quàm nobis alioqui impressiones vitæ conservandæ necessarias accipere non possent, & oculi quibus prædita sunt, ipsis forent inutilia.

Sed ut rem omninò excutiamus; attendendum est oculos nostros nihil aliud reverâ esse præter perspicilla quædam naturalia, ipsorum humores idem esse cum vitro perspicillorum, & juxta crystallini humoris figuram, ipsius à tunica retina distantiam objecta multifariam à nobis videri; adeò ut non possis tutò asserere duos homines, objecta cum eadem magnitudine videre, quia duos homines vix comperias, quorum oculi eodem modo sint conformati.

Apud omnes optices peritos hæc propositio admitti debet, objecta scilicet æquidistantia, eo majora videri, quo figura quæ in intima oculi parte exprimitur major est. Jam autem in eorum oculis quorum humor crystallinus convexus magis est, figura minores pro convexitate exprimi, pro certo constat. Quorum igitur visus obtusus objecta eminus non potest conspiciere, cum crystallinum humorem habeant magis convexum, objecta etiam minora vident, quam ij qui eodem, quo cæteri homines pollent visu, aut quàm senes, qui perspicillis inter legendum utuntur, & qui objecta eminus probè prospiciunt.

Hæc omnia Geometricè demonstrari nullo negotio possent; iisque probandis diutius immoraremur, si quemquam laterent. Qui verò ea doceri cupient, quamplurimos autores qui de hisce egerunt, consulant.

Cum igitur duos homines vix reperias, qui objecta cum eadem magnitudine, videant; cumque ut plurimum eadem objecta sinistro conspecta oculo eidem homini majora appareant; quam cum ea adspicit dextro, ut observatum videmus in diario Doctorem Romæ mensis Januarij 1669. cuivis clarè patet hac in re judicium sensuum nostrorum esse incertissimum. Rationem igitur satius est nos consulere. Illâ enim comperiemus primò nos nihil quicquam circa corporum magnitudinem absolutum posse definire; secundò nos nullam extensionis pedalis, aut ipsius corporis nostri ita certam ideam nobis efformare posse, ut illud quale est illa idea nobis exhibeat. Corporum omnium minimum, si unicum esset, parvum non fore, ratio evincit; cum corpus illud innumeris constet partibus, quarum unaquæque, Deo sic volente terram posset efficere, quæ respectu aliarum partium simul junctarum, nihil esset nisi punctum. Mens itaque humana tantam non potest sibi efformare ideam, ut vel minorem extensionem possit capere aut complecti. Mens enim finita, qualis est nostra, ideam infinitam non potest suscipere.

Mens quidem rationes quibus hæc infinita ad se invicem referuntur hoc e. g. illo duplo majus esse, & decempedam esse quantitatem decem pedum

pedum cognoscere potest. Sed quid in se sint, nullâ potest ideâ comprehendere.

Sed esto; mens has suscipere possit ideas, quæ corporum extensionem exæquent aut dimetiantur. Rem enim secus se habere vix cuiquam persuadere queas; quid demum hoc dato non concessio colligere possis, videamus. A Deo scilicet nos non decipi, oculos quibus nos munivit perspicillis non esse similes quæ objecta vel augent vel extenuant; ac proinde oculos nobis res quales in se sunt repræsentare.

Nos equidem nunquam fallit Deus, sed errorum nostrorum nobismet ipsis sæpe sumus autores, iudicia de rebus nimis præcipitata ferendo. Sæpe enim objecta quorum idea nostro impressa est cerebro non solum actu existere, verum etiam hæc ideis nostris planè similia esse iudicamus, Licet plerumque non modò sint ab similia, sed etiam non existant.

Ex eo quod rei alicujus ideam habeo, non sequitur rem istam existere, minus verò rem istam ideæ meæ similem esse. Ex eo quod Deus hancce ideam sensibilem magnitudinis nobis impresserit, cum decempeda oculis nostris obversatur, non sequitur decempedam illam extensionem, eâ quæ nobis repræsentatur, majorem non habere. Nam primò eandem istius decempedæ ideam sensibilem non habent omnes homines, quippe qui oculis eodem modo dispositis non præditi sint. Secundò idem homo variam habet ideam ejusdem decempedæ, provt illam intuetur oculo dextro aut sinistro, ut dictum est. Denique sæpenumerò contingit ut idem homo varias ejusdem objecti pro variis temporibus habeat ideas: provt illud vel propinquius vel remotius esse opinatur. Ut alibi sumus exposituri.

Corpora igitur secundum veram magnitudinem suam à nobis videri, falsò huc usque præjudicavimus. Cùm enim oculi nostri in eum finem nobis tantum concessi sint, ut corpus nostrum foveamus, munus sibi demandatum ritè quidem obeunt, dum in nobis efficiunt ideas ipsi corpori accommodatas.

Sed ut quid de extensione corporum, ex oculorum nostrorum testimonio, iudicare nos decet, doceamur. Hoc liceat nobis animo fingere. Deus scilicet cælum, & terram, ex materiæ portione ad pilæ palmarie magnitudinem accedente, velut in sinoplin quandam contraxerit; in illa terra homines collocaverit, servatis iisdem quæ in hoc universo deprehenduntur proportionibus; homunciones illi sese invicem, partes corporis sui, & animalcula etiam sibi infesta sanè conspicerent. Quorsum enim alioqui ipsorum oculi. Hoc igitur supposito, homunciones illi ideas magnitudinis corporum longè diversas haberent, ab illis quas nos habemus; parvum enim orbem suum, qui nobis esset pila, velut spatia quædam infinita haberent, non secus ac nos de orbe quem incolimus iudicare solemus.

Vel si id facilius à nobis concipi possit. Fingamus Deum terram hac nostrâ infinitis ampliore spatii creasse, adeò ut hæc nova terra

nostræ sit ; id quod nostra erat illi parvæ de quâ antea. Præterea supponamus Deum eandem in hujusce novi orbis partibus servasse proportionem, quam in hoc nostro servavit ; homines hujusce novi mundi, spatia quæ inter terram nostram & stellas maximè distitas intercedit, magnitudine suâ excessivos esse liquet ; adeò ut si easdem quas habemus corporum ideas, ipsi haberent, quasdam corporis sui partes discernere non possent, alias verò cum immani crassitudine cernerent ; objecta igitur cum eadem magnitudine quâ nos, ipsos visuros esse, nemo sanus cogitaverit.

Ex duabus suppositionibus antea actis, homines magni aut parvi mundi, magnitudinis corporum ideas, ab iis quas nobis efformamus, diversas sibi efformaturos esse manifestò liquet, si saltem supponas ipsorum oculos, objecta circumjacentia, pro corporis proprij ratione, ipsis representare. Si autem homines illi oculorum testimonio freti, corpora eandem quam oculis usurpant, habere magnitudinem, audacter assererent, hallucinarentur haud dubiè ; id tamen non minore jure quo nos possent asserere atque propugnare. Jam igitur illorum exemplo moniti teneamus, nos de magnitudine corporum quibus circumdamur, esse per quam incertos, & visu nostro nihil posse comperire, præter relationem, sive potius corporum istorum cum nostro convenientiam. Oculos nostros denique, in eum usum non fuisse comparatos, ut ab illis rerum veritatem edoceamur, sed tantum ut utilia à noxiis secer- nere queamus.

Sed non modò circa objecta visibilia oculis suis credunt homines, verum etiam circa invisibilia. Quæ non vident, continuo non existere arbitrantur, oculis suis perspicacitatem penè infinitam arrogantes ; hoc præjudicio præpediti innumerorum effectuum naturalium causas ignorant. Illa enim effecta facultatibus quibusdam & qualitatibus imaginariis non rarò tribuunt, horum causas reales, quæ in variis corporum configurationibus consistunt, nescientes.

Quia, exempli gratiâ, æris, flammæ, multò magis lucis, & alijs cujusdam materiæ subtilioris particulæ ipsos fugiunt, tum hæc particulas vel non existere, vel nullâ vi aut actione pollere facile autumant. Unde fit ut ad qualitates occultas, facultatesve imaginarias, hæc omnia effecta, quorum particulæ illæ imperceptæ genuina sunt causa, explicaturi, confugiant.

Ut rationem qua hydraulis sursum elevatur aqua, explicent, horrorem vacui nobis obtrudere malunt, quàm ad æris gravitatem confugere ; maris æstus lunæ qualitatibus quàm æris terram ambientis, pressionem, tribuere exoptant magis : fingere in sole facultates attractivas elevandis vaporibus aptas, quàm vapores illos, soli impulsioni à partibus materiæ subtilis, quam sol indefinenter respergit, factæ, tribuere satius existimant.

Illorum sententia, qui nihil admittunt præter sanguinem & carnem ut motuum quibus animalia moventur, ipsorum habitum, & memoriam

memoriae corporeae hominum rationem reddant, ipsis debet ludibrium; quippe qui cerebrum oppidò parvum concipientes, illud tantæ capacitatis esse non existiment, ut vestigia rerum innumerabilium conservare possit; animam in bestiis, quæ nec sit spiritus nec corpus, concipiant necne, admittere; qualitates & species intentionales, ad explicandum habitus & memoriam hominum, aut similia quorum in mente nostrâ nec vola nec vestigium reperitur, fingere malunt.

Si singulos errores ex hoc præjudicio natos enarrare aggredieremur, nullus dicendi foret finis. Ex illo omnes penè qui admittuntur in Physica errores, manarunt. Et si quis rem attentus velit considerare, non poterit quin obstupescat.

Sed quamvis his insistere non sedeat animo, aspernationem tamen illam, qua homines insecta quædam, & animalcula, ex materia illâ quam corruptam vocant oriunda despiciunt silentio prætermittere non possumus; aspernatio certè illa iniqua est, & solius ignorantiae atque præconceptionis fructus. In natura nihil est aspernabile. Deus ipse in operibus suis nihil desiderat, cur igitur illa nos non magni faceremus? minimi culices animalia grandiora perfectione suâ exæquant, ipsorum membra cum eadem proportionem adtemperata sunt, quid? ornamentis quibusdam ipsorum parvitatem Deus compensasse videtur. In ipsorum caput oculos injice, cristas, coronas, aliaque id genus ornamenta, conspicias, quæ artem hominum luxuriantem longius exuperant. Et homines illos in Magnatum Principumque aulis versantes ausim provocare, nihil sanè oculis suis quantumvis luculentum & magnificum, usurparunt, quod ad decorem qui in muscæ capite perspicillo conspicitur, accedat.

Hæc equidem tenuissima sunt, sed quis non miretur tot mirabilia in tam exiguo spatio contineri posse? Ist hæc autem licet vulgaria, non est quod quis in minimo habeat pretio, numerus de perfectione nihil detrahit; quin imò eò se præbet magis admirandum Deus, quod hæc animalcula creando, numerum penè innumerabilem mirabilium tam magnificè tamque copiosè ediderit.

Hæc omnia tamen adeò pulchra, visum nostrum fugiunt; ipse imbecillitate suâ, nos eò adducit, ut opera Dei prorsus stupenda despiciamus. Quia animalcula illa respectu corporis nostri sunt tenuissima, quasi absolute & ἀπλῶς parva essent, aut esse possent, imprudentes despiciamur.

His igitur edocti exemplis, ne impostero sensuum impressionibus, circa corporum magnitudinem fidem adhibeamus incautam. Cum, verbi gratiâ, avem dicemus esse parvam, id à nobis absolute ne intelligatur; nihil enim in se aut magnum est, aut parvum. Avis cum muscâ collata magna est; quod si parva videatur dum illam cum corpore confers, ne statim credas illam reverâ parvam esse. Corpus enim nostrum, cæterorum corporum non est mensura. Sed res ut certior evadat.

Corpus nostrum cum terræ globo componatur, tunc minimum videbitur. Iterum terram, cum circulo illo quem sol aut ipsâ terrâ circa se invicem describunt composito, & circulum illum cum spatio quod inter nos & stellas fixas interjacet; & sic deinceps spatia ad infinitum usque, ut fieri potest, imaginator, magnitudinem corporum respectivam esse hoc pacto, nullo negotio comperies.

Verum nequidem credendum est, sensûs nostros nos accuratè docere relationem quam ad nostrum habent, cætera corpora. Accurationem enim in cognitionibus sensuum, quæ vitæ conservandæ duntaxat inserviunt, frustrâ quæras; Proportionem quidem illam satis accuratè judicamus, cum corpora nobis propinqua sunt. Sed quo plus à nobis recedunt, eo minus etiam à nobis cognoscuntur, quia nempe minus ad nos referuntur; idea aut sensus magnitudinis, qui in nobis corporis cujuslibet præsentia excitatur, statim atque ita recedit ut nobis nocere non valeat, in nobis extenuatur. Vice versâ idea illa crescit statim atque illud corpus ad nos accedit, aut potius statim atque relatio quam illud corpus ad nostrum habet, augetur. Denique si relatio illa omnino desinat, hoc est, si quoddam corpus à nobis tanto distat spatio, vel adeo exiguum est, ut nobis nocere non possit, illud pariter sentire desinimus. Visu igitur relationem quæ est inter cætera corpora & nostrum, immo relationem quam inter se invicem habent, judicare interdum possumus; sed ipsa ejusdem esse magnitudinis, quæ nobis apparet, non est quod credamus.

Oculi nostri exempli gratiâ, solem & lunam quasi quantitatem pedalem aut bipedalem duntaxat haberent, nobis repræsentant. Sed hæc astra tam arcto constringi spatio non est arbitrandum, ut Epicurus & Lucretius arbitrati sunt. Eadem luna oculis nostris, stellis maximis, major videtur; ipsam tamen longè minorem esse, nemo est qui inficietur. Sic, ut ex quotidianâ constat experientia, duorum aut plurium corporum magnitudinem sæpe non possumus conferre, quia scilicet ipsorum distantiam non satis accuratè assequi possumus. Quid plura? vix de proportionem duorum corporum nobis proximorum possumus judicare; & postquam ipsa manibus diu libravimus, dubiè sæpiusculè hæremus, ut id facile patet, cum quis nummos duos penè æquales inter se compositurus est. Alterum enim alteri subjici necesse est, ut quis major quisve minor sit, tutius cognoscatur. Oculi igitur nostri non modo nos circa corporum magnitudinem decipiunt, verum etiam circa mutuam ipsorum relationem.

C A P V T VII.

I. De erroribus oculorum nostrorum circa figuras. II. Nos de minimis nullam habere cognitionem. III. Cognitionem quam de maximis habemus non esse accuratam. IV. Quaedam judicia naturalia, quibus errorem vitamus, explicantur. V. Eadem ipsa judicia in occasionibus quibusdam singularibus nos decipere.

Visus noster circa figuras, quam circa quodlibet aliud, in errorem nos rarius inducit, figura enim in se & absolute considerata nihil est, ipsius natura, in sola relatione quæ est inter partes spatium aliquod terminantes, & punctum quod in illo spatio concipitur, quodque sicut in circulo vocare possumus, centrum figuræ, consistit; adeo ut figura sit propriè magnitudinis determinatio. Multifariam tamen circa figuras erramus, nec ullam quidem sensibus accuratè cognoscimus.

I.

*De erroribus
visus nostri
circa figuras.*

Omnimodam extensionem ab oculis nostris non conspici, sed eam solum quæ cum corpore nostro aliquâ proportionem convenit, statim probavimus, unde etiam omnes minimorum animalium, ut & corporum durorum tum liquidorum partes à nobis non videri, liquidò patuit. Cum igitur partes illas ob nimiam exilitatem non possumus percipere, figuras quoque partium illarum nos fugere necesse est, cum figura corporum nihil aliud sit quam ipsorum terminus. Jam igitur innumeras figuras, oculi nostri nobis non exhibent. Unde fit ut, mens ipsorum capacitati plus æquo fidens, remque satis non expendens, hæc figuras non existere sæpius existimet.

II.

*Minimarum
figurarum
nos nullam
habere cogni-
tionem.*

Corporum verò visui nostro accommodatorum, quæ sane præ cæteris pauca sunt, figuram aliquatenus quidem, sed nunquam accuratè sensibus nostris apprehendimus. Ne visu quidem, an rotunda & quadrata figura, quæ ambæ figuræ sunt omnium simplicissimæ, non sit Ellipsis & Parallelogramma, quamquam istas figuras præ manibus & ob oculos habeamus, certiores tamen evadere possumus.

III.

*Cognitionem
maxima-
rum non esse
accuratam.*

Nec id modo; si linea longior sit, an illa sit accuratè recta an verò secus judicare penes nos non est, nisi amissim habeamus. Quid amissim narro? ne quidem teremus an ipsa amissis sit ritè constituta. Ni tamen, ut vel pueri norunt, lineam cognoscas ullam aliam figuram cognoscere frustra speres.

Illud est quod de figuris nobis ita propinquis, ut eas oculis usurpemus, manibusque teramus, dicendum suppetit. Verum si eas supponis distitas; Quam variè in oculorum nostrorum internam partem sese projicient? Illud enarrare foret inutile. Si quis hæc sibi confirmari cupiat, adeat optices peritos, figurasque eorum in tabulis reperiuntur, ipse examinet. Si enim Pictores, figuras illas, ut in statu genuino & naturali spectantibus

VERITATE. LIBER ..

& figura sibi pingit. Imaginatio enim nostra ampliorem extensionem inter objecta & oculos nostros interjectam non solet sibi repræsentare, nisi aliis objectis interjacentibus visu sensibili perceptis, aliquid ulterius imaginetur.

Nec aliam ob causam, Luna in ortu suo aut in occasu longè grandior nobis videtur, quam cum supra horizontem nostrum elevata eminet. Quippe propter ipsius elevationem nulla inter ipsa & nos objecta cernimus, quorum magnitudinem dimetiri possimus, ex quorum collatione de Lunæ magnitudine queamus judicare. At paulo post ipsius ortum, vel cum ad occasum vergit, inter ipsam & nos, multos videmus campos, quorum magnitudinem propemodum cognoscentes, pro illa magnitudine lunam remotiorem, ac proinde grandiores esse judicamus.

Vide Caput
9. sub lunam.

Et observandum est ipsam, cum supra capita nostra eminet, quamvis ratione certò sciamus esse remotissimam, à nobis tamen videri quasi minima esset & proxima. Quia nimirum ejusmodi judicia naturalia visis, ejusdem visus perceptionibus duntaxat nituntur, & a ratione corrigi non possunt; adeò ut iis ducibus sæpe in errorem incidamus judicia libera ipsis consentanea ferentes. Cum enim judicamus, ut sentimus, semper fallimur, cum è contra nunquam fallimur dum judicamus ut concipimus. Corpus enim corpus solum docere potest, at Deus veritatem usquequaque docet, ut alibi demonstrabo.

Falsa hæc judicia non modò circa corporum distantiam & magnitudinem, quod istius quidem non est capitis, verum etiam circa figuram nos decipiunt. Solem, verbi gratià, Lunam, cæteraque corpora spherica remotissima, tanquam plana essent, & circulorum adinstar, videmus. Quia à nobis tantoperè distant, ut discernere non possimus, an pars illa quæ è regione nostri sita est, aliis partibus sit propinquior; unde fit ut illam æquidistantem judicemus. Eadem de causa stellas omnes & cæruleum illum colorem qui in cælo apparet à se invicem æqualiter distantia, ac veluti in fornice quodam accuratè convexo collocata existimamus. Quia mens nostra ubi inæqualitatem non agnoscit, æqualitatem supponere solet, quam tamen, nisi evidentia convicta, non deberet admittere.

Errores visus nostri circa corporum figuras falsus non explicamus, curiosis ad optices peritos ablegatis. Et certè hæc scientia, nihil præter oculos fallendi rationem docet. Totaque ipsius solertia in eo versatur, ut nos in judicia naturalia, de quibus supra intempestivè facienda, impellat. Idque tot rationibus fieri potest, ut inter omnes figuras, nulla sit quæ mille modis non possit pingi, adeò ut visus haud debite in errorem labatur. Sed hæc excutendi tempus non est. Hæc dicta sufficiant ut oculis nostris circa ipsas corporum figuras diffidere, assuescamus; licet circa figuras rarius quam circa quodlibet aliud, decipiant.

CAPVT VIII.

I. Ab oculis nostris nos non doceri magnitudinem aut celeritatem motûs in se considerati. II. Durationem ad motum cognoscendum necessariam, nobis ignotam esse. III. Exempla errorum visûs nostrî circa motum & quietem.

JAm præcipuûs & generaliores visûs nostrî errores circa extensionem & figuras deteximus, nunc verò ejusdem visûs errores circa materiæ motum emendare par est. Quod nullo fiet negotio, si ad ea quæ de extensione præmissa sunt, attendamus. Tanta enim est inter hæc duo, convenientia atque relatio, ut si circa corporum magnitudinem erremus, circa ipsorum motum, errandi ineluctabilis incumbat necessitas.

Sed ut omnia clarè & distinctè à nobis dicantur, prima fronte amovenda venit æquivocatio, quæ est in voce motus. Vox enim illa duo vulgò significat. Primò vim illam, quæ in corpore moto inesse, motumque efficere creditur: Secundò translationem continuam corporis alicujus, ab alio corpore quod in quiete esse concipitur, recedentis, aut ad illud accedentis.

Quum, exempli gratiâ, globulum quendam motum suum alteri globulo communicasse dicimus, tum motus primo sensu sumitur. Si verò simpliciter dicimus globulum esse in maximo motu, tum motus sumitur secundo sensu. Uno verbo iste terminus, *motus*, denotat simul causam & effectum quæ duo tamen toto genere differunt.

Circa vim motum corporibus indentem, ipsique transferentem, gravissime nec sine periculo errare mihi videntur Philosophi. Speciosi illi termini, *natura*, scilicet, & *qualitates impressæ* quorsum inventi sunt? nisi ut Doctorum illorum *ἡγεμονία* ignorantiam, impiorumque licentiam prætexant, ut facile esset probatu. Sed de illa vi corpora movente verba faciendi hic non datur locus, in ipsa enim nihil est visibilis, jam autem de erroribus visûs nunc agitur. Res igitur suo tempore fiet.

*Vid. cap. 3.
2. part. lib. 3.*

Motus, secundo sensu accepto hoc vocabulo, scilicet, pro translatione corporis ab alio corpore secedentis, est aliquid visibile, de quo hoc capite nobis agendum est.

Visum nostrum, non corporum magnitudinem in se, sed tantum relationem illam quâ sibi invicem & corpori nostro respondent, nobis exhibere, capite 6. demonstrasse mihi videor. Unde colligo, nos velocitatem aut tarditatem ipsorum motus accuratè cognoscere non posse, sed duntaxat relationem sive convenientiam mutuam quæ est inter motus istorum corporum, & præcipuè inter motum illum quo corpus nostrum moveri solet. Quod sic probo

Non

Non possumus judicare de intentione motûs alicujus corporis nisi ex spatio, quod illud ipsum corpus emensum est, id clarum est, Si igitur oculi nostri veram spatij confecti longitudinem nobis non ostendunt, profectò nec veram motûs intentionem ipsi patefacere poterunt.

Istud argumentum omnem vim suam desumit, ex iis quæ jam de extensione dicta & demonstrata sunt. En tibi unum quod nihil habet prius unde dependeat : Illud est igitur quod dico. Licet clarè cognoscere-mus longitudinem spatij confecti, non tamen inde sequeretur, nos posse eadem ratione cognoscere intentionem motûs.

Motûs intentio seu velocitas duo includit. Primò translationem corporis ex uno loco in alium, ut Lutetiâ, San-Germanum. Secundò tempus quod in illa translatione insumptum est. Jam autem ut scias, an quis motu rapido, an vero lento istud itineris emensus fuerit, non sufficit si teneas accuratè intercapedinem quæ exstat inter Lutetiam & San-Germanum; quantum præterea in eo itinere temporis spatium insumpserit, sciendum est. Itineris ergo longitudinem posse cognosci non inficior : sed visu seu aliâ quavis ratione, tempus quod in illo itinere conficiendo consumptum est, veramque durationis magnitudinem posse cognosci, pernego.

Nec aliam ob causam una hora quatuor diuturnitate suâ nobis exæquare interdum videtur, & vice versâ aliàs quatuor horæ sine sensu præterlabuntur. Quum, verbi gratiâ, voluptate perfunderis, tum singulæ horæ momentaneæ sunt, quia scilicet, tempus dulci quadam & imperceptâ celeritate effluit. Quum verò animus mœrore confectus est, vel dolore quodam vehementissimo afflictus, tunc dies annorum ad instar produci videntur; mentem enim tam operosæ durationis tædet; durationem illam eò sentit facilius, quo ipsi attentius incumbit. At verò per gaudium sive per voluptatem; animus à semetipso præcisus; & in unum voluptatis objectum defixus tædium molliter fallit. Quemadmodum enim picta tabella, singula seorsim in eâ speculanti, grandior videtur, aut sicut caput muscæ microscopij ope undequaque circumspectum, maximum apparet; sic mens, dum suæ durationis partibus attentior adhæret, ipsam longiorem experitur; & apud se sentit.

Quibus positis, Deus mentem nostram durationis partibus ita potest adjungere, multas brevissimo temporis spatio sensationes in eâ excitando, ut unicâ horâ multa sæcula implere videatur. Quemadmodum enim nullæ sunt atomi in corporibus, nullum pariter est temporis punctum indivisibile; & quemadmodum minima materiæ particula in infinitum divisibilis est; sic partes durationis in partes breviores, & brevissimas ad infinitum possent dividi, ut demonstratu facile est. Si igitur mens durationis suæ partibus ita attenderet, ut sensationes in eâ excitarentur, quæ vestigia satis profunda relinquerent, illa sanè duratio ipsi multò longior videretur.

Sed quid plura? horologiorum usus, durationem accuratè non cog-

nosci satis superque probat. Si enim motus velocitas, non cognita prius durationis longitudine, cognosci nequit, hinc sequitur intentionem motus absolutam non posse accurate cognosci, si prius longitudo durationis absoluta non cognoscatur.

Quia vero relationes aliquot durationum, siue rationes aliquot quibus tempora sibi invicem res pendent, cognosci possunt, sic relationes aliquot motuum, siue rationes quibus motus sibi invicem respondent, cognosci queunt. Quemadmodum enim, annum solarem longiorem esse Lunari cognoscere potes; sic tormentarium globum testudine velocius ferri facile comperias; adeo ut, si velocitatem motus absolutam & in se nos non edoceant oculi nostri, illorum tamen ope intentio motus respectiva qua ratione scilicet motus hic cum illo conveniat, nobis innotescit. Quod corporis nostri conservationi sufficit.

Nos visu nostro circa corporum motum decipi multoties quidem agnoscimus, nec raro quæ nobis moveri videntur, quiescunt, & vice versa quæ videntur quiescere, moveri tamen sæpius contingit. Quum, verbi gratia, navi velociter & æquabiliter vectæ insideo, terræ & urbes recedere mihi videntur, illæ scilicet moveri videntur, dum navis quiescit.

Pariter, homo quispiam super Planetâ Martis constitutus, solem, terram, cæterosque Planetas cum stellis fixis, intra 24. aut 25. horas, quo temporis spatio Mars circa axem suum movetur, circulum suum agere, visu suo judicaret. Terra tamen sol, stellæque circa hunc planetam non feruntur; adeo ut homo ille quiescentia moveri crederet; ipseque dum moveretur, quiescere sibi videretur.


Cur homo navi insidens ab errore oculorum suorum facilius sese expediret, dum alter in planeta Martis constitutus falsæ opinioni suæ præfractè adhæreret, hic non explico. Nemo est qui huiusce rei causam per se non agnoscat. Sed ut causa illa facilius innotescat. Huic exemplo attendendum est; Fingamus hominem in navi summo sopitum, drepentè expergesceri, quid si expergesfactus, nihil præter summum alicujus navis malum ad se accedentem videret? certè si nec vela turgida, nec nautas operi instantes nec ullam aut in se aut in navi in qua sedet, agitationem succussionemve deprehenderet, utra ex duabus navibus moveretur dubius ambigeret; & huiusce rei comperiendæ causa oculos suos, ipsamque rationem suam frustra consuleret.

C A P V T IX.

Idem argumentum tractatur. I. Errores visus nostri circa motum generaliter demonstrantur. II. Cognoscendam esse objectorum distantiam, prius quàm de ipsorum motus velocitate iudicium fiat. III. Rationes quibus distantia cognosci possunt examinantur.

OMnes errores, in quos visus noster circa motum nos injicit hoc exemplo, veluti argumento generali, demonstrari possunt,

I.
Errores visus nostri circa motum generaliter demonstrantur.



A, Sit oculus spectatoris, C verò objectum quod ab A satis distitum suppono. Hoc posito illud est quod dico, quamvis objectum in C positum immotum maneat, illud tamen ita potest conspici ut ad D recedere, & etiam ad B accedere videatur, quamvis objectum ad D recedat ita tamen videri potest, ut immotum in C, & etiam ad B accedere censeatur. Et vice versâ, quamvis ad B accedat, ita tamen potest videri, ut in C immotum manere, necnon etiam ad D tendere credatur. Quamvis objectum à litera C usque ad literam E, vel H, vel G, vel K progressum fuerit, illud tamen à C, usque ad F, vel usque ad I, tantum promovisse credere possumus. Et è contrà quamvis objectum à C, usque ad F, aut usque ad I motum fuerit, illud tamen usque ad E, aut H, vel ad G, aut K, motum existimari potest; Quod si objectum moveatur per lineam à spectatoris oculo æqualiter distantem, hoc est per circumferentiam cujus spectator sit centrum; quamvis objectum à C in P moveatur, à B tamen ad O duntaxat illud moveri quis posset credere, ut è contra quamvis ex B ad O, tantum moveatur, ita tamen conspici potest, ut à C ad D moveri credatur.

II.
Cognoscendam esse ob-
jectum di-
stantiam,
priusquam
de ipsorum
motus velo-
citate judi-
cium fiat.

III.
Examinan-
tur rationes
quibus obje-
ctorum di-
stantia cog-
noscitur.

Mens hęc
omnia judi-
cia quę ipsi
tribuo non
fert; judicia
hęc natura-
lia nihil
aliud sunt
pręter sen-
tutiones; sic
igitur lo-
quor perspi-
cuitatis cau-
sā. Vide ar-
tic. 4. cap. 7.

Si ultra objectum C, aliud objectum M, verbi gratiā, reperiatur: quod quamvis versus N, moveatur, immotum tamen existimetur: licet objectum C immotum maneat, vel saltem multò tardius moveatur versus F, quàm M, versus N; versus Y moveri videbitur, & vice versā, si, &c.

Has omnes propositiones, si ultimam quę difficultate caret excipias, hoc uno nos scilicet de distantia objectorum tutò non posse judicare, demonstrari, liquidò patet; si enim de distantia certum judicium ferre nequimus, hinc liquet nos non posse tenere, an C versus D progres- sum fuerit, an verò ad B accesserit, & sic de cæteris.

Ut autem comperiamus, an judicia, quę circa objectorum distan- tiam ferimus, sint certa, quā ratione ad ejusmodi judicia procedamus, animadvertendum est; si ad illa, ratione incerta procedimus, certè ju- dicia errore vacua esse non poterunt. Jam autem variis rationibus ad illa judicia nos accingimus, quę nobis excutiendę sunt.

Prima, quę & universalior & sape tutior ratio est, quā distantiam objectorum possimus dignoscere, est angulus quem formant radij ex oculis nostris emissi, cujus anguli caput sive apex, est objectum ipsum; hoc est, objectum est punctum in quo radij angulum efficientes, con- currunt. Cùm angulus ille maximus est, objectum etiam proximum vi- demus, cùm verò angulus minimus est, tum etiam videmus objectum maximè distantum. Mens igitur nostra de objectorum proximitate aut distantia judicat, prout situs oculorum nostrorum, variis anguli istius mutationibus immutatur. Quemadmodum enim cæcus, duos baculos rectos quorum longitudinem nequidem cognosceret, prę manibus te- nens, Geometriā tamen quādam naturali, distantiam alicujus corporis, illud scilicet corpus duobus baculis suis attingens, juxta dispositionem & distantiam manuum suarum, aliquatenus saltem dignoscere posset; ita mens de objecti cujuspiam distantia judicat ex oculorum suorum dispositione; quę dispositio diversa est, secundum magnitudinem aut parvitatem anguli cujus ope objectum illud videt, hoc est, secundum objecti propinquitatem & distantiam.

Hoc facili experimento quivis rem poterit clarè percipere. De extre- mo filo suspendatur annulus, ita ut ipsius interna capacitas nobis non sit adversa; vel terrę intradatur baculus, dum alium baculum in ex- tremo recurvum prę manibus gestabis; Postea verò tribus vel quatuor passibus ab annulo, aut à baculo in terram infixo secede; alterum ocu- lum manu tuā ocludes, altera verò manu annulum trajicere vel ba- culum baculo quem in manu gestas ad altitudinem oculi aut circiter, transversum ferire conator. Quod primò facillimum existimasti id cen- ties tentatum te non tamen potuisse assequi miraberis. Quod si baculo deposito annulum digito transversum agere velis; rem quamvis pro- ximus, non sine difficultate poteris efficere.

Sed cùm dixi, annulum esse trajiciendum, baculumque feriendum; utrumque in transversum positum esse intellexi; res enim alioqui esset
facillima

facilissima, & faciliior quidem altero oculo clauso quam si utrumque aperires; hoc pacto enim istus, facilius dirigeretur.

Cur autem annulum illum, altero duntaxat oculo aperto, vix potes trajicere, hæc est causa, nimirum altero oculo clauso, angulus de quo supra, nobis non innotescit. Ut enim anguli magnitudinem cognoscas, non sufficit cognoscere magnitudinem basis istius anguli, & magnitudinem alterius ex illis duobus angulis quem efficit alterum latus in basi; quod ex præcedenti experimento clarum est; sed prætereà necesse est cognoscere alterum angulum, quem efficit alterum latus in basi, aut longitudinem alterius ex lateribus. Quod accuratè dignosci nequit, nisi alterum oculum aperias. Quocirca mens Geometrià suâ naturali, ut distantiam annuli cognoscat, uti nequit.

Dispositio igitur oculorum, quæ comitatur angulum radiorum visualium, qui in objecto occurrunt & secantur, ratio melior est & universalior quàm mens ad dijudicandam rerum distantiam utatur. Si igitur angulus ille manifestò non immutatur quum objectum paulò distitum est, sive ad nos accedat, sive à nobis recedat; ex hoc ipso inferre poteris hanc rationem dijudicandæ objectorum distantiae, viciosam & falsam esse.

Hunc autem angulum non mediocriter mutari, quum objectum ab oculis nostris uno pede distans ad quatuor pedes transfertur nemo non videt, at verò si à quatuor pedibus ad octo pedes transferatur, tum mutatio non erit adeò manifesta; si ab octo pedibus ad duodecim, minus; si à mille pedibus ad centum pedum millia, tum penè impercepta fiet mutatio; mutatio denique illa, si ulterius, vel in spatia usque imaginaria transferatur objectum, impercepta prorsus fiet. Adeo ut si spatium memorabile inter A & C intercedat, mens hac ratione, an objectum sit propinquum literæ B, an verò literæ D, cognitura non sit.

Hanc ob causam, Sol & Luna nubibus involvi nobis videntur, quamvis ab iis, infinitis propemodum distent spatiis; eodem adducti præjudicio, singula astra æquidistantia cometasque stabiles, & sub finem cursus sui penè immotos, imaginamur. Ipsos etiam cometas post aliquot menses penitus dissipari, arbitramur, quia nempe à nobis, per lineam rectam & oculorum nostrorum respectu directam, recedunt; atque hoc pacto in ingentia illa spatia, unde non redeunt, nisi post multos annos vel etiam post multa sæcula sese recipiunt, & oculis nostris subducunt.

Secunda ratio quàm mens utitur, ut cognoscat objectorum distantiam, consistit in oculorum dispositione diversâ, ab ea quam supra exposui. Ut secunda illa ratio explanari possit id cognitum velim; nimirum; figura oculi, juxta diversam objectorum distantiam, diversa quoque necessariò debet esse. Quum enim homo quispiam objectum sibi proximum videt, oculi ipsius longiores esse debent, quam quum objectum remotius est; ut enim radij istius objecti in nervum opticum coincidunt, quod quidem, ut fiat visio, necesse est; fane distantia inter nervum opticum & crystallinum, major esse debet.

Si

Si equidem crystallinus convexior fieret, quum objectum propinquum est; id perinde esset ac si oculus extenderetur; sed crystallinum facile mutare posse convexitatem suam, credibile non est; præter quam quod, oculum extendi sive produci, experimento manifesto patet. Anatomia enim docemur quosdam esse musculos, qui oculum circumdant, istosque musculos oculum prementes sentimus, cum aliquid cominus spectamus.

Sed quo pacto id fiat tenere hic nil opus est, satis est, si sciamus oculi dispositionem immutari; sive à musculis illum circumdantibus prematur, sive nervuli correspondentes ligamenti illis *ciliaribus*, quæ crystallinum inter alios oculi humores suspensum tenent, remittantur, ad augendam crystallini convexitatem, vel intendantur ad ipsam minuendam.

Mutatio enim, qualiscunque tandem illa sit, eò tantum fit, ut radij objectorum in nervum opticum recta coincidant. Jam autem sive objectum quoddam quingentis aut sexcentis passibus, sive decies mille leucis à nobis distet, cum eadem prorsus oculorum dispositione à nobis prospicitur, nullâ in musculis oculum circumdantibus aut nervis qui ligamenti *ciliaribus* crystallini correspondent, memorabili immutatione factâ; radiique objectorum in retinam sive in nervum opticum accuratissimè coincidunt. Mens igitur objecta decem aut etiam centum millibus leucarum distita, quingentis aut sexcentis tantum passibus distare judicat, cum scilicet de istorum objectorum distantia, ex sola illâ oculorum dispositione, de quâ loquutus sum, iudicium fert.

Hanc tamen rationem, mentem in iudiciis suis adjuvare certum est, cum objectum est propinquum. Si, exempli gratiâ, objectum semipede duntaxat distet, ipsius distantiam, dispositione musculorum oculos nostros ut longiores fiant, prementium, facile discernimus; atque hæc dispositio non sine dolore aliquo comparatur. Si idem objectum duobus pedibus distet, distantiam illam adhuc discernimus, quia dispositio quamvis non amplius dolorem, sensum tamen quendam in mente gignit. At si objectum illud aliquot pedibus adhuc amoveatur, dispositio musculorum mentem nostram adeò debiliter afficit, ut iudicio nostro circa distantiam objecti, quicquam opitulari desinat.

Ambæ igitur illæ rationes cognoscendæ objectorum distantia quas jam enarravimus, prorsus inutiles sunt, cum objectum illud sexcentis aut circiter passibus distet; nec etiam quamvis objectum propius admoveatur, tutæ haberi possunt.

*Tertia ratio
quâ de ob-
jectorum di-
stantiâ iu-
dicium fer-
tur.*

Tertia ratio consistit in magnitudine imaginis, quæ in internâ oculi nostri parte pingitur, quæ objecta nobis repræsentat; imaginem istam minus, recedente objecto, nemo est qui diffiteatur. Sed quo objectum quod situm suum mutat remotius est, eò magis, imaginis diminutio impercepta est. Cum enim objectum quodpiam ab oculis nostris iam satis distat, ut sexcentis, verbi gratiâ, passibus, aut alio quovis spatio simili pro objecti ipsius magnitudine; objectum illud, inquam, non

rad. d. c. l. x. c.

mediocriter potest recedere, nullâ tamen in illius objecti imagine sensibili immutatione factâ, ut demonstratu facile est. Tertia igitur illa ratio, eodem quo priores, laborat vitio.

Præterea observandum est mentem, objecta illa remotiora non judicare, quorum imago picta in retinâ, minor est. Quum, exempli gratiâ, hominem & arborem, & utrumque centum passibus à me distitum, aut plures in cælo stellas adspicio, hominem arbore, stellasque minores, majoribus esse remotiores, statim non judico quamquam hominis & stellarum imagines in retinâ pictæ, minores sint imaginibus arboris & stellarum majorum. Insuper objecti magnitudo cognoscenda est, ut ipsius distantia aliquatenus saltem cognoscatur. Quia autem compertum mihi est, domum homine majorem esse, licet imago domûs, hominis imagine major sit, domum tamen homine idèò propinquiorem esse, non judico. De stellis res pariter se habet. Illas oculi nostri in eadem distantia positas nobis exhibent: nonnullas tamen aliis longè remotiores esse, per quam verosimile est. Cum igitur innumera sint objecta, quorum magnitudinem non cognoscimus, innumera pariter esse, quorum distantia nos latet, credere par est.

De objecti alicujus distantia, ex vi quâ in oculos nostros agit, etiam judicamus; objectum enim remotum, objecto propinquo longè debilius agit; necnon ex distinctione & perspicuitate cum quâ imago objecti pingitur in oculo, cum enim objectum distitum est, tum oculus ut illud videat, latius patere debet, unde fit ut radij in oculum confusius coincidunt. Hanc ob causam objecta subobscura, aut minus distinctè à nobis conspecta, distita videntur, cum è contra, corpora lucida, & distinctè à nobis visa, propinqua videantur. Hisce posterioribus rationibus, certum circa objectorum distantiam, stabiliri non posse judicium, liquidò patet; quocirca iis non immoror ad ultimam, quæ imaginationem magis adjuvat, & quâ mens objecta esse distita facilius judicat, rationem progressurus.

Sexta igitur & præcipua ratio, in eo posita est, quod objectum solum, & à cæteris semotum, menti non exhibeat oculus; quin singula objecta, quæ inter nos, & objectum illud circa quod præcipue versatur, interjacent, ipsi conspicua præbet.

*Sexta ratio
quâ de ob-
jectorum di-
stantiâ ju-
dicamus.*

Quum verbi gratiâ, turrin campanariam satis distitam prospicio, eodem oculi jactu, multas terras multasque domus interjectas, ut plurimum video. Quia autem, de illarum terrarum illorumque ædificiorum distantia judico, turrin campanariam his remotiorem animadvertens, protinus & remotiorem, & ampliorem, & celsiorem, quam si sola appareret, ipsam judico. Imago tamen quam turris illa in interna oculi parte efformat, sive terræ & ædificia intersint, sive non, ejusdem semper est magnitudinis, dummodò ut supponimus, illam ex eodem loco vel saltem æquè distanti respiciamus. Corporum igitur magnitudinem, ex ipsorum distantia judicamus; ac proinde corpora inter nos & objecta visûs nostri interposita, imaginationem nostram in ju-

dicis circa distantiam ferendis, mirum in modum sublevant. Non secus ac de durationis nostræ magnitudine, aut de tempore quod, post aliquid à nobis gestum, præterit, judicamus, ex confusâ rerum post novissimam illam actionem gestarum aut continuas à serie cogitationum, recordatione. Hæc enim aut cogitationum aut actionum nostrarum series, mentem nostram in disjudicandâ temporis cujuscunque vel etiam, aliquâ saltem ex parte, durationis nostræ longitudine, adjutat, vel potius confusa harum omnium cogitationum sese mutuò excipientium, recordatio, nihil aliud est; præter ipsum de duratione nostrâ judicium. Quemadmodum visio confusa terrarum quæ inter nos & turrim campanariam interjacent, nihil aliud est præter ipsum de distantia turris, judicium.

Hinc percipere facile est, cur Luna sub ortum nobis grandior appareat, quam quum supra horizontem eminet. Cum enim oritur Luna multis leucis distans immò ultrà horizontem sensibilem aut terras quæ visum nostrum terminant, sita nobis videtur. At verò, cum directè supra horizontem nostrum eminet, tum semileucâ tantum, vel septies ædificiis nostris sublimior videtur. Itaque illam prope horizontem sitam longè grandiorē judicamus, quam cum ab illo valdè distita est; quia nempe illam orientem judicamus longè remotiorem, quam cum jam supra horizontem nostrum editissima eminet.

Non pauci equidem Philosophi illud effectum vaporibus è terra ascendentibus tribuunt. Nec ab illis hæc in parte dissentire velim; quod scilicet vapores objectorum radios frangentes; illa majora nobis exhibent. Nec prætereà diffiteor, majorem esse numerum vaporum inter nos & Lunam cum oritur, quam cum supra horizontem eminet; ipsamque ideò, si à nobis semper æquè distaret, paulò majorem sese præstituram, quam reverâ se præstat. Intereà tamen hæc refractionis radiorum Lunæ, omnium illarum mutationum, quæ in ipsius magnitudine conspiciendas se præbent, causâ dici nequit; hæc enim refractionis non obstat quo minus, imago illa quæ in internâ oculorum nostrorum parte, cum Lunam videmus orientem, pingitur, sit minor quàm imago quæ efformatur, cum luna jamdudum orta supra caput nostrum eminet.

Astronomi, quorum est Planetarum diametros metiri, quo magis Luna ab horizonte recedit, ac proinde quo minor illa videtur, eo magis ipsius diametrum augeri observant; itaque diameter imaginis, quæ in internâ oculorum nostrorum parte pingitur, minor est, cum Lunam videmus majorem. Re verâ Luna oriens à nobis terræ semidiametro remotior est, quam quum supra verticem nostrum lineâ perpendiculari eminet. Nec aliam ob causam ipsius diameter augetur, cum supra horizontem ascendit, tum enim ad nos accedit.

Cur igitur illam, dum oritur, majorem videmus? non certè propter
refractionem

refractionem radiorum, à vaporibus terræ factam, cum imago ex istis radiis efformata minor sit; sed id oritur ex judicio naturali, quod de ipsius distantia ferimus, quia nempe trans terras à nobis longè distitas, ut jam dictum est, posita videtur. Rem sanè stupendam! Philosophos hujusce erroris sensuum nostrorum causam inventu difficiliorem existimare, quàm maximas algebrae *aquationes*.

Hæc ratio, quâ de alicujus objecti distantia, ex ipsâ rerum inter nos & illud objectum interjectarum distantia judicamus, utilitate suâ, cæterarum rationum de quibus supra inutilitatem, non rarò supplet. Hac enim postremâ ratione, quædam objecta multis leicis à nobis distita esse, facile judicamus, quod aliarum rationum ope judicare non licet illam tamen si expendas, multis vitiis scatere, comperies.

Ac primò quidem hæc ratio, circa res duntaxat quæ super tellure posita sunt, non verò circa res quæ sunt in aëre vel in cœlis, nisi rarò admodum, & inutiliter ut plurimum, usu venit. Secundo in tellure, eâ ratione uti non datur, nisi circa objecta, aliquot tantummodò milliaribus distita. Tertio, si inter nos & objectum contemplandum, vel valles, vel montes, vel aliud quodlibet simile, intersint, hæc ratio erit inutilis. Denique nemo est, ut putò, qui plus satis non sit expertus, quàm incerta sint judicia quæ circa objectorum distantiam ferimus ex sensibili rerum interpositarum visu. His etiam fortè diutius æquo immoror.

Hæ igitur sunt rationes, quibus de objectorum distantia judicamus. Ex vitiis deprehensis, jam colligere est, judicia iis innixa esse perquam incerta.

Unde nullo negotio præcedentes propositiones meas demonstrare possum. Objectum G ab objecto A satis distitum supposui: Ergo multoties admoveri potest ad D, aut accedere ad B; ita tamen ut nemo mutationem illam agnoscat; quandoquidem non sit tuta ratio & judicandæ ipsius distantiae. Immo objectum illud versus D, recedere potest, cum ad B accedere censebitur; quia imago objecti nonnunquam in retina augetur, sive ob trepidationes quasdam quæ nonnunquam fiunt in nervo optico, sive quia aër, inter objectum & oculum interjectus, radios interdum magis refrangit, seu tandem quia impressio, quam unio radiorum non satis accurata agit in retinam, ad partes quasdam, quæ ipsâ tamen affici non deberent, transit, quod non unâ de causâ contingere potest. Itaque objectorum imago tum major facta, eò adducit mentem, ut credat objectum accedere. De cæteris propositionibus idem esto judicium.

Prius quam huic capiti finem imponam, istud observatum velim; scilicet, vitæ nostræ conservationi perquam utile esse, ut eo accuratius motum aut quietem corporum cognoscamus, quo corpora illa propius ad nos accedunt; hanc verò accuratorem non ita esse utilem, cum objecta à nobis distita sunt. Ex hac enim observatione, illius quod de omnibus sensibus in genere protuli, veritas patet; sensus scilicet nostros,

res nobis patefacere, duntaxat quatenus nobis sunt utiles, non verò quales in se sunt. Motum enim & quietem corporum, ut jam dictum est, eò accuratius cognoscimus, quo magis ad nos accedunt; de iis verò, sensuum nostrorum ope judicare desinimus, cum ita à nobis recesserunt, ut corpori nostro nec utilia nec noxia esse amplius possint. Ut, verbi gratiâ, cum à nobis sexcentis aut circiter passibus recedunt, si saltem alicujus sint magnitudinis; vel etiam si propius adsint, quum sunt minora, aut denique longius, si sunt majora.

C A P V T X.

De erroribus circa qualitates sensibiles. I. Distinctio anima & corporis.

II. Organa sensuum explicantur. III. Cui corporis parti anima immediate uniatur. IV. Quia objecta externa agant in corpus. V. Quid in mentem, & cur mens non percipit motus fibrarum corporis.

VI. Quatuor in unaquaque sensatione vulgò confunduntur.

Superioribus capitibus, judicia quæ ex oculorum nostrorum testimonio, circa extensionem, figuram & motum corporum, formamus, nunquam esse accuratè vera, probavimus. Illa tamen non esse usquequaque falsa fatendum est. Hanc saltem includunt veritatem, extensionem, scilicet figuras, motus, qualiacunque tandem illa sint, extra nos esse.

*Vide: Iden-
sationem*

Multa equidem videmus, quæ nec sunt, nec unquam fuerunt, ac statim atque aliquid extra nos videmus, illud reverà extra nos existere, frustra colligeremus. Ab ideâ, menti hominis cujuspiam præsentî, ad actualem rei illius quam idea repræsentat existentiam, nulla est necessaria consequentia, ut vel ex somniantibus aut delirantibus plus satis liquet. Cum tamen extensionem, figuras, motus videmus, illa ut plurimum reverà esse extra nos, asserere tunc possumus. Hæc non tantum imaginaria, verum etiam realia sunt, nec fallimur, cum ipsis existentiam realem & ab intellectu nostro independentem tribuimus, quamquam id probatu sit perquam difficillimum.

Judicia igitur, quæ circa extensionem, figuras, & motus corporum, à nobis feruntur, aliquam includere veritatem, constat. Verum res secus se habet de judiciis, quæ circa lucem, colores, sapes, odores, cæterasque qualitates sensibiles decernimus; illa enim, ut in hoc primo libro conspicuum erit, semper falsa sunt.

Lux à coloribus hic à nobis non disjungitur; tum quia reapse inter se non valde differunt, tum etiam quia seorsim explicari non possunt. De cæteris etiam qualitatibus sensibilibus in genere, eodem tempore quo de hisce duabus, agetur; quippe quæ omnes eodem principio sint
a nobis

à nobis explicandæ. Infra dicendis, utpote superius dicta & pondere & utilitate suâ longius exuperantibus, enixè attendendum est.

Ac primùm lector, duas ideas quæ menti nostræ insunt, quarum prior corpus, posterior spiritum seu potius substantiam immaterialem aut incorpoream, nobis repræsentat, apud se reputasse & expendisse supponimus; utramque ab ipso suis proprietatibus positivis apprimè distingui; ipsum, uno verbo, hanc veritatem altè imbibisse, extensionem scilicet, à cogitatione esse distinctam atque diversam. Vel supponimus lectorem, quosdam Divi Augustini locos, ut, verbi gratiâ 10. cap. libri decimi de Trinitate, quartum & decimum-quartum caput libri de Quantitate mentis, aut Meditationes Viri clarissimi Cartesij; id præcipuè quod ad distinctionem corporis & animæ seu mentis spectat; aut denique sextam dissertationem de distinctione animæ & corporis viri cl. De Cordemoy, attentè legisse.

Distinctio animæ & corporis.

Ideam hic voco quæquid est objectum mentis immediatum.

Præterea lector anatomix organorum sensuum, peritus esse debet. Ipsum nempe non debet latere, organa illa constare ex tenuibus fibris, è medio cerebro originem suam ducentibus, quæ hinc in singula membra sensu prædita disperguntur, ac denique, nullâ interruptione factâ, ad externas usque corporis nostri partes extenduntur. Illarum autem fibrarum, dum vigilamus aut prosperâ utimur valetudine, alterum extremum moveri nequit, quin extremum oppositum, protinus moveatur, propter ipsarum perpetuam intentionem; quemadmodum funis contenti, alterum extremum, altero immoto, movere non potes; Quod à lectore etiam resciri velim.

II.

Organorum sensuum explicatio.

Insuper neminem fugere debet, hæc fibras bifariam moveri posse, scilicet per extremum illud quod est extra cerebrum, vel per extremum illud quod est intra cerebrum. Si fibræ illæ ab objectis extrinsecus afficiuntur ita ut ipsorum agitatio ad cerebrum usque non perveniat, ut fit per somnum, tum ex illa agitatione mens nullam novam recipit sensationem. Si verò tenues illæ fibræ spirituum animalium concursu, aut ab alia quavis causâ intrinsecus in cerebro moveantur, tum mens aliquid percipit, quamvis fibrarum illarum partes extra cerebrum sitæ, & per omnes corporis nostri partes dispersæ, omnino quiescant, ut iterum in somno contingit.

Nec abs re erit hic etiam obiter unum observare, quod experientiâ duce cognoscimus. Nos scilicet in quibusdam corporis nostri partibus penitus resecatis, dolorem interdum sentire. Quia, scilicet, fibræ cerebri, quæ istis partibus correspondent, eodem modo ac si revera partes illæ fauciarentur commotæ in mente nostra, partium illarum quas fingit imaginatio, occasione, dolorem realem excitant. Hæc enim, mentem, in illâ cerebri parte in qua hæc sensuum organa originem suam sortiuntur, immediate residere, evidenter demonstrant: ibi, scilicet, quæcunque objectorum occasione in ista parte vertuntur, sentit, nec etiam quod extra hanc partem cerebri agitur, nisi fibrarum illarum interventu potest percipere. Hæc posito & clarè intellecto, quo-

III.

Mentem immediate uni-ri isti cerebri parti in qua organa sensuum coeunt.

modo fiat sensatio nullo negotio comperies, sed rem uno exemplo dabo claram.

I V.

*Exemplum,
quo quid
objecta va-
leant in cor-
poris expli-
catur.*

Quam acūs cuspide manu meae applico cuspis illa movet & dividit fibras carnis meae. Fibræ illæ hinc ad cerebrum usque porriguntur, & dum vigilo, satis intenduntur, ut externæ partes, immotis internis cerebri partibus, moveri non possint. Extrema igitur fibrarum cerebri etiā moventur; jam autem si fibræ manūs mediocriter moveantur, tum & fibræ cerebri mediocriter movebuntur. Quod si motus ille ita vehemens sit ut aliquid in manu disrumpat, tum etiam in cerebro vehementior & violentior sentietur.

Pariter, si manum ad ignem admoveas, particulae ligni, quas innumeras indefinenter & vehementer pellit, ut id ratio deficiente visu demonstrat, fibras concutiunt, & ipsis aliquam agitationis suae partem impertiuntur. Si illa agitatio temperata est, temperata pariter erit agitatio fibrarum cerebri quæ manui respondent. Si autem agitatio illa ita violenta est in manu, ut in ea particulas aliquas discerpat, ut sit cum in aliqua corporis parte combureris, tum etiam agitatio internarum cerebri fibrarum & vehementior & violentior erit: illud est quod in corpore nostro agitur, cum ab objectis afficimur, jam videamus quid menti nostræ contingat.

V.

*Quid objecta
agant in
mentem. &
cur mens non
percipiat
motus fibra-
rum corporis.*

Mens autem, in illa cerebri parte, ex qua omnes nervorum nostrorum fibræ principium suum ducunt, præcipuè, si fas sit ita loqui, sita est. Ibi verò constituta fuit, ut singulas corporis nostri partes foveat atque tuteatur; ac proinde omnes quæ in illis fibris sunt mutationes, ipsam accipere par est; ut mutationes corporis constitutioni congruas, ab iis quæ ipsi officiunt discernere valeat; ipsi enim, si eas ἀπλῶς & sine ulla ad corpus relatione cognosceret, foret inutile. Quapropter, quamvis omnes illæ fibrarum mutationes in motibus duntaxat reverâ consistant, qui in se plerumque non differunt, nisi quatenus sunt vel plus vel minus vehementes; mens tamen de iis, quasi essentialiter differrent, judicare tenetur. Licet enim in se parum differant, si tamen conservationem corporis respicias, eas essentialiter differre haud dubiè comperies.

Hæc ratiocinatio confusa, aut istud judiciū naturale nihil est præter sensationem compositam.

Vide quæ supra cxi de iudiciis naturalibus & cap. i. 311 li.

Motus, exempli gratiâ, dolorem pariens, non valde ut plurimum differt, ab illo motu, qui titillationem excitat; inter hosce duos motus essentialem existere differentiam haud opus est; quamvis titillatio & dolor, quæ ambo illi motus in mente excitant, necessariò inter se differant. Quippe commotio fibrarum unde oritur titillatio, menti denunciat validam corporis constitutionem, quâ objecti impressioni ita resistere potest, ut ne ex ejusmodi impressione, quicquam detrimenti patiatur, timendi non detur locus. Verum motus unde oritur dolor, cum paulò violentior sit, aliquam corporis fibræ rumpere potest; cui malo ut consulat mens, molestâ aliquâ sensatione, moveri par est. Itaque, quamquam motus qui in corpore excitantur in se reverâ non differant, nisi quatenus, alij aliis vehementiores sunt, illos tamen

tamen, si vitæ nostræ conservationem respicias, essentialiter differre agnosces.

Hanc ob causam, mens nostra commotiones quæ ab objectis excitantur, in carnis nostræ fibris non percipit; ipsas cognoscere foret inutile; quippe quæ ab iis non posset accipere, an objecta nos circumcincidentia, corporis nostri compagem vel conservarent vel destruerent: sed iis afficitur sensationibus, quæ essentialiter differunt, quæque objectorum qualitates, quatenus saltem corporis interest, ipsi indicantes, ipsam etiam distinctè docent, an objecta illa corpori possent officere.

His adde quod, si mens nihil perciperet, præter id quod in manu agitur, momento combustionis; si nihil præter motum aut divisionem aliquot fibrarum, id certè susque deque haberet; quin ejusmodi motibus nonnunquam fortè, repentino quodam acto impetu delectaretur, Vesanorum illorum adinstar, quos per furorem, omnia subruere juvat.

Vel non secus ac captivus, carceris sui claustra dirui, non ægro cerneret animo, vel etiam spe libertatis adductus gauderet. Ita, si solam partium corporis nostri divisionem perciperemus, dum comburimur, felicitatem nostram in eo non esse positam, ut corpore quod nos à beatitudine nostra potius amovet, includamur, statim arbitantes, ipsius destructionem exoptaremus.

Unde liquet, autorem unionis animæ cum corpore, summâ instituisse sapientiâ, ut dolorem tum sentiremus, cum in corpore talis contingit mutatio, ut ex ipsa detrimentum patiatur; ut, verbi gratia, cum acus carni infigitur, aut cum ignis ipsius partes dividit; titillationem verò aut sensationem quamlibet jucundam experiremur, quum motus illi temperati sunt; Et hæc omnia quidem, sine ulla perceptione eorum quæ reverà in corpore nostro aguntur, aut motuum fibrarum, de quibus antea.

Primò, quum dolorem & voluptatem, quæ toto genere differunt, sentimus, objecta quæ istis sensationibus occasionem præbuerunt, facilius dignoscimus. Secundò, hæc ratio, quâ monemur, an corporibus nos ambientibus, adhærere, an verò ab iis recedere debeamus, brevior est, mentisque Deo comparatæ capacitatem minus occupat. Denique, cum dolor & voluptas, sint modificationes mentis quas cum respectu ad corpus suum percipit, quæque illam magis afficiunt, quam cognitio motuum aliquot fibrarum; hinc fit ut ad istas sensationes sollicita attendat, unioque inter utramque hominis partem arctior evadat. Ex his igitur liquet, sensus nobis concessos fuisse, non ut ab iis veritatem doceamur, sed tantum ut eorum ope vitam nostrâ conservemus.

Quod de titillatione & dolore dictum est, de omnibus sensationibus in genere intellectum velim, ut infra clarius patebit. Ab hisce duabus sensationibus, potiusquam ab aliis initium duximus, tum quia vividiores sunt, tum quia rem præstant clariorem.

Nos

Nos circa lucem & colores, nec non generatim circa omnes qualitates sensibiles, ut circa frigus, calorem, odores, sapes, sonum, dolorem, voluptatem, innumeros errores admittere, jam facile est demonstratu. Quid si singulos errores nostros, circa omnia sensuum obiecta expedire, esset animus. Multi certè anni, re adhuc infectâ, præ ingenti illorum errorum numero, consumerentur. De iis igitur generaliter dicere sufficiat.

VI.
Quatuor
modi con-
funduntur
in unaquaq;
sensatione.

In omnibus penè sensationibus, quatuor licet diversa confunduntur, quia scilicet, simul & velut in instanti aguntur. Atque illud est cæterorum errorum sensuum principium.

Primum quod confunditur, est *actio* obiecti, hoc est, in calore, exempli gratia. *impulsio* & motus particularum ligni in fibras manûs.

Secundum est *passio* organi sensûs, hoc est, agitatio fibrarum manûs orta ex impulsione particularum ignis, quæ agitatio ad cerebrum usque pervenit, alioqui enim mens nil sentiret.

Tertium est *passio*, sensatio, aut perceptio mentis, hoc est, id quod quilibet sentit, quum ad ignem accedit.

Quartum est *judicium*, quo mens judicat, id quod sentit esse in manu sua & in igne. Judicium autem illud naturale est, vel potius nihil aliud est præter sensationem compositam, hanc verò sensationem, seu hoc iudicium naturale, aliud iudicium liberum semper comitatur, quod mens ferre ita consuevit, ut ab eo vix temperare queat.

Hæc quatuor, ut videre est, longè diversa sunt, nec tamen vulgò distinguuntur; unio scilicet arcta quæ est inter mentem & corpus, nos sæpe impedit, quo minus hæc distinguere valeamus, quippe propter hanc tam arctam unionem, proprietates materiæ, à proprietatibus mentis sive substantiæ incorporeæ, sejungere vix possumus.

Nemo tamen est, qui ad rem attendens, non videat, ex hisce quatuor quæ in nobis aguntur, dum aliquo obiecto afficimur, duo priora ad corpus, duo verò posteriora ad mentem duntaxat pertinere. Si saltem priusquam ad hanc lectionem se accinxerit super mente & corpore aliquandiu fuerit meditatus, ut præsuppositum est. Sed hæc seorsim sunt explicanda.

C A P V T X I.

I. De errore quem admittimus, circa actionem obiectorum in fibras externas sensuum. II. Causa huius erroris. III. Obiectio cum responsione.

IN hoc capite & in tribus sequentibus, de hisce quatuor, quæ confundi, & tanquam simplex esset sensatio haberi mox diximus, agetur. Errores, quos hac in re erramus, generali tantum ratione explicabuntur;

cabuntur ; nullus enim esset dicendi finis, si eos sigillatim enumerare aggredieremur. Qui tamen dicenda seriò expendet, omnes errores sensuum nostrorum, nullo negotio deprehendet. Verum id ab illo vehementer exoptem, ut nempe supra dictis, & infra dicendis attentus incumbat.

Quod primum confunditur in unaquâque sensatione, est actio objectorum in fibras externas corporis nostri. Nullam ferè admitti differentiam, inter sensationem mentis, & ipsam objectorum actionem, pro certò constat; nec res comprobatione indiget. Plerique Homines, calorem, in igne à quo excitatur, esse arbitrantur, lucem esse in aëre, & colores in objectis coloratis. De motibus corpusculorum quæ istas sensationes excitant, ne per somnium quidem cogitantes.

I.
De errore qui admittitur circa actionem objectorum in fibras sensuum nostrorum.

Dolorem esse in acu quâ punguntur, haud equidem existimant, quemadmodum calorem esse in igne credunt. Quia nempe acus & ipsius actio sub visum cadunt, particulæ verò ligni ex igne emissæ, motûsque quo manus nostras movent, visum nequaquam feriunt. Cum itaque nihil videamus, quod manus nostras attingat, dum calefimus, calorem tamen in iis sentiamus, hunc calorem esse in igne, in illo nihil aliud deprehendentes, sponte nostrâ judicamus.

II.
Hujus erroris causa.

Plerumque igitur sensationes nostras objectis tribuimus, quam causæ istarum sensationum nos latent. Quia verò dolor & titillatio corporum sensibilium actione excitantur, ut verbi gratiâ, acu aut pennâ, quas videmus & tangimus, hanc ob causam, in hisce objectis quicquam esse quod sensationibus nostris simile sit, non imaginamur.

Nihilominus tamen, combustionem non esse in igne, sed tantum in manu, judicamus; quamquam hæc combustio, non secus ac calor, quem igni tribuere solemus, à ligni particulis producat. Sed hujusce judicii hæc est causa: combustio, scilicet, est quoddam doloris genus; jam autem, cum multoties, dolorem non esse in corpore externo à quo excitatur, senserimus; idem de combustionem judicium, nullo negotio facimus.

III.
Obiectio.

Ad hoc judicium hac etiam de causâ impellimur; dolor scilicet, aut combustio mentem nostram corporis nostri partibus, attentissimam præbent, quæ attentio ab alia quavis cogitatione mentem deterret; quo pacto sensationem ex combustionem ortam, objecto sibi præsentissimo arrogat. Quia autem paulò post combustionem vestigia quædam in parte combustâ reliquisse, comperimus hoc experimento, combustionem esse in manu, certiores adhuc evadimus.

Hoc tamen non obstat quo minus hoc axioma generale admittatur. Nos, scilicet, vulgò tribuere sensationes nostras objectis; quotiescunque illa objecta motu partium quarundam invisibilium, in nos agunt. Nec aliam ob causam, colores, lux, odores, sapes, sonus, cum aliis quibusdam sensationibus, in aëre, aut in objectis externis, à quibus excitantur, inesse vulgò creduntur; quia, nempe, istæ omnes sensationes, motu corporum quorundam imperceptorum in nobis excitantur.

G

CAPVT XII.

I. De erroribus circa motûs fibrarum sensuum nostrorum. II. Hosce motûs nobis esse imperceptos vel a nobis confundi, cum sensationibus nostris. III. Res experimento probatur. IV. Tria sensationum genera. V. Errores quos secum ducunt.

Quod secundo in unaquaque sensatione deprehenditur, est commotio fibrarum nervorum nostrorum, quæ cerebrum pertingit. In eo autem erramus, quod scilicet hanc commotionem cum sensatione mentis nostræ semper confundamus; quodque cum nullam commotionem sensibus deprehendimus, nullam reverâ esse statim judicemus.

Commotionem, exempli gratiâ, quam ignis excitat in fibris manûs nostræ cum sensatione caloris confundimus, caloremque in manu nostrâ esse dicimus. Quia autem commotionem illam quâ objecta visibilia nervum opticum, in internâ oculi parte positum, movent, non sentimus, nervum illum non moveri, nec coloribus quos videmus obduci existimamus; quin objectum externum hisce misceri coloribus censemus. Colores tamen nervo optico æquè fortiter ac vividè impressos esse, ac objectis visibilibus, experimento sequenti patebit.

Sumatur oculus bovis recens jugulati, detrahantur pelliculæ illæ, quæ pupillæ adversæ sunt, juxta nervum opticum, & in earum loco, charta quædam valdè pellucida, supponatur. Hoc facto, oculus ille fenestræ cujusdam foramini applicetur, ita ut pupilla aëri objiciatur, posterior verò oculi pars includatur intra cubiculum, quod ita clausum & obturatum esse debet, ut perobscurum sit. Tunc omnes objectorum, quæ extra cubiculum posita sunt, colores in interna oculi parte resperfos conspicias; sed ita tamen ut objecta resupina appareant. Quod si colores non sint satis vividi, oculus erit extendendus, ipsius lateribus compressis si, nempe, objecta quæ in interna oculi parte pinguntur, sint propinquiora; si verò remotiora, oculus erit contrahendus.

Si igitur sensus nostri, veritatis inveniendæ causâ nobis essent concessi, aut si rationem, in judiciis nostris circa objecta sensuum, ducem sequeremur, colores in interna oculorum parte judicare aut sentire haud dubiè deberemus, quemadmodum calorem in manibus nostris esse judicamus.

At verò ut hujusce judiciorum nostrorum, circa qualitates sensibiles, ut ita dicam, anomalie, sive irregularitatis, causa aliqua afferatur, animadvertendum est, mentem corpori tam arctè unitam esse,

&c

& ex quo peccavit, adeò carnalem, ut ita loquat evasisse, ut ipsi corpori multa tribuat, quæ sua sunt, utque vix ac ne vix semetipsam à corpore suo discernere queat, adeò ut ipsi non modò, sensationes omnes, de quibus jam agitur mentio, verum etiam vim imaginandi, & ipsam quandoque ratiocinandi facultatem tribuat. Non paucis enim Philosophis ingenium fuit adeò stolidum & præposterum, ut mentem nihil aliud esse crederent, præter delicatissimam & subtilissimam corporis partem.

Cuivis Tertullianum attentè legenti, res manifestè patebit. Ipse enim se cum multis aliis authoribus, in hac esse sententia profitetur. Nec quemquam de sua sententia ambigere sivit, cum in Libro quem *de animâ* composuit, probare conatus fuerit, nos eò, ut animam credamus corpoream, fide, scripturæ, necnon revelationibus specialibus adduci. Ejusmodi opinionibus confutandis non immoror, quippe qui jam supposuerim Lectorem meum legisse quosdam libros Divi Augustini, aut Viri Clarissimi Cartesij, ubi hujusce sententiæ ineptia satis demonstratur, & distinctio extensionis à cogitatione, & mentis à corpore immotis stabilitur fundamentis.

Tanta est igitur mentis cæcitas, ut ipsa se fugiat, propriasque sensationes sibi ipsi non asserat. Verum ut id clarius explicetur; tria sensationum genera in mente distinguenda veniunt. Nonnullæ, scilicet, validæ sunt & vividæ; Nonnullæ debiles & languidæ; Nonnullæ denique inter utrasque mediæ.

Sensationes validæ & vividæ, eæ sunt quæ mentem commovent, & vehementer excitant, quia ipsi vel jucundissimæ sunt, vel molestissimæ: hujus generis sunt, dolor, titillatio, frigus acris, ingens calor, eæ denique omnes in genere, quæ non modo vestigia quædam in cerebro imprimunt, verum etiam quæ spiritus animales versus internas corporis partes movent mittuntque, hoc est quæ ita movent spiritus, ut ex hoc motu, excitari possint affectus seu *passiones*, ut infra patebit.

Sensationes debiles & languidæ, eæ sunt quæ mentem leviter attingentes, ipsi nec jucundæ, nec molestæ sunt, ut lux mediocris, omnes colores, sonus lenes qui audiri solent, &c.

Sensationes denique inter utrasque mediæ, eæ sunt quæ mentem mediocriter afficiunt, ut lux præfulgida, sonus vehemens, &c. Jam autem sensatio debilis & languida primò media, ac deinde vivida fieri potest. Sensatio, exempli gratiâ, quæ ex luce oritur, debilis est, cum lux è face emissa languescit, aut cum fax ipsa procul sita est, sed hæc sensatio media fieri potest, si propius admoveatur fax; at vero validissima & vividissima evadit, si facem ita appropinques, ut oculi perstringantur; ut id etiam continget si solem prospicias. Sensatio igitur lucis juxta varios gradus, valida, debilis aut media esse potest.

Hæc sunt igitur mentis nostræ judicia circa hæc tria sensationum genera; ex quibus videre est, ipsam, impressiones sensibiles, aut judicia naturalia sensuum, cæco quodam impetu, sequi; adeo ut per

omnia objecta excurrans, in ipsa, quæ sua sunt, transferre non dubitet.

Priores sensationes mentem adeò vividè afficiunt ut non possit, quin eas, veluti suas, agnoscat, adeò ut ipsas non modò in objectis verum etiam in corporis, quod ut sui ipsius partem habet, membris inesse judicet. Unde fit ut frigus & calorem non solùm in glacie aut in igne, sed & in manibus suis esse censeat.

Sensationes verò languidæ, mentem adeò leviter attingunt, ut eas nec suas esse judicet, nec in seipsâ, nec in corpore suo, sed in objectis duntaxat esse censeat. Non aliâ de causâ, objecta externa luce & coloribus exornamus, dum iis mentem & oculos nostros spoliamus; quamvis hanc lucem hosque colores in ideâ materiæ nequaquam includi ipsâ ratione comperiamus; & quamvis experientiâ doceamur, nos ita æquò jure posse judicare hanc lucem & hosce colores esse in oculis nostris, ac ea judicamus in objectis; siquidem ea in oculis nostris cernimus æquè ac in objectis, ut ex oculo bovino in fenestrâ collocato probavi.

Cur autem, colores, odores, sapes, cæterasque sensationes, ut quasdam mentis nostræ modificationes, primo intuitu non habeamus; hæc est causa; quia nempe ideam mentis nostræ claram & distinctam non habemus. Cum enim rem quampiam, ex ideâ quæ rem istam repræsentat cognoscimus, tum omnes istius rei modificationes clarè cognoscimus. Nemo est, exempli gratiâ, qui non fateatur, rotunditatem esse modificationem quandam extensionis, quia, scilicet, nemo est qui extensionem, ex ideâ clarâ quæ ipsam repræsentat, non cognoscat. Cùm itaque mentem nostram non per ideam suam, ut alibi id explicabo, sed tantùm internâ quadam conscientiâ cognoscamus; certè non possumus comperire ex simplici apprehensione, sed tantùm ratiocinio, an albedo, verbi gratiâ, lux, colores, & cæteræ sensationes debiles, sint vel non sint modificationes mentis nostræ. Ad sensationes verò vividas, ut dolorem & voluptatem, quod attinet; illas quidem in nobis esse facilè judicamus, quia nempe ipsis vividè afficimur, nec, ut à nobis, tanquam nostræ, agnoscantur, ipsarum ideis indigemus.

At circa sensationes medias, mens non parùm ambigit. Hinc enim ad judicia naturalia sensuum propendens, à se ipsâ quantum potest, hæc sensationes amovet, ut eas objectis tribuat; illinc verò, non potest, quin eas, ut suas agnoscat & sentiat; potissimum quum sensationes illæ ad validas & vividas accedunt. Sic igitur in suis judiciis procedit; si à sensatione satis vividè attingitur; tum sensationem illam in corpore suo, non secus ac in objecto esse judicat. Si ab eâ leviter duntaxat attingitur tum eam in objecto duntaxat judicat; quod si sensatio illa inter utrasque accuratè media est, tum mens, si sensûs solos habeat magistros, quo se vertat incerta est.

Si exempli gratiâ, candelam eminus prospicio, mens mea lucem in solo objecto residere, judicat. Si verò candelam illam ad oculos meos quàm

quàm proximè admoveo, tum mens lucem non in objecto tantum, sed etiam in oculis esse judicat. Quod si candelam ab oculis amoveo ad pedis distantiam, tum mens an lux illa in solo sit objecto, aliquandiu incerta hæret. Sed nunquam eò adducitur quo tamen adduci deberet, ut, nempe, lucem nec esse, nec esse posse materiæ proprietatem aut modificationem, sibi que soli pertinere, apud se reputet; quia, scilicet, ratione suâ hujusce veritatis assequendæ causa non utitur, sed sensibus duntaxat, qui unius corporis conservationis causâ comparati, veritatem nunquam aperiunt.

Cur autem mens objectum sensibile contemplatura, ratione, hoc est, purâ intellectione suâ non utatur, hæc est causa. Nimirum, rebus purâ intellectione perceptis non commovetur, cum è contra rebus sensibilibus vehementissimè commoveatur. Mens enim neglectis iis rebus quibus non commovetur, iis solum attendit quibus vehementer commovetur; judicia igitur sua libera, ad judiciorum naturalium sensum normam plerunque dirigit.

Ut igitur rectum lucis & colorum, cæterarumque qualitatuum sensibilem feratur judicium, sensus coloris, à motu nervi optici sedulo distinguendus est, animadvertendumque motus & impulsiones esse proprietates corporum, quæ proinde in objectis & in organis sensuum esse quidem possunt; at verò lucem & colores, esse modificationes mentis ab aliis longè diversas, quæque proinde ideas etiam longè diversas efformant.

Rusticus enim, exempli gratiâ, colores equidem videt, & eos à quolibet aliâ re discernere novit. Nullum etiam motum in objectis coloratis nec in internâ oculorum suorum parte deprehendit. Ergo color non est motus, seu est quid à motu diversum. Pariter, Rusticus calorem quidem sentit, illumque, à qualibet aliâ re, quæ non sit calor, dignoscere potest, fibras tamen manûs suæ fuisse motas, nequaquam cogitat; calor igitur ille quem sentit non est motus, cum ideæ caloris & motus diversæ sint, alteramque sine alterâ possit habere. Nullam enim aliam asferre potes causam, cur quadratum non sit rotundum, quam quia idea quadrati diversa est ab idea rotundi, & quia de quadrato cogitare potes, non cogitato rotundo.

Si tantillum attendas facile comperies, non necessarium esse, ut causa quæ hujus vel illius rei sensationem in nobis excitat, rem illam in se contineat. Quemadmodum enim, cum oculis manu meâ percussis lucem video, non necesse tamen est ut lux sit in manu mea. Sic cum manus ad ignem admovens calorem sentio, non necesse est ut sit calor in igne. De cæteris qualitatibus sensibilibus res eodem modo se habet; ut illas sentiam, non opus est eas objectis inesse. Objecta illa aliquam in fibris carnis meæ commotionem excitare satis est, ut mens mea ipsis unita, aliquâ sensatione modificetur. Nulla est analogia inter motus & sensationes; concedo. Sed nulla pariter est analogia inter corpus & substantiam immaterialem; jam autem cum natura live

Creatoris voluntas has duas substantias, quantumvis naturâ suâ oppositas, conjungat; ipsarum modificatione, inter se reciprocari non mirum est, id sic se habere necesse est, ut duæ illæ substantiæ unicum component totum.

Verum enimverò, cum sensûs ad corporis nostri conservationem aptati fuerint, non frustrâ est, quòd eorum ope, de qualitatibus sensibilibus ita judicemus. Dolorem & calorem in corpore nostro sentire, longè utilius nobis est, quam si istas sensationes in solis objectis esse judicaremus. Cum enim dolor & calor membra nostra lædere possint; mentem nostram moveri par est, cum iis afficiuntur, ut huic malo occurrat.

Res verò de coloribus aliter se habet: cùm enim internam oculi partem, in quam coeunt, non possint lædere, haudquaquam opus est, ut sciamus ipsos in ea esse pictos. Colores illi ad id tantum necessarii sunt, ut distinctius objecta cognoscamus, nec aliam ob causam sensuum nostrorum testimonio freti, illos solis tribuimus objectis. Judicia itaque, quæ per impressionem sensuum ferimus, sunt rectissima, si solam corporis conservationem respicias. Incertissima tamen, sunt immo falsissima, si ad veritatem spectes, ut jam patuit, clariùsque infra patebit.

C A P V T XIII.

I. De naturâ sensationum. II. Circa ipsas ignorantiam nostram non tam esse quam credimus. III. Objectio cum responsione. IV. Cur nullam sensationum nostrarum cognitionem nos habere existimamus. V. Omnes homines eorundem objectorum occasione, iisdem affici sensationibus, falsò credi. VI. Objectio cum responsione.

I. **Q**UOD tertium in unaquaque sensatione reperitur, seu id quod sentimus, cum exempli gratiâ, prope ignem sumus, est *Modificatio mentis nostre orta ex eo quod in corpore, cui unita est, agitur.* Hæc modificatio jucunda est, cum id quod in corpore agitur, circulationi sanguinis, cæterisque vitæ functionibus conducit; illa verò modificatio est molesta & à priori prorsus diversa, cum id quod in corpore agitur, ipsum infestare & comburere potest, hoc est quando motûs corporis, aliquas ipsius fibras rumpere possunt, idque vulgò dicitur, dolor seu ustio, & sic de cæteris sensationibus. Sed hæc sunt quæ vulgus circa istud opinatur.

II. *Circa sensationum ignorantiam non tam esse quam credimus.* Ac in eo primum errat quod, se nullam sensationum suarum cognitionem habere immeritò credat: Innumeros quotidie videas homines circa doloris, voluptatis, cæterarumque sensationum naturam valde sollicitos; quamvis ipsas in sola mente esse ac nihil aliud esse præter mentis modificationes non negent. Ejusmodi homines non possum

quæ

quis sciret. Res quæ ipsos latere non possunt, edoceri tamen volunt; quis enim dolorem sentiens, quid sit dolor, penitus ignoret?

Qui, verbi gratiâ, in manu uritur, dolorem quo tunc afficitur, à luce, colore, sono, saporibus, odoribus, voluptate, & ab alio quovis dolore, apprimè distinguit: Illum dolorem ab admiratione, desiderio, amore, nullo negotio discernit. Iterum illum à quadrato, circulo, motu, quàm facillimè dignoscit. Quid plura? Illum denique ab omnibus iis quæ non sunt ille dolor, diversum sentit. Si autem nullam doloris cognitionem haberet, quî, quæso, illud quod sentit ab omnibus supra dictis diversum esse, certè & evidenter cognosceret?

Id igitur quod immediatè sentimus quum colores videmus, aut alio quovis afficimur, aliquatenus à nobis cognoscitur; nec certè, si id non cognosceremus ullum objectum sensibile cognosceremus. Aquam, verbi gratiâ, à vino non possemus distinguere, nisi sensationes ab aqua ortas, à sensationibus à vino ortis, diversas sentiremus; & ita de cæteris quæ sensuum ope cognoscimus.

Quod si me urgeas, à me exigendo, ut quid sint dolor, voluptas, color tibi explicem; me id verbis exprimere non posse fateor. Sed quid inde? id non obstat quominus, dum colorem video, aut dum com- III.
Obi. Et cum
responsione.

Cur autem sensationes verbis exprimi non possint ut cætera, hæc est causa ab hominum, scilicet, voluntate pendet, ideas rerum quibusque nominibus ex arbitrio alligare. Cælum nuncupare possunt *Oranoni Schamajum*, Græcorum & Hebræorum exemplo. Verùm isti homines sensationes suas verbis, aut ulli alij rei, pro habitu non alligant: frustra de coloribus coram illis loquaris, eos non vident, nisi oculos aperiant. Nullos gustant sapes, nisi aliqua in ordine librarum linguæ & cerebri fiat immutatio. Uno verbo sensationes non pendent ab hominum voluntate. Solusque ipsarum author eas in mutuâ convenientiâ seu correlatione quæ inter modificationes mentis & modificationes corporisprehenditur, conservare potest. Si igitur quis, calorem aut colorem sibi à me repræsentari cupit, ut id faciam frustra verbis utar; sed motus quibus hæc sensationes alligavit natura in ipsius sensuum organis excitari opus est, ad ignem admoveatur, pictasque videat tabellas oportet.

Atque hæc est causa, cur nunquam possis notificare cæcis, quid per rubrum, viride, flavum, intelligas. Cum enim à quoquam non possis intelligi, nisi, qui te audit, easdem tecum ideas habeat: certè, cum colores non verborum sono, aut motui nervi aurium, sed motui nervi optici alligantur, illi colores non possunt repræsentari cæcis, quia ipsorum nervus opticus objectis coloratis commoveri nequit.

Aliquam igitur habemus sensationum nostrarum cognitionem. Jam videamus cur tamen illas nos non cognoscere credimus, atque ideo ipsarum cognitionem quærimus. Hæc est hujus erroris causa. IV
Cur sensatio-
nes ignorari
putantur.

Mens, ex quo peccavit, facta est veluti corporea, inclinatione sal-
tem

tem suâ. Amor ille quo sensibilia complectitur unionem sive convenientiam suam cum rebus *intelligibilibus* (aut spiritualibus, aut incorporeis) indefinenter minuit. Quæ sensûs non feriunt, ipsi protinus fastidium tædiumque pariunt. Imagines quasdam quibus ea sibi repræsentet in cerebro formare nititur, istique conceptionis generi à creatione suâ ita assuevit, ut ea quæ non imaginatur, sese non cognoscere credat.

Non pauca tamen sunt, quæ cum corporea non sint, imaginibus corporeis menti repræsentari nequeunt, ut v. g. mens nostra cum modificationibus suis. Quum igitur mens nostra, naturam suam, suas sensationes sibi repræsentare vult ipsarum corpoream imaginem efformare coratur. In omnibus entibus corporeis seipsam disquirat. Et sibi ipsi modo hujus modò illius naturam affingit; modò aërem, modò ignem, modò quandam partium corporis harmoniam sese existimat esse. Cum igitur seipsam inter corpora invenire suasque modificationes, quæ sensationes sunt, modificationum corporis adinstar imaginari velit, non mirum est, si erret, ac seipsam penitus ignoret.

Quod mentem etiam eò adducit, ut sensationes suas imaginatione percipere velit, illud est; ipsas, scilicet, in objectis esse, immo ipsorum objectorum modificationes esse judicat; unde fit ut eas, tanquam aliquid corporeum & imaginabile habeat. Sensationum igitur suarum naturam, in solo motu qui eas excitat aut in alia quadam corporis alicujus modificatione consistere censet. At verò cum comperit id diversum esse ab eo quod sentit, quod nec corporeum est, nec imaginibus corporeis potest repræsentari, anxia hæret, eoque adducitur ut credat se non cognoscere suas sensationes.

Illos verò, qui quamvis irritò non se macerent molimine, ut mentem ipsiusque modificationes corporeis imaginibus sibi repræsentent, & anxij tamen sunt circa sensationum naturam, scire decet; mentem nostram, ipsiusque modificationes, per ideas non cognosci, si saltem ideæ vocabulum suo vero sensu, quem tertio libro determino & explico, sumatur, sed tantum sensu quodam interno seu mavis conscientia; cum igitur optant sibi explicari sensationes per ideas, id optant, quod penes nullum hominem est. Homines enim nos docere non possunt, formando in nobis ideas rerum, sed eas tantum excitando, quas jam habemus.

Secundus error, quem circa sensationes admittimus, in eo consistit, quod eas objectis tribuamus. Is autem capite XI. & XII. explicatus fuit.

V.
Omnes homines eorundem objectorum occasione iisdem affectibus sensibusque uti solent, sed non credi.

Tertius in eo consistit quod judicemus, omnes easdem de iisdem objectis habere sensationes. Existimamus, exempli gratia, omnes videre cælum cæruleum, prata virentia, & cuncta objecta, qualia ea nos videmus; & sic de cæteris qualitatibus sensibilibus. Immo non pauci mirabuntur, me res, juxta ipsorum opinionem extra dubitationis aleam positas, in dubium tamen revocare. Ausim tamen asserere, hancce ipsorum

ipsorum opinionem, nullo legitimo niti fundamento : & quamvis eos non possis erroris mathematicè convincere, possem tamen id demonstrare, quòd scilicet, si non errent, id sanè fortunæ acceptum referre debeant. Nec etiam desunt rationes quibus ipsos reapse errare, possim affirmare.

Ut propositionis meæ veritas pateat, id quod supra probavi revocandum est in memoriam, sensationes, scilicet, à causis sensationum valdè differre. Inde enim inferre licet, fieri posse, absolutè loquendo, ut iidem fibrarum internarum nervi optici motus, easdem sensationes in diversis hominibus non excitent sive eosdem non exhibeant colores, & contingere posse ut motus qui in hoc sensationem cœrulei excitaverit, in illo viridis aut fasci sive novam prorsus, & quam nemo unquam passus sit, sensationem excitet.

Id fieri posse constat, nec contrarium ullâ solidâ ratione demonstrari potest; rem tamen sic non se habere, verosimilius mihi videtur. Satius est existimare Deum in unione qua mentes & corpora univit, semper æqualiter agere, ipsūque easdem ideas easdemque sensationes, similibus fibrarum internarum cerebri multorum hominum motibus, alligare.

Jam igitur id apud omnes constat, eosdem, scilicet, motus fibrarum quæ in medium cerebrum cœunt, easdem in omnibus hominibus excitare sensationes; certè si eadem objecta, eosdem in cerebro motus non excitant, easdem proinde in mente non excitabunt sensationes. Jam autem, cum organa omnium hominum non sint eodem modo disposita, profectò nec easdem, ex iisdem objectis, omnes excipere debent sensationes.

Ictus pugni, exempli causâ, quibus animi gratiâ & in mutuae benevolentiae symbolum sese confricant bajuli, alios homines possent graviter lædere. Idem ictus variè igitur movet hominem robustum puerum tenerum, & foeminam delicatulam, ac in iis proinde longè diversas excitat sensationes. Cum itaque non sint fortè duo homines, quorum organa eodem prorsus modo conformata dici possint; vix pariter reperiens duos homines eadem objecta, eodem prorsus modo sentientes.

Nec aliunde est stupenda illa inclinationum varietas quæ inter homines deprehenditur. Alij musicam deperiunt, alij verò illam negligunt. Ac inter musicæ amatores alij hoc alij verò illo musicæ genere delectantur; pro varietate propemodum infinitâ fibrarum nervi auditus, sanguinis, & spirituum. Quantum, exempli gratiâ, differt musica Gallorum, Italorum, Sinarum, & aliarum gentium? ac proinde quantum differunt sensationes variorum istorum populorum circa varia musicæ genera, variis etiam temporibus eodem concentu siue eadem Symphoniâ variè afficimur. Si enim imaginatio spirituum rapidè fluentium copiâ æstuet, tum musica licentiosa & dissonans, molliori & ad normam Mathematicam exactâ arridet magis. Id jam experientiâ probatum, ratione confirmare non foret difficile.

De odoribus res non secus se habet, qui citrij floris odore gaudet, rosæ odorem fortè refugiet, & contrà.

Circa sapes non minor est varietas quàm circa alias sensationes. Condimenta variè parata esse debent, ita ut diversis hominibus placeant, vel ut iidem homini variis temporibus grata sint.

Sunt quos dulce juvat, dum alij acido delectantur; quidam vino gaudent, dum alij illud horrescunt. Ac idem homo cui vinum videbatur jucundissimum dum sanus erat, illud febricitans amarum reperiet. Et sic de cæteris sensibus. Omnes tamen homines voluptate gaudent, sensationibus jucundis delectantur. In hoc inter se optimè consentiunt, iisdem igitur sensationibus non afficiuntur ex iisdem objectis, cum ea non pari prosequantur amore.

Cur igitur homo quispiam, se dulci delectari dicit? quia nempe sensatio quam in ipso excitat dulce, ipsi jucunda est. Cur verò alter, se dulci non gaudere dicit, quia reverà eadem ac prior non afficitur sensatione. Atque cum dicit se dulci non gaudere, non idem est ac si diceret, se eadem sensatione non gaudere, quàm alter, sed tantum se eadem illà non affici. Impropiè igitur loquitur qui dicit se non amare dulce; aptius loqueretur si diceret se non amare saccharum, mel, &c. quæ cæteris dulciora videntur. In iis verò se non eundem deprehendere saporem, quia nempe fibræ linguæ diversè dispositæ sunt à fibris cæterorum hominum.

Sed exemplum istud erit clarius. Ex viginti hominibus unum fingamus, qui manibus algeat, quique ignoret voces quibus utuntur Latini, ut sensationes frigoris & caloris exprimant, cæteri verò manus habeant calidissimas. Si per hyemem iis admoveretur aqua frigidiuscula lavandi ergo, quibus essent manus calidæ, sese vicissim lavantes, aptè quidem dicerent; hæc aqua nimis frigida est, id mihi molestum est. Qui verò manibus alget, ad lavandum sese accingens; nescio, inquireret, cur aquam frigidam fugiatis, ego vero frigore & lavatione istà delector.

Ex hoc exemplo liquidò patet, hunc hominem qui, se frigus amare prohteretur, idem significasse ac si dixisset, se amare calorem, ipsumque sentire, ubi cæteri frigus experiuntur.

Pariter cum quis dicit, amaris gaudeo, dulcia non possum ferre, idem est ac si diceret se iisdem non affici sensationibus, quibus afficiuntur, ij qui dulcibus delectantur, amara verò horrent.

Sensatio igitur cuiuspiam jucunda, jucunda quoque erit iis omnibus qui eadem afficientur, sed eadem objecta illam in omnibus non excitant, propter diversam organorum sensuum dispositionem. Quæ observatio in Physicis & Moralibus non levis est momenti,

VI.
*Obiectio cum
responsione.*

Unam hîc solutu non difficile quis fortè posset objicere, eosdem homines cibos quos modò cum voluptate comedebant, nunc horrere, sive quia inter manducandum impuri aliquid irrepsit, quod fastidium creavit, sive ob morbum ex cibo illo immoderatè sumpto contractum,
sive

sive aliâ quavis de causâ. Illi homines, inquit, iisdem quibus antea non amplius gaudent sensationibus; iisdem enim afficiuntur cum adhuc iisdem utantur cibis; eas tamen jucundas non amplius experiuntur.

Ut huic objectioni respondeam, animadvertendum est, istos homines, dum cibos gustant, quos horrent, fastidiuntque, duabus sensationibus longè diversis affici; sensatione, scilicet, cibi quem comedunt, ut supponit objectio & sensatione fastidij, quæ inde oritur, quod inmunditiem quam cibis intermixtam deprehenderunt apud se imaginentur. Cum, nempe, duo motus in cerebro eodem tempore excitati sunt, alter sine altero non excitatur amplius, nisi tempus memorabile abhinc effluxerit, sic, quia, sensatio jucunda sine sensatione illa injucunda, nunquam excitatur, & quia res quæ eodem tempore sunt, confundere solemus hanc sensationem quæ antea jucunda erat, injucundam existimamus, adeò ut si injucunda existimetur, id ex eo oriatur, quod cum alia confundatur, quæ plus parit fastidij, quàm hæc voluptatis.

Colores, & alias quasdam sensationes, quas debiles & languidas nuncupavi, easdem non esse, in omnibus hominibus probare difficilius est. Istæ enim sensationes mentem adeò leviter attingunt, ut non possis distinguere utra sit jucundior, quemadmodum in saporibus aut aliis sensationibus vividioribus, distinguis, nec proinde diversitatem sensationum, ex varietate voluptatis aut fastidij quæ in diversis hominibus deprehenderentur, agnoscere. Eadem tamen ratio, quæ cæteras sensationes in diversis hominibus non esse similes demonstramus, in sensationibus colorum esse quoque diversitatem ostendit. Quis enim inficietur, multam esse varietatem in organis visûs multorum hominum, non secus ac in organis auditûs aut gustûs? perfecta enim similitudo in nervo optico omnium hominum nullâ ratione asseri potest; Cum in rebus Naturæ & præcipuè in materialibus infinita sit varietas. Omnes igitur homines eosdem colores in iisdem objectis non videre, verosimile est.

Nunquam tamen, aut vix unquam, ut puto, contingit ut homines album & nigrum sub alio colore quo nos, videant, quamvis illud non æqualiter album aut nigrum conspiciant. Colores verò medios, ut rubrum, flavum, & cærulæum, & eos potissimum qui ex hisce tribus constant, quod spectat; perpauci sunt qui de iis eandem prorsus habeant sensationem. Nonnulli enim reperiuntur qui corpora quædam altero oculo conspicientes, illa vident flava c. g. Si verò eadem objecta altero conspiciant oculo, illa videbunt viridia aut cærulea. Si tamen illi homines cœciles nati supponerentur, vel iis oculis instructi, quibus id quod viride dicimus, cæruleum viderent, objecta sub iisdem coloribus ac nos sese cernere crederent; quippe qui viride aut cæruleum id distitari audivissent, quod flavum aut rubrum viderent.

Ex eo etiam probare possemus eosdem homines eadem objecta sub eodem colore non cernere, quod, juxta quorundam observationes,

eidem colores omnibus non æquè arrideant; si enim sensationes eadem essent, certè omnibus hominibus æquè arriderent. Quia verò in hoc argumentum, quædam non levia responso mox dato freta objici possunt, ab illo, utpote non satis solido abstinemus.

Nec reverà æque frequens est ut colorem alteri postponas, ac frequensest, ut hoc sapore magis quàm illo delecteris. Cujus differentia hæc est causa, sensationes, scilicet, colorum ad id non excitantur, ut judicemus an corpora nobis alendis sint apta, necne. Id autem voluptate & dolore duobus genuinis boni & mali caracteribus indicatur. Objecta quatenus colorata, nec bona nec mala sunt ad edendum si objecta quatenus colorata, nobis jucunda aut injucunda viderentur ad ipsorum præsentiam semper moverentur spiritus animales, quorum agitatio passiones excitat, mens enim affici non potest, quin commoveatur bona odio, mala verò amore sæpe prosequeremur; vitamque hoc pacto non diù conservaremus. Quid plura? sensationes colorum in nobis excitantur, dumtaxat ut corpora discernamus & à se invicem distinguamus. Quæ distinctio perinde fit, si herbam videas rubram, ac si illam viridem videres, dummodò illam semper sub eodem colore videas.

Sed hæc de sensationibus dicta sufficiant; jam de judiciis naturalibus, & de judiciis liberis, quæ ipsa comitantur agamus. Illud est quod quartò confundimus cum tribus de quibus supra.

C A P V T XIV.

I. De falsis judiciis quæ sensationes nostras comitantur, quæque cum iis confunduntur. II. Falsorum illorum judiciorum causas. III. Errorem in sensationibus nostris non apprehendi, sed tantummodò in istis judiciis.

I.
De falsis ju-
dicis qua
sensationes
nostras comi-
tantur, quæ
cum iis à
nobis con-
funduntur.

NON paucos, opinor, repugnantes habebit hæc nostra generalis propositio, quâ nos nullam habere sensationem rerum externarum, quæ unum aut plurima non includat judicia, asserimus. Plerique, ne vel ullum existimant comperiri judicium verum aut falsum in sensationibus nostris. Illi igitur homines hujusce propositionis novitate attoniti; hæc secum. At verò qui ista? hunc murum esse album non judico, illum tamen album clarissimè video dolorem esse in manu mea non judico, illum tamen in manu mea certissimè sentio. Quis res adeò certas in dubium revocet, nisi objecta sentiat, aliter ac ego ea sentio? Immò ipsorum in præjudiciis infantia tenacitas ipsos fortè ulterius adducet; nec immeritò sanè eos inter moderatos ac sui competes accenseas, si hac in re dissentientes non contemnant contumeliisque non lacescant.

Sed

Sed quid mentis nostræ cogitatis tam infaustum auguramur even-
tum? ipsa potius in tantam lucem edamus, tamque validis stabiliamus
argumentis, ut nemo quantumvis pervicax ex oculis apertis positus
possit adoriri, quin protinus vincatur. Nobis incumbit probandum,
nullam esse sensationem rerum externarum, quæ aliquod iudicium
falsum non includat. Quod sic probatur.

Mentes nostræ non eam habent capacitatem quæ possit implere in-
gentia illa spatia quæ inter nos & stellas fixas exstant; nemo est ni
fallor qui id neget; licet ipsi concederem mentem esse quid extensum;
hoc posito, non est quod quis credat mentes nostras in cœlis esse, dum
in illis vident stellas. Nec ipsas etiam mentes è corporibus ad mille
passuum spatium transineare, ut domos ad eam distantiam videant;
credibile est. Mentem igitur stellas & domos ubi non sunt videre necesse
est, cum è corpore suo non egressa, videat tamen illas domos & stellas,
extra suum corpus positas. Cum autem stellæ quæ menti immediatè
uniuntur, quas solas mens videre potest, non sint in cœlis, hinc se-
quitur omnes homines qui stellas in cœlis vident, quisque deinde eas
in cœlis esse sponte iudicant, duo falsa iudicia ferre, quorum alterum
naturale est, alterum verò liberum. Alterum est iudicium sensuum, sive
sensatio composita ex qua iudicandum non est. Alterum est iudicium
liberum voluntatis, à quo possumus abstinere, quodque idèò suspendere
debemus, ut error vitetur.

Sed cur eadem stellæ quas immediatè videmus, extra mentem &
& in cœlis esse credantur, hæc est causa. Quia nempe penès mentem
non est eas pro lubitu videre. Eas enim duntaxat percipit, cum in cere-
bro excitantur motus quibus idæ istorum objectorum naturâ alligan-
tur, Quia autem mens organorum motus non percipit, sed suas tan-
tùm sensationes, & quia præterea suas sensationes in se à seipsa non
excitari pro certo habet; eò adducitur ut ipsas extrinsecus & in causa
quæ eas ipsi repræsentat, esse credat, ac ista iudicia, statim atque ob-
jecta percipit, ferre ita consuevit, ut ab iis vix possit desuescere.

II.
*Falsum
istorum iu-
diciorum
causa.*

Ut supra dicta penitus exigerentur & explicarentur, ostendenda esset
inutilitas innumerabilis istius minutorum entium numeri, quæ species
& idæ vulgò dicuntur, quæque cum nihil sint, omnia tamen repræ-
sentant, quæ pro lubitu creamus & destruimus, quæque imaginatio
nostra commenta est, ut eorum quæ non intelligimus rationem red-
damus. Demonstrandum esset quàm solida sit eorum sententia, qui
existimant Deum esse verum patrem luminum, qui solus omnes homi-
nes illuminat, sine quo veritates etiam simplicissimæ intelligi non pos-
sent, & ipse sol quantumvis in se lucidus nobis non affulgeret; quique
præterea existimarunt, nullam naturam à Creatoris voluntate diver-
sam agnoscentes, ideas quæ nobis creaturas repræsentant, nihil aliud
esse præter perfectiones Dei, quæ creaturis illis, aliqua convenientia
respondent, illasque repræsentant.

Denique ut hæc clariora evaderent quid per illud quod ideas vo-

camus intelligatur, explicandum esset. Sed hæc diutiùs nos detinerent. Hæc ad tertium librum remittimus ordinis causâ. Jam sufficiat, si exemplum unum certum & manifestum afferam, in quo plurima iudicia cum eadem sensatione confusa sive mixta deprehenduntur.

Nemo est, ut puto, qui Lunam prospiciens, illam à se mille passibus aut circiter distitam non videat; quique illam orientem vel occidentem, majorem non videat quàm cum supra horizontem eminet, nec in ista sua sensatione ullum esse iudicium arbitratur; nisi tamen esset iudicium quoddam in sensatione sua inclusum, Lunam ad eam distantiam quæ ipsi apparet, non videret; & prætereà illam videret minorem cum oritur, quam cum supra horizontem eminet, illam enim majorem videmus dum oritur, quia duntaxat ipsam remotiorem iudicamus, iudicio quodam naturali, de quo capite sexto actum est.

Sed præter iudicia nostra naturalia, quæ sensationes compositæ haberi possunt, in omnibus penè sensationibus iudicium quoddam liberum deprehenditur, iudicio enim non tantum naturali homines iudicant dolorem, exempli gratiâ, esse in manu, verum id etiam iudicant, iudicio libero, eum dolorem in manu non sentiunt modò, sed & credunt inesse atque ejusmodi iudicia tam altas egerunt radices, ut ab iis vix temperare possint. Hæc tamen iudicia in se falsissima sunt, quamquam conservationi vitæ utilissima. Sensus enim, nihil nos nisi ratione corporis, docent; & cuncta iudicia libera sensuum iudiciis conformia, à vero sunt alienissima.

Verùm ut hæc omnia, nullâ eorum redditâ ratione, vel saltem nullâ patefactâ viâ quâ ipsorum causâ possit inveniri, non prætermittamus duo esse entium genera hîc tenendum est; entia, scilicet, quæ mens nostra immediatè videt, & entia quæ non nisi horumce priorum ope, cognoscit. Cum, verbi gratiâ, Solem orientem percipio, primò percipio solem illum quem immediatè video; quia verò priorem illum solem idèò tantum percipio, quod aliquid sit extra me, quod motus quosdam in oculis meis & in cerebro excitet, tum iudico priorem illum solem qui in mente mea est, extrinsecus esse, & actu existere.

Contingere tamen potest, ut priorem illum solem qui menti nostræ intimè unitur, videamus altero supra horizontem non eminente, vel etiam non existente. Pariter priorem illum Solem majorem videre possumus, dum alter oritur, quàm quoniam supra horizontem eminet. Quamvis autem verum sit, priorem illum solem quem immediatè videmus, majorem esse dum alter oritur; hinc tamen non sequitur alterum illum solem reverâ majorem esse. Solem enim reverâ orientem, propriè non videmus, cum à nobis infinitis propè distet spatiis, sed priorem illum videmus, qui reapse major est, qualis nobis videtur. Quæcumque enim immediatè videmus, ea semper reipsâ videmus ut sunt; & in eo tantum fallimur, quod existimemus, id quod immediatè à nobis videtur, esse in objectis externis quorum intervenitu illud videmus.

Pariter quum priorem illum Solem menti nostræ immediatè unitum

tum percipientes, lucem videmus, non fallimur si credamus id quod à nobis videtur esse lucem. Res est indubitata. Sed in eo vertitur error, quod sine ratione, immò etiam contra rationem, lucem illam quam immediatè videmus, existere in sole extra nos posito pertendamus. Res sic se habet de cæteris objectis sensuum:

Ex supra dictis nemo est qui non faciliè comperiat, inter omnia quæ in unaquaque sensatione deprehenduntur, errorem duntaxat reperiri in judiciis, quibus sensationes nostras in objectis esse judicamus.

III.

Errorem in sensationibus nostris non deprehendi, sed tantum in istis judiciis.

Primò enim, non error quidem est, ignorare actionem objectorum consistere in motu quarundam partium istorum objectorum, motumque illum ad organa sensuum transire, quæ duo in singulis sensationibus ante omnia reperiuntur. Rem enim ignorare, & circa illam errare, toto cælo differunt.

Secundò, in eo quod tertio in singulis sensationibus deprehenditur, quod est ipsa sensatio, non erramus. Dum sentimus calorem, lucemque, colores & alia objecta videmus, nos ea videre verum quidem est, licet phrenesi laboraremus. Omnes enim delirantes haud dubiè vident, id quod vident, ipsorumque error in solis judiciis consistit, quibus id quod vident revera extra se existere, judicent, eo ipso quod illud videant extrinsecus positum.

Illud iudicium libertatis nostræ consensum secum fert, ac proinde nos in errorem inicit. Et ab ipso quantum in nobis est, abstinere par est, juxta canonem initio hujusce libri traditum. De ulla re scilicet nunquam judicare debemus quandiu à iudicio possumus abstinere, & ad illud evidentiâ ac certitudine non adigimur, ut hîc contingit. Licet enim consuetudine altè inherente, cò propendeamus, ut sensationes nostras in objectis esse judicemus, calorem, verbi gratiâ, esse in igne, & colores in tabulis pictis, nullâ tamen ratione certâ & evidenti ad id credendum impellimur. Adeò ut errori ultrò nos mancipemus, perverso libertatis usu, cum ejusmodi iudicia liberè formamus.

C A P V T X V.

Speciales visus errores explicantur, ut errorum generalium sensuum sit exemplum.

JAM igitur ni fallor, viam satis facilem patefecimus, ad cognoscendos errores sensuum nostrorum circa qualitates sensibiles in genere, de quibus actum est desumptâ luminis & colorum, quæ primò explicari ordo postulabat, occasione. Nunc singulos errores, in quos sensuum ductu incidimus sigillatim examinare operæ pretium feret. Iis tamen non immorabimur, quia supra dictis cuilibet attento abundè satisfactum putamus. Errores tantum generales, in quos visus noster,

nos

nos circa lumen & colores injicit, proferemus, quo exemplo omnes ceterorum sensuum errores facile discas.

Quum aliquandiu Solem conspeximus, hæc sunt quæ in oculis, & in mente nostra aguntur, atque hi sunt errores quos erramus.

Qui prima tenent Dioptricæ elementa, nec mirabilis oculorum nostrorum structuræ sunt imperiti, non ignorant radios Solis in *crystallino* aliisque humoribus aliquantum refrangi, ac deinde coincidere in *retinam* seu nervum opticum, quæ (retina) totam internam oculi partem tapetis instar sternit, non secus ac radij Solis per vitrum lenticulare, seu convexum permeantes coeunt in *focum*, seu punctum cõburens hujus vitri ad distantiam duorum, trium aut quatuor digitorum, pro ipsius

Charta nigra facile
comburitur, sed opus est
vitro lenticulari majore
si vel magis
convexo ad
tendat
chartam
albam.

convexitate. Jam autem, ut experientiâ docemur, si in *foco* istius vitri fragmentum aliquod panni aut chartæ nigræ collocetur, radij Solis adco vehementer agunt in pannum aut chartam, ipsiusque particulas tanto impetu exagitant, ut eas rumpant & à se invicem dividant, uno verbo exurant ac in fenum aut cineres redigant.

Ex quâ experientia illud colligere est, si scilicet nervus opticus esset niger, & si pupilla, aut uvæ foramen, quo lux in oculos transit, ita dilataretur, ut facilem permetteret radiis Solis transitum; cùm è contra coarctetur ut transitum illum præcludat; retina nostra eodem modo afficeretur, quo pannus aut charta nigra; ipsiusque fibræ tantoperè agitantur ut brevi frangerentur & urerentur. Nec aliam ob causam, plerique homines, si solem tantillum respiciant, gravi afficiuntur dolore, quippe pupillæ foramen ita non possunt claudere, ut sat radiorum non ingrediatur, ad agitandas vehementer fibras nervi optici, nec sine ruptionis periculo.

Mens nihil eorum quæ diximus cognoscit, dumque solem adspicit, nec nervum opticum, nec motum in eo excitatum percipit. Sed id non est error, est tantum simplex ignorantia, primus ipsius error in eo est, quod judicet dolorem quem sentit esse in oculo.

Si postquam Solem conspiciatus fueris, locum perobscurum oculis apertis subeas motus ille fibrarum nervi optici qui radiis Solis excitatus fuerat minuitur, ac paulatim immutatur; nec alia potest concipi mutatio in oculis. Illud tamen non est quod mens percipit, percipit duntaxat lumen quoddam albicans & flavum; ac secundus ipsius error in eo est, quod lucem illam quam videt in oculis aut in muro proximo esse judicet.

Denique agitatio fibrarum *retinæ* semper decrescens, paulatim cessat; cùm enim corpus aliquod commotum est, nihil in eo concipere potes, præter motus sui diminutionem, illud verò non est quod mens in oculis percipit. Colorem illum qui albus erat, aureum, postea rubrum ac tandem cœruleum fieri observat, atque error quem hac in re admittimus. in eo consistit, quod judicemus in oculo nostro, aut in muro nobis proximo, mutationes fieri quæ longè aliter differant quam secundum magis & minus, quia scilicet color aureus, cœruleus

coeruleus & ruber longè aliter differunt quàm secundum magis & minus.

Hi sunt aliquot, ex erroribus nostris circa lucem & colores; atque isti in alios nos conjiciunt, ut infra patebit.

C A P V T XVI.

I. *Errorēs sensuum nostrorum nobis esse loco principiorum generalium & fecundissimorum, ex quibus falsas conclusiones elicimus, qua suo loco principiorum vicem gerunt. II. Differentiarum essentialium origo. III. De formis substantialibus. IV. De quibusdam erroribus Philosophiæ Scholasticæ.*

DUmmodò quæ jam explicata sunt in viros præjudiciis vacuos, & attentos incidant, naturam sensationum nostrarum errorisque generales qui in iis reperiuntur satis superque demonstrabunt. Jam restat ut ostendamus, homines hisce erroribus generalibus usos esse, quasi principiis quibusdam indubitatis, quibus omnia explanare voluerunt; ex iis erroribus innumeras deduxisse consequentias; ex quibus iterum veluti ex principiis quibusdam novas adhuc collegerunt consequentias; atque hoc pacto scientiæ illæ imaginariæ, inanes ac omni destitutæ realitate conflatae sunt, quas homines cæco quodam impetu consecrântur, quæque spectrorum adinstar eos pudore suffundunt qui miserè sese ab iis deludi sinunt. Unde illud ineptiæ genus quæ tot homines eò adduxit ut vanis sese pascant chimæris & illusionibus. Sed hæc exemplis sunt illustranda.

I.
Errorēs sensuum nobis sunt loco principiorum generalium ex quibus falsas conclusiones elicimus qua suo loco principiorum vicem gerunt.

Jam probavimus hunc morem apud nos invaluisse, ut sensationes nostras objectis tribuamus, utque colores, odores, sapores, cæterâsque qualitates sensibiles in objectis coloratis odorantibus, &c. esse judicemus; In hoc nos errare comperimus; Jam restat ut demonstramus; nos hoc errore uti, tanquam principio ex quo falsas ducimus consequentias; quas deinde consequentias veluti alia quædam principia habemus, quibus ratiocinia nostra fulcimus: Uno verbo incumbit nobis explicandum, quo ordine procedat mens nostra in investigandis specialibus quibusdam veritatibus, ubi semel hoc falso principio, *sensationes, scilicet, nostras esse in objectis*; ita imbuta est, ut illud indubitatum existimet.

Verùm ut id fiat manifestius, aliquod corpus sumamus, cujus naturam investigare propositum sit; videamus quo modo se gereret, quilibet qui ad mellis & salis naturam cognoscendam se accingeret. Primò certè utriusque colorem, odorem, saporem, cæterâsque qualitates sensibiles consideraret; quænam sint mellis, quænam verò salis qualitates; quâ in re inter se conveniant, quâ in re discrepent; & quam habeant

analogiam cum qualitatibus cæterorum corporum. Hoc facto, ad hunc modum ni fallor ratiocinaretur, si saltem sensationes esse in objectis pro certo crederet.

II.

*Origo differentiarum
que objectis
tribuntur,
istas differentias esse
in mente.*

Quæcunque sentio inter gustandum, videndum & tractandum mel & sal illud, sunt in melle & in sale illo. Jam autem certum est id quod sentio in melle, essentialiter differre ab eo quod sentio in sale, albedo salis à colore mellis haud dubiè longè aliter differt quàm secundum magis & minus; & sic dulcedo mellis, à pungente salis sapore; ac proinde differentia essentialis inter mel & sal debet esse, cum id quod in utroque sentio non mediocriter tantum sed essentialiter differat.

Hoc primum. Namque ille homo non alio modo potest judicare, mel & sal essentialiter differre; nisi quia species sive indicia externa unius, à speciebus sive indicis externis alterius essentialiter differunt; hoc est quia sensationes mellis à sensationibus salis essentialiter differunt; alio, inquam, non potest judicare modo quia tantum judicat ex impressione quam utrumque in sensus facit. Suam igitur conclusionem habet, veluti novum quoddam principium, ex quo alias deducit conclusiones, ad hunc modum.

III.

*Formarum
substantialium origo.*

Cum igitur mel & sal cæteraque corpora naturalia à se invicem, essentialiter differant; illi haud dubiè toto cælo errant, qui nos eo adducere vellent, ut credamus, totum discrimen quod intercedit inter hæc corpora, consistere duntaxat in variâ particularum ex quibus constant configuratione. Cum enim figura non sit essentialis corporibus, certè licet figura particularum illarum quas in melle imaginantur, immutaretur mel semper esset mel, licet ipsius partes salis partium figuram accepissent. Unde prorsus necesse est, ut substantia quædam sit, quæ materiæ primæ omnibus corporibus communi adjuncta, differentiam essentialem inter ipsa constituat.

Hoc modo sic secundo procedens homo ille *formas substantiales*, egregium illud & felix ingenij humani commentum, eduxit substantias, sanè fecundas, quæ cum in sola Philosophi nostri imaginatione existant quicquid in natura conspiciamus producant tamen? sed jam quibus proprietatibus, ens illud rationis suæ liberaliter sit ornaturus, videamus, cæteras enim substantias suis proprietatibus essentialibus, ut iis novum illud ens induat, spoliare non dubitabit.

IV.

*Origo cæterorum errorum
generalium
Physica
S. holastica.*

Cum igitur pergit, unumquodque corpus naturale ex duabus constet substantiis; alterâ quæ melli, sali, cæterisque corporibus communis est; alterâ verò, quæ efficit, ut mel sit mel, sal verò, sal, & ut cætera corpora sint id quod sunt; hinc sequitur, primam substantiam, quæ est materia, cum non habeat contrarium, & ad omnes formas sit indifferens, sine vi & actione esse debere, quippe quæ nihil habeat à quo sibi præcavere opus sit. Cæteræ verò substantiæ, quæ sunt formæ substantiales, qualitatibus atque facultatibus stipari & muniri perpetuò debent, ipsas oportet, indefinenter excubias agere ne forte de improvviso

improviso occupentur, suæ conservationi perpetuò consulant, imperium in materias vicinas prorogent, victorias denique suas, quantum in se est, longè latèque proferant, necesse est. Si vi & actione carerent, ab aliis formis subito oppressæ annihilarentur, pugnent igitur indefessæ, & adversus formas illas sibi insidiantes, antipathias & odia internecina foveant æquum est.

Quod si forma aliqua materiam aliàs formæ, forma cadaveris, exempli gratiâ, corpus canis occupet; forma illa, canis formam annihilare non contenta, ut odium expleat suum, omnes qualitates formæ sibi inimicæ affectas destruat oportet. Protinus, cadaveris pili albescere debent albore, qui novam denotet creationem; sanguis rubescere rubore non suspecto, totum illud corpus iis institui par est qualitatibus, quæ formæ suæ fideles, ipsam tutentur, quantum quidem possunt id facere qualitates cadaveris mox interiturae. Quia verò pugnae aliquis tandem debet esse finis, cunctaque suum quietis habent locum; hanc ob causam, ignis, verbi gratiâ, suum habet centrum, quo levitate suâ & propensione naturali perpetuò tendat, ut quiescat, urere desinat, suum etiam calorem deponat, quo hîc in terris, sui conservationis duntaxat gratiâ sese muniebat.

Illæ sunt, magnâ saltem ex parte, consequentiæ, quæ ex postremo hoc principio, dari, scilicet, formas substantiales, deduci solent. Philosophum equidem hæc consequentias æquo liberius, & majori ingenuitate colligentem fortè introduximus, hæc enim ab aliis magis ferè dici solent.

Innumeras alias consequentias quotidie deducunt Philosophi, pro ingenio & indole, pro fecunditate aut sterilitate imaginationis; hisce enim duntaxat à se invicem differunt.

Hæc substantias chimæricas impugnare foret inutile, quippe quæ ab aliis jam fuerint exactæ, formas substantiales in rerum natura nunquam extitisse, ipsasque in hunc duntaxat finem fictas fuisse, ut ex iis fluant innumeræ consequentiæ, falsæ, ridiculæ & contradictoriæ, satis superque probatum est. Ipsarum originem in mente humana invenisse sufficiat, & ostendisse eas omnem suam haurire realitatem, ex præjudicio omnibus hominibus communi quo, *sensationes esse in objectis* Cap. 10. art. 1. sic v. falsò judicant. Qui enim supra dicta attentè expendet, nempe, corporis nostri conservationi conducere, ut sensationes habeamus essentialiter diversas, quamvis impressiones objectorum in corpus nostrum oppidò parum differant; facile intelliget, tantam in objectis sensuum diversitatem falsò existimari.

Verùm, ut id obiter dicam, non est quod in hisce terminis, *forma & differentia essentialis* quicquam desideremus. Mel haud dubiè formâ suâ mel est, & hoc pacto à sale essentialiter differt. Sed hæc forma, sive hæc differentia essentialis in varia partium configuratione duntaxat consistit. Hæc variâ configuratione mel est mel, & sal est sal, & quamvis materiæ in genere sit accidentale tantum, ut habeat configura-

tionem partium mellis aut salis, ac proinde ut habeat formam mellis aut salis, essenziale tamen est melli & sali, ut sint id quod sunt, habere hanc aut illam partium configurationem. Quemadmodum sensationes frigoris, caloris, voluptatis & doloris menti quatenus mens est non sunt essentielles, sed tantum menti quatenus istis afficitur sensationibus, his sensationibus dicitur sentire calorem, frigus, voluptatem, dolorem, &c.

CAPUT XVII.

I. Aliud exemplum ex Ethica desumptum, ex quo patet sensus nostros nihil n. bis offerre præter falsa bona. II. Deum solum esse nostrum verum bonum. III. Errorum Epicureorum & Stoicorum origo.

P Rincipium illud, quo sensationes in objectis esse statuuntur in Physica errores innumeros propagare non invalidis demonstravimus argumentis. Jam quædam ex Ethica depromamus, in qua idem illud præiudicium cum hoc, *objecta sensuum, scilicet solas esse & veras sensationum nostrarum causas*, conjunctum, in leviores non injicit errores.

I. Exemplum ex Ethica deductum ex quo patet sensus nostros nil nobis offerre præter falsa bona.

Inter homines, plerisque videas bonis sensibilibus addictos; alij musicâ, alij cupediis, alij aliâ qualibet re delectantur. Ut autem hæc objecta bona esse persuaderentur, hæc secum reputasse necesse est. Sapores illi qui in conviviis voluptatem pariunt, soni qui aurem molliter & jucundè demulcent & cæteræ voluptates quibus aliàs afficimur, procul dubio in objectis sensibilibus continentur, vel saltem eas objectorum ope sentimus, nec denique sine illis eas sentire possumus. Jam autem voluptatem esse bonam, dolorem verò malum nemo est qui inficietur, hujusce rei intus conscij sumus, ac proinde objecta quæ passionibus sive affectibus movent bona sunt perquam realia, quibus, ut felicitatem consequamur, incumbere nos decet.

Explicabo in ultimo libro quo sensu objecta agunt in corpus.

Sic plerumque ratiocinamur etiam incogitantes. Itaque, quia credimus sensationes nostras esse in objectis, vel saltem objecta eâ polere virtute, quâ eas in nobis possint excitare, veluti bona nostra habemus ea quæ infra nos subsidentia, in corpora nostra duntaxat ad plurimum possunt agere, & aliquos motus in fibris excitare, sed quæ in mentes nostras nunquam agere, nec in illis ullum voluptatis aut doloris sensum excitare queunt.

II. Deum solum esse nostrum verum bonum, omniaque objecta sensibilia non

Certè, si mens nostra non est quæ in seipsam agit, occasione eorum quæ in corpore geruntur; Deus solus est qui hac polleat virtute. Si mens sibi ipsi voluptatem aut dolorem, pro varietate motuum fibrarum corporis non creat, ut verosimile est ipsam id non facere, cum sæpius dolorem & voluptatem præter consensum sentiat; ubi tanta vis est ut hæc sensationes in ipsa excitare possit, si Autorem naturæ excipias?

Solus;

Solus Deus sanè verum nostrum bonum est. Ipse solus iis omnibus quibus affici possumus voluptatibus, nos perfundere potest, & per sui cognitionem & amorem duntaxat illas in nobis excitare decrevit: Voluptates quas cum motibus corporis nostri conjunxit, ut ipsius conservationi consuleremus, exiguae sunt, debiles, breves; licet ipsarum, tanta fuit vis peccati! mancipia facti simus. At verò voluptates, quibus Electos suos in cœlis afficiet, longè vividiores & perfectiores erunt. Deus enim nos eo consilio condidit ut ipsum cognoscamus & amemus. Cum enim ordo naturæ postulet, ut quo majora sunt bona, eo majori afficiamur voluptate. Certè voluptas eorum qui Deo fruuntur cæteras voluptates infinitis superabit parasangis, quippe qui supra omnia longissimè emineat.

*poss. in nobis
excitare vo-
luptatem.*

Quod de errorum nostrorum circa bonum causâ mox dictum est, falsitatem opinionum Stoicorum & Epicureorum de summo bono, satis superque demonstrat. Illud Epicurei in voluptate constituebant. Quia verò voluptas in vitio æque ac in virtute sentitur, immo sæpius in priori quàm in posteriori, ideo in omne voluptatum genus ruere habiti sunt illi Philosophi.

III.
*Errorum
Epicureorum
& Stoicorum
origo.*

Hæc autem est prima ipsorum erroris causa. Falsò, scilicet, judicantes esse aliquid jucundi in objectis sensuum, aut saltem objecta veras esse voluptatum quibus afficiebantur causas: sensu præterea quodam interno convicti, voluptatem esse aliquid sibi bonum, dum illa potirentur; in omnes passionem, ex quibus nihil incommodi percipere poterant, prorumpere non dubitabant. At verò si ratione ritè usi fuissent, voluptatem quæ ex rebus sensibilibus percipitur, in hisce rebus esse non posse, ut in sua causa, nec alio quovis modo, comperissent; ac proinde bona sensibilia non posse esse bona respectu mentis nostræ, & cætera quæ explicuimus.

Stoici contrà, pro certo habentes voluptates sensibiles esse in solo corpore & in solius corporis usum, mentemque suo peculiari & proprio potiri debere bono, beatitudinem in virtute ponebant. Jam autem hæc est ipsorum erroris origo.

Existimabant scilicet, voluptatem & dolorem sensibiles vel quæ ex rebus sensibilibus ortum ducebant, non esse in mente, sed in corpore duntaxat. Et ex hoc falso judicio principium statuebant, cujus ope falsas colligebant conclusiones, ut verbi gratiâ, dolorem non esse aliquid mali, voluptatem non esse aliquid boni, voluptates sensuum in se non esse bonas, ipsas esse communes hominibus & bellis, &c. Quamquam tamen Epicurei & Stoici in multis sint hallucinati in nonnullis tamen à ratione non ablaferunt. Beatorum enim beatitudo in virtute omnibus numeris perfectâ, hoc est in cognitione & amore Dei & in voluptate ipsos nunquam deserente tantum consistit.

Maneat igitur altâ mente repositum objecta externa nihil in se jucundi aut molesti includere; ipsa non esse causas voluptatum nostrarum; ipsaque à nobis non nisi immeritò timeri aut amari posse; Deum

solum esse timendum & amandum ; quippe qui solus nos punire aut remunerare , dolore aut voluptate afficere valeat, in Deo solo denique, & ex Deo solo nos sperare posse voluptates, in quas motu tam vehementi , tam naturali, tamque legitimo, propendamus.

C A P V T XVIII.

I. Sensus nostros nos in errores injicere etiam circa res non sensibiles. II. Exemplum ex hominum commercio & consuetudine mutuâ deductum. III. Ex habitu externo & sensibili iudicium non esse statuendum.

Sensuum nostrorum errores circa objecta sensibilia , ut circa lucem, colores cæterasque qualitates sensibiles fusè satis explicuimus. Jam videamus errores in quos ab ipsis circa objecta non sensibilia, quæque idè ipsorum non sunt veluti jurisdictionis conjicimur, dum scilicet ab attenta illorum objectorum consideratione nos deterrent, eò nos adducendo ut de illis objectis juxta ipsorum testimonium judicemus. Sed istud indiget explicatione.

I. Sensus nos in errorem injicere etiam circa res non sensibiles.

Attentio & applicatio mentis ad ideas claras & distinctas quas de objectis habemus, ita necessaria est ad cognoscendam veram ipsorum naturam, ut nihil sit magis. Quemadmodum enim alicujus opificij pulchritudinem videre frustra pertendas, nisi oculos apertos in ipsam attentè defigas. Ita mens pleraque cum mutuis relationibus videre nequit, nisi ea attentissimè consideret. Jam autem ab attentione ad ideas claras & distinctas nullâ aliâ re magis depellimur quàm sensibus nostris, ac proinde nullâ aliâ re à veritate magis amovemur, & in errorem conjicimur.

Ut hæc à nobis concipiantur : Sciendum est, tres percipiendi rationes, quæ sunt sensibus, imaginatione, & intellectu puro, mentem æqualiter non tangere, atque idè ipsam non æqualem attentionem præbere iis omnibus quæ harum rationum ope percipit, iis enim quibus vehementer afficitur valdè, iis verò quibus leviter afficitur, parum attendit.

Quod verò per sensus percipit ipsam vehementer afficit, attentamque proinde præbet : quod per imaginationem cognoscit ipsam levius attingit ; quod denique per seipsam sive independenter à sensibus & imaginatione percipit, ipsam vix excitat. Quis enim, mentem levissimo dolore quam meditatione profundissimâ magis moveri, non est expertus?

Hujusce rei hæc est causa, sensus, scilicet, objecta veluti præsentia repræsentant, imaginatio verò ea veluti absentia duntaxat exhibet. Jam autem ordo postulat ut ex multis bonis aut multis malis menti objectis, præsentia

præsentia illam moveant magis & sistant quàm absentia ; mentem enim citò determinari hac in re opus est. Sic punctiunculæ attentior est quàm sublimibus speculationibus : voluptates etiam & dolores huiusce sæculi ipsam vehementius percellunt quàm dolores infandi & voluptates infinitæ aternitatis.

Sensus igitur mentem objectis quæ ipsi offerunt summopere applicant. Cùm autem finita sit, nec multa simul possit liquidò percipere, id quod intellectus ipsi repræsentat non potest clarè percipere dum sensus ipsi aliquid considerandum obijciunt ; Ideas igitur claras & distinctas intellectus rerum veritati assequendæ idoneas prætermittit, ut unice incumbat ideis sensuum confusis, quæ illam vehementer movent, ipsique res non ut in se sunt, sed duntaxat ut sunt relatè ad suum corpus, repræsentant.

Si, exempli gratiâ, quis ad veritatem quandam explicandam se accingat ; voce utatur, sensuque sua ac internas animi conceptiones, motibus & modis sensibilibus exprimat, necesse est. Mens autem multa eodem tempore distinctè concipere nequit. Unde fit ut iis quæ sensuum ope ad ipsam deveniunt attentissima, vix rationes sibi propositas expendat. Sed voluptati sensibili quam ex numerosa periodorum concinnitate, ex mutua inter gestus & res voce prolatas convenientiâ ex oris elegantia & liberalitate, ex forma denique externa & habitu loquentis percipit, tota penè adhæret. Interea tamen, re auditâ judicare satagit : sic fert mos. Unde fit ut judicia pro diversis sensuum impressionibus, diversa pariter futura sint.

Si verbi gratiâ, orator mentem suam expedite expromat, si periodos numerosè componat, si in ore liberalitatem quandam & ingenij acumen ferat, si claro sanguine oriundus, si magno incedat comitatu, si verbis gravitatem quandam & autoritatem conciliet ; si cuncti sileant attentisque auribus adstent, si existimatione clareat, atque virorum primi ordinis consuetudine utatur, si denique eò felicitatis pervenerit ut sibi favorem existimationemque capret, Tum quæcunque dicet rectissimè dicet. Quid plura ? ipsius etiam ornatus nonnihil probabit.

At verò si iis non sit ornatus dotibus, demonstret quantum voluerit, nil tamen probabit ; elegantissima proferat, ne auscultabitur quidem attentione solis rebus sensibilibus defixâ, auditor ad hominis tam incompositi conspectum nausæâ pene commotus, & in id unum incumbens, mentem ab ipsius cogitatis avertet. Cæsitiū illud sordidum & contritum oratori ipsiusque dictis contemptum apud omnes pariet, ipsiusque habitus Philosophum cogitabundum redolens eò impellet auditores, ut sublimes veritates plebeculæ captum superantes, deliriorum & ineptiarum loco habeantur.

Hæc sunt hominum judicia, oculi & aures non verò ratio de rerum veritate judicant, ubi tamen sola ratio judicium ferre potest ; Quia, nempe,

II.

*Exemplum
ex mutuis
hominum
colloquiis de-
ductum.*

nempe, solis sensibilibus & jucundis modis attenti ad veritatem adipiscendam sedulam seriâque vix unquam conferunt operam.

III.
*Habui ex-
terno & in-
cundo non
silendum
esse.*

De rebus tamen judicare ex externa specie, veritatēque adspernari, quia iis non instructa est ornamentis quæ nos juvant, quid ab æquitate magis abludit. Philosophos virōsque cordatos hæc jucundas agendi dicendique rationes potiusquam veritatem ipsam exquirere, & vanum verborum sonum rerum soliditati anteponeere pudeat, solum vulgus indoctum, animæ carnis & sanguinis, numerosis periodis, figurisque & motibus quæ affectûs excitent, capiantur:

*Omnia enim stolidi magis admirantur amantque
Inversis quæ sub verbis latitantia cernunt
Verâque constituunt, quæ bellè tangere possunt
Aures, & lepido quæ sunt fucata sonore.*

At viri sapientes adversus vim malignam, fortēsque istorum sensibilibum modorum illecebras sese præmuniunt. Sensûs quidem ipsis ut cæteris hominibus, quippe qui etiam homines sint, nonnunquam fucum faciunt; sed ipsorum testimonium generosè despiciunt. Illustre illud judicium Arcopagi æmulantes exemplum, qui causidicis istis pellicibus verbis, figurisque fallacibus uti interdicebant; ipsosque nunquam nisi in loco tenebricoso audiebant; ne verborum & gestuum venustas veritati pallium obduceret, ipsosque à rerum soliditate deterreret.

C A P V T XIX.

*Duo alia exempla. I. Prius de erroribus circa naturam corporum.
II. Posterior de erroribus circa qualitates, eorundem corporum.*

Innumeros errores ab intenta mentis applicatione ad ea quæ sensuum ope percipit, & à negligentia in qua versatur circa res ipsi ab intellectu propositas, tanquam à prima causa manare, mox demonstratum est. Hujusce rei exemplum non adspernandum ex mutuo hominum commercio & consuetudine depromptum ad Ethicam faciens, tradidimus. En tibi alia ex rerum naturâ deducta, quæ in Physica observare necesse est.

I.
*Erroris circa
naturam
corporum.*

Inter errores illos quos in Physica erramus, error quo plus substantiæ corporibus quæ sensus feriunt, quam iis quæ vix sub sensum cadunt inesse imaginamur, non est postremus. Plerique existimant in auro & in plumbo plus esse materiæ quàm in aëre & in aqua. Et ipsi pueri qui aëris effecta sensibus non deprehenderunt, illum nihil habere realitatis autumant.

Aurum & plumbum sunt gravissima & durissima corpora sensûsque maximè

maximè feriunt, aqua verò & aër vix sub sensus cadunt. Hinc concludunt priora longè plus habere realitatis quàm posteriora. De rerum veritate judicant per impressionem sensuum quæ nos nunquam non decipit; dum ideas claras & distinctas mentis quibus nunquam fallimur, negligunt; quia scilicet id quod sensibile est nos afficit & applicat, quod verò intelligibile soporem creat.

Hæc falsa judicia pertinent ad substantiam corporum, adsunt circa qualitates eorundem corporum.

Homines ut plurimum ita sunt comparati, ut objecta quæ in ipsis sensationes jucundiores excitant, perfectiora cæteris judicent & puriora; qua in re consistat materiæ perfectio & puritas nescij, nedum solliciti.

Aliunt, exempli gratiâ, lutum esse impurum, aquam verò limpida esse purissimam. Verùm cameli aquâ lutosâ gaudentes, & animalia quæ in luto degunt, secus sentirent. Belluæ sunt, fateor; sed homines qui viscera rusticulæ avis, & Martis excrementa amant, non censent quicquam in iis esse impuri, quamvis id de cæterorum animalium excrementis dicant. Moschus denique & electrum apud omnes magno habentur pretio, quamvis nihil aliud esse præter excrementa existimentur.

II.
Errores circa
ipsorum qua-
litates &
perfectio-
nem.

Non aliter certè judicamus de perfectione & puritate materiæ quàm relatè ad sensus nostros; cùm autem sensus diversi sint in omnibus hominibus, ut fusè explicatum est, diversa admodum pariter esse debent judicia de perfectione aut puritate materiæ. Libri itaque qui quotidie de perfectionibus imaginariis, quas nonnullis corporibus tribuunt, componuntur, non possunt quin stupenda errorum farragine scateant; cùm ipsorum ratiocinia fallis, confusis, & incertis sensuum ideis nitantur.

Philosophi non debent affirmare, materiam esse puram aut impuram, nisi prius quid per voces illas, purum & impurum, intelligant, certò & accuratè teneant. Res enim eloqui, nec eas intelligere, hoc est, ideas non habere distinctas, quæ terminis respondeant, turpe est. Quod si utrique hoc vocabulo ideas claras & distinctas alligassent, id quod purum dictitant sæpe impurissimum esse, quod verò ipsis impurum videtur purissimum tamen esse deprehenderent.

Si, exempli gratiâ, decernerent materiam illam esse purissimam & perfectissimam, cujus partes sunt tenuiores & ad motum aptiores, aurum, argentum, margaritæ essent corpora admodum imperfecta, aër verò & ignis corpora perfectissima, caro corruptioni propinqua & malè olens, ad perfectionem tenderet. Et fœtens cadaver perfectius esset carne integrâ.

Quod si vice versâ statuerent corpora illa esse omnium perfectissima, quorum partes crassiores, solidiores, motuque difficiliore, terra esset auro perfectior, atque aër & ignis corpora essent omnium imperfectissima.

K

Quod si quis terminis *puri & perfecti* ideas distinctas de quibus verba feci alligare recuset, alios potest substituere terminos, sed si hasce voces solis notionibus sensibilibus definire velit, omnia perpetuò confundet, quia significatio terminorum quibus exprimuntur nunquam erit determinata. Omnes homines, ut id jam probavimus, varias de iisdem objectis habent sensationes: Ergo hæc objecta ex sensationibus quas in nobis excitant, judicari non debent; nisi quis obscuritate & confusione gaudeat.

Sed, ut penitiùs rem introspeciamus nulla certè datur materia cæteris materiæ portionibus perfectior, nequidem cælorum materia. Cujuslibet materiæ tota aptitudo in eo mihi videtur consistere, quod varios motus variâsque figuras possit recipere; Jam autem ipsius motus & figuræ sint regulares, ut ita loquar, aut irregulares id ipsi perinde est. Solem esse perfectiorem aut lucidiorem luto, formâsque illas egregias quas nobis animi gratiâ pingunt fabulæ & carmina, cadaveribus esse præstantiores non comperimus. Id à sensibus nostris fallacibus accepimus: Nec est quod quis hîc quicquam obganniat; Cuilibet enim ad rationes supra allatas attento cavillationes & exclamationes omnes, ridiculæ & frigidiusculæ proculdubio videbuntur.

Qui sentiunt tantum, nec aliâ ratione res percipere assueverunt, solem esse luce plenum existimant; Qui verò sentiunt simul & ratiocinantur, aliter censent: dummodò saltem judicium sagacitate suâ sentiendi facultatem æquet. Sententiam haud dubiè mutarent qui sensibus pertinaciùs adhærent, si supra dicta seriò meditarentur. Verùm illusionibus sensuum nimis indulgent, ipsorum servitio jamdudum assuefacti mentis suæ obliti sunt, ita ut omnes perfectiones quas in corporibus videre sibi videntur ab ipsa pendere non attendant.

Nec verò hujusce commatis homines adorimus, laudent aut vituperent, id nobis perinde est, auscultare recusant; qui igitur possent judicare? sat erit nobis si veritatis causam agamus nobisque illorum conciliemus approbationem, qui in id seriò incumbunt, ut ab erroribus sensuum sese expediant, & luminibus mentis rectè utantur. Hos enixè rogamus, ut hæc nostra cogitata attentè, quantum in iis erit meditentur, ac postea judicent. Damnent, probent ipsis iudiciis licentem relinquimus; Quippe meditatione sua eò devenerunt, ut summum jus in cogitata nostra ipsis denegari meritò non possit.

CAPUT XX.

Hujusce primi Libri conclusio. I. Sensus nobis tantum concessos fuisse in usum corporis nostri. II. Ipsorum testimonio diffidendum esse. Illum non parum promovisse, qui rite atque opportunè dubitare didicit.

ERrores generales in quos sensus nostri, sive circa propria ipsorum objecta, sive circa res quæ solo intellectu percipiuntur, nos conjiciunt, satis clarè ni fallor aperuimus. Qui supradictis tantillum attendet, nullum ut puto, admittet errorem, cujus causam facile non deprehendat.

Vidimus prætereà sensus nostros nos tutissimè & accuratissimè docere analogias sive convenientias omnium corporum cum nostro; quamquam ut id etiam vidimus, eorum ope non possimus doceri quid hæc corpora sint in semetipsis. Diximus etiam illum suis malè uti sensibus qui eos ad alios convertit usus, quàm ad valetudinis & vitæ conservationem; adeò ut ipsos prorsus adspernari debeat; quum sibi in mentem imperium arrogant. Id primum & præcipuum est quod ex primo hoc libro retineri velim. Ut scilicet altè imbibamus, sensus nostros, nobis in eum duntaxat usum esse concessos, ut vitam nostram conservemus. Istud nobis radicitus inhæreat, ut deinceps ignorantiam fugaturi, ad alia confugiamus auxilia.

I.
Sensus nobis duntaxat concessos fuisse in usum corporis nostri.

Quod si nonnulli sint (ut erunt sanè & quidem æquo plures) quos supra dicta non potuerint convincere veritatis harumce propositionum, id saltem ab iis impetrare liceat, ut duntaxat sensibus suis aliquantum diffidere discant; si ipsorum testimonium falsitatis & fallaciæ omninò arguere non sustineant, de istorum tamen testimoniorum veritate dubitare non recusent.

II.
Sensuum testimonio diffidendum esse.

Quid? Quæ jam dicta sunt nonne satis habent momenti ut suspicionem scrupulumque viris non obesæ naris injiciant, ipsosque proinde eò adducant, ut libertatè suâ, rectius quàm antea uli sunt, nunc uti recordentur? certè si semel de sensuum testimonio dubitare non reformident, assensum facilius cohibebunt, errorésque quibus hætenus obnoxij fuerant minori negotio imposterum vitabunt, dummodò imprimis canonis initio traditi memores sint. Hic est. *Ne assensum plenum unquam præbeas nisi propositionibus evidentissimè veris, & quibus assensum tuum non potes denegare, quin certò agnoscas te perperam usuram libertatè tuâ, si deneges,*

Porro ne quis mediocriter se promovisse putet, si solum dubitare didicerit. † Dubitare cum judicio & ratione, ita me Deus amet non leve est. Etenim ut rem ingenuè fatear, dubitare & dubitare duo sunt,

III.
Illum non parum promovisse qui

K 2

† Dubitare est gymnasium veritatis


*vis & op-
portunè du-
bitare didi-
ci.*

variae sunt dubitandi rationes. Nonnulli feroci & abrupto, alij cæco & maligno impetu ducti; alij denique per inconstantiam quandam, & quia tantum sic libuit, dubitant. Sed præter hos dubitatores, ut ita loquar, sunt etiam qui ex prudenti diffidentia, & sapienti quadam judicij sagacitate dubitant. Academici & Athei priori dubitant ratione: Veri Philosophi posteriori. Prior dubitatio est dubitatio quædam caliginosa, quæ lucem non affert, fugat potius. Posterior dubitatio ex luce oritur, lucemque tandem affert.

Qui priori tantum ratione dubitant, ingeniosè dubitare nesciunt. Rident dum Cartesium legunt in prima Meditatione Metaphysicâ docentem dubitandi methodum. Sat enim se habere credunt si pro lubitu dubitent; si in genere profiteantur, naturam nostram esse infirmam, mentem nostram plerumque cæcutire; præjudicia esse abdicanda, & cætera hujuscemodi. Hisce vagis freti ratiociniis erroris immunes evadere pertendunt. At verò quid promotes si dum fateris mentem esse debilem, ipsam non moneas debilitatis suæ? quid si ipsam, errori obnoxiam esse agnoscas, nisi errorum naturam causamque aperias. Id à nobis prælibatum fuisse primo hoc Libro arbitramur, dum naturam & errores sensuum explicuimus. Jam ut hoc Secundo pergamus, naturam & errores imaginationis exponere propositum est.



DE



D E INQVIRENDA VERITATE.




LIBER SECVNDVS. DE IMAGINATIONE.

P A R S P R I O R.

C A P V T P R I M V M.

I. Idea generalis imaginationis. II. Ipsam duas in se includere facultates, alteram activam, alteram passivam. III. Causa generalis mutationum quæ sunt in imaginatione hominum, & fundamentum hujusce secundi Libri.



LIBRO præcedenti de sensibus actum est, ipsorum naturam necnon legitimum usum explicare conati sumus; potiores & generaliores errores in quos ipsorum ductu labimur, patefecimus, ipsorum facultates ita circumscripsimus ut qui illos in suis limitibus continuerit, omnia ab iis sperare, nihil verò formidare debeat. In hoc secundo Libro de Imaginatione agemus. Ordo id postulat: tanta enim est inter sensus & imaginationem relatio & convenientia, ut se-

parari non debeant. Deinceps etiam patebit hasce duas facultates non aliter inter se differre, quàm secundùm magis & minus.

Hoc ordine procedet Secundus hic Liber. In tres partes distribuitur. In prima causæ Physicæ inordinationis & errorum imaginationis explicantur. In secunda causas illas ad errores generaliores imaginationis applicamus. Ibi etiam de istorum errorum causis loquimur, quæ Ethicæ seu Morales dici possunt. In tertia agimus de contagiosa communicatione imaginationum fortium sive vividarum.

Quæ hoc tractatu agitabuntur erunt quidem magis vulgata, quàm quæ inter explicandos sensuum errores dicta sunt, non est tamen quòd ea quis minus utilia ducat. Viri perspicaces & eruditi haud equidem ignorant errores & ipsas errorum causas de quibus hic agitur; verum pauci reperiuntur qui ad ea attendant. Omnes erudire non satago, indoctos solos edocere gestio; cæteros quod spectat, ipsos commonefacere sum contentus, quin memetipsum hic potius instituere & commonefacere conor.

I.
Idea generalis imaginationis.

* *Judicio naturali de quo multoties actum est Libro præcedenti.*

Primo Libro diximus, organa sensuum nostrorum tenuibus fibris consistere quæ ab uno extremo ad cutem terminantur, ab altero verò ad mediam usque cerebri partem perducuntur. Jam autem fibræ illæ bifariam possunt moveri. Motus enim oriri potest vel ab extremis fibrarum quæ sunt in extremis corporis partibus. Cùm agitatio fibrarum illarum non possit ad cerebrum usque pervenire, quin mens protinùs aliquid percipiat; si agitatio oriatur ex impressione objectorum in superficiem externam fibrarum nervorum nostrorū & cerebrum pertingat, tum mens sentit * & judicat id quod sentit extrinsecus positum esse, hoc est, objectum ut præsens percipit. Sed si fibræ internæ tantùm agitentur spirituum animalium cursu, aut alio quopiam modo, tum mens imaginatur, judicatque id quod intrinsecus imaginatur, non esse extrà sed intrà cerebrum, hoc est, objectum ut absens percipit, atque illud est discrimen quod intercedit inter sentire & imaginari.

Verùm observandum est fibras cerebri multò vehementiùs agitari objectorum impressione, quàm spirituum animalium concursu; nec aliam ob causam objectis externis, quæ veluti præsentia ac proinde ad id idonea ut in se excitent voluptatem aut dolorem multò magis afficitur, quàm spirituum animalium concursu. In iis tamen quorum spiritus animales, ob jejunia, vigilias, febrim ardentiorē, sive quamlibet aliam causam, sunt concitatissimi, quandoque contingit, ut spiritus illi moveant fibras internas cerebri non minori vehementià quàm objecta externa movere solent; adeò ut homines sic affecti id sentiant quod tantùm imaginari deberent, ac objecta ob oculos se habere putent, quæ sunt tantùm in imaginatione sua. Ex quo id quod mox dixi liquidò patet. Sensus scilicet, & imaginationem non aliter differre quàm secundùm magis & minus, circa ea quæ in corpore aguntur.

Sed ut idea imaginationis distinctior & specialior præbeatur; tenendum

nendum est, quotiescunque aliquid immutatur in illa cerebri parte in quam nervi coeunt, toties etiam mentem aliquam pati immutationem. Hoc est, ut explicuimus, si in illa parte motus quidam excitetur, qui ordinem fibrarum interturbet, nova etiam fit in mente perceptio, aliquid novi sentit aut imaginatur, ita ut mens nihil novi unquam sentire aut imaginari queat, nisi aliqua in fibris ejusdem cerebri partis fiat immutatio

Facultas itaque imaginandi seu imaginatio, consistit in sola facultate quam mens habet sibi efformandi imagines objectorum; afferendo mutationem aliquam in fibris hujusce partis cerebri, quæ dici potest pars *principalis*, tum quia omnibus corporis nostri partibus correspondet, tum etiam quia mens nostra ibi immediatè, si fas sit, ita loqui, sita est.

Hinc non obscurè liquet, facultatem illam quâ mens imagines rerum sibi efformare potest, duo in se includere. Alterum quod ab ipsa mente pendet, alterum verò quod pendet à corpore. Prius est actio & imperium voluntatis. Posterius est obsequium spirituum animalium, qui hæc imagines insculpunt, & fibrarum cerebri quibus istæ imagines imprimi debent. Hac autem in tractatione utrumque horum *imaginationis* voce indifferenter designatur, nec terminis *activi* & *passivi*, quibus nuncupari possent, distinguuntur. Ex materia subjecta enim facile comperias de vtro fiat sermo, an de *activa* mentis *imaginatione*, an verò de *passiva* corporis *imaginatione*.

II.
Dua facultates in imaginatione, altera activa, altera passiva.

Nec decidimus speciatim, quænam sit illa pars principalis cujus meminimus supra. Primò quia id inutile satis ducimus. Secundò quia res est per quam incerta. Tertio denique hac in re tacere satius existimamus, cujus veritas hic nequit demonstrari aliis, licet apud nos constaret quænam sit illa pars principalis.

Jam igitur, ut placet Willisio, in duobus corpusculis, quæ *corpora striata* nuncupat, resideat sensus communis; sinûs cerebri conservent species memoriæ; & corpus callosum sit sedes imaginationis, sive, ut vult Fernclius, in pia matre quæ cerebri substantiam involvit; sive in glandula *Pineali* viri clar. Cartesij, sive in alia quapiam parte nobis hætenus incognitâ; res non me valdè anxium habet, dummodò sit quædam pars principalis, id sufficiet; immò id pernecessarium est. Systema etiam Cartesij, quoad ipsius substantiam, subsistere debet. Quippe licet hallucinatus fuisset, cum asseruit glandulæ *Pineali* mentem immediatè adhærere, id non obstat quominus ipsius systema, quoad rem ipsam, infractum subsistat, ex illo enim percipies omnem utilitatem, quam percipere potes ex vero, ut in hominis cognitione progressum facias.

Cum igitur imaginatio consistat in sola virtute, quâ mens sibi imagines objectorum efformare potest eas imprimendo, ut ita loquar, fibris cerebri, certè quò vestigia spirituum animalium, quæ sunt veluti *imaginum* illarum *lineamenta*, erunt distinctiora & grandiora, eò fortius

III.
Causa generalis mutationum quæ sunt in ima-

*ginatione; &
fundamen-
tum huiusce
secundi
Libri.*

fortius & distinctius mens objecta illa imaginabitur; quemadmodum autem latitudo, profunditas, seu maris altitudo, & distinctio alicujus sculptilis operis, pendet à vi actionis cœli in cuprum, & à tractabilitate cupri, seu mavis à facilitate qua cuprum cœlo cedit; ita altitudo & distinctio vestigiorum imaginationis à vi spirituum animalium, & à constitutione fibrarum cerebri pendet, atque illa varietas quæ in hisce duobus deprehenditur, tantæ differentiæ quæ existat inter hominum ingenia causa est,

Ex his enim, varietatis quæ in hominum ingeniis reperitur, ratio facile reddi potest, hinc ubertate, & inopiâ, agitatione & tarditate, crassitudine & tenuitate spirituum animalium; illinc exilitate & densitate, humiditate & siccitate; flexibilitate aut inflexibilitate fibrarum cerebri; & denique analogiâ seu convenientiâ spirituum animalium cum hisce fibris, nec extra rem foret si unusquisque primò varias illas combinationes imaginari conaretur, illasque deinde differentiis quæ inter ingenia deprehenduntur, adaptaret. Re verâ nonne utilius, immò jucundius foret ingenio suo uti, illudque ad veritatis indagationem informare & assuefacere, quàm illud corruptioni quæ ex otio contrahitur, permittere, ut sit cum rebus jam concoctis & expeditis duntaxat incumbit. Huc accedit quòd in ingeniorum differentiis, quædam reperiuntur tam subtilia tamque impervestigabilia, ut dum ea quandoque potes per te sentire & assequi, eadem tamen aliis repræsentare & exhibere nequeas.

Verùm ut hæc discrimina quæ sunt inter hominum ingenia, quantum quidem fieri poterit explicentur, utque unusquisque in suomet ingenio facilius deprehendere queat causam mutationum quas identidem animadvertit hinc causas mutationum quæ sunt in spiritibus animalibus & in fibris cerebri in genere examinare operæ pretium videtur, hoc pacto omnes imaginationis mutationes etiam comperientur.

*Quod petiit
spernit, re-
petit quod
nuper omi-
sit. Estuat &
vitæ discon-
venit ordine
toto.*

Homo sibi similis non diu perstat: propriæ inconstantiae quisque apud se conscius est, circa eandem rem mox hoc, mox illud fertur iudicium. Quid plura? hominis vita in perpetua sanguinis circulatione, & in alia cogitationum & desideriorum circulatione duntaxat consistit, nec putem tempus utilius posse collocari, quàm in disquisitione causarum ejusmodi mutationum quæ sunt in nobis. Hoc pacto enim nostri cognitionem possumus adipisci.

CAPUT II.

I. De spiritibus animalibus, & mutationibus quibus in genere obnoxij sunt. II. Chylum ad cor transire, atque in spiritibus mutationem adferre. III. Vinum idem efficere.

Nemo est qui diffiteatur spiritus animales nihil aliud esse præter partes subtilissimas & velocissimas sanguinis, qui subtilitatem & agitationem præcipuè acquirit fermentatione quam in corde recipit, & motu violento musculorum ex quibus hæc pars constat: hosce spiritus cum reliquo sanguine per arterias in cerebrum usque deduci; ibique à sanguine separari partium quarundam in hunc usum comparatarum ope, de quibus nondum satis constat.

Ex his illa sunt quæ colligo; si sanguis sit subtilissimus, major erit spirituum animalium copia, si sit crassus, paucior; si sanguis constet partibus quæ facile inflammari possint in corde, & ad motum aptissimæ sint, spiritus qui in cerebro erunt vehementer incalescent & agitabuntur; quod si contrà sanguis non satis fermentetur in corde, spiritus animales languidi erunt & inertes, ac denique juxta soliditatem partium sanguinis, spiritus animales erunt solidiores aut minus solidi, ac per consequens velocius aut tardius movebuntur. Sed hæc, ut pro veris habeantur, fusius explicari, ac exemplis & experienciis indubitatis illustrari debent.

Præcorum autoritas quorundam ingenio non modo fucum fecit, sed eos excæcavit etiam. Non pauci enim adhuc reperiuntur tantâ erga veteres opiniones veneratione ducti, aut forsitan adedò pervicaces, ut ea videre recusent quibus haud dubiè non inficiarentur, si tantummodo oculos aperire dignarentur. Quotidie videas viros vastâ suâ lectione & eruditione spectatos satis, qui libros componere, mutuasque publicè disceptationes adversus experientias visibiles & palpabiles circulationis sanguinis, ponderis & virtutis elasticæ aëris, aliæque similia, habere audeant. Experimentum illud cujus nostro sæculo Autor nobis fuit vir clarissimus Pecquet, quo etiam hoc loco utemur, idèò tantum non arridet quod nascendo canitiem cujus magna semper fuit reverentia, præ se non tulerit, hoc nihilò secius, idque non invidentibus viris cordatis, utemur.

Juxta illud experimentum constat chylum non statim è visceribus ad jecur per venas *mesaraicas* transire, ut summiunt veteres; sed illum chylum, ex intestinis in venas lacteas, ac deinceps in quædam receptacula transire, quod venæ illæ coeunt: hinc per canalē sive ductum thoracicum per vertebrae dorsī ascendere, & sese commiscere cum sanguine in vena *axillari*, quæ ingreditur truncum superiorem

L

I I.
Chylum ad
cor transire
& in spiriti-
bus muta-
tionem ad-
ferre.

venæ cavæ ; ubi commixtus cum sanguine ad cor rectà tendit.

Ex hoc experimento concludere est ; cùm sanguis chylo admixtus ab alio sanguine, qui jam multoties per cor circulasset, sit valdè diversus ; spiritus animales qui nihil aliud sunt præter subtilissimas ipsius partes fore etiam valdè diversos in jejunis & in iis qui mox alimentum sumpserunt. Præterea, cùm innumera sint ciborum & portionum genera, atque ij etiam qui istis utuntur sint temperamento variè constituto, duo homines qui simul in eadem mensa accubuerunt, statim post cœnam in facultate imaginandi tantam sentire debent varietatem, ut eam vix possis describere.

Qui equidem prosperâ utuntur valetudine ita concoquunt cibos, ut chylus ad cor transiens nec augeat nec minuat calorem ; ita ut sanguis eâdem facilitate fermentetur, ac si solus nec mixtus ingressus fuisset ; unde fit ut spiritus animales, & proinde facultas imaginandi vix ullam patiantur immutationem. Senes verò & infirmi remotis mensis in se percipiunt maximas immutationes, sopiuntur plerumque : aut saltem ipsorum imaginatio vivacitate & promptitudine destituta languescit : nil distinctè percipiunt, ad rem ullam animum appellere nequeunt, alio prorsus denique modo ac antea constituti sunt.

III.
*Vinum idem
efficit.*

Sed ut id etiam sani & robusti manifestò experiantur, meminerint quid in ipsis factum fuerit, quum copiosius solito vinum potarunt, vel cùm in uno convivio nil nisi vinum, in altero verò aquam tantum bibent. Certè nisi omninò sint stupidi, aut nisi corpus habeant modo prorsus insolito constitutum, statim aut hilaritate, aut sopore, aut alio quovis novo modo se habebunt.

Vinum est adeò spirituosum, ut ad spirituum animalium naturam quam proximè accedat : verum spiritus illi æquo sunt luxuriosiores, jugum voluntatis ob soliditatem & agitationem vehementem non facile subeunt. In eorum itaque qui viribus & vigore pollent præ cæteris, imaginationi & cæteris corporis partibus plus effert inordinationis quàm cæteri cibi potusque : *Vinum luctator dolosus est*, inquit Plautus, atque in ingenio multa efficit ab iis quæ describit Horatius non longè diversa :

*Quid non ebrietas designat ? operta recludit
Spes jubet esse ratas : in praelia tradit inermem :
Solicitis animis onus eximit : addocet artes.
Fœcundi calices quem non fecere disertum ?
Contractâ quem non in paupertate solutum ?*

Præcipuorum effectuum quæ ex mixtione chyli cum sanguine in spiritibus animalibus deinde in cerebro & in ipsa mente oriuntur, rationem reddere non ita difficile est. Cur, exempli gratiâ, vinum exhilaret ; cur moderatè sumptum ingenium exacuat ; cur illud hebetet cùm immoderatè & frequentius sumitur, Cur post epulas sopor corpus invadat,

vadat, & multa id genus, quibus causæ ridiculæ affingi solent. Sed præter quam quod non datur hic Physicæ systema, tradenda esset idea anatomiae cerebri, vel iisdem quibus usus est Cartesius in suo Tractatu de *Homine* hypothesebus uti operæ pretium foret; alioqui mentem suam hac in re nemo aperire potest. At verò si quis attentè legat tractatum illum de *Homine* Domini Cartesij, non dubito quin suam in hisce philomathiam abundè expleat, quippe hic Autor isthæc omnia explicat, vel saltem ea satis patefacit, ut quilibet ipsius principiis jam imbutus, per se rem possit intelligere, si modò meditetur.

C A P V T III.

Aërem quem spiramus aliquam etiam in spiritibus immutationem asferre.

Secunda causa generalis mutationum quæ in spiritibus animalibus sunt, est aër quem spiramus. Quamvis enim impressiones ejus, impressionibus chyli sint tardiores & leviores; paulatim tamen id efficit, quod succi ciborum brevi efficiunt. Aër ille è ramis tracheæ arteriæ in ramos arteriæ venosæ intrat. Hinc cum reliquo sanguine in corde miscetur & fermentatur, & pro ipsius & sanguinis diathesi peculiari, spiritus animales atque idè facultatem imaginandi valdè immutat.

Non me latet, quosdam negare aërem cum sanguine in pulmonibus & in corde misceri, quia nempe, in tracheæ arteriæ, & arteriæ venosæ ramis meatûs sive poros per quos aër possit transire, oculis deprehendere nequeunt. Sed verò sensus non debent limites figere menti. Hæc res illis imperceptas potest percipere, atque acie suâ multa attingere, quæ ipsis sese surripiunt, aliquas sanguinis partes è ramis arteriæ venosæ in ramos arteriæ tracheæ perpetuò transmeare, nemo est qui inficietur, ut halitûs, odor, & humiditas satis superque id probant, hujus tamen communicationis meatûs seu viæ oculos fugiunt. Quidni igitur partes subtiliores aëris è ramis tracheæ arteriæ in arteriam venosam transire possent, licet meatûs illi oculos non feriant? Denique longè plures humores per poros imperceptos arteriarum & cutis transpirant, quam per cæteros corporis meatûs exeunt. Et pori metallorum solidiorum quantumvis angusti, quibusdam tamen corporibus exiguis quidem transitum permittunt, alioqui præcluderentur illi pori.

Partes equidem aëris crassæ & ramosæ per poros corporis ordinarios transire nequeunt, & aqua ipsa, licet crassissima, sese tamen insinuat in loco ubi aër subsistere coactus fuit. Verùm hic de partibus illis aëris crassis & ramosis non agitur, nihil, ut puto, ad fermenta-

tionem conferunt. De partibus tenuissimis, rigidis, acerbis, in quibus nulli aut pauci saltem sunt rami quibus implicentur, duntaxat agitur, quippe quæ sanguinis fermentationi sint aptiores.

Autore mihi Sylvio, possem tamen asserere aërem etiam crassissimum è trachea arteria in cor transire; Ipse enim dicit se id Domini Svammerdam industriâ, expertum fuisse, plus oculato testi fido, quam nulle auritis. Partes igitur aëris quem respiramus cor subeunt; in illo cum sanguine & chylo ignem illum quo vivimus & movemur fovent, atque pro illarum aëris partium diversitate fermentatio sanguinis diversa est, spiritusque mutantur.

Id quotidie ex variis hominum ingenii pro regionum varietate constat. Vascones, exempli gratiâ, ingenio pollent vivaciori, quam Normani. Rothomagenses, Dieppenses, & Picardi inter se differunt, & longè magis differunt ab incolis inferioris Normanix, quamequam sunt satis vicini. Verùm si homines in regionibus remotioribus degentes consideres, differentias longè maximas comperies, verbi gratiâ, inter Italum & Belgam, seu Batavum. Denique loca quædam semper fuere incolarum sapientiâ clara, ut Theman & Athenæ, alia verò stupiditate, ut Thebæ, Abdera, & alia quædam.

*Nunquid
non ultra est
sapientia in
Theman?
Ierem. c. 49.
v. 7.*

Athenis tenue cælum, ex quo etiam acutiores putantur Attici, crassum Thebis.

Cic. de fato.

Abderitana pectora plenis habent. Mart.

Batium in crasso jaces aëre natam. Hor.

C A P V T IV.

I. De mutatione quam in spiritibus efficiunt nervi illi qui cor & pulmones attingunt. II. De mutatione quam efficiunt nervi qui jecur, lienem & viscera attingunt. III. Hæc omnia contra voluntatis nostræ consensum nec tamen sine providentia fieri.

Tertia causa mutationum quæ in spiritibus animalibus sunt, omnium maximè ordinaria & efficacissima est. Ipsi enim ope omnes affectus seu passionibus excitantur, foveantur & invalescunt. Quæ causa ut clarè nobis innotescat, tenendum est quintum, sextum & octavum par nervorum mittere magnam ramorum suorum partem in pectus & in abdomen, ubi corporis conservationi magnoperè inserviunt, menti verò summoperè officiunt. Ipsi enim nervi non agunt ex voluntate hominum, ut nervi qui brachiis, cruribus, cæterisque partibus externis movendis inserviunt. Adde quod nervi illi agant magis in mentem, quàm mens in ipsos.

*I.
De mutatio-
ne spirituum*

Hic igitur sciendum est multos ramos octavi paris nervorum sese immiscere in fibras primi ac præcipui inter omnes musculos, nempe in

in fibras cordis; ipsius orificia, auriculas, & arterias ab istis nervis circundari. Isti etiam nervi sese in ipsam pulmonis substantiam diffundunt atque ita variis motibus suis non leves afferunt immutationes in sanguine, cum enim nervi inter fibras cordis dispersi illud nonnunquam vehementius & ocius aequo dilatent atque contrahant, sunt namque magnam sanguinis copiam versus caput ceterasque partes & poris externas pellunt. Nonnunquam verò iidem omnino secus agunt. At verò nervi illi qui orificia, auriculas, & arterias cordis circundant, idem propè agunt ac spiracula illa Gallis dicta *Registres*, quibus Chymici calorem chibanorum regunt, & temperant, aut idem ac fistulae illae sive tubuli emissarii quibus utimur in fontibus, ad laxandas vel reprimendas aquas. Isti enim nervi ad eum usum comparati sunt ut diversimodè constringant & dilatent cordis orificia, atque ita sanguinis introitum & exitum accelerent aut remorentur, ipsiusque proinde calorem adaugeant aut diminuunt. Nervi denique per pulmonem resperfi eundem sortiuntur usum. Cum enim pulmo constet duntaxat ex ramis tracheae arteriae, venae arteriosae, & arteriae venosae inter se invicem intricatis, nervi certè per substantiam ejus resperfi non possunt quin contractione sua impediant, quo minus aer è ramis tracheae arteriae liberè transmeet, & quominus sanguis è ramis venae arteriosae in arteriam venosam possit transire, ut inde cor pertingat. Isti itaque nervi pro varia agitatione sua, augent etiam aut minuunt calorem & motum sanguinis.

Variorum istorum caloris cordis nostri graduum experimenta nobis suppetunt perquam manifesta in passionibus seu affectibus nostris, per illarum passionum impetum calorem illum subito minui aut intendi sentias; quia autem falsò judicare solemus sensationes nostras iis corporis nostri partibus inesse quarum occasione in mente excitantur, ut primo libro rem dedimus claram; ideo omnes penè Philosophi cor esse praecipuam passionum sedem imaginati sunt. Atque etiamnum hodie apud plerosque eadem viget opinio.

Quia autem facultas imaginandi immutationibus spirituum animalium non leviter quoque immutatur, spiritusque ipsi animales pro varia sanguinis fermentatione in corde, varij etiam sunt; nemo est qui hinc facillè non comperiat, cur viri aliquo animi motu abrepti ressecus imaginentur; ac ij quibus sanguis est frigidus.

Altera causa quae non parum confert ad minuendas & augendas insolitas illas sanguinis in corde fermentationes, consistit in actione multorum aliorum ramorum ex quibus constant nervi illi de quibus supra.

Rami illi sese diffundunt in *jecinore*, quod continet subtiliorem sanguinis partem, aut illud quod vulgò dicitur bilis; in *pancreate*, quod continet succum acidum fermentationi aptissimum, in *ventriculo*, intestinis, ceterisque partibus quae chylum capiunt; sese denique diffundunt per omnia loca, ad variandam fermentationem sanguinis in corde, idonea. Ipsae etiam arteriae & venae his alligantur nervis, ut id

quam efficiunt nervi qui cor & pulmonem attingunt.

III
De mutatione quam in spiritibus efficiunt nervi per lignum vitae & viscera perstringentis.

Willis de trunco inferiori magnæ arteriæ quæ ipsis vincitur juxta cor, de arteria *axillari* à dextera parte de vena *emulgente*, & de quibusdam aliis deprehendit.

Cùm igitur usus nervorum in eo versetur, quòd partes quibus alligantur variè exagitent; nemo est qui non videat facili negotio, quo modo, *exempli gratiâ*, nervus jecur circundans, ipsum comprimendo possit emittere ingentem bilis copiam in venas & in canalem bilis quæ cum sanguine in venis commixta, & cum chylo per canalem bilis, in cor ingreditur, ibique calorem solito vehementiorem efficit. Sic cùm quibusdam animi perturbati motibus agitatur, sanguis in arteriis & in venis fervet, caput inflammatur, torque spiritibus animalibus adeò vividis & concitatis impletur, ut impetu suo impediant quo minus imaginatio quicquam aliud, ab eo quod cerebro impresserunt diversum, possit sibi repræsentare, hoc est, quo minus de aliis objectis quàm ea circa quæ versatur affectus cogitare queat.

Res non secùs se habet de nervulis qui lienem pertingunt, aut alias partes continentes materiam crassiorem & ad calorem motumque minus idoneam, imaginationem languidam ac stupidam efficiunt, emittendo in sanguinem materiam aliquam crassam & ad motum ineptam.

Nervi verò qui circundant arterias & venas in eum usum comparati sunt, ut sanguini transitum præcludant, illum in ea loca ubi conceditur aditus amandent constrictis scilicet nervis & arteriis. Parte igitur illâ magnæ arteriæ quæ sanguinem cæteris partibus infra cor subsidentibus suppeditat, nervis illis ligatâ & compressâ, sanguis majori copia caput necessariò subire debet, atque ita in spiritibus animalibus ac proinde in imaginatione immutationem efficere.

III.
Hæc mutationes citra voluntatis nostræ consensum, sic dirigente providentiâ fieri.

Porro observandum est hæc omnia nonnisi mechanicè fieri; hoc est, varios illos motus nervorum in omnibus passionibus, non ad nutum voluntatis, sed citra immò etiam contra ipsius imperium excitari adeò ut corpus animâ seu mente destitutum eodem modo dispositum quo corpus sanum, eisdem planè motus qui passionibus excitantur, suscipere posset. Itaque licet belluæ essent meræ machinæ iisdem etiam prorsus motibus possent affici.

Quæ nos in sapientiæ immensæ illius admirationem rapere debent qui hanc organorum compagem tam concinnè adaptavit, ut unicum objectum movens hoc vel illo modo nervum opticum, possit excitare tot varios motus in corde, cæterisque partibus corporis internis, & etiam in facie.

Paucis enim abhinc diebus, nervum eundem, qui ramos quosdam in cor cæterasque corporis partes internas dispergit, nonnullos etiam è ramis suis ad oculos, os, cæterasque vultus partes perducere, compertum est. Unde fit ut nullus affectus, seu mavis nulla passio, intus moveatur, quæ protinùs non erumpat ad extra, quia nullus esse potest motus in ramis qui ad cor transeunt, quia statim aliquis etiam motus excitetur in ramis per faciem resperctis.

MURIA

Mutua analogia & sympathia, quæ inter nervos faciei, & quosdam alios aliis corporis partibus, quas nomine proprio appellare non licet, respondentes, deprehenditur, multo adhuc memorabilior est, atque magnæ istius harmoniæ causa inde oritur, quod ut in cæteris passionibus, nervuli ad faciem perducti nil sint præter ramos nervi illius qui inferius demittitur.

Quum motu aliquo violento percitus es, si ad id quod in visceribus cæterisque corporis partibus in quas nervi sese insinuant, sentitur, ut etiam ad faciei immutationes quæ passionem illam sequuntur, attendas; si prætereà varias illas nervorum nostrorum agitationes esse omninò involuntarias, ipsasque vel reluctante voluntate fieri, tecum reputes; simplex illa expositio mutuae convenientiæ inter nervos fidem apud te nullo negotio nanciscetur.

Verum enim verò si horum omnium causas & finem respicias, tantum ordinem tantamque sapientiam in iis deprehendes, ut adversus pervicacissimos Epicuri & Lucretij discipulos, providentiam orbis directricem, invictis possis asserere argumentis; si saltem hæc omnia non neglectim consideres. Quum horologium video, hinc certè meritò colligo dari aliquam intelligentiam, quippe quod ista rotarum compactio & accurata combinatio fortuitò contingere nequiverit. Quo pacto igitur, fortuna cæca, fortuitusque atomorum concursus, tot in cunctis hominibus, varia organa, proportionem & ordinem quem supra exposui formare potuissent, qui fieri potest ut homines ac animalia cætera, sibi similia sine providentia generent? Insulsum igitur & ridiculum planè est cum Lucretio dicere, partes hominis fortuitò fuisse adornatas, oculos ad id non esse comparatos ut per eos cerneremus, sed homines ad videndum tum demùm inductos fuisse, cum observaverunt se oculis pollere, & sic de cæteris corporis partibus. Audi ipsum loquentem:

*Lumina ne facias oculorum clara creata
Prosperare ut possimus, & ut proferre viam
Proceros passus, idèd fastigia posse
Surarum ac seminum pedibus fundata plicari
Brachia tum porro validis exapta lacertis
Esse, manûsque datas utràque ex parte ministras
Ut facere ad vitam possimus, qua foret usus.
Cætera de genere hoc inter quæcunque pretantur
Omnia perversa, præpostera sunt ratione
Nil idèd natum est in nostro corpore ut uti
Possimus, sed quod natum est id procreat usum.*

Profectò qui tam apertis tamque invictis reluctantur argumentis, impij sunt Providentiæ osiores, qui veritatem ne videant; sese ultro excæcant. Sed quid mirum? Qui falsam quandam animi constantiam,

vel

vel ut aptius loquar impietatem affectant, ut olim Epicurei, ij protinus densis circumfunduntur tenebris, falsisque perstringuntur splendoribus, id genus hominum evidentiora quæque præfectè negare solet, dum ea quæ nil veritatis nil perspicuitatis præ se ferunt, magnifice & confidenter audet asseverare.

Hujusce cæcitatæ quam in hominibus qui animi constantiæ famam aucupantur, observavimus, exemplum nobis esto Poëta mox laudatus. De rebus enim difficilioribus & obscurioribus audacter verisimilitudinisque nil sollicitus non modò sententiam suam profert, sed etiam de iis absolute decidit; dum tamen rerum evidentiorum ne vel ideas habere videtur. Si hujusce rei testimonia auctoris proferre vellemus, sermonem ad nauseam usque producere opus esset. Mentem in veritatibus essentialibus contemplandis & revolvendis sistere equidem licet, sed animum à legitimo & præcipuo attentionis suæ objecto ad res levis momenti deflectere, quid est nisi otio male abuti?

C A P V T V.

I. De memoria. II. De habitibus.

CAusas generales tum externas tum internas mutationum quæ in spiritibus animalibus ac per consequens in facultate imaginandi sunt modò explicuimus. Externas ostendimus esse cibos quibus utimur, & aërem quem spiramus, internam verò consistere in involuntaria quadam certorum nervorum agitatione. Nullas alias hujusmodi mutationum causas generales cognoscimus, & etiam alias dari planè negamus. Cùm itaque facultas imaginandi in corpore ab iis duobus duntaxat pendeat, scilicet, à spiritibus animalibus, & à dispositione cerebri in quod agunt; ut perfecta tradatur imaginationis cognitio, jam nil restat nisi ut varias mutationes quæ in substantia cerebri fieri possunt, exponamus.

Verùm priusquam eas examinemus, memoriæ & habituum, hoc est facultatis illius quâ jam cogitata denuò cogitamus, & antea iterum possumus agere, ideam quandam tradere operæ pretium est; ordine sic postulante.

I. *De memoria* Ut memoriæ natura explicetur, id quod jam sæpius dictum est revocatum velim, scilicet, varias nostras perceptiones, mutationibus quæ sunt in fibræ præcipuæ cerebri partis in qua potissimum sedet mens, alligatas esse.

Hoc solum posito, memoriæ natura explicatur. Quemadmodum enim rami arboris cujuslibet, si certo quodam modo complicati aliquandiu remanserint, eodem modo facile possunt postmodum complicari, sic fibræ cerebri ubi semel quasdam impressiones, spirituum animalium concursu

conferu & objectorum actione acceperunt, ad easdem dispositiones recipiendas aptitudinem diu satis conservant. Jam autem memoria in hac sola facilitate consistit, quandoquidem de rebus iisdem cogitamus, cum easdem impressiones recipit cerebrum.

Cum spiritus animales modò vehementius modò levius agent in substantiam cerebri, cumque objecta sensibilia fortius multò agent, quàm sola imaginatio; hinc facile comperias, cur rerum omnium non sit æqualis recordatio. Cur exempli gratiâ, quod multoties percepisti, vividius sese menti tuæ obiciat, quàm quod semel aut his tantum. Cur eorum quæ vidisti recordatio sit distinctior, quàm eorum quæ duntaxat imaginatus es; cur ideò, distributio c. 9. venarum in jecinore certius & clarius tibi innotescat, postquam illam semel vidisti in dissectione istius partis, quàm postquam illam multoties legisti in tractatu quòdam anatomico, & sic de cæteris.

Qui ad ea, quæ de imaginatione, & de memoria dicta sunt attendet, falsumque illud, quo cerebrum nostrum satis magnum non judicamus ut possit vestigia & impressiones maximâ cum copia conservare, abdicabit præjudicium, is certè stupendorum memoriæ effectuum, de quibus Augustinus decimo Confessionum libro mirabundus loquitur, causam maxima cum voluptate deprehendet. Ab iis fusiùs explicandis ex professo supersedeo, id enim unumquemque sibi ipse aliquo ingenij conamine explicare satius existimo. Quæ enim per nos didicimus longe majorem creant voluptatem, quàm quæ ab aliis accepimus.

Ut ad habituum explicationem deveniamus, quomodo mentem partes corporis cui conjuncta est movere concipiamus, hic aperire operæ pretium est. Res autem sic à nobis concipitur. Verosimillimum est, quibusdam cerebri locis, ubi ubi sint, semper inesse non parvam spirituum animalium copiam, qui spiritus, cordis unde exiverunt calore concitatissimi, ad id semper sunt parati, ut quâ datâ porta ruant, omnes nervi in receptaculum illorum spirituum coeunt, mens autem pollet * facultate ipsorum motum determinandi, ipsosque (spiritus) per nervos illos in musculos corporis deducendi. Postquam spiritus illi musculos subiverunt, tum illos inflant, ac proinde contrahunt, atque hoc pacto movent partes quibus muscoli adhærent.

Mentem eo quem diximus modo, corpus movere quilibet facile sibi persuadebit, si ad id attendat; nempe; cum quis aliquandiu jejunos mansit, certè quoquo velit movere corpus modo, in cassum egredietur, immò vix pedibus stare poterit. At verò si liquorem aliquem maxime spirituosum ut vinum aut aliquid simile possit cordi instillare, protinus corpus promptius obedire sentiet, ac quolibet modo movebitur. Ex hoc enim experimento quis non videt, mentem corpori suo deficientibus spiritibus motum indere non potuisse, at verò spiritibus sup-
 potentibus imperium in corpus denuò recuperasse?

Jam autem musculos inflari in agitationibus brachiorum, cæterarumque corporis partium adeò evidenter patet, tamque verisimile est

M

II.
De habitu-
bus.

* Alibi ex-
plano quæ
in re con-
sistat hæc
facultas.

musculos illos non posse inflari, nisi quia corpus aliquod in illos se insinuat; quemadmodum follis non potest intumescere, nisi aer seu aliud quoddam corpus illum subeat; hæc, inquam, ita clara sunt ut extra omnem dubij aleam positum videatur, quod scilicet spiritus animales è cerebro per nervos in musculos usque pelluntur, ut nempe muscoli iis spiritibus inflentur, & quovis moveri possint modo. Cum enim musculus plenus est, necessariò brevior est quàm cum vacuus erat, unde fit ut trahat moveatque partem illam cui adhæret; porrò id videbis fusiùs in libris quos de *Passionibus* seu *affectionibus*, & de *homine* Cartesius in lucem edidit. Hanc tamen explicationem omnibus suis numeris demonstratam & perfectam non habemus, nec eam ut talem prodimus. Multa desiderantur quæ vix assequi possumus, sine quibus tamen explicatio illa non potest evadere perfecta. Sed hæc nihil ad rem nostram faciunt; ista enim quam tradidimus explicatio sit vera necne, perinde tamen inservit explanandæ habituum naturæ; si enim mens hoc modo non movet corpus, illud saltem necessariò movet motu quodam huic quem explicuimus satis simili, ut consequentias quas eliciimus possumus legitimè elicere.

Sed ut explicationi nostræ insistamus observandum est, spiritus animales, vias per quas ipsis transeundum est, satis liberas apertasque non semper invenire; unde fit ut exempli gratiâ, ægrè moveamus digitos eâ celeritate quæ ad pulsanda instrumenta requiritur, aut musculos pronuntiationi inservientes, cum voces linguæ peregrinæ pronuntiare volumus; sed paulatim spiritus animales fluxu continuo aperiunt & planas faciunt vias illas, aded ut temporis successu nullam patiantur vim aut difficultatem. In hac autem promptitudine quâ spiritus animales per membra corporis transeunt, consistunt habitus.

Ex hac explicatione innumeræ quæstiones quæ circa habitus solent agitari perquam facillimè solvi possunt. Cur, exempli gratiâ, infantes novos habitus acquirant faciliùs quàm homines ætate provectiores? Cur veteres habitus spoliare sit difficillimum. Cur homines loquendo tantam loquendi facilitatem comparaverint, ut incredibili celeritate voces enuncient, immò sæpissimè lingua præcurrat mentem, ut sæpiùs contingit in iis qui recitant orationes quas à puero didicerunt, ut unum tamen enuncietur verbum, certo quodam tempore, certoque ordine, multi muscoli eodem tempore movendi sunt, ut muscoli linguæ, muscoli labiorum, muscoli gutturis & diaphragmatis. Sed circa hæc quæstiones multasque alias curiosas nec inutiles nemo est qui sibi non satisfaciat si tantillum meditetur; his itaque supersedeo.

Ex suprâ dictis videre est magnam esse analogiam inter memoriam & habitus, memoriâque aliquo sensu haberi posse pro habitu. Quemadmodum enim habitus corporei consistunt in promptitudine quâ spiritus animales per quædam corporis loca transire assueverunt, sic

sic memoria consistit in vestigiis quæ iidem spiritus insculperunt cerebro, quæ vestigia efficiunt ut possimus rerum anteaatarum recordari, adeò ut si nullæ perceptiones cursui spirituum animalium illisque vestigiis alligarentur; nullum foret discrimen inter memoriam & habitus. Nec difficilius concipi potest; quo pacto belluæ mente destitutæ ac proinde nullius perceptionis capaces, suo belluino modo, rerum quæ cerebro ipsarum impressæ fuerunt recordentur; quàm concipitur quo pacto varios habitus comparare possint; Et si quis ad ea quæ diximus attendat, non est quod magis stupeat, quòd membra corporis belluarum paulatim varios comparent habitus, quàm quòd machina recens fabricata æquè facile non moveatur, quàm cum jam eâ sæpius usus es.

CAPUT VI.

I. Fibras cerebri non mutari æquè celeriter ac spiritus. II. Tres mutationes in tribus hominis ætatibus.

Singulæ corporum viventium partes, solidæ æquè ac fluidæ, caro non secus ac sanguis perpetuò agitantur motu. Cum hoc tamen discrimine, quòd motus partium sanguinis sit visibilis & sensibilis, motus verò fibrarum carnis sit omninò imperceptus. Spiritus igitur à substantia cerebri in eo differunt, quòd spiritus animales sint agitissimi & maximè fluidi, substantia verò cerebri aliquam habeat soliditatem stabilitatemque; adeò ut spiritus in particulas tenuissimas divisi paucis horis dissipentur, transpirando per poros vasorum quibus continentur; iisque sæpius succedant spiritus alij à prioribus penitus dissimiles: fibræ verò cerebri æquè facile non dissipantur, in ipsis raro contingunt mutationes alicujus momenti; ipsarumque substantia non nisi multis elapsis annis potest immutari.

Differentiæ memorabiliores quæ in ejusdem hominis cerebro per totam vitam deprehendantur, sunt in infantia, in ætate virili, & in senectute.

Fibræ cerebri per infantiam sunt molles, flexiles & delicatæ, ætate provectâ sunt sicciiores, duriores, firmiores: sed per senectutem sunt penitus inflexiles, crassæ & nonnunquam humoribus superfluis intermixtæ, quos debilis hujus ætatis calor non potest dissipare amplius. Quemadmodum enim fibræ quibus constat caro, paulatim indurescunt, & sicut caro pulli perdicis tenerior est carne ipsius perdicis annosæ; ita fibræ cerebri infantis aut adulti longè molliores & delicatiores esse debent fibris hominum ætate provectiorum.

Harum mutationum causa facile tibi innotescet, si attendas fibras illas perpetuò agitari à spiritibus animalibus, qui circa illas multi-

fariam circumfluunt. Quemadmodum enim venti terram cui afflant, exsiccant, sic spiritus animales agitatione perpetuâ pleraque cerebri fibras paulatim exsiccant, comprimunt & consolidant, adeò ut fibræ hominum ætate provectiorum difficilius inflectantur fibris juniorum. Quod verò ad coætaneos spectat, vinolenti qui per multos annos vinum aut aliam potionem immoderatè potarunt, fibras habere debent solidiores & minus flexiles, quàm illi qui ejusmodi potibus per totam vitam abstinerunt.

Variae autem cerebri constitutiones in infantibus, in viris, & in senibus causæ sunt valdè efficaces hujusce differentiae quæ deprehenditur in facultate imaginandi hominum qui in hisce tribus quas memoravimus ætatibus versantur.

C A P V T V I I.

I. De communicatione qua est inter cerebrum matris & cerebrum infantis ipsius. II. De communicatione qua est inter cerebrum nostrum & cæteras corporis partes quæ ad imitationem misericordiamque movemur. III. Explicatio generationis monstrorum, & propagationis specierum. IV. Quædam inordinationes mentis & inclinationum voluntatis explicantur. V. De concupiscentia & peccato originali. VI. Objectiones cum responsionibus.

NOs cum omnibus creaturis aliquo vinculo cohærere, atque cum iis omnibus quibus circumcingimur aliquâ convenire analogiâ, clarum satis mihi videtur. Porro ex illa ipsa analogia, non parum percipimus utilitatis ad vitæ nostræ conservationem commoditatemque. Cum Gallia longè arctius jungimur quàm cum gente Sinarum, cum sole quàm cum stella aliqua remotiore cum ædibus nostris quàm cum alienis. Quæ propiora nobis sunt nos propius attingunt. Vinculis quibusdam imperceptis hominibus strictius quàm belluis, cognatis & amicis quàm peregrinis, iis à quibus vitæ nostræ conservatio pendet, quàm iis à quibus nil metuimus speramusve, adhærescimus.

Porro quod in illâ, quæ inter nos cæterosque homines deprehenditur, naturali unionem, potissimum observatu dignum est in eo consistit quod hæc unio eò arctior sit quo iis hominibus indigemus magis, Cognati & amici mutuo conjunguntur vinculo, Ipsorum dolores, calamitates, voluptates, gaudia inter utrosque communia dicat. Quæcunque enim sentiunt patiunturve amici nostri nos pariter sentimus, patimurve, ipsorum habitu externo scilicet commoti. Quia tamen
finc

sine iis vivere possumus, unione illâ mutuâ & naturali quæ est inter nos & ipsos, aliqua arctior adhuc datur.

Infantes in utero materno, quorum corpus nondum omnino formatum est, tantâ sunt debilitate tantâque egestate per se, ut unione omnium arctissimâ cum matribus conjungi debeant. Et licet ipsorum mens à mente matris sit separata, cum tamen ipsorum corpus ab ipsius matris corpore non sejungatur, utrumque iisdem prorsus sensationibus iisdemque passionibus affici existimandum est; uno verbo eadem cogitationes quæ in mente matris occasione motuum corporis excitantur, in ipsis excitari debent.

I.
De communicatione
quæ est inter
cerebrum
matris &
cerebrum in-
fantis ipsius.

Quicquid mater videt, audit, sentit, patitur, illud pariter videt, audit, sentit & patitur infans. Cum enim oris species totusque corporis habitus hominis motu aliquo violento percipi adstantes pervadat penetrâtque, & eos in similem animi motum veluti transformet, quamvis homo ille cum adstantibus non strictè uniatur; Cum hæc, inquam, ita sint, quis merito non credat matrem infanti easdem quibus afficitur sensationes imprimere posse; eisdemque affectus in eo excitare. Corpus enim infantis unum est corpus cum corpore matris: sanguis spiritusque utrique sunt communes. Jam autem sensationes & affectus à motibus sanguinis & spirituum pendent ordine naturæ, illique motus è matre ad infantem necessariò transeunt. Ergo omnes affectus, omnes sensationes & in genere omnes perceptiones quæ corporis occasione fiunt, matri & infanti communes sunt.

Hæc quæ mihi quidem multis de causis videntur omni exceptione majora, tamen non propono nisi tanquam hypothesein quandam, quæ meo quidem iudicio infra demonstrabitur. Omnis enim hypothesis quæ difficultates quilibet solvere potest, ut principium quoddam infractum haberi debet.

Vincula invisibilia quibus Autor Naturæ suæ inter se connectit opera ipsius sanè sapientiâ hominumque admiratione digna sunt. Hæc nobis simul documento & admirationi esse debent, sed de iis ne per somnium quidem cogitamus cæcorum adinstar ducem sequimur, nec eum videmus, rationemque quâ nos ducat ignoramus. Natura æquè ac ipsius Autor nos latent motus qui in nobis excitantur equidem sentimus, sed ad causas motrices non attendimus. Nulla tamen est cognitio quæ nobis expediat magis. Ex hac enim eorum omnium quæ ad hominem pertinent, pendet explicatio.

II.
De communicatione
quæ est inter
cerebrum
nostrum &
ceteras cor-
poris nostri
partes quæ
nos ad imi-
tationem &
compassio-
nem fert.

In cerebro nostro haud dubiè quædam est dispositio atque compages, quæ nos ad imitationem naturali quodam fert motu; id enim societati civili necesse est. Non modò libri parentibus, discipuli magistris, inferiores superioribus credere & morem gerere debent; sed præterea omnes homines ad id naturâ suâ comparati esse debent ut iisdem sese accommodent agendi rationibus, iisdemque etiam actionibus, quibus uti solent homines quibuscum degunt. Ut enim homines uniri possint, similes esse debent & quoad corpus & quoad inge-

num: Atque istud principium est innumerarum rerum de quibus infra: Ceterum ad ea quæ hoc capite dicturi sumus, istud adhuc monitum velim, nempe in cerebro esse dispositiones quasdam naturales quæ nos ad misericordiam æquè ac ad imitationem ferunt.

Sciendum est igitur non modò spiritus animales in eas corporis partes sponte ferri, quibus eadem agamus, iisdemque moveamur motibus, quæ ceteri homines nobis adspicientibus agunt, quibûsque moventur: sed in eas etiam feruntur partes spiritûs quibus ad misericordiam miseriarumque alienorum sensuum excitemur. Quum enim, ut id experientiâ constat, in hominem quempiam ictu violento percussam aut graviter faucium oculos attentos defigimus, tum spiritus in partes corporis nostri quæ partibus illius hominis læsi respondent, magno nisu contendunt, nisi cursus spirituum, aliâ aliquâ parte satis vehementer & de industriâ titillatâ, aliorum deflectitur, aut nisi fluxus naturalis ad cor & viscera, qui in motibus subitaneis contingere solet, secum trahat aut immutet fluxum illum de quo loquimur, aut nisi denique idem efficiat conjunctio aliqua insolita vestigiorum cerebri cum motibus spirituum.

Illam spirituum in partes corporis nostri, quæ respondent partibus quas in aliis vulnerari cernimus, translationem, in hominibus delicatis, quorum imaginatio viva est, carnesque teneræ & molles, experiri facile est. Fremitum enim & motitationem quandam in cruribus sentiunt, si in hac alicujus hominis parte ulcus videant, aut eundem hominem actu percuti in illa parte conspiciunt. Rem confirmabit, quod amicus quidam ad me nuper rescripsit. *Sene quodam, inquit ille, qui apud sororem meam degebat ærotante, factum est ut ancilla candellam admoveat, dum ipsi (agro) vena pedis incideretur. simul ac illa scalpellum vidit infixum, tantus pavor ipsis invasit artibus, ut per triduum aut quadriduum, in eodem pedis loco quem viderat incidi, senserit dolorem admodum acerbum, ut per illud tempus in lecto decumbere coacta fuerit.* Atque hujusce rei causa hæc est spiritus scilicet in illas corporis partes sese violenter diffundunt; quo pacto partes illæ intentiores factæ vehementiorem in mente excitant sensationem, ut sibi ab incommodis quæ aliis inferri videt, præcaveat.

Isti motus quibus partes corporis nostri afficiuntur, motuum qui in aliis excitantur occasione, quosque *compassionem* dicturi sumus, in mente commiserationem aut si vis *compassionem* efficiunt. Eâ *compassione* ad aliorum dolores leniendos adducimur, quia hoc etiam pacto nostros lenimus. Quid plura? nostram compescit malignitatem crudelitatemque horror quem sanguis creat, & mortis formido, uno verbo, impressio illa quam efficit compassio ab interficiendis belluis illos etiam plerunque deterret, apud quos bruta nil aliud esse præter machinas quasdam certissimè constat; plerique homines belluas illas non possunt trucidare, quin percussu quodam *compassione* facto ipsi lædantur.

Porrò

Porrò hic sedulò observandum est, visum sensibilem vulneris quo quispiam affectus est, in adspectantibus vulnus aliud eò gravius efficere, quo debiliores sunt & delicatiores, visus enim ille sensibilis spiritus animales in eas corporis partes quæ respondent partibus læsis in alio, magnâ velocitate concitans, spiritus illi in fibras corporis teneri majorem efficiunt impressionem quàm in fibras corporis robusti.

Homines itaque robusti atque vegeti cædis alicujus conspectu non læduntur : & ad commiserationem non idèò moventur, quòd visus ille corpus ipforum infestet, sed quòd ipforum rationem offendat. Reorum istos non miseret, exorari aut flecti nequeunt. Fœminæ verò & infantes vulnera aliis inflicta ægrè admodum & anxie ferunt, magnâ miserorum commiseratione moventur motu quodam mechanico. Nec possunt audire belluam vociferantem sine sollicitudine.

Infantes verò qui adhuc sunt in utero matris cùm fibras habeant longè molliores quàm sunt fibræ fœminarum & infantium recens natorum, cursus spirituum in iis mutationes longè majores efficere debet ut infra patebit.

Quicquid suprà dixi habeatur etiam ut suppositio quædam, per me licet. Sed istam hypothesim optimè intellectam velim, ut ea quæ hoc capite sum expositurus distinctè etiam possint intelligi. Hæ duæ hypotheses à me suprà positæ principia sunt multorum quæ vulgò difficillima & abstrusissima habentur, quæque reverâ hisce suppositionibus non admissis explanari nequaquam possent; en tibi exempla.

Septem aut octo abhinc annis, Parisiis in Nosocomio dicto *les Incurables*, juvenis erat ab ortu mente captus, omnibûsque fractus membris, quibus frangi solent rei. Per viginti penè annos in eo statu vixit. Non pauci illum viderunt, & ipsa defuncta Regina Regis nostri mater istud nosodochium invisens, illum juvenem videndi, ipsiusque brachia & crura ubi erant confracta contrectandi curiositate ducta est.

III.
Explicatio
generationis
monstrorum,
& propaga-
tionis speciei.

Juxta principia jam posita hujusce infortunij hæc fuit causâ, nempe cùm ipsius mater reum quempiam mox crurifragio plectendum accepisset istius supplicij testis oculata esse voluit. Singuli ictûs quibus exceptus est miser ille, imaginationem istius matris & percussu quodam cerebrum tenerum delicatûmque ipsius infantis, vehementer affecerunt. Fibræ cerebri istius fœminæ oppidò fuerunt commotæ, quin & forsan fractæ in quibusdam locis cursu violento spirituum ad rei adèd terribilis conspectum agitatorum, satis tamen in istis fibris soliditatis fuit ut ipsarum ordo & compages penitus non destrueretur cùm vice versâ fibræ cerebri infantis non possent resistere rapido cursui spirituum, penitus detritæ fuerunt, tantûmque fuit illud detrimentum ut eo ejus ingenium per totam vitam fuerit labefactatum, hanc ob causam natus est insipiens. Jam cur iisdem corporis partibus quibus reus, quem mater ultima patientem conspexerat, confractus esset, videndum est.

* Juxta priorem hypothesin.

Ad

* *Iuxta: a-*
teram sup-
positionem.

Ad conspectum supplicij, feminae adeò horrendi, spiritus animales è cerebro in ceteras corporis partes partibus in quibus reus plectebatur respondentes rapidè cōfluxerunt,* nec res secus contigit in infante. Quia verò ossa matris horum spirituum impetui resistere valebant, illaesa remanserunt; nullum fortè etiam dolorem, nullumque horrorem sensit in brachiis & curibus dum per illas partes rumpetur reus. At verò cursus ille rapidus spirituum partes ossium infantis molles & teneras dirumpere valuit. Ossa enim inter corporis partes ultima conformantur, & in infante dum est in utero matris, soliditatis stabilitisque oppidò parum habent. Porro illud observandum est, quòd nempe, si mater spirituum illorum cursum violentà titillatione aliorum deflexisset, ipsius infans cum ossibus fractis non prodisset; sed pars illa, parti versus quam mater cursum spirituum deflexerat, correspondens, graviter laesa fuisset, ut jam suprà monui.

Istius similitri casus explicatio quam tradidimus; inservire etiam potest explicationi plurimorum hujusce generis; cur exempli gratià, cum mulieres gravidæ homines in quorum facie aliquis apparet nævus adspicientes, eosdem nævos infantibus insculpant, & in iisdem corporis partibus. Nec proinde immeritò monentur, sese in aliqua corporis parte oculà conficere, cum aliquid insolentis percipiunt vel motu aliquo violento rapiuntur: hinc enim fieri potest ut nævi seu quodlibet aliud partibus illis occultis imprimantur facie illibatà.

Exempla similia exemplo mox allato sæpius nobis suppeterent, si infantes tantis acceptis vulneribus diù superstites remanere possent, sed plerunque nil sunt præter abortivos partus. Plerique enim infantes in utero matris quamquam benè valentis morientes non aliam ob causam moriuntur quàm ob terrorem aliquem, flagrantem cupiditatem, aut alium quemlibet motum violentum matris. Ecce aliud exemplum satis speciale.

Ante unum annum dum Divi Pij relatio inter Sanctos seu mavis *Canonisatio* festo solenni celebraretur, mulier quædam prægnans istius Sancti imagine attentè nimis considerata, infantem huic imagini prorsus similem enixa est. Os senis, quantum quidem in infante imberbi fieri potest, gerebat. Ipsius brachia super pectus decussabantur, lumina ad cælum tollebat, erat fronte angustissimà, quia nempe istius imaginis versus Ecclesiæ fornicem erectæ, cælumque adspicientis frons vix apparebat; mitram quandam habebat humeris inversam vestigiis sphaeræ distinctam, locis in quibus mitræ gemmis solent obduci. Uno verbo infans ille imaginem, juxta quam mater imaginationis suæ vi ipsum formaverat, admodum referebat. Nemo est cui Parisiis id videre non licuerit æquè ac mihi, cum infans ille in spiritu vini diù satis fuerit conservatus.

Cæterum istud speciale est in hoc exemplo, quòd non hominis vivì motuque aliquo commoti, sed imaginis duntaxat conspectus, id prodigij potuerit efficere; at sanè ille conspectus non fuit sine summa spi-

rituum

rituum agitatione sensationibus vividissimis, sive ex matris ad id quod videbat applicatione, sive ex commotione quam in illâ festi tumultus excitabat, natis.

Matre igitur in illam imaginem totâ defixâ, spiritibusque ipsius vehementer agitis, infans, juxta priorem suppositionem, eandem imaginem cum applicatione & spirituum agitatione æquè ac mater videbat. Mater istâ imagine vivide percita, ad ipsius habitum saltem externum sese componebat, juxta posteriorem suppositionem; cum enim ipsius corpus omninò formatum esset, fibræque carnis satis duræ ut spirituum cursui resistere possent, in omnibus imagini similem se præbere nequibat. Cum verò fibræ carnis infantis essent admodum molles, ac ideo ad quoslibet suscipiendos sitûs aptæ, fluxus spirituum rapidus, ea omnia in ipsius carne effecit, quæ ad id necessaria erant ut imagini omnino similis evaderet, atque imitationem cui infantes magis sunt idonei quantum fieri poterat attigit. Sed figura quam ex illa imitatione corpus infantis contraxit ipsius mortis fuit causa.

Quid vis imaginationis matrum efficere possit multis aliis exemplis ex Autoribus petitis possemus demonstrare. Quos enim quandoque non edunt abortivos? Non modò infantes informes, sed etiam fructus quos gustare cupiverunt, poma, pyra, uvas, aliæque similia enituntur. Dum matres, exempli gratiâ, pyra imaginantur, ipsorumque comedendorum desiderio flagrant, infantes ea pariter imaginantur, eorumque pari flagrant desiderio, jam autem cursus spirituum fructus exoptati imagine excitatus, seseque diffundens per corpusculum ad figuram mutandam aptissimum, quæ est mollitiæ efficit, miseri infantes in ea transformantur quæ cupiverunt avidius. Matres verò ex eo nil accipiunt detrimenti, ipsarum, scilicet, corpus non est satis molle, ut possit suscipere figuram eorum quæ imaginantur. Ea itaque imitari, ipsisque similes fieri nequeunt.

Nec putandum est mutuam illam convenientiam, liceat mihi dicere *correspondentiam* quam exposui quæque tot infortuniorum causa est, esse aut inutilem aut contra ordinem naturæ institutam, vice versâ propagationi corporis humani formationique fœtus videtur perquam utilis, quin omninò necessaria est ad transmissionem quarundam cerebri dispositionum quæ pro temporibus & locis variæ esse debent, agnorum enim cerebrum in quibusdam regionibus ita comparatum esse debet ut fugiant lupos, quia, scilicet, in illis locis multi ipsique valde formidabiles extant.

Illa quidem communicatio cerebri matris cum cerebro infantis funestis casibus est interdum comitata, cum matres motu aliquo violento sese abripi sinunt. Attamen sine illa communicatione mulieres & animalia fœtus ejusdem speciei edere non possent.

Quamquam enim ratio formationis *fatus* in genere possit explicari, ut id non frustra tentavit Cartesius, sine tamen illâ communicatione cerebri matris cum cerebro infantis, vix potest explicari cur, exempli

gratiâ, equa non gignat bovem, aut gallina ovum perdicis, aut alius aliâs avis. Qui super formatione sunt meditati à meâ, ni fallor, sententiâ non abludent.

Qui equidem rectius, & ex experientia circa hanc difficillimam de formatione fœtus quæstionem ratiocinantur, dicunt infantes jam formatos esse ante actionem illam quâ concipiuntur, matrêsq; nil ipsis dare præter incrementum per tempus graviditatis. Illa tamen communicatio spirituum animalium & cerebri matrîs, cum spiritibus & cerebro infantis valdè conferre videtur ad determinandum illud incrementum, atque ad dirigendas partes illas quæ ipsius nutritioni inserviunt, ita ut inter se combinentur in ipsius corpore eodem propè modo ac in corpore matrîs, uno verbo ad efficiendum ut infans sit similis matri aut saltem ejusdem speciei: idque non obscure liquet ex iis quæ contingunt, cum matrîs imaginatio est inordinata, & cum motus aliquis violentus naturalem ipsius cerebri dispositionem mutat; tum enim, ut mox explicuimus, hæc communicatio conformationem corporis infantis mutat, matrêsq; nonnunquam fœtus abortivos edunt eò similiores fructibus quos cupiverunt, quo spiritus facilius per fibras corporis infantis transeunt.

Non negamus tamen Deum, sine hac communicatione, quæcunque ad propagationem speciei necessaria sunt adeò accuratè & exactè in sæcula infinita disponere potuisse, ut matres nunquam abortivissent immò etiam liberos ejusdem magnitudinis ejusdemque coloris, ac per omnia similes semper suscepissent. Nostrium enim non est Divinam potentiam imbecilli imaginatione dimetiri, quibus motus rationibus opus suum ita costruxerit, ignoramus.

Plantæ & arbores, alias arbores aliâsq; plantas sibi similes accuratè satis producunt, sine istius communicationis ope, volucres & multa alia animalia illa (*communicatione*) non indigent, ut animalia diversa foveant & excludant, cum ovis diversæ species incubant, cum, exempli gratiâ, gallina incubat ovis perdicis. Quis tamen fortè non immeritò posset existimare semina & ova, plantas & aves ex se educas jam continere, ipsâque avium corpuscula jam confirmata fuisse communicatione suprâ memoratâ. plantasque suam etiam accepisse conformationem aliâ communicatione æquipollenti; sed id forsân nil aliud est præter meram conjecturam; deinde licèt id certo aliquo niteretur fundamento, ex iis quæ Deus fecit, quænam sint quæ jam facere possit, judicare usquequaque tutum non est.

Qui tamen animadvertet, plantas quæ matrîs cœione incrementum accipiunt, ipsius similitudinem longè melius referre, quàm plantæ quæ ex semine nascuntur; tulipas, exempli gratiâ, quæ ex bulbis producuntur ejusdem esse coloris cum matre, cum è contrâ quæ è semine oriuntur ab ea ferè semper differant; qui, inquam, ad hæc attendet, eò certè adducetur ut credat, communicationem matrîs si absolutè necessaria non sit ut fructus sit ejusdem speciei cum ea, ad id saltem
propterea

prorsus necessariam esse, ut fructus matri sit omnino similis.

Quamvis itaque Deus præsenserit hanc communicationem cerebri matris cum cerebro infantis quandoque causam fore extinctionis multorum foetuum, & generationis monstrorum, propter inordinationem imaginationis maternæ; illa tamen communicatio adeo admirabilis est adeoque necessaria tum ob causas supra jam memoratas, tum ob plurimas alias quæ his possent accedere, ut incommoda illa Deum à consilio suo detertere non debuerint. Aliquo sensu Deus monstra formare non habuit in animo, certè si Deus unicum crearet animal illud, informe non crearet. At verò opus admirabile rationibus simplicissimis perficere, omnesque res conditas mutuis connectere vinculis apud se decernens, quosdam affectus ex rerum illarum concatenatione & natura necessario sequuturos prævidit; consilium tamen idcirco non mutavit. Quamvis enim monstrum si illud solum consideres, sit opus quoddam imperfectum, si tamen cum cæteris commisceatur creaturis, mundum certè imperfectum non reddet.

Quid matris imaginatio valeat in corpus infantis fusè satis explicuimus; jam quid in ipsius mentem agere possit videamus; atque hoc pacto primos errores intellectus & voluntatis hominum in sua origine detegamus. Illud enim potissimum ad institutum nostrum pertinet.

Vestigia cerebri sensationes & ideas in mente excitare, commotionesque spirituum animalium nunquam fieri in corpore, quin protinus motus ipsis respondentes in mente excitentur, pro certo constat; uno verbo, omnes passionibus sensusque, ut ita dicam, corporei, nunquam siue veris sensationibus realibusque mentis passionibus excitantur. Jam autem, juxta primam suppositionem nostram, matres vestigia cerebri sui, ac deinde motus spirituum animalium in infantes transferunt. Ergo & in infantium mente easdem sensationes easdemque quibus afficiuntur passionibus, excitant; ac proinde ipsorum cor & rationem multifariam corrumpunt.

Si tot infantes gerunt in facie nævos aut vestigia ideæ quæ matrem feriit, quamvis fibræ cutis spirituum cursui longè fortius reluctentur, quàm partes molles cerebri, & quamvis spiritus sint multò agitatior in cerebro quàm in cute; si, inquam, hæc ita sint quis inficietur, spiritus animales matris, agitatione suâ immoderatâ in cerebro infantium multa imprimere vestigia? Jam autem cum vestigia profunda cerebri & commotiones spirituum ipsis correspondentes, diu & non rarò per totam vitam permaneant; hinc liquidò patet per paucos infantes nasci qui aliquâ in re non sint ingenio obliquo, quique alicui affectui non sint mancipati; quia scilicet perpaucae sunt foeminae quæ vitiis quibusdam aut infirmitatibus non laborent, quæque per graviditatis tempus motu aliquo violento percitæ non fuerint.

Isthæ experientiæ quotidianâ plus satis comprobantur; nec rarò videas domos totas in quibus infirmitas quadam imaginationis hæ-

IV.

Quidam errores mentis, inclinationesque voluntatis explicamus.

reditaria est. Verùm exempla specialia hìc asserre necesse non judicamus. Immò satiùs erit si ad nonnullorum solamen asseramus, istas infirmitates parentum non esse naturales, hoc est humanæ naturæ essentiales, ac proinde vestigia cerebri quæ istarum infirmitatum sunt causa, posse deleri temporis successu.

Haud abs re tamen erit hic proferre exemplum Jacobi Regis Britanniae, de quo Eques Dygbi in Libro suo de Pulvere Sympathico, mentionem habet. Hæc sunt quæ in hoc Libro asserit. Nonnulli Scotiæ Magnates, Mariæ Stuard, dum Jacobum Regem in utero gestaret, cubiculum ingressi ipsius Secretarium gente Italum, ipsâ rem videlicet conspiciente, confoderunt, quamvis Secretario obviam sese tulisset, ut eadem illam præverteret. In hoc autem conflictu vulnera leviora accepit Regina, terror inde secutus in ipsius imaginatione tam alta impressit vestigia, ut infanti quem utero gestabat communicarentur, adeò ut Rex Jacobus per totam vitam gladium strictum conspiciere non ausus fuerit. Ipse Dygbi asserit rem fuisse expertum, cum institutus fuit Eques. Quippe Rex gladium quo ejus humerum attingere debuisset, in faciem rectâ divertit, & nisi quis de industria ipsius Regis manum deduxisset, Equitem sauciavisset. Tot ejusce rei extant exempla, ut ad authores confugere videatur inutile. Nec quemquam esse credo qui eat inficias. Multi enim sunt qui muris, foricis, felis, ranæ, ac præcipuè reptilium ut serpentum & colubrium visum ferre nequeunt; unde autem odij tam insolentis causa petenda est, nisi ex metu ad illorum animalium conspectum matribus per graviditatem injecto?

V.
*Concupiscen-
tia, & pecca-
tum origina-
le explican-
tur.*

Verùm, quod præcipuè observatum velim admodum verisimile est homines adhuc hodie in cerebro conservare vestigia & impressiones primorum Parentum. Quemadmodum enim animalia producant animalia sibi similia, cum similibus in cerebro vestigiis, unde sit ut animalia ejusdem speciei, iisdem inter se afficiantur sympathiis & antipathiis easdemque in iisdem circumstantiis edant actiones; Ita primi nostri Parentes post peccatum tot tamque alta ex objectis sensibilibus acceperunt vestigia, ut ea posteris communicare facile potuerint, adeò ut summa illa versùs res sensibiles propensio, quam ab utero matris contrahimus, ingénsque illa quâ sic affecti à Deo distamus intercapedo, ex suprâ dictis non incommodè possit explicari.

Cùm enim juxta ordinem à natura præstitutum, cogitationes mentis, vestigiis cerebri debeant respondere, jam tum peccati labe inquinati non immeritò dicimur quum in utero materno sumus conformati, ex eo enim tempore voluptatibus sensuum summoperè adhærescimus. Iisdem affecti vestigiis ac parentes, easdem etiam cogitationes easdemque ad objecta sensibilia inclinationes nos habere par est.

Itaque cum concupiscentia & peccato originali nasci debemus, si concupiscentia nihil aliud sit præter actionem naturalem vestigiorum cerebri in mentem, ut rebus sensibilibus adhæreat, certè cum concupiscentia

piscentia nos nasci oportet. Si peccatum originale nihil est præter regnum concupiscentiæ, istosque conatus menti & cordi infantis tyrannicè dominantes; certè nascimur in peccato originali. Jam autem verisimillimum est, regnum concupiscentiæ aut ipsius victoriam illud esse, quod in infantibus peccatum originale, in hominibus verò liberis peccatum actuale dicitur.

Dñus Paulus Rom. cap. 6. v. 12. 14. &c.

Ex principiis modò statutis, unum experientiæ contrarium colligi posse videtur, nempe matrem infanti habitus & inclinationes suis similes, eandemque cum ipsa ad imaginandum & res jam cognitæ ediscendum facilitatem communicare debere. Hæc enim omnia, ut jam dictum est, pendent duntaxat à vestigiis cerebri. Jam autem vestigia cerebri materni ad infantes transire pro certo constat. Exemplis de hominibus allatis res jam comprobata exemplo animalium, quorum catuli cerebrum habent iisdem quibus parentes vestigiis refertum, confirmatur. Unde fit ut animalia ejusdem speciei, vocem eodem modo floctant, membra similiter moveant, iisdem denique ad prædam captandam ac sese ab insidiatoribus tutandos utantur artibus. Cum igitur vestigia matrum cerebro infantum insculpantur & imprimantur, infantes cum iisdem habitibus iisdemque dotibus quibus præditæ sunt matres, nasci deberent: quin & eos habitus illasque dotes per totam vitam conservare deberent; cum habitus à teneris annis contracti diutius permaneant. Quod tamen experientiæ repugnat.

VI. Objectiones enim responsis.

Ut huic objectioni satisfiat; sciendum est, in cerebro duo esse vestigiorum genera. Alia sunt naturalia, seu naturæ humanæ propria; alia verò acquisita. Naturalia vestigia sunt profundissima, nec possunt planè deleri, acquisita verò, utpote minùs alta, facillè deperduntur; quamvis autem naturalia & acquisita non differant inter se nisi secundum magis & minùs, ac priora sæpè posterioribus sint debiliora, cum quotidie animalia rebus quæ vestigiis illis naturalibus prorsus contrariæ sunt assuefiant (canis, exempli gratiâ, consuetudine & disciplinâ eò adducitur ut à pane aut perdice quam videt sentitque abstinere) Inter illa tamen vestigia istud intercipitur discrimen, quod naturalia vinculis quibusdam imperceptis cum cæteris corporis partibus colligentur. Omnia enim nostræ machinæ organa operam mutuam inter se conferunt ut in statu naturali permaneant. Singulæ corporis nostri partes sibi mutuò suppeditant omnia ad conservationem sive instaurationem vestigiorum naturalium necessaria. Itaque penitus deleri nequeunt, cumque illa deleta putas, tunc reviviscere incipiunt.

At verò vestigia acquisita, quamvis majora, profundiora & fortiora naturalibus, paulatim tamen deperduntur, nisi eorum conservationi, perpetuâ ad causas quibus producta sunt applicatione, consulas, cæteræ enim partes corporis ipsorum conservationi nil conferunt, quin potius ad ea abolenda ac penitus destruenda perpetuò conituntur. Hæc vestigia cum vulneribus quæ accipere solet corpus,

possunt comparari. Uulnera sunt quæ cerebrum accepit sed quæ sponte sua, ut vulnera corporis, mira machinæ constructione sanantur.

Cum igitur in corpore nihil sit quod vestigiis naturalibus non respondeat, in infantes integra transmittuntur. Psittaci itaque, psittacos eadem voce eadem garrulitate præditos edunt. Quia verò vestigia acquisita in solo remanent cerebro, nec toti corpori respondent nisi parumper, cum videlicet motibus illis quæ in affectibus violentis excitari solent impressa fuerunt, vestigia illa in infantes transmitti non debent. Sic psittacus qui Domino suo salutem dicit, psittacos non edet ita institutos ut possint idem facere, nec viri Docti suscipiunt liberos sibi similes.

Quamvis igitur quicquid in cerebro matris agitur, in cerebro infantis etiam agatur eodem tempore; materque nihil videre, sentire, imaginari possit, quin protinus idem videat, sentiat, imaginetur infans; ac denique quamvis omnia falsa matrum vestigia corrumpant imaginationem infantium: nihilominus cum vestigia illa non sint naturalia, eo quem explicuimus sensu, mirum videri non debet, si ut plurimum deleantur, statim atque infantes prodierunt in lucem. Tum enim causa quæ vestigia illa formabat fovebatque desinit. Naturalis corporis constitutio ad ipsorum destructionem tendit, & objecta sensibilia alia imprimunt vestigia profunda & plurima, quæ illa omnia penitus delent, quæ in infantibus, dum erant in utero matris formata fuerant. Si enim quotidie contingit ut dolor acerbis dolorum quos antea sumus perpeffi sensum extinguat, quanto magis sensationes vividæ, quales sunt sensationes infantium, quum primum objecta agunt in organa sensuum delicatula, delebunt vestigia pleræque, quæ ex objectis veluti quodam repercussu tantum acceperunt, cum adversus illorum impetum uteri materni clypeo defenderentur.

Ubi tamen vestigia ex vehementi quodam affectu, & cum violentissima sanguinis & spirituum agitatione matris efformata fuere, in cerebrum ac etiam in totum corpus infantis tantâ vi agunt, ut vestigia in eo imprimant æquè profunda & firma ac vestigia naturalia, ut patet ex exemplo Equitis Dygbi, ut & infantis illius qui natus est mente captus & fractus membris cuius in cerebro omnibusque membris tantum attulerat detrimenti imaginatio matris; ac denique exemplo generalis humanæ naturæ corruptionis.

Nec est quod quis miretur filios Regis Britannicæ eadem infirmitate quâ pater non laborasse. Primum enim ejusmodi vestigia toti corpori non imprimuntur ut vestigia naturalia. Secundò, mater cui non eadem erat infirmitas, illam firmâ constitutione suâ ab infantibus suis arcuit. Quippe, quod tertium erit, mater multò magis agit in cerebrum infantis quàm pater, ut patet ex suprâ dictis.

Verum observandum est, hæc argumenta quibus ostendimus, liberos Jacobi Regis Angliæ infirmitatis paternæ participes esse non debuisse,

huisse, non impediretamen quominus peccatum originale, sive summa illa qua in res sensibiles ferimur propensio, ac prope infinita quam à parentibus hausimus à Deo aversio possit explicari, quippe vestigia cerebro primorum Parentum ab objectis sensibilibus insculpta, fuisse profundissima; affectibus violentis comitata, & a sancta perpetuo rerum sensibilibum & ad vitæ conservationem necessariatum usu, non modò in Adamo & Eva, sed etiam, quod notatu dignum est, in Sanctorum sanctissimis, in cunctis hominibus & feminis ex quibus oriundi sumus, corroborata, adeò ut nihil in natura adversus hanc corruptionem reniti potuerit, tantum igitur abest ut vestigia illa primorum Parentum paulatim deleantur, quin potius de die in diem augescere debeant; certè nisi Jesu-Christi gratia hunc torquentem perpetuo coerceret, quod olim cecinit Poeta Ethnicus suam nancisceretur veritatem:

*Ætas Parentum peior avis tulit
Nos nequiores, mox daturos
Progeniem vitiosiores.*

Nam, quod sedulò observatum velim, vestigia quæ in piissimis matribus pietatis sensum excitant, nullam infantibus quos utero gestant communicant pietatem; vestigia verò quæ ideas rerum sensibilibum excitant, & ex quibus violenti nascuntur affectus, in infantibus sensum & amorem rerum sensibilibum haud dubiè excitant.

Supponamus, exempli gratià, matrem quandam ad Dei amorem ferri motu spirituum qui vestigium imagine senis venerandi impressum comitatur, quia nempe illa ideam Dei imagini senis alligavit; id enim ut in capite de communi idearum vinculo videbitur, fieri potest, quamvis nulla sit inter Deum & imaginem senis analogia: hoc supposito, certè mater in cerebro infantis nihil aliud præter imaginem senis, & propensionem quandam versus senes, quod ab amore Dei quo afficitur longè differt, efficere poterit. Nulla sunt enim vestigia in cerebro quæ alias ideas ab ideis rerum sensibilibum possint excitare; corpus enim instituendæ menti destinatum non fuit. Quod si quandoque illam compelleret, id in suimet ipsius gratiam tantum facit.

Mater itaque cujus cerebrum vestigiis plenum est quæ naturâ suâ ad res sensibiles referuntur, quæque propter concupiscentiam sibi inhaerentem corporisque imperium, delere non potest; illa (*vestigia*) necessariò communicat infanti, ipsumque licet justa sit, peccatorem gignit. Mater illa justa est, quia Deum amore optionis complectens aut saltem complexa, nullum ob concupiscentiam quamvis ipse moribus per somnum optemperet, subit reatum. At verò infans Deum amore optionis nunquam dilexit, ipse cor versus Deum nullâ propensione inflexum est; unde manifestò liquet in isto inordinationis ac perturbationis statu, nil esse quod ipsam Dei movere non debeat.

Ar

At verò postquam baptisinate fuerunt regenerati, & iustificati, sive per cordis dispositionem, similem dispositioni quæ in iustis etiam per noctis phantasmata remanet, sive forsan per ætuum quendam liberum amoris erga Deum quo sancti sunt, dum per aliquot momenta ab imperio corporis, virtute sacramenti liberati fuerunt. (Cum enim Deus eos ut ab ipsis hincaretur condiderit, in iustitia ac in ordine à Deo præscripto censendi non sunt, nisi Deum ament aut amaverint, aut saltem nisi ipsorum cor eodem modo sit dispositum ac si ipsum actu amavissent.) Tunc inquam licet concupiscentiæ per infantiam morem gerant, ipsorum concupiscentia non amplius est peccatum, ipsos reos iraque obnoxios haud amplius efficit, eadem ratione iusti sunt accepti Deo, quâ gratiam non amittunt, qui per somnum motus concupiscentiæ sequuntur. Infantes enim sunt cerebro admodum molli & ab objectis debilioribus tam vividè tamque vehementer afficiuntur, ut penes eos non sit ipsorum impressionibus resistere: Verùm rebus quæ non sunt instituti mei explicandis æquo diutius insisto. Sufficiat si ex suprâ dictis possim colligere, hæc omnia falsa vestigia quæ matres cerebro infantium imprimunt, ipsorum mentem adulterare, & imaginationem labefactare; unde fit ut plerique homines res secus quam sunt imaginari soleant, rerum quas percipiant falsas ideas sibi efformando.

C A P V T V I I I.

I. Mutationes quæ in infantis ex utero matris exeuntis imaginatione, mutuo cum nutrice, genitrice, aliisque commercio, contingunt. II. Præcepta ad eos bene educandos utilia traduntur.

CApite præcedenti cerebrum infantis quatenus est in utero matris consideravimus, jam quid ipsi, ut primum in lucem prodit, contingat, examinandum venit. Quum primum tenebris emergens lumine potitur, aëris circumjacentis frigus ipsius artus extemplo invadit, mollihus mulieris ipsum suscipientis amplexibus delicatula ipsius membra læduntur. Cuncta objecta externa ipsi imbelli ac inermi, utpote inusitata & incognita terrorem incutiunt. Lacrymæ & vagitus quos edit ipsius dolorum formidinumque argumenta sunt certissima. Quid enim aliud sunt quam preces in ipsius gratiam à natura suscæ, ut circumstantes adversus dolores quos patitur quosque extimescit ipsum tutentur.

Sed ut anxietas in qua ipsius animus tunc temporis versatur clarè possit intelligi, recordandum est fibras ipsius cerebri esse mollissimas & delicatissimas, ac proinde objecta externa in eas altissimè imprimi. Si enim etiam minima imaginationem debilem possunt lædere, quantum magis

magis tantus obsectorum inulatorum numerus lædet & turbabit imaginationem infantis?

Verum ut agitationes & dolores infantium nativitatis instanti, & vulnera quæ ipsorum imaginatio accipere debet, vividius imaginemur: In quem quæso non adduceremur terrorem, si gigantes nobis quinquies aut sexies proceriores ad nos inæautos ipsorumque consilij nescios accederent? aut si novam quandam animalium ab iis quæ videre solemus prorsus dissimilium speciem, vel duntaxat si equum alatum, seu aliam quampiam Poëtarum chimæram è nubibus in terram delabentem cerneremur? quàm alta cerebro imprimerent vestigia portenta ejuscemodi, quòtque cerebra hisce semel tantum visis perturbarentur?

Quotidie videas viros quibus est cerebrum firmum nec novis suscipiendis impressionibus aptum, multo rerum usu exercitos; non imbelles, nec sui ita impotes ut nullius sint consilij, eventu tamen insperato & terribili rationis usu privari. Infantes à singulis objectis sensus ferientibus sibi que non familiaribus patiuntur. Singula animalia, ipsis animalia novæ speciei sunt, quippe nihil eorum quæ jam vident, antea viderant: omni virtute & experienciâ sunt destituti; Ipsorum cerebri fibræ sunt maximè delicatæ atque flexiles. Quî igitur ipsorum imaginatio tot variis objectis illæsa maneret.

Matres equidem obsectorum impressionibus infantes jam parumper assuefecerunt; ea scilicet objecta fibris cerebri infantium dum in ipsarum utero essent imprimendo: unde fit ut iis quæ oculis maternis ut ita dicam, viderunt multò minùs offendantur cum eadem suis usurpant oculis: Nec etiam diffiteor falsa vestigia & vulnera quæ ad tot terribilium obsectorum conspectum accepit imaginatio infantis, paulatim comprimi ac sanari, ipsis enim ut potè non naturalibus, tota corporis constitutio contraria est; illaque, ut capite superiori monuimus, delet. Quod si non contingeret, omnes infantes nascerentur insipientes. Nihilominus tamen nonnulla semper imprimuntur vestigia adeò fortia & alta, ut deleri per totam vitam nequeant.

Si ad ea quæ in semetipsis aguntur, & ad suas cogitationes seridò attenderent homines, quæ jam dicta sunt apud se haud dubiè experirentur. Inclinationes quasdam, & aversiones seu odia quædam occulta in se sentirent, quorumque nulla alia potest afferri causa præter vestigia illa ab infantia insculpta. Cum enim illarum inclinationum & aversionum causæ nobis unicè competant, certè naturâ humana non nituntur. Deinde, cum illæ causæ nos fugiant, ipsas eo tempore in nos egisse oportet, quo circumstantiarum quæ nobis monumenti loco esse potuissent, memores esse nondum valebamus. Quodnam autem illud tempus est, nisi tempus infantia?

Cartellus in unâ ex suis epistolis scripsit se luscus singulari quodam amore complecti. Cujus rei causam anxie disquirens, comperit tandem puellam quam infans diligebat, hoc laborasse vitio, amor nempe

quo illam prosequeretur ad omnes ipsius similitudinem aliquâ in re referentes pervaserat.

Verum levibus illis inclinationum nostrarum inordinationibus, in errorem rarò conjicimur: Quod sæpius erremus, id inde est nempe quòd mens aliquâ in re semper læva sit; & stultitiæ euidam penè omnes incautè dediti sumus. Qui familiarium ingenium attentè examinabit, id nullâ difficultate comperiet. Et quamvis nosmetipsi stultitiæ alicujus specialis exemplar sumus & ab aliis habeamur; alios tamen stultitiæ etiam alicujus iis specialis arguimus, eosque non aliter quàm secundum magis & minùs differre censemus.

Jam autem variæ hominum indoles ex variis quas ex utero matris exeuntes accipiunt impressionibus, ut jam de inclinationibus specialibus & extraordinariis demonstratum est, haud dubitè nascuntur. Cum enim istud stultitiæ genus ut plurimum sit firmum & permanens, à mobili spirituum animalium constitutione pendere nequit. Unde concluditur id aliunde manare non posse, quàm ex falsis vestigiis fibræ cerebri impressis, cum memoria id nondum recordari valeret, hoc est ab infantia. Hæc igitur est origo satis fecunda errorum humanorum, nempe perturbatio cerebri orta ex impressione objectorum externorum natiuitatis instanti. Verum hæc causa non tam citò quàm crederes desinit.

Mutuum & necessarium cum nutricibus aut etiam cum matribus, quæ ut plurimum liberali carent educatione, colloquium, infantium ingenium jam alteratum penitus turbat & corrumpit. Mulierculæ illæ ipsis nihil præter nugas fabulasque ridiculas aut terrificas obtrudunt. Ipsorum menti nihil præter sensibilia objiciunt, & verba sua ita disponunt eoque oris habitu eloquuntur, ut falsis sensuum judiciis confirmandis sint valdè idonea. Quid plura? Infirmities suas, absurdas formidines, ridiculas superstitiones & cætera id genus matres infantium menti veluti semen quoddam inferunt. Quo pacto in veritate inquirenda aut delibanda nusquam exerciti; ad extremum veritatis discernendæ, rationisque in rebus cognoscendis adhibendæ incapaces fiunt. Hinc tandiu in hærens timiditas & pusillanimitas quædam. Non pauci enim sunt, qui quindecim aut viginti annos nati, nutricis ingenium nondum exuerunt.

Infantes equidem ad veritatem meditandam scientiâsque abstractas sublimes comparandas non videntur maximè idonei. Cum enim fibræ ipsorum cerebri sint tenerrimæ objectis debilibus & tenuioribus quàm facillimè commoventur; ipsorum verò mens sensationes accipiens fibrarum agitationi necessario congruas, à Metaphysicis & puræ intellectionis meditationibus ad sensationes suas tota deflectitur. Infantes itaque toties tamque facillè per ideas sensuum confusas distracti, puras veritatis ideas attentè satis perpendere nequeunt.

Verum primò infans septennis errores à sensibus ortos longè facilius exuit, quàm sexagenarius, cujus mentem præjudicia infantiae per-

totam

totam vitam præpedire. Secundò idcirco veritatis claris & distinctis suscipiendis infantem idoneum non esse, concedatur, saltem moneri potest, ipsius sensus semper & ubique fallaces esse; si illum veritatem non doceas, certè ipsum in erroribus fovere nec non confirmare iniquum est; Infantes etiam teneriores, quamvis sensationibus jucundis & injucundis oppressi sint id tamen brevi & facile edificare solent, quòd provectiores non nisi post longum tempus possent edificare; ut, exempli gratià, ordinem & analogiam quæ est inter singulas voces, & res quas audiunt, videntque. Quamvis isthæc à solâ penè pendeat memorià, ipsos tamen ratione suâ uti, vel ex methodo quam incunt dum linguam sibi vernaculam ediscunt, satis superque patet.

Verum si facilitas, illa quæ fibræ cerebri infantium impressiones objectorum sensibilium vividas recipiunt, sit causa cur scientiis abstractis inepti judicantur, in promptu remedium est. Hæc enim mihi concedantur oportet; nempe metus, desideria, spes, dolor, voluptas ab infantibus omninò, quantum fieri potest amoverentur; certè statim atque voces audire & reddere possent, possent pariter difficillima quæque & abstrusissima, Mathematicas saltem sensibiles, Mechanicæ & alia ejusmodi vitæ necessaria, doceri. Sed quî, quæso, mens ipsorum scientiis abstractis posset incumbere, dum desideriis & pavonibus perpetuò agitur: Quod notatu adeò dignum est, ut nihil magis.

II.
*Præceptum
ad beneducandos liberos nullo.*

Quemadmodum enim vir ambitiosus, factâ mox facultatum aut honoris jacturâ, vel ad insperatam eveetus dignitatem, quæstiones Metaphysicas, seu *æquationes* Algebraicas solvere non posset, sed ea solum factitare quæ instans suaderet animi motus. Ita infantes in quorum cerebrum, pomum, vel tragemata non levius agunt, quàm dignitates in quadragenarium ad veritates abstractas & auscultandas pessimè sunt dispositi. Ita ut ad infantium progressum in scientiis nihil magis efficiat, quam præmia & pœnæ quibus perpetuò alliciuntur aut terrentur.

Nec id modò, mens infantium pœnarum formidine præmiorumque spe indefinenter districta, à pietate deterretur. Pietas sensuum captum longè magis exuperat quàm scientia; illam multò sapit minùs natura hominis corrupta quàm hanc. A studio scientiarum non omninò abhorret ingenium humanum, à pietate prorsus. Si igitur variis & vehementibus agitationibus à studio licet jucundo dimovemur; quantò minùs infantes voluptatibus sensibilibus quibus remunerantur, pœnisque quibus terrentur omninò addicti, satis sibi conservabunt libertatis, ut res ad pietatem pertinentes possint sapere.

Angustæ mentis capacitati pauca sufficiunt, ut impleatur; Jam autem mentem plenam, novæ cogitationes subire nequeunt, nisi eas prius excutiat, quæ totam ipsius capacitatem occupabant. At verò mentem rebus sensibilibus evacuare, hoc opus, hic labor est. Quod ut intelligatur, attendendum est, nos naturæ propensione versus bonum perpetuò ferri. Cum autem voluptas sit *extremior*, quò bonum à malo distinguimus, hinc necessariò sit ut voluptas nos ante omnia afficiat

& occupet. Cùm igitur rerum sensibilium, utpotè corpori humano conducibilium usus, in se voluptatem includat, hæc bona, sensibilia scilicet, mentis nostræ capacitatem occupare aliquatenus necessarium est. Donec Deus iis nescio quem affundat amarorem, qui nobis illorum tædium & fastidium ingeneret; gratiâ suâ nimirum, suavitatis cœlestis, omnibus terrenis suavitatibus longè superioris, sensum in nobis excitando: *Dando menti cœlestem delectationem quâ omnis terrena delectatio superetur.*

D. August.

Quoniam verò à malo non minùs abhorremus quàm bonum prosequimur, dolor autem est character malo impressus à natura; quicquid de voluptate dictum est, de dolore, vice versâ, intellectum velim.

Cùm igitur ea quæ in nobis voluptatem & dolorem excitant, totam impleant mentis capacitatem, nec ea abjicere, aut eorum sensum ex arbitrio fugere, penes nos sit. Hinc manifestò liquet infantes non secùs ac cæteros homines ad pietatis amorem induci non posse, nisi secundùm Evangelij præcepta, à rerum omnium sensibilium quæ aut vehementia desideria excitant, aut ingentes incutiant terrores, privatione, initium fiat. Omnes affectus inordinati, gratiam delectationemque illam internam, quam Divini auxilij ope in officio nostro præstando percipimus, suffocant & extinguunt.

Infantes tenelli non secùs ac adulti polleant ratione, quamvis careant experientiâ; easdem etiam habent propensiones innatas, quamvis ad alia ferantur objecta. Assuescant rationem sequi ducem, si ratione præditi sunt. Ad officij sui præstationem, ipsorum inclinationes ritò temperando & moderando, sunt excitandi. Qui ipsos rerum sensibilium impressione, ad officium adigunt, ipsorum sanè rationem extinguunt rectioresque corrumpunt inclinationes. In officio quidem rursus stare videntur, sed videntur modò, reapse non stant. Virtus in intima ipsorum mente, nec in imo sedet pectore, illam vix norunt, multò minùs diligunt. Mens ipsorum desideriis, pavoribus, odio, & amore rerum sensibilium intricata, in libertatem sese asserere, & ratione uti nequit. Infantes itaque sic ab incunabulis abiectè & serviliter educati, nescio quam erga res quæ virum probum Christianumque decent indifferentiam paulatim contrahunt, quam per totum vitæ curriculum tenaciter retinent; unde fit ut dummodo autoritate, aut arte suâ supplicia declinare possint, in omnes concupiscentias laxatis prorumpant habenis; quippe qui reverâ alia non cognoscant bona, quàm bona sensibilia.

Interdùm equidem infantes sensuum ope sunt instituendi, sed ubi tantùm ratio non sufficit. Primo ipsis ratione demonstrandum est quid sit ipsorum officij; si rationes illas quibus officio fungi tenentur non possunt capere, ad tempus relinquendi sunt; nam certè si ipsos vi externâ cogas ad ea facienda quæ non credunt sibi esse facienda, eos minimè instituēs, menti competit institutio, non corpori. Quod si id

recusent.

recusent facere, quod ipsis ratio evincit esse faciendum, illud est quod tolerari non debet, quin severitas tunc ritè potest adhiberi. Tunc qui filio suo parciť, illum magis odit quàm diligit, inquit sapiens.

*Qui parciť
virgā, odit
filium suum.
Prov. 13 24.*

Si castigationes mentem non erudiunt, nec virtutis amorem imprimumunt, corpus saltem aliquà ratione instituunt ac informant, impediantque quominus vitium degustetur, mentique proindè tyrannicè dominetur. Ceterum observandum est, pœnas mentis capacitatem non implere, ut eam voluptates implere solent, statim atque dolor timorque ex his ortus desit, mens etiam ab ipsis cogitationem aliorum deflectit. Tunc enim imaginationem non sollicitant; affectus non movent, concupiscentiam non irritant; integram denique menti faciunt copiam quodlibet cogitandi. his itaque erga infantes uti possumus, ad eos in officio externè saltem continendos.

Verum si quandoque pœnis sensibilibus infantes terrere aut etiam multare conducat; hinc non est concludendum ipsos prœmiis sensibilibus esse adducendos. Quæ sensus vehementer feriunt, tum demum duntaxat sunt adhibenda, cum id ineluctabilis postulat necessitas. At verò nulla incumbit necessitas eos afficiendi prœmiis sensibilibus, ipsisque ea prœmia inducendi, quasi ipsorum operum essent finis. Hoc pacto enim meliores ipsorum actiones sinistrè detorquerentur, & ad sensualitatem, ut ita dicam, potius quàm ad virtutem ferrentur voluptatum semel delibatarum vestigia imaginationi altè inhærent; bonorum sensibilium ideas perpetuè excitant, importuna movent desideria quæ mentis tranquillitatem turbant; concupiscentiam denique ubique irritant, veluti fermentum quod cuncta corrumpit: Verum hæc accuratè explicandi non est hic locus.



PARS SECVNDA.

DE IMAGINATIONE.

CAPVT PRIMVM.

- I. De imaginatione mulierum. II. De imaginatione virorum.
III. De imaginatione finum.*



IN Parte superiori causas Physicas inordinationum imaginationis generali quadam idea explicuimus. In hac parte has causas erroribus generalioribus imaginationis adaptare conabimur, & de illis etiam errorum causis quæ Morales dici possunt loquemur.

Ex iis quæ capite præcedenti dicta sunt clarè satis patuit, tenuitatem fibrarum cerebri annumerari inter præcipuas causas quæ nos ab attentione in veritatibus subobscuris requisita, auerunt.

*I.
De imagi-
natione mu-
lierum.*

Hæc autem fibrarum mollities in mulieribus ut plurimum occurrit; unde fit ut rerum sensibilibus sint adeò peritæ. De ritu circa vestitum aut linguam recepto decidere, elegantes agendi rationes discernere mulierum est. Circa hæc viros scientiâ, solertiâ & sagacitate superant. Quicquid gustu discernitur, ad ipsas etiam pertinet, sed ut plurimum veritatibus paulò difficilioribus detegendis ineptæ sunt. Quicquid abstractum est ipsas fugit. Ad solvendas quæstiones complexas & intricatas imaginationem frustra adhiberent solam rerum superficiem intuentur, ipsarum verò penetralia debili & limitatâ imaginatione suâ non possunt introspicere, aut singulas partes inter se invicem non interruptè conferre. Res nihili ipsas agit diversas leviori strepitu terrentur, minimo motu detinentur, uno verbo rerum modus non verò realitas totam ipsarum mentis capacitatem implere potest. Cum enim tenuiora objecta ingentes in delicatis cerebri fibris excitent motus; in mente protinus etiam excitant sensationes ita vividas, ut iis tota octupetur.

At

At verò si certò constet molliorem fibrarum cerebri esse præcipuam causam horum effectuum; illam in omnibus mulieribus reperiri non æquè certum est. Aut si reperiatur mollior illa spiritus animales tantam interdum habent cum fibris cerebri ipsarum proportionem; ut mulieres quædam ingenij solidioris quam homines reperiuntur. Ingenij vis ac soliditas consistit in certo quodam temperamento crassitudinis, & agitationis spirituum animalium cum fibris cerebri: sunt autem feminae quæ justo illo potiantur temperamento. Mulieres sunt, fortes & constantes, homines verò, debiles & inconstantes. Sunt mulieres doctæ, strenuæ, audaces. Sunt vice versâ homines molles & effeminati, nullius consilii, inertes. Uno verbo cum vitia quædam, cuiusdam sexui, ætati aut conditioni tribuimus, rem ut plurimum duntaxat sic se habere intelligimus, nullam esse regulam generalem quæ careat exceptione, hand ignari.

Singulos enim homines, singulisque feminas ejusdem ætatis, ejusdem regionis, aut ejusdem familie, cerebrum eodem modo constitutum habere existimandum non est, certè credibilius est rem itidem se habere de imaginatione ac de facie, quemadmodum enim duæ facies non reperiuntur per omnia similes, ita non possunt inveniri imaginationes prorsus inter se similes. Nam sicut temerè supponenda non est *identitas* essentialis in rebus inter quas nullum deprehenditur discriminè; ubi pariter perfecta non percipitur *identitas*, non sunt constituendæ differentie essentialis. Atque hæc duo vitia hominibus sunt perquam familiaria.

Fibræ igitur cerebri, ut quicquid de iis dici potest, dicamus, in infantibus ut plurimum sunt molliissimæ & delicatissimæ; ineunte ætate durescunt & corroborantur; Pleraque tamen mulieres, & nonnulli viri fibras habent per totam vitam tenerrimas. Quicquam præterea determinare tutum non est. Sed quid mulieribus & infantibus diutius immoramur? Veritatem investigare aut docere non satagunt. Ipsorum errores magni non sunt momenti, ipsorum enim dictis fides ægrè adhibetur. De viris quorum mens firma est atque vigen, quippe veritati inveniendæ ac docendæ videntur idonei, loquamur.

Mens ut plurimum ab anno trigésimo ad quinquagesimum usque perfectionem suam attingit. Tunc temporis fibræ non parvam contraxere soliditatem, voluptates & dolores sensibiles in ea vix agunt, adeò ut nihil hac ætate timendum & præcavendum videatur, præter affectus violentos, qui rarò movebuntur, si occasio sedulò vitetur. Mens itaque rebus sensibilibus non amplius interrupta, veritatem facili negotio potest contemplari.

Vir sic constitutus, præjudiciorum infantie immunis, meditationi à puero assuetus, claris & distinctis intellectus notionibus duntaxat incumbens, confusis sensuum ideis sedulò rejectis, ac perpetuè; quantum ipsi per tempus liceret, meditationi intentus, vix cerè ac ne vix erraret. Verum de ejusmodi homine in caelum loquor: sermo est de hominibus ordinariis, ille verò est extraordinarius.

II.
De imaginatione hominum ad visum aliam perducitur.

Illud est igitur quod dico: à soliditate & firmitate quæ ætate adultâ, in fibris cerebri hominum reperitur, pendet errorum ut ita dicam, soliditas ac momentum. Hoc sigillo ipsorum præjudicia & errores obæquantur, ac vis rationis eluditur. Acque, ut rem paucis conficiam, quantum hæc constitutio fibrarum cerebri utilis est hominibus probè eductis, tantum noxia est plerisque, hac enim constitutione unusquisque in suis confirmatur cogitatis.

Verum non modo homines in erroribus suis præfractè adhærent, ubi quadragesimum aut quinquagesimum ætatis annum attigerunt. In novos insuper errores multò sunt procliviores. Cum enim tunc jus de rebus omnibus judicandi sibi arrogent, ut ipsis quidem competere deberet, ex suis præjudiciis de omnibus temerariè decidunt; homines enim non aliter de rebus omnibus judicant, quam ex ideis sibi familiaribus. Chymicus de corpore quopiam naturali disserturus, de tribus suis protinus cogitat principiis. Peripateticus ad quatuor elementa, qualitatesque sensibiles illicò confugit, alius verò Philosophus aliis utitur principiis. Nihil itaque mentem humanam subire potest, quod extemplo erroribus jam contractis non inficiatur, vel quod etiam errorum non augeat numerum.

Hæc soliditas fibrarum cerebri aliud præter id pessimum nanciscitur effectum, potissimum in hominibus provectioribus, ipsos enim reddit meditationi ineptos. Vix ullam plerisque rebus possunt præbere attentionem, unde fit ut veritates subobscuras attingere nequeant. Hypotheses verò propiores, si principiis sibi inusitatis nitantur, ipsis non arrident, licet circa res sibi sæpius expertas sint perspicacissimi. Verum hæc ad eos qui per juventam ingenium inertiae permiserunt, duntaxat pertinent.

Ut hæc illustrentur, sciendum est nos non posse quicquam ediscere, nisi in id attentionem nostram desigamus, jam autem ad res attendere non possumus, nisi eas imaginemur, & cerebro vividè pingamus. Ut autem objecta possimus imaginari, necesse est ut quædam cerebri partes inflectantur, seu aliquo alio afficiantur motu, quo vestigia quibus idæ objectorum illorum alligantur, possimus in eo formare. Si igitur fibræ cerebri tantillum obduruerint, nullam inclinationem nullòque motus poterunt admittere, præter eos quibus jam assueverunt. Mens itaque quodlibet imaginari nec attendere poterit, sed ea solum quæ sibi sunt usitata.

Hinc colligere est, frequenti circa res quaslibet meditatione sese exercitare, rem esse perquam utilem; hoc pacto enim quodvis facile cogitandi contrahitur consuetudo. Quemadmodum enim instrumenta frequenter pulsando miram & omnimodam digitorum mobilitatem comparamus; ita partes cerebri, quæ necessario moveri debent ut quodlibet possimus imaginari usu frequenti facilem acquirunt flexibilitatem, quâ facile etiam, promptè, nec non distinctè res possumus imaginari.

Potior

Potior autem ratio hujusce habitus comparandi, quo virum ingeniosum ab alio distinguimus, hæc est; si nempe veritati etiam circa res difficillimas indagandæ à teneris assuescamus unguiculis, tunc enim fibræ cerebri quaslibet patiuntur inflexiones.

Non est tamen quod genus illud hominum qui studiosi audiunt, quique perpetuis lectionibus incumbentes, inter legendum non meditantur, nec solutionem difficultatum prius quàm ad Authores confugiant, apud se quærunt, hanc facilitatem sibi comparare sperent. Hinc enim quid ad eos redundat, præter facilem eorum quæ prius legerunt recordationem. Certè quotidie videas homines vastâ Authorum lectione onustos, rebus novis ac sibi inusitatis non posse attendere: falsa tamen prætumidi eruditione, de iis, nondum intellectis judicium ferre audent; hinc est quod errores admittant, quos præter ipsos nemo hominum admisisset.

Sed præter eam quam attulimus ipsorum errorum causam, alia est ipsis quidem singularis. Cum nempe innumeras reperiant in memoria sua species confusas, certam quandam statim eligunt, quam pro re de qua agitur, usurpant. Quia autem ea quæ dicuntur, isti speciei quam elegerunt non competunt, tum alios erroris immeritò accusant. Quod si insistas ipsos erroris & quidem ignorationis elenchi convincendo protinus irascuntur, nec sibi dicta capientes, speciei prius à memoria oblatæ constanter adhærent. Quod si demùm ipsorum opinionis falsitas evidentius pateat, alteram speciem substituunt, deinde tertiam quam reluctante veritate nec non conscientia defendunt; quia scilicet veritatem non diligunt, ipsosque suam ignorantiam profiteri pudet.

Quod de quadragenariis & quinquagenariis dictum est, de senibus potiori jure intelligi debet; quippe fibræ ipsorum cerebri sunt multò minùs flexiles, deficientibusque spiritibus animalibus quibus nova formentur vestigia, imaginatio languescit. Quia verò fibræ ipsorum cerebri multis ut plurimum intermischentur humoribus superfluis, rerum anteaatarum memoriam paulatim deperdunt, & hoc pacto repuerascunt. Unde fit ut in ætate decrepita iis omnibus laborent vitiis quibus infantes & adulti obnoxij esse solent, quatenus, scilicet, hæc vitia ex constitutione cerebri pendent, licet utrisque sapientiores dici possint, quia nempe iisdem motibus qui spirituum animalium agitatione excitari solent, non ampliùs moventur.

Hæc ampliorem non exigunt explicationem, nemo enim est qui de hac senili ætate ex aliis ætatibus de quibus mentio habita est, non possit facilè judicare. Hinc enim patet senes multos difficiliùs res capere quàm cæteri homines, ipsosque suis præjudiciis inveteratisque opinionibus, ac per consequens erroribus & pravis habitibus pertacitiùs adhærescere. Illud solum monemus ætatem decrepitam non semper incidere in annum sexagesimum aut septuagesimum, omnes senes non delirare, sexagenarios non semper juveniles abdicare affectus,

nec denique ex principiis suprà positis eliciendas esse consequentias generales.

CAPVT II.

Spiritus plerumque tendere in vestigia idearum nobis maximè familiarium, unde fit ut rectum de rebus iudicium ferre non possimus.

Varias mutationes quæ in spiritibus animalibus & in fibrarum cerebri constitutione sunt juxta diversas ætates suprà explicui. Si quis itaque super hisce suprà dictis tantillum meditetur, imaginationis naturam & causas Physicas magis ordinarias differentiarum quibus ingenia ab invicem differre observantur, distinctè satis cognoscat. Omnes enim mutationes quæ in imaginatione & in mente deprehenduntur, necessariò pendent ab iis quæ in spiritibus animalibus, & in fibris cerebri sunt.

Porro multæ sunt causæ speciales, quæ etiam Morales dici possent, mutationum quæ contingunt in imaginatione hominum. Variæ ipsorum sortes, varia munera, & negotia, uno verbo, diversa vivendi instituta. Atque his expendendis immorari operæ pretium est. Quippe ejusmodi mutationes causæ sunt innumerabilis prope errorum numeri, eam scilicet unusquisque de rebus, juxta sortem suam, judicet. Nec opus est, credo, ut quarundam causarum minus frequentium, quales sunt morbi violenti, casus insperati, quæ in cerebrum ita violentè agunt ut illud interdum perturbent, effectibus explicandis insistamus, tum quia hæc raro contingunt; tum etiam quia errorum hominum sic affectorum sunt ita crassi & manifesti, ut contagio suo neminem possint inficere.

Ut omnes mutationes, quæ edunt variæ hominum conditiones in eorum imaginatione accuratè percipiamus, recordari omninò necesse est, nos objecta aliter imaginari non posse, quàm eorum imagines efformando in cerebro, istas verò imagines nihil aliud esse præter vestigia à spiritibus animalibus cerebro impressa; unde fit ut quò altius insculpta vestigia illa, & quò sæpius vehementiusque spiritus animales eandem intuerent viam, eò vividius res imaginemur, spiritus nempe eam locum longè faciliùs subeunt, per quem jam multoties transierunt, quàm loca isti propinqua per quæ vel nunquam vel rardò admodum transierunt. Atque hæc est causa frequentior falsitatis & confusionis idearum nostrarum. Nam spiritus animales objectorum externorum actione, vel etiam mentis imperio ad id directi, ut in cerebro certa imprimant vestigia, alia sæpè edunt istis quidem aliquatèdus similia, sed quæ tamen istorum objectorum non sunt vestigia quæ

quæ mens sibi pingere intendebat ; quia nempe spiritus animales aliquam in locis cerebri quâ transeundum erant passi , ut ita dicam, resistentiam, à via facile deflectunt, ut simul irrumpant in vestigia alia ipsis nobis familiarium. Adhuc exempla istorum manifestissima, & maximè sensibilia.

Qui visu non omnino debili pollent, dum lunam adspiciunt, brios oculos, nasum, os, uno verbo faciem integram sese videre arbitrantur. Nil tamen eorum est in Luna. Multi aliud prorsus in ea conspiciunt. Et qui lunam reverâ talem esse qualem illam vident, existimant, errorem suum facile agnoscent, cum illam perspicillis quantumvis parvis adspiciunt ; vel si descriptiones quas de illa ediderunt Hevelius, Riccioli & alij, consulant. Causa autem cur faciem in luna non verò maculas irregulares quæ in ipsa re vera insunt, plerumque videamus, hæc est ; vestigia nempe faciei, quæ in cerebro nostro frequenti & attentissimo vultuum conspectu formata fuere, altissime inhærent, adeò ut spiritus animales in aliis cerebri locis vim patientes à via quàm luna, dum eam adspicimus lumine suo dirigit, facile delirant, ut vestigia illa quibus ideæ faciei alligatæ sunt, subeant. His adde quòd cum lunæ magnitudo ea saltem quæ nobis apparet, non valde differat à magnitudine capitis humani in certa distantia positi, hinc fit ut impressione suâ vestigia formet, quæ magnam conformitatem, cum vestigiis quæ nobis nasum, os, & oculos repræsentant ; atque eo pacto spiritus ad id determinantur ut cursum suum in vestigia faciei inflectant. Sunt qui in luna videant hominem equo insidentem, alij verò alia ; quia nempe imaginatione ipsorum vivide, quorundam objectorum actione affectâ, vestigia istorum objectorum, cujuscunque rei ope quæ cum illis conformitatem habet denuò excitantur.

Nec aliam ob causam, currus, homines, leones, & alia quælibet animalia in nubibus cernere nobis videmur, cum figuræ nubium istorum animalium similitudinem aliquatenus referunt ; & omnes penè homines ij præsertim qui picturæ periti sunt interdum capita humana in muris videre imaginantur, cum tamen in iis nil sit præter maculas quasdam irregulares.

Eadem etiam de causâ spiritus vini, non imperante voluntate, in vestigia maximè familiaria intromissi arcana maximi momenti aperiant. Hinc fit quoque, ut per somnum ea plerumque imaginemur quæ interdum vidimus, quæque altiora fecerunt in cerebro vestigia ; mens enim ea sibi semper repræsentat, quæ amplissima & altissima formarunt vestigia. Sed ecce exempla magis composita.

Morbus quidam noviter oritur : tantas efficit calamitates, ut omnes obstupefiant. Res adeò insolens tam alta cerebro imprimit vestigia, ut morbus ille menti perpetuò obijciatur. Si morbus ille dicatur, exempli gratiâ, Scorbutus, tum omnes morbi erunt scorbutus, scorbutus est novum quoddam morbi genus, ergo omnes morbi novi

erunt scorbutus. Scorbutus duodecim comitatur symptomatis; quorum multa aliis morbis sunt communia; sed quid tum? si æger quidam, aliquo ex his symptomatis laboret, protinus scorbuto laborare censetur. Nequidem aliorum morborum in quos eadem cadunt symptomata, mentio habebitur. In illo ægro eadem prorsus expectabuntur, quæ in iis qui scorbuto laborant, contingere solent. Eadem ei porrigentur medicamina, nec sine stupore successus, in aliis ægris observatus, desiderabitur.

Author quispiam certo studij generi incumbat, materia quam tractat tam alta ipsius cerebro insculpet vestigia, atque ita vivide ipsi affulgebit, ut vestigia rerum toto genere diversarum confundantur, nec non quandoque penitus deleantur. Author quidam, exempli gratiâ, multa confluxit volumina de Cruce; hinc fit ut crucees ubique videat. Nec immerito R. Pater Morinus ipsum irridet quod existimaret numisma quoddam crucem exhibere, quod tamen rem planè diversam repræsentaret. Non absimili imaginationis illusione, Gilbertus cum multis aliis, postquam circa magnetem ipsiusque proprietates diù versatus est, innumeros effectus naturales ad qualitates magneticas, à quibus tamen toto cælo discrepabant, referre voluit.

Ex his exemplis patet magnam illam facilitatem, qua imaginatio objecta usitata sibi pingere solet, difficultatēque quā inusitata sibi repræsentat, efficere ut homines ideas penè semper efforment, quæ dici possunt mixtæ & impuræ, & ut mens de rebus non iudicet, nisi habito respectu ad seipsam, & ad primas suas cogitationes. Cum igitur varij hominum affectus, inclinationes, conditiones, officia, dotes, studia, omnes denique vivendi rationes tantas in ipsorum ideis constituent differentias, hinc fit ut innumeris quos infra sumus exposituri, obnoxij sint erroribus. Quæ omnia apud se reputans Cancellarius Baco hæc sapientissimè protulit sententiā: *Omnes perceptiones tam sensus quam mentis sunt ex analogia hominis, non ex analogia universi; estque intellectus humanus istar speculi inequalis ad radios rerum, qui suam naturam naturæ rerum immiscet, eamque distorquet & inficit.*

C A P V T III.

De vinculo mutuo inter ideas mentis & vestigia cerebri, & de vinculo mutuo vestigiorum cum vestigiis, & idearum cum ideis.

INter materialia nullum est quod hominum attentione dignius videatur, quàm ipsorum corporis compages, & mutua inter singulas partes ipsius analogia; quemadmodum inter spiritualia nullum est cuius cognitio ipsis sit utilior, cognitione ipsorum mentis, omniumque relationum quas habet necessario ad Deum, naturaliter verò ad corpus.

Non

Non sufficit confusè sentire & cognoscere vestigia cerebri mutuis vinculis inter se colligari, ipsaque semper cum motu spirituum animalium conjungi, vestigia in cerebro excitata ideas in mente excitare, motusque in spiritibus animalibus excitatos, affectus in voluntate movere. Hæc, inquam, omnia confusè cognoscere non sufficit. Sed præterea quantumquidem id fieri potest, cognoscenda est causa harum omnium analogiarum, horumque variorum vinculorum, ac præsertim cognoscendi sunt effectus quos edere queunt.

Horum, inquam, vinculorum cognoscenda est causa, quia scilicet necesse est cognoscere ducem & rectorem nostrum, qui solus in nobis agere nosque beare aut infelices reddere potest. Istorum præterea vinculorum cognoscendi sunt effectus, quia quantum in nobis est, nosmetipsos ceterosque homines quibuscum degimus cognoscere expedit. Hoc pacto ad sælictiorem perfectioremque statum quem juxta ordinem naturæ, legesque Evangelij sperare possimus, nosmetipsos perducere, atque in eo nos conservare valebimus. Et cum cæteris hominibus commodè poterimus degere, ipsorum ope utendi, ipsisque pariter opem ferendi, rationes, seu media exactè cognoscentes,

Isthæc explicare hoc capite, ne, vel hoc toto libro, apud me non constituo. Multa sunt quæ non assequutus sum, quæque me unquam assequuturum esse sperare non auiam: sunt etiam quæ satis quidem teneo, non possum tamen explicare. Nullum enim est ingenium, quantumvis parvum, quod, inter meditandum, plures non comperiat veritates, quàm homo omnium eloquentissimus posset explanare.

Haud arbitrandum est, ut plerique Philosophi arbitrati sunt, mentem fieri corpoream statim atque corpori unitur, corpusque fieri spirituale statim atque spiritui unitur. Mens non diffunditur per singulas corporis partes ut ei vitam motumque impertiatur; ut id nobis inducit imaginatio: corpusque per unionem suam cum mente, non fit sensus capax, ut id nobis evincere videntur sensus nostri fallaces, utraque substantia remanet id quod erat ante unionem, & quemadmodum mens non est capax extensionis & motus, corpus quoque non est capax sensus aut affectus. Unio mentis cum corpore, quantum quidem illam cognoscere possumus, consistit in mutua & naturali analogia & ut ita dicam, correspondentia cogitationum mentis cum vestigiis cerebri, & affectuum mentis cum motibus spirituum.

Statim atque mens novas excipit ideas, nova cerebro imprimuntur vestigia, & statim atque objecta efficiunt nova vestigia, mens novas excipit ideas. Non existimandum tamen est mentem illis vestigiis attendere, cum ipsa nequidem cognoscat; nec putandum est has ideas in iis vestigiis includi, cum nulla sit inter vestigia & ideas illas analogia; nec denique mentem à vestigiis hæc ideas excipere, quippe, ut infra sumus explicaturi, impossibile est mentem quicquam à corpore excipere, aut ipsam fieri perspicaciorem quàm erat antea, se ad

I.
*De unionem
mentis cum
corpore.*

corpus convertendo, ut id pertendunt Philosophi, mentem res, per conversionem ad phantasmata, apprehendere existimantes.

Sic statim atque mens brachium moveri vult, brachium movetur, quamvis mens ne cognoscat quidem quid agendum sit ut brachium moveatur, & statim atque spiritus animales agitantur, mens statim commovetur, quamvis ne sciat quidem an sint spiritus animales in corpore.

Quum agam de affectibus, seu passionibus agam etiam de vinculo mutuo quod intercedit, inter vestigia cerebri & motus spirituum, ut & de vinculo quod est inter ideas, & affectus, sive commotiones mentis, hinc enim pendent omnes passionibus. Hic autem tantum agitur de mutua inter ideas & vestigia analogia, & de mutuo vinculo vestigiorum inter se invicem.

*Tres causæ
mutuæ inter
ideas & ve-
stigia, ana-
logia.*

Sunt tres causæ consideratione maximè dignæ, analogiæ idearum cum vestigiis. Prima & generalior est *identitas* temporis, sæpè enim satis est nos certas quasdam habuisse cogitationes eodem tempore quo in cerebro nostro nova erant vestigia, ut vestigia non amplius possint imprimi, quin deintegrò novas illas habeamus cogitationes. Si idea Dei sese objecit menti meæ eodem tempore quo cerebrum meum hisce tribus characteribus *lib* affectum fuit; sufficiet si vestigia quæ hi characteres aut ipsorum sonus in cerebro insculpserint denuò excitentur, ut de Deo cogitem; nec de Deo cogitare potero quin statim in cerebro vestigia quædam confusa producantur horum characterum aut sonorum, quorum occasione antea de Deo cogitaveram, cum enim cerebrum nunquam sit sine vestigiis, ea semper habet quæ aliquo modo referuntur ad res quas cogitamus; quamvis hæc vestigia ut plurimum sint admodum imperfecta atque confusa.

Secunda causa mutuæ inter ideas & vestigia analogiæ, quæque primam semper supponit, est voluntas hominum. Et certè hæc voluntas necessaria est ut analogia illa idearum cum vestigiis suum habeat modum & usui accommodetur. Si enim homines naturâ suâ ad id non propenderent ut ex mutuo inter ipsos pacto ideas suas signis sensibilibus alligent: non modò ista analogia idearum societati esset prorsus inutilis, verum etiam perquam inordinata & imperfecta.

Primò quia ideæ cum vestigiis arctè non ligantur, nisi cum spiritus agitativissimi hæc vestigia profunda efficiunt & firma. Cum itaque spiritus non agitentur nisi per affectus aut passionibus, si homines nullo affectu sive inclinatione ad suas ipsorum communicandas aliorumque participandas cogitationes, moverentur, manifestò patet analogiam accuratam idearum cum quibusdam vestigiis fore admodum debilem, cum hisce analogiis seu vinculis regularibus, & accuratis, non obligentur, nisi ut ab aliis intelligi possint.

Secundò, cum reiteratus concursus earundem idearum cum iisdem vestigiis necessarius sit ad formandam analogiam seu vinculum quod diu possit conservari, quia scilicet primus concursus nisi violento spirituum

ruum animalium motu sit comitatus, vincula fortia non potest efficere; hinc manifestò patet, nisi homines inter se mutuo consentirent, vix ac ne vix unquam futurum, ut eadem ideæ eadēque vestigia inter se concurrerent. Voluntas itaque hominum necessaria est ut mutua inter easdem ideās eadēque vestigia analogia, certum possit habere modum licet ista voluntas inter se consentiendi non tam ex ipsorum optione & ratione fluat, quàm ex impressione Authoris Naturæ, qui nos omnes condidit ut nobis invicem mutuam conferamus opem, nōque inclinatione vehementissima ad id impulit, ut mutuo inter nos conjungamur vinculo per mentem, quemadmodum conjungimur per corpus.

Tertia causa analogiæ idearum cum vestigiis est Natura aut voluntas constans & immutabilis Creatoris. Est, exempli gratiā, analogia quædam naturalis; quæque à voluntate nostra nequaquam pendet; inter vestigia quæ arbor aut mons cerebro nostro imprimit, & ideās arboris aut montis; inter vestigia quæ vox humana, aut animalis cujuscumque querentis clamor, habitus externus quem præse fert homo nobis minitans, aut nos reformidans, cerebro imprimunt; & ideās doloris, roboris, debilitatis, atque etiam inter motus commiserationis, metus, & fortitudinis qui in nobis excitantur. Vincula illa naturalia, sunt omnium arctissima; in omnibus hominibus similia, & vitæ conservationi prorsus necessaria. Idcirco à voluntate nostrâ non dependent. Namque, analogia idearum cum sonis & cum characteribus quibusdam ideò tantum debilis est, & pro variis regionibus diversa; quia à debili & inconstanti hominum voluntate pendet. Cur autem ab ea dependet? quia scilicet hæc analogia vitæ non est omnino necessaria; sed ad id tantum conducit ut homines quatenus rationales, inter se societatem rationalem inire possint.

Ceterum sedulo hic animadvertendum est, mutuam analogiam idearum quæ spiritualia à nobis distincta menti nostræ repræsentant, cum vestigiis cerebri, non esse, nec posse esse naturalem; atque illam proinde analogiam in omnibus hominibus diversam esse aut saltem esse posse. Cum non aliam habeat causam præter ipsorum voluntatem, & identitatem temporis de qua supra loquutus sum. At contra analogia seu vinculum quod est inter ideās omnium rerum materialium, & vestigia quædam specialia est naturale; unde fit ut certa quædam vestigia, eandem in omnibus hominibus excitent ideam. Omnes, exempli gratiā, homines ideam quadrati proculdubio habent, dum quadratum vident, quia hæc analogia est naturalis. Sed meritò dubitari potest utrum omnes homines habeant ideam quadrati, quum hanc vocem, *quadratum*, præferri audiunt, quia nempe hæc analogia omnino pendet à voluntate. De omnibus vestigiis ideis rerum spiritualium alligatis idem esto judicium.

Quia.

Quia verò vestigia quæ naturâ suâ ideis alligantur , mentem afficiunt, applicant & attentam præbent , plerique homines veritates sensibiles , hoc est mutuas relationes quæ sunt inter corpora percipiunt facilius & conservant. Vice verò versa , quia vestigia quæ nullo alio vinculo cum ideis conjunguntur , quàm voluntario , mentem vividè non afficiunt , idèd homines res abstractas , hoc est relationes mutuas , inter ea quæ sub imaginationem non cadunt, difficilè percipiunt , multò difficilius retinent. Quòd si relationes illæ sint parumper complexæ tùm omninò imperceptæ videntur , iis præsertim qui ejusmodi rebus non assueverunt ; quia scilicet , analogiam inter ideas illas abstractas , & vestigia cerebri sui , meditatione assiduâ non confirmârunt. Et quamvis alii illas relationes perfectè perceperint , citò tamen ab iis oblivioni traduntur , quia nempe hæc unio nunquam æque firma est & stricta , ac naturales uniones esse solent.

Difficultatem quam spiritualia & abstracta percipiendo & retinendo experimur , ex eo manare constat , quòd analogiam seu vinculum mutuum quod est inter istorum ideas & vestigia cerebri vix possumus confirmare ac corroborare ; ut vel ex eo patet, quòd si per relationes rerum materialium possis explicare relationes rerum spiritualium, eas certè (relationes) clarissimas dabis easque ita menti imprimes , ut non modò fidem certissimam obtineant , verùm etiam facillimè retineantur. Idea generalis quam de mente tradidimus in primo hujusce operis capite , hujus rei argumentum forsan est non adspernandum.

Contrà si relationes quæ sunt inter materialia quis ita exprimat ut nulla sit inter ideas istorum, & vestigia quæ suis terminis imprefit, necessaria analogia : eas (relationes) vix poteris apprehendere, & facillimè è memoria elabentur ;

Qui , exempli gratia in algebra , & analysi, tyrocinii rudimenta nondùm deposuerunt , vix possunt capere demonstrationes algebræicas , ac eas semel perceptas facillè oblivioni tradunt. Quia nempe cum quadrata , exempli gratiâ , parallelogrammata , cubi , solida, &c. per hæc notas aa , ab , az , abc , &c. delignentur quorum vestigia nullam habent naturalem analogiam cum ideis quadrati , parallelogrammatis &c. mens quo sibi fixas fingat ideas , aut istarum relationes examinet , non invenit.

Qui verò Geometriam vulgarem addiscere incipiunt , facillimè & clarissimè percipiunt demonstratiunculas quæ ipsis explicantur , dummodò terminos quibus utuntur magistri distinctè intelligant ; quia scilicet , ideæ quadrati , circuli &c. vestigiis figurarum quas ob oculos habent naturâ suâ alligantur. Nec rarò etiam contingit , ut sola figuræ , quæ demonstrationi inservit , expositio , faciliorem ipsis det intelligentiam istius demonstrationis , quàm omnia ratiocinia quibus illa explicari solet. Quia voces, cum instituto duntaxat voluntario
ideis

ideis alligentur, ideas illas satis promptè & distinctè non excitant ut omnes relationes facillè dignosci possint, hinc enim præcipua manet difficultas, quam in scientiis discendis experimur.

¶ Ex his obiter colligere est, scriptores illos qui novos terminos novàsque figuras fingunt ut animi sensa aperiant, operâ ut plurimum sua abuti. Dum clari esse student, sunt obscuri & ἀκατάλητοι. Omnes, inquit, terminos nostros, & characteres definimus, de iis apud cæteros convenire par est. Verùm quidem est. Cæteri conveniunt, sed voluntate tantum; dum iis ipforum natura repugnat. Ipsorum idearum novis hisce terminis alligatæ non sunt id enim sine longo & frequenti usu fieri nequit. Authores illum fortè usum sibi comparaverunt, Lectores verò non item. Qui mentem instituere satagit ipsam debet prius cognoscere. Naturæ sese conformare oportet, non verò illam irritare & lædere.

Non est tamen Mathematicis vitio vertendus labor, quem suos terminos accuratè definiendo suscipiunt, id enim præcudubio necesse est ut tollantur æquivocationes. Sed quantum fieri potest adhibendi sunt termini usu recepti, aut quorum significatio non valdè differat ab ea quam admittere volumus. Quod non semper observatur in mathematicis.

Nec etiam algebram, qualem præcipuè illam instauravit Cartesius, damnare his volumus, licet enim quorundam hujus scientiæ terminorum novitas menti negotium prima fronte facessat, in his tamen terminis vix ulla est varietas & confusio, utilitas præterea quæ ex illa scientia percipitur laborem in ea exantlatum tantis exuperat momentis, ut methodus ratiocinandi & ratiocinia aliis communicandi, naturæ concinnior, & veritatibus occultis detegendis aptior nulla inveniri possit. Hujus scientiæ termini mentis capacitatem diversam non agunt, memoriam non onerant, ideas nostras & ratiocinia mirè contrahunt, ipsaque usû sensibilia aliquatenus reddunt. Istorum denique (terminorum) utilitas longè superat utilitatem terminorum, quibus figuræ triangulorum, quadratorum, &c. exprimuntur, licet naturales sint quæ veritatum subobscurarum investigationi, & expositioni inservire nequeunt. Sed de analogia idearum cum vestigiis cerebri hæc dicta sufficiant. Jam ad mutuuum vestigiorum inter se invicem vinculum transeundum est, ac per consequens ad vinculum mutuuum quod est inter ideas hisce vestigiis respondentes.

Istud vinculum in eo consistit, quod vestigia cerebri inter se invicem ita colligentur, ut amplius excitari non possint, quin ea omnia quæ eodem tempore impressa fuerunt etiam excitentur. Quis exempli gratiâ, festo cuidam publico interfuerit, si omnes circumstantias, præcipuôsque observet adstantes, tempus, locum, diem, cæteraque peculiariora; sufficet si loci duntaxat meminerit, aut etiam aliûs cuiuspiam circumstantiæ minùs memorabilis, ut cæteras sibi repræsentet. Hanc ob causam quando rem aliquam nomine suo designare

II.
De mutuo
vestigiorum
inter sese
vinculo,

non possumus, sufficiet si utamur nomine, quod aliquam hujus rei circumstantiam denotet. Si, exempli gratiâ, nominis proprii Ecclesiæ cujusdam obliti fuerimus, illam alio nomine quod ad eam aliquomodo referatur, indigitabimus; illa est Ecclesia, verbi gratiâ, in qua tanta erat turba, in qua D. concionem habuit, in quam die dominicâ convenimus. Si verò nominis proprii alicujus hominis non possumus recordari, aut illum alio nomine designare commodius ducamus, illum, exempli gratiâ, poterimus indicare per faciem suam variolarum cicatricibus distinctam, per hominem illum grandi & eleganti corpore, per parvum illum gibbosum, pro variis quibus ega illum movebimur affectibus, licet de quoquam per contentum loqui sit iniquum.

Jam autem mutuorum vestigiorum vinculum, atque aded idearum inter se, non est tantum fundamentum omnium figurarum Rhetorices; sed eo etiam vinculo nituntur innumera alia maximi momenti in Ethica, Politica, atque in genere, in omnibus scientiis, quæ aliquam cum homine habent analogiam, ac de quibus per consequens infra sumus dicturi.

Istius mutui vestigiorum vinculi causa est identitas temporis quod cerebro insculpta fuerunt. Sat enim est multa vestigia simul formata fuisse, ut non nisi simul, etiam denuò excitentur; Cum enim spiritus animales viam vestigiorum eodem tempore editorum inveniant hiulem, per eam pergunt, quia, nempe, facilior datur transitus, quam per alia cerebri loca. Hinc memoria, & habitus corporei cum belluis nobis communes, oriuntur.

Hæc mutua vestigiorum vincula cum spirituum commotionibus non semper conjunguntur, quia scilicet, ea omnia quæ videmus, nobis bona, vel mala, semper non videntur, hæc etiam vincula possunt disrumpi, quia cum non sint semper necessaria vitæ conservationi, eadem quoque semper non debent esse.

Sed quedam sunt in cerebro nostro vestigia inter se invicem naturali vinculo colligata, & præterea cum quibusdam spirituum motibus conjuncta, quia scilicet id conservationi vitæ necessarium est, ipsorumque vinculum facile saltem disjungi nequit, quia idem illud semper esse expedit vestigium, exempli gratia, ingentis altitudinis quam quis infra se videt, & è qua delabi periclitatur, aut vestigium ingentis alicuius molis in eum imminentis, naturâ conjungitur cum vestigio quod mortem ipsi repræsentat, & cum agitatione spirituum quæ ipsum ad fugam aut fugæ desiderium incitat. Vinculum illud nunquam interruptitur, quia nempe idem semper esse debet consistitque in certa librarum cerebri dispositione, quam ab adu contraximus.

Vincula omnia non naturalia rumpi possunt & debent, quia variæ temporum & locorum circumstantiæ ipsa debent mutare: ut vitæ conservationi conducant. Utile est periculi, exempli gratia, fugare.

homines sclopetis armatos, in iis locis, & temporibus queis istis animalibus insidiari solent venatores, aliis vero temporibus ipsas fugere non est necessarium. Itaque, ad omnium animalium conservationem, necesse est dari vincula quædam vestigiorum, quæ possint facile formari & destrui; alia verò quæ non nisi difficulter possint dirumpi, alia denique quæ nunquam.

Quid ejusmodi varia vincula valeant efficere, perquam utile est disquirere. Horum enim effectus quamplurimi sunt, & ingentis momenti ad hominis omniumque quæ ad illum spectant, cognitionem. Hinc præcipuam errorum nostrorum causam, oriri, deinceps ostendemus. Verum, ut è diverticulo in viam, nunc varias mutationes quæ sunt in imaginatione hominum, pro vario vivendi more, explicemus.

C A P V T IV.

I. Eos qui litteris & scientiis operam dant errori magis obnoxios esse II. Cur malimus auctoritate nisi, quàm ratione uti.

Variæ hominum vivendi rationes sunt propè innumeræ. Variæ sunt condiciones, varia officia, varia munia, Variæ societates ex illa varietate fit, ut omnes penè homines agant propter diversos fines, diversisque nitantur principiis. In eadem etiam societate, in qua eodem agi spiritu, eademque inire consilia deberent, rarò tamen multos reperies qui idem intendant. Varia negotia, variæque commercia varietatem etiam inducunt in forma & modo quo proposita executioni mandant, licet de re inter ipsos conveniat. Ex his patet impossibile esse causas morales errorum sigillatim explicare; nec id hoc loco perquam utile foret. Sufficiat si de iis vivendi rationibus agamus, quæ in plures & graviores errores injiciunt. Iis ritè expositis, nemo est qui non possit ultrà pergere, & uno intuitu faciliq; negotio causas multorum errorum specialium occultissimas, quisque poterit deprehendere, quæ explicari non possent sine longo tempore & labore, Ubi veritas semel illuxit menti, illam strenuè amplectitur, miræque prosequitur alacritate.

Verum inter varia hominum negotia, nullum est de quo verba facere magis expediat, quàm de illorum negotio qui studio litterarum operam dantes memoriâ magis utuntur quàm ratione. Nullum certè est quod memorabiliores efficiat in imaginatione mutationes, quòdque in errorem magis impellat. Experientiâ enim constat eos qui librorum lectioni & veritatis inquisitioni avidius & pertinacius incubuerunt, in graviores etiam errores ductu suo, cæteros homines iniecisse,

I.
Illos qui studio
scientiarum operam
dant, errori
esse magis
obnoxios.

Res non secus se habet de iis qui student ac de iis qui peregrinantur. Si forte fortuna viator à recto deflexit itinere, quò ulterius progreditur, eò etiam longius aberrat à scopo, & eò magis aberrat, quò diligentius procedit. Sic ingens illa veritatis inveniendæ cupido, quâ nonnulli tenentur, efficit ut libros in quibus eam sese nascuros sperant perlegant aut ineptum eorum quæ scire cupiunt systema sibi forment, cui præfractè adhærent, cæterisque amplectendum irritò conamine propinant, ut iis deinceps idem habeatur honos qui systematum inventoribus haberi solet. Hæc duo vitia explicemus.

Mirum est, homines ingenio præditos, nalle tamen ingenio alieno uti in veritate investiganda, quàm suo. Res suis usurpare oculis longè magis juvat, quàm eas videre alienis. Nec putem virum benè oculatum, oculos unquam sibi clausurum aut effossum, ea adductus spe, se, scilicet, ducem habiturum quem sequatur. Res tamen itidem planè se habet de usu mentis ac de usu oculorum, quemadmodum ingenium multò præstat oculis, ita usus rationis voluptates & utilitates longè solidiores parit menti, quàm lux & colores parere solent oculis. Homines tamen oculis suis semper utuntur ad videndum, at ingenio suo ad veritatem assequendam ferè nunquam.

II.

*Cur homines ta-
malint au-
thoritatem
sequi, quam
proprio uti
ingenio.*

Sed huic mentis perturbationi multa conferunt. 1. ingenio-
ta hominibus socordia, qui operam suam in meditando conferre
non dignantur.

2. Meditandi imperitia, quam deficiente à primis annis exercitio,
contraxerunt homines, ut dictum est Capite IX.

3. Veritatum abstractarum, quibus omnes quas hîc in terris adipisci
possumus cognitiones, nituntur, aspernatio.

4. Nostra in rebus verisimilibus placida, ut ita dicam, conquies-
centia, quia nempe illa sunt jucunda, atque, ut pote notionibus sensi-
bilibus freta, maximè afficiunt.

5. Stulta ambitio quâ Doctorem famam assecramus. Docti enim au-
diunt qui lectioni magis incubuerunt: variarum opinionum cognitio
in mutuis colloquiis longè utilior est, aptiorque ad fucum faciendum
mediocribus ingeniis, quàm vera Philosophia quæ meditatione
comparatur.

6. Quia Priscos nobis fuisse perspicaciores, nosque frustra id quæ-
rere quod ipsos latuit, falsò existimamus.

*Gl'iam ob ob-
servam lin-
guam. L' -
cuius a.*

7. Quia illegitima veneratio cum inepta curiositate conjuncta; re-
bus à nobis distitis, antiquissimis, ab oris remotissimis advectis, atque
etiam libris obscurissimis majorem conciliat admirationem. Idcirco
olim Heraclitum ob obscuritatem magnificiebant. Anxie disquiruntur
numismata antiqua licet rubigine corrosa. Alicujus veteris laterna,
aut crepida sedulo conservantur quamvis vermibus exesa. Pretium ab
antiquitate petunt. Non pauci Rabbînorum lectioni operam dant, quia
nempe linguâ exoticâ, maximè corruptâ, & obscurâ scripserunt
illi.

illi Doctores. Pluris æstimantur vetustissimæ opiniones, quia à nobis sunt remotiores. Ac sanè, si Nembrot historiam regni sui scriptis exarasset, in ea, si Deo placet, accuratiorcs politicæ leges, & cæteræ etiam continerentur scientiæ quemadmodum nonnulli censent Homerum & Virgilium naturæ arcana omnino calluisse. Veneratione digna est antiquitas, inquirunt; Quid? Aristoteles, Plato, Epicurus insignes illi viri errassent? Nec attendunt, qui ita loquuntur, Aristotelem, Platonem, Epicurum homines fuisse non secùs ac nos, ejusdemque omnino speciei. Nos præterea nunc istos Philosophos bis mille annorum ætate superare, atque ideo plura debere cognoscere, ut potè plura expertos. Certè mundi vetustas, & experientia veritatem reteggit.

*Veritas, filia
temporis, non
authoritatis.*

8. Quia, quum opinio, & author recens in pretio est, ipsius fama nostram delere videtur, quoniam, videlicet, ad nos proximè accedit. At verò de antiquis res perinde non est.

9. Quia veritas, & novitas in rebus fidei non possunt simul concurrere. Quippe homines veritates à ratione pendentes, ab iis quæ pendent à traditione non satis distinguentes, non attendunt istas veritates ratione prorsus diversa esse addiscendas. Novitatem cum errore, & antiquitatem cum veritate confundunt. Lutherus, Calvinus & alii innovarunt & errarunt; Ergò & Galilæus, Hervæus, Cartesius. Impanatio Lutheri nova est & falsa, ergò & circulatio sanguinis Hervæi falsa est, quia est nova. Hinc fit ut passim indigno novatorum nomine recentes Philosophos indigitant, non secùs ac hæreticos. Ideæ, & voces *veritatis* & *antiquitatis falsitatis*, & *novitatis*. Simul colligatæ fuerunt; id semel actum sufficit. Vulgus illas ampliùs separare nequit, & cordati etiam viri eas ægrè sejungunt.

10. Quia in iis versamur temporibus quæis veterum opinionum scientia adhuc viget; & ij solum qui ratione suâ uti norunt, pravi consuetudinis contagio possunt, istius rationis vi, sese surripere. Difficile est iis non cedere; quos

Defendit numerus, junctæque umbone phalanges.

Ultimò denique utilitatis suæ gratiâ duntaxat agunt homines; unde fit, ut qui agnitâ ejusmodi studiorum vanitate, erroris convicti fuerunt, iis tamen incumbere non desinant; quia nempe honores, & dignitates, tum sæculi, tum etiam Ecclesiæ ab iis dependent, & quia illorum citius compotes sunt, qui in ejusmodi studiis excellunt, quàm qui eorum sunt ignari.

Ex his, ni fallor, liquidò satis patet, cur veteres opiniones ut veras amplectantur homines, novas verò ut falsas incauti respuant, cur denique proprio ingenio nunquam, aut perquam rarò utantur. Multæ aliæ sunt causæ speciales istius mali; at verò si quis jam allatas æqua-

Q 3

judicii lance perpendat, haud ampliùs mirabitur pertinacem quorundam hominum erga veteres venerationem.

CAPUT V.

Duo pravi effectus lectionis in imaginationem.

Falsa illa, & indigna veneratio qua nonnulli erga veteres ducuntur, innumeros edit effectus pessimos, quos hic recensere non abs re videtur.

Vide articulum primum capitis praecedentis.

Ac primus quidem in eo consistit quòd hac veneratione ab usu ingenii sui defucentes, veram paulatim contrahunt impotentiam illò utendi, Arbitrandum enim non est, eos qui in libris Aristotelis & Platonis legendis consenscunt, magnum ingenii sui usum facere. Horum Authorum lectioni tandiù plerumque incumbunt, eo duntaxat consilio, ut in ipsorum sententias descendant. Nec aliud sibi proponunt quàm ipsorum placita memorie mandare accurate, an sint rationi consentanea parum solliciti, ut capite sequenti videbimur. Scientia itaque & Philosophia quam ediscunt est potius scientia memorie, quàm scientia mentis. Nihil tenent præter historias, & facta, non verò veritates evidentes. Et historici potius consendi sunt quàm veri Philosophi.

Secundus effectus lectionis veterum in imaginationem, hic est. Nimirum incredibilem inhevit confusionem ideis eorum qui istis incumbunt lectionibus. Dux sunt diversæ rationes authores legendi, quarum altera optima, & utilissima, altera vero inutilis, atque etiam noxia. Legere perutile est, si mediteris super eis quæ legis. Si coneris propriâ ingenii vi solvere quæstiones quas in titulis capitum vides propositas, priusquam caput ipsum legas, si rerum ideas inter se digeris & conferas, quid plura? si ratione utaris. At contrà inutile est legere, nisi ea quæ legis intelligas. Immo damnosum est legere, lectaque intellexisse, nisi intellecta satis expendas ut de iis judicium ferre possis; præsertim si tibi sit memoria tenax, vel si iis quæ legisti & intellexisti incautus assensum præbueris. Prior legendi ratio mentem illuminat, confirmat, adauget: posterior, minuit, debilitat, obscurat ac perturbat.

Jam autem qui aliorum opiniones scire gloriantur, posteriori tantum modo student. Quò plùs legerunt, eò majore infirmitate & confusione laborat ipsorum ingenium. Quia, scilicet, vestigia ipsorum cerebri, utpote innumera, eaque indigesta, inter se confunduntur. Quæ confusio obstat quominus mens res distinctè imaginari ac sibi repræsentare possit. Mens quædam vestigia apertura, in alia magis ultrata incidens, novam non quærit viam. Cùm enim cerebri capacitas non sit infinita, vix fieri potest quin ingens ille vestigiorum incompositorum

torum numerus inturbetur, confusionemque suam in ideas transferat. Nec aliam ob causam homines felici præditi memoriâ ad res accuratè judicandas inepti sunt, si casus magnam postulet attentionem.

Sed præcipuè animadvertendum est cognitiones quas ij sibi comparant qui sine meditatione legunt, & in eum duntaxat finem ut aliorum addiscant opiniones, uno verbo scientias illas quæ pendent à memoria animos inflare, quia videlicet magnum fulgorem præ se ferunt, ingentem cultoribus suis ingignunt superbiam. Unde fit ut qui isto scientiæ genere cæteris antecellunt, superbiâ præcumi di, judicium de cunctis ferendi jus immeritò sibi arrogent. Quæ temeritas ipsos in errorum numerum propè innumerabilem injicit.

Verùm falsa hæc eruditio pejori adhuc incommodo obnoxia est. Quippe homines hujusce commatis non sibi solis errant; sed omnia præterea vulgi ingenia, & innumeros juvenes qui in ipsorum verba tanquam in articulos fidei jurant in eosdem secum errores convehunt. Istorum nempe juvenum ingeniis inhumani eruditionis pondere oppressis, atque opinionibus insolentibus & authorum antiquorum nominibus stupescitis ita invalere falsi isti Doctores, ut ipsorum effata, oraculorum adinstar mirabundi exosculentur, & in omnes eorum opiniones cæco impetu pedibus eant. Nec id modò, Viri etiam cordati qui de illis hominibus nil unquam acceperint, vix possent à veneratione & assensu quodam temperare, si ipsos tam audacter, tam magnificè, tam graviter decedentes audirent. Cui enim species externa lucum non facit? Quemadmodum enim sæpe contingit ut thrasones male habeant viros se fortiores, sed quibus est major prudentia atque moderatio; Ita qui res defendunt quæ nec veritatem nec verisimilitudinem habent, os sæpe obturant renitentibus, quia nempe ipsos imperioso, audaci, superbo aut gravi suo loquendi modo prævertunt.

Isti autem homines se ipsos adèò magnificiunt, & cæteros adèò contemnunt, ut dudum contraxerint habitum, nescio quem, externum, fastuosum, gravitate quadam, sècundumque modestiâ mixtum quo auditores præoccupant, & in suam trahunt sententiam.

Habitus enim ille externus quem singuli homines, pro variis fortibus, præ se ferunt, non aliunde oritur quàm à *opinionibus* quæ eos ed adducit ut de se non judicent per se ipsos, sed per relationem ad cæteros homines, ut cuilibet attento patebit. Habitus ergò superbus, & ferox est habitus hominis semetipsum magnificientis, cæterorum existimationem sùsque deque habentis. Habitus modestus est habitus semet ipsum parvi ducentis, cæteros magni. Habitus gravis est habitus hominis sese maximi putantis, aliorumque existimationem ambientis. Habitus verò simplex est habitus hominis semet ipsius & aliorum parum solliciti. Varii itaque expositi habitus, propterea, ut dicitur, gradibus differunt, ut scilicet

met prosequimur, & ceteros homines quibuscum versamur; quippe secundum hos gradus diversum induimus oris & corporis habitum. Capite IV. analogiam illam mutuam quæ est inter nervos quibus passiones intus excitantur, & nervos qui illas externo habitu, quem imprimunt, extrinsecus contestantur, ostendimus.

CAPUT VI.

Homines studio deditos alicui ut plurimum auctori sese mancipare, adeò ut in il unum colliment, ut nempe quid ille auctor tenuerit, non verò quid tenendum sit, accuratè discant.

Aliud præterea est vitium quo plerique homines studio incumbentes laborant, quod, videlicet, aliquo auctore sese præverti sinant. Si quid veri & boni in libro quedam compererint, protinus extrà legitimæ approbationis modum transeunt; in illo libro, si ipsis credas, nihil non est veri, nil non boni, nil non admirabilis. Ea etiam mirantur quæ non intelligunt, ceterosque in eandem secum admirationem adducere conantur. Ex laudibus quibus auctores illos ornant, gloriam & famam aucupantur, quia nempe cæteris persuadent se illos (auctores) omnino assequi; nec id exilem existimant jactantiæ materiam. Sese cæteris hominibus anteponunt, quia cujusdam antiqui Auctoris, aut hominis, qui sua forte ipse scripta non intelligebat, ineptias, sese intelligere autumant. Quot eruditi viri in elucidandis Veterum Philosophorum; Poëtarumque locis obscuris desudarunt? Quot etiam non parvi ingenij homines circa unius dictionis criticam aut auctoris cujusdam sententiam summa cum voluptate versantur. Sed hæc exemplis comprobare par est.

Quæstio de immortalitate animæ est sanè maximi momenti; nec id Philosophis vitio vertendum est, quod omnem, illius quæstionis solvendæ causa, moveant lapidem. Et quamvis ampla volumina, veritati invalidis rationibus probandæ destinant, quæ paucis posset demonstrari, excusatione tamen digni sunt. Sed quis risum teneat dum anxie disputant quid circa id senserit Aristoteles. Quid, quæso, nobis hac ætate viventibus prodest, si sciamus an quondam existerit homo quidam Aristoteles dictus, an ille libros scripserit suo nomine inscriptos; quid hoc vel illo loco scriptorum suorum intellexerit? Certè ejuscemodi rerum cognitio quemquam nec beatum nec infelicem reddere potest; at scire num illius auctoris sententia vera sit, vel secus, illud verò est maximi momenti.

Scire igitur quid Aristoteles de immortalitate animæ senserit inutile est, ut quod maximè, licet utilissimum sit scire animam esse immortalem.

mortalem. Interea tamen asseverare non dubitem plurimos Doctos de Aristotelis sententia super hac re, quàm de rei ipsius veritate magis sollicitos fuisse. Ut vel ex eo patet quòd libros conscripserint ex professo ad explicandum quid circa istud existimàrit Aristoteles; non verò quid de hoc credendum esset.

Sed quamvis non pauci in disquirendo quænam fuerit Aristotelis sententia defudarint, oleum tamen & operam perdidērunt, cùm de hac nugatoria quæstione nondum aquod authores conveniat. Infelices certè Aristotelis sectatores qui magistrum habeant adeò obscurum, quique ipsi etiam obsecuritatem quandoque affectat, uti id testatur in epistola ad Alexandrum scripta.

Opinio Aristotelis circa animæ immortalitatem fuit igitur aliquandiu gravis & memorabilis quæstio inter Doctos. Sed ne id gratis me in medium proferre quis credat, non possum quin hic transcribam locum Lacerdæ, longum quidem & tædiosum, in quo hic Author varias congestit authoritates super hac re tanquam super quæstione momentosa. Hæc sunt ipsius verba in secundum caput de resurrectione carnis Tertulliani.

Quæstio hac in scholis utrinque validis suspicionibus agitur, num animam immortalem, mortalemve fecerit Aristoteles. Et quidem Philosophi haud ignobiles asseverarunt Aristotelem posuisse nostros animos ab interitu alienos. Hi sunt & Græci & Latini interpretibus Ammonius uterque, Olympiodorus, Philoponus, Simplicius, Avicenna, uti memorat Mirandula l. 4. De examine vanitatis, Caput. 9. Theodorus, Metrochites, Theophilus, S. Thomas 2. Contra gentes Cap. 79. & Phil. lect. 12. & præterea 12. Metaph. lect. 3. & quod lib. 10. qu. 5. Art. 1. Albertus tract. 2. De anima Cap. 20. & tract. 3. Cap. 13. Aegidius lib. 3. De anima ad Cap. 4. Durandus in 2. dist. 18. qu. 3. Ferrarius loco citato contra gentes & late Eugubinus l. 9. De perenni Philosophia Cap. 18. & quod pluri est, discipulus Aristotelis Theophrastus, magni in mentem & ore & calamo novisse penitus qui poterat.

In contrariam factionem abiere nonnulli Patres, nec infirmi Philosophi; Iulianus in sua parenesi, Origenes in exheresiarchis & ut fertur Nazianzenus in disp. contra Eunom. & Nyssenus l. 2. de anima cap. 4. Theodoretus de curandis Græcorum affectibus l. 3. Galeus in historia Philosophia, Porphyrius l. de immortalitate anime, Simon Portius l. de mente humana, Ciceronius 3. de anima cap. 2. In eum sensum ut caducum animam nostrum putaret Aristoteles sunt partim adducti ab Alexandro Aprio de auditore, qui sic solitus erat interpretari Aristotelicam mentem, quamvis Eugubinus cap. 21. & 22. eum excuset. Et quidem unde collegisse videretur Alexander mortalitatem nempe ex 12. Metaph. inde S. Thomas, Theodorus melochytes immortalitatem collegerunt.

Porro Tertullianum neutram hanc opinionem amplexum credo: sed putasse in hac parte ambiguum Aristotelem. Itaque ita citat illum pro utraque. Nam cum hic scribat Aristoteli mortalitatem animæ tamen l. de anima c. 6. pro contraria opinione immortalitatis citat. Eadem mente fuit Plutarchus pro utraque opinione advocare eundem Philosophum in l. 5. de placitis Philosophi. Nam cap. 1. mortalitatem

R

tribuit & cap. 25. immortalitatem. Ex scholasticis etiam, qui in neutram partem Aristotelem constantem indicant, sed dubium & ancipitem, sunt Scotus in 4. dist. 43. qu. 2. art. 2. Harveus quod lib. 1. qu. 11. & 1. sentent. dist. 1. qu. 1. Niphus in opusculo de immortalitate anime cap. 1. & recentes alij interpretes, quam median existimationem credo veriore, sed scholæ lex vetat, ut autoritatum pondere librato istud suadeam.

Porro omnium illarum citationum fides est penes Commentatorem; præterquam quod enim ipsarum veritatis adstruendæ non est animus; non nobis suppetunt egregii illi libri ex quibus depromptæ fuerunt, aliæ etiam à nobis non afferentur, ipsi enim non invidemus gloriam eas sincerè & accuratè collegisse; his adde quod, qui eum in finem evolvere susceperet vel solos indices commentatorum Aristotelis, otio suo miserè abuteretur.

Ex hoc igitur Lacerdæ loco patet viros inter Doctos non infimæ notæ, multum laborasse ut scirent quid Aristoteles de immortalitate animæ senserit; nonnullosque hac de re libros scribere non dubitasse, inter quos fuit Pomponacius. Id enim potissimum sibi proponit author ille, ut nempe demonstret Aristotelem in ea fuisse sententia ut existimaret animam esse mortalem. Nec id modò. Nonnulli forte reperientur, qui non tantum de Aristotelis sententia circa hanc quæstionem sint anxij; Verum etiam utilissimum putent scire an, Exempli gratiâ, Tertullianus, Plutarchus aut alij, existimarint, Aristotelem mortalitatem animæ credidisse an verò secus. Nec ab ejusmodi sententia valdè abhorreere videtur ipse Lacerda ut cuilibet ad ultimam partem loci mox laudati attendenti patebit. Sic orditur ille. *locus Porro Tertullianus &c.*

Quod si inutile sit scire quid de immortalitate animæ crediderint Aristoteles, aut quid Tertullianus & Plutarchus de ipso Aristotele circa id censuerint; Res tamen ipsa, scilicet immortalitas animæ, est veritas sciri planè necessaria. Sed innumera sunt quorum cognitio est planè inutilis; quantò magis inutile erit varias circa illa Philosophorum tenere sententias? Illud tamen est quod sagaciter quærent non pauci. Libros videas circa res ejusmodi examinandas à principio ad finem occupatos; super his nugis quot inter doctos conflagraverunt bella? Vanæ illæ & ineptæ quæstiones, ridiculæ inutilium opinionum genealogiæ, præbent Doctis amplam critices materiam. Ejusmodi ineptiarum contemptores ipsi iure merito contemnere debere credunt. Atque eos ut indoctos habent, quos hæc ignorare juvat. Genealogicam formarum substantialium historiam sese ad unguem tenere arbitrantur, & nisi pro tantis meritis grates ipsis persolvantur, tum hujus sæculi homines ingrati arguunt animi. Heu quam istæ ingeniij humani debilitatem & vanitatem clarè demonstrant! Certè nisi ratio studia dirigat, non modò studia rationem non perficiunt, sed illam potius obscurant, corrumpunt, ac planè pervertunt.

Verum, observandum huc est, in quæstionibus quæ circa fidem moventur,

moventur, eos non ineptire qui disquirunt, quid de iis, exempli gratiâ, senserit D. Augustinus, aut alius Ecclesiæ Pater. Nec etiam immeritò quæritur an Augustinus in eadem fuerit sententia ac Patres priorum sæculorum; quia scilicet, res fidei non possumus assequi nisi per traditionem, ratione in iis cæcutiente. Cum antiquissima sententia sit etiam verissima, quid senserint antiqui operæ pretium est scire; id autem fieri nequit, nisi sententia multorum qui sese invicem exceperunt examini subjiatur. At verò de rebus à ratione pendentibus res planè secus se habet, ut quid de iis credere consentaneum sit sciamus, veterum opinio nil nostrâ interest. Nescio tamen quâ mentis perturbatione nonnulli efferantur, si aliter quàm Aristoteles philosophari audeas, dum parùm curant, an in rebus Theologicis ab Evangelio, Patribus & Conciliis non discedas. Ij ut plurimum qui adversus quasdam Philosophiæ veritates recens compertas pertinaciùs obstrepunt quibusdam innovationibus, in Theologia detestandis, pertinaciùs adhærere & indulgere videntur. Ipsorum loquendi formulas non culpamus, quippe quæ usu comprobentur, licèt veteribus inusitatæ fuerint. Sed errores quos vobis suis æquivocis & confusis obtegunt & offundunt, damnamus.

In rebus Theologicis antiquitas sectanda est, quia in ea veritas est recondita, jam autem veritate semel compertâ, abdicanda est omnis curiositas. At contrà in rebus Philosophicis non est fugienda novitas, etiâ propter veritatis amorem. Hic enim curiositas non patitur metam, ut in rebus Theologicis. Si quis Aristotelem & Platonem infallibiles fuisse crederet, tum iis solis duntaxat intelligendis meritò fortè incumberet, sed quis id credat, cui saltem mens sana fuerit? quin rationes monet ipsos novis Philosophis inferiores esse, quippe bis mille annorum, quo temporis spatio illos Philosophos superamus, experientia, nos efficere debuit peritiores, ut jam dictum est. Certè recentes Philosophi omnes veritates à veteribus inventas possidere, iisque novas adstruere possunt. Ratio tamen vetat nos recentibus potius quàm antiquis fidem adhibere. Recentiorum cogitata ad examen revocare jubet assensumque cohibere, donec veritas ita evidenter nobis affulserit, ut de ea ampliùs dubitare non possimus sine manifesta & ridicula præoccupatione.

CAPUT VII.

De præconceptis Commentatorum opinionibus.

Porro nulli sunt hominum, in quibus præjudicia conspicua magis se præbeant, quam in Commentariorum scriptoribus. Quia scilicet hæc opera Viro cordato parum digna videtur, ideo authorum quos commentariis suis illustrare cæperunt admirationem apud omnes conciliare conantur. Semetipsos cum authoribus suis ita confundunt, ut unum eundemque dicas hominem; tum verò *εὐλαστία* miræ suas agit partes. Authores igitur suos præconiis suis efferunt, ipsi lumen affundunt, ipsos gloriâ cumulant, hanc scilicet gloriam ad se redundaturam non ignari. Magnificæ illæ idcirco non modò Aristoteli Platoni nomen apud nonnullos conciliant, sed iis etiam qui illos authores commentati sunt parant venerationem. Ac inter Commentatores aliquis fortè reperietur qui commentariis scribendis animum non appulisset, nisi ad eandem cum Authore suo apotheosin adspirasset.

Non est tamen quòd quis putet me omnes Commentatores istius infimulare virij; multi sanè suos laudant authores sine ulla *εὐλαστία* spe, quin potius istam vanitatem cum horrore refugiunt si ad rem tantillum attendant; illos igitur sincere laudant, sine ulla affectatione. Id faciunt incogitantes; at verò si sint incogitantes, est *εὐλαστία* quædam impercepta omnibus hominibus innata, quæ ipsis incautis laudes illas suggerit. Calorem cordi insitum non sentiunt homines, licet cæteris corporis partibus vitam & motum communicet; sese tractent palpéntque necesse est ut illum queant sentire, quippe qui sit ipsis congenitus. Res eodem planè modo se habet de vanitate. Homini adeò naturalis est ut eam ipse non sentiat, & quamquam plerisque cogitationibus ipsis vitant, ut ita loquar, motumque suppeditet, id tamen plerumque agit impercepto prorsus modo. Ut vanitatis tuæ convincaris, tracta, palpa, scrutare teipsum. Nemo est qui satis exploratum habeat, vanitatem esse primum mobile quod ceteras actiones secum abripit; ipsa quidem *εὐλαστία* id non ignorat, sed eo fine ut illud hominis cognitioni subripiat.

Cùm igitur Commentator quandam relationem & affinitatem habeat cum authore quem suis exornat commentariis, certè non mirum est si *εὐλαστία* amplam ipsi subministret laudum segetem, ut eam possit in suos usus convertat. Idque tam dextere, tam subtiliter, tam calidè peragitur ut imperceptum prorsus sit. Sed hic omnes *εὐλαστίας* astutias detegendi non est animus.

Commentatores non laudant authores suos duntaxat quia in ipsorum

rum gratiam anteoccupati sunt, & quia hoc pacto sibi metipsis consulunt, sed etiam quia id ita solenne est, ut necessitas quædam sic agendi incumbat. Quidam reperiuntur, qui licet non ingenti erga scientias quasdam & quosdam Authores ducantur amore, illos tamen (Authores) commentari non dubitant, quia scilicet officio quo inter homines funguntur, fortunâ, inconstanti quodam voluntatis impetu, aut aliâ quavis causâ, ad id laboris adducti sunt. Jam autem se ad id teneri arbitrantur, ut Authores suos ad astra hyperbolicè evehant; licet Authores sint inepti, scientiæ abjectæ, & futes.

Ac reverâ is ludibrium deberet qui Authorem commentari aggredere-
deretur, quem ineptum judicaret, aut qui de materia, suo judicio, inutili scriberet. Hos igitur Authores hæcque scientias quantumvis aspernabiles, ut suæ saltem famæ velificetur laudare debet. Et sic erratum altero errato rependitur. Hinc fit ut Viri non indocti, diversis Authoribus commentandis operam dantes, contradictoria sæpe proferant.

Hinc fit etiam ut penè omnes Præfationes, veritati ac sanæ rationi non consonent. Si Aristoteles commentariis explicetur, protinus *genij natura* nomine condecorabitur. Si quis super Platone lucubret, tum erit *Divinus Plato*. In commentandis hominum operibus, pauci sunt qui simplici illorum hominum nomine contenti sint. Homines illi, si Commentatoribus credas, sunt homines planè Divini, sui sæculi prodigia, ac denique dona, ipsis peculiaria, cœlitus acceperunt. De materia quæ tractatur res non secus se habet; illa nempe est omnium pulcherrima, nobilissima, & maximè necessaria.

Sed ne quis hic sibi verba dari credat. Ad hunc modum Commentator maximi inter Doctos nominis, de Authore suo loquitur. Averroes de Aristotele. In Præfatione quam istius Philosophi Physicæ præmittit, dicit, Logicam, Ethicam & Metaphysicam ab Aristotele fuisse inventas & perfectas. *Complervi*, inquit, *quia nullus eorum, qui secuti sunt eum usque ad hoc tempus, quod est mille & quingentorum annorum, quidquam addidit, nec intenes in ejus verbis errorem alicujus quantitatis, & talem esse virtutem in individuo uno miraculosum & extraneum existit, & hæc dispositio cum in uno homine reperitur, dignus est esse divinus magis quam humanus.* In aliis locis ipsum laudibus ornat longè magnificentioribus. ut 1. de generatione animalium. *Laudemus Deum qui separavit hunc virum ab aliis in perfectione, appropriavitque ei ultimam dignitatem humanam, quam non omnis homo potest in quacunque ætate attingere.* Idem Commentator dicit 1.1. de strue. disp. 3. *Aristotelis doctrina est Summa Veritas quoniam ejus intellectus fuit finis humani intellectus; quare bene dicitur de illo, quod ipse fuit creatus & datus nobis Divina providentia, ut non ignoremus possibilia fieri.*

Quid illud est, quæso, nisi insanire? quis mentis compos hæc loquatur? sanè Commentatoris præoccupatio ad vesaniam & anentiam usque devenisse necesse est. Repetat, quæso, lector verba mox allata; & quæ addit in alio loco, *Aristoteles fuit Princeps per quem perficiuntur*

omnes sapientes, qui fuerunt post eum : licet differant inter se in intelligendo verba ejus, & in eo quod sequitur ex eis. Interea tamen istius Commentatoris opera per totam Europam & ulterius etiam dispersa fuere. Ex Arabico in Hebraicum idioma, ex Hebraico in Latinum, & fortè in alia idiomata versa fuerunt ; quòd satis evincit quanto apud Doctos fuerit pretio Commentator ille ; adeò ut non putem afferri potuisse argumentum manifestius præoccupationis Doctorum. Hinc enim patet ipsos Authoris alicujus opinione non modò præverti, sed etiam sua præconcepta judicia aliis impertiri, pro existimatione quam sibi peperit Author ille : adeò ut fallis istis laudibus vulgus doctorum seductum cum se ad illorum Authorum lectionem accingit, temerarias hauriat opiniones, atque hoc pacto errores erret non paucos. En aliud exemplum.

Vir inter Doctos insignis, qui Geometriæ & Astronomiæ Scholas instituit in Academia Oxoniensi, libro quem super octo prioribus Euclidis propositionibus composuit, in hæc verba orditur. *Consilium meum, Auditores, si vires & valetudo suffecerint, explicare definitiones, petitiones, communes sententias, & octo priores propositiones primi libri elementorum ; cetera post me venientibus relinquere ; & eundem librum his verbis absolvit. Exolvi per Dei gratiam, Domini Auditores, promissum, liberavi fidem meam, explicavi pro modulo meo definitiones, petitiones, communes sententias & octo priores propositiones elementorum Euclidis. Hic annis sessus cyclos artémque repono. Succedent in hoc munus alij fortasse magis vegeto corpore, vivido ingenio, &c. Certè ingenio mediocri una hora sufficiet, ut per se, vel opitulante inter Geometras minimo, definitiones, petitiones, axiomata & primas Euclidis propositiones addiscat. Vix ullà egent explicatione. Hic tamen Author de isto opere tanquam de dura & ardua provincia loquitur. Veretur ut vires sibi deficient, si vires, inquit, & valetudo suffecerint. Opus imperfectum posteritati perficiendum relinquit. Cetera post me venientibus relinquere. Deo gratias agit, quod indulgentiâ speciali, ipsi concesserit promissum exolvere. Exolvi per Dei gratiam promissum liberavi fidem meam, explicavi pro modulo meo, quid ? quadraturam circuli ? duplicationem cubi ? minimè verò. Præclarus ille vir explicavit pro modulo suo definitiones, petitiones, axiomata, & octo priores propositiones primi libri Euclidis. Fortè inter successores aliquis reperietur cui firmior suppetat valetudo majorésque vires quò tantum opus possit perducere. Succedent in hoc munus, alij Fortasse magis vegeto corpore & vivido ingenio. Ipsum jam quiescere par est. Hic annus sessus cyclos artémque reponit.*

In quarto.

Profectò cum Euclides sua composuit elementa, non tanta existimavit se obscuritate laborasse, aut res adeò extraordinarias in medium protulisse, ut commentario trecentis aut circiter paginis constanti indigeret, ad suas explicandas definitiones, petitiones, & octo primas propositiones primi sui Libri. At Doctus ille Anglus Euclidis scientiam

tiam ita potuit exaggerare, ut si per tempus & vires licuisset, duodecim aut quindecim ampla volumina circa Geometriæ elementa haberemus quæ hujus scientiæ tyronibus, plurimum, si Deo placer, utilia essent, & ad Euclidis gloriam summopere cederent.

Hæc sunt *ἀσποδύουσα*, falsæ eruditionis consilia. Author ille Græcam callebat linguam, ipsius enim lucubrationibus opera Chrysostomi Græcè edita debemus. Veteres fortè Geometras perlegerat, ipsorum propositiones ut & genealogiam historicè tenebat. Antiquitatem eadè colebat veneratione quâ veritatem par est colere. Sed quid ex ista ingenij dispositione resultat? Commentarius scilicet definitionum nominis, petitionum, axiomatum & octo primarum propositionum Euclidis, quem (commentarium) intelligere ac memoriæ mandare longè difficilior est, quàm ipsas propositiones quas explanare aggreditur; quid dico propositiones? totus ipse Euclides facilius intelligitur quàm hi Commentarii.

Multi equidem ex vanitatis principio, linguam Græcam aut etiam aliam quam non intelligunt, usurpant. Quippe Dictionaria, indices, & loci communes, ingentem plurimis Authoribus conferunt opem. Sed quis ad id adducatur, ut linguam Græcam adhibeat, ubi Græcè loqui adeò absurdum est? Hinc infero Authorem illum non alio ad Euclidem commentandum principio impulsus fuisse, quàm ingenti quâ in illius gratiam tenebatur, præoccupatione & opinione.

Certè si rationem adhibuisset non verò memoriam in illa re quæ solâ indiget ratione, aut si eodem erga veritatem motus fuisset amore & veneratione, ac erga Authorem cui commentarios adscripsit; non potuisset, quin longo tempore in id tam exile opus consumpto, tandem lassus fuisset; definitiones quas Euclides tradit de angulo plano, & de lineis parallelis esse vitiosas, nec eorum naturam satis explicare; secundam propositionem esse ineptam, quippe quæ non possit probari nisi per tertiam petitionem, quæ non potest concedi nisi concessâ secundâ propositione. Nam concedendo tertiam petitionem, posse, nempe, describi ab unoquoque puncto circulum cujuscunque intervalli; id inquam, concedendo, non modò conceditur ex puncto lineam duci alteri lineæ æqualem, quod in hac secunda propositione Euclides magnis demonstrat circuitibus & ambagibus; sed etiam conceditur duci ex unoquoque puncto numerum linearum infinitum cujuscunque longitudinis.

Sed plerique Commentatores non sibi proponunt elucidare suos Authores, aut veritatem inquirere, suam tantum eruditionem ambitiose ostentare, & Authorum suorum vitia propugnare habent in consiliis. Non tam loquuntur, ut sui & Authorum suorum intelligentiam lectoribus dent; sed ut admirationem & sibi & illis concilient. Nisi Commentator ille, de quo sermo est, citationibus Græcis, multisque Authorum ignobilium nominibus, & aliis Scholiis ad intelligendas notiones communes, definitiones nominis, & petitiones Geometriæ prorsus

prorsus inutilibus suum implessent librum, quis quæso illum legisset? quis admiratus esset? quis titulo Docti & ingeniosi viri nomine ipsum condecorasset?

* *Le sens commun.*

Nemo est, opinor, qui, his auditis, non fateatur lectionem Authorum, incautum ingenium sæpissime antevertere. At verò statim atque homo præjudiciis sese implicari sivit, mentem sanam, seu * sensum, quem vocant, communem, amplius non habet. De omnibus quæ ad sua præjudicia aliqua conformitate referuntur, sinistrè judicat; iis omnes suas inficit cogitationes. Si res à præjudiciis suis sint prorsus alienæ, iis animum appellere nequit. Ita Sectatori Aristotelis Aristoteles solus sapit. De cunctis judicat relatè ad Aristotelem, quicquid isti Philosopho adversatur id falsum existimat. Ei aliquis Aristotelis locus semper præsto erit, illum semper & ubique laudabit, obscura & omnibus ignota, non secus ac evidentia & vel pueris nota ex Aristotele probabit; quia, nempe, Aristoteles est ipsi, quod aliis ratio & evidentia esse solent.

Pariter si quis Euclidi & Geometriæ studio sese manciparit, omnia ad lineas referet & ad propositiones Authoris sui. Nec unum proferet verbum nisi relatè ad scientiam cui incumbit. Totum erit majus sua parte, quia, nempe, id dixit Euclides; nec ipsum pudebit Euclidem laudare ut id probet, ut aliquando observavi, sed id in aliis Authoribus à Geometra alienis multò magis solenne est, videas enim libros prolixis sententiis Græcis, Hebraicis, Arabicis refertos, ad probanda quæ evidentissima sunt.

Jam autem hujusce vitij hæc est causa; objecta scilicet quibus præventi fuerunt, vestigia adeò alta fibris ipsorum cerebri impresterunt, ut semper hiulca maneant; spiritibus animalibus, ob perpetuum fluxum, ea claudi non sinentibus. Quum itaque mens cogitationes istis vestigiis alligatas necessariò habeat; ipsarum veluti mancipium evadit: Illæ cogitationes eam perpetuò sollicitant & interrumpunt; etiam cum erroribus agnitis occurrere contendit. In perpetuum igitur erroris discrimen adducitur, nisi semper sibi præcaveat, & canonem initio libri traditum constanter observet, hoc est, nunquam assentiatur nisi rebus evidentissimis.

Hic non loquor de plerorumque hominum communi errore, qui in eligendo studij sui genere sunt incauti & infelices. Hæc pertinent ad Ethicam, licet ad ea quæ de præoccupatione præmisimus etiam referri possent. Is enim certè falso motus præjudicio agit, qui se totum Rabbiorum, & linguarum quarumlibet incognitarum ac proinde inutilium studio ita addicit, ut in iis totam vitam misere consumat; Falsà illà adductus spe fore ut in virum doctum aliquandò evadat licet hoc studij genere non possit unquam ullam sibi parare veram scientiam; sed quia hæc occupatio non tam erroris quàm jacturæ temporis & stultæ vanitatis causa est, eos prætermitemus qui in ejusmodi scientiis abjectis aut inutilibus magnos progressus facere nituntur.

CAPUT VIII.

I. De novorum systematum inventoribus. II. Vitium error eorum qui studio scientiarum operam dant.

Quomodo se habeat eorum imaginatio qui studio scientiarum operam navantes, nihil admittunt quod Authorem quorundam non innitatur autoritate, supra patefecimus. Alij sunt istis valdè oppositi. Apud hos, Authores, etiam spectatissimi, nullius sunt pretij. Authores quidem olim aestimabant, sed mutato consilio, semetipsos inter Authores accensuerunt; auram popularem captaturi, novæ alicujus hypotheseos inventores audire gestiunt, ea scilicet adducti spe, sibi inaudita afferentibus non defuturos admiratores.

Istud genus hominum imaginatione forti ut plurimum pollent; fibræ eorum cerebri ita sunt dispositæ, ut vestigia sibi impressa diu conservent. Ubi igitur novum systema aliquam verisimilitudinem præ se ferens apud se imaginati sunt, ipsos ab errore depellere frustra labores. Quicquid ipsorum sententiam tantillum stabilit, id exosculantur & tenaciter conservant, dum contra objectiones sibi factas ne animadvertunt quidem, aut futili aliquâ distinctione eludunt. Ob istud ingenij figmentum intus sibi congratulantur, magnam ex eo sperantes existimationem in sola veritatis specie, quam referunt verisimiles ipsorum opiniones, contemplanda attenti sunt, ab imagine illa oculos non deflectunt; at verò cæteras opinionum suarum facies quæ ipsas fallitatis possent arguere, veluti per transennam tantum adspiciunt.

Ut verum aliquod formetur systema magnæ requiruntur ingenij dotes; Multum enim acuminis, & penetrationis habere non sufficit; sed præterea quædam mentis sublimitas & magnitudo necessariae sunt, quibus multa uno intuitu possint conspici. Mediocribus ingeniis, licet vivacissimis & subtilissimis, non ea tamen est capacitas, quâ omnia ad legitimum instituendum systema necessaria, possint intueri & completi. Levioribus terrentur difficultatibus aut debilioribus perstringuntur splendoribus, nec visum suum ita possunt producere, ut integrum amplæ alicujus materiæ corpus eodem tempore contueri possint.

Sed frustra mens ingenti pollet capacitate & perspicacitate, nisi præterea affectibus & præjudiciis vacet; nil ab ea sperandum est: præjudicia alteram mentis partem occupant, alteram insciunt, affectus inordinati ideas mille modis confundunt; & illud plerunque in objectis nobis repræsentant, quod in iis reperire exoptamus. Cum etiam vehementiori veritatis amore flagramus, is ipse amor nos sæpe fallit.

Verùm cupido illa quã Doctorum nomen & famam ambimus, nos præcipuè arcet à vera comparanda scientia.

Perpauci igitur extant qui nova systemata condere possint; permulti tamen reperiuntur systematum inventores. Inter eos qui studio multam conferunt operam pauci sunt, qui ex notionibus communibus ratiocinentur. Aliquid semper singulare est & anomalum in ipsorum ideis; nec hinc obscurè liquet ipsos aliquo systemate sibi peculiari niti, omnes ipsorum libri id quidem haud manifestant; nam cum scriptum aliquod publici juris facimus ad ea quæ scribuntur propius attendimus: & sæpè sola attentio sufficit ut erroris convincamur. Libri tamen quidam subinde prodeunt in lucem, ex quibus id facile concludas: sunt enim Authores quos ab initio patefacere juvat, se aliquod novum invenisse systema.

Præjudicia quæ in Authorum quorundam gratiam concipiuntur, valdè augent numerum eorum qui nova formant systemata; hi, nempe, cum in Authoribus quos amplexari fuerant nil veri & solidi reperiant quoslibet libros primò fastidiunt, novam deinde opinionem aliquã verisimilitudine vestiram, ambabus amplectuntur ulnis, & in ea eo quo diximus modo sese magis ac magis confirmant.

Ut verò ingens ille erga novam opinionem suam, amoris æstus deferbuit, aut ad ipsius examen accuratius adacti sunt, ipsam publicam facturi, tum ipsius fallitatem agnoscunt; cã tamen lege atque conditione ut alias opiniones nunquam sint amplexuri, eosque omnes damnant, qui se veritatem aliquam comperisse profitebuntur.

¶ I. Ultimus itaque & maximè periculosus errorum, multorum qui studio incumbunt in eo consistit, quòd nihil posse certò sciri arbitrentur, plurimos libros antiquos & recentes perlegerunt, nulla in iis veritate compertã, multa egregiè cogitaverunt, quæ ad serium examen revocata falsa ipsis visa sunt. Hinc inferunt omnes sibi similes esse; nec dubitant quin ij qui se aliquam reperisse veritatem existimant sententiam illicò mutarent, si ut ipsi fecerunt, cogitationes suas ad iudicij trutinam perpendèrent. Illos itaque damnant nullo ampliori admissio examine. Quid enim? si non damnarent, ipsis ingenij palmam cedere viderentur; quòd quidem verisimilè non putant.

Eos igitur percinaces ducunt qui se aliquid certò tenere asseverant; nec ferunt scientias haberi, ut veritates evidentissimas, extrà omnem legitimè dubitationis aleam, positas, sed tantum ut opiniones quas ignorare non expedit. Illos tamen homines attendere velim, se omnes libros nondum legisse quamquam innumeros propè legerint; aut si omnes legerunt, eam ea quæ sanè necessaria est attentione non legisse; sequi omnes cogitationes possibiles non habuisse, licet multas habuerint egregias quas falsas deprehenderunt; aliosque idèò reperiri posse qui scopum propius attigerint. Nec omninò necesse est alios illos homines esse ingenio ipsis perspicaciori, si demum id eos mille habet, sufficit si feliciores fuerint. Certè qui asserit se res evi-

denter,

Error insignis errorum qui studio incumbant.

denter apprehendisse quæ ipsi ignorant, nullam iis infert injuriam; quippe multa sæcula non secus ac ipsi eas ignorarunt veritates; non quod præclara defuerint ingenia, sed quod ipsis res primâ fronte non bene cesserit.

Ne igitur ægrè ferant si quis oculatus de iis quæ clarè videt, loquatur, ad ea quæ ipsis proponuntur animum advertant (si id demùm post tot errores à se possint impetrare) deinde judicent, nil obstat. At si quicquam examinare reculent, sileant saltem: attendant, quæso, an id responsi quod iis dare solent à quibus interrogantur sit legitimum, illud est quod ignoratur; nemo id hactenus assequutus est; certè ut hæc responsio ab iis fiat legitime, necesse est ut existiment se omnia scire quæ omnes alij sciunt, aut ab omnibus aliis possunt sciri; si id enim de se non crederent ipsoꝝ responsum esset etiam absurdius. Cur ignorantiam suam fateri ipsis durum videtur in hypothesi, eam in thesi se nihil scire profiteantur? Et cur ex sua ignorantia omnium hominum ignorantiam inferre volunt?

Tria sunt igitur hominum studio deditoꝝ genera. Alij Authori cuidam, aut scientiæ inutili, seu falsæ, serviliter & immeritò se dedunt, Alij propriis se lætant chymæris. Postremi denique, ex duobus primis plerumque coalescentes, omnia scibilia se scire credunt; quia autem se nihil certò & evidenter tenere, exploratum habent, hinc concludunt generaliter nil posse evidenter cognosci, & quicquid ipsis proponitur ut meras opiniones habent.

Triplicis istius hominum generis vitia ex proprietatibus imaginationis capite X. & XI. expolit, & præcipuè ex prima manare clarum est. Id oritur ex præjudiciis quæ ipsoꝝ mentem occæcant, eamque ab aliis objectis avertunt; Præjudicia sunt eorum menti, id quod Principum Ministri, sunt ipsis Principibus, quemadmodum enim Ministri eos omnes à Dominorum suorum conspectu arcant, qui pro ipsis non stant vel qui eos disturbare possent; sic præjudicia illorum hominum non permittunt menti introspicere ideas objectoꝝ puras & intermeratas; sed eas fucò obducunt; suo veluti symbolo & tessera eas induunt; eas deinde sic larvatas menti objiciunt; adeò ut vix possit errores agnoscere, & exuere.

CAPUT IX.

I. De ingeniis effaminatis. II. De ingeniis superficiariis. III. De viris autoritate præditis. IV. De iis qui experimenta faciunt.

Quæ jam diximus sufficere mihi videntur ut generalia imaginationis eorum qui student vitia, & errores ipsis frequentissimos agnoscamus. Quia autem pauci, si illos excipias, ad veritatis investi-

gationem sese accingunt, cæteri verò ipsorum autoritate & testimonio nituntur. Huic secundæ parti possemus hic finem imponere. Haud abs re tamen existimamus aliquid de erroribus cæterorum hominum perstringere; eos enim cognoscere non est planè inutile.

I.
De ingeniis
effeminatis.

Quicquid sensus delectat nos vehementer afficit, jam autem quò vehementius rebus afficimur, eò magis etiam iis attendimus. Quò circa qui voluptatibus quibuslibet maximè sensibilibus & jucundissimis indulgent, veritates paulò difficiles non possunt penetrare; quia ipsorum mens, utpote non infinita ipsis voluptatibus tota occupatur, aut saltem distringitur.

* Beaux
esprits.

Plerique Magnates, aulici, divites, juvenes, ac ij qui * *elegantium*, *ingeniorum* nomen sibi arrogant, in perpetuis voluptatibus versantes, itaque sibi solum negotij in se suscipientes ut placeant, concupiscen- tianque & sensus excitent; tantam in hisce rebus peritiam, seu potiùs tantam mollitiem acquirunt, ut eos potiori jure dicas esse ingenia effeminata, quàm ingenia subtilia & exposita, ut id falsò existimant. Multùm enim differt vera ingenij subtilitas & elegantia, à mollitie, licet hæc duo vulgò confundantur.

Ingenia subtilia & perspicacia illa sunt, quæ ratione duce, vel minimas rerum differentias dignoscunt, effectûs à causis occultis inutilitatis, & imperceptis pendentes prospiciunt; ea sunt denique quæ ob- jecta sibi proposita penitiùs introspiciunt. Ingenia verò mollia nihil habent præter falsam subtilitatem. Nec vivida sunt, nec perspicacia; ne effectûs quidem à causis sensibilibus & manifestissimis proceden- tes vident, nil denique capiunt & penetrant; at verò circa sensibi- les agendi & loquendi modos sunt delicatissimi, Vox barbara, aut obsoleta, accentus Provinciæ alicui familiaris, inveniusta oris com- positio, ipsos longè vehementius offendunt quàm invalidæ rationes. Argumenti vitium non percipiunt, dum vel minima in periodo seu gestu irregularitas ipsos fugere nequit. Quid plura? Rerum sensibi- lium sunt peritissimi, utpotè qui perpetuo sensuum usu sint exerci- tati. At verò quia ratione suâ nunquam ritè uti sunt, res à ratione pendentes non intelligunt.

Illi tamen sunt homines quorum fama viget, præclara faciliè ha- bentur ingenia, Si quis enim liberè & expeditè loquatur, si vocibus utatur terfis & exquisitis, si figuris utatur quæ sensus demulceant, affectûsque impercepto quodam modo excitent; is certè ex vulgi sen- tentia, erit ingenium elegans, subtile, delicatum; licet nil veri nil boni, nil non inepti blateret. Nemo est qui videat istum hominem adèò decantatum; molli, atque effæminato pollere genio, & falsis tantùm circumfulgere splendoribus, qui mentem nunquam illumi- nant; ac eum oculos nostros duntaxat, non verò rationem alloqui, & persuadere.

Porro omnes homines hoc vitio supra notato aliquatenus teneri, non inficiamur. Nemo est inter illos qui sensuum impressionibus ita se

se subducat ut externis agendi & loquendi modis paulum non adhærescat. In eo omnes homines non aliter differunt quam secundum magis & minus. Sed ideo quibusdam id vitium speciatim tribuimus, quia nonnulli sunt qui agnitum illud, sedulo corrigere satagunt; at ij, de quibus sumus loquuti, id tanquam præstantem ingenij dotem existimant & fovent. Non modò non agnoscunt fallam istam ingenij subtilitatem non aliunde oriri quam à muliebri molitie, & complurium errorum originem esse; sed illam arbitrantur esse invictum ingenij sui sublimitatis argumentum.

Hæc possunt accedere innumera ingenia levia ac ut ita dicam superficialia, quæ res nunquam penitus inspicientes, nil præter ipsarum veluti corticem ac superficiem attingunt; & differentias non nisi confuse discernunt. Non ipsorum culpâ quidem, ut in aliis: ipsorum ingenium voluptatibus sensibilibus non fuit coarctatum, sed quia ingenio sunt natura exili. Nec putandum est istam ingenii exilitatem ex mentis naturâ pendere: Illa ingenij renuitas nonnunquam ex inopia aut tarditate spirituum animalium, interdum ex inflexibilitate fibrarum cerebri, aliquandò etiam ex immoderata spirituum & sanguinis copia, aut ex alia quavis causa, quam tenere necessum non est, oritur.

II.
*De ingenio
superficiali*

Duplex igitur est ingeniorum genus. Alia differentias rerum facile perspicunt, atque illa sunt recta ingenia. Alia mutuam inter eas imaginantur & supponunt similitudinem, & ista sunt ingenia, quæ superficialia diximus. Priora habent cerebrum vestigiis objectorum claris & distinctis excipiendis idoneum, & quia ad ideas istorum vestigiorum sedulo attendunt; in istis objectis nihil est quod ipsos fugiat. At verò ingenia superficialia excipiunt duntaxat debilia & confusa objectorum vestigia. Ipsa tantum veluti per nebulam vident & ideo similia eis videntur, ut facies illorum quos eminè adspicimus, similes nobis apparent: quia mens supponit semper similitudinem & paritatem, ubi nullam necessariam agnoscit differentiam & imparitatem, ut id libro tertio sum probaturus.

Qui orationes habent ad populum, qui loquaces dicuntur, & multi etiam inter eos qui facile mentem suam aperiunt, quamvis raro loquantur, istius sunt ordinis. Qui enim serio & accuratè meditantur, meditata clarè eloqui rarissimè queunt. Hæsitant sæpè, quia terminis qui falsas in Auditoribus excitent ideas uti verentur. Cum ipsos loqui pudeat eo tantum sine ut loquantur, multorum adinstar, qui de omnibus audaciter garriunt, ideo cogitationes non vulgares verbis, ut par est, exprimere multum laborant.

Quamvis ingenti colamus veneratione viros pios, Theologos, senes, & eos omnes in genere qui magna apud homines valent auctoritate; de iis tamen id dicere nobis liceat; sæpissimè, videlicet, contingere ut se credant erroris immunes, quia à cæteris hominibus magnâ cum reverentiâ auscultantur; quia ratione sua raro utun-

tur ad assequendas veritates speculativas ; & quia quodlibet , nullo examine admissio, liberiùs damnant. Haud equidem id iis vitio damus, quòd plurimis scientiis minimè necessariis animum non appellant; quin ipsas prætermittant aut etiam adspernentur, per nos licet, sed de iis saltem ne temerè & ea arbitrio judicent. Attendant potiùs gravitatem istam quam præ se ferunt inter loquendum , autoritatem quam sibi in alios acquisiverunt , consuetudinem illam qua dicta sua aliquo scripturæ sacræ loco confirmare assueverunt , hæc omnia , inquam , in errores ineluctabiles injectura esse auditores suos , qui cùm non possint res penitus examinare, modis externis & specie sensibili sese præverti sinunt.

Error veritatis specie indutus majorem sæpè sortitur venerationem, quàm ipsa veritas. Jam illegitima illa veneratio multa secum trahit incommoda. *Pessima res est errorum apothecosis, & pro peste intellectus habenda est, si vanus accedat veneratio.* Cùm itaque nonnulli, Caczelo aut suarum cogitationum amore ducti; Scripturam innixi fuerunt ut falsa stabilirent Physicæ aut alius scientiæ principia ; Sæctatores habuerunt qui ipsoꝝ effata oraculorum instar hauserunt, propter scripturæ autoritatem, qua freti authores illi sensa sua propinaverant ; Sed hinc etiã factum ut homines quidam, quibus mens erat læva, inde arripuerint occasionem spernendi Religionem, aded ut , stupenda inversione, scriptura sacra nonnullis fuerit errandi causa , alios verò veritas ad impietatem impulerit. Cavendum igitur est ne mortua quæramus inter viva uti observat Author mox laudatus ; nec est quod quis proprio spiritu suo ea invenire speret in scriptura , quæ Spiritus Sanctus in ea non declaravit. Ex Divinorum & humanorum malefana admixtione, pergit ille, *non solum educitur Philosophia phantastica, sed etiam Religio hæretica, Itaque salutare admodum est si mente sobria fidei tantum dentur, quæ fidei sunt.* Qui itaque aliquâ in alios autoritate polleat, ed cautiore esse debent in decisionibus suis, quòd plures habent sæctatores. Et Theologi præcipuè videant ne falso zelo moti, aut etiam famæ & opinionibus suis consulentes Religionem in contemptum adducant. Quia verò ipsos sui officij monere meum non est , audiant Divum Thomam ipsoꝝ Doctorem, qui interrogatus à Generali suo quid de articulis quibusdam sentiret, ex B. Augustino ad hunc modum respondit.

Multum autem nocet alia quæ ad pietatis doctrinam non spectant, vel asserere vel negare, quasi pertinentia ad Sacram doctrinam. Dicit enim Augustinus in 5. Confess. cùm audio Christianum aliquem fratrem ista, quæ Philosophi de cælo aut stellis & de Solis motibus & Luna dixerunt, nescientem, & aliud pro alio sentientem, patienter intueor opinantem hominem; nec illi obesse video cum de te, Domine Creator omnium noſtrorum, non credit indigna, si forte falsis & habitus creatura corporalis ignoret. Obest autem si hæc ad ipsam doctrinam pietatis pertinere arbitretur, & pertinacius, affirmare audeat quod ignorat. Quod autem obſe manifestat Augustinus in 1. super Genes. ad lucram turpe est, inquit,
nimis,

nimis, & perniciosum ac maximè cavendum, ut Christianum de his rebus quasi secundùm Christianas literas loquentem, ita delirare quilibet infidelis audiat, ut quemadmodùm dicitur toto cælo errare conspiciens; risum tenere vix possit. Et non tamen molestum est, quod errans homo vidoatur: sed quod Authores nostri ab eis qui foris sunt, talia sensisse creduntur, & cum magno eorum exitio, de quorum salute satagimus, tanquam indoliti reprehenduntur atque respuuntur. Unde mihi videtur tutius esse, ut hæc quæ Philosophi communes senserunt, & nostræ fidei non repugnant, neque esse sic asserenda, ut dogmata fidei, licet aliquandò sub nomine Philosophorum introducantur, neque sic esse neganda tanquam fidei contraria, ne sapientibus huius mundi contemnendi doctrinam fidei occasio prebeatur.

Tanta est plerisque hominibus negligentia & imprudentia, ut verbum Dei ab hominum verbo non distinguant, ubi simul juncta sunt, adeò ut utrique assentiendo in errorem, utrumque contemnendo in impietatem incidant, nullo etiam negotio horumce errorum causa potest asferri, manant scilicet ex illâ quam Capite XI. exposuimus idearum analogia. Nec iis explicandis diutiùs insistere opus est.

De Chymicis, & in genere de iis omnibus qui faciendis experimentis animum adjungunt, operæ pretium est aliquid hic subnectere. Ii veritatem scrutantur: Ipsorum placita sine ullo examine à plerisque accipiuntur. Itaque errores ipsorum eò magis sunt noxij, quo faciliùs aliis hominibus communicantur.

Naturam equidem investigare quàm libros evolvere præstat; experimenta sensibilia res certius sanè demonstrant quàm ratiocinia hominum. Nec eos qui ad Physicæ studium adiguntur, possumus culpæ, quòd in eâ perpetuis experimentis progressus edere conentur; dummodò scientiis utilioribus majorem etiam conferant operam. Philosophiam igitur experimentalem aut ipsius studiosos non damnamus, sed tantum illorum vitia.

Primum illorum in eo situm est, quòd ut plurimum non ratione, sed fortuna duce sua faciant experimenta; adeò ut ingenti in iis consumpto tempore & argento nec doctiores nec peritiores evadant.

Secundum in eo est quòd curiosis & extraordinariis experimentis potius incumbant quàm utilitatissimis. Cùm tamen experimenta magis familiaria sint etiam simpliciora, manifestò patet his animum esse priùs applicandùm, quàm illis quæ sunt complexiora, & à majori causarum numero dependent.

Tertium est, quòd experimenta lucrativa avidè & accuratè quærant, dum ea negligunt quæ menti illuminandæ duntaxat inserviunt.

Quartum in eo consistit quòd omnes circumstantias peculiare, temporis, loci, qualitatis simplicium quibus utuntur, accuratè satis non observent; quamvis nulla sit ex illis circumstantiis quæ si sedulò non advertatur, non possit effectum experimenti morari. Observandum enim est omnes terminos quibus utuntur Physici esse æquivocos; vox illa, vinum, exempli gratiâ, tot varia significat, quot varia sunt soli ingenia:

IV.
De iis qui
experimenta
faciunt.

ingenia , variae tempestates , variae vini conficiendi & conservandi rationes ; adeò ut in genere possimus negare , duo dari dolia vini plane similia. Quum itaque Physicus ait ; ad hoc faciendum experimentum sume vinum, quid sibi velit non intelligis nisi confusè admodum. Magna igitur cautione utendum est in experimentis : nec ad composita veniendum , quin priùs simpliciora & magis ordinaria accuratè fuerint intellecta.

Quintum ex eo fluit , quòd ex uno experimento plures æquo eliciant consequentias. Cùm contrà multis opus sit experimentis, ut rem unam possis legitimè inferre , quamvis unicum experimentum multis deducendis conclusionibus conferre possit.

Denique Phyci, & Chymici nil ut plurimum animadvertunt præter effectus naturæ speciales , ad primas rerum notiones ex quibus constant corpora nunquam ascendunt. Certò tamen constat neminem posse specialia Physicæ phænomena clarè & distinctè cognoscere, nisi generaliora teneat principia, & etiam ad Metaphysica transcendat. Vires tandem & animus ipsis ut plurimum deficiunt, labor & impensa ipsos terrent & lassant. Multa sunt alia vitia in iis de quibus sermo fuit. Sed cuncta dicendi non est animus.

Hujuscemodi vitiorum causæ sunt minor applicatio, imaginationis proprietates cap. X. & XI. explicatæ , & quia etiam de differentiis & mutationibus corporum non aliter judicamus quàm ex sensationibus nostris, ut primo libro dictum est.





PARS TERTIA.

De Communicatione contagiosa imaginationum fortium.

CAPVT PRIMVM.

- I. De illa dispositione quâ ad alios in omnibus imitandos propendemus, unde manat communicatio errorum qui ab imaginationis facultate dependent. II. Dua causa principales quæ illam augent dispositionem. III. Quid sit imaginatio fortis. IV. Eam esse multiplicem. De insanis, ac de iis qui imaginationem fortem secundum sensum hic explicatum habent. V. Duo vitia memorabilia eorum qui habent imaginationem fortem. VI. Quàm sint idonei ad persuadendum & fucum faciendum.



OSTQUAM explanavimus naturam imaginationis, variâque ipsius vitia, & quomodo ab ipsâ in errorem conjicimur, restat ut in hoc secundo Libro de Communicatione contagiosa imaginationum fortium loquamur, hoc est, de vi illa quâ nonnulli homines, in suos errores alios possunt facillè pellicere.

Imaginationes fortes sunt admodum contagiosæ: in debiles dominantur; ea paulatim ad sui normam inflectunt, eosdem ipsis insculpunt characteres. Cùm igitur homines quibus sunt idæ peculiare & imaginatio fortis ac vivida rationis modum plerunque excedant; paucæ sunt errorum humanorum causæ generaliores, hac perniciosâ imaginationis communicatione.

Ut istius contagionis natura, & quomodo transmittatur possit percipi, sciendum est omnes homines mutuò indigere auxilio; & ad id fuisse creatos ut multa inter se componant corpora, quorum partes mutuam habeant analogiam. Hujusce unionis fovendæ gratiâ, Deus mutuò charitatis vinculo eos obstrinxit. Sed quia ~~quædam~~ charitatem

paulatim extinguere, atque hoc pacto vinculum societatis disjungere poterat; illius conservandæ gratiâ homines vinculis naturalibus uniri curavit Deus, quæ deficiente charitate subsisterent, aut etiam ipsam adversus Philautiæ conatûs tuerentur.

Vincula illa naturalia, quæ nobis cum belluis sunt communia consistunt in quadam cerebri dispositione quam habent omnes homines: ad eos imitandos quibuscum versantur, ad eadem cum iis formanda: judicia, eosdemque experiendos animi motûs quibus ij agitantur: Atque illa dispositio homines inter se multò arctius conjungit, quàm charitas ratione innixa, quæ charitas rarissima est.

Nisi homo eâ prælitus sit dispositione qua nostra sensa affectûsque possit suscipere, nobiscum uniri, unicûmque corpus constituere nequit. Similis illis lapidibus formæ irregularis qui suum in ædificio locum non possunt sortiri, quia cum aliis non possunt conjungi.

*Oderunt hilarem tristes, tristémque jocosum,
Sedatum celeres, agilem gnarûmque remissi.*

Cum iis qui affectibus nostris nullo indulgent modo, sed nobis potius in omnibus adversantur, divortium non facere, illud est arduum virtutis opus, nec immeritò, quippe cum mæsto non mæreere, cum læto non lætari, est utrique insultare, homo cuiusvis cōpellendus non est cum ore hilari & jocosum, ac specie ita renidenti, ut lætitiâ imaginationi ipsius imprimat, ne è statu sibi maxime congruo, & jucundo dejiciatur. Nullus enim est animi affectus qui miserum magis juvet quàm tristitia.

II. Omnes igitur homines habent cerebrum ad id dispositum ut, na-

*Dua causa-
principales
qua augen-
dis dispositio-
nem quam
habemus ad
alios imi-
tandos.* turâ duce, sese eodem modo quo nonnulli cum quibus versantur affecti sunt, possint componere. Illa autem dispositio duabus potissimum causis potest foveri & augeri. Altera est in mente, altera verò in corpore. Prior præcipuè consistit in naturali hominum propensione verus dignitatem & exaltationem. Illa enim propensio ad id nos impercepto excitat modo, ut viros nobiles in loquendi ratione, in incessu, in vestitu, & in habitu externo imitemur. Hinc * novi ritus seu

* nouvelles
modes.

modi, linguarum vivarum instabilitas, & quædam generales corruptiones quæ in moribus irrepunt. Hinc denique omnes ineptæ & ridiculæ, nullâ ratione sed arbitrio humano tantum innixæ novitates oriuntur.

Altera causa quæ dispositionem illam auget, quâ alios possumus imitari, & de qua hic præcipuè agitur, consistit in impressione quadam quam imaginationes fortes faciunt in ingenia debilia & cerebra teneriuscula ac delicatula.

III.

*Quid sit
imaginatio
fortis.*

Per imaginationem fortem ac vegetam, intelligo constitutionem cerebri quæ illud, vestigiorum altissimorum capax efficit, quæ vestigia mentis capacitatem ita implent, ut aliis rebus quàm iis quas imagines illæ ipsi repræsentant, non possit amplius attendere.

Duplex

Duplex est hominum genus qui imaginationem fortem habent hoc sensu. Priores alta hæc vestigia suscipiunt ex impressione involuntaria, ac inordinata spirituum animalium; Posteriores verò de quibus hic præcipue sermo est, ea suscipiunt ex quadam dispositione quæ in substantia cerebri deprehenditur.

Priores omninò insanire manifestum est, cum unione naturali quæ est inter ipsorum ideas & hæc vestigia, ipsis motu spirituum inordinato & involuntario impressa, cogantur de rebus cogitare prorsus diversis ab iis de quibus cæteri homines loquuntur; undè fit ut nihil ad rem possint dicere aut respondere.

Innumeri sunt istiusce generis homines, qui inter se non differunt nisi secundum magis & minus; ac inter eos possumus accensere illos omnes qui motu aliquo animi violento cientur, nam tempore commotionis illius spiritus animales tantà vi imprimunt vestigia & imagines objectorum quæ affectus moverunt, ut quamlibet aliam cogitationem non possint suscipere.

Sed observandum est illos homines ullius imaginationem, quantumvis tenui sit ingenio, cerebroque molli & delicato non posse corrumpere, duabus potissimum de causis. Quia primò cum non possint appositè respondere ad ideas aliorum, illos utique non possunt persuadere. 2. Cum ipsorum mentis perturbatio sit manifestissima, quicquid dicant aspernabile videtur.

Nos equidem afficiunt homines motu aliquo violento jam affecti, & in imaginationem nostram impressiones faciunt suis similes. Quia verò ipsorum impetus & perturbatio manifestò patent, illis impressionibus resistimus, ac illas non multò post excutimus, dummodò ab eadem causa quæ ipsos edidit non foveantur per se delentur: hoc est cum efferati illi à conspectu nostro discesserunt, ita ut characteribus ipsorum faciei per violentum illum motum impressis, fibræ cerebri nostri non amplius immutentur, spiritusque animales non agitentur.

Istam imaginationis fortis & vegetæ speciem, quæ consistit in dispositione cerebri altis recipiendis ideis, ab objectis etiam debilissimis & minimè efficacibus idonea, istam, inquam, imaginationis fortis speciem, hic duntaxat examino.

Cerebrum habere aptum ad res fortiter imaginandas, & recipiendas imagines maximè distinctas & vividas minimorum objectorum, vitiosum non est; dummodò mens in imaginationem imperium semper obtineat, ita ut istæ imagines ad ejus nutum imprimantur & deleantur, quin hinc oritur sagacitas & vis ingenij. At ubi imaginatio menti dominatur, ac inconsultà voluntate vestigia formantur dispositione cerebri & actione objectorum & spirituum; illud verò est vitium pellinum, & quædam insanix species. Eos qui imaginationem habent fortem hoc modo, adumbrare conabimur.

Quocirca recordandum est 1. ingenij capacitatem angustissimis li-

mitibus esse circumscriptam, 2. nullo objecto facilius impleri, quam sensationibus mentis, ac in genere omnibus perceptionibus ex rebus externis quæ nos vehementer afficiunt oriundis; tertio denique alta cerebri vestigia nunquam imprimi sine sensationibus, aut aliis illis perceptionibus quæ nos vividè afficiunt. Hinc enim elucescunt genuini characteres ingenij eorum qui habent imaginationem fortem.

V.

*Due vitia
memorabilia
eorum qui
habent ima-
ginationem
 fortem.*

Primus in eo consistit quòd isti homines de rebus paulùm difficilibus & complexis non possint rectè judicare. Cùm enim ipsorum mentis capacitas iis tantùm impleatur ideis quæ naturâ suâ altis hisce vestigiis alligantur, de multis eodem tempore cogitare ipsis non datur. Jam autem in quæstionibus complexis, mens motu celerit multas simul ideas debet perlustrare, omnesque uno intuitu relationes & analogias hisce solvendis quæstionibus idoneas agnoscere.

Nemo est qui non sit expertus mentem veritati cuiuspiam non posse attendere dum dolore aliquo violento afficitur, quia tunc sunt in cerebro vestigia ita alta ut totam ipsius impleant capacitatem. Cùm itaque illi homines de quibus agitur, ex iisdem objectis vestigia excipiant altiora quàm cæteri, ut id supponimus, non possunt etiam mentis visum æquè longè porrigere, nec totidem res simul complecti. Prius igitur illorum vitium in eo est quod sint angusto ingenio, eoque angustiori quo ipsorum cerebrum altiora ex minimis objectis patitur vestigia.

* Visionari-
r. e.

Alterum eorum vitium in eo positum est, quòd sint *phantasmi*, non ita, tamen, ut id vitij ab omnibus dignosci possit. Vulgus enim ipsos non existimat tales. Ij soli quorum ingenium rectum est & perspicax, ipsorum *phantasmatum*, & imaginationis perturbationem agnoscunt.

Ut hujus vitij origo deprehendatur, ea quæ in principio secundi libri diximus revocanda sunt in memoriam; sensus nimirum & imaginationem non differre nisi secundum magis & minus, saltem quoad ea quæ in cerebro aguntur; magnitudinem & altitudinem vestigiorum esse causam cur mens sentiat objecta; cur ea judicet præsentia, ac satis propinqua ut ex iis dolorem aut voluptatem percipere possit. Cùm enim vestigia objecti cuiuspiam sunt parva, mens illud objectum imaginatur duntaxat; præsens adesse non judicat, nec etiam tanquam valde magnum aut consideratione dignum illud sibi pingit. Sed quò magis vestigia crescunt & quò altiùs imprimuntur, eò grandius, propinquius, ac denique ad nos commovendos & lædendos aptius objectum sibi repræsentat imaginatio.

Phantasmi illi de quibus hîc sermo est ad id vesaniæ nondum deveniunt, ut objecta absentia, tanquam præsentia videre putent: vestigia ipsorum cerebri nondum satis alta sunt; non penitus insanunt sed tantùm aliquatenus, si enim penitus insanirent; frustra de iis hîc loqueremur. Quem enim ipsorum insania fugeret? Quis se ab ea deludi pateretur? Non sunt *phantasmi* quoad sensus, sed tan-

tum

tum quoad imaginationem : at infirmi *φανταστικοί* sunt quoad sensus, cum non videant res ut sunt, & quædam sæpè videant quæ minimè existunt. At verò illi de quibus mentio est *φανταστικοί* sunt quoad imaginationem, cum res secus imaginentur ac se habent, & multa etiam imaginentur quæ non exant. Manifestum tamen est, *φανταστικὸς* quoad sensus à *φανταστικὸς* quoad imaginationem non differre nisi secundum magis & minùs; nec ab uno statu ad alterum transitus est difficilis. Unde fit ut mentis ille morbus posteriorum debeat repræsentari collatione factâ cum morbo priorum, qui manifestior est, mentemque fortius afficit: quippe in iis quæ non aliter differunt quàm secundum magis & minùs, ea quæ levius efficiunt & sentiuntur, semper explicanda sunt per ea quæ vehementius.

Alterum igitur vitium eorum qui sunt imaginatione forti & vividâ, in eo positum quòd sint *φανταστικοί* quoad imaginationem, aut simpliciter *φανταστικοί*, ij enim, insanorum, aut stultorum nomine vocantur qui sunt *φανταστικοί* quoad sensus. Hæc sunt igitur vitia ingeniorum phantasticorum.

Ij homines in omnibus modum excedunt; abjecta extollunt, parva augment, remota appropinquant, nil ipsis se præbet ut in se est. Omnia demirantur, ad omnia immeritò exclamant. Si constitutione naturali ad metum sint proni; hoc est, si ipsorum spiritus animales sint pauci, debiles, & tardi, minimâ de causâ terrentur, trepidant arundine motâ. At verò si ingens ipsis sit spirituum & sanguinis copia, quod frequentius accidit, vanas concipiunt spes quibus semetipsos lætant, ac sese imaginationis suæ ubertati totos permittentes * inanibus, quotidie agitandis, apud se, consiliis mirifice delectantur. In affectibus vehementes, in opinionibus tenaces, in summet ipsorum contemplatione semper læti & alacres sunt. Quum inter egregia ingenia accenseri ambiunt, ac Authores se gerunt (sunt enim Authores omnis generis, phantastici & alij,) quot deliramenta, quot impetus, quot *μωροειπυαί* ! Naturam nunquam imitantur, omnia contorquent & exagerant, in auras sese extollunt, nil ab ipsis profertur quod cothurnum non sapiat; subsultim incedunt; ipsorum oratio numerosa est, & phalerata, nil denique ab ipsis audias præter figuras & hyperbolas. Si pietatem amplectuntur, illamque ex arbitrio metiri satagunt, spiritum Judaicum & Pharisaicum penitus induunt; rerum corticulae, caeremoniis externis, ac praxibus nullius momenti toti adhærescunt; sunt *δυσκόλαιοι*, meticulosi, superstiriosi. Cuncta, si ipsis credas, ad fidem pertinent; Cuncta sunt essentialia, si ea excipias quæ reverâ ad fidem pertinent, & essentialia sunt, sæpè enim levioribus additi officiis utilissima negligunt Evangelij præcepta, justitiam, misericordiam, & fidem. Quid morâ? Qui istorum viciarum ut complacium aliorum certior fieri cupit, attendat modò ad ea quæ quotidie in colloquiis agitari solent.

Qui imaginationem habent fortem & vividam, aliis præditi sunt:

* ils bâissent des châteaux en Espagne.

qualitatibus quas hic explicare operæ pretium est. De ipsorum vitiis hætenus actum est; nunc de ipsorum virtutibus ac prærogativis agendum. Unani habent inter cæteras quæ ad institutum nostrum præcipuè pertinet; illâ enim prærogativâ in vulgi ingenia imperium obtinent; suas ipsis ideas obtrudunt, falsasque impertiuntur impressiones.

VI.
*Eos qui sunt
imaginatio-
ne forti fa-
cile persua-
dere.*

Ista prærogativa in eo consistit quoddammodo facile, vehemens & vividè, quamvis non genuinè, seu naturaliter mentem suam aperiant. Qui res vividè imaginantur, eas etiam vividè exprimunt, còsque omnes persuadent qui specie externâ & impressione sensibili potiusquàm rationum vi devincuntur. Cum enim cerebrum illorum qui pollent imaginatione forti, vestigia, ut antea dictum est, excipiant altissima eorum quæ sunt imaginari, hæc vestigia ut plurimum non sine magna spirituum commotione imprimuntur, ista autem spirituum commotio ad id totum corpus disponit ut mentis cogitationes possit vividè ac vehementer exprimere, cum itaque oris habitus, vocis inflexio, orationisque concinnitas vim verbis addat, auditorum & spectatorum animos sibi conciliant, & ad id præparant ut ejusdem quâ afficiuntur imaginis impressionem mechanice, ut ita dicam, excipiant. Quæ enim altè menti nostræ infusa sunt, altè etiam à nobis aliorum mentibus infunduntur; Qui vehementi movetur affectu, eodem alios ut plurimum movet, & ipsius Rhetorica licet irregularis est tamen flexanima. Habitus enim & modus externus ut potè sensibilis, in imaginationem hominum vividius agit, quàm solidissima argumenta, si mente sedatâ proferantur; hæc enim ratiocinia nec sensus, nec imaginationem afficiunt.

Qui igitur imaginatione pollent, hoc cæteris præstant, quod ardeant, moveant, persuadeant, quia nempe cogitationum suarum imagines sibi formant perquam vividas & sensibiles. Sed aliæ præter eas sunt rationes quibus animos sibi devinciant. De rebus ut plurimum facilibus, & obviis duntaxat loquuntur. Iis utuntur terminis, qui nil excitant præter notiones sensuum confusas, quæ nos semper vehementissimè movent. De rebus sublimibus & arduis nullam agunt mentionem nisi vagam, ac veluti per locos communes; Res enim sigillatim, penitus, & à principiis suis introspicere non audent, sive quia hæc illos fugiunt; sive quia timent ne verborum penuriâ, sese intricent, ac ingenii attentioni non alius negotium facessant.

Ex supra dictis non obscurè liquet imaginationis inordinatæ vitia esse admodum contagiosa, ac in plerorumque ingenia facillimè irrepere. Cum autem isti homines forti imaginatione præditi sint plerumque rectæ rationis Antagonistæ, propter ingenij exilitatem, ac cerebri phantasmata; hinc colligere pronum est; istam vitiorum & perturbationum imaginationis contagionem, inter errorum nostrorum causas, esse maximè generalem. Sed hæc exemplis & experimentis familiaribus sunt confirmanda,

CAPUT II.

Exempla generalia quibus imaginationis vis demonstratur.

Frequentissima suppetunt istius communicationis imaginationis exempla, in liberis respectu parentum, ac potissimum in puellis respectu matrum; in famulis respectu herorum, ac in ancillis respectu dominarum, in discipulis respectu præceptorum, in aulicis respectu Regum, & in genere in omnibus inferioribus respectu superiorum: dummodò parentes, magistri, aliique Superiores aliquâ polleant imaginationis vi; sin minus imaginatio debilis parentum, aut magistrorum, nullam fortè impressionem in liberis & servis efficeret.

Ista communicatio inter pares etiam deprehenditur; sed rariùs, quia inter eos non est veneratio illa quâ ingenia ad id disponuntur, ut nullo examine admisso impressiones imaginationum fortium imbibant, hæc etiam communicatio in superioribus respectu inferiorum observatur; Hi, scilicet, imaginatione adeò vivida & imperiosa sunt præditi, ut superiorum suorum animos pro lubitu inflectant.

Parentes in liberorum imaginationem vehementissimè agere nemo est qui non percipiat, si attendere velit istas dispositiones naturales, quibus ad id comparatur, ut eos quibuscum degimus imitemur iisdemque quibus ipsi moveamur affectibus, longè firmiores esse in infantibus respectu parentum, quàm in cæteris hominibus. Cujus multæ possunt afferri causæ. Ac prima quidem ex eo deducitur quòd eodem sanguine sint formati. Quemadmodum enim parentes sæpissimè transmittunt in liberos dispositiones ad quosdam morbos veluti hæreditarios, quales sunt morbus articularis, calculus, infania, ac in genere omnes illi morbi qui per accidens non irrepserunt, aut qui non ex sola extraordinaria humorum fermentatione orti sunt, quales sunt febris, &c. illos enim morbos non posse communicari liquet; ita dispositiones cerebri sui infantium cerebro imprimunt, imaginationem ipsorum ita inflectunt, ut easdem ac ipsi concipiant opiniones.

Secunda ratio hæc est. Infantes scilicet rarè utuntur familiari cæterorum hominum commercio: ex quo alia vestigia ipsorum cerebro possent insculpi, ac perpetuus ut ita dicam impressionis paternæ nixus infringi. Nam sicut qui patriæ cancellos nunquam est prætergressus mores ritusque peregrinorum à ratione prorsus alienos ducit, quia eos à more patrio quem sequitur recedere videt; ita juvenis è domo paterna nunquam egressus, parentum sententias vivendique modos instar rationis universalis habet; seu potius haud credit alia esse rationis & virtutis principia quàm ea quæ apud parentes hausit. Parentibus igitur in omnibus credit, atque iis se conformat.

POIRE

Porrò ista impressio paterna adeò vehemens est ut non in imaginationem liberorum modò, verùm etiam in cæteras ipsorum corporis partes agat. Filius genitoris incessum, vocem & gestum imitatur. Filia eandem ac genitrix observat in ornatu compositionem, ejus incessum, vocemque etiam æmulatur. Si balbutit mater, balbutiet etiam filia, si cervicem inconcinne contorquet, filia itidem contorquebit. Denique liberi in omnibus imitantur parentes, in defectibus & moribus incompositis, ut & in erroribus & vitiis.

Multa præterea istius impressionis effectum confirmant & augent, sed præcipuè autoritas parentum, summus liberorum, & amor mutuus inter utrosque. Sed hæ causæ Aulicis, Ministris, ac omnibus, in genere, inferioribus non secus ac liberis communes sunt. Aulicorum exemplo rem sumus explanaturi.

Sunt qui de iis quæ non vident, per ea quæ sibi sunt conspicua judicent. De sublimitate, exempli gratiâ, de vi, ac de capacitate ingenij sibi ignotis, per nobilitatem, dignitates, divitias sibi notas. Aliud ex alio metiuntur; ipsimus ille status quo infra Magnates deijcitur, ipsisque subijcitur, cupido quæ ipsorum gloriæ participandæ tenemur, ingensque splendor qui ipsis affulget, nos eò plerunque adducit, ut mortales divinis, ut ita loquar, afficiamus honoribus. Quippe si Deus autoritate Principes donet, homines ipsis infallibilitatem arrogant; infallibilitatem, inquam, ita universalem, ut nullis in ulla re aut occasione, aut ceremonia circumscribatur cancellis. Magnates cuncta per se norunt. Quamquam de quæstionibus sibi prorsus inusitatis decidant, recta tamen ratio ab ipsis semper stat; qui ipsorum dicta expendere audet, is est rudis rerumque imperitus. Is à veneratione ipsis debita desistit qui audet dubitare. Ac denique qui ipsos damnat rebellionis reus est, ineptit, delirat, cunctisque debet ludibrium.

At verò si Magnates nos favore suo dignentur, tùm si ipsorum dictis calculum non adjicimus, non perveraces & rebelles modò, sed & ingrati, & perfidi habemur. Piaculum est quo ab ipsorum gratia æternum arcemur. Unde fit ut aulici, atque adeò omnes subditi in verba, & opiniones Regis nullo adhibito examine jurent; ac in rebus etiam Religionis sese ipsorum arbitrio sæpillimè permittant.

Britannia, & Germania istius obedientiæ implis Principum imperiis præstitæ luculenta nobis suppeditant exempla. Nil aliud sonant Historiæ posteriorum sæculorum. Nec defuere homines ætate pro-
vesti, qui quater, aut quinquies Religionem mutaverint, mutantibus Principibus.

*Art. 17 Re-
lig. Eccl.
Anglic.*

Reges & ipsæ etiam Reginæ in Britannia in omnia sive civilia sive Ecclesiastica regimen sibi arrogant. Ipsi Liturgias, Festorum officia, Sacramentorum administrationem & participationem dirigunt & approbant. Prohibent, exempli gratiâ, adorationem Jesu-Christi in Eucharistia, quamvis ipsum genibus flexis pro more antiquo recipi jubeant.

jubeant. Uno verbo omnia immutant in liturgiis, ut eas novis n-
dei sacris articulis accommodent, atque de istis articulis judicandi
cum Parlamento, seu summa Curia, jus sibi tribuunt, non secus ac
Papa cum Concilio, uti videre est in statutis Angliæ, & Hiberniæ ini-
tice Regi & Reginæ Elisabethæ factis. Denique Reges Angliæ majorem
in subditos exercent potestatem circa spirituale quàm circa tempora-
le; miseri nempe homines rebusque terrenis dediti, bonorum suo-
rum quam fidei conservationem plaris facientes, Principum volun-
tati facile obtemperant, dummodò rei sue temporali non obster.

Varie vicissitudines Religionis in Suecia, & Dania imperium il-
lud quo nonnulli in alios pollent satis superque nobis probare pos-
sent; sed harum vicissitudinum aliæ sunt etiam causæ non leves.
Possunt quidem mutationes istæ stupendæ contagiosam imaginationis
communicationem probare; sed ista argumenta generalia nimis &
vasta mætem potius perstringunt & stupefaciunt quam illuminant. Quia
nempe ejusmodi eventus insperati pendent à nimio causarum concursu.

Si aulici cæterique homines veritates certas, essentielles, ac sine
salutis dispendio non deferendas, deferant tamen; quanto minus
veritates abstractas parùm certas & utiles audebunt defendere. Si Re-
ligio Principis sit Religio subditorum, quanto magis ratio religio-
ne inferior, erit etiam subditorum ratio. Principis itaque opiniones,
voluptates, affectus, lusus, verba, vestitus, omnes denique actiones usu
apud omnes invalescent: quid moror? Princeps ipse est norma
usûs essentialis. Nec fieri potest nisi rarò admodum ut contra usum
rituumque receptum peccet. Cùm autem omnes usus mutationes nil
aliud sint quàm varia ornamenta, variæque venustates; nemo est qui
mirari debeat Principes tam fortiter agere in imaginationem cætero-
rum hominum.

Si Alexander inclinet caput, omnes ipsius aulici caput inclinant.
Si Dionisius Tyrannus Platone Syracusani adveniente, Geometriæ
operam naver, illic Geometria floret, istiusque Regis palatium (in-
quit Plutarchus) videas conspersum pulvere quem excitant figura-
rum delineatores. At verò simul ac Plato isti Principi indignatur
& Princeps voluptatibus denuò indulgens studium Geometriæ
fastidit, aulici exemplò eandem insistant viam. Ipsos dicas, pergit
idem, fascinosos & veneficæ cujusdam Circes incantamentis in alios
homines transmutatos. E Philosophia ad intemperantiam transgre-
diuntur. Philosophiam respuunt ut voluptates illicitas quas mox
horrebant, sectentur. Sic Principes vicia in virtutes, virtutesque in
vicia transformare; omnesque illorum ideas mutare uno verbo pos-
sunt. Ad minimum ipsorum nutum, gestum, laborum aut oculorum
motum res eò deveniet, ut vera scientia, & eruditio * ludimagi-
tro digna occupatio videatur; temeritas, ferocitas, sævitia pro ma-
gnanimitate habeatur, ac denique impietas & licentia pro virtute
& libertate animi.

*In operibus
moralibus.
Quomodo di-
scipuli possit
adulator ab-
amici.*

* Pedante-
ria.

Sed in hoc, ut in cæteris, præsuppositum velim Principes pollere imaginatione forti & vivida; alioqui orationes ea non possent instruere energia, & forma, quæ ingenia debilia sibi devincit atque subjugat.

Quod si imaginatio sola, rationisque auxilio destituta tantos edere valeat effectus: certè nihil adeò inauditum, adeoque insolens est quod non possit persuadere, si rationibus saltem verisimilibus innitatur. Rem probo exemplis.

Diodor. Si-
en. bibl.
lib. 1.3.

Antiquus quidam Author refert Aulicos apud Æthiopas istius olim fuisse dementiae ut se claudos, & deformes redderent, aut sibi membra quædam truncarent, quin & mortem conficerent Principis imitandi causâ: Rege claudicante, vel altero ex oculis capto indecorum erat stipatoribus ipsius, binos habere oculos, aut rectos incedere: quem admodum nemo est qui in aula nunc audeat sese ostentare cum Cæsario rugato & striato galericulo, aut cum ocreis albis calcaribusque auratis, vel aliis eiusmodi ornamentis quæ nunc obsoleverunt. Æthiopum ille mos absurdus quidem & molestus, sed usæ receptus erat. Illi omnes sese alacriter accommodabant, spero dolore in ejusmodi ritu perferendo, in id tantum collimabant ut generositatem, studium, constantiamque Regi suo testatam facerent. Denique istius ritus absurditas illegitima amoris causâ innixa, pro lege habita est, ac diutissime obtinuit.

Qui in Orientem iter fecerunt hunc morem in multis regionibus nondum obsolevisse, aliosque non minus ridiculos invaluisse tradunt. Sed quid tam remotas gentes quærimus? certè in nostra etiam Gallia religiose observantur leges & ritus absurdi & molesti, ubicunque sunt homines affectibus suis indulgentes, & ubicunque imaginatio rationi dominatur ibi stupenda in moribus absurditas & inconstantia. Quid dicas de mulieribus nostratibus quæ dum durissima sævit hyems nudato pectore incedunt, & vigente æstatis calore, vellibus ita artèis amittuntur, ut vix respirare posse dicas. Certè si ex illo ritu non tanto dolore ac Æthiopes afficiuntur maori saltem pudore suffundi deberent. Si Æthiops oculos sibi effodiat generositatem potest saltem causari, quid verò causabitur matrona Christiana ea ostentans quæ natura & Religio ipsam occultare jubent? Se morem receptum sequi dicit, & nihil amplius? Verum iste mos est absonus, infestus, indecorus ac omnimodè Christianis indignus. Originem suam non aliunde ducit quàm à manifesta rationis deoravatione, & secreta cordis corruptione; sine scandalo non potest observari: qui illi adhæret à rationis partibus ad imaginationis partes, à puritate ad impuritatem, à spiritu Dei ad spiritum mundi manifeste dehect, uno verbo, omnes rationis & Evangelii leges violat? quid facias? usus sic voluit, iam autem usus, si hominibus sæculi credas, sanctius debet observari, quàm lex ipsa quam Deus digito suo inscripserat tabulis Moïsi, quamque à spiritu suo pectoribus Christianorum insculpit. Certè haud scio an Galli Æthiopes, merito possint deridere, Qui Regem coclitem & claudum, cocliritibus etiam

etiam, & claudis stipatum videret risum equidem primò fronte vix posset tenere; sed tempore succedente ridendi tandem heret finis, istàque magnanimitas & veluti devotio admirationem fortè potiùs pareret quàm risum. At verò de moribus, aut modis qui apud Gallos obtinent res secùs se habet. Ipsorum absurditas nulla nititur ratione verisimili si minorem afferunt molestiam, tantò magis ridiculi sunt. Quid plura? ritus à ratione adeò abhorrentes tantam esse sæculi corruptionem ostendunt, ut nulla ampliùs sit relapscentiæ spes.

Quæ de Aulicis dicta sunt, de plerisque famulis ergo heros de ancillis erga heras, atque ut fiat temporis compendium de omnibus inferioribus erga superiores intellecta velim, sed præcipuè de liberis erga parentes: liberi a parentibus ita pendent, ut nemo magis; parentes illos complectuntur amore, omnium maximè intimo, ac denique ad submissiões & obsequia ratione ducuntur, quæ ipsius rationis modum quandòque excedunt.

Cæterùm imaginatio aliquando sufficit nonnullis ut agant in imaginationem; nec semper necessaria sunt autoritas, & imperium. Nonnulli interdum reperiuntur, nobis incogniti, nulliusque apud nos præconceptæ existimationis, quibus tanta imaginationis vis est, tantaque in verbis energia & vivacitas, ut nos etiam incautos & incogitantes persuadeant; dum ne vel quid persuadeant possumus assequi. Id quidem videtur incredibile, crebrò tamen accidit.

Ista autem imaginaria persuasio aliunde oriri nequit quam ex vi ingenij hominis cuiuspiam phantastici, qui multa quæ ipse non intelligit vividè deblaterat, quique auditorum imaginatio ita contorquet ut cæcàm adhibeant fidem. Plerique enim impressione sensibili ita permoventur, stupefunt, perstringuntur, ut ex affectu suo de iis iudicium fiant quæ ipsi non intelligunt nisi confusè admodum. Ad id, quæso, sedulo attendant lectores, quid in semetipsis inter mutua hominum colloquia agatur seriò reputent, hanc veritatem crebrò experientur. Nec dubito quin hinc utilitatem non parvam percipiant.

Sed animadvertendum est duo valdè ad id conferre ut aliorum imaginatio in nos invalcat. Primò pietatis & gravitatis species quam præ se ferunt nonnulli. Secundò liberrimus, & audacissimus quorundam aliorum loquendi modus. Quippe juxta propensionem nostram ad pietatem aut licentiam, viri pietatem & gravitatem, aut præfractam audaciam impiamque libertatem affectantes in nos variè prorsus agunt.

Ex illis quidem alij sunt perniciosiores aliis: Cave tamen ne cuiusquam specie externâ deludaris; nec cedas nisi rationibus solidis. Ineptiæ possunt gravi & modesto proferri modo; impietates verò & blasphemiæ pietatis pallio obtegi. Examinandum igitur est, juxta Johannis præceptum num spiritus sint Dei, nec cuilibet spiritui fidentum. Dæmones in Angelos lucis sese nonnunquam transformant. Nec desuat qui speciem externam ad pietatem naturâ conformatam

habentes, apud homines verâ pietate præditi habeantur; atque hoc freti nomine homines ab officiis quibus necessariò & essentialiter tenentur atque etiam ab amore Dei & proximi audent liberos & immunes pronuntiare, ut eos praxi cuidam aut cæremoniæ Pharisaicæ subijciant.

* esprit
forts.

Sed imaginationes quarum vim & contagium fugere, nostrâ potissimum interest, sunt imaginationes nonnullorum hominum per orbem disperforum qui pro * ingeniis fortibus seu non vulgaribus haberi volunt, quam certè famam nullo comparant negotio. Qui enim peccatum originale, immortalitatem animæ negare; aut quoddam Ecclesiæ placitum impudenter exhibere sustinet, is eximiam ingenij fortis famam apud vulgus sibi conciliabit.

Tenuia illa ingenia igniculis quibusdam micant, ac nescio quâ specie libertatis & audentiæ aliorum ingeniis imperiosè dominantur, imaginationesque debiles ita disponunt ut verbis vividis & speciosis cedant, quæ quilibet attentus non posset audire nisi aspernabundus. in vocibus felices, in rationibus infelicissimi sunt. At verò quia homines, licet ratione præditi, sensibilem tamen habitus externi voluptatem ipsi rationi cujus examen arduum est præferunt, hinc fit ut ejusmodi ingenia aliis debeant palmam præripere, suos errores & malignitatem transmittere, imperio quod in aliorum imaginationem usurparunt.

C A P V T I I I

I. De vi imaginatio is quorundam Authorum. II. De Tertulliano.

Nullo argumento evidentiori vis quarundam imaginationum in alios potest demonstrari, quam potestate illâ quâ nonnulli Authores persuadere valent nullis adhibitis rationibus. Exempli gratiâ, Tertullianus, Seneca, & inter recentiores, è Gallis, Montagne, & quidam alij, sermones suos nescio quo componunt modo quo plerisque demulcent, atque perstringunt, quamvis in istis scriptis illorum Authorum imaginatio imperfectè tantum pingatur & adumbretur. Ipsorum voces licet mortuæ rationem multorum efficacitate suâ superant, ita pervadunt, penetrant, subjugant mentem, ut eam ad cæcam ac veluti insciam obedientiam tyrannicè adigant. Mens quidem assensum præbere non recusat, sed cui assentiretur; cum rem propius explorare intendit, nil deprehendit præter spectra quæ cum sua pompa & fulgore in auras abeunt.

Vide illustra-
tiones.

Et si Authorum supra laudatorum scripta ad vim imaginationis demonstrandam sint aptissima, nolim tamen illa in omnibus damnare. Quædam sunt in iis adeò scita ut ea non possim non laudare; nec in universalem

universalem multorum seculorum approbationem invehi animus est. Tertullianum in multis, ut in apologia sua adversus gentes, & in libro de Præscriptionibus adversus hæreticos, Senecamque in nonnullis demiror & exosculor; licet totum Montagne parvi faciam.

Tertullianus erat quidem eruditissimus, sed memoriâ potius pollebat quam iudicio; memoria ipsius erat sagax & vasta, non vero ingenium: nec est quod quis ipsum *paragone*, eo quem explicui sensu, fuisse, ac is fere omnibus quæ ingeniis inordinatis imputavi vitis laborasse inhiæretur. Assensus & obsequium quod Montani ipsiusque Prophetissarum visionibus præstitit, illius iudicii debilitatem satis superque demonstrant. Aestus ille, motus immoderati, enthusiastæ circa res minimas ipsius imaginationis perturbationem manifeste ostendunt. Quot commotiones immodicæ in ipsius hyperbolis & figuris? quot splendide & magnificæ rationes quæ perstringendo, & stupefaciendo tantum persuadent, & probant?

Quorsum, exempli gratiâ, causam dicturus cur pallium Philosophicum indueret non togam quàm tum induere solebant, dicit illud pallium Carthaginî olim in usu fuisse? an quia olim Majores nostri castitio, & galericulo utebantur, eodem uti ornamento nobis licebit? an mulieres ut olim capitis ornabantur nisi in * Bacchanalibus?

* an Carni
val.

Quid de magnificis & ambitiosis istis descriptionibus vicissitudinum mundi, poterit inferre? an hæc ipsum absolvunt? Luna in phasisibus sua varia est, annus in tempestatibus; ager per hyemem aliam induit faciem quàm per æstatem. Regiones integræ aquarum eruptionibus fuerunt inundatæ, aut terræ moribus absorptæ. Novæ urbes, novæque coloniae fuerunt conditæ, tota denique natura variis obnoxia est vicibus. Ergo Tertullianus merito togam exiit ut pallium indueret. Quid, quæso, variæ istæ mutationes & innumerae aliae, quas anxie disquirat, & obscurè contortè, ac ingenti describit molimine, cum suo instituto? Pavo pedem non movet quin colorem mutet, serpens foramen aliquod subeundo exuta senectâ novam induit pellem: ergo legitime vellem mutavit? Quis sanguine frigente, & sedato animo tam ridiculas eliciat conclusiones, quis Authorem illum eas elicientem sibilo non exciperet, nisi strepitu suo lectorem præverteret & obrunderet?

Cap. 1. & 2.
de pallio.

Torus penè ille libellis de pallio rationibus ab instituto aequè alienis scatet; quæ certè nil probarent, si mens sese obtupeceri non pateretur, sed his immorari inutile foret, id urum monuisse sufficiat, videlicet si animi rectitudo æque ac perspicuitas & evidentia in verbis, debeant elucere in scriptis, quia non alium oî finem sectamur quàm ut intelligamur; si id, inquam, ita sit Author ille excusatione caret; quippe qui, referente Salmasio inter Criticos hujus sæculi facile Principe, omnem contulerit operam ut obicurus esset, ulque addidit ut Commentator ille dejerare non dubitet, ipsum à nemine unquam omnino intellectum fuisse. Quicquid sit, licet mos illius Gentis, vius

Multis enim
vidi possi
quàm bene
assensum
eum assen
tentur, nihil
præter judi
tem & in
nem animi
fatigationem

*lucrat, ab
oim lectione
discessisse, sic
quæ Socrinus
haberi videri
vique dignus,
qui hac cog-
nomantem
habere vo-
luit, addit
quod voluit
a semetipso
impetravit,
& efficitur id
quod opta-
bat voluit,
ut liquido
iurare au-
sim neminem
ad hoc t. m.
pm existisse,
qui possit iu-
rare hunc
libellum à
capite ad
calcem us-
que totum à
se non minus
bene intelli-
tum quàm
lectum.
Salm in ep.
ded. comin.
in Tert.*

illi sæculo solennis, aut denique satyræ & ironiæ natura seu genius possint illud obscuritatis & ἀκρωτηριασμοῦ studium excusare, non possunt tamen ferri ineptæ rationes & Aithoris insipientia, qui d blaterare non veretur quicquid in buccam veli: dummodò insolenti aliqua cogitatione, aut terminis inusitatis & magnificis imaginationis vim aut potius perturbationem se ostentaturum speret.

CAPVT IV.

De imaginatione Seneca.

Senecæ imaginatio ad rationem interdum non magis accedit quàm Imaginatio Tertulliani. Motus ipsius impetuosi, in loca ei ignota ipsum nonnunquam absipiunt, quæ tamen eadem perlustrat confidentia, ac si ipsa sæpissimè trivisset, dummodò magnis itineribus incedat, concinnas, & numerosas adornet periodos, multum se promovisse autumat: sed certè iis similis est qui choreas agentes semper redeunt unde primò venerunt.

Vis & elegantia verborum, à vi & evidentia rationum apprimè semper sunt distinguendæ. Multum sanè in verbis Senecæ apparet energię & elegantię, at in rationibus valoris & evidentię parum, verba sua imaginationis vi, istà instruit formâ, quâ possint movere, agitare, ac persuadere impressione suâ, iis verò perspicuitatem, & lumen illud purum non affundit, quâ mens illuminatur & persuadetur evidentia, non verò impressione physicâ. Convincit quia commoveret, & allubescit, at vix credam illius lectione eos persuaderi quibus sanguis in venis est sedatus, quique adversus præjudicia cauti, non cedunt nisi perspicuitate & evidentia rationum devicti. Uno verbo dummodò placeat & venustè loquatur, quid dicat parum sollicitus est, quasi quis id ritè persuadere possit cujus conscius apud se non est. Persuadet itaque persuasione cæcâ, quam qui admiserunt, non satis attingunt quo pacto illam admiserint: quasi mens pari deberet sese persuaderi, nisi rem prius examinatam distinctè cognoscat.

Quid pompam magis sonat, quàm idea sapientis ab ipso tradita; sed quid etiam vanitatem, illusionemque magis redolet. Quam nobis tradit Catois idea, illustrior est quàm ut genuina haberi possit: præstigiæ sunt quæ iis duntaxat fucum faciunt qui naturam hominis non norunt. Cato iisdem calamitatibus ac cæteri homines erat obnoxius: ipsum invulneratum dicere mera est hallucinatio. Qui illum ictibus periebant, haud dubiè etiam sauciabant; ipsi non erat adamantis durities ferro inexpugnabilis, nec rupis robur quod infringere nequeunt undæ, ut id pertendit Seneca. Uno verbo, haud erat sensu experts; nec id diffidetur ipse Seneca, cum imaginatione deservescente, ad ea quæ

quæ profert attendit. Lege verba ipsius Senecæ. Ita que non refert, quam multa in illum tela conspiciantur, cum sit nulli penetrabilis, quemodo quorundam lapidum inexpugnabilis ferro duritia est; nec secari adamas, aut cadî vel teri potest, sed incurrentia ulterô retundit: quemadmodum projecti in altum scopuli mare frangunt, nec ipsi ulla savitæ vestigia rot verberati saculus ostentant. Ita sapientis animus solidus est, & id telorum collegit, ut tam tutus sit ab injuria, quam illa quæ extulit; Sen. cap. 5. Tract. Quod in sapientem non cadit injuria.

Quid igitur? nunquid fatebitur sapientem suum ad miseriam posse redigi, cum doloris sensum possit percipere? minimè verò, dolor sapientem suum non afficit; doloris formidine non tenetur supra fortunæ vices, hominumque malignitatem sese extulit. Hæc illum anxium habere nequeunt.

Adsum hoc vobis probaturus, inquit; sub isto rot civitatum everfore munimenta incursû arietis labefieri, & turrim altitudinem cuniculis ac latentibus fossis repente resulere, & aquaturum editissimas arces aggerem crescere. At nulla machinamenta posse reperiri, quæ bene fundatum animum agitent. Et infra, non Babylonis muros illi contuleris, quos Alexander intravit, non Carthagini aut Numantia moenia una manu capta, non capitolium arcemve, habent ista hostile vestigium, cap. 6.

Quid tu putas cum solidus ille Rex multitudine telorum diem obscurasset usam sagittam in solem incidisse. Ut cælestia humanas manus effugiant, & ab his qui templa diruunt, aut simulachra constant, nihil divinitati nocere, ita quicquid sit in sapientem, protegere, petulantier, superbè frustra tentatur. cap. 4. Inter fragorem templorum super Deos suos caventium uni homini pax fuit. cap. 5.

Non est quod dicas ut soles, inquit ille, hunc sapientem nostrum nusquam inveniri. Non fingimus istud humani ingenij vanum decus nec ingentem imaginem rei falsa concipimus sed qualem confirmamus, exhibemus & exhibebimus. Caterum hic ipse M. Cato vcreor ne supra nostrum exemplar sit. cap. 7.

Videor mihi, pergit, intueri animum tuum iacensum & effervescentem: parvas acclamare. Hæc sunt, quæ auctoritatem præceptis vestris detrahant. Magna promittis, & quæ ne optari quidem nedum credi possunt. Et infra. Ita sublato, altè supercilio in eadem, quæ ceteri descendit mutatis rerum nominibus; tale itaque aliquid, & in hoc esse suspicor, quod prima specie pulchrum atque magnificum est, nec injuriam, nec contumeliam accepturum esse sapientem; & infra. Ego verò sapientem non imaginari honore verborum exornare constitui, sed eo loco ponere, quo nullus perveniat injuria.

Hinc patet quò fortis Senecæ imaginatio debilem ipsius abripiat rationem. Qui heri potest ut homines ærumnarum & infirmitatum suarum quotidie sibi ipsis conscij tam altos & superbos induere possint animos? Quis mente sanus sibi persuadeat se dolore quo afficitur non lædi? Sed quid nobis Catonem obtrudit, Seneca? Certè quantumvis ipsi tribuatur fortitudinis & sapientiæ, eò tamen nunquam devenit ut non dicam atroces populi ipsum invadentis, verberantis & spoliantis injurias, sed vel muscæ aculeum, immortis posset perferre. Si cum invictis quæ ex experientiâ nostrâ petimus argumentis conferas.

conferas istam Senecæ ratiunculam, quam tamen palmariam esse ducit, quid ea debilius? Audi egregiam istam rationem.

Validius esse debet quod ledit eo quod leditur, non est autem fortior nequitia virtute, non potest ergo ledi sapiens. Injuria in bonos non tentatur nisi à malis, bonis inter se pax est. Quid si ledi nisi infirmior non potest, malus autem bono infirmior est, nec injuria bonus nisi à dispari verenda est, injuria in sapientem virum non cadit. cap. 7. Quid si hisce respondeas omnes homines esse peccatores ac proinde calamitate dignos; ut id nos docet Religio aut licet nequitia non sit fortior virtute, probos tamen à nequioribus posse viribus superari, ut id testatur experientia?

Epicurus ait Epicurus meritò quidem dicebat *injurias tolerabiles esse sapienti*, ac Seneca immeritò asseruit *sapientes injuriis non posse ladi*. Virtus Stoicorum ipsis malorum sensum non poterat adimere; cum vera virtus non impediatur quominus, miseriæ obnoxij commiserationem etiam mereamur. Divus Paulus & primi Christiani Catoni & omnibus Stoicis antecellebant virtute; non negaverunt tamen dolores quibus vexabantur ipsos ad miseriam adduxisse, quamvis ad mercedis æternæ spem erigerentur. *Si tantum in hac vita sperantes simus, miserabiliores sumus omnibus hominibus*, inquit Paulus.

Deus solus gratiâ suâ veram solidamque virtutem nobis imperari, ac solus proinde ad veram solidamque beatitudinem nos perducere potest; verum illam in hac vita nec nobis pollicetur, nec largitur, illam in futuro sæculo ex ipsius justitia sperare par est, ut mercedem afflictionum quas propter ipsius nomen sumus perpeSSI, pæce illâ & requie nunquam interruptâ nondum potimur. Ipsa Jesu-Christi gratia vires nobis non suppeditat invictas; nos adhuc miseriæ nostræ sensui permittit; ut nostræ fragilitatis convicti cognoscamus nihil in terra esse quo non possimus lædi; utque injurias nobis illatas eâ perferamus patientiâ quæ ex humilitate & modestiâ Christianâ oriatur, non verò ex superbia & ferocitate, quæ in Catonis constantia sese præbebat conspiciendam.

Seneca cap. 14. ejusdem libri.

Cato colaphum sibi impactum non ægrè tulit; non ultus est; nullam etiam concessit veniam; sed sibi ullam fieri injuriam arroganter negavit. Ipsius patientia nihil aliud sapiebat quàm superbiam & ferocitatem; erat inimicis injuriosa; ipsos enim hac Stoica patientiâ in belluarum adversus quas irasci indignum est viro sapienti, numerum accensebat. Hunc erga inimicos despectum non aliunde quàm ex maxima sui existimatione oriundum, magnanimitatem vocat Seneca. *Majori animo*, inquit, de injuria Catoni illata loquens, *non agnovit quam ignorasset*. Quâ dementiâ confundit ille magnanimitatē cum superbia, patientiāque ab humilitate sejungit ut eam cum intoleranda proressus conjungat ferocitate, sed quàm blandē ejusmodi dementia vanitati hominis, qui cedere ac sese dejicere semper recusat, palpat; & quàm perniciosum est Christianis magistri adeò præcipitis, qualis est Seneca, doctrinam imbibere; ipsius enim imaginatio adeò fortis, adeò

addeò vivida est ut ingenio debiles, & ad sensibiles voluptates propensos frangat, perstringat, ac torrentis instar secum abripiat.

Discant potius Christiani à suo Magistro, se ab impiis posse injuriis affici, probosque nonnunquam, sic dirigente Providentia, malorum impietati permitti. Jesus-Christus sapientissimus inter sapientes, immò infinità præditus sapientiâ, à Summi Pontificis Ministro colapho exceptus, non diffitetur se ab isto Ministro fuisse læsum, non irascitur; non ut Cato, ulciscitur; sed utpotè veram passus injuriam ignoscit, suos quidem inimicos ulcisci immò perimere poterat; sed cum patientia humili, modesta, nemini, ne vel aggressori injuriosa, mala sibi inflicta tolerat. Cato è contra cum injuriæ sibi factæ ultionem re ipsa nec posset nec auderet exigere imaginariam saltem apud se fingit, quæ suæ palpet vanitati & superbix; sese supra nubes mente sublimem fert; hinc homines ut pusillas muscas quæ ipsum nec lædere, nec ad iram provocare valeant, despicit. Figmentum sanè sapienti Catone dignissimum. Ex hoc enim figmento nascitur illa magnanimitas & constantia quâ evehitur ad Deos. Hoc pacto humanæ malignitati & violentiæ subductus, illæsus factus est.

Heu demens Cato, qui te virtute tuâ cæteris mortalibus superiorem evasisse putas! quicquid de te sentiant homines, coram Deo sapientia tua est mera insipientia, tuamque magnitudinem ipse abominatur.

*Sapientia
huius mundi
stultitia est
apud Deum.
Quod homi-
nibus altum
abominatio
est, ante
Deum. Luc.
16.*

Porro multifariam insaniunt homines. Alij se in gallos gallinaceos, & in gallinas transformatos fuisse; alij se ad Regni aut Imperij clavum sedere, imaginantur. Alij denique Deorum exemplo ἀντιθεσίαν, seu independentiam sibi arrogant. Ij quidem insani apud homines audiunt qui sese in gallos aut Reges transmutatos fuisse autumant; at verò in eundem insanorum numerum ij non semper referuntur, qui se virtute suâ Diis similes factos & ab omni authoritate & imperio solutos esse credunt. Cur autem de his apud homines idem non sit judicium ac de illis hæc est causa, ut nempe quis insanus habeatur, non sufficit ipsum habere cogitationes per se insanas; necesse est prætereà ut ab hominibus insanæ & ridiculæ censeantur. Insani enim alienam non agnoscunt insaniam, sed viri tantum sapientes; non secus ac sapientes ab insanis tales non existimantur. Ij igitur qui se gallos aut Reges factos fuisse putant insanire existimantur apud homines, quia nemo credere potest galli formam, aut Regiam dignitatem comparatū esse ita facilem. At verò ab omni ævo Mortales ad Deorum conditionem se extolli posse arbitrati sunt. Hanc cogitationem tanquam verisimilem iis semper induxit ipsorum vanitas. Illam à primo parente hauserunt. Quippe ex historia tentationis patet πλάσας id sperasse, cum Dæmoni ipsis pollicenti fore ut Deo similes evaderent, (Eritus sicut Dii) obsecundarunt. Ipsæ intelligentiæ purissimæ maximis ornatae dotibus superbiâ & φιλαυλία ita occæcatae fuerunt, ut Divinæ authoritatis jugo excusso, Dei thronum occupare conatae

fuerint. Quis miretur si homines Angelis quoad puritatem & luminis inferiores, iisdem vanitatis motibus ducti cæcutiant & decipiantur.

Si magnitudinis & independentiæ tentatione vehementius moveamur quàm omnibus aliis tentationibus id aliunde non est quàm quia illa tentatio rationi & inclinationi nostræ magis indulget, quemadmodum olim magis indulsit rationi & propensioni primorum ipsarentum, quoniam nostræ imbecillitatis & inopiæ quæ rebus omnibus submittimur non semper conscij sumus. Si sèrpens Parentes nostros compellasset hac præmissâ interminatione, nisi de fructu à Deo vobis interdicto comedatis, tu in gallum, tu verò in gallinam transformaberis; ausim certè afferere ipsos adeò crassam tentationem exhibuisse; ut nos illam exhibilem si nobis obtruderetur. At verò Cacodæmon de aliis per semet judicans, ambitionem & *avaritiam* amorem aniam esse cognovit, quæ prehendi & retineri poterant.

Secunda causa quæ afferri potest cur ij qui se gallós aut Reges factos fuisse putant, insanire credantur; ij verò qui se à quoquam lædi posse negant, quia dolore superiores sunt, in eundem non refrantur numerum, in eo consistit quòd Melancholiâ Hypochondriacâ affecti errores suos omnibus dent manifestos; nemo est qui ipsorum perturbationis testis oculatus esse non possit. Sed, dum Caro asseverat se istius inimicorum immortæ mente accepisse, ac omnes injurias quæ sibi possent inferri susque deque habere; id tantâ gravitate, tantâ audaciâ asserit, vel saltem potest asserere, ut vix queas discernere an idem pectore gerat quod habitu externo testatur. Et immotus ille quem præ se fert corporis status, constantiæ animi nos certiores facere videtur. Habitus enim externus corporis, internæ mentis dispositionis ut plurimum index est. Ita qui mendaciâ sua audaciter & intrepidè oggerit, is incredibilia quæque nonnunquam persuadet. Illa enim audacia est argumentum sensibile; ac idèd plerisque validissimum & efficacissimum. Pauci sunt igitur qui Stoicos habeant insanos, aut saltem impudentes mendaces, quia id quod tenent mente repositum externis non apparet signis; quibus perquam faciliè decipiuntur non pauci; præter quam quòd ingenua nobis vanitas eò nos faciliè adducat, ut homini istam magnanimitatem & independentiam affingamus.

Hinc liquidò patet errores quibus scatent Senecæ libri esse omnium maxime exitiales & contagiosos, quippe qui sese molliiter insinuent, vanitati humanæ palpum faciant, & ad illum errorem cui primos Parentes nostros mancipavit Diabolus quàm proximè accedant. Illi errores apud illum Authorem magnificis & præfulgidis circumcinguntur ornamentis, quibus pleraque ingenia faciliè pellicuntur; mentem subeunt, totam occupant, obrundunt, & occæcant, non cæcitate quidem quæ miseros illos mortales ad humilitatem & ignorantiam agnitionem ac illius coram aliis professionem ferat: sed cæcitate ex qua oritur superbia, cæcitate quæ falsam quandam præ se fert lucem, qua perstringuntur. Qui hisce superbix tenebris semel fuerunt perusti,

seles ..

sele protinus inter egregia & intrepida annumerant ingenia: quin à cæteris etiam hominibus in eum ordinem collocantur, admirationemque consequuntur. Quid igitur hac cæcitate quam ex istis erroribus contrahimus exitius potest excogitari? Homines enim non modò ita sunt vani, sensibus & affectibus mancipati, ut cæcitatem istam disquirant & affectent, sed eam etiam aliis, communicare conentur. Ex nullo igitur Authore aptius quàm ex Senecâ posset demonstrari, quantum sit contagiosa nonnullorum, qui ingeniosi, & fortes habentur imaginatio; quantumque imaginationes illæ fortes & vivide agant in mentes debiles & parùm eruditas; non equidem rationum evidentia & validitate, sed vivâ quadam & eleganti orationis formâ, quæ ex imaginationis vi pender.

Non me equidem later Authorem illum magnam sibi existimationem inter homines conciliasse, temeritatis proculdubio apud multos insimulabor; quòd de illo tanquam de homine cui nimia sit imaginatio, ingenij verò non satis, loqui ausus fuerim. Verùm illa ipsa, in qua est existimatio; me in hæc impulit verba; non quidem quòd ipsi morosè invidiam; sed quia ingens illa fama multos excitabit ut errores ejus confutatos expendant. Cum aliquid grave & momentofum profertur in medium, id quantum fieri potest illustrioribus confirmari debet exemplis; Qui Authorem carpit, ipsius gloriæ non rarò consulit. Sed ut ut sit, si quid est in Senecæ scriptis quod reprehendam solus in ea non sum sententia; namque ut non paucos hujus sæculi viros eruditione claros prætermittam, ante mille & sexcentos annos, aut circiter, Author quidam sagacis judicii observavit Senecam 1. in Philosophia parùm diligentem fuisse. 2. parum judicii & *mixtæ* an ipsius elocutione. 3. ipsius famam potiùs puerorum amore & imprudenti æstu, quàm eruditorum & sapientum consensu invaluisse.

Erroris crassos scriptis publicis profligare inutile est, quippe qui contagiosi non sint. Frustrâ homines moneas hypochondriacos insanire, nemo est qui id ignoret. At verò si quos magni faciunt, errant, tam ipsos monere necesse est, ut ab errore libi præcaveant. Jam autem spiritum Senecæ esse spiritum vanitatis & superbiæ manifestum est: Cum itaque juxta S. Scripturam superbia sit peccati origo, *instium peccati superbia*, spiritus Senecæ non potest esse spiritus Evangelij, nec ipsius Ethica cum Ethica Christiana quæ sola solida est & vera, conciliari.

Omnes equidem Senecæ cogitationes non sunt falsæ & periculosæ. Qui recto præditi ingenio Ethicæ Christianæ doctrinam sunt assequuti, ipsum cum fructu legere possunt, eo utiliter usi sunt Viri clari, nec mihi propositum est eos vitiuperare, qui sese eorum captui qui Senecam æquo pluris pendebant accommodaturi, ex istius Authoris operibus argumenta deprompserunt ad confirmandam Ethicam Christianam, & inimicos Evangelij propriis ipsorum armis expugnandos.

In Alcorano quædam sunt non mala, & in Centuriis Nostradamii

1. In Philosophia parùm diligens.
2. Velles cum suo ingenio dixisse judicio alieno.
3. Si aliquem contempsisset, hoc consensu potius eruditorum quàm puerorum amore comprobatur.
Quintil. l. 10. cap. 1.

quædam veræ Prophetiæ deprehenduntur. Alcorano utimur ad convellendam Turcarum Religionem, & quis pariter posset uti Prophetiis Nostradami ad convincendos quosdam Phantasticos, verum quod in Alcorano est boni non potest efficere ut totus ille liber bonus dicatur; quemadmodum veræ quædam Centuriarum Nostradami explanationes nunquam efficient ut Nostradamus Propheta habeatur, & qui istis eo fine utuntur libris, ipsos reverâ probare & existimare merito dici non possunt.

Frustrâ etiam quis laboraret, si ea quæ dixi de Seneca impugnaturus, multas hujusce Authoris sententias asferret, quæ cum solidis Evangelij veritatibus consonarent. In illo quasdam esse ejusmodi sententias non diffiteor, ut & in Alcorano, & aliis impiis libris. Nec est etiam quod quis mihi innumeros obtrudat Authores qui Seneca usi sunt; sunt enim qui libro nonnunquam utantur, licet ipsius futilitatem agnoscant, quia nempe ij quibuscum res ipsis est idem non ferunt judicium de illo Authore.

Ut tota Stoicorum ruat sapientia unicum duntaxat experientiâ nec non supra dictis satis confirmatum teneri velim. Nos scilicet corpori nostro, Parentibus, amicis, Principi ac Patriæ nexu ita indissoluto adhærescere, ut etiam illum dissolvere nos pueret. Mens nostra corpori, & per corpus omnibus sensibilibus manu aded potenti unitur, ut unio illa à nobismetipsis interrumpi nequeat. Corpus nostrum pungi nequit, quin totum individuum pungatur etiam & lædatur; quoniam in eo versamur statû ut hæc mutua harmonia inter nos toros. & corpus nostrum sit omninò necessaria sic injuriis, & contumeliis excepti non possumus quin id ægrè feramus: Deus enim qui nos ad id comparavit ut societatem cum cæteris hominibus ineamus, in id omne etiam nos propendere voluit, quod cum iis nos adungere potest; atque illa propensio est prorsus invicta. Qui se dolore, & contumeliosis verbis superiores esse gloriatur, ita ut iis nec lædatur nec irritetur, is certè vana & chymærica jactat. Nemo Mortalium naturâ superior est, nisi accedente gratiâ. Nec ullus unquam excitit Stoicus qui proprio animi robore & constantiâ, gloriam & existimationem hominum adspernaretur.

Affectus suos affectibus contrariis vincere quidem possunt homines, timorem aut dolorem vanitate possunt superare, hoc est, à fuga & querela possunt temperare, cum ob multorum oculos positos sese conspiciunt, tum gloriæ cupiditate ipsos suffulciente, motus corporeos quibus in fugam verterentur sistunt. Hæc est ipsorum victoria; si id demum victoria dici possit. Hæc est ipsorum libertas, si quis se hoc pacto in libertatem vindicasse putet. Certè potiori jure dicas ipsos ad aliûs tyranni partes defecisse, vel servitutem ampliâsse. Ij scilicet homines sapientiæ, felicitatis, & libertatis speciem præ se ferunt quidem, sed duram reapse patiuntur servitutem. Unioni naturali quæ nobis est cum corpore nostro possumus resistere ope unionis qua cum

cæteris

cæteris hominibus conjungimur, quia nempe naturæ possumus resistere ipsius naturæ viribus. Deo possumus resistere viribus à Deo nobis concessis. Sed suapte ingenio nemo potest resistere Deo ; natura sine gratia non potest penitus vinci, quia nempe Deus, absit blasphemia dicto, vinci nequit, sine speciali Dei auxilio.

Magnifica itaque illa divisio rerum omnium in eas quæ à nobis non pendent, & à quibus pendere non debemus, videtur quidem rationi consentanea, sed corruptioni ex peccato contractæ nequaquam congruit. Cum creaturis, ex Dei instituto unimur, sed ab iis omnino pendemus per peccati labem. Cum itaque felicitas cum dolore & anxietate subsistere nequeat, non est quod in hac vita illam speremus beatitudinem; ea, nempe, adducti illusionem nos ab iis non pendere, quibus tamen naturâ nostrâ sumus mancipati. Omnis nostra felicitas in hisce terris ex fide viva & firma spe oriri debet, quæ nobis futuram beatitudinem per anticipationem repræsentent; nec possumus ex præceptis virtutis vitam nostram instituere, naturamque domare, nisi gratiâ quam nobis acquisivit JESUS-CHRISTUS, sustentemur.

C A P V T V.

De Libro Domini Montagne (Nobilis Galli.)

Liber ille Gallicè scriptus cui titulus est * specimina Domini Montagne nobis argumento esse potest virtutis quarundam imaginationum in alias. Tantâ enim libertate & *simplicitate*, tantâ ingenuitate & vivacitate scribit author ille ut ab ipsius laqueis vix possis te expedire. Negligentia quam de industria consecratur, ita venusta est, ut ab omnibus ametur; à nemine ideò contemnatur. Imperiosum ipsius ingenium cordatum sapit virum, unde fit ut venerationem potius quàm odium moveat. Qui liberalem illum, audacem, & viris nobilibus propriû agendi seu loquendi modum cum aliqua eruditione cōjungere didicit in ingenia tantâ agit efficacitate, ut de quacunque re judicet, in admirationem pariter & assensum adeò præcipitem rapiat, ut examini sæpissimè non detur locus, immò ne intellectui quidem dicta assequendi tempus. Dominus Montagne rationibus non persuadet, quippe qui nullas unquam rationes, nisi invalidas, & debiles afferat. Et revera nullis inter ratiocinandum nititur principiis; Ex principiis conclusiones nullo deducit ordine quippe sententia ex historiâ, aliquâ deducta nil demonstrat: Fabella nil probat: duo Horatij versus aut apophtegma Cleomenis & Cæsaris viros sanos non debent persuadere; ipsius tamen specimina nil aliud sunt præter rapsodiam Historiarum, fabularum, sententiarum, distichorum, & apophtegmatum.

Eo quidem consilio legendus non est D. Montagne, ut in eo ratio-

* Essais de Montagne.

cinia invenias; non ratiocinatur, indulget tantum genio suo; id sibi solum dat negotij, ut placeat, non ut doceat; si animi gratia ab omnibus legeretur, non esset ita damnosus. Sed ubi semel quid juvat ab ipsius amore temperare, & alimentis palato suavis non uti difficile est. Qui Authoris cujusdam lectione delectatur, in ipsius ut plurimum sententias descendit, aut ex iis aliquid saltem fugit quod ideo suis confusionem & obscuritatem obducit.

Sed præter periculum erroris ex libro D. Montagne contrahendi; voluptas quæ ipsius lectione percipitur, plus quam vulgò putatur flagitiosa est. Ista enim ex concupiscentia orta, illicitos affectus gignit & fovet. Nam stylus istius Authoris nos ideo tantum juvat quod sensus afficiat, & modo quodam impercepto affectus excitet.

Hæc citra D. Montagne, sicut & circa aliorum Authorum stylum qui nobis tantum arident propter secretam cordis corruptionem, sigillatim demonstrare non foret inutile, sed præterquam quod id non est instituti nostri, sermo longius producendus esset. Interea tamen si quis ad mutuam idearum & affectuum de quibus mentio habita est analogiam attendere velit, ut & ad id cuius intra se ipsum conscius est, dum librum aliquem ornatè & eleganter scriptum legit, is nullo agnoscat negotio, se eo Authore magis delectari qui affectibus suis & ingenio magis accommodatus est. Si genere sublimi, Nobili, & libero stylo delectetur, id ex eo est quod vanitate laborans ad exaltationem & imperium aspiret. Si ex libris molli, & effeminata pennâ conscriptis voluptatem percipiat; id etiam non aliunde est quam ex eo quod ad molliem & voluptatem sit pronus. Verbo; Ex rerum sensibilibus amore & sensu duntaxat, non verò ex veritatis perceptione nascitur admiratio & impotens amor quo erga nonnullos Authores etiam inviti ducimur. Sed ad D. Montagne redeamus.

Ipsius admiratores causam admirandi ni fallor asserunt, quod iudicio polleat, & maximè abhorreat ab isto * ingenio quod puerilem & scholasticam sapit servitutem, quodque naturam & infirmitates humani ingenij scrutatus, mirum in modum detexerit. Si igitur ostendero Dominum Montagne cum sua parrhesia ab illo ingenio servili & magisterium affectanti immunem non fuisse, ingeniumque humanum parum cognovisse, certè ostendero ipsius admiratores non rationibus evidentibus, sed imaginationis istius Authoris vi, in admirationem fuisse raptos.

Ingenium illud puerile & scholasticum de quo suprâ, si missis omnibus æquivocationibus, rationem & usum consulas, in iis reperitur * qui falsam & insulsam eruditionem ostentaturi innumeros Authores undique contradunt quos indiscriminatim citant; qui auram popularem captaturi loquuntur eo tantum fine ut loquantur; quique apophtegmatâ & historiarum scopas dissolutas confuse congerunt, ut probent, aut fingant sese probaturas ea quæ solis rationibus probari possunt;

Istius

Istius characteris homines, ratione suâ utentibus opponuntur, ac cordatis viris idèò potissimum sunt odiosi, quòd rationi adversentur. Quippe viri ingeniosi ratiocinii gaudent, nec eorum qui rationis utum non admittunt colloquium possunt ferre. Jam verò homines illi quos descripsimus nec possunt ratiocinari quia sunt ingenio exili & falsâ eruditione repleto, nec volunt, quia senserunt se à nonnullis pluris aestimari, dum Authorem incognitum aut veteris alienius sententiam asserunt, quàm cum ad ratiocinia sese accingunt. Ipsorum igitur vanitas sibi gratulans ob venerationem illam quæ ipsis defertur, efficit ut ad omnium scientiarum inusitatarum, quæ admirationem vulgi pariunt studium, animum appellant.

Istius igitur farinae homines, vani sunt & arrogantes, felici memoriâ, parvo judicio præditi; in laudandis Authoribus, proferendisque sententiis prompti & fecundi; rationibus validis destituti, imaginatione vividâ & exspatiante, sed inconstanti, inordinata & modum observare nescia pollentes.

His positis D. Montagne istius fuisse commatis non obscure patebit. Hic enim de * Doctoribus togatis seu ludimagistris non agitur; istud * *Pédans & insulsum ingenium quod falsam & puerilem ostentat eruditionem* longue robe. togæ non alligatur. Dominus Montagne poterat quidem togâ quam adèò aversabatur non indui, sed suis sese expedire vitiis tam facili negotio non poterat: in id quidem incubuit ut quandam in verbis & actionibus libertatem & ingenuitatem acquireret; sed judicio suo rectè dirigendo non studuit, aut nequequam studuit, ingenium igitur suum ea adornavit eruditione, quæ scholam quidem non saperet, sed inani, vanâ & futili, dum rationem excolere, judicium firmare, ac viri cordati virtutes sibi comparare neglexit.

Dⁿⁱ. Montagne liber tot continet vanitatis, & fastus Authoris sui argumenta ut iis notandis immorari forsân videatur inutile. Quis nisi insana prætumidus sui æstimatione sperare audeat quosdam fore qui librum non parvum legere dignentur, ut aliquam habeant ingenij & indolis authoris cognitionem. Certe verisimile est D. Montagne dum id sibi proposuit se virum non vulgarem, & penitus extraordinarium credidisse.

Omnes creaturæ ad id necessariò tenentur ut eorum mentes quos ad sui adorationem pronos deprehendunt, ad summum numen quod solum adorandum est, erigant; Immo ex Religionis præscripto permittere non debemus, ut mens & cor humanum soli Deo comparatum, circa nos occupetur, & in nostri admiratione aut amore defigatur. B. Johannem ad pedes Angeli Domini provolutum Angelus ipse assurgere jussit. *Conservus tuus sum ut tu, & fratres tui. Deum adora.* Soli *Apoc. 10.* Dæmones aut ipsorum nequitie participes ambiunt adorationem. Jam autem exigere ut homines circa varias ingenij affectiones, cogitationesque nostras meditandas occupentur; quid aliud est nisi adorationem non-externam modò, sed internam & veram aucupari? eamque adorationem:

adorationem flagitare, quam Deus meritò sibi tribuendam Adoratoribus præscribit in spiritu scilicet & veritate.

Dominus Montagne librum eo duntaxat conflavit sine ut sese variâque ingenij affectiones & inconstantias depingeret, id in Præfatione ad lectorem in omnibus editionibus præmissâ ipse non diffitetur. *Memetipsum pingo, ipse sum libri mei materies.* Nec certè id obscure patebit lectori hujusce libri. Nullum enim in toto libro extat caput in quo ab argumento suo non digrediaturs de se loquuturus; immò ipse Capitum integrorum argumentum unicum est. Jam autem si librum suum fecit ut in eo se pingeret, certè ipsum publicavit ut ab aliis legere-tur; aliorum igitur oculos & attentiones in se voluit convertere; licet ipse dicat, *non æquum esse otio in re tam frivola & vanâ abuti.* His ver-bis seseipsum jugulat, si enim æquum non judicasset tempus malè con-sumere in legendo libro suo, certè ipse ab absurdo se purgare non potuisset, dum illum excudi curavit. Unde infertur illum aut aliud dixisse, aliud verò cogitasse, aut malè se gessisse dum librum suum typis commisit.

Facetâ sanè suam vanitatem prætexit ratione, dicendo se in *cognatorum & amicorum* gratiam tantummodò scripsisse. Si res enim eo se habuisset modo, cur librum illum ter edi curasset? certè una editio suis cognatis & amicis sufficiebat. Cur prætereà librum suum in ultimi-s editionibus multis auxit, nihilque unquam ab illo detraxit, nisi quia fortuna suis adspirabat votis. Addo, inquit, *non emendo, qui enim librum suum publici fecit juris, nullo amplius in ipsum jure, meâ quidem sententiâ, potiri debet in alio libro meliora dicat si potis est, sed opus à se venditum non contaminet.* Ex istis hominibus comparandum nihil esset ante obitum, rem seriò apud se reputent, priusquàm prodeant in medium, quid est cur ita festinent? Liber meus semper est unus & idem, &c. Suum igitur cæteris hominibus oppi-gneravit & destinavit librum æquè ac cognatis & amicis. Verùm licet cognatos duntaxat & amicos scriptis suis sibi devincire & in sui ima-ginem à se factam ipsorum mentem & cor per totum temporis spa-tium quod in illo libro perlegendo infumi debet convertere fuisset conatus, certè vanitas ipsius excusationem faciliùs non admitteret.

De seipso sæpiùs loqui non est viri sapientis, at verò sese ut solet D. Montagne perpetuis decantare laudibus, impudentiæ seu potiùs infantiæ species est. Ita enim non modò adversùs humilitatem Christia-nam, sed etiam adversùs rectam rationem peccatur.

Homines ad id constituti sunt ut unà vivant societatesque civiles incant; sed notandum est privatos ex quibus constat societas, sese ut ultima corporis quod constituunt membra haberi ægrè ferre. Non mirum itaque si illi homines qui sese laudant, supra alios se efferunt, cæterosque ut ultimas societatis partes habent, dum se potissimas & honorificentissimas esse existimant; odium omnium, pro amore & existimatione in se moveant.

Vanitate igitur imprudenti & ridicula perpetuis sese laudibus effert
D. Montagne,

D. Montagne, sed vanitate adhuc intolerabiliore sua describit vitia. Si enim ad rem attendas facile comperies ipsum ea tantum pandere vitia ex quibus propter sæculi corruptelam gloriam & decus aucupantur homines; ea sibi imputare non dubitat vitia quæ ipsi generosi & liberalis ingenij famam possunt conciliare; idque eo consilio ut per illam viciozorum confessionem quæ speciem ingenuitatis præ se fert fidem facilius consequatur, dum laudes suas prædicabit. Non immerito certè dixit propriam laudem & proprium contemptum ab eadem arrogantia sæpe nasci. Id hominem sui plenum designat, & D. Montagne dum sua patefacit vitia, longè majori meâ quidem sententiâ arguitur superbiâ, quàm cum virtutes suas prædicat, quis enim illam ferat superbiam qua quis ex vitiis suis gloriæ non verò humilitatis arguentum sibi facit. Minus impatienter feram hominem quem sua profiteri crimina pudeat, quàm illum qui ea palam prædicare audet. Ac sanè nemo est, opinor, qui petulanti & Christiano parùm dignâ, quâ vitia sua describit D. Montagne, audaciâ non indignetur. Verùm alias ipsius ingenij qualitates expendamus.

Si ei fides sit adhibenda, nullo negotio persuadebimur, *ipsius memoriam nullius rei fuisse capacem, labilem, ac infidelem, ipsius verò iudicium fuisse eximium & firmum.* Si tamen ipsius ingenij sciagraphiam quam nobis delineavit, hoc est totum librum consulas, aliud planè senties. Nullum, inquit, *mandatum suscipere nisi essent mihi pugillares, si oratio paulum longa sit mihi habenda, eo necessitatis adducor ut dicenda verbo ad verbum memoria mandem, & ad unguem ediscam; sin minus omni destitutus decore & confidentiâ perpetuò titubarem, aliquid vitij ex memoria mea semper reformidans.* Qui potest longam orationem verbo ad verbum & ad unguem ediscere, ut habitum externum eleganter queat componere, an memoriâ potiùs quàm iudicio carere videtur? Quis etiam ei credat hæc de se dicenti? *Famulos meos suis ministeriis aut patriâ designare cogor, quia nomina propria vix possum retinere, & si diù adhuc in vivis maneam, nominis etiam mei forsitan non meminero.* Viculi dominus qui orationes integras ad unguem potest addiscere, tantâ mne habet domi ministrorum turbam ut ipsorum nomina retinere nequeat? *Qui rure inter agrestes natus & educatus fuit, qui curis implicatur domesticis; quique ipse profitetur, se in ea non esse sententia ut illa adspiciatur & negligat quæ sub pedibus jacent, quæ præ manibus habemus quæ ad usum vitæ potissimum pertinent.* An is potest oblivisci nomina Gallica famulorum suorum; num, ut id de se ait, plerasque quibus utimur monetas, differentias seminum in terra aut in granario, nisi sint manifestissima, ac principia etiam facillima agricultura quæ vel pueri norunt, quid exempli gratiâ fermentum panis conficiendo inserviat, quid sit, vinum in cupa finire ut confervescat, potest ignorare? cum tamen memoriam habeat Antiquorum Philosophorum nominibus & principiis refertam, ideis, exempli gratiâ, Platoniciis, atomis Epicureis, pleno & vacuo Leucippi & Democriti, aquâ Thaletis, infinitate naturæ Anaximandri, aëre Diogenis, numeris & symmetriâ Pythagoræ, infinito Parmenidis, uno (seu unico) Musæi, aquâ & igne Apollodori, partibus

l. 3. c. 2.

l. 2. cap. 10.
l. 1. cap. 24.
l. 2. cap. 17.

l. 11. cap. 17.

l. 2. cap. 11.

similaribus Anaxagoræ, discordiâ & amicitia Empedoclis, igne Heracliti, &c. An is iudicium suum supra memoriam meritò potest iactare, qui in tribus aut quatuor libri sui paginis plusquam quinquaginta diversorum Authorum nomina & opiniones recenset, qui librum suum variis respergit historiarum fragmentis atque indigestis Apophtegmatibus, qui de se ait, *Historiam & Poesin argumenta esse genio suo peridonea*, qui perpetuis implicatur contradictionibus & in eodem capite; dum de rebus quarum certissimam sibi arrogat notitiam; hoc est de ingenij sui dotibus & affectionibus loquitur?

Fateamur ergo D. Montagne oblivione præstitisse, quandoquidem id ipse nobis asserit, nosque id de ipso sentire exoptat, ac præcipue quandoquidem id veritati omninò non repugnet. Nolimus laudibus quas ipse sibi tribuit decepti credere, ipsum magno iudicio & eximia polluisse ingenij sagacitate. Isto enim præiudicio in errorem lapsi opinionibus falsis & damnosis quas imperiosa obtrudit procacitate, quibusque debiles obtundit, assensum æquo facilius præberemus.

Laus quæ secundò tribuitur D. Montagne, ex eo desumitur quod ingenium humanum optimè cognosceret, intimos ipsius recessus, naturam, proprietates penitus scrutaretur, ipsius denique vim & imbecillitatem, vitia & virtutes ac quicquid de eo cognosci potest perspiceret. Videamus an ista elogia tam largâ manu ipsi jure tribuantur.

Qui scripta D. Montagne perlegerunt, non ignorant ipsum Pyrrhonismum affectasse, atque ex generali circa omnia dubitatione gloriam quæsiisse. *Persuasio certa rei cuiuspiam notitia*, inquit, *certum est testimonium maxime stultitiæ & maxima incertitudinis, nec ullos ad stultitiam magis accedere & à Philosophia magis recedere existimo quam Platonis Philodoxos.* Tot è contrâ laudibus effert Pyrrhonios in eodem capite, ut ipsum istius fuisse sectæ extra omnem dubitationis aleam positum sit. In iis versabatur temporibus, quibus qui cordati & elegantis hominis laudem ambiebat, de cunctis dubitare necessum habebat. Ingenij præterea fortitudo quam affectabat, ipsum ad illas adducebat opiniones: Itaque illum Academicum fuisse supponendo, nullo negotio summæ convincetur inscitiae, non modò circa ingenij naturam, sed etiam circa quodlibet aliud. Cum enim scire & dubitare inter se toto cælo differant, certè si Academici veraces sint, cum asseverant se nihil scire omnium maximè ignari meritò haberi possunt. At verò illi non modò omnium sunt maximè ignari, opinionum etiam ineptissimarum vindices sunt acerrimi. Si quid enim certissimum & apud omnes universè acceptum sit id non modò respuunt, sed eodem imaginationis impetu de rebus incertissimis, & à probabilitate maximè alienis decidere audent. Hoc vitio manifestò laborat D. Montagne; itaque necessario dicendum est ipsum non modò naturam ingenij humani ignorasse, sed etiam circa illud erroribus crassissimis impeditum fuisse, si saltem ut debuit, id scriptis exaraverit, quod in mente habebat reconditum.

Quid enim de illo sentias qui spiritum cum materiâ confundit; sententias;

tentias Philosopharum circa mentis naturam ineptissimas ita refert ut eas non modò non contemnat, immò dicas potius ipsum absurdissimis calculum adicere; immortalitatis animæ non sentit necessitatem; ipsamque non credit à ratione humana posse capi; & argumenta quæ pro illa mentis immortalitate efferuntur habet pro somniis quæ desiderium illius immortalitatis excitat in nobis: *Somnia non docentis sed optantis*; qui hominibus succenset quod sese à ceteris rebus conditis segregent, & à brutis distinguant: quæ sociorum seu fratrum adinstar nobis adjungit: quæque autumat sese mutuo intelligere, inter se colloqui, ac nos irridere, ut ipsa ridemus: qui plus discriminis interesse credit, inter hominem, & hominem, quàm inter hominem & brutum: qui etiam araneis tribuit, *deliberationem, cogitationem & conclusionem*: ac denique qui postquam defendit dispositionem corporis humani nulla in re præcellere dispositioni belluarum, hanc tamen lubens amplectitur sententiam, *nec ratione, nec ratiocinio, nec mente nos ceteris animalibus præstare, sed oris formâ, colore residentem, egregiæque membrorum dispositione*; quibus prærogativis longè postponenda sunt. *intelligentia, prudentia, & alia virtutes, &c.* An is qui opinionibus omnium maximè insulsis fretus concludit, *non recto ratiocinio, sed superbiâ & perversitate hominem sese supra cetera animalia extollere.* An is, inquam, accuratam ingenij humani noticiam habuisse censendus est.

Verùm unumquemque pro meritis habeamus, ac genuinum ingenij D. Montagne tradamus characterem, debili equidem erat memoriâ, judicio adhuc debiliore: sed ambæ illæ dotes non constituunt apud homines elegantiam ingenij, imaginatio egregia, vivax, vasta elegantis bellicque ingenij famam conciliat. Vulgus id æstimat quod nitet, non verò quod solidum est, quia nempe id exoptat magis quod afficit sensus quam quod rationem edocet. Si igitur imaginationis præstantia pro ipsius ingenij præstantiâ sumatur, D. Montagne præstanti immò præstantissimo præditus ingenio dici potest. Ipsius ideæ falsæ sunt, sed egregiæ; ipsius formulæ loquendi normam excedunt, sed audaces sunt & amœnæ; ipsius sermones ad rationis amussim non expenduntur, sed ex felici oriuntur imaginatione. In toto ipsius Libro aliquid singulare micat, quod maximè allubescit, dum aliena pro suis usurpat, ipsius apographa dicas esse autographa & archetypa, tanta ipsi est imaginationis vis & industria! Ea denique omnia habet in promptu quæ ad placendum & pelliciendum idonea sunt; nec obscure, opinor, demonstravi ipsum apud tot homines admirationem sibi conciliare, non ipsorum rationem argumentis evidentibus convincendo, sed ipsorum ingenium vi imaginationis imperiosa & victrici ad intentum suum inflectendo.

CAPVT VLTIMVM.

* Sorciers
par imagi-
nation. I. *De Sagis * & veneficiis imaginariis, seu de iis qui imaginationis
vi sese fasci-
natos & fascino-
santes credunt, & de Lycanthropis.
II. Concluduntur duo primi Libri.*

Nihil est in quo vis imaginationis magis stupendam se præbeat
quàm in ingenti illo lemurum, dæmonophaniarum, fascino-
rum, characterum Magicorum, incantamentorum, lycanthroporum,
ac omnium in genere quæ à Cacodæmonis potestate pendere credun-
tur timore quo nonnulli tenentur.

* Sorciers Nihil est formidabilius ac terribilius menti, quòdque in cerebro
altiora imprimat vestigia, quàm idea potestatis alicujus invisibilis,
in id perpetuò intentæ ut nos, ipsius viribus impares, lædat. Quicquid
hanc ideam excitat nunquam sine terrore & anxia curiositate exau-
ditur. Homines rerum novarum & insolentium avidi terrificas illas
potentiæ & malignitatis * præstigiatorum seu veneficorum historias
narrant cum voluptate; ipsos aliis hominibus ac etiam sibi metipsis
hujuscemodi fabulis terrorem incutere juvat. Non mirum itaque est
si ejusmodi fascinores sint adeò frequentes in regionibus nonnullis
in quibus hæc opinio conventuum Magorum, qui Sabbathæ dicuntur,
nimis invaluit, apud hosce populos fabulæ omnium ineptissimæ circa
fascina & incantamenta habentur historiæ authenticæ; immò in illis
regionibus insanos & Phantasticos quorum imaginatio tam hisce fa-
bulis quàm propriâ cordis corruptione perturbata fuit; pro veris ve-
neficiis aut magis comburere non dubitant.

Non me latet complures fore qui ægrè ferant, quòd pleraque ve-
neficia imaginationis vi audeam tribuere; homines gaudent rebus
terrificis; iis succensent qui ipsos ab errore depellere conantur; agris
imaginariis similes, qui præscripta à Medicis ipsis aliquid funesti
ostendentibus remedia sedulò & religiosè observant. Superstitiones
haud facile profligantur, nec impunè impugnantur. Illa denique pro-
pensio quâ ad fidem Dæmonographorum deliriis adhibendam im-
pellimur ab eadem causâ oritur & fovetur quæ efficit ut supersticiosi
sint pertinaces, uti facile est probatu. Nihilominus tamen haud abs-
re forsan erit hic brevi describere, quo modo ejusmodi opiniones,
meo quidem judicio invalescant.

* au Sabbath. Pastor seu opilio in ovili narrat post cœnam coram uxore & libe-
ris quæ gesta fuerunt in * conventu Magorum, seu in Sabbatho. Cum
autem ipsius imaginatio vaporibus vini satis jam æstuet; & se mul-
tories huic imaginario conventui interfuisse autumat, de eo energicè
& vividè loquitur. Ingenita Pastori eloquentia, cum apta totius fa-
milix.

miliæ dispositione ad rem adeò novam & terribilem accipiendam conjuncta, ingentia sine dubio edere debet vestigia in imaginationibus debilibus, nec fieri potest quin mulier, & tenelli liberi his auditis obstupescant, toti occupentur, ac convincantur. Maritus est & parens qui ea narrat quæ ipse vidit & fecit; à suis amatur & colitur; cur ipsi fidem non adhiberent? Idem per multos dies repetit Pastor. Vestigia imaginationis matris & liberorum magis & magis crescunt. Iis assuefacti, merùque excusso, convictio remanet; ac ipsos denique Sabbathum adeundi remque suis oculis usurpandi incessit cupido: sese ungunt; dein compositis in lecto membris, istâ cordis dispositione ipsorum imaginatio effervescebat; vestigia ipsorum cerebro à Pastore impressa, satis adaperiuntur ut, per somnum, omnes ceremoniæ Magicæ sibi descriptæ moris, tanquam præsentis & extrinsecus excitatos judicent. Postquam, expergefacti surrexerunt sese mutuo interrogant, ac sibi mutuo quid viderint narrant. Hoc modo vestigia visionis confirmant, ac qui inter eos imaginatione pollet fortiori, intra paucas noctes imaginariam Sabbathi historiam constat. Hoc pacto Pastor peritos fecit * veneficos, qui longè plures aliquando instituent, si imaginatione forti & vivida præditi, ab ejusmodi fabulis narrandis præ timore non terreantur.

* Sorciers;

Multi sæpè extiterunt venefici sinceri, hoc est, qui se reverâ tales existimabant, qui omnibus ingenuè nuntiabant, se Sabbathum frequentare; idque tam altè imbibebant, ut quamvis multi postquam propè illos pernoctassent affirmarent ipsos è lecto non egressos fuisse, ab illa tamen opinione dinoveri non poterant.

Nemo est qui nesciat fabulas lemurum & spectrorum ita terrere infantes ut soli & in tenebris manere non possint. Tunc enim cum cerebrum nullis afficiatur vestigiis à parte objectorum præsentium, vestigium ipsorum cerebro fabulæ ope impressum, de integro aperitur nec raro adeò vehementer ut spectrum descriptum sibi adesse judicent. Ejusmodi tamen historiæ ipsis non obducuntur nisi tanquam fabulæ; Qui illas narrant eum non præ se ferunt externum habitum qui in veris historiis narrandis geri solet, immò narratio sæpè languida & frigida est. Non mirum igitur est quòd qui se Sabbatho interfuisse credit, quique ideò rem confidenter ac vividè narrat, nonnullos sibi maximè addictos adeò facile persuadeat circa omnes quas describit circumstantias, & vestigia suis similia in ipsos transmittat.

Dum homines nos alloquuntur, cerebro nostro vestigia iis quæ habent similia insculpunt. Si alta habent eo loquuntur modo quo alta etiam nobis indere possint vestigia; nos enim alloqui nequeunt, quin etiam nos sibi similes aliquatenus efficiant. Infantes in utero materno nil aliud vident quàm quod videt mater; atque etiam ex utero egressi pauca imaginantur quæ à parentibus non producantur; homines enim vel sapientissimi imaginationem alienam, hoc est, opinionem, & consuetudinem, ducem potiùs sequuntur quàm rationem. Itaque in locis

ubi comburuntur venefici, ibi multos veneficos reperiri necesse est, quia, nempe, in iis locis veri creduntur esse venefici, & ista opinio variis qui circa illos habentur sermonibus magis magisque confirmatur: ipsos plectere desinant; instar insanorum habeant; tandem fiet ut nulli amplius reperiantur venefici. Qui enim tales sunt per imaginationem suam inordinatam tantum, quorum procul dubio maximus est numerus, errores suos abdicabunt.

Veros veneficos morte plectendos esse extra dubium est; nec ij etiam qui imaginationis vi tales sunt penitus insontes haberi debent, quoniam ut plurimum se veneficos esse sibi persuadent quia ea sunt cordis dispositione ut Sabbathum frequentare cupiant, ac sese ea de causa aliquo illiverint unguento. Sed dum in omnes illos nefarios indiscriminatim animadvertitur, vulgaris persuasio invalescit, veneficorum imaginariorum numerus adaugetur, atque hoc pacto innumeri miserè pereunt & damnationi æternæ addicuntur. Sapientissimè igitur multa Parlamenta pœnas non sumunt de veneficis; in terris ipsorum jurisdictionis ejusmodi homines longè pauciores reperiuntur; & sceleratorum invidia, odium, ac malignitas id criminis prætere non possunt ut innocentes opprimant.

* Loups
garoux.

* Lycanthroporum, seu hominum in lupos transformatorum metus, non est chimæra minùs ridicula. Aliquis imaginationis perturbatæ impetu eò vesaniæ adducitur, ut singulis noctibus se in lupum transmutari credat. Hoc imaginationis errore ad ea facienda disponitur quæ lupi facere solent, aut quæ ab ipsis fieri audivit: domo igitur media nocte exit, per vicos grassatur, in obvium infantem irrupit, ipsum mordet & malè mulctat. Plebs verò stupida & superstitiosa arbitratur fanaticum illum reverà in lupum evasisse. Quia nempe infelix ille id ipsemet credit, idque nonnullis clam in aurem insusurravit qui rem silentio premere non potuerunt.

Si ea cerebro vestigia, quæ homines persuadent se lupos factos fuisse facile possent imprimi; si per vicos noctu errare atque in eundem modum quo malè feriat illi lycanthropi debacchari, cerebro penitus non perturbato, æque facile esset, ac facile est sabbatho interesse per noctem, somno non interrupto, egregiæ illæ metamorphoseon hominum in lupos historiæ eisdem prorsus nanciscerentur effectus ac historiæ de Sabbatho, nec pauciores haberemus lycanthropos quàm veneficos. Verùm persuasio illa quâ quis se in lupum fuisse transmutatum credit, perturbationem cerebri supponit quæ longè difficilius producit, quàm perturbatione hominis qui se in Sabbathum convenire duntaxat imaginatur; hoc est, qui per noctem ea se videre arbitratur quæ actu non existunt, quique expergefactus somnia sua à cogitationibus quas interdiu habuit distinguere non potest.

Non rarò contingit ut per quietem nonnulli somnia habeant adeò vivida, ut expergefacti illorum exactè recordentur, quamquam somnium illud non versetur circa terribilia, non difficili igitur negotio nonnulli

nonnulli possunt sibi persuadere se Sabbatho interfuisse; ad id enim satis est, si cerebrum vestigia per somnum facta conservet.

Præcipua causa cur somnia nostra pro rebus actu existentibus non habeamus, inde est quod non possimus somnia illa colligare cum rebus inter vigilandum agitis; hinc enim mera esse somnia comperimus. Jam autem venefici imaginarii hoc ~~verum~~ non possunt judicare an ipsorum Sabbathum nil sit præter merum somnium. Sabbathum enim seu Veneficorum conventus nunquam habetur nisi noctu, & quæ in Sabbatho agitantur nullo possunt colligari vinculo cum cæteris diei actionibus. Inter isthæc nihil est commune. Moralter igitur impossibile est ut hoc pacto ab errore expediantur. Nec etiam necesse est ut quæ venefici imaginarii per Sabbathum vidisse putant, inter se connectantur ordine quodam naturali; eò enim majorem realitatem habere creduntur, quò magis habent absurditatis & confusionis. Sufficit igitur ad eos decipiendos, ut ideæ rerum in Sabbatho gestarum sint vividæ & terribilæ; quod necessario continget, quia ibi nova, insolentia, & inusitata prorsus agitari creduntur.

At verò ut quis se in gallum, capram, lupum, bovem transmutatum fuisse credat, tanta opus est imaginationis perturbatione, ut id non nisi rarò admodum contingere queat. Ejusmodi perturbationes aliquandò tamen accidunt, sive sit pœna divinitus inflictæ, ut id refert Scriptura de Nabuchodonozor, sive exundante in cerebro melancholiâ, ut id observant Medicorum filij.

Quamvis persuasum habeam veros veneficos esse perquam rarissimos, Sabbathum merum esse somnium, & Parlamenta seu Curias quæ delationes * veneficij respuunt ad æquitatem magis accedere, nolim tamen negare posse dari veneficos seu fascinantes, incantamenta, fascina, &c. Diabolumque interdum suam exerere potentiam in homines speciali Dei permissione. Sed Scriptura sacra nos docet regnum Satanæ fuisse eversum; Angelum cæli Dæmonem catenis vinctum in abyssum detrussisse, unde non emerget nisi in fine mundi; Jesum-Christum hunc fortem armatum armis spoliassse, tempusque advenisse, quo Princeps mundi è mundo eliminatur.

* Sorcellerie

Usque ad Servatoris adventum regnaverat quidem, atque etiam num hodie forsan regnat in iis locis ubi Servatoris cognitio nulla habetur; at nullo jure nullæque potestate in regenitos in Christo ampliùs potitur. Ipsos nequidem potest tentare, nisi Deus permittat, nec permittit, nisi fideles tentationem possint vincere. Ij igitur Diabolum nimio dignantur honore, qui historias narrant tanquam ipsius potestatis argumenta, ut faciunt novi quidam Dæmonographi, quippe ejusmodi historiæ Dæmonis timorem incutiant infirmis. Ad spernandi Dæmones sunt ut spernuntur carnifices. Coram Deo duntaxat tremendum est. Ipsius sola potentia timenda. Ipsius judicia debent formidari, nec ad iram legum & Evangelij ipsius contemptu provocandus est. Is sanè attentione nostrâ dum loquitur, aut cum quis de ipso verba facit, dignus est. At verò cum homines de Dæmonum potestate mentionem apud

nos habent, *trepidare* & *obstupeſcere* ridiculum eſt. Metus noſter Adverſario glorioſus eſt. Venerari & metui gaudet, ſibi congratulatur, cum mentem noſtram coram ipſo deprimimus.

II.
Duo primi
Libri concluduntur.

Porro huic ſecundo libro finem imponendi jam tempus eſt. Ex iis igitur quæ hoc & præcedenti dicta ſunt obſervatum velim. Primò omnes cogitationes quas mens habet per corpus & ut ita dicam *dependenter* à corpore, eſſe tantum in uſum ipſius corporis. Secundò, eas omnes eſſe falſas & obſcuras. Tertiò, eas in eum uſum duntaxat eſſe inſtitutas ut nos bonis ſenſibilibus ac iis omnibus quæ ea nobis conferre poſſunt, uniant, iſtàmque unionem nos in errores innumeros ærumnâsque lugendas injicere; licet non ſemper hæc miſerias ſentiamus, quemadmodum non cognoviſcimus errores è quibus oriundæ ſunt. Ecce huiusce rei exemplum omnium maximè inſigne.


Unio qua cum matribus conjuncti fuimus in ipſarum utero, quæ ſtriſſima eſt omnium quas cum hominibus habere poſſumus, maxima etiam nobis attulit mala; nempe peccatum, & concupiſcentiam omnium ærumnarum noſtrarum originem. Unionem tamen illam non minùs arctam fuiſſe, ut corpus noſtrum ut par eſt conformaretur, oportuit.

Huic unioni quæ nativitate noſtrâ interrupta fuit alia ſucceſſit, quâ liberi cum parentibus & nutricibus conjunguntur; hæc ſecunda unio minùs ſtriſta fuit quàm prima ideò minùs nobis attulit mali, ad id ſolum nos induxit ut parentes & nutrices in omnibus imitemur iſque crederemus. Hanc ſecundam unionem, non quidem ut primam ad corporis conformationem, ſed tantum ad ipſius conſervationem, ut omnia cognoviſceremus quæ iſti conſervationi conducere poſſunt, & corpus ad motus hiſce rebus comparandis neceſſarios diſponeremus, nobis neceſſariam fuiſſe manifeſtò patet.

Unio denique, quâ cum cæteris hominibus nunc conjungimur, nobis etiam valdè noxia eſt, quamvis æquè ſtriſta non ſit, quippe quæ corporis conſervationi ſit minùs neceſſaria. Ex hac enim unionem fit, ut opinione vivamus, quæ apud cæteros homines æſtimantur & amantur, æſtimemus etiam & amemus; etiam conſcientiâ noſtrâ & ideis quas de rebus percepimus repugnantibus. Hic non loquor de unionem qua cum mente aliorum hominum conjungimur, iſta enim unio eruditioni noſtræ poteſt inſervire. Sermo tantum eſt de unionem ſenſibili quæ exſtat inter imaginationem noſtram & habitum externum eorum quibuſcum res nobis eſt. Hinc igitur liquet omnes cogitationes quas per corpus & à corpore habemus eſſe falſas, & eo pernicioſiores menti, quo corpori utiliores ſunt.

Quæ cum ita ſint, in id nos incumbere par eſt, ut ab illuſionibus ſenſuum, imaginationis phantaſmatis, & impreſſioni imaginationis alienæ in noſtram, noſmet liberemus. Omnes confuſas ideas, quas hauſimus ex ſervitute in qua corpus noſtrum nos detinet, reſpuamus, ſolâsque ideas claras & evidentes quas mens excipit unionem quâ cum verbo, aut ſapientia, & veritate æternâ conjungitur; ut id Libro ſequenti de intellectu ſeu mente purâ, ſumus expoſituri, admittamus.

D E




D E INQVIRENDA VERITATE.

LIBER TERTIVS.

DE INTELLECTU SEU MENTE PURA.

CAPVT PRIMVM.

I. Sola cogitatio essentialis est menti. Sentire & imaginari nihil aliud sunt prater ipsius modificationes. II. Omnes non cognoscimus modificationes quas mens potest suscipere. III. Iste modificationes diversa sunt à cognitione nostra & amore nostro, immò ipsas non semper sequuntur.



UJUSCE tertij Libri materia paulò siccior, & sterilis videbitur. In eo examinatur mens in se ipsa considerata, ac sine ullo respectu ad corpus, ut vitia ipsi propria, & errores quos à se ipsà tantum habet agnoscantur. Sensus & imaginatio errorum & illusionum sunt fontes fœcundi & inexhausti, at verò mens per seipsam agens errori minùs obnoxia est. Duobus primis Libris vix potuit imponi finis: tertius hic ægrè inchoatus est. Multra equidem dici possent de natura aut proprietatibus mentis; verum hic non tam proprietates mentis quàm ipsius infirmitates & vitia disquiruntur. Ne quis igitur miretur si liber hic non sit ejusdem amplitudinis ac superiores, etsi pauciores, detegat errorum

numerum. Non est etiam quod quis ægrè ferat nos in illo de rebus sic-
cis, abstractis, & arduis agere sensus & imaginatio non possunt sem-
per moveri inter loquendum, nec etiam debent. Quum quid abstra-
ctum est, si illud sensibile velis efficere, obscuritatem ipsi ut pluri-
mum effundis, sufficiat si illud intelligibile reddas. Quid eorum que-
relis injustius qui cuncta equidem scire vellent, sed animum rei cui-
quam applicare recusant? si ab ipsis attentionem exigas, indignantur.
Nisi ipsos tangas, sensibus & affectibus blandiaris, ipsis nunquam fe-
ceris satis. Quid facias? Iphis satisfacere penes nos non est, id qui-
dem fatemur. Qui * fabulas amatorias & Comedias componunt ad id
quidem tenentur ut placeant & attentionem capient, nobis verò satis
erit si eos possimus credere qui totam attentionis vim intendunt.

* des Ro-
mans.

Errores sensuum & imaginationis ex natura & constitutione cor-
poris oriuntur, & ex imperio ipsius in mentem deteguntur; sed errores
intellectus non possunt pateferi, nisi consideratione ipsius mentis &
idearum quæ ipsi ad cognoscenda objecta necessariae sunt. Ut itaque
possimus penetrare errores intellectus puri, in hoc libro naturæ men-
tis & idearum intellectualium examini insistendi necessitas incumbit.

Primo de mente, ut est in seipsa, & sine ullo respectu ad corpus cui
unitur loquimur: unde sit ut quæ de illa dicturi sumus, dici possent
de puris intelligentiis, & potiori jure de eo quod hic appellabimus
intellectum purum, Per intellectum enim purum nihil aliud designamus
quàm facultatem quæ pollet mens cognoscendi, objecta externa, nullis
eorum formatis imaginibus in cerebro, quibus ea sibi repræsentet.
Deinde de ideis intellectualibus agemus, quarum ope intellectus purus
objecta externâ percipit.

I.

Sola cogita-
tio essentialis
est menti, sen-
tire & ima-
ginari sunt
tantum ip-
sius modifi-
cationes

* Per. rei
essentialis in-
tellecto quod
primum in
ea re conci-
pitur à quo
pendent om-
nes modifi-
cationes qua-
in ea depre-
henduntur.

Secund. part.
de mente.
p. 1. cap. 7.

Nemo est, opinor, qui super ea re seriò meditatus non agnoscat
* essentialiam mentis consistere in sola cogitatione, quemadmodum es-
sentialia materiæ consistit in sola extensione; & pro variis modificatio-
nibus cogitationis, mentem mox velle, & mox imaginari, aut de-
nique multas alias formas speciales suscipere; quemadmodum juxta
varias modificationes extensionis, materia mox est aqua, mox lignum,
mox ignis, aut alias innumeras habet formas speciales.

Hic duntaxat lectorem velim monitum, per hanc vocem (*cogitatio*)
me non intelligere modificationes peculiare mentis, hoc est hanc vel
illam cogitationem; sed cogitationem omnibus omnis generis modi-
ficationibus aut cogitationibus suscipiendis idoneam, quemadmodum
per extensionem, non intelligimus talem aut talem extensionem ut
quadratam aut rotundam, sed extensionem omnibus modificationi-
bus aut figuris recipiendis aptam. Atque ista comparatio non potest
negotium facessere, nisi quia ideam cogitationis claram non habemus:
ut extensionis; cogitatio non cognoscitur nisi sensu quodam interno,
seu *conscientiâ*, ut id inferius explicabo.

Haud etiam putem quemquam posse concipere mentem quæ non
cogitet, licet facili negotio possit concipi mens quæ nec sentiat, nec
imaginetur,

imaginetur, nec etiam velit; quemadmodum non potest concipi materia quæ non sit extensa, quamvis facile concipi possit materia quæ nec sit terra, nec metallum, nec quadrata, nec rotunda, quæ etiam non sit in motu. Hinc concludere est, quemadmodum fieri potest ut extet materia, quæ nec terra sit, nec metallum, nec quadrata, nec rotunda, nec etiam in motu; fieri pariter posse ut mens nec calorem nec frigus, nec tristitiam nec gaudium sentiat, nihil imaginetur, nihil etiam velit; adeò ut omnes illæ modificationes ipsi non sint essentielles. Sola igitur cogitatio est essentia mentis, non secus ac extensio sola est essentia materiæ.

Sed quemadmodum si materia aut extensio esset sine motu, planè foret inutilis ad varias illas formas quibus destinata est, nec potest concipi ens intelligens illam talem, hoc est sine motu & ad formam ineptam condere voluisse; ita si mens aut cogitatio esset sine voluntate; manifestò patet ipsam fore prorsus inutilem, quandoquidem hæc mens versùs objecta perceptionum suarum nunquam ferretur; adeò ut concipi nequeat ens intelligens illam in hoc statu voluisse condere. Nihilominus tamen sicut motus non est essentialis materiæ, cum supponat extensionem, ita ∇ velle non est essenziale menti, quandoquidem ∇ velle supponat perceptionem.

Cogitatio igitur sola propriè constituit essentiam mentis, & varij cogitandi modi, ut sentire, & imaginari nihil aliud sunt, quàm modificationes quibus est idonea, quibùsque non semper modificatur. Sed ∇ velle est proprietas quæ illam semper comitatur, sive corpori uniatur, sive ab eo sejungatur; quæ tamen ipsi non est essentialis, quandoquidem supponit cogitationem, & mens concipi potest sine voluntate, quemadmodum corpus sine motu.

Facultas tamen volendi à mente separari nequit, quamvis ipsi non sit essentialis. Sicut mobilitas inseparabilis est à materia quamvis ipsi non sit essentialis. Quemadmodum enim concipi nequit materia quæ non possit moveri; fieri etiam nequit ut concipiatur mens quæ non possit velle, aut ad omnem inclinationem naturalem sit inepta. Pariter quemadmodum facile concipio materiam existere posse sine ullo motu, sic concipio mentem posse existere sine ulla impressione Authoris Naturæ versùs bonum, ac per consequens sine voluntate: Voluntas enim nihil aliud est quàm impressio Authoris Naturæ, quæ nos fert versùs bonum in genere, uti fusiùs id exposuimus primo Capite Tractatùs de Sensibus.

Quæ in illo Tractatu de Sensibus, & mox de natura mentis diximus, non supponunt nos omnes cognoscere modificationes quas mens potest suscipere, talia non supponimus, quin potiùs censemus in mente esse capacitatem recipiendi vicissim innumerabilem modificationum varietatem, quas ipsa non cognoscit.

Minima portio materiæ potest recipere figuram trium, sex, decem, aut decem mille laterum, & figuram circularem, & ellipticam quæ

II.

Nos cognoscimus omnes modificationes quas mens nostra potest suscipere.

haberi possunt figuræ numeri angulorum & laterum innumerabilis. Infinitus est numerus variarum specierum uniuscujusque ex his figuris; numerus infinitus triangulorum diversæ speciei, & plures sunt adhuc figuræ quatuor, sex, decem, decies mille laterum, & polygoni infiniti. Circulus enim, ellipsis, & in genere omnis figura regularis, aut irregularis curvilinea potest considerari ut polygonus infinitus. Ellipsis, exempli gratiâ, ut polygonus infinitus, sed cujus anguli sunt inæquales, aut latera inæqualia, cum majora sint versus parvum diametrum quàm versus magnum, & ita de polygonis infinitis magis compositis & irregularibus.

Minima igitur ceræ portio potest suscipere numerum infinitum variarum modificationum, quas mens nulla potest capere. Cur igitur mentem corpore longè nobiliorem negaremus posse suscipere alias modificationes præter eas quas jam suscepit.

Si nullum unquam voluptatis aut doloris sensum habuissimus, nullum unquam colorem, nullamque lucem unquam vidissemus, si denique respectu omnium rerum id. essemus, quod sunt cæci & surdi respectu colorum & sonorum, an. ideò rectè possemus concludere nos nequaquam esse capaces omnium sensationum. quas nunc habemus. Sensationes enim illæ nihil aliud sunt quàm modificationes mentis nostræ, ut id probavimus in Tractatu de Sensibus.

Constet igitur in mente capacitatem recipiendi varias modificationes esse majorem capacitate concipiendi; hoc est, quemadmodum mens non potest exhaurire aut capere omnes figuras quas materia potest suscipere, non potest etiam capere varias omnes modificationes quas potens Dei manus potest in mente producere, tametsi æquè distinctè conciperet capacitatem mentis ac capacitatem materiæ, quod verum non est, ob rationes Capite VII. secundæ Partis hujusce Libri afferendas.

Mens nostra hic in terris paucas recipit modificationes, quia corpori unitur à quo dependet. Omnes ipsius sensationes ad corpus referuntur, & cum Deo non potiatur, nullas habet modificationes ab ista fruitione productas. Materia ex qua corpus nostrum compactum est paucas admodum per hujus vitæ tempus potest recipere modificationes. Hæc materia non potest resolvi in terram & vaporem nisi post mortem. Nunc non potest fieri, aer, ignis, adamas, metallum; non potest fieri quadrata, rotunda, triangularis: Ipsam esse carnem oportet, humanamque habere figuram, ut mentis unionem admittere possit. Res eodem modo se habet de mente. Ipsam sensationes caloris, frigoris, coloris, lucis, sonorum, odorum, saporum, multarumque aliarum modificationum recipere necesse est, ut unita cum corpore maneat. Omnes istæ sensationes ipsam ad machinæ suæ conservationem applicant. Istæ sensationes ipsam agitant & terrent. statim atque minimum organum solvitur aut frangitur, iis itaque (sensationibus) mens subjecta sit oportet, quandiu ipsius corpus corruptioni obnoxium erit.

erit. At verò cum immortalitate induetur, ipsiusque partium solutionem non amplius timebimus verisimile est, mentem hinc sensationibus infestis quas vel inviti habemus non amplius obnoxiam futuram, sed innumeris aliis toto genere diversis, Divinâ Majestate & bonitate dignis, quarum nullam habemus ideam, quæque omnem sensum longius exuperant.

Frustrâ igitur quis se naturam mentis ita penetrasse crederet, ut ipsam cognitionis & amoris capacem duntaxat esse, jure posset asseverare. Hoc equidem ab iis qui sensationes suas objectis externis, aut etiam proprio corpori tribuunt, quique affectus in corde esse existimant, defendi posset. Ac reverâ si menti detrahas omnes passiones, seu affectus & sensationes, quicquid relidui in ea agnosci potest, nihil amplius est quàm sequela quædam cognitionis & amoris. At verò non possum capere, quo pacto qui hinc sensuum illusionibus valedixerunt, possint tamen sibi persuadere, omnes nostras sensationes & passiones nihil aliud esse præter cognitionem & amorem, hoc est species quasdam judiciorum confusorum, quæ mens fert de objectis relatè ad corpus quod animat. Non possum capere quomodò lux, colores, odores, &c. possint dici judicia mentis, quin distinctè percipio lucem, colores, odores, aliàsque sensationes esse modificationes prorsus diversas à judiciis.

Sed eligamus sensationes vividiores, quæ mentis attentionem magis defigant. Videamus quid isti homines dicant de dolore aut voluptate. Post * Authores celeberrimos censent, hæc sensationes nihil aliud esse quàm sequelas quasdam facultatis cognoscendi & volendi quâ pollemus: dolorem, exempli gratiâ, nihil aliud esse præter sollicitudinem quandam, repugnantiam, & aversionem voluntatis erga res quas corpori sibi charo noxias esse cognoscit. At sic dolor cum tristitia evidenter confunditur: tantùm abest ut dolor sit sequela cognitionis mentis & actionis voluntatis, quin utramque potiùs præcedit.

* D. Augusti
lib. 6. de mus.
sica.
Cartesius:
in lib. de
hominib.

Si, exempli gratiâ, ardens pruna hominis dormientis, aut manûs in tergum actas calefacientis manui admoveretur, nemo est, opinor, qui aliquâ cum verisimilitudine posset asserere, hunc hominem statim cognoscere in manu motûs quosdam fieri sanæ ipsius corporis constitutioni contrarios; voluntatem deinde his motibus obviam ituram; dolorémque fore sequelam istius cognitionis mentis, istiusque oppositionis voluntatis. Contrâ verò constare mihi videtur, hominem illum dolorem primò & ante omnia esse percepturum, cum pruna manum ipsius attingeret, hancque mentis cognitionem & voluntatis oppositionem nihil aliud esse quàm sequelas doloris, quamvis reverâ sint causæ tristitiæ dolorem sequentis.

Verùm dolor ille à tristitia quam parit longè differt. Primum quod mens sentit, dolor est: hanc sensationem nulla antecedit cognitio: ac per se nunquam jucunda esse potest: contrâ verò tristitia, postremum est quod mens sentit, ipsam semper præcedit cognitio; ac ferè

semper jucundissima est per se. Id non obscure patet ex voluptate quam percipimus in tristitia quæ nascitur ex funestis theatri representationibus; hæc enim voluptas cum tristitia crescit; voluptas verò cum dolore nunquam augetur. Comædi qui in id solum incumbunt ut placeant, norunt theatrum cædibus non esse cruentandum; quia cædis imago quamvis ficta, terribilior est quàm ut possit esse jucunda. At verò nimiam tristitiâ spectatores afficere non verentur, quoniam re ipsâ tristitia semper jucunda est, cum datur legitima tristitiæ materia. Tristitia igitur & dolor essentialiter inter se differunt, nec dolor dici potest duntaxat cognitio mentis cum oppositione voluntatis conjuncta.

Cæteras verò sensationes, ut odores, sapes, sonos, colores, quod spectat, eas plerique homines nō existimant esse modificationes mentis. Ipsas contra in objectis resperfas esse judicant, nec aliter in mente esse, quàm idea quadrati & rotundi in ea esse solet; hoc est ipsas menti quidem uniri, non verò ipsius esse modificationes, illudque de istis sensationibus ferunt judicium, quia ab iis non valde afficiuntur, ut id inter explicandos sensuum errores clarum dedi.

Certum igitur, ni fallor, manere debet nos omnes quas mens excipere potest modificationes non cognoscere, ipsamque præter eas quas habet per organa sensuum, innumeras habere posse quas non experta est nec experietur nisi postquàm à corporis captivitate libera evadet.

Interim fatendum est mentem hisce variis modificationibus idoneam esse per solam cogitationem, quemadmodum materia innumeris variis configurationibus tantum idonea est propter extensionem; mentem enim ad modificationes voluptatis, doloris, aut etiam ad omnes indifferentes modificationes fore ineptam, nisi perceptionis aut cogitationis capax esset, ita clarum est ut clarius nihil videatur.

Sufficiat igitur nobis tenere, 'principium harumce omnium modificationum, cogitationem esse. Si quis etiam aliquid in mente velit admittere quod cogitationem antecedit, me non habebit repugnantem. Sed quia exploratum habeo neminem esse qui mentem suam aliter cognoscat quàm cogitatione, aut sensu interno seu conscientia eorum omnium quæ in mente suâ aguntur; certò pariter apud me constat, quòd, si quis de natura mentis velit ratiocinari, hunc solum sensum internum, qui ipsum sibimetipsi qualis in se est semper repræsentabit, debet consulere, non verò reluctante propria conscientia imaginari mentem esse ignem invisibilem, aërem subtilem, harmoniam quandam, aut aliud quid simile.

C A P V T II.

*I. Cùm mens sit finita non potest capere quod pertinet ad infinitum. II. Ipsius mentis limitatio seu angustia multorum errorum origo est. III. Et præcipuè hærescunt. IV. Mens est submit-
tenda fidei.*

QUod primò in mente hominis deprehenditur illud est, illam scilicet angustissimis limitibus esse circumscriptam: unde duas I.
Mens finita
non potest
capere infi-
nitum. maximi momenti consequentias possumus elicere. Prima est, mentem non posse cognoscere entia infinita. Secunda ipsam non posse multa distinctè cognoscere simul & eodem tempore. Quemadmodum enim quædam ceræ portio non potest eodem tempore recipere infinitum variarum figurarum numerum; ita mens eodem tempore non potest habere cognitionem infiniti rerum numeri. Et quemadmodum illa ceræ portio non potest esse quadrata & rotunda eodem tempore, sed tantum alterâ parte quadrata, altera verò rotunda; & quo plures habebit figuras varias, eò minùs erunt perfectæ & distinctæ; ita mens non potest multas res simul percipere, & quò plures numero erunt cogitationes eò magis erunt confusæ.

Denique, quemadmodum ceræ portio cui essent mille latera, & in unoquoque latere figura diversa, nec esset quadrata, nec rotunda, nec ovata, adeò ut ipsius figura non posset determinari: ita quandoque contingit ut mens nostra tot variis simul agitetur cogitationibus, ut nos de nulla re cogitare arbitremur. Id in iis qui animo linquantur accidit. Spiritus animales inordinate circumacti tantum vestigiorum numerum in cerebro excitant; ut nullum satis aperiant, ad excitandam sensationem aliquam peculiarem, aut ideam distinctam: adeò ut illi tot res simul sentiunt, ut nihil distinctè sentiant, unde fit ut se nihil omnino sensisse arbitrentur.

Sunt equidem qui nonnunquam animo linquantur deficientibus spiritibus animalibus: sed cùm mens tunc nihil habeat præter cogitationes puræ intellectionis, quæ nulla in cerebro relinquunt vestigia, eorum non recordantur postquàm in pristinum statum reduces facti sunt unde fit ut credant se nihil cogitare. Id obiter eo dixi consilio ut ostenderem multos immeritò existimare mentem non semper cogitare, quia nos quandoque eam nihil cogitare arbitramur.

Qui super cogitationibus suis tantillum meditantur, pro comperto habent mentem rebus multis simul & eodem tempore intentam esse non posse, ac ipsam potiori ratione, non posse infinitum penetrare. Attamen nescio quo animi impetù ducti nonnulli hujusce veritatis non inscijs meditandis objectis infinitis & quæstionibus quæ infinitam II.
Limitatio
mentis est
origo multo-
rum errorum. mentis

mentis capacitatem exigunt agitandis, magis incumbunt quàm iis quæ ad ipsorum ingenij captum propiùs accedunt: nescio etiam cur tot reperiantur, qui dum cuncta tenere satagunt, tot scientiis eodem tempore operam dant, ut mentem confundant & ad veras scientias prorsus ineptam reddant.

Quot homines materiæ divisibilitatem in infinitum concipere conantur, & quo modo fieri possit ut unum arenæ granum tot partes contineat quot tota terra, at minores, proportionem servatâ? Quot tum super hac re, tum super multis aliis, quæ aliquam cum infinito relationem habent quæstiones nunquam solvendæ moventur, quarum tamen solutionem in mente sua multi conantur nancisci? Mens circa hoc omnes intendit cogitationes, æstuat, sed quid inde tandem emergit? absurditas, scilicet, & error.

Certè non possum quin mirer nonnullos esse, qui materiæ divisibilitatem ad infinitum negent, quia duntaxat eam non possunt capere, quamvis demonstrationes quibus probatur illa divisibilitas optimè intelligant, idque eo ipso tempore quo ore saltem fatentur mentem humanam non posse capere infinitum. Argumenta enim quibus evincitur divisibilitas materiæ in infinitum sunt demonstrativa ut quæ maximè; nec id diffitentur cum illa argumenta seriò ponderant. Attamen si ipsis proponantur objectiones quas non possint solvere, mens desertâ quam mox viderat evidentiâ in dubium labitur; objectio quam non possunt solvere ipsos habet anxios; distinctionem aliquam futilem adversus materiæ divisibilitatem excogitant; ac denique concludunt se antea fuisse hallucinatos, omnesque circa hoc pariter hallucinari. Deinde opinionem contrariam amplectuntur. Illam chimæricis atomis aliisque absurditatibus ejuscemodi quas suppeditat imaginatio, defendunt. In istos autem errores non incidunt nisi quia satis persuasum non habent mentem humanam esse finitam, nec necessarium esse ipsam capere divisibilitatem materiæ ut eam credat, quia omnes objectiones quæ non possunt solvi nisi illam concipiendo, sunt solutâ impossibiles.

*L'Art de
penser Arts
cogitandi.*

Porrò si hominum curiositas quæstionibus hujus generis terminaretur, res non tanti esset momenti. Si enim contingat ut nonnulli erroribus quibusdam sese præpediri sinant, errores saltem sunt leves. Alij verò temporis jacturam non omninò fecerunt, dum meditati sunt circa res quas capere nequiverunt, hoc pacto enim debilitatis mentis suæ convicti fuerunt. Utile est, inquit Author maximi judicii, mentem in ejusmodi subtilitatibus desudare, ut ipsius arrogantia hoc pacto dometur, & ab illa desistat temeritate quâ debilia lumina sua veritatibus ab Ecclesia propositis audet opponere, hanc præ se ferens causam se illas intelligere non posse. Cum enim tota mentis acies minimâ atomo obtundatur, & fateri cogatur se equidem clarè videre istam materiæ portiunculam esse divisibilem in infinitum, quamvis non possit capere quomodo id fieri possit; nonne is manifestò peccat adversus

adversus rationem qui mirabiles Omnipotentiae Divinae, quae ipsa incomprehensibilis est, effectus credere recusat, eam adductus causam mentem scilicet nostram non posse illos capere.

Effectus igitur perniciosior ignorantiae, seu potius incogitantiae in qua versantur homines circa mentis humanae limitationem & infirmitatem, atque ideo circa ipsius incapacitatem eorum omnium quae ad infinitum aliqua in re accedunt, est haeresis. Hisce praesertim temporibus non pauci reperiuntur, qui Theologiam specialem, solo ipsorum ingenio, ac naturali rationis debilitate fretam sibi instituunt; quia in iis etiam rebus quae à ratione non pendent, illud solum credere volunt quod possunt concipere.

III.
Et praecipue
haeresi. an.

Sociniani non possunt capere Mysteria Trinitatis & Incarnationis: Id ipsis sufficit ut ea non credant; nec id modò, eos etiam qui ista credunt mysteria, ad servitutem natos audacter & superbe pronuntiant. Calvinista non potest capere qui fieri possit ut corpus Jesu-Christi sit realiter praesens in Sacramento Eucharistiae, eodem tempore quo est in caelo; atque hinc merito se inferre credit id fieri non posse, quasi omnino cognosceret, quo usque extendatur potentia Divina.

Homo quipiam, etiam libertatis suae apud se conscius, si magno contendat nisu, ut scientiam Dei ipsiusque decreta cum libertate conciliet, post irritos conatus in eorum fortè labetur errorem qui non credunt homines esse liberos. Cum enim ex altera parte, non capiat Providentiam Divinam posse subsistere cum libertate hominis, ex altera verò, ea sit erga Religionem veneratione, ut non possit negare Providentiam; eò se adactum credet ut libertatem hominibus detrahat, vel ad mentis humanae infirmitatem non satis attendens, se rationes quibus Deus decreta sua cum libertate nostrâ conciliat penetrare posse imaginabitur.

Porrò non soli haeretici minus attendunt ad tenuitatem mentis suae, ipsique nimiam permittunt libertatem judicandi de rebus quae non sunt ipsius juris. Omnes penè homines hoc vitio laborant, ac praesertim nonnulli Theologi posteriorum saeculorum. Quidam enim inter illos adeò frequenter utuntur ratiociniis humanis, ad probanda aut explicanda mysteria quae rationis captum superant, ut, quamvis id bona intentione, & ad propugnandam veritatem adversus haeticos faciant, iisdem tamen haeticis pervicaciter persistendi in suis erroribus, & mysteria fidei inter opiniones humanas collo-candi, non raro praebant occasionem.

Mentis agitatio & scholae subtilitates ad id non sunt idoneae ut hominibus infirmitatem suam patefaciant, nec eum semper submissionis inspirant animum, sine quo non possumus cedere humiliter decisionibus Ecclesiae. Quin haec omnia ratiocinia humana & subtilia interviunt potius excitandae in ipsis secretae superbiae, iis ad id potius impelli possunt ut ratione suâ intempestivè utantur, ac Religionem ipsius capacitati accommodatam instituunt. Ac reverà non videas Hære-

ricos argumentis Philosophicis cedere, nec ad id lectione Authorum merè Scholasticorum adducuntur ut errores suos agnoscant & respuant. Immò videas quotidie ipsos ex debilitate rationum quorundam Scholasticorum ansam arripere, subsannandi mysteria Religionis sanctissima, quæ reapse non stabiliuntur hisce ratiociniis & explanationibus humanis, sed solâ authoritate verbi Dei, sive scripti, sive non scripti, hoc est ad nos usque per traditionem transmissi nuntur.

Ac sanè ratio humana nos nequaquam edocet unum esse Deum in tribus personis, Corpus Jesu-Christi realiter præsens esse in Eucharistia; & quomodo fieri possit ut homo sit liber, quamvis Deus ab omni æternitate præsciverit quid homo sit facturus. Rationes quæ ad hæc probanda & explicanda afferuntur, eos ut plurimum duntaxat persuadent, qui illas nullo examine facto admittunt; sed iis sæpe absurdæ videntur qui eas impugnare volunt, mysteria iis freta negantes. Contrà verò objectiones quæ adversus præcipuos fidei nostræ articulos ac præsertim adversus mysterium Trinitatis formantur, ita sunt validæ, ut clarè, evidentè, & accommodatè ad debilem rationem nostram solvi nequeant, quia reipsâ mysteria illa captum humanum exuperant.

Potior igitur ratio convertendi Hæreticos in eo non consistit ut ipsos ad usum rationis suæ incitemus & assuefaciamus, iis incerta Philosophiæ argumenta proponendo; quia veritates quas ipsos doceri par est à ratione non dependent. Nec etiam semper conducit ejusmodi rationibus uti in veritatibus, quæ rationis, æquè ac traditionis ope possunt probari, quales sunt immortalitas animæ, peccatum originale, necessitas gratiæ, depravatio naturæ, & quædam aliæ; nemens ipsorum agnitâ semel rationum evidentia in his quæstionibus; iis postea nolit acquiescere quæ solâ traditione possunt probari. Quin potius ad id impellendi sunt ut cognitâ rationis suæ infirmitate, & limitatione, quantumque mysteriis nostris sit impar, rationem illam, cum de rebus fidei agitur, abdicent. Deinde subjugatâ animi superbiâ, facile erit ipsos ad Ecclesiæ dogmatum Fidem inducere, ipsius authoritatem ostendendo, aut eis explicando traditionem omnium sæculorum, si eam explanationem capere possunt.

Verum, si homines oculos suos à mentis suæ debilitate, & angustia perpetuò avertant, temeraria vanitas ipsorum animos inflabit; luxuriosus ipsos perstringet, gloriæ cupido eos occæcabit. Atque hoc pacto, Hæretici perpetuò Hæretici manebunt, Philosophi pervicaces, nullusque erit disputandi finis, quandiu erit disputandi animus.

CAPV T III.

1. Philosophos ingenium suum opprimere ac vilitati dissipare, dum nullo in studiis suis ordine servato, rebus incumbunt quæ nimias in se includunt relationes, & à pluribus pendent. II. Exemplum ex Aristotele desumptum. III. Geometras contra se bene gerere in veritatis investigatione, ac eos potissimum qui Algebra & Analyti utuntur. IV. Ipsorum Methodum vim ingenij augere, Logicam vero Aristotelis ipsam minuire. V. Aliud vitium eorum qui studio operam dant.

Homines in varios incurrunt errores, non modò quia animum appellunt quæstionibus quæ infinitum spectant, cum tamen ipsorum mens finita sit. Sed etiam quia iis se dedunt quæ latissimè patent, cum mens ipsorum sit angustissima.

I.
Philosophis
ordinem de-
esse in stu-
diu.

Quemadmodum, uti jam monuimus, cera eodem tempore non potest recipere multas figuras perfectas & distinctas; ita mens non potest multas res excipere distinctè & eodem tempore. Hinc colligere est, non esse incumbendum, primâ fronte, indagationi veritatum occultarum, quarum cognitio à majori rerum numero pendet; quarumque nonnullæ nobis sunt ignotæ, aut saltem minùs familiares; studendum enim est cum ordine, & iis utendum quæ distinctè teneamus ad ea addiscenda quæ ignoramus, aut quæ saltem confusè cognoscimus. Maxima tamen pars eorum qui student ad id non attendunt; suas ipsi non explorant vires; quousque ingenij captus extendatur non satis perspectum habent; vanitate quadam imperceptâ, & immoderatâ scientiæ cupidine, non verò ratione ipsorum studia diriguntur. Illâ inconsultâ, veritates abstrusissimas, & maximè imperscrutabiles penetrare aggrediuntur, quæstionésque solvere à tanto relationum numero pendent, ut mens vivacissima & perspicacissima ipsarum veritatem certò cognoscere non posset, nisi post multa sæcula innumerâque experimenta.

In Medicinâ & in Ethicâ innumeræ sunt quæstiones ejuscemodi. Omnes scientiæ quæ versantur circa corpora & ipsorum qualitates, ut circa animalia, plantas, metalla, qualitatésque ipsis proprias, nunquam possunt esse satis evidentes & certæ; nisi præcipuè aliâ ratione excolantur quàm antea, & nisi à scientiis simplicioribus, & minùs compositis unde dependent initium fiat. At verò qui studio operam dant illum in se nolunt suscipere laborem ut ordine philosophentur, de certitudine principiorum Physicis inter ipsos non convenit, corporum naturam in genere ipsorumque qualitates, ut id fatentur, non

A a a

agnoscunt. Attamen se rationem reddere posse credunt, cur, exempli gratiâ, capilli senum canescant, ipsorum dentes nigrescant, quæ quæstiones tot habent causas à quibus dependent, ut certa ipsarum ratio nunquam reddi possit. Ut id enim certò immotescat, sciendum est præcisè in quo consistat canities capillorum speciatim; quibus humoribus nutriantur, quibus corporis filtris, seu cribris humores hi trahantur, quænam conformatio radicis capillorum, aut cutis per quam humores illi transeunt; quomodò hæc omnia in juvene & in sene differant, quod non nisi difficillimè cognosci potest.

I I.

*Exemplum
quo ostendi
tur Aristoteli
ordinem de
fuisse.*

*Lib. 5. de ge-
nere anim.
cap. 1.*

Aristoteles, exempli gratiâ, istius senum canities causam se penetrasse putavit; multas istius canities rationes attulit in variis locis; sed an Genius Naturæ ibi substitisset? minimè verò, longius progreditur. Deprehendit præterea eandem causam quæ capillos senum canos efficit, efficere etiam ut nonnulli homines & quidam equi habeant alterum oculum cæruleum, alterum verò aliûs coloris. Hæc sunt ipsius verba: Επερέχλαυκοι ὅ, μάλιστα γίνονται ἢ οἱ ἄνθρωποι ἢ οἱ ἵπποι ὅς, πῶ αὐτῶ αἰτίαν δὲ ἡν περ ὁ μὲν ἄνθρωπος περιούται μέιον. Næ id mirum est, sed quid tantum virum lateret. Certè tantum in suis Physicis operibus rerum numerum explicat, quæ hujus sæculi oculatissimis inexplicabiles videntur, ut non immeritò dicatur nobis à Deo concessus, ut nihil eorum quæ possunt cognosci nos fugeret. *Aristotelis doctrina est SUMMA VERITAS, quoniam ejus intellectus fuit finis humani intellectus. Quare bene dicitur de illo, quod ipse fuit, creatus & datus nobis Divinâ Providentiâ, ut non ignoremus possibilia sciri.* Averroës debebat etiam adjicere Aristotelem nobis datum fuisse Divinâ Providentiâ ut ea etiam discamus quæ sunt impossibilia sciri. Quippe Philosophus ea non tantum nos docet quæ possunt sciri, sed cum in ipsius verba sit jurandum, quippe cujus doctrina sit SUMMA VERITAS, ea etiam nos docet quæ sunt impossibilia sciri.

Certè multâ fide opus est ut Aristoteli, nihil aliud nobis oggerenti, quàm rationes Logicas, effectusque naturæ non aliter quàm per notionem sensuum confusas explicanti credamus: cum potissimum de quæstionibus homini insolubilibus audacter decidit. Hanc dubio procul ob causam Aristoteles enixè monet sibi sine examine credendum esse. Certum est isti Authori axioma, Discipulum credere debere, *ἢ πρὶς τὸν μαθητὴν τὸν μαθητὴν.*

Discipuli equidem Magistris suis nonnunquam credere tenentur, sed ipsorum fides non extendi debet ultrà experientias & facta. Si enim veri Philosophi evadere cupiunt, magistrorum rationes ad examen debent revocare, illasque, nisi cognitâ proprio lumine ipsarum evidentia non debent admittere. Verum ut quis sit Philosophus Peripateticus, credere & memoriâ mandare tantum necesse est: Eadem mente Philosophia ista discenda est, quâ leguntur historiæ; si enim, edo licentiâ devenias ut ratione & mente tuâ utaris, non est quod speres:

ſperes te evaſurum eſſe in magnum Philoſophum ; δὲ γὰρ πῶς ἂν
τοῦ μαθητοῦ.

Verum cauſa cur Ariſtoteles, & innumeri alij Philoſophi credide-
rint ſe ſcire quod ſciri nequit, ex eo eſt quod ſatis non intellexerint
quomodo inter ſe differant ſcire & ſcire ; certam & evidentem ali-
cujus rei cognitionem ab ea quæ eſt tantum veriſimilis diſtinguere.
Cur autem id non ſatis diſtinxerint, inde eſt quod cum res quibus
animum adjunxerunt ipſorum mente latiùs patuerint, illarum rerum
partem aliquam duntaxat perceperunt, ipſas totas amplecti non va-
lentes : Illa autem cognitio ſufficit quidem ad multas percipiendas
veriſimilitudines, non verò ad veritatem evidenter detegendam. Cum
præterea ſcientias non alio quàm vanitatis principio ducti investiga-
verint, veriſimilitudines autem ſint aptiores ad captandam hominum
exiſtimationem, quàm veritas ipſa, quia vulgi ingenio ſunt magis
accommodatæ, rationes ad augendam ingenij capacitatem necella-
rias neglexerunt, adeò ut veritates ſubobſcuras introſpicere non
potuerint.

Geometræ ſoli mentis ſuæ anguſtiam ſatis agnoverunt; aut ſaltem
eo ſeſe geſſerunt modo in ſtudiis qui oſtendit ipſos iſtius anguſtiæ
ſuiſſe omnino conſcios ; Ij præſertim qui uſi ſunt Algebra & Analyſi,
quam Vietus & Carteſius inſtauraverunt & perfecērūt hoc ſæculo. Id inde
pater quod iſti viri non aggreſſi ſint ſolvere difficultates maximè com-
poſitas, niſi cognitis antea clariſſimè ſimpliciſſimis à quibus illæ de-
pendent : Ad lineas curvas, quales ſunt ſectiones conicæ, conſideran-
das, animum non priùs appulerunt, quàm perfectam Geometriæ
vulgaris peritiā adepti fuiſſent. Verum quod Analyſtis ſpeciale eſt,
in eo conſiſtit : cum nempe cognoverint ipſorum ingenium non poſſe
eodem tempore pluribus figuris intentum eſſe, ne vel poſſe imaginari
ſolida quibus diſſectiones ſint plures tribus, quamvis ſæpè ſolida
eum majori diſſectionum numero concipiendi neceſſitas ipſis incum-
bat ; literis ordinariis nobis maximè familiaribus, ad exprimendas
& abbreviandas ſuas ideas uſi ſunt. Mens itaque multarum figurarum
repræſentatione quæ aliàs ipſi neceſſaria fuiſſet, ingentique linearum
numero nequaquam impedita aut occupata, uno intuitu poteſt per-
cipere quod aliter percipere nunquam potuiſſet : Mens enim, ſi ipſius
capacitati ritè conſulas, res multò penitiùs introſpicere & ad plura
ſeſe extendere poteſt.

Tota igitur induſtria quæ ad mentis perſpicacitatem & capacita-
tem augendam conferre poteſt, in eo conſiſtit ; ut vires ipſius explo-
ratas ita temperemus, ut ipſa ad res quæ nihil ad veritatem ſibi de-
tegendam faciunt non abutamur, idque notatu digniſſimum eſt.
Quippe ex eo ſolo ſatis pater Logicas vulgares ingenij capacitatem
potius minuere quàm augere ; ſi enim in alicujus veritatis investiga-
tione regulis quas tradunt uti volueris ; tum ingenij capacitas maxi-
mam partem iis occupabitur, adeò ut ad attentionem, quæ ut totam.

III.

*Geometras
ſeſe bene ge-
vere in in-
veſtiganda
veritate.*

IV.

*Ipſorum me-
thodum augere
capacitatem
ingenii, me-
thodum verò
Ariſtoteleſis
ipſam mi-
nuere.*

*Lib. 6. prim.
part. meth.*

subjecti sui extensionem complectatur necessaria est, impar futura sit.

Ex suprà dictis satis igitur liquet plerisque ad mentis naturam parum attendisse, dum se veritatis inquisitioni accinxerunt; Illi sane quam angusta sit mentis humanæ capacitas quantumque necesse sit ipsam prudenter temperare atque etiam augere, exploratum satis nunquam habuerunt; atque ex hac potissimum causa factum ut in errorem lapsi sint, studiâque ipsis tam infeliciter cessérint.

Non tamen putamus fuisse unquam homines qui ingenij limitationis & imbecillitatis conscij non fuerint: quin omnes id compertum habent quidem, id omnes fatentur; sed plerique confusè tantum istam cognoscunt limitationem, & ore duntaxat contentur; isti confessioni contradicunt ipsorum in studiis processus; agunt enim quasi persuasum haberent mentem suam nullis esse circumscriptam limitibus, resque volunt penetrare quæ ab innumeris pendent causis quarum ne unam quidem norunt.

V.
*Aliud vitium
eorum qui
studij scien-
tiarum ope-
ram dant.*

In aliud etiam vitium incurrere solent qui studio scientiarum operam dant. Majori scilicet scientiarum numero uno eodémque tempore ingenium applicant, si per sex horas student, sex fortè rebus diversis incumbunt. Id vitij ab eadem quam suprà memoravimus causa manare manifestum est. Qui enim studia sua sic instituunt, si istam studendi rationem mentis suæ capacitati non esse congruam, ipsamque confusionem potius & errorem quàm veram scientiam parituram, certò cognoscerent, verisimile est ipsos moribus inordinatis quos ciet vanitas, fræna esse adhibitueros; eo enim pacto vanitati nunquam satisfacient, quin potius in perpetuæ inscitiae periculo versabuntur.

C A P V T IV.

- I. *Mens non potest diù incumbere objectis quæ nullam secum habent relationem aut quæ cum infinito nihil habent commune.*
- II. *Voluntatis inconstancia causa est istius mentis inapplicationis, & per consequens erroris.*
- III. *Sensationes nostræ nos magis occupant quàm idea pura intellectus,*
- IV. *Ex quo manat morum corruptio.*
- V. *Id & ignorantia vultus.*

MENS humana errori non est obnoxia, duntaxat quia infinita non est, aut quia objectis quæ contemplatur est impar, ut id duobus capitibus præcedentibus exposuimus; sed etiam quia inconstans est, sibi in actionibus suis non constat, visumque in eadem objecta defixum diù satis sistere nequit, ut illud possit examinare.

Ut istius inconstantiæ & levitatis ingenij humani causam percipiamus,

piamus, sciendum est voluntatem actionem mentis dirigere, & objectis à se amatis mentem applicare, ipsamque voluntatem in perpetua inconstantia & anxietate versari, cujus inconstantiae & anxietatis hæc est causa.

Deum omnium Authorem esse, omnia propter se fecisse, & cor hominis ad se impressione naturali & invictâ quâ ipsum indefinenter afficit flectere nemo est qui meritò possit dubitare. Fieri nequit ut Deus velit voluntatem aliquam existere quæ ipsum non amet, aut quæ ipsum alicui alij bono, si demùm aliud bonum ab ipso diversum existere possit, postponat. Ferre enim nequit Deus ut voluntas quæpiam non amet id quod summo amore dignum est, utque ista voluntas id exoptet magis quod amore dignum minùs est. Amor itaque naturalis ad Deum nos ferat oportet, quippe qui ab ipso Deo procedat; & quia nihil est quod istos motus possit sistere, præter ipsum Deum qui illorum Author est. Nulla igitur est voluntas quæ motus hujus amoris non sequatur necessario. Justi, impij, beati, & ij etiam qui inferni cruciatibus sunt addicti Deum amant isto amore; atque is ipse amor est qui aliquo sensu postremorum miseriam constituit. Cum enim amor iste naturalis quo erga Deum movemur, idem sit cum inclinatione naturali quâ versùs bonum in genere, versùs bonum infinitum, summum bonum ferimur, manifestum est omnes spiritus Deum amare hoc amoris genere, cum ipse solus sit bonum universale, bonum infinitum, summum bonum. Nam certè omnes spiritus, ipsi etiam Dæmones beatitudinem summique boni possessionem totis exoptant votis; idque exoptant indiscriminatim, sine ulla deliberatione, sine libertate, & ex naturæ necessitate. Cum igitur propter Deum, propter bonum infinitum, propter bonum omnia in se complectens bona facti simus, motus naturalis cordis nostri nunquam desinet nisi possessione istius boni.

Voluntas igitur nostra perpetuâ & ardenti laborans siti, desideriis, anxietatibus, sollicitudinibus in gratiam boni quod non possidet, agitata mentem veritatibus abstractis quæ ipsam non afficiunt, quasque ad ipsius beatitudinem nihil conferre judicat, aliquandiù inhærere non nisi ægrè ferre potest: intellectum itaque ad alia quærenda objecta indefinenter incitat: jam autem cum intellectus agitatione sibi à voluntate communicatâ in objectum aliquod incidit quod boni speciem præ se ferat, hoc est, quod mentem præsentia suâ, aliquâ suavitatem, & voluptate quadam internâ pelliciat; tum sitis illa cordis denuò ardescit; desideria, anxia vota, æstus deintegrò accenduntur; mēsq; ad ipsorum obsequium adacta; objecto quod excitavit unice adhæret, ut illud, quo semel degustato blandè aliquandiù pascitur, propius admoveat. At verò cum inanitas creaturarum non possit implere infinitam cordis humani capacitatem, exiles illæ voluptates sitim ejus potius irritant quàm extinguunt; mentemque lætant stultâ & vanâ spe: quâ in voluptatum terrenarum multiplicitate sibi satisfactum iri putat: Quod

II.
*Inconstantia
voluntatis
est causa
inapplicatio-
nis. atque
idem error.*

Quod etiam in intellectu cuius ope mens illa detegit bona ingentem generat levitatem & inconstantiam.

Verum equidem est intellectum, si fortè incidat in objectum quoddam quod aliquam cum infinito habeat convenientiam, ab inconstancia & agitatione per aliquod tempus desistere. Cum enim agnoscat, objectum illud indui tesserâ ac charactere objecti quod mens desiderat, tum in illo diù satis desigitur, eique adhærescit. Verùm illa applicatio, seu potius illa tenacitas intellectûs in examinandis objectis infinitis, aut nimium vastis, ipsi æquè inutilis est, ac levitas illa quâ objecta ipsius capacitati adtemperata considerare solet. Debilior est quàm ut possit tantum objectum assequi; ipsius conatûs irriti semper manebunt. Objecti infiniti, ut ita loquar, comprehensio, mentem non potest efficere beatam, ipsius enim capax non est, sed amor & fruitio boni infiniti, cuius voluntas capax est per motum amoris quem ipsi Deus indefinenter imprimit.

Quis postea mirabitur ignorantiam & cœcitatem hominum, quandoquidem ipsorum mens inconstantia & levitati cordis subiecta, atque ideo ad quicquam seriò & attentè expendendum inepta, nil possit penetrare quod memorabilem includat difficultatem. Attentio enim intellectûs objectorum intellectualium respectû, idem est quod oculorum nostrorum acies intenta respectû objectorum visibilium. Et quemadmodum qui in objecta circumjacentia oculos circumferre & desigere nequit; minimas ipsorum partes minimasque relationes quibus istæ particulæ inter se mutuò conveniunt satis discernere non potest. Ita qui non potest aciem mentis in ea quæ scire cupit desigere, ea etiam cognoscere nequit ut singulas partes, omnesque relationes quæ inter se invicem aut inter alia objecta sunt discernere valeat.

Omnes tamen cognitiones non in alio quoquam, haud dubiè sitæ sunt, quàm in claro conspectu relationum quas res inter se habent. Cum igitur, ut id sæpe in quæstionibus difficilibus accidit, mens uno intuitu ingentem relationum numerum quas duæ aut plures res habent inter se invicem, contueri debet, certè nisi istæc attentissimè consideraverit, vel si confusè tantum ea cognoscat, mutuas relationes percipere, atque ideo solidum de iis ferre iudicium nunquam poterit.

III:
*Sensationes
nostra nos
occupant
magis quàm
idea pura
intellectûs.*

Inter varias causas ob quas rebus abstractis non satis attendimus, præcipua in eo consistit quòd eas res abstractas veluti eminè videamus, occurrantque indefinenter intellectui nostro res ipsi multò propinquiores. Intenta mentis applicatio admoveat, ut ita loquar, ideas objectorum quibus sese applicat. Sed sæpe contingit, ut dum mens speculationibus Metaphysicis intenta est, inde dimoveatur, interventû sensationis cuiusdam ab ipsâ propinquioris quàm ideæ illæ Metaphysicæ; ad hoc enim efficiendum minimus dolor vel levior voluptas sufficit: Atque huiusce rei causa hæc est, dolor scilicet & voluptas & in genere omnes sensationes sunt in ipsa mente, illæ ipsam longè propius

propius attingunt & modificant, quàm ideæ simplices objectorum puræ intellectionis, quæ licet menti præsentem illam tamen nec afficiunt nec modificant. Cum itaque mens sit limitatissima, nec à sensu doloris aliarumque sensationum possit abstinere, ipsius capacitas ejusmodi sensationibus impletur, nec eodem tempore aliquid sentire, & de aliis objectis quæ sentiri nequeunt liberè cogitare potest. Bombus muscæ, aut alius quilibet lenis susurrus dummodò usque ad præcipuam cerebri partem, ita ut mens illum percipere queat, communicetur, nos, etiam enixè reluctantes, potest arcere à consideratione veritatum abstractarum & sublimium; omnes enim ideæ abstractæ non modificant mentem, at idem de sensationibus dici nequit.

Hinc nascuntur stupiditas & sopor ingenij respectu sublimium veritatum Ethicæ Christianæ; hinc est quòd homines illas non cognoscant nisi cognitione speculativâ & sterili, ni ipsis adsit gratia Jesu-Christi. Omnes Deum esse, ipsum esse adorandum & colendum norunt equidem; at verò quis eum colit & adorat sine gratia, quæ sola dulcedinem & voluptatem ex his officiis degustandas, nobis præbet. Pauci sunt qui non agnoscat vanitatem & instabilitatem bonorum terrenorum; immò pauci extant qui non convincantur, convictione equidem abstractâ, sed certissimâ tamen & evidentissimâ, istæc bona indigna esse quæ à nobis amentur & inquirantur. At verò ubinam eos reperies, qui hæc bona in praxi aspernentur, quique ad ea comparanda operam suam conferre recusent? Ij certè soli impressiones sensuum imperiusque concupiscentiæ possunt vincere, quibus agnita ex istorum bonorum possessione nata amaritudo fastidium creavit, aut quos gratia, delectatione quadam internâ, affecit sensu & amore rerum spiritualium. Sola igitur mentis contemplatio eò nos nunquam adducit, ut quâ par est, vi, concupiscentiæ conatibus obluitemus. Huic contemplationi accedere debet motus quidam cordis internus. Lumen illud mentis solum est, ut loqui amant, gratia sufficiens, quæ ad nostram condemnationem duntaxat conferre valet, quæ nobis infirmitatem nostram manifestat, quantumque ad illum à quo omnis pendet vis nostra precibus confugere opus habeamus. Sed motus ille cordis aut sensus internus, est gratia vivida quæ operatur. Illa nos movet, nos sustentat, & cor nostrum ita persuadet, ut sine ea nemo sit qui ex corde cogitet: *Nemo est qui recogitet corde*. Omnes veritates in Ethica constantissimæ in secretis ingenij recessibus & adytis delitescunt, & quandiu ibi remanent, steriles & inefficaces sunt, quoniam eas anima non gustat. Sed voluptates sensuum sunt propinquiore mentij, jam autem cum fieri nequeat ut quis non sentiat, utque etiam non amet * voluptatem suam, fieri etiam nequit ut quis terræ * vale dicat, & præstigiis & illusiones sensuum suis propriis viribus duntaxat abdicet.

Haud tamen inficiari velim, justos quorum cor delectatione antevertebat seu præveniente versus Deum vividè inflexum fuit; posse

Vide cap. 7.
secund. part.
hujus Libri.

IV.
Inde manat
morum corr-
ruptio.

* Scilicet
amore natu-
rali, volu-
ptatem enim
edisse potest
quæ ratio ele-
vatur, seu cu
electione
naturæ.

* Quia amor
elevisum dicitur

non potest
subsistere,
quin amor
naturali
conformetur

sine hac speciali gratia quasdam patrare actiones meritorias & concupiscentiæ motibus obsistere. Nonnulli generosi & constantes legis Divinæ observatores sunt, fidei sui virtute, assiduâ rerum sensibilibum privatione, ac omnium quæ in tentationem possent inducere contemptu & fastidio. Sunt qui ferè semper agant licet nullam prælibaverint voluptatem indeliberatam aut prævenientem. Gaudium, quo inter agendum ex Dei voluntate, perfunduntur, sola est voluptas quam percipiunt. Atque ea voluptas sufficit ad eos in bona illa cordis dispositione sistendos & confirmandos; sed qui relapsi incipient, voluptate indeliberatâ & præveniente ut plurimum opus habent, quâ à bonis sensibilibus dimoveantur, quibus, aliis voluptatibus indeliberatis & prævenientibus jam adhærescunt. Tristitia & conscientiae morsus ad id non sufficiunt, & nullo adhuc gaudio fruuntur. Ac verò iusti vivere possunt ex fide, in ipsa etiam indigentia, immò in hoc statu plus merentur; cum enim homines sint ratione præditi, Deus ab ipsis amari vult amore electionis potius quàm amore instinctus & amore indeliberato, qualis est amor quo erga sensibilia movemur; ipsorum bonitatis non aliter certiores facti quàm voluptate ab ipsis ortâ. Cum tamen plerique sint *ἐλπίσται*, ac eo indefinenter adducti, ut voluptates degustent, amorem erga Deum electivum diu non possunt tueri adversus amorem naturalem erga sensibilia, nisi gratiâ Dei eos adversus voluptatis impetus statuminet & tuteur. Delectatio enim gratiæ charitatem creat, conservat & auget, non secus ac voluptates sensibiles cupiditatem pariunt.

V.
Ut & homi-
num igno-
rantia,

Ex supra dictis hoc non obscure liquet, scilicet, cum homines affectu quodam, aut sensationibus jucundis vel molestis nunquam vacent, ipsorum mentis capacitatem iis multum occupari debere, adeò ut, dum quod istius capacitatis superest ad alicujus veritatis examen intendere volunt, ab eo consilio sæpe deterreantur novis quibusdam sensationibus, fastidio ex isto examine nato, ac inconstantia voluntatis quæ mentem per singula objecta motu nunquam intermisso circumagat. Adeò ut nisi à juventâ omnia hæc oblectacula superare assueverint, ut id in secunda parte expositum fuit, eo tandem deveniant inertiae, ut veritatem paulò difficiliorem, cuique attendere oporteat, assequi nequeant.

Hinc concludere est omnes scientias, ac eas præcipuè quæ quæstiones solutû difficillimas includunt innumeris erroribus scaterere; ac ingentia illa volumina quæ de Medicinâ, Physicâ, Ethicâ, & potissimum de specialibus circa has scientias quæstionibus, quæ generalibus multò magis sunt complexæ, in dies componuntur, merito pro suspectis haberi. Immò quo magis ejusmodi libri apud vulgus, licet est apud eos, qui attentionem præbere, ingenioque suo ritè uti non nòrunt, obtinent, eo majore contemptu dignos esse. Nam vulgi assensus & approbatio circa materiam difficilem, est argumentum certum falsitatis istius opinionis cui assentitur. Hinc enim istam opinionem notionibus

notionibus sensuum fallacibus aut falsis imaginationis splendoribus inniti patet.

Impossibile tamen non est ut homo quipiam possit solus multas reterege veritates quæ præteritis sæculis occultæ fuerant; modò homo ille polleat ingenio, ac in solitario degens loco, ab omnibus semotus quæ ipsum possent agere diversum, veritati inquirendæ seriò incumbat. Quocirca ij à ratione mihi videntur abluere qui Philosophiam D. Cartesij quam non intelligunt adspernantur, eâ tantùm adducti causâ quod impossibile existiment, hominem quempiam potuisse solum veritatem prodere circa res adedò occultas, quales sunt res Naturæ. At verò si exploratum haberent quomodò vitam suam instituerit Philosophus ille, quas in studiis vias institerit ut impediret quò minis mentis ipsius capacitas aliis detineretur objectis ab iis quorum veritatem detegere volebat, quàm claris & distinctis ideis suam stabiliverit Philosophiam; ac in genere quot prærogativis prævaluerit antiquis Philosophis ope veritatum recens compertarum; si, inquam, hæc omnia probè scirent; ex iis certè præjudiciū haurirent in gratiam Cartesij longè magis legitimum, quàm præjudiciū antiquitatis, quod tantam Aristoteli, Platoni, multisque aliis auctoritatem conciliat.

Ipsis tamen author esse nolim ut hoc freti præjudicio Cartesium credant esse virum insignem ipsiusque Philosophiam esse bonam, ad id tantùm adducti elogiis quæ ipsi possunt tribui. D. Cartesius erat homo, errori & illusioni obnoxius erat sicut cæteri: Inter ipsius lucubrationes nulla est, ne vel ipsius Geometria, quæ non sapiat humanam infirmitatem. Ne igitur fidem incautam ipsius verbis adhibeamus; ipsius opera ut ipse monet, cautè sunt legenda. Examinandum est an in errorem non fuerit lapsus; nec usquam illi credendum, nisi cùm ad assensum evidentiâ & internis rationis admonitionibus adigemur. Nam, ut res verbo conficiatur, mens quicquam verè non scit, nisi quod evidenter videt.

Capitibus præcedentibus demonstravimus intellectum nostrum non esse infinitum, ipsius contrà capacitatem esse perquam mediocrem, illamque ipsam capacitatem sensationibus mentis ut plurimùm impleri, ac denique intellectum à voluntate directum, non posse diù alicui objecto adhærere, quin protinùs ab illo abducatur voluntatis inconstantia & levitate. Atque istæ sunt errorum nostrorum causæ haud dubiè generaliores; possemus equidem hisce demonstrandis diutius immorari. Sed hætenùs dicta sufficient viris attentioni assuetis & idoneis, ut ingenij humani imbecillitatis convincantur. In quarto & quinto Libro fusiùs agetur de erroribus, qui ab inclinationibus nostris & affectibus naturalibus originem ducunt, de quibus hoc Capite aliquid jam prælibavimus.

PARS SECVNDA.

DE INTELLECTV PVRO.

DE NATVRA IDEARVM.

CAPVT PRIMVM.

I. Quid per ideas intelligatur: ipsas reapse existere, ipsasque esse necessarias ad percipienda objecta omnia materialia. II. Divisio omnium modorum quibus objecta externa percipi possunt.



NE M O est, opinor, qui non fateatur nos objecta quæ sunt extra nos posita, non percipere, per illa ipsa objecta. Solem, Stellas, innumeræque alia objecta externa videmus; nec verisimile est mentem nostram è corpore exire, Cælósque ascendere ac per eos veluti obambulare, ut ibi omnia illa objecta contempletur. Illa igitur objecta immediatè per se ipsa non videt, cùmque mens nostra videt Solem, exempli gratiâ, certè Sol non est objectum immediatum mentis, sed aliquid quod menti nostræ intimè unitur; atque illud est quod ideam appello. Itaque per istud vocabulum, (*idea*) nihil aliud hic intelligo quàm id quod est objectum immediatum mentis, aut quod ipsi proximum est, dum aliquid percipit.

Accuratè animadvertendum est, omninò necessarium esse ideam objecti actu præsentem esse intellectui, ut illud objectum percipere possit, id in dubium vocari nequit. At verò non necesse est ut extrinsecus existat aliquid simile huic idæ; sæpissimè enim contingit ut res percipiamus quæ non existunt, nec unquam extiterunt. Cùm quis, exempli gratiâ, imaginatur montem aureum, prorsus necesse est ut idea istius montis actu præsens sit ipsius intellectui; cùm vesanus, aut quipiam feбри ardenti laborans, vel etiam inter dormiendum, animal quoddam terribile videt ob oculos pro certo constat ideam illius animalis reverà existere; sed mons ille aureus aut istud animal nunquam extiterunt,

Cùm

Cùm tamen homines ad id naturâ suâ propensi videantur, ut credant sola objecta corporea existere, hinc fit ut de rerum realitate & existentia secus omninò judicent, quàm par est: nam statim atque aliquod objectum sentiunt, protinùs existimant illud objectum certissime existere, quamvis nihil prorsùs extrinsecùs existat; existimant præterea illud objectum tale omninò esse quale illud vident, quod tamen nunquam contingit. Ideam verò quæ necessariò existit, quæque aliter se habere nequit quàm videtur incogitanter ut plurimum judicant nihil esse; quasi ideæ innumeras non haberent proprietates; quasi idea quadrati, exempli gratiâ, longè non differret ab idea alicujus numeri, resque planè diversas non repræsentaret; quod de nihilo dici unquam nequit, cùm nihilum nullam habeat proprietatem. Ideæ igitur, dubio procul, realiter existunt. Sed ipsarum naturam & essentiam examinemus; videamusque quid in mente sit quod ipsi omnia repræsentare valeat.

Quæcunque mens percipit sunt duplicis generis; aut enim sunt in mente aut extra mentem. Quæ in mente existunt, sunt ipsius propriæ cogitationes; hoc est, omnes ipsius variæ modificationes; nam per istas voces, (*cogitatio, modus cogitandi, aut modificatio mentis*) ea in genere omnia intelligo quæ in mente esse nequeunt quin mens illa percipiat, ut sunt ipsius sensationes, imaginationes, puræ intellectiones, aut simpliciter ipsius conceptiones, ipsius etiam affectûs, & inclinationes naturales. Menti autem nostræ nullis opus est ideis, ut hæc omnia possit percipere; quia sunt intùs in ipsa mente, aut potius quia nihil aliud sunt præter mentem ipsam hoc vel illo modo modificatam; quemadmodum rotunditas realis alicujus corporis, & ipsius motus nihil aliud sunt præter illud corpus hoc vel illo modo figuratum & translatum.

Ea verò quæ sunt extra animam non possumus percipere nisi mediantibus ideis; si saltem istæ ipsi intimè uniri nequeant. Quæ autem extra mentem existunt, sunt duplicis generis, spiritualia scilicet & materialia. Ad spiritualia quod attinet illa mentem sine ideis & per illam ipsa, posse percipere verisimile videtur. Quamvis enim experientiâ constet, nos non posse immediatè, & per nos ipsos cogitationes nostras nobis invicem communicare, sed tantùm verborum, aut aliorum signorum visibilium quibus ideas nostras alligavimus, ope; dicere tamen possumus Deum id ad hujusce vitæ tempus duntaxat instituisse, ut obviam iret malis quæ nunc obtinerent, si homines prohibitu sese mutuò intelligere possent: At verò ubi justitia ac ordo vigebunt, & à corporis nostri captivitate liberi erimus, tum unione intimâ quæ erit inter nos invicem mentem nostram mutuò poterimus aperire, quo modo Angelos in Cœlis agere verisimile est; Adeo ut ideas ad spiritualia menti repræsentanda admittere non videatur omninò necessarium; quoniam fieri potest ut ea videamus per illam ipsam, quanquam modo valdè imperfecto.

Totus iste sermo non examinatio quo pacto duo spiritus possint inter se uniri, & an hoc pacto fieri possit, sed ut sibi invicem quædam aperire cogitationes. Existimo tamen, nullam esse substantiam simplicem, intelligibilem præter substantiam Dei; nihil posse evidentius cognosci nisi in ipsis intueri, rationemque spirituum efficere non posse ut visibiles sint sive ut videri queant. Quamvis cum nobismet ipsis arctissime unimur, nobismet tamen ipsi inintellegibiles, ut ita dicam, erant, donec nosmet ipsos videamus in Deo, & nobis ipsis offerat ideam omnino claram entis nostri quam esse habet in suo esse inclusam. Itaque quamvis hic concedere videar, Angelos posse sibi invicem manifestare, & id quod sunt & quod cogitant, id tamen me concessisse moneo duntaxat, quia de hoc disputare nolo, dummodo id mihi concedatur quod negari nequit, nempe materialia non posse percipi per se ipsa & sine ideis.

Capite septimo explanabo sententiam meam de ratione quâ cognoscimus spiritus, ostendâmq; nos non posse nunc ipsos omnino cognoscere per illosmet ipsos, licet forsan possint nobis uniri. Sed hic præsertim sermo est de rebus materialibus quæ certè menti nostræ non possunt uniri eâ ratione quæ ad eas percipiendas necessaria est, quum enim extensæ sint, mens verò non sit extensa nulla datur inter eas proportio. His adde quòd mentes nostræ non exeunt è corpore ut dimetiantur cœlorum magnitudinem, ac ideo non possint videre corpora externa, nisi per ideas quæ illa repræsentant. Hæc apud omnes in confesso esse debent.

II.
Divisio omnium rationum quibus videre possumus objecta externa.

Asserimus igitur prorsus necessarium esse ut ideæ quas habemus de corporibus, ac de cæteris objectis quæ per se ipsa non percipimus, ab illis corporibus aut ab illis objectis veniant: vel ut mens nostrâ polleat virtute istas producendi ideas: vel ut Deus eas cum mente ipsam creando producat: vel eas producat quociescunque de objecto aliquo cogitamus: vel ut mens in se ipsâ possideat omnes perfectiones quas in istis corporibus videt: vel denique ut uniatur enti summè perfectò, quòdque in se omnes in genere includat entium conditorum perfectiones.

Objecta non possumus percipere nisi per unam ex istis rationibus. Nunc sepositis omnibus præjudiciis, istiusque quæstionis difficultate haudquaquam territi, excutiamus quænam inter illas sit verisimilior. Illam quæstionem forsan clarè satis solvemus, licet hic demonstrationes quæ certæ, & invictæ quibuscumque videantur hominibus tradere non satagamus; sed argumenta tantum validissima apud eos saltem qui illa attentè & seriò meditari non dedignabuntur. Si aliter enim loqueremur temeritatis forsan accusaremur.

CAPUT II.

Objecta materialia nullas mittere species sibi similes.

PEripateticorum sententia qui objecta externa species sibi similes mittere, istasque species per sensus externos ad sensum communem usque ferri, arbitrantur, omnium est vulgatissima. Species illas appellant *impressis*, quia objecta illas imprimunt sensibus externis. Species istæ impressæ cum sint materiales & sensibiles fiunt intelligibiles ope *intellectus agentis* seu *activi*, & ad id aptæ sunt ut recipiantur in *intellectu passivo*. Species illæ ad spiritûs naturam sic conversæ appellantur species *expressæ*, quia ab impressis exprimuntur, atque per eas *intellectus patiens* seu *passivus* omnia materialia cognoscit.

In egregiis istis cogitatis fufius explicandis, variisque rationibus quibus varij Philosophi illa concipiunt asserendis diutius non immoramur. Quamvis enim inter ipsos non conveniat de numero facultatum quas sensui interno & intellectui tribuunt, & non pauci sint etiam qui dubitent, an indigeant *intellectu agente* ad cognoscenda objecta sensibilia; Omnes tamen penè consentiunt objecta externa emittere species aut imagines sibi similes; atque hoc solo freti fundamento multiplicant facultates suas suumque *intellectum agentem* propugnant. Aded ut, cum istud fundamentum omni careat soliditate, ut mox patebit; iis omnibus quæ huic fundamento adstruuntur evertendis diutius insistere necessarium non fit.

Asserimus igitur à verisimili prorsus alienum esse, objecta emittere imagines aut species sibi similes; cuius assertionis adsunt aliquot rationes. Prima à corporum impenetrabilitate ducitur. Omnia objecta, ut Sol, Stellæ, ac quæcunque oculis nostris obversantur, non possunt mittere species naturæ à suâ ipsorum diversæ; unde fit ut Philosophi vulgò dicant istas species esse crassas & materiales, in quo differunt à speciebus expressis quæ spirituales factæ sunt. Species illæ objectorum impressæ sunt igitur corpuscula: Non possunt igitur sese penetrare, neque omnia spatia quæ à terra usque ad cælum extant, quæ iis speciebus plena esse debent. Unde legitime concludere est istas species debere sese mutuò conterere & confringere, dum aliæ dextrorsum aliæ sinistrorsum moventur, ac ided eas non posse objecta visibilia reddere.

Insuper ex eodem loco seu ex eodem puncto ingens potest objectorum quæ in cælo & in terra existant conspici numerus; ergo oporteret ut species omnium istorum corporum possent in unum punctum coire; Atqui impenetrabiles sunt cum sint extensæ: ergo, &c.

Sed non solum ex eodem puncto maximus numerus maximorum & vastissimorum objectorum videri potest: quin nullum est punctum in

in omnibus his magnis mundi spatiis, ex quo numerus penè infinitus objectorum, objectorum, inquam, Solem, Lunam, & Cœlos ipsos magnitudine æquantium, percipi non possit. Nullum est igitur in toto mundo punctum, in quo omnium harum rerum species sibi mutuò occurrere non debeant: quod à veritate alienum prorsus videtur.

Si scire cupias quo pacto omnes objectorum visibilium impressiones, quantumvis invicem oppositæ de viribus suis, dum communicantur, nihil amittant, Dioptricam D. Cartesij legere potes.

Secunda ratio petitur ex mutatione quæ in speciebus contingit. Certò enim constat, objectum, quò propinquius est, eò majorem habere speciem, cum objectum majus videamus. Jam autem non video quid efficere possit ut species illa diminuatur, & quò possint evadere partes ex quibus constabat dum major appareret. Sed quod conceptû adhuc difficilius est juxta ipsorum opinionem, in eo consistit quòd si objectum illud per telescopium aut microscopium intuearis, species repentè fiat sexcenties major quàm antea; multò enim difficilius concipitur quibus partibus unico temporis instanti ita augeri potuerit.

Tertia ratio hæc est. Si consideretur cubus perfectus, omnes species ipsius laterum sunt inæquales, cum nihilo seciùs tamen omnia ipsius latera æqualiter quadrata conspiciantur. Sic cum in tabulâ pictâ considerantur figuræ ovatæ & parallelogrammata, quæ non possunt mittere nisi species similis figuræ, in iis tamen nil deprehenditur præter circulos & quadrata. Hinc enim manifestò liquet necesse non esse, objectum quod adspicitur, ut possit videri, mittere species sibi similes.

Denique concipi nequit, quomodò fieri possit ut corpus quod sensibili modo non minuitur perpetuò species undique emittat; iis indesinenter impleat ingentia spatia; idque celeritate incredibili, ubi enim objectum aliquod delituit quo instanti conspiciendum se præbet, undiquè videri potest, è multis leucarum millibus. Quòdque in ea sententia mirabilius est; corpora valdè agitata, ut aër & quædam alia, non ea pollent vi quâ possint extra se pellere istas imagines sibi similes, quod tamen faciunt corpora crassissima, minimè agitata, ut terra lapides, & cætera penè corpora dura.

Verùm omnibus asserendis rationibus huic opinioni adversantibus hic inhærere nolumus, nullus enim esset dicendi finis, quippe minimum ingenij conamen inexhaustam hoc super argumento rationum suppeditat scaturiginem. Quæ suprâ attulimus sufficient; imò necessaria non erant post ea quæ, dum errores sensuum explicuimus, hac de re primo Libro à nobis dicta sunt. At verò tantus est Philosophorum huic opinioni addictorum numerus, ut non abs re nos facturos judicaverimus si aliquid de ea perstringeremus, eos saltem ad id adducturi ut super cogitationibus suis seriò meditentur.

CAPUT III.

Mentem præditam non esse virtute producendi ideas. Causa erroris in quem hæc de re labuntur homines.

SEcunda opinio eorum est qui arbitrantur mentes nostras pollere virtute seu facultate producendi ideas rerum de quibus cogitare volunt, illasque (mentes) excitari ad producendas illas ideas ab impressionibus quæ objecta faciunt in corpus, quamvis istæ impressiones non sint imagines similes objectis quæ ipsas faciunt. Existimant in eo consistere imaginem Dei in homine, ipsumque hominem hoc pacto divinæ potentiae participem fieri. Quemadmodum, inquiunt, Deus omnia ex nihilo creavit, potestque omnia in nihilum redigere, & alia nova denuò creare, ita homo potest creare & annihilare ideas omnium pro lubitu. Verum non unâ de causâ ejusmodi opiniones quæ hominem extollunt suspectas habere debemus. Ejusmodi cogitationes ex vano & superbo hominis fundo oriundas Pater luminum nequaquam inspiravit.

Ista participatio potentiae Divinæ quam sibi arrogant homines ut objecta sibi repræsentare multasque alias actiones speciales patrare possint, participatio est quæ independentiam aliquatenus inducere videtur; ut saltem illa (participatio) explicari solet. Verum sincerè loquendo illa participatio chimærica est, merum ignorantiae & vanitatis humanæ figmentum. Homines à bonitate & misericordia Divina longè suprâ ipsorum opinionem dependent. Sed hæc explicandi non est hic locus. Sufficiat nobis si ostendere conemur homines non polleere virtute aut facultate formandi ideas rerum quas percipiunt.

Nemo est qui ideas esse entia maximè realia, siquidem proprietates habeant reales, alias ab aliis differre, resque planè diversas repræsentare, in dubium vocare possit. Merito etiam dubitari nequit quin illæ sint spirituales & à corporibus quæ repræsentant longè diversæ. Et vel ex hoc solo non injuriâ quis forsan ambigeret an illæ ideæ quarum ope percipiuntur corpora, non sint nobiliores ipsis corporibus. Reverâ mundus intelligibilis perfectior esse debet mundo materiali & terrestri, ut infra patebit. Cum itaque quis asserit homines præditos esse virtute formandi ideas pro lubitû, in id etiam discriminis vocari videtur ut asserat ipsos posse formare entia nobiliora & perfectiora mundo quem Deus condidit. Plerique tamen ne ad id attendunt quidem, quippe qui arbitrantur ideam nihil esse, quia sese sentiendam non præbet; aut si illam tanquam ens quoddam habeant, ens illud ipsis videtur perquam exile & adspernandum; quoniam ipsam statim atque menti amplius non objicitur annihilari arbitrantur.

Quemadmodum enim pictor non potest pingere hominem quendam singularem, ita ut possit confidere se rem feliciter gessisse, nisi habeat ideam distinctam istius hominis, immò nisi homo ille praesens adsit. Sic mens quæ nullam ideam habebit præter ideam, exempli gratiâ, entis aut animalis in genere, non poterit sibi repræsentare equum, nec ipsius formare ideam distinctam; ac pro certo habere istam ideam esse prorsus similem equo, nisi priorem habeat ideam cum qua secundam possit conferre. Jam autem si antecedentem habeat ideam, alteram formare inutile est; & quæstio vertitur circa priorem illam ideam. Ergo, &c.

Verum quidam est nos, dum quadratum concipimus per puram intellectionem, posse insuper illud imaginari, hoc est, illud percipere nobis insculpendo illius imaginem in cerebro. Sed primò observandum est, nos nec esse veram nec principalem causam istius imaginis, at verò brevitatæ causa ab eo explicando supersedemus. Secundò tantum abest ut secunda idea quæ comitatur imaginem illam sit distinctior & accuratior priori, quin potius accurata non est nisi quatenus priori quæ alterius norma esse debet, similis est. Arbitrandum enim non est imaginationem, & sensûs objecta distinctius nobis repræsentare quàm intellectus purus, sed illa tantum (sensûs & imaginationem) mentem magis afficere & applicare. Nam ideæ sensuum & imaginationis, non sunt distinctæ nisi quatenus conformes sunt ideis puræ intellectionis. Imago quadrati, exempli gratiâ, quam imaginatio cerebro imprimit iusta & accurata est duntaxat per conformitatem quam habet cum idea quadrati quod concipimus per puram intellectionem. Hæc idea est norma imaginis. Mens dirigit imaginationem, ac illam, ut ita dicam, adigit ad dispiciendum identidem an imago quam pingit sit figura quatuor linearum rectarum & æqualium, cujus anguli sint accuratè recti, uno verbo an res quam imaginamur sit similis rei quam concipimus.

Tanto meliora esse indico qua oculis cerno quanto pro sui natura viciniora sunt iis que animo intellico. Aug. 63. de vera relig.

His præmissis nemo est, opinor, qui dubitet, quin Philosophi qui asserunt mentem posse formare ideas objectorum, fallantur; cum menti tribuant potentiam creandi, immò etiam creandi cum ordine & sapientia, quanquam ne cognoscat quidem quid agat; id enim concipi nequit. Sed causa errandi ipsis est, quod homines semper existiment rem quampiam esse causam alicujus effectûs, cum utrumque simul conjunctum vident, si modò vera istius effectûs causa ipsos lateat. Hanc ob causam omnes concludunt globum agitatam, cum in alium incidit, esse veram & principalem causam agitationis quam ipsi communicat; voluntatem mentis esse veram & principalem causam motûs brachij, & alia similia præjudicia: quia semper contingit ut globus agitetur, cum in ipsum alius globus incidit & impingit, utque brachia nostra moveantur quotiescunque penè id volumus; & quia nullam aliam sensibilem istorum motuum causam deprehendimus.

Sed etiam quum effectum quoddam rarius ab aliqua re consequitur

quæ ipsius non est causa, non pauci tamen sunt qui arbitrentur rem istam esse causam effecti illius, sed omnes in hunc errorem non labuntur. Cometa, exempli gratiâ, apparet & post illum cometam Princeps quidam fato fungitur. Lapides Lunæ oppositi sunt, & vermibus exeduntur; Sol conjunctus est cum Marte tempore nativitatis alicujus infantis, & aliquid extraordinarium huic infanti accidit; id non paucis sufficit ut protinus sibi persuadeant, Cometam, Lunam, conjunctionem Solis cum Marte esse causas istorum effectuum, necnon aliorum ipsis similium: causa autem cur omnes id non credunt ex eo est quod hæc Phænomena similia post se non semper trahant effecta.

Cum verò omnes homines ideas objectorum menti præsentem ut plurimum habeant, statim atque id exoptant, cum id ipsis multoties de die contingat, omnes etiam penè, concludunt voluntatem quæ comitatur productionem aut potius præsentiam idearum, esse veram ipsarum causam. Quia nihil eodem temporis momento deprehendunt cui hanc productionem seu præsentiam possint tribuere, & quia imaginantur ideas non amplius esse statim atque mens ipsas non amplius videt; ipsasque deintegrò existere, cum se iterum menti obijciunt.

His etiam de causis nonnulli arbitrantur objecta externa emittere imagines sibi similes, ut cap. præcedenti dictum est. Cum enim objecta per seipsa videri nequeant, sed duntaxat per ideas, judicant objectum ideam producere; quia statim atque præsens est, illud vident; statim atque abest, illud amplius non vident; & quia præsentia objecti penè semper comitatur ideam quæ illud nobis repræsentat.

Attamen, si homines in judiciis non essent præcipites; ex eo quod ideæ rerum præsentem sint ipsorum menti, statim atque id volunt, concludere tantum deberent, voluntatem ipsorum, juxta ordinem à natura institutum, esse ordinariè necessariam, ut illas habere possint ideas, non verò voluntatem esse veram & principalem causam quæ ipsas menti obijciat, multò minùs voluntatem illas è nihilo producere, aut eo quem explicant modo. Non debent etiam concludere, objecta emittere species sibi similes, ex eo quod mens ea ut plurimum non percipit, nisi cum præsentia adsunt; sed tantum objectum ordinariè necessarium, ut idea sit præsens menti. Denique non debent judicare globum agitaturn esse principalem & veram causam motûs globi cui occurrit, cum prior ipse globus non habeat potestatem sese movendi. Possunt duntaxat judicare hunc duorum globorum concursum præbere occasionem Authori motûs materiæ executioni mandandi decretum voluntatis suæ, quæ est causa omnium universalis, communicando alteri globulo partem motûs prioris, hoc est, ut clariùs loquar, volendo ut posterior tantum acquirat agitationis quantum prior de suâ perdidit. Vis enim motrix corporum alia esse nequit quàm voluntas ejus qui illa conservat, ut infra videbitur.

*Vide cap. 3.
2 par. methodi.*

CAPUT IV.

Nos non percipere objecta per ideas nobiscum creatas. Deum eas in nobis non producere, quotiescunque ipsis indigemus.

Tertia opinio eorum est qui arbitrantur omnes ideas nobiscum creatas fuisse.

Ut ostendatur quantum hæc opinio à verosimili abhorreat, animadvertendum est in hoc mundo multa esse toto genere diversa, quorum ideas habemus. Nam ut de figuris duntaxat loquamur, numerum ipsarum infinitum esse constat; immò si vel unam solam consideremus, ut, exempli gratiâ, ellipsin, mentem numerum ellipsion diversæ speciei infinitum posse concipere haud dubiè comperiemus; dum concipit alteram ex diametris in infinitum extendi posse, alterâ semper eadem manente.

Ita cum altitudo trianguli possit augeri aut diminui in infinitum, latere quod basim constituit semper eodem manente, facile concipimus posse dari numerum triangulorum diversæ speciei innumerabilem. Immò quod accuratè hic observari velim, mens aliquo modo percipit numerum illum infinitum, quamvis pauci admodum sub imaginationem cadant; nec possint haberi eodem tempore ideæ speciales & distinctæ multorum triangulorum diversæ speciei. Sed præcipuè animadvertendum est ideam illam generalem quam mens habet numeri illius infiniti diversæ speciei satis probare, quod, si non concipiantur per ideas speciales omnes illi diversi trianguli, uno verbo, si non concipiatur infinitum, id non provenit ex defectu idearum, aut ex eo quod infinitum nobis præsens non sit; sed tantum quia mens nostra satis non habet capacitatis & extensionis. Si homo quipiam ad considerandas omnes omnium specierum triangulorum proprietates animum suum appelleret, licet in id studij genus æternum incumberet, ipsi equidem novæ & speciales ideæ non deficerent; sed ejus mens incassum defatigaretur.

Quæ de triangulis dicta sunt possunt adaptari figuris quinque, sex, centum, mille, decies mille laterum, & ita ad infinitum. Jam autem si latera trianguli quæ habent relationes infinitas inter se invicem faciant triangulos infiniti specierum numeri, hinc manifestò patet figuras quibus sunt quatuor, quinque, aut decies centena millia laterum; posse suscipere differentias longè majores; cum capaces sint longè majoris numeri relationum & combinationum inter latera, quam simplices trianguli.

Mens igitur videt hæc omnia: Illorum habet ideas: nec ipsam unquam deficient ideæ illæ, licet infinita sæcula vel unicæ figuræ con-

considerationi infunderet; quòd si figuras illas infinitas primo intuitu non percipit, aut infinitum non capit; id ipsius extensioni spatiis admodum angustis inclusæ, adscribendum. Numerum igitur idearum habet infinitum; quid dico infinitum? tot habet numeros idearum infinitos quot sunt diversæ figuræ; cum igitur sit numerus infinitus diversarum figurarum, mens ut solas cognoscat figuras, numeros idearum infinite infinitos habere debet.

Jam autem peto an sit verisimile Deum tot res creavisse cum mente humana. Id mihi quidem verisimile non videtur; præcipuè cum id fieri possit aliâ ratione simplicissimâ & facillimâ, ut mox patebit. Cum Deus enim agat juxta rationes simplicissimas, rationi congruum non videtur explicare quâ cognoscamus objecta, admittendo creationem numeri entium infiniti: quandoquidem hæc difficultas potest solvi modo simpliciore ad naturam magis accommodato.

Sed licet mens veluti armamentarium seu apothecam omnium idearum quæ ad res percipiendas ipsi necessariae sunt haberet, difficillimum tamen foret explicare quomodo mens posset illas seligere ad eas sibi repræsentandum, quomodo, exempli gratiâ, fieri posset ut solem sibi repræsentaret, dum præsens adesset oculis corporeis; Cum enim imago quam sol imprimit cerebro non similis sit idæ quam de illo habemus, ut id alibi probatum fuit, nec mens percipiat motum quem sol in interna oculorum parte & in cerebro ciet; concipi nequit ipsam posse sine erroris periculo judicare, inter numerum illum infinitum idearum quas haberet, quænam sibi esset repræsentanda ad imaginandum aut videndum solem. Dicitur igitur non potest ideas rerum nobiscum creatas esse, idque sufficere ut objecta circumjacentia videamus.

Non est etiam quod quis dicat Deum singulis momentis tot novas producere ideas, quot varias res percipimus. Istæ opinio ex iis quæ hoc capite dicta sunt satis convellitur. Insuper necesse est ut omni tempore actû habeamus in nobis ideas omnium rerum, cum omni tempore possimus velle cogitare de rebus omnibus: quod non possemus, nisi illas jam confuse perciperemus; hoc est, nisi numerus idearum infinitus menti nostræ obversaretur: Non possumus enim duci voluntate cogitandi de objectis quorum nullam habemus ideam.

C A P V T V.

Mentem nec essentiam nec existentiam objectorum videre suas perfectiones considerando. Deum solum objecta hoc modo percipere.

Quanta opinio est, mentem nullâ aliâ re quàm seipsâ indigere ut objecta percipiat; ipsamque, sese & perfectiones suas considerando, omnia externa posse percipere.

Mentem

Mentem omnes sensationes & affectus quos potest suscipere, voluntatem, dolorem, frigus, calorem, colores, sonos, odores, sapores, amorem, odium, gaudium, tristitiam quibus movetur, & cæteros affectus in seipsâ & sine ideis videre constat; quia omnes mentis sensationes & affectus nihil repræsentant, quod sit extra ipsam, sensationibus illis simile, & quia sensationes illæ modificationes duntaxat sunt quarum mens capax esse potest.

Sed quod hic maiorem includit difficultatem est scire, an ideæ quæ repræsentant aliquid extra mentem positum, quodque ipsis ideis simile aliquatenus sit, quales sunt ideæ solis, domus, equi, fluminis, &c. nihil aliud sint præter modificationes mentis: adeò ut mens nullâ aliâ re à se diversâ indigeat ad omnia sibi repræsentanda quæ extra ipsam sita sunt.

Sunt qui asserere non dubitent animam utpote ad cogitandum factam, in se hoc est, suas proprias considerando perfectiones, omnia habere quæ necessaria sunt ad percipienda objecta. Cum enim ipsa reverâ nobilior sit rebus omnibus quas distinctè concipit, ea *eminenter* ut loqui amant Scholastici aliquo modo continere dici potest, hoc est, modo sublimiori, & nobiliori quàm sunt in seipsis. Superiora hoc modo inferiorum perfectiones continere arbitrantur. Cum itaque nobilissimi inter omnes res conditas quas norunt, sint, sibi tantum arrogant ut in se modo spirituali, quidquid in mundo visibili extat habere, ac sese variè modificando quicquid mens humana cognoscere potest percipere posse autument. Uno verbo volunt mentem instar mundi intelligibilis esse, qui mundum *materialem* & *sensibilem*, immò multò plura in se complectitur.

Verum qui istud cogitatum defendunt audacissimi mihi videntur; vanitas, ni fallor, nobis ingenua, *ἀντισύνοια*, amor, ac illius qui in se omnia complectitur entia similitudinem referendi cupiditas mentem nostram ita confudit & perturbavit ut nos ea quæ non habemus possidere imaginemur; *Dic quia tu tibi lumen non es*, inquit August. Deus solus sibi ipsi lumen est, ac sese considerando quæcunque produxit ac producere potest, solus videt.

*Serm. 8. de
verbis Domini.*

Deum solum antequàm mundus conderetur extitisse, ac mundum sine cognitione & idea producere ipsum non potuisse, constat; unde sequitur ideas illas quas de mundo habuit ab ipso Deo non esse diversas; ac proinde omnes res conditas, eas etiam quæ maximè materiales & terrestres sunt in Deo esse, modo prorsus spirituali quem non possumus capere. Deus igitur in se omnia entia videt, suas perfectiones, quæ ea ipsi repræsentant considerando. Eorum prætereà existentiam perfectè cognoscit, cum enim omnia (entia) ab ipsius voluntate pendeant, ut existant, ipse verò non possit ignorare suas proprias voluntates; hinc sequitur ipsum non posse ignorare illorum existentiam: atque ideò Deus non modò rerum essentiam sed earum etiam existentiam in se videt.

At

At verò res secùs se habet de spiritibus creatis: Hi in se nec rerum essentiam nec earum existentiam videre queunt. Earum inquam, essentiam in se videre nequeunt, cum enim sint maximè finiti omnia entia in se non complectuntur, ut Deus, qui dici potest ens universale, aut simpliciter ille qui est, (Jehovah) ut seipsum appellat. Cùm igitur mens humana possit cognoscere omnia entia & entia infinita, nec tamen illa contineat, hinc manifestò patet, ipsam illorum essentiam in se non videre. Mens enim non modò videt mox rem unam mox alteram vicissim aut successivè, immò actû etiam percipit infinitum, licèt illud non complectatur, ut capite præcedenti diximus. Adeò ut cùm mens non sit actû infinita, nec infinitarum modificationum capax eodem tempore, fieri prorsùs nequit ut in se videat quod in se non habet. Rerum igitur essentiam non videt suas proprias considerando perfectiones, aut sese variè modificando. Earum etiam existentiam in se non videt, quia ab ipsius voluntate non dependent ut existant, & quia ideæ rerum possunt adesse menti, quamvis res actû non existant. Omnes enim possunt habere ideam montis aurei, quamvis in mundo nullus sit mons aureus. Et quamvis sensuum nostrorum testimonio ad judicandum de existentia objectorum nitamur, à ratione nostra non docemur nos debere, in omnibus, sensibus nostris fidere, cùm clarè comperiamus nos ab ipsis decipi. Quum, exempli gratiâ, aliquis sanguinem habet agitissimum, aut etiam quum dormit, campos aliquando, prælia, & alia similia ob oculos habet, quæ tamen actû non sunt, nec forsan unquam fuere. Constet igitur mentem nec in se nec per se videre existentiam rerum, sed ipsam hac in re ab aliquo alio pendere.

C A P V T VI.

Nos omnia in Deo videre.

Capitibus superioribus quatuor varias rationes excussimus quibus mens videre potest objecta externa, quæ nobis verisimiles non videntur, superest quinta, quæ sola ad rationem accedere videtur, & ad id aptior ut cognoscamus quantum omnes spiritus pendeant à Deo in omnibus suis cogitationibus.

Ut id possit intelligi, revocanda sunt in memoriam ea quæ capite præcedenti dicta sunt, scilicet, necesse esse Deum in se habere ideas omnium entium quæ creavit, cùm alioqui ea non potuisset producere, ac illum proinde videre omnia illa entia considerando perfectiones quas includit in se, & ad quas entia illa referuntur. Sciendum est prætereà Deum mentibus nostris præsentia suâ artissimè uniri; adeò ut Deus dici possit locus spirituum, quemadmodum spatium est locus

locus corporum. His duobus præsuppositis certum est mentem id posse videre quod in Deo est quod repræsentat entia creata ; eum id sit maximè spirituale, intelligibile, & menti præsentissimum. Mens itaque in Deo potest videre opera Dei dummodò Deus velit ipsi retegere id quod in se habet quod illa repræsentat opera. Jam autem hæc sunt argumenta quæ probare videntur Deum id potiùs velle quàm creare numerum infinitum idearum in unaquaque mente.

Primò, quamvis non negemus absolutè Deum posse numerum infinite innumerabilem entium quæ objecta repræsentent sive quæ objectorum sint repræsentiva producere, singulis mentibus quas creat : rem tamen sic ab ipso fieri credendum non est.

It. Non modò enim ex ratione, verùm etiam ex œconomia totius naturæ liquet, Deum nunquam id facere per rationes difficiles quod fieri potest per rationes simplicissimas & facillimas. Deus nihil facit frustra & sine causa. Suam non exerit sapientiam & potentiam parva viis difficilioribus, modisque magnificis exequendo, id rationi repugnat & finitam arguit intelligentiam. In eo contra elucet sapientia & potentia Dei dum magna, modis simplicissimis & facillimis efficit. Hoc pacto ex sola extensione quicquid admirabilis in rerum natura videmus producit ; immò id etiam quod animalibus dat vitam & motum. Qui enim formas substantiales, facultates & animas in brutis ab ipsorum sanguine, & organis corporeis diversas, quibus omnes præstent functiones præfractè volunt, volunt eadem ratione Deo summam non esse intelligentiam, aut ipsum non posse facere res tam mirabiles ex extensione solâ. Dei potentiam summamque ipsius sapientiam mentis suæ tenuitate dimetiuntur. Cùm igitur Deus possit per se omnia mentibus patefacere, volendo simpliciter ut videant id quod est intrâ ipsos seu in medio ipsorum, hoc est, id quod in ipso est quod relationem habet ad illas res quòdque illas repræsentat, verisimile non est ipsum rem aliter facere, & ad illum finem obtinendum producere totidem infinitates numerorum infinitorum idearum quot sunt mentes creatæ.

Sed animadvertendum est non inferendum esse mentes videre essentiam Dei, ex eo quod omnia in Deo videant eo quo diximus modo. Quia id quod vident est valdè imperfectum, Deus verò perfectissimus. Materiam vident divisibilem, figuratam, &c. in Deo verò nihil est divisibilis aut figurati. Deus enim ipse est, ut ita loquar, omnia entia, quia est infinitus ac in se omnia complectitur, at nullum est ens in particulari. Tamen id quod videmus nihil est præter unum aut plurima entia specialia, nec concipimus perfectam illam Dei simplicitatem quæ omnia complectitur entia. Præterquamquod dicere possumus, nos non tam videre ideas rerum quàm res ipsas quæ ideis repræsentantur. Cùm enim, exempli gratiâ, videmus quadratum, non dicimus nos videre ideam istius quadrati, quæ menti nostræ unitur, sed tantùm quadratum extra nos situm.

2. Cor. 3. 5.

Rom. 1. 19.

Iac. 1. 17.

Psal 3. 10.

Joan. 1. 9.

Secunda ratio quæ nos eò adducere potest ut credamus, nos videre omnia entia, quia Deus vult ut id quod in ipso est, quod ea entia repræsentat, nobis pateat; non verò quia totidem habemus ideas creatas nobiscum quot res possumus videre, in eo consistit quod hæc ratio res videndi mentes creatas collocet in tantâ dependentiâ à Deo quanta esse potest. Hoc enim sic posito, non modò nihil possumus videre, quin Deus benè velit nos id videre, verùm etiam nihil possumus videre, quin ipse id nobis videndum præbeat. *Non sumus sufficientes cogitare aliquid à nobis, tanquam ex nobis, sed sufficientia nostra ex Deo est.* Deus ipse erudit & illuminat Philosophos in cognitionibus quas homines ex ingrati animi motu naturales appellant, quamvis è cælo sint oriundæ. *Deus enim illis manifestavit.* Ipse propriè loquendo est lumen mentis & *Pater luminum.* Ipse est *qui docet hominem scientiam.* Uno verbo ipse *Lux vera est quæ illuminat omnem hominem venientem in hanc mundum.* Etenim satis difficile est distinctè assequi dependentiam mentium nostrarum à Deo in omnibus actionibus suis, si supponantur (mentes nostræ) habere quicquid distinctè cognoscimus ipsis esse necessarium ad agendum, aut si supponantur habere omnes ideas rerum præsentis. Ac sanè vox illa generalis & confusa (*concurfus*) qua explicari solet dependentia rerum conditarum à Deo, in mente attentâ nullam excitat ideam distinctam; perquam utile tamen est homines distinctissimè cognoscere, se sine Deo nihil posse.

Verùm argumentum validius quod nos in eam injicit sententiam positum est in ratione seu modo quo mens omnia percipit. Ex omnium hominum experientia constat, nos cum de aliqua re speciatim cogitare volumus, primò oculos in omnia entia injicere, ac deinde objecti de quo cogitare intenderamus considerationi adherere. Jam autem extrâ dubium est nos non posse teneri desiderio videndi aliquod objectum, quin illud jam videamus, quamvis confusè & modo quodam generali, adeò ut cum possumus duci cupiditate videndi omnia objecta, mox hoc, mox verò illud, inde certò sequatur omnia entia menti nostræ esse præsentia. Jam verò omnia entia menti adesse præsentia non posse videntur nisi quia ipsi (ment) præsens est Deus, hoc est ille qui in simplicitate entis sui omnia entia complectitur.

Mens etiam sibi ideas universales generis, speciei, &c. repræsentare posse non videretur, nisi omnia entia in unico inclusa videret. Cum enim omnis res creata sit ens quoddam individuum, nemo potest dicere se videre aliquid creatum, cum videt, exempli gratiâ, triangulum in genere. Denique non putem quemquam posse rite rationem reddere modi quo mens multas cognoscit veritates abstractas & generales, nisi per præsentiam illius qui potest illuminare mentem infinitis modis.

Tandem argumentum existentiae Dei illustrissimum, nobilissimum, solidissimum, ac primum, aut quod à minori rerum numero pendet, ducitur ex idea quam habemus de infinito. Constat enim mentem percipere

percipere infinitum, quamvis illud non capiat; ipsamque (mentem) habere ideam maximè distinctam Dei, quæ ipsi aliunde quàm ex unione cum Deo non potest suppetere, cum concipi nequeat ideam entis infinitè perfecti, quæ est idea quam de Deo habemus, esse aliquid creati.

Verùm mens non modò habet ideam infiniti, immò etiam illam habet ante ideam finiti. Nam ens infinitum concipimus ex eo duntaxat quod concipimus ens nullà habitâ ratione an sit finitum an verò infinitum. Sed ut concipiamus ens aliquod finitum, aliquid necessario detrahendum est de notione illa generali entis, quæ per consequens præcedere debet. Mens itaque nihil percipit nisi in idea quam habet de infinito: Et tantùm abest ut idea illa formetur ex coacervatione confusâ omnium idearum entium specialium, ut id pertendunt Philosophi; quin omnes illæ ideæ speciales nil aliud sunt quàm participationes ad ideam generalem infiniti; quemadmodum Deus non tenet ens suum à creaturis, cum potius omnes creaturæ non subsistant nisi per ipsum.

Ultimum argumentum, quod forsan demonstrationis vicem geret apud eos qui ratiociniis abstractis assueti sunt, hoc est. Impossibile est Deum in suis actionibus alium habere finem principalem à se ipso diversum. Hæc est notio communis cuilibet attento: Ipsaque Scriptura non finit nos dubitare, quin Deus omnia fecerit propter seipsum. Necesse igitur est ut non modo amor noster naturalis, hoc est, motus quem in mente nostra producit, tendat versus ipsum, sed præterea ut cognitio & lux quam ipsi impertitur aliquid nobis patefaciat quod in ipso sit: Quicquid enim ex Deo venit propter alium fieri non potest quàm propter Deum. Si Deus mentem faceret seu crearet ac ipsi daret pro idea, seu pro objecto immediato cognitionis solem, Deus, opinor, illam mentem & illius mentis ideam propter solem faceret, non verò propter se.

Deus igitur non potest facere mentem ad cognoscenda opera sua, nisi mens illa videat aliquo modo Deum, videndo ipsius opera, adeò ut dicere possim, quòd si Deum aliquo modo non videremus, nihil prorsus videremus, quemadmodum si Deum non amaremus, hoc est, nisi Deus indefinenter in nobis imprimeret amorem boni in genere, nihil prorsus amaremus. Cum enim amor ille sit nostra voluntas, quicquam amare aut velle sine ipso non possumus; cum non possimus amare bona specialia, nisi determinando versùs illa bona motum amoris quem Deus dat nobis versùs se. Nihil quicquam itaque amamus, nisi per amorem necessarium quo erga Deum movemur, nihil videmus nisi per cognitionem naturalem quam de Deo habemus; atque omnes ideæ speciales quas de creaturis habemus, nihil aliud sunt quàm limitationes ideæ Creatoris, ut omnes motus voluntatis erga creaturas nihil sunt præter determinationes motùs versùs Creatorem.

Haud opinor quemquam esse inter Theologos qui non fateatur

L. 14. de Tri-
nit. cap. 3.

impios amare Deum illo amore naturali de quo sermo est : Immo Divus Augustinus & nonnulli alij Patres pro certo asserunt impios videre in Deo regulas morum, & veritates æternas. Adeò ut illa quam expono sententia nemini molestiam creare debeat. Sic loquitur Divus Augustinus. *Ab illa incommutabili luce veritatis, etiam impius, dum ab eâ avertitur, quodammodo tangitur. Hinc est quòd etiam impij cogitant æternitatem, & multa rectè reprehendunt rectèque laudant in hominum moribus. Quibus ea tandem regulis judicant, nisi in quibus vident, quemadmodum quisque vivere debeat, etiamsi nec ipsi eodem modo vivant? Ubi autem eas vident? Neque enim in sua natura. Nam cum procul dubio mente ista videantur, eorûque mentes constet esse mutabiles, has verò regulas immutabiles, videat quisque in eis, & hoc videre potuerit..... ubinam ergo sunt ista regula scripta, nisi in libro lucis illius, qua veritas dicitur unde lex omnis iuxta describitur..... in qua videt quid operandum sit etiam qui operatur injustitiam & ipse est qui ab illa luce avertitur à qua tamen tangitur.* Apud Augustinum innumeri sunt loci huic con- similes, quibus ille probat nos Deum videre etiam in hac vita, cogni- tione quam habemus veritatum æternarum. Veritas est increata, im- mutabilis, immensa, æterna, ac supra omnia transcendens. Vera est per se, perfectionem suam à nulla re habet. Illa creaturas reddit per- fectiores, ac omnes spiritus ipsius cognitionem naturâ suâ investi- gant. Jam autem nihil præter Deum has omnes habere potest per- fectiones. Ergo veritas est Deus; Jam verò veritates illas immutabi- les videmus. Ergo Deum videmus. Hæc sunt Divi Augustini rationes, nostræ ab illis paulum differunt. Nec tanti viri auctoritate immerito niti ad nostram stabiliendam sententiam volumus.

Existimamus igitur veritates, eas etiam quæ æternæ sunt; ut, bis duo sunt quatuor, nequidem esse entia absoluta, tantum abest ut cre- damus illas veritates esse Deum ipsum. Manifestum enim est hanc ve- ritatem alia in re non consistere quam in relatione seu analogia æqua- litatis, quæ est inter bis duo & quatuor. Non dicimus itaque nos Deum videre, dum videmus veritates, ut id dicit D. Augustinus, sed dum vi- demus ideas illarum veritatum: ideæ enim reales sunt, sed æqualitas inter ideas, quæ est ipsa veritas, nihil est reale. Quum, exempli gra- tiâ, dico pannum quem metior constare tribus ulnis, pannus & ulnæ sunt quid reale; sed æqualitas inter tres ulnas & pannum non est ens reale, nihil est præter analogiam quæ reperitur inter tres ulnas & pannum. Quum dicimus bis duo esse quatuor, ideæ numerorum sunt reales quidem, sed æqualitas quæ est inter ipsos nihil est præter rela- tionem. Itaque juxta hypothesin nostram videmus equidem Deum, quum videmus veritates æternas, non quòd illæ veritates sint ipse Deus, sed quia ideæ à quibus veritates illæ pendent sunt in Deo. Forsan & Divus Augustinus rem hoc intellexit modo. Credimus etiam cognosci in Deo mutabilia & corruptibilia, quamvis Divus Augustinus loquatur tantum de immutabilibus & incorruptibilibus; Ideò enim necesse non est ut aliqua ponatur in Deo imperfectio, cum sufficiat, ut

ut jam diximus, Deum nobis patefacere id quod in se est quod ad hæc referatur.

Verum etiam si dicam nos in Deo materialia & sensibilia videre, attendendum tamen est me non dicere nos illa in Deo sentire, sed dico duntaxat sensum illum à Deo oriri qui agit in nobis; Deus enim sensibilia equidem novit, sed ea non sentit. Quum aliquid sensibile percipimus, in perceptione nostrâ deprehenditur sensatio, & idea pura. Sensatio est modificatio mentis nostræ, Deus verò illam in nobis parit, atque illam potest parere, quamvis non habeat ipsam, quia videt in idea quam habet mentis nostræ, ipsam istius sensationis esse capacem. Idea verò quæ cum sensatione conjuncta reperitur in Deo est, illamque videmus quia ipsi lubet illam nobis reterege. Deus verò jungit sensationem ideæ, quum objecta sunt præsentia, ut rem credamus qualis est, eosque sensus & affectus induamus quæ nos relatè ad illa objecta, habere par est.

Credimus denique omnes mentes videre leges æternas æquè ac cætera in Deo, sed cum aliqua differentia. Cognoscunt ordinem & veritates æternas, atque etiam entia quæ Deus fecit secundum veritates illas aut secundum ordinem. Illa, inquam, cognoscunt per unionem quam necessariò habent (mentes illæ) cum verbo, aut cum sapientia Dei quæ ipsas illuminat, ut id modò expositum fuit. Verum per impressionem quam recipiunt indefinenter à voluntate Dei, qui ipsas versùs se fert, & conatur, ut ita loquar, ipsarum voluntatem suæ prorsùs similem reddere, per illam, inquam, impressionem cognoscunt ordinem esse legem, hoc est cognoscunt leges æternas, ut, amandum esse bonum, malum verò fugiendum: justitiam omnibus divitiis esse anteponendam; obedientiam Deo, præstare imperio in homines, & innumeras alias leges naturales. Nam cognitio harumce omnium legum non differt à cognitione hujus impressionis quam in seipsis semper sentiunt, quamvis ipsam non semper sequantur, optione liberâ voluntatis suæ; quàmque norunt esse communem omnibus mentibus, quamvis non sit æquè fortis in omnibus.

Per hanc dependentiam, analogiam, & unionem mentis nostræ cum Verbo Dei, & voluntatis nostræ cum amore ipsius formati fuimus ad imaginem & similitudinem Dei. Et quamvis illa imago peccato non parùm deleta fuerit, necesse tamen est ut tamdiù subsistat quamdiù nos superstites sumus, sed si feramus imaginem Verbi humiliati in terra, ac si sequamur afflatùs Spiritùs sancti, imago illa pristina prioris creationis nostræ, unio illa mentis nostræ cum Verbo Patris, & cum amore Patris & Filij restituetur, & indelebilis fiet. Similes Deo erimus, si similes fiamus Θεοῦ. Denique Deus erit totus in nobis nos verò toti in illo, modo longè perfectiori quàm modus ille quo necesse est, nos in ipso esse, & ipsum in nobis, ut subsistamus.

Hæc sunt aliquot argumenta quæ possunt persuadere mentes percipere omnia per præsentiam intimam illius qui omnia complectitur.

Vide illustrationem.

in simplicitate entis sui. Unusquisque de re illâ seriò examinata iudicabit prout intus convincetur, sed credimus nullam esse verisimilitudinem in cæteris rationibus istæ explicandi, hanc verò postremam explicationem plusquàm verosimilem cuilibet apparituram. Hoc pacto mentes nostræ à Deo omnimodè dependent. Nam quemadmodum ipse in iis excitat dolorem, voluptatem, & cæteras sensationes, unione naturali quàm instituit inter illas & corpora nostra, quæ unio nihil aliud est quàm ipsius decretum, & voluntas generalis: ita ipse est qui unione naturali quàm etiam instituit inter voluntatem hominis, & repræsentationem idearum quas includit immensitas entis Divini, ipsis notificat omnia quæ cognoscunt, atque ista quoque unio naturalis nihil est quàm ipsius voluntas generalis, aded ut ipse solus possit nos illuminare, nobis omnia repræsentando; quemadmodum ipse solus potest nos reddere beatos; in nobis pariendo sensum seu gustum omnigenarum voluptatum.

Stet igitur illa sententia, Deum esse mundum intelligibilem, aut locum spirituum, ut mundus materialis est locus corporum. Ab ipsius potentia illos (spiritus) suas accipere modificationes; in ipsius sapientia suas omnes reperire ideas, atque per ipsius amorem illos agitari omnibus moribus ordinatis; quia autem ipsius potentia & amor ab ipso non differunt, credamus cum Divo Paulo, ipsum ab unoquoque nostrum non esse longinquum, nosque in ipso habere vitam, motum, & esse. *Non longè est ab unoquoque nostrum, in ipso enim vivimus, movemur & sumus.*

*Ad. A. ost.
c. 17. 28.*

C A P V T VII.

I. Quatuor diversa rationes res videndi. II. Quomodo Deus cognoscitur. III. Quomodo corpora cognoscuntur. IV. Quomodo unusquisque suam mentem cognoscit. V. Quomodo mentes cæterorum hominum & pura intelligentia cognoscuntur.

*I.
Quatuor
rationes res
videndi.*

UT sententia de ratione qua mens percipit varia objecta cognitionis suæ mox posita contrahatur & illustretur, necesse est me distinguere in ipsâ quatuor cognoscendi modos.

Primus est quo res per seipsas cognoscit. Secundus quo illas cognoscit per ideas ipsarum, hoc est, ut rem hîc intelligo, per aliquid diversum à rebus ipsis.

Tertius quo res cognoscit per *conscientiam*, seu per sensum internum.

Quartus quo illas cognoscit per conjecturam.

Res per se & sine ideis cognoscuntur, cum ita sunt intelligibiles, & claræ, ut mentem penetrare ac ipsi sese prodere possint. Res per ideas suas cognoscuntur, cum per se non sunt intelligibiles, sive quia

non

non possunt mentem penetrare aut sese ipsi prodere. Res omnes quæ à nobis ipsis non distinguuntur per conscientiam cognoscuntur. Denique cognoscimus per conjecturam res quæ à nobis, & ab iis rebus quæ cognoscuntur in seipsis, & per ideas differunt, cum cogitamus quædam esse similia nonnullis aliis quæ jam cognoscimus.

Deus solus per seipsum cognoscitur, quamvis enim sint alia entia spiritualia præter illum, quæque intelligibilia esse videntur naturâ suâ, ipse tamen solus nunc mentem penetrat, ac sese ipsi prodat. Deum solum videmus visu immediato & directo. Forſan etiam ipse solus potest illuminare mentem per propriam suam substantiam. Denique in hac vita quicquid cognoscimus illud duntaxat per unionem quam cum ipso habemus cognoscere possumus ut capite præcedenti exposuimus: Ipse enim solus est magister noster qui menti nostræ præest, sine ullius creaturæ interventu, juxta D. Augustinum.

Concipi nequit rem ullam creatam repræsentare posse infinitum; concipi, inquam, nequit ens sine restrictione, ens immensum, ens universale posse percipi per ideam, hoc est, per ens speciale: per ens differens ab ente universali & infinito. Entia verò specialia quod spectat, nullo negotio concipimus illa posse repræsentari per ens infinitum quod ea includit, & quidem modo maximè spirituali & per consequens maximè intelligibili. Necesse itaque est dicere cognosci Deum per seipsum, quamvis cognitio quam in hac vita adipiscimur sit admodum imperfecta; corporea verò cognosci per suas ideas, hoc est, in Deo; quandoquidem in Deo, qui mundum complectitur intelligibilem reperiantur ideæ rerum omnium.

Sed licet hæc omnia in Deo videri possint, non sequitur illa omnia in ipso actu videri: Ea tantum in Deo videmus quorum habemus ideas, jam autem quædam sunt quæ à nobis sine ideis videntur.

Quæcunque in hoc mundo existunt, quorum habeamus aliquam cognitionem, sunt corpora, vel spiritus, corporum proprietates, vel spirituum proprietates. Non dubium est quin videantur corpora cum suis proprietatibus per suas ideas; cum enim non sint intelligibilia per se, ea non possumus videre nisi in ente, quod ea includit modo intelligibili. In Deo itaque, & per ideas suas videmus corpora cum ipsorum proprietatibus; atque hinc est, quod cognitio quam de illis habemus sit perfectissima: hoc est, quod idea quam de extensione habemus sufficiat ut cognoscamus omnes proprietates, quas suscipere potest extensio, quodque non possimus desiderare ideam distinctiorem & fecundiores extensionis figurarum, & motuum, quam idea quam nobis dat Deus de illis.

Cum ideæ rerum quæ in Deo sunt, includant omnes proprietates rerum illarum, qui ipsarum videt ideas, potest etiam successivè videre proprietates rerum illarum: cum enim videmus res ut sunt in Deo, eas semper modo perfectissimo videmus: atque ille modus esset infinite perfectus, si mens quæ res eo videt modo esset infinita. Quod deest cognitioni

II.

*Quomodo
Deus cognoscitur.*

*Humanis
mentibus
nullâ inter-
positâ natu-
râ præsidet.*

*Aug. de vera
religione,
c. 55.*

III.

*Quomodo
cognoscuntur
corpora*

cognitioni quam habemus de extensione, figuris, & motibus, non est defectus ideæ quæ nobis illam extensionem repræsentat, sed mentis nostræ quæ illam considerat.

IV.

*Quomodo
nostram co-
gnoscamus
mentem.*

*Vide illustra-
tiones.*

Res secùs se habet de mente, illam non cognoscimus per ideam suam; illam in Deo non videmus; illam tantùm per *conscientiam* cognoscimus; & hanc ob causam cognitio quam de illa habemus est imperfecta. Nihil de mente nostrâ scimus quàm quod sentimus agi in nobis. Si nullum unquam dolorem, calorem sensissemus, non possemus scire an mens nostra sit apta ad has sensationes, quia illam non cognoscimus per ideam suam. Sed si in Deo videremus ideam quæ respondet menti nostræ, eodem tempore cognosceremus, aut possemus cognoscere omnes proprietates quas habere potest: ut cognoscimus omnes proprietates, quas habere potest extensio, quia cognoscimus extensionem per ideam suam.

Verum equidem est nos satis cognoscere per conscientiam seu per sensum internum quem de nobismetipsis habemus, mentem nostram esse quid præstantissimi: sed fieri potest ut id quod de illa cognoscimus nihil sit præ eo quod est in seipsa. Si de materia nihil cognosceretur præter viginti aut triginta figuras quibus modificata fuisset, certè de ea nihil penè cognosceretur, præ eo quod de ea cognoscimus per ideam quâ repræsentatur. Non sufficit igitur ut mens perfectè à nobis cognoscatur illud tantùm tenere quod de illa tenemus per solum sensum internum, cùm conscientia quam de nobis ipsis habemus, forsàn nobis tantùm ostendat minimam entis nostri partem.

Ex suprà dictis concludere est, quamvis distinctiùs cognoscamus existentiam mentis nostræ, quàm existentiam corporis nostri, & eorum quæ nobis adjacent; naturam tamen mentis non tam perfectè à nobis cognosci quàm natura corporum; atque id variis eorum qui nihil meliùs cognosci mente asserunt, & eorum qui contrà eâ nihil minùs cognosci defendunt, conciliandis sententiis intervenire potest.

Id etiam potest inservire ad probandum ideas, quæ nobis aliquid extra nos repræsentant, non esse modificationes mentis nostræ. Si enim mens omnia videret suas considerando modificationes essentiam suam aut naturam clariùs cognoscere deberet quàm naturam corporum, omnesque sensationes & modificationes quas potest suscipere, quam figuras, aut modificationes quas corpora possunt recipere. Non cognoscit tamen se capacem esse talis sensationis sese videndo, sed tantùm experientiâ, cùm è contrà cognoscat extensionem esse capacem numeri infiniti figurarum per ideam quam habet de extensione. Immò sunt quædam sensationes, ut colores, & soni, de quibus plerique homines non possunt cognoscere, an sint modificationes mentis: sed nullæ sunt figuræ quas omnes homines non cognoscant, per ideam quam habent de extensione, esse modificationes corporum.

Ex eo etiam patet ratio cur non possit dari definitio, quæ modificationes

ficationes mentis patefaciat, cum enim nec mens, nec ipsius modificationes per ideas cognoscantur, sed tantum per conscientiam, seu sensus internos, cumque ejusmodi sensus, voluptatis, exempli gratia, doloris, caloris, &c. non alligentur vocibus quibusdam; hinc manifestò patet quòd si quis nullum unquam vidisset colorem, nec sensisset calorem, non possent illi patefieri istæ sensationes per omnes definitiones quæ ipsi de illis traderentur. Cum autem homines sensationes non habeant nisi propter corpus, ipsorum verò corpus in omnibus eodem modo non sit dispositum, sæpè contingit ut voces sint æquivocæ; ut voces quibus utimur ad exprimendas modificationes mentis nostræ contrarium intento prorsus significant; utque amaritudinis cogitationem sæpè excitemus, dum ut de dulcedine cogitaretur efficere intenderamus.

Quamvis mentis nostræ perfectam non habeamus cognitionem, cognitio tamen quam habemus sufficit ad demonstrandam ipsius immortalitatem, spiritualitatem, libertatem, & nonnulla alia attributa, quæ nos scire necesse est: & hac de causâ Deus ipsius cognitionem in nobis non parit per ideam, ut facit respectu corporum. Cognitio quam de mente nostrâ habemus per conscientiam, imperfecta quidem est, id lubens fateor, sed non est falsa: vice versâ cognitio quam de corporibus habemus per sensum, seu per conscientiam, si conscientia demùm dici possit sensus eorum quæ aguntur in corpore nostro, non modò imperfecta est verum etiam falsa. Idea igitur corporum nobis erat necessaria ad corrigendos sensus quos de illis habemus: sed non indigemus idea mentis nostræ, cum conscientia quàm de illâ habemus nos in errorem non injiciat, cumque ut errorem in ipsius cognitione vitemus, sufficiat nobis illam cum corpore non confundere quod ratione assequi possumus. Denique si ideam mentis nostræ æquè claram habuissemus ac est illa quam habemus de corpore, hæc idea nos æquo facilius ad id adduxisset ut illam à corpore separatam considerarem. Atque hoc modo minuisset unionem mentis nostræ cum corpore, impediendo quominus illam judicarem veluti diffusam per omnia membra, quod ulterius non explico.

Ex omnibus objectis cognitionis nostræ nihil amplius superest præter mentes cæterorum hominum, & puras intelligentias; jam verò manifestum est nos illas non cognoscere nisi per coniecturam. Illas nunc non cognoscimus in seipsis, neque per ideas suas, & cum à nobis differant, heri nequit ut illas cognoscamus per conscientiam. Conjicimus mentes cæterorum hominum ejusdem esse speciei ac nostra. Quod in nobis sentimus id etiam eos in se sentire existimamus; immò cum sensationes illæ nullam cum corpore habent analogiam, pro certo habemus nos non decipi: quia in Deo quasdam videmus ideas & leges immutabiles, juxta quas certò scimus Deum agere æqualiter in omnibus mentibus.

Ego scio bis duo esse quatuor, præstare esse justum quàm esse di-

E

V.
*Quomodo
aliorum ho-
minum mens
cognoscatur,*

vitem, nec fallor cum credo alios cognoscere hasce veritates sicut ego. Ego amo bonum & voluptatem, odi malum & dolorem, beatum esse cupio, nec hallucinor, cum credo homines, Angelos, & ipsos caco-dæmonas iisdem motibus affici. Certò etiam apud me constat Deum nullas unquam creaturum mentes quæ beatitudinem non appetant, aut quæ infelicitatem possint appetere: sed id scio cum evidentia & certitudine quia Deus id me docuit: Quis enim præter Deum consilia & voluntates Dei posset mihi retere? At verò cum corpus aliquid commune habet cum iis quæ in me aguntur, tum penè semper fallor, si de aliis per me ipsum iudicem, sentio calorem, video talem magnitudinem, talem colorem; gusto talem aut talem saporem admotis ad me quibusdam corporibus: decipior si hac in re de aliis per me ipsum iudicem. Quibusdam affectibus obnoxius sum, talia aut talia mihi grata, aut ingrata sunt, alios autem mihi in hoc similes iudico; conjectura mea sæpè falsa est. Itaque cognitio quam de cæteris hominibus habemus errori est valdè obnoxia, si de illis tantum iudicemus per sensum quem de nobis ipsis habemus.

Si quæ sint entia à Deo, à nobis ipsis, à corporibus, & à puris intelligentiis diversa, id quidem nobis non innotescit; alia dari vix possumus credere, & expensas quorundam Philosophorum, qui sæcùs sentiunt, rationes, falsas comperimus; atque illud nos in ea in qua jam eramus sententia confirmavit, scilicet, cum omnes simus homines ejusdem naturæ, nos habere easdem ideas, quia nobis omnibus opus est eadem cognoscere.

C A P V T VIII.

1. *Præsentia-intima idea vage entis in genere est causa omnium abstractionum inordinatarum mentis, & plerarumque chimæ rararum Philosophæ vulgaris, quæ impediunt quominus multi Philosophi agnoscant soliditatem verorum principiorum Physicæ.*
 II. *Exemplum de essentia materia.*

PRæsentia illa clara, intima, & necessaria Dei, hoc est, entis sine ulla restrictione speciali, entis in genere, quæ menti humanæ observatur, in ipsam fortius agit quàm præsentia omnium objectorum finitorum. Fieri nequit ut penitus excutiat ideam illam generalem entis, quia non potest subsistere extra Deum. Forsan quis posset dicere mentem humanam ab illa idea recedere posse, quia potest cogitare de entibus specialibus; sed is hallucinaretur. Quum enim considerat aliquod ens speciatim, non tam à Deo recedit, quàm accedit, si fas sit, ita loqui, ad certas quasdam ipsius perfectiones recedendo à cæteris omnibus. Tamen ita ab illis recedit, ut eas à se prorsus non

non eliminet, ac in eo perpetuò versetur statu, ut possit illas inquirere & ad eas accedere. Illæ semper præsentès sunt menti, sed mens eas non percipit nisi cum confusione inexplicabili, propter sui tenuitatem, & magnitudinem ideæ entis. Quis per aliquod tempus potest de se non cogitare; sed non puto quemquam posse subsistere unico temporis momento quin cogitet de ente; immò eo ipso tempore quo nos nihil cogitare credimus necessariò pleni sumus ideâ vagâ & generali entis. Sed quia res quæ nobis valdè familiares sunt, quæque nos non tangunt, mentem vividè non excitant, ipsamque ad id non adigunt ut ad eas attendat; idea illa entis quantumvis magna, vasta, realis & positiva sit, nobis adèò familiaris est, nòsque ita parum afficit, ut eam nos non percipere penè arbitremur; ad illam animum non advertamus; ipsam parùm realitatis habere credamus; nec aliunde formari quam ex congerie confusâ omnium idearum specialium; quamvis contrà in ipsa sola & per ipsam solam, omnia entia speciatim percipiamus.

Quamvis idea illa quam recipimus per unionem immediatam cum Verbo Dei, nos nunquam fallat per se, ut facere solent ideæ quas recipimus propter unionem quam cum corpore nostro habemus, quæ res nobis secùs repræsentant quàm sunt: Ausim tamen dicere nos rebus optimis adèò perperam & sinistrè uti, ut præsentia indelebilis huius ideæ sit una inter præcipuas causas omnium abstractionum inordinatarum mentis, ac proinde totius illius Philosophiæ abstractæ & chimericæ quæ explicat omnes effectus naturæ per terminos generales actûs, potentiæ, effectûs, formarum substantialium, facultatum, qualitaturn occultarum, sympathiæ, antipathiæ, &c. Constat enim omnes illos terminos, multòsque alios nullas in mente excitare ideas præter ideas vagas & generales; hoc est ideas quæ menti per se obijciuntur, sine ullo negotio ac applicatione.

Legantur attentè, quantum id fieri potest, omnes definitiones & explicationes quæ adscribi solent formis substantialibus: fiat accuratissima disquisitio essentiae omnium illarum entitatum, quas Philosophi pro lubitû ac tanto imaginantur numero, ut illarum multas divisiones & subdivisiones facere cogantur: certè ausim dejerare nullam aliam ideam de istis omnibus in mente excitatum iri quàm ideam entis & causæ in genere.

Sic enim vulgò procedunt Philosophi aliquod novum vident effectum, continuò imaginantur novam aliquam entitatem quæ illud produxerit effectum. Ignis calefacit: Ergo in igne est nova quædam entitas quæ istud edidit effectum, quæ differt à materia ex qua constat ignis. Quia autem ignis variis effectis idoneum est; ut exempli gratiâ, corpora segregat, illa in cinerem & vitrum redigit, exsiccat, indurat, emollit, dilatat, purificat, illuminat, &c. tot liberalliter adscribunt igni facultates, aut qualitates reales, quot potest varia producere effecta.

Sed verò si quis ad omnes definitiones quas de illis facultatibus tradunt attendat is facile agnoscet illas nihil esse præter definitiones Logicas, nullasque ideas in mente excitare quàm ideam entis & causæ in genere quam mens refert ad effectum quod producitur : adeò ut qui illis definitionibus diù studuerit doctior evasurus non sit. Quid enim emolumenti ex illo studij genere provenit ? illud scilicet ; quòd ea melius tenère credant quæ tamen longè minùs tenent : non modò quia multas admittunt entitates quæ nunquam existere ; sed etiam quia ejusmodi homines jam præoccupati, non possunt postea concipere, quomodo fieri queat ut materia sola, qualis est materia ignis, mora versùs corpora variè disposita, in iis producat varia effecta quæ ab igne produci videmus.

Apud omnes in lectione paulùm exercitatos constat, omnes ferimè libros qui de scientiis agunt, ac illos præcipuè qui de Physica, Medicina, & Chymia, ac de omnibus rebus specialibus naturæ tractant, refertos esse ratiociniis innixis qualitatibus elementaribus, & qualitatibus secundis, ut *attractivibus, retentricibus, concoctivibus, expultrivibus*, & aliis similibus, item aliis quas vocant occultas ; virtutibus specificis, multisque aliis entitatibus quas homines componunt ex idea generali entis, & ex idea causæ effectùs quem vident. Quod non aliunde contingere mihi videtur quàm ex facilitate quâ possunt considerare ideam entis in genere quæ semper ipsorum menti præsens est, per præsentiam intimam illius qui omnia entia includit.

Si Philosophi vulgares contenti essent tradere Physicam suam duntaxat tanquam Logicam, quæ suppeditaret terminos idoneos ad loquendum de rebus naturæ, ac eos non lacefferent qui hisce terminis alligant ideas distinctas & speciales quibus intelligi possint, nihil esset in ipsorum agendi ratione quod vitio vertere possemus. Sed ipsi aggrediuntur explicare naturam per ideas istas generales & abstractas ; quasi natura esset abstracta : Et præfractè volunt Physicam Aristotelis ipsorum Magistri esse veram Physicam, quæ res penitus explicet, non verò simplicem Logicam, quamvis nihil non inepti contineat præter definitiones quasdam ita vagas & terminos ita generales, ut cuilibet Philosophiæ possint competere. Denique in gratiam illarum entitatum imaginariarum idearumque vagarum, & indeterminatarum quæ ipsis sponte in mentem veniunt adeò occæcati sunt ut inepti prorsus sint ad ideas rerum reales satis diù & accuratè considerandas, ut illarum soliditatem & evidentiam possint agnoscere : atque hinc manat supina illa ignorantia in qua versantur circa vera principia Physices. Sed rem exemplo aliquo probemus.

II. Apud Philosophos id, ni fallor, in confesso est, nempe, id debere *De essentia* haberi essentiam alicujus rei, quod in illa re primum cognoscitur, *materia.* quod ab ea inseparabile est, & à quo omnes illius rei proprietates dependent. Ut itaque deprehendatur qua in re consistat essentia *Si hæc definitio vo-* materiæ, omnes proprietates quæ ipsi conveniunt, aut quæ includuntur *eis (essentia)* in.

in idea materiæ perlustrandæ sunt : ut durities , mollities , fluiditas, admittatur,
 motus, quies, figura, divisibilitas, impenetrabilitas, & extensio, ac quod super-
 primò inspicendum quodnam sit inter illa attributa quod à materia est plane
 sit inseparabile. Sic, cum fluiditas, durities, mollities, motus & quies demonstra-
 possint separari à materia, quippe multa sunt corpora sine duritie, aut tū est ; quod
 sine fluiditate, aut sine mollitie, sine motu, sine quiete ; hinc sequitur si non ad-
 manifestò illa omnia non esse essentialia materiæ. mittatur,

Sed quatuor adhuc supersunt quæ à materia inseparabilia concipiuntur, nempe, figura, divisibilitas, impenetrabilitas, & extensio. Ut nihil ampli-
 itaque cognoscatur quodnam attributum debeat accipi pro essentia ; plius est
 hæc attributa separanda à materia amplius non sunt ; sed duntaxat præter que-
 examinandum quodnam eorum sit primum nec ullum aliud supponat. stionem no-
 Tum facile est cognoscere, figuram, divisibilitatem, & impenetrabilitatem minis, scili-
 supponere extensionem, extensionem verò nihil supponere ; illa enim semel data dantur eodem tempore divisibilitas, impenetrabilitas & figura. Itaque concludendum est extensionem esse cet, qua in
 essentiam materiæ ; si modò materia nulla habeat attributa, præter re consistat
 ea quæ designavimus, aut alia similia ; nec putem quemquam esse essentia ma-
 qui rem seriò meditatus, eam in dubium revocet. teriæ, seu
potius ad

Sed in eo fita est difficultas, ut, nempe, sciamus an materia adhuc non habeat alia attributa ab extensione, & iis quæ ab illa dependent diversa ; aded ut ipsa extensio ipsi non sit essentialis, supponâtque aliquid quod ipsius sit principium & subiectum. sub quæstionem cadere nequit.

Non pauci, consideratâ attentissimè ideâ quam de materia habebant, per omnia attributa quæ de illâ cognoscuntur, effectis etiam Naturæ, quantum per vires & capacitatem mentis licet, expensis, id altè sibi persuaferunt, nempe, extensionem nihil quicquam supponere in materia, sive quia ideam distinctam & specialem non habuerunt rei illius quæ extensionem præcedere credi posset, sive etiam quia nullum viderunt effectum quod rem illam præcedaneam probet.

Quemadmodum enim ut quis sibi persuadeat horologium nullam habere entitatem diversam à materia ex qua compactum est, sufficit ipsum scire, quomodò varia dispositio rotarum potest producere omnes motus horologii ipsūque præterea nullam habere ideam distinctam illius rei quæ posset esse causa horum motuum, quamvis plures à Logica petantur. Sic, quia Philosophi ideam distinctam non habent illius rei quæ posset esse in materia, si ab eâ extensio detraheretur, quia nullum vident attributum quod illud rei possit notum facere, quia præterea vident extensione data, omnia etiam dari attributa quæ ad materiam pertinere concipiuntur ; & materiam nullius effectus causam esse, quem non concipiamus posse produci ab extensione variè configuratâ & variè agitâtâ, hinc pro certo habuerunt extensionem esse essentiam materiæ.

Sed quemadmodum homines nullâ certâ demonstratione convincuntur, non dari aliquam intelligentiam, aut aliquam entitatem

recens creatam in rotis horologij ; ita nemo potest sine speciali revelatione asserere tanquam demonstrationem Geometricam , nihil esse in lapide præter extensionem diversè configuratam : fieri omninò potest ut extensio conjuncta sit cum aliqua alia re quam non concipimus quia nullam illius habemus ideam. Quamvis id credere & asserere videatur valdè absurdum ; absurdum enim est ea asserere quæ nec scimus , nec concipimus.

Supponamus tamen aliud quid esse ab extensione diversum in materia , id certè non impedit , si res seriò animadvertatur , quò minùs extensio sit essentia materiæ , juxta definitionem modò traditam. Prorsus enim necesse est , ut quicquid est in mundo , sit vel ens , vel modus entis ; id ab ingenio attento negari nequit. Jam autem extensio non est modus entis , ergo est ens. Sed cùm materia non sit ens constans ex pluribus entibus , ut homo , qui constat ex corpore & mente ; hinc sequitur materiam esse unicum ens , ac proinde ipsam nihil aliud esse quam extensionem.

Jam ut probem extensionem non esse modum entis , sed verum ens ; animadvertendum est non posse concipi modum entis , quin eodem tempore concipiatur ens cujus est modus ; non potest , exempli gratiâ , concipi rotunditas , quin concipiatur extensio , cùm enim modus entis nihil aliud sit quàm ipsum ens sic modificatum , rotunditas exempli gratiâ ceræ nihil aliud sit quàm cera hoc modo disposita , constat concipi non posse modum entis sine ipso ente. Si igitur extensio esset modus entis , non posset concipi extensio , sine illo ente cujus extensio esset modus. Extensio tamen sola facillimè concipitur. Ergo non est modus ullius entis ac ideò in seipsâ est ens. Itaque constituit essentiam materiæ , cùm materia sit unicum ens , non verò ens compositum ex multis entibus , ut jam dictum est.

Sed complures Philosophi ideis generalibus & entitatibus Logicæ , ita sunt assueti , ut ipsorum mens iis magis occupetur , quàm ideis sibi peculiaribus , distinctis , & Physicis. Id vel ex eo patet quòd omnia ipsorum ratiocinia circa res naturales nitantur duntaxat notionibus Logicis , actûs & potentiæ , & numeri infiniti entitatum imaginariarum , quas non discernunt à realibus. Cùm igitur istius commatis homines per eam methodum mirâ facilitate videant quidlibet , se cæteris visu perspicaciori præpollere arbitrantur , seque clarissimè videre extensionem supponere aliquid , ipsamque nihil aliud esse quàm proprietatem quâ etiam spoliari potest.

Si tamen ab ipsis postulatur ut eam rem explicent , quam percipere sibi videntur in materia præter extensionem ; id multis exequuntur rationibus , quæ omnes ostendunt ipsos nullam aliam habere ideam quàm ideam entis , aut substantiæ in genere. Id manifestò patet ex eo quod illa idea entis in genere nulla includat attributa specialia quæ materiæ competant. Si enim ex materia detrahas extensionem ; omnia attributa omnesque proprietates quæ ad ipsam perti-
nere

mere concipiuntur ab ipsa detrahuntur, licet in ipsa relinqueres rem illam quam ipsius esse essentiam imaginantur : Certè ex eâ non possent fieri cœlum, terra, nec quicquam eorum quæ videntur. Contrà verò, si detrahatur id quod pertendunt esse essentiam materiæ, dummodò extensio residua supersit, supererunt etiam omnia attributa omnesque proprietates quæ distinctè in idea materiæ includi concipiuntur : Nam ex extensione possunt haud dubiè formari cœlum, terra, totus mundus adspectabilis, & infiniti alij. Itaque cum res illa quam supponunt præter extensionem, nulla habeat attributa quæ ad ipsam pertinere, distinctè concipiantur, quæque clarè includantur, in ipsius idea, nihil est reale, si rationem consulas ; nec potest quicquam conferre ad explicandos effectus naturales. Quod verò dicunt rem illam esse *subjectum* & *principium* extensionis id dicunt gratis, nec clare concipiunt id quod dicunt, hoc est, nullam illius habent ideam præter ideam generalem & Logicam, ideam, scilicet, *subjecti* & *principij*; adeò ut novum adhuc posset fingi *subjectum*, novumque *principium* utrius *subjecti* extensionis, & sic in infinitum ; quia mens sibi pro lubitù præsentat ideas generales *subjecti* & *principij*.

Verisimile equidem est homines ideam materiæ sine gravibus causis tantopere non obscurasse, multosque esse qui sententias nostras adversas defendant ad id principis e Theologia petitis adducti. Sanè extensio non est essentia materiæ si id fidei repugnat ; Huic auctoritati planè cedimus. Debilitatis & limitationis ingenij humani satis Dei gratiâ conscij sumus. Illud satis non habere capacitatis ut potentiam infinitam metiri queat, Deum infinitè plura posse quàm concipere valemus, ipsum dare nobis ideas ad ea duntaxat cognoscenda quæ sunt secundum ordinem naturæ, cætera verò nos celare, novimus. Semper igitur parati sumus, ad submittendum ingenium fidei ; sed aliis opus est argumentis quàm iis quæ vulgò afferuntur ad destruendas rationes supradictas ; quia medi explicandorum mysteriorum fidei, non sunt fidei, illa enim mysteria creduntur, quamvis modum ipsorum posse unquam liquidò explicari non concipiamus.

Credimus, exempli gratiâ, mysterium Trinitatis quamvis mens humana illud capere non possit ; & id non obstat quo minus credamus ea quæ ab uno tertio non differunt, inter se non differre, quamvis hæc propositio istud mysterium videatur destruere. Persuasum enim habemus utendum non esse ratione seu mente, nisi circa res ipsius capacitati accommodatas, mysteriisque nostra non esse irretorto oculo spectanda, ne his frustringamur, iuxta illud Spiritûs sancti monitum *Qui scrutator est manifestus opprimetur à gloria.*

Si tamen ad satisfaciendum nonnullis ingeniis utile ducemus explicare quo pacto sententia quam de materia habemus possit conciliari cum doctrina fidei circa Transsubstantiationem, id fortan modo ita claro & distincto effectum daremus ut eo pacto nullum decessio-

nibus

nibus Ecclesiæ fieret præjudicium ; sed ab hac explicatione, præcipue in hoc opere superfedere posse nobis videmur.

Observandum enim est Patres de illo mysterio semper loquutos ut de mysterio *ἀκατάληπτα* ; ipsos ad illud explicandum Philosophiam non adhibuisse ; ac ut plurimum comparationibus parum accuratis & ad dogma declarandum potius quàm exactè explicandum aptis usos fuisse. Traditio itaque in eorum usum est qui non philosophantur super hoc mysterio , quique mentem suam fidei , anxii illis & arduis multis quæstionibus , submitunt.

Immeritò igitur quis exigeret à Philosophis explicationes claras & faciles modi quo corpus JESU-CHRISTI est in Eucharistia , is enim ab ipsis peteret ut nova in Theologiam invehent. Ac si Philosophi huic postulato imprudentes responderent , certè non possent vitare vel suæ Philosophiæ , vel Theologiæ condemnationem ; si enim ipsorum responsa essent obscura ipsorum Philosophiæ principia spernerentur , si verò essent clara , non sine ratione ipsorum Theologiæ novitas metum incuteret.

Cùm igitur novitas in rebus Theologicis secum ferat erroris indicium , & opiniones vel ex eo duntaxat quòd novæ sint nec traditionis fundamento nixæ jure contemnantur : nemo potest sine temeritate tradere explicationes faciles & intelligibiles rerum quas Patres & Concilia penitus non explanaverunt ; sufficit si dogma Transsubstantiationis teneamus, ipsius explicationem quærere non satagentes. Alioquin nova litium & altercationum semina spargerentur , quæ jam plus satis grassantur. ; immò ipsi veritatis inimici iis litibus malignè uterentur ad suos opprimendos adversarios.

Lites circa explicationes Theologicas omnium maximè inutiles & noxiæ videntur : eò etiam sunt formidabiliores quòd ipsi Viri pii se legitimè vinculum charitatis rumpere credant , erga dissentientes. Id æquo pluribus experièntiis comprobatur , nec causa istius eventûs est admodum occulta. Satiùs itaque & tutius est , de rebus quæ evidenter non liquent , quâsque alij non possunt assequi , præcipitantiùs non loqui.

Sed non oportet etiam ut explicationes obscuræ & incertæ mysteriorum fidei , quas credere non tenemur , sint nobis instar normæ & principij ex quibus ratiocinemur in Philosophia , in qua sola evidentia nos persuadere debet. Commutandæ non sunt ideæ claræ & distinctæ extensionis , figuræ , & motûs localis cum ideis illis generalibus & confusis principij , aut subiecti extensionis , formæ , quidditatum , qualitatum realium , & omnium illorum motuum generationis , corruptionis , alterationis , & aliorum similium à motu locali diverforum ; ideæ reales scientiam parient realem. Sed ideæ generales & Logicæ nihil unquam gignent præter scientiam , vagam , superficiariam , & sterilem. Attentè igitur quantum fieri potest considerandæ sunt ideæ illæ distinctæ & speciales rerum , ad cognoscendas proprietates

proprietates quas includunt ; ac sic rimanda est natura , missis omnibus illis chimæris quæ in solo quorundam Philosophorum cerebro existunt.

C A P V T IX.

I. Ultima causa generalis errorum nostrorum. II. Ideas rerum non semper presentes adesse menti statim atque id optamus. III. Omnem mentem finitam obnoxiam esse errori , & cur res sic se habeat. IV. Indicandum non esse nihil existere præter corpora , aut spiritus , neque Deum esse spiritum , ut alios concipimus spiritus.

HAstenus de erroribus, quorum aliqua assignari potest causa occasionalis in natura intellectus puri, aut mentis dum illam consideramus per se agentem, & in natura idearum, hoc est, in modo quo mens percipit objecta externa, loquuti fuimus.

Jam nihil restat amplius nisi ut explicemus unam causam, quæ dici potest universalis & generalis omnium errorum nostrorum ; nullum enim errorem concipimus qui ab illa aliquatenus non dependeat. Hæc causa in eo sita est quod cum res nihil nullam habeat ideam quâ representetur, mens ad id facile adducatur ut credat ea quorum nullam habet ideam non existere.

I.
Ultima causa
generalis
errorum no-
strorum.

Errorum nostrorum fontem generalem ex eo manare constat, ut jam multoties diximus, quod judicia nostra latius pateant perceptionibus nostris. Quum enim aliquod objectum consideramus, illius ut plurimum unam tantum faciem inspicimus ; jam autem de facie à nobis considerata duntaxat judicare non contenti judicium de objecto integro statuimus. Unde fit ut sæpe hallucinemur, quamvis enim res vera sit respectu faciei à nobis expensæ, respectu alterius sæpè falsa deprehenditur, & quod credimus verum esse, est tantum verisimile. Jam verò manifestum est nos de rebus non omnino judicaturos esse ut solemus, nisi arbitraremur nos omnes illarum inspexisse facies, aut nisi supponeremus omnes alias facies similes esse faciei à nobis inspectæ. Causa itaque generalis errorum nostrorum in eo versatur quod cum nullam habeamus ideam aliarum facierum objecti nostri, aut ipsarum discriminis cum facie quæ menti nostræ obversatur, credamus illas alias facies non existere, aut saltem supponamus inter illas nullam esse specialem differentiam.

Iste processus nobis videtur rationi satis consentaneus. Cum enim res nihil nullam in mente excitet ideam, non immerito credere nobis videmur ea quæ nullam in mente efformant ideam, dum examinantur, similia esse nihilo. Quodque nos in ea confirmat sententia illud est ; scilicet, instinctu quodam persuademur ideas rerum debitas esse

naturæ nostræ, ipsasque menti ita submittit ut sese ipsi objicere debeant statim atque id exoptat.

II.

*Idea verum
non obviatur
menti
nostra statim
atque id
optamus.*

Si tamen animum ad statum præsentem naturæ nostræ attentum adverteremus, certè tam proni non essemus ad credendum, ideas rerum nobis adesse statim atque eas volumus. Homo nihil est, ut ita dicam, præter carnem & sanguinem, ex quo peccavit. Levior impressio sensuum & affectuum frangit vim intentionem applicationis mentis ipsius: Cursusque rapidus spirituum & sanguinis ipsum secum abripit, ac versus objecta sensibilia perpetuò impellit. Huic torrenti ipsum abripienti incassum sæpè reluctatur, immò ipsi reluctari raro aggreditur, ipsum enim sequi ducillimum est, adversus ipsum verò xenti arduum nimis. Mens igitur defatigatur & fatiscit postquam aliquantùm in veritate aliqua amplectenda ac veluti arripienda desudavit: Ac eo in quo versamur statu, planè falsum esse ideas rerum menti objici statim atque eas considerare volumus. Judicare igitur non debemus res non existere, ex eo duxat quod illarum nullas habemus ideas.

III.

*Omnis mens
finita obnoxia
est
errori.*

Sed etiamsi hominem supponeremus summum arbitrum mentis suæ & idearum, necessariò tamen obnoxius esset errori per naturam suam. Quippe mens humana est finita, omnis autem mens finita naturâ suâ errori obnoxia est. Cujus rei hæc est ratio. Res minimæ infinitas relationes inter se habent, jam verò mente infinitâ opus est ad eas omnes capiendas cum itaque mens amplecti nec capere possit omnes illas rationes, quicquid conetur, ad id faciliè propendit ut credat relationes quas non percipit non existere, præcipuè cum ad tenuitatem, & limitationem mentis suæ, ut sæpe fit, non satis attendit. Itaque limitatio mentis sola infert secum capacitatem errandi, ut ita loquar.

Attamen si homines, etiam in eo statu infirmitatis & corruptionis in quo nunc sunt, libertate suâ bene semper uterentur, nunquam fallerentur. Atque hanc ob causam omnis homo qui in errorem labitur, culpandus est, ac meritò pœnas luit: sufficit enim ut non erremus, nos judicare tantùm de iis quæ videmus nec adequata unquam ferre judicia, nisi de rebus quas integras nos examinasse certò scimus, quod equidem hominibus possunt assequi. Sed malunt errori sese mancipare, quam sese ad normam veritatis conformare; decidere volunt sine labore & examine? Quid mirum igitur est si in errores incidant innumeros, ac si sæpè ferant judicia incertissima?

IV.

*Non indici-
candum est
minime esse cre-
atum: præter
corpora aut
spiritus;
Distingue*

Homines, exempli gratiâ, nullas alias habent substantiæ ideas, quàm ideas mentis seu spiritus, & corporis; hoc est, substantiæ cogitantis & substantiæ extensæ. Atque hinc se legitime concludere arbitrantur quicquid existit esse corpus, vel spiritum. Nolim tamen asserere dari aliquam substantiam quæ nec sit corpus nec spiritus. Non debemus enim asserere res existere, cum nullam illarum habemus cognitionem; Deus enim qui sua opera nos non celat, aliquam, ut vide-

tur,

tur, earum rerum nobis dedisset ideam. Existimo tamen nihil de numero generum entium quæ Deus creavit, per ideas quas de illis habemus determinandum esse, cum absolute loquendo fieri possit ut Deo sint rationes nobis occultæ quibus ea nos celare velit: ut vel hæc posset sufficere quodd, nempe cum entia illa nullam ad nos habeant relationem, nobis satis inutile foret illa cognoscere: quemadmodum nobis non dedit oculos satis acutos ut possimus numerare dentes acari, quia inutile est ad conservationem vitæ nostræ nos visû aded perspicaci pollere.

*esse spiritum
eodem modo
quo concipere
solemus spi-
ritus.*

Sed quamvis præcipiti iudicio non debeamus pronuntiare omnia entia esse vel spiritus, vel corpora, omninò *ἀντιλογον* censemus, Philosophos ad explicandos effectus naturales, uti aliis ideis, quàm iis quæ pendent à cogitatione, & extensione; cum reverà illæ solæ sint ideæ distinctæ & speciales quas habeamus.

Nihil à ratione magis abhorret quàm imaginari innumera entia ex simplicibus ideis Logicis, illis innumeras tribuere proprietates, atque ita res quæ non intelliguntur velle explicare, per alias res quæ non modò non concipiuntur, sed etiam quæ concipi nequeunt. Res perinde se habet ac de cæcis qui inter se de coloribus colloqui volentes ac de iis Theses propugnare, ad id uterentur definitionibus quas Philosophi solent tradere, ac de iis multas elicerent conclusiones: sicut enim cæci illi non possent habere sermones nisi ludicros, & ridiculos de coloribus, quia eorum ideas distinctas non habentes de illis vellent ratiocinari ex ideis generalibus & è Logica petitis. Ita Philosophi non possunt solide ratiocinari de effectis naturæ, dum ad id utuntur duntaxat ideis generalibus & Logicis, actûs, potentia, entis, causæ, principij, formæ, qualitatis & aliorum similium. Omninò necesse est ut nitantur duntaxat ideis distinctis, aut specialibus cogitationis, & extensionis, & ideis quas illæ includunt, quales sunt ideæ figuræ, motûs, &c. Sperandum enim non est naturam posse cognosci, aliâ viâ quàm per considerationem idearum quas de illa habemus; ac longè præstat nunquam meditari, quàm circa chimæras meditari.

Non est tamen asseverandum nihil existere præter spiritus, & corpora, h. e. entia quæ cogitent, & entia quæ sint extensa, quia in illa asseveratione esset periculum erroris: Quamvis enim illa entia ad explicandam naturam sufficiant, ac possimus ideirco sine ullo erroris discrimine concludere res naturales quarum aliquam habemus cognitionem, pendere ab extensione & cogitatione, fieri tamen, absolute loquendo, potest, ut alia quædam extent entia quorum nullam habeamus ideam, quorumque nulla videamus effecta.

Homines igitur præcipiti feruntur iudicio, dum statuunt ut principium indubitatum, omnem substantiam esse corpus, vel spiritum. Sed inde etiam præcipitem eliciunt conclusionem cum solo rationis lumine colligunt Deum esse spiritum. Verum equidem est, cum ad ipsius imaginem & similitudinem simus conditi, & Scriptura sacra

nos multis in locis doceat Deum esse spiritum, nos id credere debere, illūque sic appellare, sed id ratio sola nos edocere nequit: Nobis tantū dictat Deum esse infinitē perfectum, ipsūque potius debere esse spiritum quā corpus, cū mens nostra sit perfectior corpore, sed nos non fecit certiores illa ratio non dari entia perfectiora mentibus nostris; ac mentibus nostris longē magis superiora, quā mentes sunt corporibus superiores.

Posito autem quod extent ejusmodi entia, ut id extra omne dubium videtur constitutum, vel lex eo quod Deus potuerit ea creare, manifestum est illa entia Deo longē similia fore quā nos. Ita eadem ratio evincit Deum potius habiturum esse illorum entium perfectiones quā nostras, quæ ipsorum respectu nihil essent præter imperfectiones. Arbitrandum igitur non est præcipitanter, vocem spiritūs quā utimur ad exprimendum id quod Deus est, & id quod sumus, esse terminum univocum, qui eadem aut planē similia significat: Deus longē magis præstat mentibus creatis, quā illæ corporibus præstant: ac Deus non tam vocari debet spiritus ut positivē designetur id quod est, quā ut significetur ipsum non esse corporeum. Ens est infinitē perfectum, res est sine omni dubio. Sed quemadmodū censendum non est cum Anthropomorphitis, ipsius figuram debere esse humanæ similem, utpote quæ omnium videatur perfectissima, et si illum supponeremus corporeum, cogitandum quoque non est spiritum Dei habere cogitationes humanas, ipsiusque mentem nostræ similem esse, quia nihil mente nostrā perfectius cognoscimus. Credendum potius est quod, quemadmodū in se includit perfectiones materiæ cū tamen non sit ens materiale, certum enim est materiam habere relationem ad aliquam perfectionem quæ in Deo est; complectitur etiam perfectiones spirituum creatorum cū tamen non sit spiritus eodem modo quo spiritūs solemus concipere; verū ipsius nomen est, I L I E. QUI EST, JEHOVAH, hoc est, Ens sine restrictione, omne ens, ens infinitum & universale.

C A P V T X.

Exempla quorundam errorum Physices in quos labuntur homines, quia supponunt res quæ naturā suā, qualitibus, extensione, duratione, & proportionem differunt, esse similes in hisce omnibus.

CApite præcedenti vidimus homines præmaturum ferre iudicium, dum statuunt omnia entia duplicis duntaxat esse generis, nempe, spiritūs & corpora. In sequentibus demonstrabimus ipsos ferre iudicia non modò præcocia verū etiam falsissima, quæque numeri errorum innumerabilis sunt principia dum iudicant entia non differre in suis

fuīs relationibus nec in suis modis, quia nullam illarum differentiarum habent ideam.

Mentem humanam nihil aliud quàm rerum relationes investigare constat; primò relationes quas objecta quæ considerat possunt habere secum, deinde relationes quas illa objecta habent inter se invicem: Nam mens humana nihil aliud quærit quàm bonum suum, & veritatem: ut suum consequatur bonum, ratione, gustu, aut sensu accuratè investigat, num objecta analogiam convenientiæ habeant secum: ut veritatem adipiscatur, inspicit an objecta analogiam æqualitatis aut similitudinis inter se invicem habeant, aut quænam præcisè sit magnitudo æqualis ipsorum inæqualitati. Quemadmodum enim bonum non est bonum mentis, nisi quia ipsi competit; ita veritas non est veritas, nisi per analogiam æqualitatis, aut similitudinis quæ deprehenditur inter duas vel plures res; sive inter duo vel plura objecta ut inter unam ulnam, & telam; verum enim est illam telam unâ ulnâ longam esse, quia datur mutua analogia inter ulnam, & telam illam, sive inter duas vel plures ideas: ut inter binas ideas bis trium & ideam sex, verum enim est bis tria esse sex, quia datur æqualitas inter duas ideas bis trium & ideam numeri senarij; sive denique inter ideas & res, cum ideæ repræsentant id quod res sunt; cum enim dico Solem existere, propositio mea vera est, quia ideæ quas habeo existentiae & solis repræsentant solem existere, ac verè existere. Omnis igitur actio & attentio mentis ad objecta, ad aliud non intenditur quàm ut deprehendat eorum mutuas analogias, cum rebus non præbeatur attentio nisi ut earum agnoscat veritas, aut bonitas.

Sed, ut jam Capite præcedenti dictum est attentio mentem magno-
perè fatigat, citò fatiscit mens resistendo impressioni sensuum quæ ipsam ab objecto suo dimover, ac versùs alia deflectit, quæ ipsi præingenti erga corpus amore, allubescunt. Valdè finita est ac sic differentias quæ intercedunt inter res quas examinat, utpotè infinitas aut ptopè infinitas non potest dignoscere. Mens igitur supponit similitudines ficticias, ubi non animadvertit differentias positivas & reales; quippe ideæ similitudinis ipsi sunt magis præsentis, magis familiares, magisque simplices quàm cæteræ. Manifestum enim est similitudinem, unicam duntaxat includere analogiam, ac unicam ideam sufficere ad judicandum mille res esse inter se similes; cum è contrà ut quis judicet sine erroris periculo mille objecta inter se differre necessariò habere debeat mille ideas differentes menti præsentis.

Homines igitur imaginantur res diversæ naturæ esse ejusdem naturæ; ac res omnes ejusdem speciei inter se invicem fermè non differre. Judicant inæqualia, esse æqualia, instabilia esse stabilia, ac ea quæ sine ordine & proportionem sunt, esse optimè ordinata, ac accuratissimam servare proportionem. Uno verbo res naturâ, qualitate, duratione & proportionem diversas similes esse in his omnibus rebus sapissimè ducunt.

Mens & corpus, substantia cogitans, & substantia extensa, sunt duo genera entium toto cœlo diversa, ac penitus opposita: quod alteri competit alteri nequit competere; attamen plerique homines ad ideam quam habent cogitationis parum attendentes, ac corporibus perpetuò affecti, mentem & corpus tanquam unum idemque habuerunt: imaginati sunt similitudinem inter res adeò diversas. Voluerunt animam esse materiale per totum corpus diffusam, ac instar corporis figuratam: menti tribuerunt quod soli corpori congruere potest.

Insuper homines voluptatem, dolorem, odores, sapores, &c. sentientes, ac corpus magis præsens habentes quam mentem ipsam, hoc est, corpus facile imaginantes, mentem verò imaginari non valentes; ipsi corpori facultates sentiendi, imaginandi, & aliquandò etiam facultatem concipiendi, quæ menti soli possunt competere, tribuerunt. Sed exempla infra subnexa erunt clariora.

Omnia corpora naturalia, ea etiam quæ ejusdem speciei esse dicuntur, à se invicem differre constat; aurum auro non esse prorsus simile, & guttam aquæ ab alia gutta differre. De omnibus corporibus ejusdem speciei res non secus se habet, quàm de faciebus: omnes facies habent binos oculos, nasum, os, &c. omnes sunt facies, & quidem facies humanæ; dici tamen potest hominum duas facies nunquam exstitisse prorsus similes. Pariter alterum auri fragmentum partes habet similes alteri fragmento auri, & aquæ gutta alteri guttæ sine dubio est valde similis: asseri tamen potest non possè dari duas guttas, licet ex eodem haurirentur flumine, omninò similes. Tamen Philosophi inco-gitanter supponunt similitudines essentielles inter corpora ejusdem speciei, aut similitudines quæ consistunt in indivisibili, nam essentialiæ rerum consistunt in indivisibili, juxta falsam illorum opinionem.

Jam autem causa cur errorem adeò crassum errent ex eo oritur, quod res circa quas ampla conflare volumina non dubitant, accuratè examinare nequidem dignentur. Quemadmodum enim perfectam non statuimus similitudinem inter facies, quia cominùs eas conspiciamus, ac quia habitus quem illas discernendi contraximus efficit ut minimas earum deprehendamus differentias: ita, si Philosophi naturam aliquà cum attentione considerarent, non paucas haud dubiè comperirent causas diversitatum in ipsis etiam rebus quæ easdem in nobis excitant sensationes, quàsque idèò ejusdem speciei appellamus, in hisque similitudines essentielles tam facile non supponerent. Cæci ridiculi essent, si supponerent similitudinem essentialem inter facies quæ consisteret in indivisibili, quia illarum differentias clarè non percipiunt: Philosophi igitur tales similitudines in corporibus ejusdem speciei non debent supponere, quia per sensationes quas de illis habent; nullas interea deprehendunt differentias.

Facilis illa propensio quâ ad supponendam similitudinem in rebus ferimur, nos eò etiam impellit ut credamus esse numerum determinatum differentiarum, & formarum; illasque formas non posse suscipere
magis

magis & minùs. Existimamus omnia corpora inter se differre veluti per gradùs : ac istos etiam gradùs quasdam inter se servare proportionem : uno verbo de rebus materialibus judicamus ut de numeris.

Id ex eo oriri constat quòd mens in relationibus rerum incommensurabilem, (ut sunt infinitæ differentie, quæ extant inter corpora naturalia) absorbeatur, ac sese veluti sublevet cùm aliquam inter illas imaginatur similitudinem aut proportionem ; quia tum plurima sibi repræsentat quàm facillimè. Namque, uti jam dictum est, unica sufficit idea ut multa inter se similia esse judicentur, multis verò opus est ideis, ut illa inter se differre judicentur. Exempli gratiâ, si quis teneat numerum Angelorum ; ac pro unoquoque Angelo esse decem Archangelos, unicuique Archangelo decem esse thronos, ac sic deinceps servatâ eadem proportionem unius ad decem usque ad postremum Intelligentiarum ordinem ; mens poterit scire, cùm lubuerit, numerum omnium illorum spirituum beatorum ; ac de iis etiam uno intuitu, rem attentissimè expendendo, judicare, quòd ipsi valdè arridet. Nec alio fortè freti principio nonnulli numerum spirituum cælestium assignarunt : ut etiam extitere Philosophi qui proportionem decuplam gravitatis, & levitatis inter elementa statuerunt, ignem decies levio-rem esse aère, & sic de cæteris, supponentes.

Quum mens ad id tenetur, ut admittat differentias inter corpora per diversas sensationes quas de ipsis habet, & per alias speciales rationes, illas semper numero quàm potest paucissimas admittit. Hanc ob causam facillè sibi persuadet essentias rerum consistere in indivisibili, ipsasque, ut jam dictum est, numeris esse similes ; quia tum ipsi unica sufficit idea ut sibi repræsentet omnia corpora quæ ejusdem speciei appellant. Si, exempli gratiâ, cyathus aquæ in dolium vino plenum infundatur, Philosophi volunt essentiam vini semper eandem manere, aquamque converti in vinum. Quemadmodum inter tria & quatuor non potest dari numerus, cùm vera unitas sit indivisibilis ; sic necesse esse aquam converti in naturam & essentiam vini aut vinum perdere naturam suam ; Quemadmodum omnes quaternarii numeri sunt prorsus similes, ita essentiam aquæ esse prorsus similem in omnibus aquis. Quemadmodum numerus ternarius differt essentialiter à numero binario, & easdem cum illo proprietates habere nequit ; sic corpora diversæ speciei differre essentialiter, & tali modo ut nunquam habeant easdem proprietates, quæ fluunt ab essentia ; & alia similia. Si tamen homines veras rerum ideas aliqua cum attentione considerarent, citò deprehenderent, omnium corporum, cùm sint extensa, naturam & essentiam nihil habere similitudinis cum numeris, ipsamque non consistere in indivisibili.

Homines non modò supponunt identitatem, similitudinem aut proportionem in natura, numero, & differentiis essentialibus substantiarum, illam etiam identitatem, similitudinem, & proportionem supponunt in omnibus quæ percipiunt. Omnes penè homines judicant omnes

stellas

Stellas fixas cœlo adhærere tanquam fornicî in æquali distantia à terra.

Astronomi diù defenderunt Planetas agi secundùm circulos perfectos; & permultos tales circulos finxerunt, ut concentricos, eccentricos, epicyclos, deferentes, & æquantes ad explicanda phænomena suis præjudiciis adversa.

Hicse equidem novissimis sæculis peritiores, errore Priscorum castigato, credunt planetas describere ellipses motu suo. At verò si perendant ellipses illas esse regulares ut ad id credendum naturâ ferimur quia mens supponit regularitatem ubi nullam deprehendit irregularitatem, in errorem labuntur eò ineluctabiliorem, quod observationes, quæ circa cursum planetarum possunt fieri, satis exactæ esse nequeant ad ostendendam irregularitatem motuum illorum planetarum. Sola Physica potest emendare illum errorem; Illa enim irregularitas multò minùs conspicua est, eâ quæ deprehenditur in systemate circulorum perfectiorum.

Porro aliquid satis speciale circa distantiam, & motum Planetarum contigit. Cùm enim Astronomi nullam in iis deprehendere possent proportionem Arithmeticam, aut Geometricam manifestè repugnantibus observationibus, nonnulli imaginati sunt illos (planetas) saltem servare in suis distantis, & motibus quandam proportionem, quam Harmonicam vocaverunt. Hinc factum est ut Astronomus quidam hujus sæculi, in suo *Almagesto novo* sectionem quæ habet pro titulo *de systemate mundi harmonico*, per hæc verba inceperit *Nemo est paulò eruditior in Astronomicis, qui cœlorum ordinem contemplatus, non agnoscat harmoniam quandam in planetarum intervallis & motibus*. Non idèò tamen Author ille in ea est sententia: Nam observationes jam factæ ipsi satis ostenderunt ineptiam istius harmoniæ imaginariæ, quæ tamen ampla fuit admirationis materia multis Authoribus antiquis & recentibus, quorum R. P. Riccioli refert & confutat opiniones; vulgè etiam Pythagoræ, ipsiusque Sectatoribus tribuitur credidisse cœlos motibus suis ordinatis miram quandam producere symphoniam, quam homines præ consuetudine non exaudiunt: quemadmodum qui propè Nilî Cataractas habitant, aquarum decidentium sonitum non audiunt. Verùm specialem illam opinionem proportionis harmonicæ intervallo- rum, & motuum Planetarum eo tantum sine assero, ut ostendam mentem gaudere proportionibus, ac eas sæpè imaginari ubi actû non sunt.

Mens uniformitatem etiam in rerum duratione supponit, ipsasque mutationi, & instabilitati obnoxias non esse arbitratur, cùm ad aliud ferendum judicium sensuum testimonio non adigitur.

Omnia materialia, utpotè extensa, sunt divisibilia, ac proinde corruptibilia: Qui ad corporum naturam tantillum attendunt illa esse corruptibilia facillè agnoscunt: Non pauci tamen fuere Philosophi qui cœlos licet materiales esse tamen incorruptibiles arbitrentur.

Cœli

Cœli remotiores à nobis sunt quàm ut possimus omnes quæ in illis sunt deprehendere mutationes; ac rarum est in iis tantas unquam fieri ut possint è terra videri. Id innumeris satis fuit ut crederent cœlos esse reverà incorruptibiles. Quòdque ipsos in illa confirmavit opinione, est illud præiudicium quo corruptionem quæ contingit corporibus sublunaribus qualitatum contrarietati tribuunt. Cùm enim in cœlum nunquam ascenderint exploraturi quid ibi agatur, pro comperto etiam non habuerunt illam qualitatum contrarietatem in eo occurrere; quod illos eò adduxit ut crederent illam contrarietatem in cœlo reverà non occurrere: collegerunt itaque cœlos corruptionis immunes esse, quia, id quod juxta ipsorum opinionem, corrumpit omnia corpora terrestria, in corporibus cœlestibus non occurrit.

Illud ratiocinium omni soliditate carere manifestum est: Non video enim, cur alia non possit dari causa corruptionis præter illam qualitatum contrarietatem quam fingunt: aut quo freti fundamento nullum in cœlis calorem, frigus, siccitatem, nec humiditatem dari, solémque calidum, saturnum verò frigidum non esse asserant.

Non est omninò absurdum dicere lapides durissimos, vitrum & alia corpora non corrumpi, cùm diù in eodem statu perstare concipiantur, cumque sat nobis sint propinqua ut eorum deprehendamus mutationes si quæ in iis fiant: sed in ea à cœlis distantia in qua versamur, prorsus absurdum est concludere illos non corrumpi, quia in ipsis qualitates contrariæ non deprehenduntur, & quia ipsos corrumpi non percipimus. Attamen non modò asserunt ipsos non corrumpi, sed præterea ipsos inalterabiles, & incorruptibiles esse defendunt: & parum abest quin Peripatetici dicant corpora cœlestia totidem esse numina, ut id olim credidit Aristoteles ipsorum Magister.

Pulchritudo universi in partium incorruptibilitate sita non est, sed potius in ipsarum varietate: Ac ingens illud opus tam admirabile non esset sine illa rerum vicissitudine quæ in ipso deprehenditur. Materia infinite extensa, sine motu, ac proinde sine forma, & corruptione posset equidem patefacere infinitam Authoris potentiam, at ipsius sapientiæ nullam daret ideam. Hanc ob causam omnia corporea sunt corruptibilia, nullumque exstat corpus cui aliqua non obveniat mutatio, quæ ipsum, tempore cedente, alterat & corrumpit. Immo Deus in ipsis lapidum, & vitri visceribus animalia omnibus hominum operibus perfectiora & admirabiliora format. Corpora illa, licet durissima, & siccissima corrumpuntur tamen per temporis successionem: Aër & Sol quibus exponuntur aliquas ex illorum partibus mutant, & reperiuntur vermes, qui illis partibus vescantur, experientiâ teste.

Nullum aliud est discrimen inter illa corpora durissima & siccissima, & alia corpora, nisi quòd illa consent partibus crassissimis & solidissimis atque ideò minùs idoneis ut agentur & à se invicem separentur motu partium quæ in illas illidunt, unde fit ut incorrupti-

G g

Ephemerid.
Doctorum
9. Augusti
1666.

bilis habeantur illa corpora : Quamvis talia non sint naturâ suâ, ut id tempus, experientia, & ratio satis evincunt.

Coeli verò, ac præcipuè Sol, constant ex materia fluidissima & subtilissima : ac tantùm abest ut sit sine calore, & incorruptibilis, ut putant Aristotelici, quin omnium corporum est calidissimum, ac mutationi maximè obnoxium. Immo ipse omnia calefacit, agitât, & mutat. Ipse actione suâ, quæ ab ipsius calore, seu motû partium non differt, quicquid in tempestatum mutationibus novi conspiciamus producit. Hæc ratio demonstrat : si quis tamen rationi reluctari sustineat, experientiæ saltem cedat. Cùm enim in Sole, telescopiorum opa detectæ fuerint maculæ tetram magnitudine suâ æquantes, quæ in coese formatæ, ac brevi evasuerunt ; non est quod quisquam impotens, solem mutationi esse multò magis obnoxium quàm hæc terra : quam incolimus, neget.

Omnia igitur corpora ac præcipuè fluidissima, ut ignis, aër, & aqua perpetuo agitantur motu : deinde corporum viventium partes ut caro, & ipsa ossa ; ac tandem durissima, etiam corpora ; Nec mens quandam in rebus immutabilitatis speciem ex eo supponere debet, quòd in iis nullam deprehendat corruptionem mutationemve ; Ex eo enim quòd nulla in aliquâ re percipitur differentia non sequitur rem illam semper sibi similem esse ; nec ex eo quòd rerum non habemus ideam aut cognitionem, sequitur res illas non existere.

C A P V T X I.

Exempla nonnullorum errorum circa Ethicam ab eodem principio pendentium.

Facilis illa propensio quâ mens ad imaginandas & supponendas similitudines ubicunque manifestas non agnoscit differentias, fertur, plerisque in errores circa Ethicam longè perniciosiores injicit. Ad sunt istorum quædam exempla.

Gallus in Anglum aut in Italum fortè fortuna incidit. Jam verò extraneus ille suam habet peculiarem indolem. Ingenio forsan est delicato, aut si mavis feroci & incommodo. Continuo Gallus eò adducetur ut omnes Anglos seu omnes Italos ejusdem ac illum ingenij esse judicet. Illos omnes in genere laudabit aut vituperabit : Ac si in alium fortè adhuc incidat, præjudicabit statim hunc illi esse similem quem antea viderat, ac sic præoccupatus, erga istum aliquo sive amoris sive odij motu impercepto afficietur. Uno verbo de singulis ejusdem gentis hominibus idem feret judicium, egregio illo adductus argumento, quòd unum aut plures viderit qui hujus aut illius essent indolis sive ingenij:

ingenij: Quia nescius an ceteri ab illis quos vidit differant, omnes prorsus similes judicat.

Religiosus quispiam alicujus Ordinis deliquit: id sufficit ut plerique omnes istius Ordinis Religiosos indiscriminatim damnent. Eadem omnibus vestis est, eodémque appellantur nomine, hac in re inter se similes sunt, id sufficit ut vulgus hominum eos in omnibus prorsus similes judicet. Similes existimantur, quia cùm intima cordis ipsorum non possint penetrari, non potest positivè judicari an inter se differant.

Sycophantæ qui nulla non adhibent media, ut possint eorum quos oderunt famæ malam inurere notam, isto, quod ipsis ex voto semper cedere experientia comprobatur, plerumque utuntur. Ac reverà vulgi captui est maximè accommodatum: Difficile enim non est in Societatibus numerosis, quantumvis sanctæ sint, quosdam reperire delinquentes seu in moribus, seu in doctrina: si quidem in ipsa Apostolorum Societate, cujus ipse Christus erat caput, fur, proditor, hypocrita, uno verbo Judas repertus fuit.

Judæi sanè iniqui prorsus fuissent, si de sanctissimâ omnium quæ unquam fuerant Societate sinistrè judicassent, propter avaritiam & nequitiam Judæ, ac si illos omnes intrâ se damnassent, quodd scelestum illum tolerarent, quodque ipse Jesus-Christus in illum non animadverteret, quamvis illius crimina ipsum non laterent.

Rationi igitur & charitati manifestò repugnat, existimare totam societatem erroris alicujus esse participem, quia quædam fuere membra istius societatis quæ in illum inciderunt errorem; immò licet ipsa societatis capita illum errorem dissimularent aut etiam foverent, iniquè tamen idem de tota societate ferretur judicium. Cùm singula membra errorem, aut culpam alicujus à fratribus tutari satagunt tum equidem istius erroris conscia meritò habetur tota societas: sed id fere nunquam accidit. Impossibile enim est, humano more loquendo, ut singuli ejusdem societatis homines idem planè sentiant.

Desuescant igitur homines ab ejusmodi conclusionibus à singularibus ad generalia: verùm id habent à natura quodd ad judicandum duntaxat de iis quæ vident assuescere nequeant. Res semper ferunt extra modum. Religiosus quidam alicujus Ordinis; est vir clarus, vir frugi; ergo omnes istius Ordinis. Religiosi sunt viri magni, & viri probi. Pariter, quidam Religiosus istius Ordinis habet doctrinam heterodoxam, ergo totus Ordo est corruptus, ac ejus heterodoxias conscius. Sed hæc ultima judicia prioribus sunt longè pejora, quia de proximo benè semper judicandum est, & quia ea est humana malignitas, ut sinistra judicia, ac sermones adversus alicujus famam habiti, longè magis arrideant, & altius menti imprimantur quàm judicia, & sermones quæ in ipsius laudem habentur.

Cùm mundanus aliquis affectibus suis addictus opinioni suæ mordicus adhærescit, ac sese per inkompositos turbati animi motûs illam opinionem meritò defendere arbitratur, tum jure cervicax habetur,

ac ipse sedato animi impetu suam non diffitetur pervicaciam. Pariter quum vir aliquis pietate gravis, eorum quæ dicit intus convictus, quique Religionis veritatem, ac rerum humanarum vanitatem penitus agnovit; præviis hisce ductus luminibus adversus vitam aliorum immoderatam insurgere, ac in illos acriter & cum zelo animadvertere vult, tum homines profani judicant illum esse pertinacem, & sic omnes pietatis studiosos pertinaces esse ducunt.

Immò viros probos, profanis & improbis longè pertinaciores esse autumant: quia cum hi suas opiniones duntaxat tuteantur juxta varias sanguinis, & affectuum agitationes diù in illis nequeunt perstare; quin sententiam mutant seu resipiscunt, ubi sanguis deserbat: viros pios contra tenaces propositi nihil potest quaterere; quia nituntur fundamentis immotis, quæ ab inconstantia sanguinis in venis circulantibus non dependent.

Hæc est igitur causa cur vulgus viros pios pertinaces judicet, æquè ac homines nequam: Quia, scilicet, viri probi veritatis, & virtutis sunt vindices acerrimi, ut improbi viri & mendacii sunt impigri assertores: utrique eodem penè modo loquuntur ut suis patrocinentur sententiis; in hoc similes sunt, quamvis reapse differant. Sed hæc similitudo sufficit ut vulgus quod rationum pondus & differentiam non examinat, ipsos in omnibus esse similes judicet, quia inter se similes sunt, quoad modum illum externum, de quo cuncti possunt judicare.

Viri pii igitur non sunt pertinaces, sunt solum firmi ut ipsos esse par est; vitiosi verò, & prophani semper habentur pervicaces, licet per unicam tantum horam in suâ perstarent sententiâ: Ij enim duntaxat sunt pervicaces qui malant defendunt sententiam, licet illam per brevissimum tempus defendant.

Res eodem modo se habet de Philosophis nonnullis, qui chimæricas defendunt opiniones, à quibus postea agnitâ ipsarum falsitate desistunt. Volunt illi alios qui veritates indubitatas tutantur, quarumque certitudinem evidenter vident, eas tamen ut meras opiniones deferere; ut ipsi eas deferuere quibus incautam dederant fidem. Quia verò ipsis cum veritatis detrimento obsecundare difficile est; ac amor quem veritas naturâ suâ sibi conciliat apud ipsius studiosos, eos ad ipsam strenuè propugnandum fert, tum Philosophi illi continuo judicant veritatis vindices, esse pertinaces.

Isti homines suas chimæras immeritò tuebantur; at alij veritatem acriter & fortiter jure propugnant: ratio suam tuendi sententiam in utrisque eadem est; at res ipsæ longè differunt. Illa verò sententiarum differentia quæ inter utrosque intercedit, efficit ut alij sint firmi, & tenaces, alij verò pertinaces.

CONCLU-

CONCLVDVNTVR TRES PRIMI LIBRI.

AB istius operis initio, in ente simplici & indivisibili, mente scilicet duas veluti distinxī partes. Alteram merè passivam, alteram verò passivam & activam simul; Prior est mens, seu intellectus, posterior est voluntas. Menti tribui tres facultates, quia modificationes, & ideas suas ab Authore Naturæ trifariam, accipit. Illam nuncupavi sensum, eum recipit à Deo ideas confusas cum sensationibus, hoc est, cum ideis sensibilibus natis occasione quorundam motuum qui excitantur in organo sensuum ad præsentiam objectorum. Illam (mentem) vocavi imaginationem, & memoriam, quum à Deo recipit ideas confusas seu commixtas cum imaginibus, quæ efficiunt speciem quandam sensationum debiliū & languidarum, quas mens non excipit, nisi per quædam vestigia quæ imprimuntur, aut quæ antea impressa, excitantur denuò in cerebro cursu spirituum animalium. Illam denique appellavi mentem puram, seu intellectum purum, quum recipit à Deo ideas puras puras veritatis, sine ullâ sensationum & imaginum admixtione; non per unionem quam habet cum corpore, sed per unionem quam habet cum Verbo ac Sapientia Dei; non quia est in mundo materiali & sensibili, sed quia subsistit in mundo immateriali & intelligibili; non ad cognoscenda mutabilia, & idonea ad conservationem vitæ corporeæ, sed ad penetrandas veritates immutabiles, quæ in nobis vivunt spirituales conservant.

Primo & Secundo Libro ostendi sensus nostros & imaginationem nobis esse admodum utiles ad cognoscendas relationes quæ corpora externa habent cum nostro; omnes ideas quas mens recipit mediante corpore esse propter corpus, & in ipsius usum nullam veritatem, quæcunque tandem illa sit, posse unquam evidenter reteri per ideas sensuum & imaginationis; illas ideas confusas ad id tantum conferre ut nos corpori nostro, & per corpus omnibus sensibilibus alligent; ac illis ideis sensibilibus esse diffidendum si errorem vitare velimus. Pari ratione concludo impossibile, moraliter, esse ut cognoscantur per ideas puras mentis, relationes quas corpora habent cum nostro; ex his ideis puris non esse ratiocinandum, ut sciamus an pomum, lapis aut quodlibet aliud sint edulia, sed ea potius esse degustanda: & quamvis mente nostrâ possimus uti ad cognoscendas confusè relationes corporum externorum cum nostro, tutius tamen semper esse uti sensibus: adhuc unum exemplum hîc subnecto. Res enim adeò essentielles & necessariae non possunt nimis inculcari.

Volo, exempli gratiâ, examinare utrum mihi sit melius, justum esse, aut divitem. Si oculos corporeos aperio, justitia mihi videtur chimera; nullas in ea deprehendo illecebras. Video justos miseros, derelictos, afflictos, omni orbatos patrocinio & solamine; qui enim ipsos solatur & protegit oculis meis conspicuus non est. Uno verbo,

non video quorsum tandem evadant justitia & virtus. Verum si oculis apertis divitias contemplor, illarum fulgor oculos meos statim ferit, & perstringit. Potentia, Magnitudo, voluptates, & omnia bona sensibilia comitantur divitias; nec possum dubitare quin divitiæ sint prorsus necessariae ad consequendam felicitatem. Pariter si auribus utar, audio omnes homines magni facere divitias: omnia ipsorum studia circa illas comparandas verti; ac divites ab omnibus laudari & coli: hic sensus igitur ut & cæteri mihi dicunt eum qui beatum esse vult divitem esse oportere. Quod si clausis oculis & auribus imaginationem consulam, illa perpetuo eadem quæ oculi viderint & legerint, quæque aures audiverint in opum gratiam mihi repræsentabit. Immo imaginatio eadem illa mihi repræsentabit longe aliter quam sensus; quippe imaginatio semper auget ideas rerum quæ ad corpus & ad ea omnia quæ nobis arrident, relationem habent. Si igitur ipsi memet permittam; illa me illico in superbum palatium iis similes quæ Poætæ & fabularum scriptores tam magnifice solent describere intromittet; ibi tot admiranda, à quibus describendis hic supersedeo mihi sese conspicienda præbebunt; ut facile convincar Mammonam divitiarum Deum qui in hoc palatio regnat solum esse qui possit me beatum efficere: hæc sunt quæ corpus meum potest mihi persuadere; nam propter se & pro se duntaxat loquitur; ac ut ipsius bono consulatur, necesse est imaginationem magnificæ & fulgenti divitiarum speciei cedere.


Verum enim verò si attendam postea corpus infra mentem longè jacere; illudque huic non posse dominari; mentem à corpore non posse erudiri nec ullum ab illo accipere lumen; si inquam, his serio ponderatis, memet intrà me ipsum colligam, atque interrogem; seu potius (cùm ego non sim mihi ipsi magister, nec lumen) si ad Deum accedam, atque sensibus & affectibus ad silentium adactis, ab ipso quæram an divitias virtuti, an verò virtutem divitiis debeam antepondere: tum responsum accipiam clarum & distinctum de iis quæ mihi sunt facienda; responsum æternum, semper datum, ac ad finem usque dandum; responsum quod hic exponere frustra foret, quippe quod omnibus sit notum æquè iis qui hæc legunt, ac iis qui non legunt; illud enim responsum nec est Græcum nec Latinum, nec Gallicum nec Germanicum, ab omnibus gentibus potest concipi: responsum denique quod pauperes in ipsa paupertate solatur, quodque divites angit in ipsâ divitiarum copiâ. Illud, inquam, responsum audiam illiusque veritatem intus agnoscam. Imaginationis phantasmata & sensuum illusiones ridebo. Homo internus & spiritualis in me latens hominem animale & terrestrem quem gero irridebit. Novus denique homo crescet, vetus verò delebitur dummodò semper auscultem illius voci qui me tam clarè in uno pectore alloquitur, cuiusque tanta fuit semperlenitas ut sese infirmitati ac ægrotudini meæ accommodaturus sensibilem se effecerit; utque vitam mihi largiretur per id ipsum

ipsum quod morti me tradiderat, me adhuc alloquatur modo efficacissimo, vividissimo & perquam familiari, hoc est, prædicatione Evangelij. Si ipsum de omnibus quæstionibus Metaphysicis, naturalibus, & puræ Philosophiæ interrogem Magistrum semper habebo fidelem, à quo nunquam decipiar. Non modò Christianus ero, verum etiam Philosophus, ritè cogitabo, & res bonas amabo. Uno verbo illam insitam viam quâ possum omnem assequi perfectionem quam possum consequi, & per gratiam, & per naturam.

Ex iis ergo hæc sequuntur; nempe, ut quam optimè fieri potest utamur facultatibus mentis nostræ, sensibus, imaginatione, & intellectu; illa non debemus applicare nisi iis rebus ad quas fuerunt destinatæ & nobis concessæ. Sensationes & imaginationes nostræ ab ideis puris sedulo sunt distinguendæ; ac judicandum ex sensationibus & imaginationibus nostris de relationibus quæ corpora externa habent cum nostro; nec iis utendum ad ediscendas veritates quas semper confundunt: ideis verò puris intellectus utendum ad de-regendas veritates, iis nullis cum agitur de relationibus quæ corpora externa habent cum nostro; quia illæ ideæ nunquam habent satis extensionis ut eas relationes nobis adæquatè repræsentent.

Fieri nequit ut homines omnes figuras, omnesque motus particularum ipsorum corporis & sanguinis, & particularum alicujus fructus certo tempore seu intervallo ipsorum morbi ita cognoscant, ut percipiant quandam esse relationem convenientiæ inter illum fructum & ipsorum corpus utque tuto possint sperare sanationem si illo fructu utantur. Soli itaque sensus nostri utiliores sunt ad conservationem valetudinis nostræ quàm omnes leges medicinæ experimentalis, ac *Vide illustrationes.* medicina experimentalis tutior est medicinâ theoreticâ. Sed Medicinâ theoreticâ quæ multum experientiæ, & plus adhuc sensibus defert, est omnium optima; quia hæc omnia sunt simul conjungenda.

Uti igitur possunt homines ratione suâ in omnibus; atque hoc ratio sensibus & imaginationi antecellit, quod illa ad sensibilia limitentur, hæc verò ad omnia extendatur. Illâ tamen utendum est cum temperamento. Quamvis enim ratio sit præcipua pars nostri; sæpè tamen contingit ut ipsam liberius adhibendo fallamur; quia non potest diu agere indefessa; hoc est, res non potest satis cognoscere ut de iis judicet; & nihilò secius judicare vult.




D E INQVIRENDA VERITATE.

LIBER QVARTVS.

De Inclinationibus seu motibus naturalibus mentis.

CAPVT PRIMVM.

I. Spiritus debent habere inclinationes quemadmodum corpora habent motus. II. Deus nullum dat motum spiritibus nisi propter se. III. Spiritus non feruntur versus bona specialia nisi per motum quo versus bonum in genere feruntur. IV. Origo precipuarum inclinationum naturalium in quas dividetur quartus hic Liber.



A U D opus foret agere de inclinationibus naturalibus, ut hoc quarto Libro sumus acturi, neque de passionibus ut id sequenti Libro faciendum nobis proponimus, ad retegendas causas errorum humanorum, nisi intellectus penderet à voluntate in obsectorum perceptione; sed quia ab illa dirigitur, determinatur, & applicatur ad quædam objecta potius quàm ad alia; cognoscere illius (voluntatis) inclinationes, ut possimus penitus deprehendere causas errorum nostrorum, necesse est.

*I.
Mentes de-
bent habere*

Si Deus condendo hunc mundum materiam infinitè extensam nullo ipsi impresso motu produxisset, omnia corpora inter se non differrent.

differrent. Totus iste mundus adspectabilis nihil etiam nunc esset *inclinatio-*
præter molem materiæ aut extensionis, quæ Authoris ipsius magnitu- *nes quemad-*
dinem & potentiam posset equidem patefacere; sed non esset illa *modum cor-*
formarum successio, & corporum varietas quæ totam efficit istius uni- *pora habent*
versi pulchritudinem, quæque omnes mentes creatas in sapientiæ in- *motus.*
finitæ illius qui hæc omnia regit, admirationem rapit.

Jam autem inclinationes spirituum idem mihi videntur esse munda-
do spirituali, quod motus est mundo materiali; nec certè si omnes
spiritus seu mentes essent sine inclinationibus, aut si nihil unquam
vellent ea observaretur in ordine rerum spiritualium varietas, quæ
non modo sapientiæ Dei altitudinem, ut varietas quæ deprehendi-
tur in ordine rerum materialium; verum etiam ipsius misericordiam;
justitiam, bonitatem & omnia in genere attributa præbet admiranda.
Varietas inclinationum efficit in spiritibus idem fermè quod vario-
tas motuum efficit in corporibus, & inclinationes spirituum, ac mo-
tus corporum unà totam constituunt pulchritudinem entium create-
rum. Omnes itaque spiritus debent habere aliquas inclinationes ac
omnia opera habent varios motus. Sed quas debeant habere inclina-
tiones scrutemur.

Si natura nostra non esset corrupta, non opus haberemus quærere,
ut sumus quæsituri, quænam debeant esse inclinationes naturales
spirituum creatorum; ad id cognoscendum nosmet ipsos consulere
sufficeret, ac sensu interno, quem de ijs quæ in nobis aguntur habe-
mus, edoceremur omnes inclinationes, quæ naturâ nos decent. Sed,
quia per fidem scimus naturæ ordinem peccato eversum fuisse, ac ratio
ipsa nos docet inclinationes nostras esse inordinatas, ut clariùs
infra videbitur, alia ratione procedere tenemur. Cum tunc non pos-
simus fidere ijs quæ sentimus res ratione sublimiori nos explicare
oportet; Verum illa ratio parùm solida haud dubiè videbitur ijs qui
nihil quàm quod sensibile est, æstimant.

Extrà omne dubium positum est, Deum non posse alium habere fi-
nem præcipuum, operationum suarum quàm seipsum, illumque pos-
se habere multos fines. minùs principales, qui omnes tendunt ad con-
servationem entium quæ creavit. Non potest alium habere finem
principalem à se ipso diversum, quia non potest errare, aut ultimum
finem suum constituere in entibus quæ omnia in se non in-
cludunt bona. Sed potest habere pro fine minùs principali conser-
vationem entium creatorum, cum enim omnia entia bonitatem ipsius
participent, necessariò bona sunt, imò optima, juxtà scripturam
valde bona, Deus itaque illa amat, immò ipsius amore conservantur,
nam omnia duntaxat subsistunt, quia Deus illa amat. *Dilige omnia quæ*
sunt, inquit sapiens, & nihil odisti eorum, quæ fecisti nec enim odians aliquid
fecisti & constituisti. Quomodo autem posset aliquid permanere, nisi tu voluisses, aut
quod à se vocatum non esset conservaretur. Reverà quomodo concipi po-
ssit.

test ut res quæ enti infinitè perfectò & omnipotentì non placent possint subsistere. Cùm omnia subsistant duntaxat per ipsius voluntatem, Deus igitur vult gloriam suam ut finem principalem, vult etiam creaturarum suarum conservationem, sed ad sui gloriam.

Cùm inclinationes naturales spirituum sint haud dubiè perpetuæ impressiones voluntatis illius qui illos creavit spiritûs, quique illos conservat; necessarium mihi videtur, ut inclinationes illæ sint omnino similes inclinationibus ipsarum creatoris & conservatoris. Nul- lum igitur naturaliter possunt alium habere finem principalem & primarium quàm ipsius gloriam, nec alium finem subalternum præter suam propriam conservationem, & conservationem aliarum, sed semper relatè ad eum qui ipsis dat esse. Etenim extrà omnem dubitationis aleam positum mihi videtur, Deum, cùm non possit velle, ut voluntates quas creat, minus bonum majori præferant, hoc est, ut majori complectantur amore id quod minùs, quàm quod magis est amabile; non posse ullam rem creare, quin eam statim ad se convertat, quin illam jubeat ipsum ante omnia amare; quamvis illam possit creare liberam, & cum potestate sese ab ipso sejungendi & deflektendi.

III.
*Spiritus non
feruntur
versus bona
specialia nisi
per motum
quo versus
bonum in ge-
nere feruntur.*

Sicut in Deo propriè unicus duntaxat amor est, nempe amor sui ipsius; ac Deus nihil potest amare, nisi per illum amorem, cùm nihil possit amare, nisi cum relatione ad se ipsum; ita Deus in nobis unicum duntaxat imprimis amorem, nempe amorem boni in genere; nec quicquam possumus amare, nisi per amorem illum, cùm nihil possimus amare, quod non sit, aut saltem quod non appareat bonum. Amor boni in genere est principium omnium amorum nostrorum specialium, quia reverà amor ille nihil aliud est quàm ipsa voluntas nostra: namque, ut suprà dictum est, voluntas hominis nihil aliud est quàm impressio perpetua Authoris Naturæ, quæ mens humanam fert versùs bonum in genere. Nec certè existimandum est facultatem seu potestatem illam amandi quâ præditi sumus à nobis oriri aut dependere. Sola potestas perperam amandi, seu potius benè adamandi res malas pendet à nobis; quippe cùm simus liberi possumus determinare ac reverà determinamus versùs bona specialia, & per consequens versùs falsa bona, legitimum amorem quem Deus nobis indefinenter imprimit, quamdiu nos conservare pergit.

Verùm non modò voluntas nostra, seu amor noster versùs bonum in genere à Deo oritur, ipsæ etiam inclinationes nostræ versùs bona quædam specialia, quæ omnibus hominibus communes sunt, quamvis in omnibus non æqualiter fortes, ut inclinatio nostra ad conservationem entis nostri, & eorum quibus cum unimur per naturam; illæ, inquam, inclinationes sunt etiam impressiones voluntatis Dei in nos. Hic enim nomine inclinationis naturalis indiscriminatim appello omnes impressiones Authoris Naturæ, quæ communes sunt omnibus spiritibus. Mox dixi Deum suas amare creaturas, illasque per ip-
sus

sius amorem existere & conservari; Deus itaque indefinenter imprimendo in nobis amorem ipsius amori similem, cum ipsius voluntas efficiat & dirigat nostram, nobis dat etiam omnes illas inclinationes naturales quæ non pendent ab optione nostra, quibusque necessario ferimur ad conservationem entis nostri, & eorum quibuscum vivimus.

Origo prædictarum inclinationum naturalium in qua dividentur quatuor hic liber.

Quamvis enim peccatum omnia corruperit, omnia tamen non destruxit. Licet inclinationes nostræ naturales Deum non semper pro fine suo habeant per liberam voluntatis nostræ electionem, habent tamen semper Deum pro fine per institutionem naturæ; Deus enim qui eas in nobis producit & conservat, eas tantum producit & conservat propter se. Omnes peccatores tendunt versus Deum impressione quam à Deo accipiunt, quamvis ab ipso recedant errore & aberratione mentis suæ. Amant equidem benè, nemo enim unquam potest malè amare, cum ipse Deus sit qui efficiat ut ament, sed amant res malas, & idèò tantum malas quia Deus, qui ipsis peccatoribus dat potestatem amandi eos verat illas res amare, quia ex quo peccatum irrepsit res illæ divertunt homines ab ipsius (Dei) amore. Quippe homines, creaturas in ipsis excitare voluptatem quam illarum occasione sentiunt, arbitantes; in corpora cum furore ruunt; & hoc pacto in totalem Dei, quia sub ipsorum oculos non cadit, oblivionem delabuntur.

Easdem igitur hodie adhuc habemus inclinationes naturales, seu easdem impressiones auctoris naturæ quas habebat Adam antequam peccaret. Immodò habemus easdem inclinationes quas beati in cœlo; Deus enim nullas creat & conservat creaturas rationales quin ipsis impertiatur amorem suo similem. Seipsum amat, nos amat, Omnes amat creaturas; Nullas igitur creat mentes quas non ferat ad ipsum amandum, ad seipsas amandas & ad amandas omnes creaturas.

Sed quia omnes inclinationes nostræ nihil aliud sunt quam impressiones auctoris naturæ quibus ad ipsum & omnia propter ipsum amandum ferimur, illæ inclinationes non possunt esse legitimæ, nisi quatenus Deum amamus totis viribus nostris, & omnia propter Deum, liberâ voluntatis nostræ electione. Non possumus enim sine injuria abuti amore quem Deus erga se nobis impertitur amando per illum amorem, seu per illum motum generalem amoris, aliud quam ipsum, & sine relatione ad ipsum.

Jam itaque cognoscimus non modò quænam sint nostræ inclinationes naturales; sed etiam quænam illæ debeant esse; ut sint benè ordinatæ, & secundum institutionem ipsarum auctoris. Omnis inordinatio inclinationum nostrarum in eo dūtaxat consistit quod statuamus ultimum nostrū finem in nobis ipsis, quodque cum deberemus omnia referre ad Deum, omnia ad nos referamus Primò igitur habemus inclinationem versus bonum in genere, quæ est principium

omnium inclinationum nostrarum, omnium affectuum nostrorum, ac omnium amorum liberorum voluntatis nostræ.

20. Habemus inclinationem pro conservatione entis nostri seu felicitatis nostræ.

30. Cuncti habemus inclinationem versùs cæteras creaturas, quum utiles sunt vel nobis ipsis, vel iis quos amamus. Multas adhuc alias habemus inclinationes peculiare quæ ab his pendent; sed de illis alibi forsan agetur. Hoc quarto libro errores inclinationum nostrarum ad hæc tria capita, ad inclinationem nostram versùs bonum in genere, ad amorem nostri seu ad philautiam, & ad amorem proximi referre duntaxat propositum est.

C A P V T II.

I. Inclinatione versùs bonum in genere est principium inquietudinis Voluntatis nostræ. II. Et per consequens negligentia nostræ & ignorantia. III. Primum exemplum; Bibica. plerisque hominibus parum nota. IV. Secundum exemplum; Immortalitas animæ à nonnullis impugnatur. V. Ignorantiam nostram esse maximam circa res abstractas, aut quæ parum habent relationis ad nos.

I. Inclinatione versùs bonum in genere est principium inquietudinis voluntatis nostræ.

V Asta illa voluntatis capacitas erga omnia bona in genere, quia duntaxat creata fuit propter bonum quod in se includit omnia bona, non potest impleri rebus omnibus quas mens ipsi repræsentat, tamen motus ille perpetuus quem Deus ipsi versùs bonum imprimit non potest fisci. Motus ille nunquam desinens perpetuam in mente necessario excitat agitationem. Voluntas quærens id quod optat ad id adigit intellectum ut sibi repræsentet quælibet objecta. Intellectus ea sibi equidem repræsentat; sed illa menti non arrident aut si arrideant iis contenta non est. Illa non arrident menti, quia sæpe perceptio intellectûs nulla voluptate comitata est; nam per voluptatem mens bonum suum degustat; iis verò contenta non est; quia nihil potest sistere motum mentis præter illum à quo motus ille excitatur. Quicquid mens sibi repræsentat ut bonum suum, finitum est, jam autem quicquid finitum est potest quidem ad tempus amoris motum divertere, non verò figere. Quum intellectus quædam valde nova & inusitata aut quæ aliquam cum infinito habent analogiam contemplatur tum voluntas per aliquod tempus finit ipsum ea cum aliqua attentione expendere; quia sperat se in iis inventuram esse id quod quærit, & quia id quod infinitum videtur veri ipsius boni characterem

fastidat prae se fert: sed paulatim illa fastidit aequè ac cætera. Semper anxiosa est & inquieta, quia ad id fertur ut quærat id quod nunquam potest nancisci quodque se facturam esse semper sperat. Jam autem id amat quod magnum; & extraordinarium est, quodque ad infinitum aliquatenus accedit; quum non invenerit bonum suum in rebus communibus & familiaribus, illud sperat se inventurum in rebus incognitis. Inquietudinem voluntatis nostræ esse unam inter præcipuas causas ignorantiae in qua versamur, & errorum in quos circa res innumeras labimur, hoc capite ostendemus. Et in duobus sequentibus explicabimus id quod producit in nobis inclinationem illam quæ nos fert versus ea omnia quæ aliquid habent magni & extraordinarii.

Ex supra dictis evidenter satis patet, primò voluntatem raro applicare intellectum ad objecta quæ ad nos non referantur; objectaq; ad nos nullo modo attinentia negligere, cum enim felicitatem enixè semper & impressione naturali exoptet intellectum non vertit nisi, ad ea quæ nobis utilia videntur, quæque in nobis aliquam possunt excitare voluptatem.

IT.
Ac per consequens
quous negligens
gentia nostra
inattendendo,
& ignorantia.

Secundò voluntatem non sinere intellectum diu occupari circa res quæ ipsi etiam aliquam ingenerant voluptatem; quia, ut mox dictum est, res conditæ possunt equidem nobis ad tempus arridere, sed fastidium tandem nobis creant; & tum mens ab iis avertitur & alibi disquirir unde sibi satisfiat.

Tertio, Voluntatem ad id excitari ut intellectum sic undique ab uno objecto in aliud jubeat discursitare, quia ipsi semper repræsentat confusè & veluti eminè illum qui omnia entia in se complectitur, ut id in tertio libro diximus. Cum enim Voluntas verum bonum suum ad se, ut ita dicam; propius admoveat velit, ut eo afficiatur, utque ab eo motum quo animetur accipiat; intellectum excitat ut illud bonum ipsi per aliquam faciem repræsentet. Sed tunc ens illud quod mens percipit non est amplius ens generale & universale; ens infinitè perfectum; est aliquid finitum & imperfectum, quod cum non possit voluntatis motum sistere ipsique diu placere, ad aliud objectum sese convertit.

Cum tamen attentio & applicatio mentis sit absolutè necessaria ad retegendas veritates suboscultas; vulgi homines in crassissima ignorantia etiam circa ea quæ ad ipsos aliquo modo referuntur versari debere manifestum est; illosque planè cæcurire circa omnes veritates abstractas, quæque cum ipsis nullam habent relationem sensibilem. Sed hæc exemplis demonstrare contemur.

III.

Nulla est scientia quæ ad nos tam proximè spectet quam Ethica; Illa omnes officij nostri partes, erga Deum, erga Principem; erga parentes, erga amicos & in genere, erga omnia nobis circumstantia nos docet. Immo nobis indicat viam quam ad vitam æternam con-

Primum ex-
sum, Ethicæ
plerisque ho-
minibus pa-
rum nota

sequendam insistere debemus. Ac proinde omnibus hominibus necessaria & ineluctabilis incumbit necessitas animum unice ad illam scientiam appellendi? Attamen quanquam à sex mille annis homines existant, hæc scientia adhuc est admodum imperfecta.

Pars illa Ethicæ quæ versatur circa officia nostra erga Deum, quæque proculdubio est præcipua, quippe quæ ad æternitatem referatur doctissimis incognita fuit; atque etiamnum hodie exstant viri ingeniosi illius planè imperiti: Illa tamen est pars Ethicæ facillima. Nam primò an difficile est agnoscere Deum existere? Quicquid Deus fecit id probat; Quicquid homines & bruta faciunt idem etiam probat; Quicquid cogitamus, videmus, sentimus id probat. Quid plura? Nihil est quod existentiam Dei non probet, aut saltem quod ingeniiis attentis, ac rerum omnium Authorem inquirentibus illam non possit probare.

Secundò mandatis Dei esse obediendum ad beatitudinem consequendam manifestum est; cum enim ille sit potens & justus, ipsius mandata non possunt impunè violari, nec observari sine mercede. Quid verò à nobis exigit? Ut ipsum amemus; Ut mens nostra ipso occupetur, ut cor nostrum versus ipsum inflectatur. Cur enim creavit spiritus? Certè nihil potest facere nisi propter se, nos igitur propter se solum creavit; & ad id necessario tenemur ut perpetuò caveamus, ne impressionem amoris quam in nobis perpetuò conservat, aliorsum de flectamus, & ipsum perpetuò quoque amemus.

Veritates illæ cognitæ non sunt admodum difficiles iis qui ad illas tantillum attendunt. Attamen unicum illud Ethicæ principium scilicet, ut virtutis observantes, & beatitudinis participes simus omninò necesse esse nos Deum ante omnia & in omnibus amare, est fundamentum totius Ethicæ Christianæ. Non difficiliter etiam negotio possunt inde elici consequentiæ nobis necessariae, ad instituendas generales vitæ nostræ, & actionum nostrarum regulas & leges; quamvis oppidò pauci sint qui illas eliciant consequentias; ac quotidie magnâ animorum contentione agitentur quæstiones in Ethica quæ ab illo principio tam evidenti immediate & necessario sequuntur.

Geometræ aliquid novi quotidie retegunt; aut si scientiam suam valdè non adaugeant id fit quia ex principiis suis utilissimas & maximè necessarias jam deduxerunt consequentias: Sed plerique homines quicquam ex primo Ethicæ principio concludere nequeunt; omnes ipsorum ideæ evanescunt & in auras abeunt statim, ac de illo principio tantum cogitare volunt; quia id ut par est minimè volunt; idque non volunt quia illud non gustant, aut semel gustatum citius æquo fastidiunt. Principium illud abstractum est, metaphysicum & mere intelligibile; nec sensus nec imaginationem ferit: Oculis igitur

tur carnalibus aut mentibus quæ nihil nisi oculorum interventu cernunt, solidum videri nequit. Nihil deprehenditur in illo principio quod possit sistere inquietudinem ipsorum voluntatis, quodque possit visum mentis ad attentam sui considerationem figere. Qui igitur illud clarè perspicere, distinctè intelligere, & ab illo rectas consequentias deducere possent?

Si homines illam Geometriæ propositionem imperfectè duntaxat conciperent; scilicet latera triangulorum similium esse proportionalia inter se; certè periti Geometriæ habendi non essent, sed si præter perceptionem illam confusam & imperfectam istius propositionis fundamentalis Geometriæ; ipsorum utilitas postularet latera triangulorum similium non esse proportionalia; ac si falsa Geometria æquè indulgeret perversis ipsorum affectibus ac falsa Ethica, in rebus Geometricis paralogismos non minus absurdos facerent ac in rebus moralibus; quia ipsorum errores ipsis placerent; veritas verò ipsis impedimento esset ac ipsos obtunderet, infestaretque.

Non est igitur quod miremur cæcitatem hominum qui per antea sæcula vivebant in quibus ignorantia grassabatur aut eorum qui nunc vivunt, quibusque lumen Evangelij nondum affulsit. Sapientiam æternam sese tandem sensibilem præbere oportebat ut homines qui solos sensus consulunt erudiret; à quater mille annis veritas ipsorum mentem alloquebatur; Sed cum sese intra se ipsos nunquam colligerent veritatis vocem non exaudiebant; Illam igitur ipsorum aures ferite oportuit; Lux omnes homines illuminans, in ipsorum tenebris lucebat quidem, sed eas non discutebat; immò eam nequidem poterat contemplari. Oportebat igitur lumen intelligibile obnuptum velo visibile fieri; verbum carnem assumere, sapientiamque hominibus carnalibus abditam & inaccessam ipsos modo carnali instituire oportebat; *carnaliter*, inquit Divus Bernardus. Plerique Homines ac præcipuè pauperes [objectum misericordiæ & providentiæ creatoris omnium sanè dignissimum] qui vitam labore suo tolerare coguntur, sunt maximè rudes & stupidi. Intelligunt duntaxat quia habent aures quibus audiant, nec quicquam vident nisi quia habent oculos, nullo mentis conamine possunt in seipsos reflecti, ut sic veritatem silentibus sensibus & affectibus possint interrogare. Veritati incumbere nequeunt, quia illam ne possunt quidem delibare. Immo de illa aliqua cum applicatione meditanda sæpe non cogitant, quia ipsorum animum non subit iis incumbere quibus nequaquam afficiuntur aut tanguntur. Ipsorum Voluntas inquieta & inconstans mentis aciem indefinenter flectit versus objecta sensibilia quæ ob suam varietatem ipsis arrident voluptatemque creant: Nam multiplicitas, ut ita dicam, & varietas bonorum sensibilibum impediunt quo minus ipsorum Vanitas agnoscat, ac perpetuam hominibus spem faciunt in ipsis inveniendi verum bonum quod appetunt.

Serm. 39. de
natali Do-
mini.

Itaque, quamvis præcepta à Jesu Christo, ut homine, ut viâ, ut Authore fidei nostræ nobis in Evangelio tradita multo magis accommodentur ingenij nostri infirmitati, quàm præcepta ab eodem Jesu Christo ut sapientia æternâ, ut veritate internâ ut lumine intelligibili in intimo rationis secessu a nobis inspirata; Quamvis Jesus Christus præcepta sua iucunda gratiâ suâ, sensibilia exemplo, ac certa miraculis efficiat; homines ita sunt stupidi & ad meditationem attentionemque, etiam super iis quæ ipsos scire omnino expedit adeò inepti, ut illa nunquam ut par est apud se reputent. Pauci perspiciunt Evangelij pulchritudinem, Pauci soliditatem & necessitatem præceptorum Christi satis assequuntur; Pauci illa meditantur, illisque sese sustentant & muniunt; agitatione perpetuâ Voluntatis bonum degustare quærentis, non sinente mentem inhærere veritatibus quibus hoc bono quod quærit privari videntur. En aliud istius rei exemplum.

*IX.
Secundum
exemplum;
Immortali-
tas anima à
nonnullis
impugnatur.*

Impij, non debent, nî fallor, oscitanter quærere an ipsorum anima sit mortalis, ut id arbitrantur, an verò immortalis ut fides & ratio docent. Res ipsis est summi momenti. Ibi de æternâ ipsorum sorte agitur; immò ipsorum animi tranquillitas hinc omnino pender. Unde igitur illorum hac super re ignorâtia. Aut quomodo circa rem tanti momenti dubium possunt sustinere; certè id non aliunde oritur quam ex eo quod ad quicquam seriò attendere nequeunt; Voluntas ipsorum inquieta & corrupta non finit mentem intentam expendere rationes sententiæ, quam veram esse optarent, adversas. Etenim an ita difficile est discrimen inter mentem & corpus, inter id quod cogitat, & id quod extensum est agnoscere? Tantâ ne opus est mentis attentione ut capiat cogitationem nihil esse rotundi nec quadrati? Extensionem diversarum figurarum, variorumque motuum duntaxat esse capacem nequaquam verò cogitationis & ratiocinationis; ac proinde id quod cogitat, & id quod est extensum esse duo entia planè opposita. Id tamen sufficit ad demonstrandum animam esse immortalem illamque non posse perire, tametsi corpus annihilaretur.

Quum substantia aliqua perit, verum est modificationes seu modos essendi ut ita dicam, illius substantiæ cum ipsa interiré. Si aliqua ceræ portio annihilaretur, certè & figuræ istius ceræ cum ipsa annihilarentur; quia rotunditas, exempli gratia, ceræ, nihil aliud reverâ est præter ipsam ceram hoc modo dispositam, itaque sine cera non potest subsistere sed licet Deus omnem quæ in mundo existit ceram in nihilum redigeret, non inde tamen sequeretur ullam aliam substantiam, aut modos ullius aliûs substantiæ annihilari. Omnes, exempli gratia, lapides cum suis *modis* subsisterent, quia lapides sunt substantiæ seu entia, non verò modificationes ceræ.

Pariter licet Deus annihilaret dimidiam alicujus corporis partem,
inde

inde non sequeretur alteram partem ab ipso quoque annihilari. Ultima illa pars alteri quidem unita est, sed cum ipsa tamen una non est. Namque alterâ parte annihilatâ sequitur equidem, juxta rationis lumen, alteram partem nullam amplius relationem habere ad partem annihilatam; Sed non sequitur illam non amplius esse; cum enim existentia illius partis ab alterius existentia differat, illa non potest annihilari per annihilationem alterius. Clarum igitur est, cum cogitatio nequaquam sit modificatio extensionis, mentem nostram non annihilari, licet supponeremus morte corpus nostrum in nihilum redigi.

Sed immeritò corpus annihilari creditur quum destruitur. Partes ex quibus constabat in auras abeunt & in pulverem resoluuntur. Non possunt amplius videri nec agnoscì, fateor, sed inde concludendum non est ipsas amplius non esse, mens enim eas semper percipit. Si unum sinapi Granum in duas, quatuor, aut viginti partes dividitur, respectu oculorum nostrorum annihilatur; illud enim amplius non videmus, sed in se tamen non annihilatur; mens enim illud videt, licet in partes mille immò centies mille diviserit.

Quicunque ratione potius quàm sensibus utitur, pro notione communi agnoscit, nihil per se reverti in nihilum viribus naturæ ordinari; nam quemadmodum naturaliter nihil potest fieri ex nihilo, non potest etiam fieri ut substantia seu ens fiat nihil. Corpora possunt equidem corrumpi, si mutationes quæ ipsis accidunt corruptionem nuncupare placeat, sed non possunt annihilari. Quod rotundum est potest fieri quadratum quod caro est, potest fieri terra, vapor, & quicquid libuerit. Omnis enim extensio quamlibet configurationem potest suscipere, sed substantiâ illius quod est rotundi & illius quod est caro, non potest perire. Sunt quædam leges in natura institutæ secundum quas corpora vicissim mutant formas suas quia successiva istarum formarum varietas pulchritudinem universi constituit, & in admirationem ipsius authoris rapit; Sed nulla lex in natura instituta est ad annihilationem ullius entis, quia tò nihilum nihil in se habet boni nec pulchri, & quia author naturæ amat opus suum. Corpora igitur possunt mutari, non verò annihilari.

At si qui sensuum testimonio mordicus adhærentes, resolutionem corporum esse veram annihilationem velint præfractè defendere; quia partes in quas resoluuntur corpora oculos fugiunt; meminerint saltem corpora non posse diuidi in partes illas imperceptas nisi quia sunt extensa. Namque si mens non sit extensa certe non erit divisibilis; si non sit divisibilis, fatendum erit illam hoc sensu non fore corruptibilem. At verò quomodo quis posset imaginari mentem esse caliquid extensum & divisibile? Quadratum per lineam rectam in duos

triangulos, in duo parallelogrammata, in duo trapezia potest equidem dividi. At per quam lineam concipiemus voluptatem, dolorem desiderium per se rescari? Aut quænam figura ex hac divisione resultaret? Certè haud credo imaginationem fallis ideis ita feracem esse, ut sibi super hac re satisfacere valeat.

Mens igitur non est extensa, non est divisibilis, easdem quas corpus non potest suscipere mutationes; consitendum tamen est ipsam naturâ suâ non esse immutabilem. Si corpus innumeras varias figuras & configurationes suscipere potest, mens varias etiam ideas & modificationes potest excipere sicut post obitum substantia carnis nostræ in terram, vapores & innumera corpora resolvetur sine ulla annihilatione, ita mens nostra, omnis annihilationis experta, cogitationes & sensationes habebit longè diversas ab iis quas nunc habet. Nunc dum in vivis sumus necesse est corpus nostrum constare ex carne & ossibus; necesse pariter est, ut vivamus, mentem nostram habere ideas quas habet relatè ad corpus cui unitur. Sed postquàm è corpore sejuncta fuerit, tunc plena fruetur libertate recipiendi quaslibet ideas & modificationes ab iis quas nunc habet longè diversas, sicut pariter corpus nostrum quaslibet figuras & configurationes ab iis quas nunc necessariò habere debet ut sit corpus hominis vivi longè diversas poterit accipere.

Quæ à me supradicta sunt satis, nî fallor, demonstrant immortalitatem animæ intellectû non esse adeò difficilem. Unde igitur fit ut tot homines illam vocent in dubium, nisi quia ad argumenta quibus illa probatur eam non dignentur attentionem asserre quæ necessaria est ut de illius veritate convincantur. Cur autem id nolunt, nisi quia ipsorum voluntas inquieta & inconstans intellectum perpetuò agitat adeò ut ne ipsi quidem per tempus liceat distinctè percipere ideas sibi maximè præsentis, quales sunt ideæ cogitationis & extensionis: non secus ac homo affectu aliquo motus & occupatus objecta quæ oculis proximè obversantur plerunque non discernit. Etenim quæstio de mentis immortalitate omnium est facillima solutâ, iis qui imaginationis testimonium respicientes ideam claram & distinctam extensionis, & relationem quam cum cogitatione habere potest, attentò expendunt examine.

Si inconstantia & levitas voluntatis nostræ intellectui res ipsi præsentissimas & quas scire nostrâ maximè interest penitus introspicere non permittat, certè multò minùs ea quæ sunt dissita quæque ad nos nequaquam referuntur meditari nobis permittet. Adeò ut si in crassissima versemur ignorantia circa pleraque nobis necessaria; verissimile non sit nos magnam esse consequuturos cognitionem eorum quæ nobis vana & inutilia prorsùs videntur.

Ab:

Ab exemplis tædiosis, quæque nullam alicuius momenti veritatem complectantur, ad hæc probanda, proferendis hic superse-
deo. Si quæ enim ignorare licet, certè ea sunt ex quibus nulla re-
dundat utilitas: fidem mihi denegari malo, quàm lectorem in le-
gendis inutilibus detinere.

Quamvis pauci sint qui rebus planè vanis & inutilibus seriò in-
cumbant, illorum tamen numerus æquo adhuc maior est, vti nam
plures adhuc essent qui ad illas animum non appellerent, illasque
aspernarentur, dummodò de illis iudicare non fatagerent. Mentì
finiæ vitio vertendum non est quod quædam ignoret, sed tantùm
quòd de iis quæ ignorat iudicare velit. Ignorantia malum est ne-
cessarium, sed error evitari potest & actù evitari debet. In homini-
bus itaque non ignorantiam circa plurima, sed iudicia temeraria
carpo.

Quum res magnam ad nos habent relationem, quum sensibiles
sunt, & sub imaginationem facillè cadunt, mens ad eas applicari
easque posse cognoscere dici potest. Ubi enim novimus res quas-
piam ad nos aliquatenus referri ad id naturâ propendimus, vt ad
illas attendamus, cum verò sentimus res illas nos afficere tum ad
illas cum voluptate attendimus. Adeò vt in multis multò peritio-
res esse deberemus nisi voluntatis nostræ inquietudo & agitatio at-
tentionem nostram interromperet & fatigaret.

Sed cum res abstractæ sunt, & partim sensibiles, vix earum
certam possumus habere cognitionem; Id equidem ex eo non fit
quòd res abstractæ sint per se valdè complexæ & intricatæ; sed
ex eo quòd attentio & visus mentis eodem plerunque tempore in-
choat & desinat quo visus sensibilis obiectorum; vix enim de quo-
quam cogitamus nisi illud videamus ac sentiamus, & quandiù illud
videmus & sentimus,

Si mens ad ideæ claras & distinctas, nullà veluti adiuta
sensatione, posset facillè attendere, ac nisi voluntatis inquietudo
ipsius applicationem perpetuò disturbarret, certè innumeras quæ-
siones Physicas quas inexplicabiles censemus, nullo negotio sol-
vere; atque hoc pacto nos ab ignorantia & errore in quibus circa
illas quæstiones versamur brevi expedire possemus.

Exempli gratiâ; apud omnem hominem ratione sua ritè
intentem pro certo constat creationem & annihilationem supe-
rare vires naturæ ordinarias. Si igitur Philosophi attenti persi-
serent ad illam puram mentis notionem, creationem & annihila-
tionem numeri novorum entium innumerabilis, vt formarum
substantialium, qualitatium, facultatum realium, &c. tam facillè
non admitterent. In ideis distinctis, extensionis, figuræ, & mo-

V:
*Ignorantiam
nostram sum-
mam esse cir-
ca res ab-
stractas, aut
que parum
habent rela-
tionis ad
nos.*

ris rationem quærent tot effectuum naturalium ; quod tantam quam vulgò putatur non involuit difficultatem ; quippe omnes res naturales mutuo cohærent inter se vinculo , ac sese mutuo comprobant.

Effectus ignis , ij verbi gratiâ , quos edunt tormenta bellica & cuniculi subterranei ; sunt prorsus admirabiles , & ipsorum causa est satis occulta. Attamen si homines , sensuum impressioni & aliquot experimentis falsis aut fallacibus dissidentes huic uni mentis puræ notioni mordicus adhærescerent ; nempè , fieri non posse ut corpus oppidò parùm agitaturn , violentum producat motum , cùm non possit maiorem impertiri vim moventem quàm habet in se ; ex eo solo facili negotio concluderent , esse materiam quandam subtilem & invisibilem ; ipsam esse agitatissimam , per omnia corpora diffusam , & multa similia quæ ipsos ad cognitionem naturæ ignis , & ad alias veritates magis abditas deducerent.

Cùm enim tanti excitentur motus in tormento bellico & in cuniculo subterraneo , cumque omnia corpora visibilia ipsis circumiacentia satis non agitentur ut illos motus excitare queant ; hinc certò & manifestò patet alia dari corpora invisibilia & insensibilia , quæ tantum ad minimum habeant agitationis quantum tormentarius globus. Sed cùm corpora illa sint subtilissima & tenuissima , liberè & nullâ rptione factâ per poros tormenti sola transire queunt , antequàm ignis ipsi fuerit admotus , hoc est , ut id fufius videre licet apud D. Cartesium , antequàm circumdederint partes duras & crassas salis niri ex quibus constat pulvis tormentarius. At verò cum ignis tormento fuit admotus , hoc est , postquàm partes illæ subtilissimæ & agitatissimæ circumcinxerunt partes crassas & solidas salis niri , ac eo pacto ipsis suum vehementissimum & velocissimum communicare motum ; tunc omnia erumpere & crepare necesse est. Quia pori tormenti qui partibus subtilibus de quibus agitur transeundi copiam undique faciebant dum erant solæ , satis patentes non sunt ut per eos transire possint partes crassæ salis niri , & quædam aliæ ex quibus constat pulvis tormentarius , postquàm agitationem partium subtilium quibus circumdantur in se susceperunt.

Quemadmodum enim aqua fluminum sub pontibus præterfluens ipsos ob tenuitatem particularum ex quibus constat illa aqua , non quatit , ita materia subtilissima & tenuissima de quâ mox , omnium corporum poros nulla in iis memorabili mutatione factâ indefinenter prætergreditur. Sed non secus ac
etiam

etiam flumen illud potest evertere pontem, ubi ingentes glaciei moles, aut alia quælibet solidiora corpora secum convecta cum toto suo motu in illum pontem impellit; ita materia subtilis omnes illos effectus stupendos qui in tormentis & cuniculis conspiciuntur potest edere, postquam communicato partibus pulveris tormentarii quibus intermiscebatur motu suo, motum fluminum & torrentium violentiam suam longe excedente; eadem illæ partes pulveris pyrii per poros corporis quo continentur liberè transmeare nequeunt, quia sunt crassiores; aded ut poros illos cum impetu rumpant ut liberè possint transire.

At verò partes subtiles & tenues tam facile sibi re-præsentare nequeunt homines; illas existimant meras chimæras quia illas non vident. *Contemplatio ferè desinit cum aspectu*, inquit Baco. Immo plerique Philosophi novam aliquam entitatem fingere, quàm super iis quæ ignorant filere malunt. Quod si ipsorum falsis & ἀκατάληπτοις hypothesebus objicias, necessum esse, ignem constare ex partibus maximè agitatis, cum motus aded violentos edat, nihilque posse dare quod non habet; quæ sane obiectio clarissima est certa atque solidissima; tum homines illi omnia confundere distinctione aliquâ frivolâ & fictitiâ, qualis est distinctio causarum æquivocarum & univocarum; ut aliquid dicere videantur; dum reapse nihil dicunt. Etenim apud quemlibet attentum notio communis est non posse dari veram causam æquivocam in rerum naturâ, solamque hominum ignorantiam illas excogitasse.

Ad notionum itaque clararum & distinctarum considerationem attentius animum appellant homines si naturam cognoscere velint; inconstantiam & levitatem voluntatis suæ cohibeant ac sistant, si res penitus & accuratè cupiant cognoscere. Ipsorum enim mentes erunt semper debiles, superficialiæ, & erroneæ quandiu ipsorum voluntates leves, inconstantes, & mutabiles manebunt.

Attentio equidem & accuratum rerum examen molestiam parit; verum quid sine labore potest comparari? Viris cordatis & Philosophis, quorum omninò interest veritatem inquirere & tueri, turpe est loqui nec ea quæ loquuntur intelligere, ac in eo quod nequaquam assequuntur segniter acquiescere,

CAPVT III.

I. Curiositas est naturalis & necessaria. II. Tres leges quibus illa possit intra iustos limites contineri. III. Prima illarum legum explicatur.

*I. Curiositas
est naturalis,
& essentialis.*

Quandiu homines erga bonum supra vires ipsorum possunt inclinabunt, illudque non possidebunt; secretà quadam propensione versùs id omne quod novi & insolentis aliquid geret semper ferentur. Res quas nondum expenderunt semper consecretabuntur: in iis id quod quærunt nancisci sperantes; cumque mentibus ipsorum non possit penitus satisfieri nisi per visum illius propter quem conditæ sunt, in perpetuâ versabuntur anxietate & agitatione, donec tandem ille gloriâ suâ circumfulgens ipsis appareat.

Ista equidem mentis dispositio ipsorum statui valdè conformis est; quippe veritatem & felicitatem quæ penes nos non sunt anxie disquirere longè satiùs est, quàm acquiescendo in mendacio & falsis bonis quibus plerumque pascimur in falsa requie securos manere. Circà veritatem & suam felicitatem indifferentes esse, non debent hominēs. Itaque quod novum est & insolitum illos debet excitare. Immo quædam est curiositas quæ ipsis non modò permittenda, verum etiam commendanda est. Cùm itaque vulgaria & ordinaria, verum bonum in se non includant, veteresque Philosophorum opiniones sint perquàm incertæ; æquum est nos curiositate moveri erga recens resecta, ac in perpetuâ anxietate versari dum solis ordinarijs bonis fruimur.

Si Geometra quipiam novas propositiones ab Euclidis propositionibus contrarias nobis obtruderet; si hanc scientiam erroribus scatere probare satageret, vt id aggressus est Hobbes libro adversus factum Geometrarum ab ipso composito, fateor eiusmodi innovationem nonnisi immeritò posse cuiquam arridere; quoniam veritati semel repertæ tenaciter adhærendum est, cùm curiositas eoduntaxat fine nobis sit data vt illam veritatem inveniamus. Nec id vitium deprehendi solet in Geometris vt sint opinionum novarum in Geometria sectatores. Ipsos brevi tæderet libri qui nihil præter propositiones Euclidis propositionibus contrarias complecteretur. Cùm enim certissimi facti simus veritatis istarum propositionum per demonstrationes infractas omnis nostra curiositas
ipsarum

ipsarum respectu definit ; Quod nobis manifestè arguit homines idè tantum versùs novitatem propendere, quia veritatem rerum quas scire naturaliter exoptant , evidenter non vident , & quia bona infinita quæ possidere naturâ suâ appetunt non possident.

Iustum igitur est homines novitate excitari & ipsam amare; sunt tamen quædam admittendæ exceptiones, & nonnullas leges ex iis quæ diximus , nempe , propensionem erga novitatem nobis dumtaxat ad veritatis , & nostri veri boni inquisitionem datam fuisse, collectu faciles,observare debent.

II.
*Tres leges
quarum opus
curiositas in
tra inflex
continens
limites,*

Jam autem tres sunt eiusmodi leges, prima ; homines non debere confectari novitatem in rebus fidei quæ rationi non subiiciuntur.

Secunda novitatem non esse rationem ob quam credere debeamus res esse bonas aut veras , hoc est , nos non debere iudicare opiniones veras esse , quia sunt novæ , bonæque esse nobis idonea & sufficientia , quia nova sunt & extraordinaria , illisque nondum fuimus potiti.

Tertia. Quum aliundè certi facti fuimus veritates quasdam ita abditas esse ut illas tetegere moraliter , ut ita dicam , sit impossibile , bonæque ita parva & exilia esse ut nobis satis esse nequeant; novitate quæ in illis deprehenditur non debemus pertrahi , nec falsis allici speciebus. Sed istæ leges fusiùs sunt explicandæ, ostendendumque est ex ipsarum negligentia ingentem oriri errorum numerum.

Indoles maximæ diversæ sæpissimè reperiuntur ; inter homines alij cæcam fidem semper volunt adhibere ; alij evidenter omnia volunt videre. Priores utpote qui nunquam mente suâ usi fuerint , inconsulto credunt quæcunque ipsis dicuntur, posteriores mente sua semper uti volentes etiam in rebus quæ ipsos longè superant , quolibet auctoritates perinde aspernantur. Priores ut plurimum sunt stupidi & homines debilis cerebri , ut infantes & sceminae ; alij sunt ingenio superbo , & prophano , quales sunt hæretici, & Philosophi.

III:
Prima illarum legum specialis explicatio.

Homines qui inter illa duo extrema medium insistant iter, quique in rebus fidei per vanam mentis agitationem aliquam non quærant evidentiam , aut qui falsas opiniones circa res naturales, per obedientiam inconsultam abiectamque animi demissionem sine evidentia non credant , pauci admodum reperiuntur. Si homines illi sint pietate insignes , ac Ecclesiæ auctoritati maxime submissi ipsorum fides ad opiniones merè Philosophicas usque nonnunquam extenditur ; opiniones illas sæpe eadem cum veneratione

ratione spectant ac veritates Religionis : dissidentes, falso zelo moti, nimis facile damnant. Eos non sine iniuriâ suspectos habent qui novas quasdam retegunt veritates. Illum protinus impietatis arguent, qui negare audebit dari formas substantiales, animalia dolorem & voluptatem sentire, aliasque Philosophicas opiniones, quas sine ratione evidenti veras existimant, quia duntaxat nescioquem nexum fingunt inter illas opiniones & veritates fidei.

Uiceversâ si in homines incidas æquo audaciores superbiâ eò adducuntur ut Ecclesiæ auctoritatem susque deque habeant: vix ac ne vix ipsi se subiiciunt opinionibus duris & indigestis gaudent; animi fortitudinis famam ambiunt; atque eo animo de rebus divinis inverecundè & audaciter loquuntur; illos despicantur ut nimis credulos qui de sententiis quibusdam receptis modestè loquuntur. Denique ad id valdè propensi sunt ut de cunctis dubitent, ac proinde aliis qui facilius æquo humanæ auctoritati sese submitunt toto genere diversi.

Hæc duo extrema pessima esse, illosque qui in quæstionibus naturalibus nullam quærunt evidentiam non minùs vituperandos esse quàm eos qui in mysteriis fidei evidentiam illam anxie sollicitant manifestum est. At verò qui in erroris periculum adducuntur in quæstionibus Philosophicis dum æquo facilius fidem adhibent, multò sanè excusabiliores sunt iis qui temerariè dubitando in hæresin aliquam incidere periclitantur. Etenim innumeros admittere errores in Philosophia ob examinis defectum multò minus periculosum est, quàm in unicam labi hæresin propter non præstitam obedientiam debitam auctoritati Ecclesiæ.

Mens placidè quiescit ubi evidentiam nanciscitur, at verò quum illam non reperit sollicita est quia evidentia est veritatis *τίπτερος*. Itaque *Prophanorum & hæreticorum error in eo consistit quod veritatem in Ecclesiæ decisionibus occurrere dubitent, quia in iis nullam vident evidentiam, ac veritates fidei cum evidentia posse cognoscere sibi pollicentur. Jam autem hac in re ipsorum amor ergà novitatem excedit normam, quippe veritatem in Fide Ecclesiæ possidentes, perperam aliquid ulterius quærunt. His adde, quòd veritates Fidei ut pote ipsorum captum longè exuperantes nunquam possent retegere licet iuxta falsam ipsorum hypothèsin Ecclesia in suis decisionibus errasset.

Verum si complures sint qui obedientiam & summisionem auctoritati Ecclesiæ recusando errent, pauciores non sunt qui auctoritati humanæ serviliter cedentes in errorem labantur. Auctoritati Ecclesiæ cedendum est quia errare unquam nequit; At verò humanæ auctoritati cæcum obsequium nunquam præstandum.

* *Libertini.*

standum est, quia ubique & semper possunt errare. Quod Ecclesia nos docet rationis vires infinitè superat; Quod homines nos docent rationi nostræ subiicitur. Adeò ut si piaculum sit & vanitas intoleranda ratione suâ quærere veritatem in rebus Fidei nullo habito respectu ad Ecclesiæ auctoritatem, summa etiam sit levitas & abiecta pusillanimitas auctoritati humanæ in rebus à ratione pendentibus cæcum præbere assensum.

Plerique tamen eorum qui apud homines docti audiunt, hanc famam sibi comparasse dici possunt quia duntaxat opiniones Aristotelis, Platonis, Epicuri, & quorundam aliorum Philosophorum memoriâ tenent, quia in ipsorum sententias pedibus eunt, illasque acerrimè tutantur. Ut ad gradus, quos vocant, externosque doctrinæ characteres quis in Academiis seu Universitatibus promoveatur sufficit ipsum quorundam Philosophorum opiniones assequi. Dummodò velit iurare *in verba Magistri* brevi Doctor proclamabitur. Omnes penè Societates doctrinam tenent sibi propriam & peculiarem, quam singulis Societatis membris deferere interdicitur. Quod apud illos verum habetur, apud hos falsum sæpe existimatur; sui ordinis doctrinam contra rationem & experientiam defendere gloriantur, ac veritatem, vel authores suos contorquere tenentur ut hos cum illâ possint conciliare. Quod innumeras parit distinctiones frivolas, quæ veluti per totidem Mæandres in errorem certò deducunt.

Si veritas quæpiam retegatur oportet etiamnum hodie Aristotelem illam vidisse veritatem; sin verò Aristoteles illi repugnet, tum veritas illa recens recte falsa existimabitur. Philosophum illum alij hoc, alij illo modo loquentem inducunt. Quicumque enim docti cluere gestiunt, ipsi suam affingunt sententiam, nullam ineptiam ipsi non tribuunt, ac nihil recens excogitatur quod in aliquo librorum ipsius recessu ænigmaticè non reperiatur. Uno verbo sibi penè semper adversatur Philosophus, si non in suis ipsis, saltem in sectatorum operibus. Quamvis enim Philosophi ipsius doctrinam se docere asseverent & autument, vix tamen duo reperientur qui circa eius sententiam inter se consentiant: Quoniam revera Aristotelis libri adeò obscuri sunt, totque scætant terminis vagis & generalibus, ut eorum opiniones quæ ipsi maximè adversantur non sine verisimilitudine possint ipsi tribui. In nonnullis illius operibus quidlibet ipsi adscribere licet, quia in iis nihil penè dicit, quamvis multa magno strepitu declaret: quemadmodum pueri campanas sonitu suo quidlibet dicere fingunt, quia campanæ ingentem edunt sonum nec quicquam dicunt.

Mentem humanam figere ac sistere in opinionibus quibusdam specialibus æquum equidem videtur, nè extra oleas divagetur. Sed quid? an sistenda est errore & mendacio? seu potius quis credat errorem posse mentem sollicitudine liberare? Quàm quæso, rarum est reperire viros cordatos quibus lectione Aristotelis satisfiat, quique postquam in ipsius libris evoluendis consenuerunt, veram se comparasse scientiam persuadeantur? Certè id manifestò arguit veritatem & evidentiam duntaxat posse sistere mentis agitationem, ac altercationes, odia, errores, & hæreses ipsas pessimâ studiorum instituendorum ratione foveri. Veritas consistit in individuo, omnis varietatis experta est, ac sola ingenia hominum ad unionem revocare potest: mendacium verò & error illa duntaxat dividere & agitare queunt.

Haud equidem me latet non deesse qui bona fide credant illum quem Philosophorum Principem appellant errare non posse, ac in ipsius operibus veram solidamque reperiri Philosophiam. Sunt qui à bis mille annis ex quibus scripsit Aristoteles nullum adhuc in ipsius Libris errorem unquam deprehensum fuisse arbitrentur; ac proinde cum sit ἀμωπρτος, se posse illum sine examine amplecti & tanquam infallibilem citare. Verùm homines huiusce commatis non moramur, in eâ enim versantur ignorantia quæ contemptum potius quàm refutationem meretur. Id unum ab illis est aggitamus; ut nempe, si videamus Aristotelem aut quendam inter ipsius sectatores unquam deduxisse ullam veritatem ex principiis Physices isti Philosopho peculiaribus, aut si ipsi rem confecerint; veritatem illam profiteantur, proferant, explicent & probent; tum Aristotelem nunquam in posterum à nobis sine Elogio nominatum iri quolibet pignore illis spondebimus. Ipsius principia haud amplius inutilia dicemus, quippe quæ uni tandem veritati stabilendæ inferuierint; sed id sperandi non datur locus. Jamdudum similis provocatio facta fuit, à multis ac inter cæteros à celeberrimo D. Descartes in Meditationibus suis Metaphysicis ante quadraginta annos aut circiter; addita sponsione demonstrandi falsitatem istius veritatis *ψευδὲς*. Nec verisimile est quemquam ausurum esse id quod antagonistæ Cartesij infensissimi, & Aristotelis vindices acerrimi nondum ausi sunt aggredi.

Quum hæc igitur ita se habeant liceat nobis dicere eos qui Aristotelis, Platonis, aut alius cuiuslibet Philosophi authoritati sic cedunt, id per cæcitatem, pudendam pusillanimitatem, ac summam stupiditatem facere; eosque tempus miserè perdere, qui dum illos legunt auctores eo tantum consilio id agunt ut illos retineant; Quin istos non modò tempus terere verum etiam alijs ejusdem

eiusdem iacturæ causam esse. Liceat dicere cum D. Augustino, sub-
tam esse curiositatem *filium suum in scholam mittere, ut quid Magister August. de*
cogitet discat, Philosophos non posse nos erudere autoritate suâ, *Magistro.*
quòd si id vellent, iniquè volunt. Illos aliquatenus insanos & im-
pios esse qui ipsorum sententias defendere solemniter iurarunt.
Veritatem denique captivam iniquè detineri ab iis qui propter
sui commodum novis Philosophiæ opinionibus quæ veræ esse
possunt, renituntur, ut eas quæ ab ipsis falsæ aut inutiles satis ag-
noscuntur, conservent.

C A P V T IV.

Pergitur in eadem materiâ. I. Secunda curiositatis lex explicatur.

I I. Tertia explicatur.

Secunda lex quæ observanda venit est, novitatem à nobis nun-
quam haberi debere ut argumentum quo credamus res esse *I.*
veras. Homines in errore & in falsis bonis quibus potiuntur ac- *Secunda lex*
quiescere non debere, & ipsos evidentiam veritatis, ac verum *explicatur.*
bonum quod non possident quærere, ac proinde ad res sibi novas
& insolitas ferri par esse multoties jam diximus. Sed his semper
adhærescere & opiniones veras esse quia sunt novæ, aut bona
esse vera quia nondum illis potiti fuerant idè credere non de-
bent. Novitas eò tantum illos adducere debet ut res novas ac-
curatè circumspeciant. Illas ut pote sibi ignotas non debent as-
pernari, sed nec illas id quod optant & sperant in se includere
temerè credere debent.

Verum enim verò res hæc ut plurimum ita se habet. Homi-
nes examinatis opinionibus veteribus & vulgaribus in iis veritatis
lumen non perceperunt. Degustatis bonis vulgaribus in iis volu-
ptatem solidam quæ possessionis boni comes esse debet non com-
pererunt. Ipsorum igitur sollicitudines & desideria opinionibus
& bonis vulgaribus non expleta sunt, si aliquid novi & insoliti
fando accipiunt, idea novitatis illos in spem adducit ibi inve-
niendi id quod quærunt. Et quia sibi ipsis naturâ suâ indulgent,
ac res vulgò tales credunt quales illas esse optarent, spes inva-
lescit quo magis desideria crescunt, eaque demum spes in persua-
sionem imaginariam convertitur. Dein ideam novitatis ideæ veri-
tatis tam strictè alligant, ut una nunquam se ipsis obiciat sine
altera. Quòdque novissimum ipsis semper verius & præstantius

apparet quàm quod vulgare est. Ab illis valdè dissimiles qui præ odio quò prosequuntur hæresin alligatâ ideâ novitatis ideâ falsitatis, omnes novas opiniones falsas esse, & aliquid periculosi includere arbitrantur.

Hæc igitur solita dispositio mentis & cordis hominum respectu eorum omnium quæ novitatis characterem præ se ferunt, inter generaliores errorum causas recenseri potest. Ista enim dispositio illos nunquàm ferè ad veritatem ducit; si quandoque ducat id fortuitò contingit; ac illos denique semper abducit à vero suo bono, ipsos sistendo in multiplici varietatè delectationum & falsorum bonorum quibus mundus refertus est, qui error omnium est periculosissimum.

II.
*Tertia lex
curiositatis.*

Tertia regula quibus immoderata novitatis desideria possunt temperari hæc est. Quum aliunde certiores facti fuimus veritates aded esse abditas vt nullo humano conamine reteggi possint, bonaque ita parva & utilia esse vt nos beatos efficere nequeant, novitate quæ in illis occurrit excitari nequaquam debemus.

Omnes fide, ratione, & experientia, omnia bona creata infinitam voluntatis nostræ capacitatè implere non posse norunt. Omnia huiusce mundi nihil esse, præter vanitatem, felicitatèque nostram in honoribus & divitiis positam non esse fide docemur. Cum penes nos non sit limites præscribere desideriis nostris, cumque propensione naturali ad omnia bona amanda feramur, nos non posse beatos evadere nisi possessione illius quod omnia in se bona completur ratio evincit. Propria experientia nostra nos interno sensu convincit nos non esse beatos in possessione bonorum quibus fruimur, cum alia adhuc optemus. Denique ingentes opes, quibus Principes & Reges etiam potentissimi potiuntur, ipsorum desideria non posse explere immò ipsos maioribus quàm homines vulgi laborare curis & sollicitudinibus videmus ac ipsos vt pote in editissimo rotæ Fortunæ loco constitutos, ipsius motû longè magis agitari & concuti debere quàm qui infrà subsidentes centro sunt proximi. Etenim nunquam ruunt nisi ex loco præcipiti; nullis unquam nisi gravibus afficiuntur vulneribus; *tolluntur in altum; vt lapsû graviore ruant.* Totaque illa Majestas quæ ipsos comitatur, quamque entitati suæ, vt ita dicam; adstrinxerunt, ipsos inflat & extendit vt plura & graviora vulnera accipere, fortunæque vices facilius subire possint.

Cum igitur fides ratio & experientia nos convincant bona & voluptates terræ quæ non gustavimus, nos beatos non effectura esse, licet ea possideremus. Ex hac lege sedulò cavendum nobis est ne falsâ felicitatis spe lætemur, quæ cum desideriis nostris paulatim

latim invalescens in falsam persuasionem tandem converteretur. Cum vehementi alicuius boni desiderio flagramus illud semper maximum nobis exhibemus, illiusque possessionem nos beatos effecturam esse sensim persuademur.

Vanis igitur desideriis obstitendum est cum illa implere frustra tentaremus. Sed potissimum, cum nosmetipsos istis affectibus permittimus, ac in iis explendis tempus consumimus Deum & omnia cum Deo amittimus. E falso bono ad aliud falsum bonum transcurritamus. Falsâ spe perpetuò pascimur. Nosmetipsos discimus & agimus mille modis. Obices ubique occurrunt quia eadem bona quæ disquirimus à multis desiderantur, cum tamen à multis possideri nequeant, ac denique morte occupamur & tum nihil amplius possidemus. Nam, ut nos docet Paulus, *qui divites fieri cupiunt, in tentationem & laqueos Diaboli ac in varia desideria inutilia incidunt, quæ homines in perditionis & damnationis abyssum dant precipites.* Tim. 6.
Nam cupiditas est radix omnium malorum.

Quod si ad bonorum terræ quæ nobis nova & inaudita sunt indagacionem ferri non debeamus, quia nos in iis felicitatem quam quærimus nacturos non esse certò scimus; nullo etiam curiositatis motu affici debemus erga opiniones novas circa ingentem quæstionum difficultatum numerum, quia aliunde novimus mentem humanam earum solutionem non posse assequi. Pleiæque quæstiones quæ in Ethicâ ac præcipuè in Physicâ tractantur, sunt istius generis. Atque hanc ob causam libri qui quotidie componuntur super his quæstionibus obscurissimis & intricatissimis nobis valde suspecti esse debent. Quamvis enim, absolutè loquendo, quæstiones quas continent solvi possint, tamen tam paucae adhuc veritates fuerunt compertæ, totque sunt comperiendæ antequàm veniatur ad eas quæ eorum libris tractantur, ut sine magno dispendio possint non legi.

Eo tamen modo se non gerunt homines, quin ad contrarium omnino abeunt. An id quod ipsis dicitur sit possibile non examinant. Sufficit si quis ipsis extraordinaria, ut *caloris naturalis, humidi radicalis, spirituum vitalium reparationem* aut alia quæ non intelligunt polliceatur, ad excitandam vanam ipsorum curiositatem & ad ipsos præoccupandos. Ad ipsos perstringendos & pelliciendos ipsis paradoxa proponere, terminis obscuris *influxu, qualitatibus*, &c. uti, autoritate quorundam authorum incognitorum dicta sua fulcire, aut aliquod experimentum maxime sensibile & extraordinarium, quamvis ad ea quæ proferuntur nullam habeant relationem facere satis est. Ut enim vincantur sufficit si ipsos ingenti strepitu obtundas.

Si Medicus, Chirurgus, Empiricus sententias Græcas & Latinas proferant terminisque novis & inusitatis utantur, tum viri doctrinâ insignes habebuntur, ius vitæ, & mortis in ægros sibi protinus acquirunt. Oraculorum instar auscultantur, ac ipsi supra cæteros longè eminere rerumq; penetralia cognoscere se arbitrantur. Quod si quis ea sit audaciâ ut testetur sibi nequaquam arridere istam verborum sensu vacuorum farraginem, talem hominem sensû communi carere & prima rerum principia negare autumant. Reverâ prima eiusmodi hominum principia in quinque vel sex vocabulis Latinis alicuius authoris, aut in apophlegmate aliquo Græco, si sint eruditiores, posita sunt.

Immò quandoque necesse est ut periti medici linguam ægrotis ignotam loquantur, ut sibi famam atque confidentiam concilient. Medicus qui nullam præter Latinam calleret linguam ruri posset equidem magni fieri; quia lingua latina rusticis illis hominibus Græcæ aut Arabicæ loco est. At nisi Medicus Græcè saltem legere possit ut aliquem Hippocratis Aphorismum ediscat, non est quod apud oppidanos quibus lingua Latina familiaris est eruditionis famam sibi conciliare posse speret. Itaque Medici etiam peritiores istam hominum vesaniam non ignorantes ut indocti & fumivenduli loqui sæpè tenentur, nec semper de ipsorum peritia & iudicio, ex iis quæ dum ægros invisunt dicere possunt, iudicandum est.

CAPUT V.

I. De secunda inclinatione naturali, aut de φιλαυτία. I I. Dividitur φιλαυτία in amorem τῆς ἑσῆς, & τῆς βενῆ ἑσῆς, seu in amorem magnitudinis & voluptatis.

I. De secunda inclinatione naturali, aut de φιλαυτία. **S**ecunda inclinatio quam Author naturæ indefinenter imprimi-
 Sin voluntate nostrâ, est amor nostri, & propriæ nostri con-
 servationis (quem amorem φιλαυτίαν dicemus.)

Deum omnia opera sua amare, illâque, hoc solo Dei amore conservari, ipsumque ut omnes mentes eadem ac ipse inclinationem habeant velle iam diximus. Illa igitur omnia opera inclinatione naturali ad sui conservationem propendere, ac seipsa amare vult. Itaque par est ut nosmetipsos amemus, cum reverâ simus amabiles, cum Deus ipse nos amet, cumque velit ut nosmetipsos amemus. At verò æquum non est ut nosmetipsos supra Deum amemus,

amemus, cum Deus infinitè sit nobis amabilior. Nostrium ultimum finem in nobis ipsis collocare, ac nosmetipsos non amare relatè ad Deum, iniustum est; cum reverà nullam bonitatem nullamque substantiam per nosmetipsos habentes, sed tantummodò per participationem bonitatis & entis divini, non simus amabiles per nos ipsos, sed solum per relationem ad Deum.

Si Fide & Ratione doceamur Deum solum esse summum bonum, ipsumque solum posse nos delectationibus cumulare, ipsum ideò amandum esse facile concipimus, & ad illum amorem facile imellimur; sed sine gratia Deum semper amamus per *φιλαυτίαν* duntaxat; Pura puta charitas vires nostras ita excedit, ut tantum absit nos amare posse Deum propter Deum ipsum, quinimodò ratio humana quomodo aliter amare quàm relatè ad nosmetipsos, finemque ultimum à proprià nostrà satisfactione diversum habere possimus, facile non concipit; *φιλαυτία* igitur sola menti nostræ dominatur ex quo peccatum incepit; atque amor erga Deum & proximum nihil aliud sunt quàm istius *φιλαυτίας* sequela. Quandoquidem nihil amplius amamus, nisi quia illud amando, aliquod speramus commodum, aut aliquam actû percipimus voluptatem.

Ista autem *φιλαυτία* in duas species dividi potest, nempe, in magnitudinis & voluptatis amorem; seu in amorem nostri esse & perfectionis istius esse nostri, & in amorem τὸ bonè esse nostri aut felicitatis.

Per magnitudinis amorem pōtentiam, dignitatum possessionem, independentiam, & entis nostri per seipsum substantiam affectamus atque ambimus. Eius necessarium in nobis includere aliquatenus optamus; ac aliquo sensu instar Deorum esse cupimus. Deus enim solus propriè includit in se ens, solusque necessariò existit. Quicquid enim dependet ab alio non subsistit nisi voluntatem illius à quo dependet, cum igitur homines entis sui necessitatem seu necessariam existentiam exoptent, potestatem eodem tempore & independentiam optant, quæ ipsos ab aliorum dominio vindicent. Sed per amorem voluptatis non modo cupiunt τὸ esse, verum etiam τὸ bonè esse; cum voluptas sit optimus & menti utilissimus essendi modus.

Animadvertendum enim est magnitudinem; excellentiam; & independentiam creaturæ non esse modos essendi qui ipsam per se reddant feliciorē; sæpe enim contingit ut quò magis ad dignitates quis evehitur eò infelicior evadat; voluptatem verò quòd spectat, ea est modus essendi quo non possumus modificari, quin actû feliciores evadamus. Majestas & independentia sæpius non sunt.

II.

Φιλαυτία

dividitur

in amorem

τὸ esse &

τὸ bonè esse,

seu in amo-

rem magni-

tudinis &

voluptatis.

sunt in nobis, ac plerunque duntaxat sitæ sunt in relatione quam habemus ad res quibus circumdamur. Sed voluptates sunt in ipsâ mente, ipsius sunt modi reales quibus modificatur, quique per naturam suam possunt ipsi satisfacere. Præcellentiam, Magnitudinem, & independentiam consideramus, vt res ad conservandum *τὸ* esse nostrum idoneas, immò quandoque ad conservandum *τὸ* benè esse iuxta ordinem naturæ utilissimas. Sed voluptas est semper modificatio mentis quæ per seipsam mentem efficit beatam; adedò vt voluptas sit *τὸ* benè esse, & amor voluptatis, amor *τὸ* benè esse.

Jam autem amor ille *τὸ* benè esse tam efficax est vt amor *τὸ* esse sæpè prævaleat, immò *ἐλαυτία* eò interdum nos adducit vt optemus *τὸ* non esse, quia non habemus *τὸ* bene esse. Id omnibus damnatis contingit, quibus melius foret iuxta JESU CHRISTI verbum, non esse quàm esse tam miseros. Quippe cùm infortunati illi sint inimici implacabiles illius qui in se omnem complectitur bonitatem quique sola est causa voluptatum & dolorum quæ sentire possumus, fieri nequit vt aliqua requie aut voluptate frui possint. Sunt & erunt in æternum miseri, quia ipsorum voluntas in eadem dispositione & perversitate semper permanebit. Igitur amor suipsius seu *ἐλαυτία* duplicem complectitur amorem, amorem magnitudinis, potestatis, independentiæ, & omnium in genere quæ nobis ad entis nostri conservationem apta videntur; & amorem voluptatis & omnium quæ necessaria sunt vt benè nobis sit, hoc est, vt simus felices & beati.

Duplex ille amor multipliciter potest dividi; siue quia ex duabus partibus diversis, mente & corpore, secundum quas dividi potest ille amor, componitur. Sive quia per varia obiecta conservationi nostræ utilia possunt distingui aut specificari. His tamen non immorabimur, quia cùm Ethicam instituere non sedeat animo, haud opus est nos hic accuratè investigare & dividere omnia quæ vt bona nostra existimamus. Necesse duntaxat fuit hanc statuere divisionem vt causas errorum nostrorum ordine possemus enumerare.

Primò igitur de erroribus qui ortum ducunt ab inclinatione nostrâ erga magnitudinem & ergà id omne quod ens nostrum ab aliorum dominio liberat. Secundò de erroribus quæ ab inclinatione nostrâ ergà voluptatem, & erga id omne quod enti nostro maximam conciliat perfectionem, seu quod nobis maximam creat voluptatem, agemus.

C A P V T V I.

I. De inclinatione quâ versùs id omne quod nos supra cæteros extollit ferimur. II. De falsis nonnullorum piorum iudiciis. III. De falsis suæ stitiosorum & hypocritarum iudiciis. IV. De Vœtio Cartesij adversario.

QUæcunque nos aliquatenus supra cæteros extollunt efficiendò ut simus perfectiores, ut scientia & virtus; aut quæ nobis in alios aliquam conciliant auctoritatem efficiendo ut simus potentiores, aliquam *divitiarum* nobis comparare videntur. Ab omnibus inferioribus nostris colimur & formidamur, ad quidlibet nostræ conservationis ergo faciendum semper sunt accincti, nec nobis in desideriis nostris officere aut resistere audent. Homines itaque prærogativas illas quibus supra cæteros eminent adipisci conantur. Etenim non attendunt *res* esse & *res* benè esse reverà à Deo solo pendere, non verò ab hominibus; veramque magnitudinem quæ ipsos in æternum beatos efficiet, non consistere in illo dignitatis ordine in quo (saltem in cæterorum hominum debiliū & miserorum æquè ac ipsi sunt imaginatione) constituti sunt; sed in humili submissione voluntati Dei, qui cum iustus sit, eos proculdubio remunerabitur, qui ordinem à se præscriptum constanter observant.

Verum enim verò homines scientiam & virtutem, dignitates & divitias actū possidere non modò cupiunt; totis etiam viribus in id incumbunt ut cæteri homines credant saltem ipsos hæc omnia verè & realiter possidere. Ac si meritò dici possint realem opulentiam magis quærere quàm opulentiae famam; certè meritò dici possunt minus curare virtutem ipsam quàm virtutis speciem: quippe ut scitò dixit author **sententiarum moralium, virtutis lentissimus effectus progressus nisi ipsi superbia effect comes.*

Opulentiae eruditionis, & virtutis fama in eorum quibus circundamur aut qui nobis propinqui sunt imaginatione, dispositio- nes producit nobis utilissimas. Illa enim ipsos ad pedes nostros prosternit, & in nostri gratiam agit; ipsisque omnes motus con- servationi nostræ & dignitatis incremento idoneos inspirat: homines igitur suam existimationem tanquam bonum quo indigent, ut inter homines vivant commodè, conservant.

Omnes itaque homines erga virtutem scientiam, dignitates,

L I

I.
De inclinatio-
ne quâ
versùs id
omne quod
nos supra cæ-
teros extollit
ferimur.

* Libelli illi
sunt Gallicè
titulus est.
Reflexions
ou Senten-
ces, & Ma-
ximes Mo-
rales, tribu-
iturque vul-
gò nobilissi-
mo D. de La
Rochefou-
cault.

divitias , inclinatione feruntur , atque etiam istorum omnium famâ gaudent. Nunc quomodo istæ inclinationes possint ipsos in errorem iniicere aliquot exemplis ostensuri sumus. Ab inclinatione erga virtutem, aut erga virtutis speciem ordiamur.

Qui ad virtutem acquirendam animum seridè appellant, in aliis rebus quàm in Religione cognoscendâ , bonisque exercendis operibus meditationes suas & tempus rarè collocant. Iuxta D. Pauli exemplum, nihil præter Jesum Christum crucifixum, unicum adversus corruptionem & morbos naturæ ipsorum remedium, scire decernunt. Nullum aliud lumen exoptant quàm quod ipsis necessarium est ut Christianam agant vitam, suaque cognoscant officia; ac postea nulli alij rei incumbunt quàm præstandis servidè & accuratè illis officiis.

It.
De falsis vi-
rorum quo-
rundam pio-
rum iudiciis

In vita sic instituta nihil est quod carpeamus, immò illam maximi facimus; illius accuratam observationem magnam ducimus felicitatem; atque etiam nos pœnitet illam satis non observasse. Verùm hoc probare non possumus, quòd nempe, cum certissimè constat dari scientias merè humanas, certissimas tamen, & satis utiles quæ mentem à rebus sensibilibus abstrahunt, illamque veritatibus Evangelicis gustandis, paulatim assuescunt seu præparant, reperiantur tamen viri quidam pij, qui scientias illas, quas non examinarunt, æquo liberiùs damnant ut inutiles, vel ut incertas.

Verum equidem est plerasque scientias esse admodum incertas, & inutiles: ac ij vehementer non falluntur qui in istis scientiis veritates parvi momenti contineri dicunt. Illis nunquam studere, licet; & satius est illas omnino adspernari quàm sinere sibi ab illis fucum fieri. Nihilominus tamen dicere possumus perquam necessarium esse quasdam metaphysicas veritates cognoscere. Causæ universalis, aut existentiae Dei cognitio est prorsus necessaria, cum ipsa ut ita dicam, certitudo fidei pendeat à cognitione, quam ex ratione haurimus circa existentiam Dei. Scire igitur necesse est ipsius voluntate naturam formari & dirigi; vim aut potentiam causarum naturalium nihil aliud esse quam ipsius voluntatem, uno verbo omnia omnimodè à Deo pendere.

Necesse pariter est cognoscere quid sit veritas, quo pacto possit ab errore dignosci, quomodo corpora & mentes distinguantur, quæ ex iis possint deduci consequentiæ, ut immortalitas animæ, & multa alia quæ possunt certò cognosci.

Scientia hominis, aut scientia sui ipsius scientia est quæ legitime sperni non potest; innumeris referta est quæ scire omnino necesse est ut aliquam iudicii rectitudinem, penetrationemque acquiramus.

quiramus. Ac si dicere possumus hominem rudem & stupidum materia longè præstare, quia ille novit se. existere, materia vero nullam existentiae suae notitiam habet, dicere etiam possumus eos qui hominem cognoscunt, rudibus & stupidis longè antecellere, quia noverunt quid sint, alij verò non.

Verùm hominis scientia non modò magni fieri debet, quia eos supra cæteros homines extollit, ipsius pretium in eo longè magis elucescit quòd nos coram Deo deprimat & humiliet. Hac scientiâ cognoscimus quantoperè ab ipso in omnibus dependeamus, etiam in actionibus nobis maximè familiaribus; illâ corruptio naturæ nostræ manifestò nobis innotescit; per illam ad id disponimur ut ad eum qui solus nos sanare potest confugiamus, ipsi soli adhæreamus, nobis diffidamus & renunciemus; atque eo pacto multas acquirimus dispositiones ad nos submittebunt gratiæ Evangelij.

Mathematicæ & naturæ cognitione, saltè generali, vix omnino carere quis potest. Scientiis illis à iuventute fuit incumbendum: illæ enim mentem à sensibilibus solvunt, impediuntque quominus emollescat & effæminetur. Non parvum in vitâ sortiuntur usum; immò etiam ad Deum nos deducunt, naturæ cognitio per seipsam, mathematicæ verò per fastidium quod nobis ingignit erga falsas sensuum impressiones.

Viri virtute præditi scientias illas adspernari aut tanquàm incertas & inutiles habere non debent, nisi eas priùs satis expenderint ad solidum de iis ferendum iudicium. Sat multæ aliæ erunt scientiæ quas tutò possunt spernere. Poetas, & Philosophos Ethnicos, Rabbinos, Historicos quosdam & innumeros Authores in quibus nonnulli eruditi suam constituunt gloriam & eruditionem, igni addicant, per nos licet. At verò ne naturæ cognitionem ut Religioni repugnantem damnent. Quippè cum naturæ voluntate Dei regatur vera naturæ cognitio, nos in potentiæ, magnitudinis, & sapientiæ divinæ admirationem rapit. Etenim verisimile est universum à Deo conditum fuisse, ut homines in ipsius studio & meditatione defigantur, illòque studio ad cognoscendum & religiosè colendum ipsius Authorem incitentur, adeò ut qui naturæ studium damnant Dei voluntati resistere videantur, nisi mentem humanam ad id studium ineptam ex peccato factam fuisse arbitrentur. Non est etiam quod dicant cognitionem hominis ipsum duntaxat inflare vanitatè & ipsi inspirare; quia ij qui hominem perfectè cognoscere vulgò putantur, quamvis illum pessimè sapè cognoscant; superbia intolerabili ut plurimum effervunt: namque neminem seipsum ritè cognoscere posse, quin eodem tempore suas sentiat infirmitates & miseras, evidenter patet.

III
De falsis
superstitionibus
et hypocritarum
iniquitate.

Nec certe viri verâ solidâque præditi pietate quæ non intelligunt vitæerare solent, sed potius supersticiosi & hypocritæ. Superstitiosi timore servili, ac animi demissione & tenuitate, statim atque ingenium vivax & penetrans vident expavescunt. Si exempli gratiâ, ipsis rationibus naturalibus tonitru ipsiusque effecta explices, protinus Atheus ipsis videberis. At verò hypocritæ diabolicâ malignitate sese in angelos lucis transformant. Veritatum sanctarum & ab omnibus sanctè habitarum specie utuntur, ut veritatibus parum notis & à plerisque neglectis utilitate aliquâ peculiari moti resistent. Veritatem veritatis imagine impugnant, ac dum ea quæ omnes venerantur sæpè apud seipsos rident, existimationem apud homines cò solidiorem, & magis timendam sibi conciliant, quò res quâ abusi sunt sanctior est.

Isti igitur homines vehementissimi, potentissimi, & maxime formidabiles sunt omnium veritatis adversariorum. Rari equidem sunt, sed pauci sufficiunt ad multa invehenda mala; veritatis & virtutis species plus sæpe incommodi afferunt, quàm veritas & virtus ipsa commodi. Unus enim hypocrita vafer, quæcunque multi verè pii & sapientes magno negotio ædificaverunt: destituere potest.

IV.
De Veritate.

D. Descartes, exempli gratiâ, existentiam Dei, immortalitatem animæ, multasque alias quæstiones metaphysicas, & complures quæstiones Physicas demonstrativè probavit, ac de sæculo nostro ob veritates quas retexit optimè meritis est, si quis unquam: surgit tamen homuncio quidam, fervens, vehementisque declamator, ob Religionis suæ zelum apud vulgus magno habitus pretio; Libros contumeliis adversus Philosophum illum plenos conscribit, ipsumque atrocissimorum accusat criminum. Cartesius est Catholicus, sub Jesuitis studia sua instituit, de iis magna cum reverentiâ sæpè loquutus est: id ingenio isti maligno sufficit ut populis Religionis nostræ inimicis ac circa res Religionis provocatû facilibus persuadeat, Cartesium esse Jesuitarum emissarium & aliquid monstri molientem; minimæ enim veritatis species in rebus fidei plus habent efficacæ in ingenia, quàm veritates reales in rebus Physicis aut Metaphysicis de quibus parum sollicitum est vulgus hominum. De existentia Dei scripsit Cartesius; satis est isti Sycophantæ ut cacozelum suum exerceat, veritatésque quas defendit: ipsius adversarius opprimat. Ipsum arguit esse Atheum, immò calidè & subdolè Atheismum docere; ut famosus ille Atheus nomine Vanino Tolosæ olim ignis supplicio affectus, qui pro existentia Dei scribens suam regebat impietatem & malitiam. Nam inter argumenta quæ profert ut probe Cartesium esse Atheum illud existat;

exstat, quod nempe, adversus Atheos scribebat ut olim *Vanius* qui impietati velum obdukturus adversus atheos scribebat.

Sic veritas ab iis qui falsis nituntur veritatis speciebus, quique ingentem sibi in debiles conciliaverunt autoritatem opprimi solet. Veritas lenitatis & pacis est amica, & quantumlibet valida sit, superbiæ tamen & mendacij veritatis speciebus armati ferocitati nonnunquam cedit. Illa equidem novit errorem adversus ipsam nihil quicquam valere, ac si per aliquod tempus proscripta & obscura delitescat, expectat occasiones opportunas quibus tutò prodire possit; Etenim in ipso oppressionis loco validior sæpe & splendidiore quàm usquam elucefcit.

Cartesij antagonistam, hominem diversam ab ipso religionem profitentem, ambiciosum, qui famam suam famæ eorum quibus inferior est veluti ruinis superstruere duntaxat conatur, temerarium declamatorem, *Vanius*, uno verbo, de iis quæ non intelligit quæque intelligere recusat cum contemptu loqui mirum non est. Sed viros nec Cartesio, nec ipsius Religioni infensos; ipsum odio & contemptu prosequutos fuisse, ad id contumelijs quas in libro ab ipsius adversario composito repererunt motos; illud est quod non possumus quin miremur.

Liber istius hæretici inscriptus; *Desperata causa Papatus*, ipsius impudentiam, ignorantiam, violentiam, ac exultationis sibi falso zelo suo conciliandæ cupiditatem satis arguit. Non est igitur quod huiusce hominis testimonio fidem adhibeamus. Quemadmodum enim omnes Fabulæ quas adversus Religionem nostram in libro suo congestit credendæ non sunt, sic maximæ esset imprudentiæ atroces & contumeliosas criminationes quibus adversarium suum proscindit credere.

Ne igitur viri rationis compotes sibi persuaderi sinant Dominum Cartesium esse hominem perniciosum, quia id in aliquo legunt libro, vel quia id ab hominibus quibusdam quorum pietatem venerantur acceperunt. Haud licet hominibus ex solo ipsorum testimonio credere, dum alios criminum atrocissimorum accusant. Habitus externus hominis alicuius graviter & piè loquentis argumentum non est sufficiens ad aliquid persuadendum. Etenim nonne falsæ & ineptæ eodem modo externo, quo vera & bona dicuntur, proferri possunt; præcipuè si falsæ istæ & ineptæ quis incautus altè imbiberit.

Accusationum adversus Cartesium factarum veritatem aut falsitatem cognoscere difficile non est. Ipsius scripta faciliè inveniri possunt, nec ingenti negotio ab iis qui attentè sunt intelliguntur. Ipsius igitur opera sunt legenda ut alia quàm quæ ex incertis

famâ deducuntur adversus ipsum possint proferri iudicia. Ac postquam attentè lecta fuerint & seria meditatione excussa, spero fore ut non ampliùs accusetur Atheismi, quin contrà ab iis qui ipsum antea criminabantur ea excipietur veneratione, quâ vir cuius ope non modo existentia Dei & immortalitas animæ, verum etiam innumeræ aliæ veritates hucusque incognitæ, modo simplicissimo & evidentissimo demonstratæ sunt, dignus est.

CAPUT VII.

*De scientiæ desiderio ac Doctorem falsò sic
dictorum iudicijs.*

MENS humana parum admodum habet capacitatis, nec tamen quicquam est quod scire non cupiat. Omnes scientiæ humanæ ipsius desideria non possunt implere, cum tamen ipsius capacitas adeò angusta sit ut vel unam scientiam specialem capere nequeat. In perpetuâ agitatione perpetuòque plura sciendi desiderio versatur; sive quia id quod quærit se nacturum esse sperat, ut capitibus præcedentibus dictum est, sive quia mentem & ingenium augescere arbitratur vanâ alicuius cognitionis non vulgaris professione. Immoderata felicitatis & magnitudinis cupiditas efficit ut omnibus scientiis studeat, felicitatem se consecuturum in Ethicâ sperans, falsamque illam magnitudinem in scientiis speculativis quærens.

Cur homines reperiuntur qui vitam Rabbinorum opera, alioque libros idiomatis peregrinis obscuris, corruptis, & ab authoribus sine fide & intelligentiâ conscriptis legendo transigunt, nisi quia sibi persuadent se postquàm didicerint linguas Orientales, iis qui illas ignorant longè superiores evasuros? Quid ipsos in labore improbo, molesto, duro, inutili potest sustentare & corroborare nisi spes alicuius præcellentiæ, & vanæ nescio cuius magnitudinis contemplatio? Reverâ homines raræ eruditionis & non vulgares habentur; splendidis ob eruditionem ornantur elogijs; Lubentius audiuntur quàm cæteri homines; Et quamvis plerunque meritò dici possint omnium imprudentissimi ac iudicio maximè destituti, saltem quia totam vitam in labore valdè inutili, quo nec sapientiores nec feliciores possunt evadere, collocarunt; cæteris tamen ingenio & iudicio antecellere creduntur; Quia in dictionum origine

gine aliis sunt doctiores in rerum etiam natura peritissimi existimantur.

Eandem ob causam Astronomi non modo tempus & bona, veres accuratè cognoscant quæ cognoscere inutile & impossibile est. infumunt: Exactam in Planetarum cursû regularitatem, quæ non occurrit, reperire, & tabulas Astronomicas ad explicandos effectus quorum causas non cognoscunt, instituere volunt. Selenographiam, seu Lunæ Geographiam componunt, quasi quis in Lunam iter facere vellet. Eam iam iis qui in Astronomia insignes sunt, diviserunt; pauci sunt qui in illa Regione aliquam non possideant Provinciam ut mercedem ingentium laborum suorum; nec satis scio an non gloriæ sibi ducant illius meruisse favorem qui hæc regna ipsis tam liberaliter partitus est.

Cur homines ratione præditi huic scientiæ tam anxie incumbunt, dum in erroribus crassissimis circà veritates sibi utilissimas versantur, nisi quia magnum quid existimant cognoscere ea quæ vertuntur in cælis? Rei minimæ inter eas quæ in cælesti regione aguntur cognitio, præstantiâ dignior videtur cognitione rerum vilium, abiectarum & corruptibilium, qualia sunt iuxta ipsos corpora sublunaria. Scientiæ nobilitas ex obiecti ipsius nobilitate oritur. Magnum istud principium est! Ergo cognitio motûs corporum inalterabilium & incorruptibilium omnes scientias sublimitate superat. Illa itaque sublimitate & præstantiâ ipsorum ingenij digna videtur.

Sic homines sese perstringi sinant falsâ magnitudinis ideâ quæ incundè eos percellit. Statim atque illo phantasmate permotus fuit imaginatio, coram illo deprimitur, ipsum veneratur, ac rationem cuius esset iudicium ferre evertit & occæcat. Homines dum de affectuum suorum obiectis iudicant somnare, oculis clausis incedere, ac sensû communi capti esse videntur. Etenim quid, quæso, magni est in cognitione motuum Planetarum, nonne ipsos sat cognoscimus ut mensium & annorum curriculum possimus metiri atque determinare? Quid scire nostra interest an Saturnus annulo aut ingenti parvæ Lunarum numero circundet, quare circa eam rem in partes imus? Cur gloriâ inde aucuparis quod magnitudinem eclipses maiori successû prædixeris quam quidam alij, in eo fortè felicior, potius quàm sapientior? Sunt homines à Principe constituti ut ultra observent, ipsorum observationibus contenti simus. Legitima est ipsorum applicatio circa ista, quia id ipsis negotij datum est. In id operam feliciter conferunt, quia omnem artem attentionem, & diligentiam possibilem adhibent. nihil ipsis desit ut prosperè ipsis cedat iste labor. Ita quæ satis, circà rem quæ

ad ill

ad nos tam leviter attinet nobis esse debet si observationum ab ipsis jam factarum possimus fieri participes.

Multos Anatomiae operam navare utile est cum istam cognoscere sit utilissimum, cumque ad cognitiones nobis utilissimas consequendas nos adspirare consentaneum sit. Iis quae aliquid felicitati nostrae conferre; aut infirmitates & ærumnas nostras levare valent, animum adiungere debemus. At verò totas noctes de perspicillis pendere ad deprehendendum in cœlis aliquam maculam aut novum aliquem planetam, valetudine sua & tempore misere abuti, ac res suas negligere ad sedulo invisenda astra, & ad mensurandum ipsorum situs & magnitudines; quid est nisi penitus oblivisci sortis suae praesentis & futurae.

Nec est quod quis opponat id fieri ut illius qui ingentia hæc formavit objecta magnitudo cognoscatur; minimus culex Dei potentiam & sapientiam iis qui animalculum illud attentè & seposito præiudicio ex illius parvitate nato considerant, luculentius manifestat omnibus Astronomorum circa cœlos cognitionibus. Homines tamen ad id conditi non sunt ut culices considerent. Nec probamus illorum laborem qui desudarunt ut nos docerent formam pediculorum, uniuscuiusque speciei animalium, variâsque vermium in muscas & papiliones transformationes. His per otium animum oblectare licet, at homines nisi calamitatum suarum sensu destituti, in his tempus terere non debent. Dei & sui ipsorum cognitioni perpetuò incumbere debent; & seriam dare operam ut sese ab erroribus, præiudiciis, affectibus, ad peccatum propensionibus expediant, veritatesque sibi maximè necessarias anxie disquirere: etenim illi maximo præditi sunt iudicio qui scientias omnium solidissimas accuratius quærunt.

Præcipua causa quæ homines in falsa studia coniicit, in eo sita est, quod ideam Eruditi cognitionibus vanis & inanibus alligaverint, cum contra illam ideam cognitionibus solidis & necessariis alligare debuissent. Ubi enim quis eruditionem ambit, & polymathiae spiritû agitatur, quænam scientiæ sive ut honestè vivat, sive ut ingenium excolat ipsi necessariae sint parùm sollicitus est. Ad eos tantum animum advertit qui apud homines eruditi audiunt, & quo pacto istam consequuti fuerint famam. Cum omnes scientiæ solidissimæ & maximè necessariae sint satis vulgares, in eos qui illas possident nec admirationem nec venerationem movent; vulgaria enim quantumvis egregia & mirabilia in se sint sine admiratione tamen & sine attentione videntur. Qui igitur docti evadere cupiunt scientiis necessariis recto vitæ regimini & iudicio perficiendo parùm animum adiciunt. Scientiæ illæ istam scientia-

rum

rum ideam quam sibi finxerunt in ipsis non excitant. Illæ enim scientiæ non sunt eædem quas in aliis mirati sunt, quasque alios in se mirari cuperent.

Evangelium & Ethica Christiana res sunt nimis familiares & vulgares. Nonnullas voces quæ apud Philosophos antiquos vel Poëtas Græcos occurrunt Criticè expendere malunt. Idiomata ac ea præcipuè quæ apud populares suos inusitata sunt, vt Arabicum & Rabbinicum, ipsis valdè arrident & studio suo digna videntur. Si Scripturam Sacram legant, id eâ mente non faciunt, vt in illâ S.S. Religionem & pietatem discant. Chronologiæ, Geographiæ, & Grammaticæ difficultates ipsos totos occupant. Illarum cognitionem vehementius cupiunt cognitione veritatum salutarium Evangelij. Scientiæ quam in aliis stultè mirati sunt, quam stulti in iis sine dubio mirabuntur possessores esse volunt.

Pariter cognitiones naturæ utilissimas parùm quærunt, sed minùs vulgares. Anatomia ipsis exilior videtur, sublimior est Astronomia. Experimenta ordinaria ipsorum applicatione parùm digna videntur, sed experimenta illa rara & admirabilia quibus erudiri non possumus, accuratissimè observant.

Historias ignotissimas & antiquissimas tenere gloriantur. Principum suorum nunc regnantium genealogiam ignorant, dum hominum à quater mille annis defunctorum genealogias curiosè rimantur: historias sui temporis vulgatissimas discere negligunt, dum fabulas & figmenta Poëtarum accuratè scire conantur. Suos ipsorum cognatos non cognoscunt; at si id ab ipsis exigas, multas congerent authoritates quibus probent talenti civem Romanum cum Imperatore affinitate iunctum fuisse; & alia similia.

Nomina vestimentorum quæ usum obtinuerunt & nunc obtinent in suo sæculo vix callent, dum in vestimentis quibus olim utebantur Græci & Romani cognoscendis defudant. Animalia in patria sua frequentiora vix norunt, nec tamen multos annos insumere dubitabunt in componendis ingentibus voluminibus de animalibus in Bibliis Sacris designatis, vt terminorum incognitorum significationem se sagaciùs aliis esse assequutos ostendant. Eiusmodi liber auctori & doctis à quibus legitur in deliciis est, quippe qui Græcis, Hebraicis, Arabicis, &c. citationibus Rabbiorum aliorumque Authorum obscurorum & inusitatorum vanitati Authoris ipsius & stultæ Lectorum curiositati indulget, qui se quoque aliis doctiores existimabunt, quando sex esse vocabula in scriptura quibus sex aut aliquid simile designetur audacter asserere poterunt.

Ipsorum patriæ aut etiam urbis topographia ipsos fugit, dum

perpetuò in tabulis Geographicis veteris Græciæ, Italiæ, Galliæ, rum Julij Cæsaris tempore, consulendis occupantur, aut anxie quærent vicos & plateas veteris Romæ. *Labor stultorum*, inquit sapiens, *affliget eos, qui nesciunt in urbem pergere.* Urbis suæ vias ignorant ac circa inutilia se se incassum agitant. Leges & ritus locorum in quibus degunt ignorant; at verò iuri Antiquo, legibus duodecim tabularum, ritibus Lacedæmoniorum aut Sinensium vel statutis Indorum accuratè cognoscendis anxie student. Denique omnia rara, extraordinaria, remota & aliis incognita scire volunt, quia præ ingenij perturbatione ideâ eruditionis hisce omnibus perperam alligarunt. Ut doctus quis habeatur, sufficit ipsum nosse quæ alij ignorant; licet veritates pulcherrimæ & maximè necessariæ ipsum fugerent. Verum equidem est cognitionem illorum omnium & aliorum similium, dici scientiam, eruditionem, doctrinam, sic voluit usus; sed scientia quædam est quæ iuxta Scripturam nihil est præter stultitiam & vanitatem. *Doctrina stultorum fatuitas.* Spiritum Sanctum qui in sacris codicibus tot elogiis ornat scientiam, quicquam in huiusce falsæ scientiæ de quâ suprà loquutus sum, gratiam dixisse nondum animadverti.

CAPUT VIII.

I. *De desiderio, quo homines docti videri cupiunt.* I I. *De*
stultorum Doctorum colloquiis. I I I. *De*
ipsorum operibus.

I.
De desiderio
quo homines
docti videri
cupiunt.

SI immoderata cupido eruditionem adipiscendi ignaros sæpe efficiat homines, desiderium illud quo docti videri cupiunt ipsos non modò ignaros facit, sed mentem ipsis evertere videtur. Innumeri enim sunt qui sensum communem amittunt: dum suprà illum sese extollere satagunt, quique nihil præter ineptias effutiunt, dum paradoxa duntaxat proferre volunt. Ab omnibus cogitationibus vulgaribus, eo consilio ut ingenij rari & extraordinarij famam consequantur, ita recedunt; ut reverâ ipsorum consilium prosperè cedat, quippe nunquam sine stupore, aut potius sine maximo contemptu audiuntur.

Cum admiratione nonnunquam cernuntur, cùm ad aliquam dignitatem quâ veluti inuoluuntur, tantum genio & eruditione suprà cæteros eminare, quantum natalibus & dignitate præcellere creduntur,

tur. Sed cum contemptû sæpiùs conspiciuntur, immò infani non rarò habentur, cum propiùs examinantur, cumque suâ dignitate hominum oculis non eripiuntur.

Docti falsò sic dicti quid sint in Libris suis & in colloquiis familiaribus manifestò arguunt. Aliquid eâ de re dicere forsan abs re non erit.

Sicut præ superbâ & cupidine famæ studia sunt amplexi, statim II. atque alicui colloquio interfunt eos desiderium illud præcellentię De colloquio & ambitio agitat & effert. Sese interdum ita sublimes ferunt ut οὐδὲν aliorum oculis eripiantur, ac ipsi ubi sint sæpiùs nesciant. Supra μὴν Docto- auditores non eminere eorumque captum non excedere tantâ verum. verentur sollicitudine, ut succēseant si se alios assequi sentiant. Si ab ipsis ut aliquid dilucidet flagites stomachantur, & ad minimam objectionem superbæ authoritatis & gravitatis speciem induunt. Denique tam nova & inusitata, sed simul tam absurda proferunt, ut sapientissimi adstantium risum vix tenere possint, dum alij perculsi obstupescunt.

Ubi primus deferbuit æstus si quis eâ præditus fuerit animi constantiâ & fortitudine ut ipsorum dictis non emotus fuerit, eosque errorum suorum moneat; erroribus tamen illis præfraçtè adhærent. Illorum quos primò obstupescerunt habitû externo ipsi obstupescunt, tot approbatorum quos per impressionem persuaserunt conspectus, ipsos veluti percussu etiam convincit; aut si non convincat, animos saltem satis inflat ut errores suos mordicùs defendere decernant. Superbia ipsos palinodiam cantare vetat. Aliquam rationem quâ se tutentur semper quærunt. Immò tanto impetû tantâque animi contentione nunquam loquuntur quàm quum non habent quid dicant. Iniuriam sibi fieri, ac se susque deque haberi credunt, simul atque aliquid ad ipsorum dicta reponis; immò quo obiectiones validiores & rectiores sunt eò vehementius ipsorum iram & superbiam provocant.

Optima ratio quibus veritas possit adversus eos defendi non est disputatio; etenim satius est ipsis & nobis illos in erroribus relinquere quam ipsorum odium movere. Ipsorum cor non est sanandum dum mentem volumus sanare, cum vulnera cordis vulneribus mentis sint periculosiora; præterquam quòd quandòque res est cum viro reverâ Docto qui forsan à nobis ideò duntaxat sperni posset, quia ipsius cogitata non perciperemus. Quapropter ab iis qui sic decisivè loquuntur impetrandum est, ut distinctè, quantum in ipsis est, mentem suam aperiant; utque in eadem thesi persistentes à terminis obscuris & æquivocis abstineant.

Tum si verâ sint eruditione ornati ex ipsorum dictis aliquid percipitur emolumenti. At verò si nihil præter *ψευδόμενος* sapiant eruditionem ipsi propriis suis verbis sese iugulabunt, nec aliis nisi sibi met culpam istius confusionis imputare meritò poterunt. Immo aliquid fortè utilitatis atque etiam oblectationis ex ipsorum colloquiis percipietur; si demùm aliorum ineptiis delectari liceat dum ipsis remedium asserre contendimus. Verùm quod cæteris longè antiquius est, hoc pacto cavebitur ne debiles qui doctos illos falsò sic dictos prius admirabundi audiebant, ipsorum errori nimia summissione sese mancipent.

Istud enim sedulò animadvertendum est. Cùm stultorum aut eorum qui mechanicè & per sensibilem impressionem aguntur numerus longè maior sit numero eorum quibus ingenium est acre, quique ratione solâ persuaderi sese sinunt; quando aliquis inter istiuscemodi doctos de aliquâ re loquitur, & sententiam profert decisivam, semper longè plures sunt qui in ipsius verba nullo admissio examine iurent, quàm qui ipsi diffidant, sed quia eiusmodi docti falsò sic dicti à cogitationibus vulgaribus quantum pote est recedunt, ad id moti tam desiderio reperiendi aliquem antagonistam quem malè excipiant ut gloriæ suæ hoc pacto velificentur, quàm spiritû vertiginis aut etiam animo contradicendi; ipsorum decisiones ut plurimum sunt falsæ aut obscuræ; & rarò à quoquam audiuntur quin eum statim in aliquem iniciant errorem.

Jam autem ratio ista aliorum errores aut opinionum soliditatem agnoscendi difficultate non caret. Idque quia non modò falsi docti universalem rerum omnium affectant cognitionem: omnes penè homines isto laborant vitio; ac ij præcipuè qui studio & Authorum lectioni incubuerunt. Qui inter ipsos obsequentiissimi sunt atque etiam sapientissimi aliorum sententiam apud seipsos reverâ spernentes specie tenus attentos se tantummodò præbent, dum ex eorû oculis facile colligi potest ipsos quodlibet aliud cogitare, ipsorumque animum iis quæ dicuntur prorsus neglectis, tantum versari circa ea quæ nobis probanda sibi sumpserunt. Quod mutuas confabulationes sæpè reddit molestas. Quemadmodum enim nihil suavius nobis videtur, nullòque pacto majori possumus affici honore quàm si quis nostras assequatur rationes, opinionesque probet; ita nihil est quod displiceat magis quàm ubi aliquem eas non capere, immò ut eas capiat nequidem curare videmus. Etenim quis ullam ex colloquio cum statuis voluptatem posset percipere, præcipuè cùm statux illæ idèò tantum sint statux respectû nostri quia sunt qui nos non magni faciunt ii, & nobis arridere non curant; famam suam aliorum contemptû stabilire tantum

tum solliciti. Cerrè si homines ritè audire & ritè respondere nos-
sent, colloquia mutua non modò forent iucundissima, verùm
etiam utilissima. At viceversâ dum quisque doctus audire gestit, ni-
hil ex colloquiis præter præiudicatas opiniones & logomachias
resultat; Charitas interdum læditur, veritas verò nunquam ferè in
lucem prodit.

Verùm errores in quos falsi docti inter mutua colloquia inci-
dunt, omni non carent excusatione; in ipsorum gratiam dicere
possumus parùm attentionis vt plurimum asferri iis quæ in istis
colloquiis familiaribus vtrò citròque dicuntur. Immò viri quibus
iudicium est accuratissimum tum ineptias sæpe proferunt; nec om-
nia sua verba colligenda esse pertendunt, vt Scaligeri & Perronij di-
cta fuere collecta,

Istæ excusationes sunt equidem legitimæ, nec repugnamus er-
roribus tum temporis admissis ignosci posse: in istis confabulationi-
bus loquendi necessitas incumbit; atque dies sunt quandoque ne-
fasti quibus benè cogitare penes nos non est; ad id semper non su-
mus dispositi vt benè cogitemus & benè loquamur; ac sæpè tantæ
sunt temporis angustia, vt minima nubecula aut brevissima mentis
distractio vires ingenij rectissimi in absurditates ridiculas implicet.

Sed si errores quos falsi docti in confabulationibus admittunt
excusatione digni videantur; saltem errores quos in libris suis
postquàm seridè sunt meditati perpetrant omni carent excusatione;
præcipuè si sint frequentes, nulloque salis grano condiantur. Ete-
nim quum quis malum composuit librum, hinc fit vt complures
homines in illo legendo tempus malè terant; in eosdem errores in
quos author incidit ipsi incidant, ac multos alios ex iis etiam de-
ducant. Quod suæ maximo dispendio fieri nequit.

Sed quamvis qui malum, aut solùm inutilem componunt li-
brum gravius peccent quàm vulgò putatur, tamen ob illud pec-
catum ipsos mercede potius quàm pœnâ affici videas. Sunt enim
crimina in quæ homines non animadvertunt, siue quia consuetu-
dine invaluerunt illa crimina, siue quia plerique præditi non sunt
animo satis firmo vt reos quos se peritiores existimant damnare su-
stineant.

Authores plerunque habentur homines rari & extraordinarij ac
suprà cæteros maximè eminentes; reverentiâ igitur non verò con-
temtû & pœnâ excipiuntur. Itaque verisimile non est homines esse
unquam erecturos tribunal ad excutiendos & damnandos libros qui
rationi corrumpendæ tantùm inserviunt.

Idcirco nunquam sperandum est Rempublicam literarum pru-
dentiùs regi posse cæteris Rebuspublicis, quia hominibus constat

non secus ac cæteræ. Immo satius est ut ab errore quisque possit facilius expediri, maiorem concedi libertatem in Republica literarum quam in ceteris, ubi novitas est semper periculosissima. Si enim iis qui studiis incumbunt libertas tolleretur, sique omnes novitates indiscriminatim exploderentur, hoc pacto homines in suis erroribus confirmarentur.

Ne quis igitur succenseat quod multa in Reipublicæ literarum regimine reprehendam, quodque ostendere nitor celebres illos viros quos cæteri ob profundam eruditionem toti demirantur, reverâ nihil aliud esse ut plurimum quam homines vanos, & superbos iudicio & omni verâ scientiâ destitutos. De iis sic loqui teneor ne imposterum quisquam ipsorum iudiciis temerariè assentiatur, & errores sequatur.

III.
De libris falsorum doctissimum.

Vanitatis, levitatis, & ignorantie argumenta ex ipsorum operibus manifesta depromuntur. Si enim eo animo illa quis expendat, ut de iis iuxta sensus communis lumina iudicet, nullâ erga Authores præoccupatus existimatione; certè nullo negotio comperiet pleraque ipsorum cœpta in studiis esse fructus vanitatis omni iudicio destitutæ; ipsosque ad id non collimare ut iudicium suum excolant, multò minus ut cordis sui motus regant & temperent, sed duntaxat ut alios perstringant, ipsisque doctiores habeantur.

Atque hanc ob causam, ut jam dictum est, de rebus insolitis, & extraordinariis tantum agunt, terminis inusitatis & obsoletis duntaxat utuntur. Linguâ sibi vernaculâ rarò loquuntur utpotè nimis vulgari, nec in Latinitate simplicitatem, claritatem & facilitatem quærunt; non loquuntur enim ut intelligantur, sed ut loquantur & loquendo admirationem sibi concilient. Rebus quæ vitæ rectè instituendæ possunt inservire rarò incumbunt; id ipsis vulgare nimis videtur, aliis enim aut etiam sibi metipsis utiles esse non curant, solam eruditionis famam affectantes. Quæ proferunt nullo argumento probant, aut si aliqua proferant, argumenta illa sunt ita ænigmatica ἀλυστά, ut nec ab aliis nec ab ipsis concipi possint. Nullas habent rationes claras; ac si haberent illas non proferrent. Istæ rationes scilicet mentem non obstupefaciunt, simpliciores & usitatiores videntur, eas quisque assequi potest. Autoritates potius asserunt quibus opiniones suas probent aut probare fingant, sæpe enim autoritates quibus utuntur nihil probant quoad sensum, probant tantum quia Græco aut Arabico idiomate leguntur. Sed de ipsorum citationibus loqui forsitan abs re non erit, ut facilius intelligatur quonam sint iudicio.

Falsam eruditionē ac polynthiæ duntaxat spiritum frequentem citationis

tionis usum qui hætenus viguit atque etiamnum viget apud nonnullos doctos, introducere potuisse evidenter patere mihi videtur. Etenim Authores qui passim longos aliorum authorum locos citent reperire difficile non est, quamvis nullam ipsos citandi legitimam habeant causam; sive quia quæ dicunt ita clara sunt ut nullâ probatione indigeant; sive quia ita abstrusa sunt ut autorum quos citant autoritate probari non possint, quippe quæ ab istis etiam authoribus ignorarentur; sive tandem quia loci quos citant nihil ad ipsorum orationis ornamentum conferre possunt.

Ingentem ex Authore Græco authoritatem quâ aërem esse pelucidum probetur asserre ridiculum est, quia id neminem fugit. Ineptum pariter est autoritate Aristotelis uti ad probandum esse intelligentias quæ cælos movent, quia scilicet id Aristoteles nosse non poterat. Aut denique linguas exoticas, adagia Arabica & Persica libris Gallicis aut Latinis ad omnium usum comparatis interserere absurdum est; quia eiusmodi citationes istis libris ornamento esse neutiquam possunt; aut saltem ornamenta illa sunt inepta & intempestiva quæ apud multos ludibrio sunt, & perpaucis utilia esse queunt.

Attamen plerique eorum qui docti habere gestiunt huiuscemodi citationibus ita delectantur, ut nonnullas etiam idiomate quod ipsi non intelligunt proferre non erubescant utque omnem moveant lapidem, quò locum Arabicum quem vix possunt legere, libris assuere possint. Itaque multum desudant ut propositi à ratione alieni compotes fiant, quia scilicet hoc pacto vanitati suæ faciunt satis, ac stultorum existimationem sibi demerentur.

Aliò insuper vitio haud exiguo laborât; parum scilicet solliciti sunt si ipsos cum electione quâdam & iudicio legere credas; ipsis sufficit si multos ac præcipuè obscuros ut doctiores existimentur, raros & ingentis pretij, ut ipsis nihil deesse pateat; pravos & impios ac probis exosos libros legisse credantur; eodem ferè ducti animo quo homines illi qui se crimina perpetrasse gloriantur quæ alij perpetrare non audent. Unde fit ut libros carissimos, rarissimos, vetustissimos & obscurissimos citare malint, quàm magis vulgares & intellectû faciliores; librosque de Astrologiâ, de Cabbalâ, & arte Magica agentes quam bonos libros, quia, scilicet, non attendunt lectionem eodem modo se habere quo mutua inter homines colloquia; ipsosque proinde in id studere debere, ut bonos libros & intellectû faciles non verò malos & obscuros legisse videantur.

Quemadmodum enim is mente emotus esse videretur qui ho-
minum

minum quos sine interprete intelligere non datur, consortium quæreret, dum alio modo ea quæ ab ipsis docentur accipere posset: Ita libros dumtaxat, qui sine dictionario intelligi nequeunt legere, dum eadem in libris intellectu facilioribus edisci possunt, ridiculum est. Ac quemadmodum qui impiorum societatem quæreret manifestam animi perturbationem ostenderet; ita qui malorum librorum lectione gaudet, manifestam arguit cordis corruptionem. At non sine superbia prorsus intolerabili quis se libros legisse iactaret quos tamen nunquam legit; quod quidem non raro contingit. Sunt enim qui annos triginta nati plus malorum librorum in suis operibus citant quàm per multa sæcula legere potuissent, alios tamen ad id inducere vellent ut credant se illos libros accuratissimè legisse. Sed plerorumque Doctorum libri dictionariorum ope dumtaxat compositi fuerunt; ac sæpissimè nihil aliud legerunt quàm indices librorum quos laudant, aut quosdam locos communes ex variis authoribus excerptos.

Hæc sigillatim tractare & exemplis probare non audemus ne homines superciliosos & iracundos quales esse solent falsi docti ad iram provocemus; iniuriis enim Græcè & Arabicè evomit non delectamur. Præterquamquod specialibus argumentis supradicta probare & illustrare inutile est; quia ea est hominis indoles ut multa in aliis carpenda facili negotio reperiat; & multis quæ iam dicta sunt adaptet. Interim se se vano illo magnitudinis phantasmate, quantum libuerit, pascant; ac sese mutuo laudibus quas nos ipsis denegavimus cumulent. Jam forte eis in ista tam dulci & gratâ conditione plus satis molesti fuimus.

C A P V T IX.

Quomodo propensio hominum versùs dignitates & divitias eos in errorem iniiciat.

Dignitatibus ac divitiis non secus ac virtute & scientiâ de quibus mox, supra cæteros præcipuè evehimur. Harum enim possessione ens nostrum majus fieri & *divitiarum* acquirere videtur. Adeò ut amore quo erga nosmet ferimur ad divitias & dignitates diffuso, pauci sint qui versùs illas aliquatenus non propendeant. Jam paucis explicemus quomodò propensiones istæ impediant quominus veritatem inveniamus, nosque in mendacium & errorem iniiciant,

Multum

Multum temporis, laboris, assiduitatis & attentionis opus esse ad assequendum veritates complexas, multis difficultatibus intricatas, & à multis principiis dependentes, jam sæpè demonstravi. Hinc iudicare pronum est viros in muniis publicis versantes, qui multis præsent, magnis impediuntur negotiis, & dignitatum, ac divitiarum desiderio flagrant, parum idoneos esse ad istarum veritatum indagationem, ac circa res omnes difficiles in errorem sæpe cadere, dum de illis iudicare satagunt.

1. Quia parum temporis ad veritatis investigationem impendere queunt.

2. Istà investigatione ut plurimum parum delectantur.

3. Quia ad attentionem oppidò parum apti sunt; quoniam mentis eorum capacitas innumeris rerum quas optant & quibus etiam inviti derinentur ideis penitus distringitur.

4. Quia omnia se scire arbitrantur, ac vix credere queunt eos qui ipsis inferiores sunt, ipsis rectius sentire. Quædam facta ab iis discere equidem sustinent, ac verò veritates solidas & necessarias ab illis edoceri recusant, & si eorum sententiam impugnet vel erroris arguas, stomachantur.

5. Quia in omnibus ipsorum phantasmatibus quantumlibet absurdis ipsis palpari vulgò solent, & quia qui contrariū sentiunt licet veritates indubitatas defendant ludibrio esse consueverunt. Nepe ob indigna aulicorum & Ripatorum blandimenta in erroribus suis & in falsa quæ erga seiplos ducuntur existimatione sese confirmant; ac de omnibus temerè & confidenter iudicandi ius sibi vendicant.

6. Quia solis ferè notionibus sensibilibus, ad colloquia ordinaria & ad hominum existimationem fovendam aptioribus, quàm ideæ puræ & abstractæ mentis quæ inserviunt veritati retegendæ, insistant.

7. Quia qui aliquam dignitatem ambiunt, aliorum captivi, quantum in ipsis est, sese accommodare conantur, quoniam nihil est quod invidiam & odium hominum magis moveat quàm ubi quis opiniones insolitas habere existimatur. Eos qui fortunæ velificatur veritates abditas posse retegere rarum est; Sed si quas retegant illas sæpè deferunt quia ipsorum commodis officiant, & quia veritatum illarum propugnatio parum convenit cum gloriæ cupiditate. Iniustitiæ favendum sæpe est ad Magistratum consequendum, pietas solida & extraordinaria à Beneficiis seu muneribus Ecclesiasticis sæpè arcet; generosusque veritatis amor à Cathedris in quibus sola veritas doceri debet non raro amover.

Omnes illæ rationes simul coniunctæ efficiunt ut homines su-

pra cæteros dignitatibus, nobilitate, & divitiis longè eminentes, aut qui ad nihil aliud intendunt quàm ad captanda fortunæ bona, errori maximè obnoxij sint; & ad veritates paulùm occultas parùm idonei. Quippe inter ea quæ ad vitandum errorem in quæstionibus paulò difficilioribus necessaria sunt, duo requiruntur præcipuè, quæ in hominibus de quibus hîc agitur rarò admodum occurrunt; nimirum, mentis attentio quâ res penitus introspectantur, & *iroxi* seu suspensio, ne iudicium temerè feratur. Immò illi etiam qui aliis instituendis præficiuntur, quique ad alium collimare non deberent scopum, quàm ad sibi acquirendam solertiam, & capacitatem in eiusmodi munere requisitam, errori ut plurimùm obnoxij fiunt, statim atque Publico inseruire ceperunt: sive quia attentionem rebus quæ sine attentione intelligi nequeunt præbere iis per otium non liceat; seu quia Doctorum famam avidè aucupantes de omnibus imprudenter & audaciter iudicant; nec nisi iniquo animo quemquam ipsos impugnare & docere patiuntur.

C A P V T X.

De voluptatis amore relatè ad Ethicam. I. Voluptas fugienda est licet nos efficiat felices. II. Voluptas ad honorum sensibilem amorem nos ferre non debet.

TRibus capitibus præcedentibus de inclinatione quâ ad entis nostri conservationem ferimur loquuti fuimus, & quomodo illa nos in plurimos iniiciat errores ostendimus: jam de inclinatione quâ ad bonum benè esse propendimus, hoc est, ad voluptates & ad ea omnia quæ nos scèliciores efficere possunt, aut quæ saltem ad id conferre posse existimamus, verba faciemus; atque errores ex ista inclinatione oriundos patefacere conabimur.

Sunt Philosophi qui voluptatem non esse bonum, dolorem non esse malum hominibus persuadere nitantur: homines posse felices esse in medio acerrimorum dolorum, & infelices in medio summarum voluptatum. Cùm isti Philosophi sint valdè pathetici & vivâ polleant imaginatione mentes debiles & impressionibus facillè cedentes in suas abripiunt sententias, namque Stoici Phantastici quadantenus sunt, Phantastici autem vehementes cùm sint; aliorum
menti

menti falsas quibus præpediti sunt sententias facili negotio imprimunt. Sed quia nihil est quod experientia & conscientia nostræ seu sensui interno non cedat, omnes istæ rationes quarum pompâ & magnificentia hominum imaginatio percellebatur & perstringebatur, cum omni splendore suo evanescunt statim atque mens voluptate aut dolore sensibili afficitur. Unde fit ut qui antea falsæ isti persuasioni ex impressione sensibili ortæ incautè fiderunt, minimo vitij insultui cedant omni sapientia & robore destituti, tumque se deceptos fuisse & victos esse cognoscant.

Si Philosophi discipulis suis eas non possunt impertiri vires quibus affectus suos superent saltem ne iis illudant falso ipsos persuadentes nullos esse inimicos adversus quos pugnare debeant. I.
Fugienda est
voluptas
quæ nos
reddat felices.
Res ut in se sunt dicere oportet, voluptas semper bonum est; & dolor semper malum; sed voluptate frui non semper expedit, quamvis dolorem pari quandoque expediat.

Sed ut hæc facilius intelligantur sciendum est.

1. Deum solum satis potentem esse ut agat in nobis, atque in nobis sensum voluptatis aut doloris creare queat. Cuilibet enim rationem suam consulenti ac sensuum testimonia spernenti, objecta quæ sentimus nequaquam agere in nobis, nec mentem nostram in seipsa voluptatem & dolorem quibus afficitur, eorum occasione creare, evidenter patet.

2. Bonum aliquod dari non deberi, nisi ut ille cui datur illud bonum ad aliquam bonam actionem feratur, vel ut bona quæpiam actio remuneretur: & viceversa neminem malo affici, nisi ut ab aliquâ actione malâ deterreatur vel ut actio mala jam patrata puniatur; unde illud infertur. Nempe, cum Deus secundum ordinem & iustitiæ leges semper agat; omnis voluptas nos fert necessario ad aliquam bonam actionem, aut nos remuneratur; omnis verò dolor, nos ab aliquâ actione malâ deterret, aut nos punit.

3. Esse actiones bonas uno sensu, malas verò altero. Exempli gratia, se, Deo id vetante, morti exponere, est mala actio; ac verò morti sese exponere, Deo id iubente, est bona actio. Nam omnes actiones nostræ sunt bonæ vel malæ, quia Deus eas aut iussit aut prohibuit, primâ voluntate suâ generali, quæ & ordo est & institutio naturæ, & aliis voluntatibus, seu mandatis specialibus quæ ad naturæ reparationem sunt necessaria.

Dico igitur voluptatem semper esse bonam, sed illam degustare non semper utile esse.

1. Quia cum nos illi, qui solus eam creare potest, unire de-

beret, ab eo contrà nos disiungit, vt nos iis quæ voluptatem creare falsò videntur uniat. A Deo nos abducit vt vili creaturæ nos uniat. Quamvis enim ij qui veram possident Philosophiam voluptatem ab obiectis externis non oriri quandoque cogitent & illà cogitatione ad Deum in omnibus agnoscendum & amandum ferri queant, nihilominus ex quo peccatum irrepsit, ratio humana tam debilis est, sensuum & imaginationis in mentem tantavis est, vt cor hominis facili negotio corrumpant, nisi iuxta Evangelij monitum, rebus omnibus quæ ad Deum per se ferunt non abstineat. Nam ne præstantissima quidem Philosophia mentem sanare aut malis ex voluptate natis mederi potest.

2. Quia cùm voluptas sit præmium, iniquum est in corpore suo motus producere qui Deum, propter primam ipsius voluntatem cogant, vt ita dicam, ad excitandam in nobis voluptatem, quum illam non meremur, siue quia actio quam facimus est inutilis aut mala, siue quia peccatores cùm simus, nullam ab ipso mercedem petere debemus. Homo ante peccatum in actionibus suis benè temperatis voluptates sensibiles meritò gaudere poterat, sed ex quo peccavit nullæ ampliùs sunt voluptates sensibiles omnino innocentes, aut quæ ipsum lædere non possint vbi eas gustat, sæpe enim eas degustare sufficit vt iis sese mancipet,

3. Quia, cùm Deus sit iustus, fieri non potest quin vim quæ ipsi infertur, quum ad actiones pravas quæ adversùs ipsum perpetrantur voluptate remunerandas adigitur, aliquandò puniat. Quando mens corpori non ampliùs adhærebit, Deus sensationes quæ pro lege sibi à se ipso imposita spirituum animalium motibus respondeant in nobis excitare non ampliùs tenebitur; ac iustitiæ suæ satisfacere semper tenebitur, atque tunc ipsius vindictæ & iræ tempus erit. Tum ordine naturæ nihil immutato, ac in primâ voluntate immotus semper permanens, doloribus æternis injustas voluptates puniet.

4. Quia certa persuasio quâ hanc iustitiam aliquando exercendam esse cognoscimus etiam in hac vita animum acerrimis exagitat anxietatibus, ipsumque ad desperationem quandam adducit, quæ libidinosos in maximis voluptatibus miseros reddit.

5. Quia voluptates innocentissimas importuni conscientiæ morsus & pœnitudines semper comitantur, quoniam nos nullam mereri voluptatem satis superque convincimur, atque gaudio quodam interno quod etiam in pœnitentiæ dolore occurrit, nos privant.

Itaque licet voluptas sit bonum, fatendum tamen est, ipsam degustare ob omnes rationes suprà memoratas semper utile non esse,

esse, atque etiam ob multas alias quas scire est utilissimum, quasque ab his suprà dictis deducere pronum est, dolorem pati ferè semper optimum est, quamvis dolor reapse sit malum.

Nihilominus omnis voluptas est bonum, illumque à quo gustatur reddit actû felicem eo saltem momento quo illam gustat, & omnis dolor est malum, eumque qui eo afficitur reddit actû infelicem eo momento quo illum patitur, & quandiù illum patitur. Justi & sancti omnium infelicissimi & maximè miserabiles dici possunt, *si in vita tantum in Christo speramus, miserabiliores sumus omnibus hominibus*, inquit Paulus, nam qui fiunt & ob justitiam persecutionem patiuntur non idèò felices sunt quia persecutionem patiuntur ob justitiam. sed quia regnum cœlorum ad ipsos pertinet, & ingens remuneratio ipsos in cœlis manet, hoc est, *quia beati erunt*. Qui persecutionem patiuntur ob justitiam in eo justii sunt & perfecti & quia ordini à Deo instituto parent, nam perfectio in eo posita est ut illum ordinem sequamur; sed felices non sunt quia patiuntur: aliquandò ampliùs non patientur, ac tum felices non secus ac justii & perfecti erunt.

Attamen justos spei & fidei virtute, quæ bona futura veluti præsentia menti obijciunt, aliquatenus etiam in hac vitâ felices esse non nego, nam ubi spes alicuius boni firma & vivida est, certè bonum illud menti appropinquat, ipsique veluti delibandum præbet. Ipsam itaque spes aliquo modo felicem efficit, cum boni possessione ac voluptate beati siamus.

Hominibus igitur dicendum non est voluptates sensibiles non esse bonas, nec eos reddere felices qui ipsis fruuntur; quia id verum non est, ut id tentationis tempore suo damno agnoscunt. Iis dicendum est voluptates in se bonas esse, eosque aliquatenus inde evadere felices; sed illas tamen ab ipsis vitari debere ob rationes suprà allatas aut similes, at verò addendum est propriis naturæ viribus ipsos non posse vitare voluptates, quia inclinatione insuperabili felicitatem exoptant, & inclinationi illi hisce voluptatibus transitoriis quas vitare deberent, aliquo modo satisfacit; unde fit ut descendenda pereundi necessitas ipsis incumbat, nisi succurratur. Hæc monendi sunt, ut suâ miseriâ distinctè agnitâ quantopere indigeant liberatore agnoscant.

Cum hominibus loquendum est ut cum ipsis JESUS-CHRISTVS loquutus est, non verò ut Stoici, qui nec naturam nec morbum mentis humanæ cognoscunt. Perpetuò monendi sunt, quemque semetipsum odisse & spernere debere, atque hic in terris nullam sperandam tutam sedem aut felicitatem; quotidie Crucem suam, seu pœnæ suæ instrumentum ferendum esse, nuncque vitæ iacturam

faciendam esse ut in æternum recuperetur. Denique docendi sunt ipsos res desideriiis suis planè contrarias facere teneri, ut suam impotentiam ad bonum agnoscant. Nam homines invito felicitatis desiderio ardent, & nemo potest esse felix, nisi faciat id quod vult. Forſan quum mala præſentia ſentient & mala futura prævidēbunt, in terram proni cadent; forſan verſus cœlum clamabunt, mediatorem quærent, objecta ſenſibilia extimeſcent, & omnia quæ ſenſibus & concupiſcentiæ blandiuntur cautè horreſcent. Spiritum illum ſupplicationis & pœnitentiæ ad gratiam, ſine qua nullum robur, nulla ſanitas, nulla ſalus ſperanda eſt, obtinendam tam neceſſarium, hoc pacto forſan induent.

II.

Voluptas non debet ferre ad amorem bonorum ſenſibilem.

Voluptatem bonam eſſe intus convincimur; atque illa conviſtio interna falſa non eſt, quia voluptas reverà bona eſt. Voluptatem eſſe characterem boni naturà convincimur, atque illa conviſtio naturalis veriſſima eſt, nam quod voluptatem creat certè optimum eſt & maximè amabile. At verò objecta ſenſibilia, aut etiam mentem noſtram poſſe in nobis voluptatem gignere non perſuaſi ſumus, nulla enim ratio eſt cur id credamus, cum è contra innumeræ ſint cur ſecus credamus. Objecta itaque ſenſibilia non ſunt bona, non ſunt amabilia. Si ad vitæ conſervationem utilia ſint, iſtis utendum eſt. Sed cum in nobis agere nequeant, ipſa amare non debemus. Mens id ſolum amare debet quod ipſi bonum eſt, quodque ipſam feliciorem & perfectiorem efficere poſteſt. Id igitur ſolum quod ſupra ipſam eſt amare debet, ipſam enim perfectionem dūtaxat accipere poſſe ab eo quod ipſa ſuperius eſt evidenter pater.

Sed quia rem alicujus effecti cauſam eſſe iudicamus, quum res illa ſemper comitatur illud effectum; objecta ſenſibilia in nobis agere arbitramur, quia ipſis ad nos admotis novas excipimus ſenſationes, & quia illum qui iſtas ſenſationes reverà excitat non videmus. Fructum deguſtamus, & illum deguſtando dulcedinem ſentimus; dulcedinem illam iſti fructui tribuimus; illum hanc dulcedinem parere, atque etiam in ſe complecti iudicamus. Deum non videmus, ut fructum illum videmus & contrectamus. Immo ad Deum, nec forſan ad noſmetipſos animum advertimus. Itaque Deum veram iſtius dulcedinis cauſam eſſe, iſtāque dulcedinem eſſe mentis noſtræ modificationem non iudicamus. Tribuimus cauſam & effectum fructui quem edimus.

Quæ de motibus ad corpus pertinentibus dicta ſunt, de iis etiam quæ ad corpus non pertinent intelligi debent, quales ſunt cogitationes ſeu affectiones quæ occurrunt in puris intelligentiis.

Mens ſeipſam conſiderat: nihil felicitati & perfectioni ſuæ deeſſe; atque quicquid optat ſe non poſſidere videt: Dum felicitatem ſuam contem-

contemplatur gaudio afficitur ; dum infelicitatem suam sentit tristitiâ laborat. Felicitatis contemplationem in ipsa sensum illum gaudij excitare protinus arbitratur quia sensus ille gaudij , istam felicitatis contemplationem semper comitatur. Pariter infelicitatis suæ cognitionem in ipsa etiam tristitiæ sensum excitare imaginatur ; quia sensus ille cognitionem istam semper sequitur. Vera sensuum seu motuum istorum causa , Deus scilicet , ipsi manifestò non apparet. Immò de Deo ne cogitat quidem. Deus enim in nobis agit nobis ipsis inscijs.

Deus gaudij sensû nos remuneratur , quum in eo statû in quo nos esse decet , nos actû esse cognoscimus , vt in eo perstemus, vt nostra desinat inquietudo , felicitatémque nostram , capacitate mentis nostræ nulla aliâ re occupatâ , planè & plenè gustemus. Sed tristitiæ sensum in nobis excitat , quum nos in eo statû non esse cognoscimus , in quo esse deberemus, vt ab eo, in quò sumus, desistamus , & perfectionem quæ nobis deest anxie quæramus. Deus enim nos versùs bonum indefinenter pellit, vbi cognoscimus nos illud non penitus possidere , & in eo nos firmiter sistit , quum nos illud planè possidere cognoscimus. Itaque affectiones gaudij aut tristitiæ intellectualis , non secus ac affectiones gaudij aut tristitiæ sensibilis nullo modo esse voluntarias mentis productiones evidenter, ni fallor, patet.

Quocirca manum illam invisibilem, quæ nos bonis cumulat , quæque sub speciebus sensibilibus sese menti nostræ subducit, ratione perpetuò agnoscere debemus. Illam adorare , illam amare nos decet : verum illam etiam timere debemus , quippe quæ si nos bonis cumulet , nos etiam doloribus cruciare possit. Illam amore libero, amore cui ratio affulgeat , amore qui Deo & nobis dignus sit amare debemus. Amor noster dignus est Deo , vbi illum amamus quia ipsum amabilem esse certò cognoscimus , & amor ille nobis dignus est , quia , nos ratione præditos id amare oportet quod ratio nobis ostendit amore nostro dignum esse. Sed sensibilia amamus amore nobis indigno , & quò etiam ipsa sunt indigna. Nam cum ratione præditi simus , illa amamus sine ullâ ratione quæ nos ad illorum amorem ferat , quia illa esse amabilia clarè non cognoscimus, quin contrà contrarium optimè novimus, sed voluptas nos decipit & ad illorum amorem fert : quippe cæcus & immoderatus voluptatis amor falsorum iudiciorum quæ homines in rebus ad mores pertinentibus ferunt, vera est causa.

CAPVT XI.

*De amore voluptatis relatè ad scientias speculativas. I. Quomodo
amor ille nos à veritate relegenda arceat. I I.
Exempla afferuntur.*

Immoderata cupiditas voluptatum sensibilibum non modò est origo
lethaliū errorum in quos circa Ethicam incidimus & morum
nostrorum corruptionis causa generalis ; eadem etiam propensio
inter causas aberrationum mentis nostræ præcipua est , nosque in
errores crassissimos quamquam minùs periculosos circa res merè
speculativas sensim inducit : quia propensio illa nos ab attentio-
ne ad res illas speculativas intelligendas & accurato iudicio ex-
pendendas necessariâ amovet.

De difficultate quam homines, dum rebus paulò abstractiori-
bus incumbere volunt , experiuntur , jam multoties diximus , quia
res de quâ tum agebatur id postulabat. De illa circa res abstractas
difficultate , sub finem primi libri dictum est , dum ostendebamus
mentem modis externis magis quàm rebus ipsis sæpè attendere, quia
ideæ sensibiles ipsam magis afficiunt , quàm ideæ puræ mentis.
Eadem de re etiam secundo libro dictum est , quia agendo de te-
nuitate fibrarum cerebri , demonstrare oportuit, unde quorundam
ingeniorum effeminatorum mollities oriretur. Denique de hoc
dictum est tertio libro , inter loquendum de attentione mentis,
vbi ostendendum fuit mentem nostram rebus merè speculativis
parùm , illis verò quibus vividè afficitur , quæque in ipsâ volu-
ptatem aut dolorem excitant multam attentionem præbere.

Errores nostri multas penè semper habent causas quibus ori-
ginem debent : adeò vt adversùs ordinem peccari credendum non
sit quoties res eadem recurrunt , eorundemque errorum multæ in
multis locis afferuntur causæ. Id enim fit quia eorum reverà mul-
tæ sunt , semper de causis occasionalibus loquor : sæpè enim dixi-
mus solam veram & realem causam errorum nostrorum esse ma-
lum libertatis nostræ usum , quâ benè non utimur vel in eo uno
quod eâ quantum possumus non utimur , vt id ab istius operis ini-
tio explanavimus.

Ne quis ergò miretur , si , vt clarè & plenè explicaremus,
quomodo , exempli gratia , modi externi & sensibiles sub quibus
res sæpè delitescunt , nos deludant & in errorem injiciant , si , in-
quam

quam ut hæc explicarentur velut in antecessum præmonere necesse fuit in aliis libris, nos versus voluptates inclinare ; quod ad istum librum qui de inclinationibus naturalibus agit reservandum esse videbatur , & sic de aliis quibusdam locis. Ex eo saltem id fructus colligetur , quod scilicet hic supersedere poterimus à multis dicendis quæ hic necessariò dicenda essent , nisi alibi jam dicta fuissent.

Quicquid est in homine tam firmo vinculo nexum est , & à se invicem ita pendet , ut numero rerum quæ eodem tempore dicenda sunt is sæpè obruatur , qui res omnes accuratè & penitus explicare aggreditur. Sæpè necessitas postulat ut ea quæ à naturâ inter se invicem juncta fuere non separentur , utque eo pacto adversus ordinem antea propositum procedatur, quum ordo ille nihil præter confusionem potest asferre ; ut interdum necessariò contingit. Sed quicquid fiat nemo unquam potest ea omnia exprimere & clarè explicare quæ cogitat. Hoc duntaxat ut plurimum licet sperare : Nempe , alios eò adducere ut soli possint cum voluptate & facilitate retegere & excogitare , quæ à nobis difficili negotio resecta fuerunt & excogitata. Et quia sine attentione quicquam intelligere impossibile est , in id præcipuè incumbendum est ut attentionem aliorum possimus nobis conciliare. Id equidem hic sumus conati , quamquam nos rem infeliciter gessisse fateamur. Et eò libentius id quod à parte nostrâ defuit proferimus , quod ista confessio læctorem ad id debeat incitare , ut se attentum reddat quò defectui nostro possit mederi , & res quæ sanè penitus introspecti meretur, penitus introspicere queat.

Errores in quos inclinatione nostrâ versus voluptates & in genere versus ea omnia quæ nos afficiunt incidimus , sunt infiniti : quia inclinatio illa mentis visum disiecit & dissipat , ipsum ideis sensuum & imaginationis confusis perpetuò applicat , nosque eò impellit ut de omnibus præcipitanter & duntaxat relatè ad nos iudicemus.

Veritas non cernitur , nisi ubi res ut in se sunt conspiciuntur, nec unquam ut in se sunt conspiciuntur , nisi videantur in eo qui res omnes in se modo intelligibili complectitur. Quum res in nobismet ipsis videmus , illas imperfectè admodum videmus , seu potius nihil videmus præter sensationes nostras , non verò res quas videre optamus, quas nos reverà videre falsò credimus.

Ut res quales in se sunt videantur attentione opus est ; quia nunc Deo non unimur sine labore & conamine. Sed ut res in nobis videamus , nullâ attentione opus est ; quia etiam inuiti sentimus ea quæ nos afficiunt. Nullâ voluptate naturaliter prævertimur in

I.
Quomodo
amor volu-
ptatis nos à
veritate re-
tenda
amoveat.

unionem nostram cum Deo, ideam puram rerum nos nequaquam percellunt. Itaque propensio nostra versus voluptatem nos Deo nec applicat nec unit: quin potius ab eo nos indefinenter seiungit atque amovet. Illa enim propensio nos perpetuo fert ad res considerandas secundum ideas ipsarum sensibiles, quia ideae illae falsae & impurae nos afficiunt. Voluptatis igitur amor, & usus actualis voluptatis quae ipsius amorem excitat & corroborat, nos perpetuo à veritate in errorem abducit.

Qui itaque ad veritatem ut ipsius lumine potiantur accedere volunt, à voluptatis privatione ordiri debent. Ea omnia quae mentem vividè afficiunt & iucundè occupant & distrahunt sedulo vitare debent. Sensus & affectus flere oportet, ut veritatis vox exaudiri possit: quippe secessus ab hominum consortio, & eorum omnium sensibilibus contemptus necessarius est & ad mentis perfectionem & ad cordis conversionem.

Ubi voluptates nostrae sunt maximae, & sensationes vividae, ad veritates etiam simplicissimas inepti sumus nec notiones communes attingimus, nisi aliquid sensibilis includatur. Ubi voluptates aut aliae sensationes sunt temperatae, aliquas veritates simplices & faciles possumus equidem intelligere; Sed si fieri posset ut voluptatibus & sensationibus planè liberaremur, tum veritates omnium maximè abstractas & difficillimas possemus assequi. Quippe quod magis ab iis quae Deus non sunt recedimus, eò magis ad Deum accedimus, quod magis errorem vitamus eò citius veritatem comperimus. Sed ex quo peccatum obtinuit, ex quo amor voluptatis praeventientis immoderatus, imperium in mentem nostram usurpavit, mens illa ita debilis facta est, ut in his penetrare non valeat; ita materialis, & à sensibus dependens, ut res abstractas quae ipsam non tangunt, attingere nequeat. Immo notiones communes nonnisi aegre percipit; ac ipsas attentione deficiente falsas & obscuras esse saepe iudicat. Rerum veritatem ab ipsarum utilitate, relationem quam inter se habent à relatione quam habent cum ipsa discernere nequit; ac eas saepe verissimas iudicat, quae utilissimae, iucundissimae & maximè sensibiles sunt. Denique inclinatio illa omnes perceptiones quas de obiectis sensibilibus habemus, ac proinde omnia iudicia quae de ipsis ferimus inficit & turbat. En tibi aliquot exempla.

III
Exempla aliquot. Notione communi constat virtutem vitio antecellere; praestare esse sobrium & castum, quam intemperantem, & voluptati addictum. Sed inclinatio versus voluptatem ideam illam ita nonnunquam perturbat ut illam quandoque non nisi obscure ac veluti per transennam videamus, nec ab ea consequentias ad vitam

ritè.

ritè instituentiam necessarias elicere possumus. Mens voluptatibus quas sperat ita occupatur, ut eas innocentes esse supponat, & solas ipsis potiendi rationes quærat.

Omnes norunt, præstare iustum esse, quàm divitem, iustitiâ hominem magis extolli quàm superbiorum ædificiorum possessione, quæ sæpè illius qui ea ædificari curavit magnitudinem non tam arguunt, quàm ingentem iniustitiarum & facinorum numerum. Sed voluptas quam homines nihili ex vanâ falsæ magnitudinis ostentatione percipiunt, arctam ipsorum mentis capacitatem satis implent ut veritatem adeò evidentem obscuret & ipsorum oculis surripiat. Se viros magnos esse stultè imaginantur quia ampla possident ædificia.

Analysis aut Algebra speciosa haud dubiè omnium scientiarum pulcherrima, hoc est, fecundissima & certissima est. Sine illâ mens nec penetrationem nec vastam habet capacitatem, & eius ope quæcunque certò & evidenter sciri queunt, assequi potest. Licet hæc scientia hætenus satis imperfecta fuerit, eos tamen qui in ea eruditi fuerunt eaque ritè uti sunt celeberrimos reddidit, ipsius ope veritates ceteris hominibus imperceptas retexerunt. Menti humanæ ita accommodata est, ut ipsius capacitate nullo modo distracta ad res ad institutum inutiles, ipsam ad scopum rectà & certò ducat. Uno verbo scientia est universalis, & veluti cæterarum scientiarum clavis. Attamen quantumvis in se existimatione digna sit, nihil tamen habet quod homines pelliciat, quia duntaxat nihil habet quod sub sensus cadat per multa sæcula penitus neglecta fuit. Non pauci adhuc sunt qui vel ipsius nomen non cognoscunt; & inter mille homines vix unum reperias qui aliquatenus illam scientiam calleat. Doctissimi viri qui illam nostro sæculo renovaverunt, parum in ea progressi sunt, nec illam ordine & claritate quâ par erat tractaverunt; ut potè homines quemadmodum ceteri, & qui veritates illas quas voluptas sensibilis non comitatur tandem fastidiverunt. Voluntatis ipsorum peccato corruptæ inquietudo, mentis ab agitatione & sanguinis circulatione pendentis levitas, diutius non sinit ut magnis, vastis, & fecundis veritatibus quæ omnium veritatum mutabilium, quæ exactè cognosci possunt, normæ sunt immutabiles & universales, nutrentur.

Metaphysica pariter est scientia abstracta, quæ sensibus non blanditur, & in cuius studio mens nullam percipit voluptatem; atque hanc etiam ob causam ista scientia summoperè negligitur; ac sæpè occurrunt homines satis stupidi ut notiones communes audacter negent. Sunt qui negent id de aliqua re asseri posse & debere quod includitur clarè & distinctè in idea istius rei. Nihilum

nullas habere proprietates ; rem quampiam non posse in nihilum redigi sine miraculo ; nullum corpus posse moveri propriis suis viribus ; Corpus motum non posse communicare corporibus sibi obviis plus motûs quàm ipse habet ; & alia similia. Hæc axiomata visu satis fixo & distincto nunquàm contemplati sunt , vt eorum veritatem clarè percipere possent , & quandoque quædam fecerunt experimenta quibus falsò convicti fuerunt quædam inter illa axiomata non esse vera , viderunt certis casibus duo corpora visibilia sibi mutuò occurrere ac post mutuam collisionem vtrumque à motû desistere. In aliis verò casibus viderunt corpora pulsata plus habere motûs corporibus visibilibus à quibus pulsata fuerant ; jam autem visus ille quorundam experimentorum quorum rationes non assequuntur , ipsos ad id adducit vt de rebus decident adversus principia certa , quæque apud omnes attentos pronotionibus communibus habentur. Nonne considerare deberent motus posse transferri à corporibus visibilibus ad invisibilia quum corpora mollia sese mutuò pulsent , aut à corporibus invisibilibus ad visibilia in aliis casibus. Quum corpus aliquod de fune pendet, forfices quibus funis abscinditur , corpori illi non induunt motum sed materia quædam invisibilis. Quum carbo in pulveris pyrij cumulum iniicitur, non motus carbonis , sed materia quædam invisibilis omnes partes pulveris segregat , ipsisque tantum indit motum vt domum possit subruere. Mille modis incognitis materia invisibilis potest communicare motum suum corporibus crassis & visibilibus. Saltem id fieri non posse evidens non est , quemadmodum evidens est, vim moventem corporum non posse augeri nec minui viribus ordinariis naturæ.

Sic homines vident lignum quod in ignem iniicitur , desinere esse id quod est , omnesque qualitates sensibiles quæ in illo deprehendebantur interire ; & idè se meritò credere arbitrantur posse fieri vt res in nihilum vnde educta est redeat. Lignum videre desinunt , & nihil ampliùs cernunt præter cineres , atque hinc iudicant maximam ligni partem perire , quasi lignum non posset redigi in partes quas oculis percipere nequeant. Saltem id fieri non posse tam evidens non est , quàm evidens est vim quæ omnibus dat esse mutationi non esse obnoxiam , & viribus ordinariis naturæ, quod est in nihilum redigi non posse, sicut quod non existit, existere non potest iisdem viribus ordinariis naturæ. Sed plerique homines eò non possunt adduci vt in se descendant ad audiendam veritatis vocem, iuxtà quam de omnibus iudicare debent. Solis oculis de omnibus iudicium ferunt. Judicant prout sentiunt non verò prout intelligunt, quia scilicet cum voluptate sentiunt, sed cum labore intelligunt.

Si omnes omninò homines roges an extra erroris aleam possit asseri, totum esse majus sua parte; neminem fore opinor qui non protinùs respondeat quod respondendum est. Si postea ipsos roges num sine erroris periculo possit pariter asseri de aliqua re id quod clarè concipitur includi in idea illius rei; paucos certè videbis qui id strenuè ac sine hæsitatione fateantur; plures qui id negent, plerosque qui nesciant quid respondeant, attamen axioma illud Metaphysicæ; posse asseri de aliquâ re id quod clarè concipitur includi in ideâ quæ rem illam repræsentat evidentius est axioma quò asseritur totum esse majus sua parte; quia postremum istud axioma, non est axioma, sed tantum conclusio respectu prioris. Potest probari totum esse majus suâ parte per prius illud axioma, sed prius per nullum aliud probari potest. Omnium cognitionum clararum & evidentium fundamentum est absolute primum. Unde igitur fit ut nemo circa conclusionem hæreat, & multi de principio unde deducitur dubitent; nisi quia ideæ *totius* & *partium* sunt sensibiles, & quia oculis, ut ita dicam, suis unusquisque videt totum majus esse suâ parte; sed primi omnium scientiarum axiomatis veritas oculis non cernitur.

Cum in hoc axioma, nihil sit quod naturâ suâ mentem sistat eiusque attentionem eliciat, ut veritas ipsius evidenter agnoscat, oportet velle illud considerare & quidem voluntate constanti & firmâ. Tenax voluntatis propositum illecebræ externæ quæ isti axiomati deest vicem supplet. Sed obiectorum quæ sensibus non blandiunt, meditatio hominum mentem non subit, aut si subeat, in id nullo nisû contendunt.

Nam, ut idem persequar exemplum, totum esse majus suâ parte, montem marmoreum esse possibilem, & montem sine valle esse impossibilem evidenter vident, sed eadem cum evidentiâ Deum existere non iudicant. Tamen evidentia in his omnibus par dici potest; cum à primo principio hæc omnia æqualiter distent.

En primum principium. Rei tribuendum est id quod clarè concipitur includi in ideâ quæ rem illam repræsentat: clarè concipimus plus esse magnitudinis in ideâ totius quàm in ideâ partis: existentiam possibilem contineri in ideâ montis marmorei; existentiam verò impossibilem in ideâ montis sine valle, & existentiam necessariam in ideâ Dei, hoc est, entis infinitè perfecti. Ergo totum est majus suâ parte; Ergò mons marmoreus existere potest: Ergò mons sine valle existere nequit: Ergò Deus, seu ens infinitè perfectum necessariò existit. Hæc omnes conclusiones à primo omnium scientiarum principio æqualiter distare manifestum est.

Ergò in se æqualiter evidentes sunt. Ergò æquè evidens est Deum existere, ac evidens est totum esse majus sua parte. Sed quia ideæ infiniti, perfectionum, existentiae necessariae sensibiles non sunt ut ideæ totius & partis, ea nos non percipere imaginamur quæ non sentimus, & quamvis omnes istæ conclusiones in se æquè evidentes sint, ab omnibus tamen æqualiter non admittuntur.

Sunt qui persuadere conentur se non habere ideam entis infinite perfecti. Sed nescio quomodo positivè respondere possint, dum quis ab illis quæsit an ens infinite perfectum sit rotundum an verò quadratum, aut aliquid simile. Nam respondere deberent se id nescire, si verè nullam entis infinite perfecti habeant ideam.

Sunt alij qui fateantur eos benè ratiocinari, qui concludunt Deum non esse ens impossibile, ex eo quòd vident ideam Dei nullam involvere contradictionem aut non includere existentiam impossibilem; & tamen nolunt pari ratione concludi Deum necessariò existere, ex eo quòd existentia necessaria in idea Dei clarè concipitur.

Denique alij sunt qui hoc argumentum pro existentia Dei merum esse sophisma autument. Argumentumque illud nihil concludere nisi positò quòd verum sit Deum existere; quasi id non probaretur, hæc est probatio nostra. Rei tribuendum est id quod clarè concipitur includi in idea quæ rem illam repræsentat. Illud est principium generale omnium scientiarum. Existentia necessaria includitur in idea quæ repræsentat ens infinite perfectum. Id ab ipsis conceditur, atque ideò dicendum est ens infinite perfectum existere; maximè, inquiunt, positò quòd existat.

Sed argumentum ejuscemodi responsò ejusdemmodi excipiamus, ut de istius responsi soliditate iudicium fieri possit. En argumentum simile. Rei tribuendum est id quod clarè concipitur includi in idea quæ rem illam repræsentat; hoc est principium: Clarè concipiuntur quatuor anguli inclusi in idea quæ repræsentat quadratum; aut clarè concipitur existentia possibilis includi in ideâ turris marmoreæ: Ergò quadratum habet quatuor angulos: Ergò turris marmorea possibilis est. Dico conclusiones istas veras esse, positò quòd quadratum habeat quatuor angulos, & turris marmorea possibilis sit; quemadmodum respondent Deum existere, positò quòd existat: hoc est, uno verbo conclusiones istarum demonstrationum esse veras, positò quòd sint veræ.

Si equidem istud formarem argumentum; tribuendum est rei id quod clarè concipitur includi in ideâ quæ rem illam repræsentat; iam autem clarè concipitur existentia necessaria includi in ideâ corporis infinite perfecti, ergò corpus infinite perfectum existit.

existit. Si, inquam, sic argumentarer, fateor mihi responderi posse istud argumentum non concludere existentiam actualem corporis infinite perfecti; sed tantum positò quòd detur tale corpus, suam existentiam per se habiturum esse. Atque huius rei ratio est, quòd idea corporis infinite perfecti est mentis figmentum, aut idea composita, & quæ per consequens potest esse falsa aut contradictoria, ut reipsa est: nam corpus infinite perfectum clarè concipi nequit; cum ens singulare & finitum quale est corpus concipi nequeat universale & infinitum.

Sed idea Dei aut entis in genere, entis sine restrictione, entis infiniti, non est mentis figmentum. Non est idea composita quæ aliquam involvat contradictionem. Eà nihil est simplicius quamvis quicquid existit aut existere potest, complectatur. Jam autem idea illa simplex & naturalis entis, aut infiniti, existentiam necessariam includit: Nam evidens est ens (non dico *ens peculiare*) habere existentiam suam per se; & ens non posse non esse actū; cum impossibile & contradictorium sit ut verum ens sit sine existentia. Fieri potest corpora non esse, quia corpora sunt *talia entia*, quæ de ente participant & ab eo dependent. Sed ens sine restrictione necessarium est; independens est; id quod est à se ipso duntaxat habet. Quicquid est, ab ipso oritur, si aliquid existat, illud ens necessariò existit: cum quicquid est ab illo oriatur. Sed licet nihil singulare esset, esset tamen ens: quia est per se, nec clarè concipi potest ut non existens, nisi quis illud sibi repræsentet ut *ens singulare* & sic ideam ab ipsius ideâ prorsus diversam consideret. Qui enim non vident Deum esse, ens ut plurimum non considerant, sed *ens singulare*, atque ideò quod esse aut non esse potest.

Interim ut illud existentiae Dei argumentum distinctius concipiatur, ac nonnullis obiectionibus quibus urgeri posset clariùs respondeatur, recordandum est; quum videmus creaturam; Illam nec in se, nec per se nos videre. Illam enim, ut *tertio libro* probatum est, non videmus nisi ex quarundam perfectionum quæ in Deo sunt, & quibus illa repræsentatur, contemplatione. Ita istius creaturæ essentiam, ipsius existentia non positâ, notare possumus. In Deo id quod ipsam repræsentat cerni potest, licet illa non existat. Hanc ob causam existentia necessaria non includitur in idea quæ illam repræsentat, cum necessarium non sit ipsam esse ut videatur, sed res eodem modo non se habet de ente infinite perfecto; non potest videri nisi in se ipso; nam nihil est finiti, quod posset repræsentare infinitum. Deus igitur videri nequit nisi existat. Non potest videri essentia entis infinite perfecti, nisi ipsius existentia videatur. Non potest videri simpliciter ut ens possibile.

bile : nullâ re capitur : sique de eo cogitare possumus ; oportet necessariò ut existat.

Sed hæc demonstrationes hominibus vulgi proponere inutile est ; istæ demonstrationes *ad hominem* dici possunt quia omnes in genere homines non convincunt. Si ipsos convincere velis, proponendæ sunt demonstrationes sensibus magis accommodatæ, quæ sanè non desunt, nulla enim veritas pluribus probatur argumentis quàm existentia Dei. Istud duntaxat attulimus, ostensuri veritates abstractas, utpotè in sensus nostros nequaquàm ferè agentes illusiones & chimæras sæpè haberi, cùm è contrâ veritates sensibiles, palpabiles, quæque mentem ad sui considerationem impressione sensibili cogunt, multùm realitatis habere credantur, quia à peccato in mentem nostram vehementissimè agunt.

Eandem etiã ob causam, sperandi non datur locus vulgus huic demonstrationi unquam assensurum esse ad probandum animalia bruta non sentire ; nempe ; cùm sint innocentia, ut id apud omnes in confesso est, utque suppono ; si sensus capacia essent : contingeret ut Deo infinitè iusto & omnipotenti res dirigente, innocens dolore cruciaretur, quamvis dolor sit pœna & peccati puni-
Operi perf. tio, homines istius axiomatis evidentiam ut plurimum assequi nequeunt. *Sub iusto Deo, quicquam, nisi mereatur, miser esse non potest ;* quâ Augustinus sapientissimè utitur adversus Julianum ut peccatum originale & corruptione naturæ nostræ probet.

In isto axioma & in quibusdam aliis quibus bestias non sentire evincitur, nullam vim nullamque soliditatem esse arbitrantur, quia, ut jam diximus, hæc axiomata sunt abstracta, nec quicquam sensibilis aut palpabilis includunt, nullamque in sensus impressionem faciunt.

Actiones & motus sensibiles bestiarum ad vitæ suæ conservationem, argumenta sunt, quæ quamvis verosimilia tantùm nos multò magis tamen afficiunt ; & quæ ideò nos eò vehementius adducunt ut credamus bestias dolorem pati, dum percutiuntur dumque clamitant ; quàm ratio illa abstracta mentis puræ, quamvis per se certissima & evidentissima sit. Certò enim constat plerisque aliâ causâ ad id non adduci ut credant bruta prædita esse anima quàm visû sensibili eorum quæ à bestiis ad vitæ suæ conservationem aguntur.

Iuxta opinionem vulgarem pullum ex ovo formari, licet forsan tantum nutritur, liquor.

Id vel ex eo patet quòd plerique animam in ovo esse non arbitrentur, quamvis transformatio ovi in pullum longè difficilior sit ipsa pulli omninò formati conservatione. Quemadmodum maior requiritur solertia ad conficiendum horologium ex data ferri portione, quàm in dirigendis istius horologii semel instructi motibus ;

motibus; potius admittenda esset anima in ovo ut ex eo formetur pullus, quàm ut pullus ille omnino formatus conservetur. Verùm homines sensibus non percipiunt modum admirabilem quo formatur pullus quemadmodum semper percipiunt sensibus quomodo ad vitam conservandam necessaria quærit. Sic nullâ impressione sensibili ex motibus ad transformationem ovorum in pullos necessariis natâ ad id impelluntur ut credant animas esse in ovis, sed animalibus tribuunt animas propter impressionem sensibilem actionum externarum quas istæ animalia edunt ad vitæ suæ conservationem; quamvis ratione jam allatâ animæ ovis potius tribui possent quàm pullis.

Secunda hæc ratio, materiam scilicet sensûs & desiderii incapacem esse posset procul dubio haberi demonstratio adversus eos qui bruta sentire censent, quamvis ipsorum animæ sint corporeæ. Verùm homines rationes istas perpetuò potius confundent & obscurabunt quàm ad id adducentur ut rem argumentis tantummodò verisimilibus, sed maximè sensibilibus tamen & vividissimis contrariam pro verâ agnoscant. Nec poterunt penitus convinci nisi argumenta sensibilia argumentis sensibilibus quæ afferunt, opponantur, ipsisque sensibili ratione demonstretur quomodo omnes animalium partes nihil aliud sint quàm meræ machinæ; & quomodo possint moveri sine animâ, sola objectorum impressione, & constitutione quadam speciali, ut *Cartesius* id demonstrare incepit in *Tractatu suo de homine*. Omnes enim rationes certissimæ & evidentissimæ ex puro intellectu petitæ ipsos ab argumentis obscuris quæ à sensibus sint petita nunquam dimovebunt immò & ingeniis superficialiis ludibrium deberet qui probare aggrederetur ratiociniis paulò sublimioribus animalia non sentire. Maneat igitur altâ mente repostum, vehementem propensionem quâ versùs oblectationes, voluptates, ac in genere versùs ea omnia quibus afficimur, nos in quamplurimos errores injicere: quia cum mentis nostræ capacitas sit finita, ista propensio nos indefinenter dimovet ab attentione ad ideas claras & distinctas intellectûs puri, ad veritatem inveniendam aptas, ut nos adjungat ideis falsis, obscuris & fallacibus sensuum nostrorum; quæ voluntatem spe boni & voluptatis magis movent, quàm mentem lumine & evidentia illuminant ac erudiunt.

CAPVT XII.

De effectis quæ bonorum & malorum futurorum cogitatio in mente edere potest.

SI tenuissimas voluptates levissimosque dolores quos actû sentimus, aut etiam quos sentire tantùm speramus imaginationem nostram

mirum in modum perturbare sæpe contingat, nosque impediunt quominus de rebus juxta veras ipsarum ideas judicare possimus; arbitrandum non est æternitatis expectationem in nos non agere. Verum animadvertendum quid illa expectatio in mentem nostram producere valeat.

Ante omnia observandum est spem æternarum voluptatum non tantopere in mentem agere, quàm metum æternorum cruciatuum. Quia, nempe, homines non æquè amant voluptatem ac oderunt dolorem. Præterea suæ corruptionis conscientia adducti norunt, se dignos esse inferno; cum è contrà nihil videant in se quod mereatur mercedem tantam ut Divinæ felicitatis fiant participes. Quotiescunque volunt, immò sæpissimè cum nollent, severissimis pœnis potius quàm ullâ mercede dignos se esse sentiunt; namque ipsorum conscientia ipsos nunquam deserit. At eadem evidentia perpetuò non convincuntur Deum velle exercere misericordiam suam erga peccatores postquam justitiam suam in proprium filium exercuit. Itaque ipsi justi æternitatem cruciatuum vividius formidant quàm æternitatem voluptatum sperant: consideratio ergò pœnæ fortius agit ideâ mercedis. Hoc autem ferè, non sola equidem, sed ut causa præcipua, producere potest ea pœnæ consideratio.

Innumeros scrupulos in mentem injicit, quos ita confirmat ut exui nequeant. Fidem ad præjudicia usque, ut ita dicam, extendit, cultumque soli Deo debitum, in potestates imaginarias transfert. Mentem in superstitionibus vanis aut periculosis sistit; homines ad id impellit ut traditiones humanas, actiones ad salutem inutiles, pietatem Judaicam & Pharisaicam quam solus timor servilis excogitavit, maximo cum zelo & ardore amplectantur, ac eos denique eò nonnunquam cæcitatibus adducant, ut ad desperationem redigantur; adeò ut mortem veluti nihilum quoddam confuse spectent mortem suam stultè accelerent, ut ex sollicitudinibus quibus anguntur & terrentur emergant.

Scrupulosis æquè ac superstitionibus plus sæpè charitatis inest quàm philantia; sed in iis qui ad desperationem adducuntur viget sola philantia, nam ut dicam quod res est, is sanè se vehementer amat, qui mavult non esse, quàm esse malè. Mulieres, juvenes, ingenia debilia, scrupulis & superstitionibus maximè obnoxia sunt, at viri ad desperationem faciliùs rediguntur.

Horum omnium causas reperire difficile non est; Etenim cum idea æternitatis omnium idearum quæ mentem stupefacere imaginationemque percellere possunt maxima sit atque etiam maximè terribilis, ipsam longâ idearum adventitiarum serie stipari necesse est; quæ omnes simul non leve in mentem edant effectum, propter relationem quam habent ad ingentem illam & terribilem æternitatis ideam.

Quicquid ad infinitum aliquatenus refertur parvum esse nequit

aut si in se parvum sit, saltem per illam relationem magnitudinem sortitur nullis limitibus circumscriptam, quæque cum illo omni quod finitum est conferri nequit. Ita, quicquid aliquam habet, aut quod saltem aliquam habere imaginamur relationem ad alterutrum illud quod necessarium est, hoc est, ad æternitatem cruciatuum, aut ad æternitatem deliciarum nobis propositam, omnes animos qui planè stupidi non sunt terrere necessario debet.

Cùm fœminæ, juvenilis ætas, & ii quibus ingenium est debile, fibras cerebri, ut jam dictum est, molles & flexiles habeant, imaginationis vi, ex illorum alterutro, nempe ex cruciatibus aut ex deliciis æternis sibi propositis vestigia accipiunt altissima. Cùmque spiritûs ipsis affatim suppetant, ita ut sensûs quàm cogitationis capaciores sint, imaginationis vi, maximo falsorum vestigiorum falsarumque idearum adventitiarum, quæ nullam cum ideâ principali naturalem habent relationem numero obruuntur. Interea tamen, relatio illa, quamvis imaginaria, fovet & corroborat falsa hæc vestigia, falsasque ideas adventitias quæ ab eâ originem suam ducebant.

Cùm litigatores momentoso implicantur negotio, nec litium sunt periti; vanis identidem terrentur formidinibus; quia scilicet, metuunt ne quædam ipsorum causæ officiant ad quæ ipsi iudices animû ne advertunt quidem; quæque jurisperiti nequaquam formidarent. Negotium istud ipsis est tanti momenti, ut commotio in ipsorum cerebro inde orta, ad vestigia remota quæ nullam ad id habent relationem transmittatur. Res eodem modo se habet de scrupulosis; causas timoris & sollicitudinis gratis sibi fingunt. Et cùm voluntatem Dei in sacrâ scripturâ examinare; eosque quibus integra est imaginatio consulere deberent; ad legem imaginariam ipsorum cerebro moribus inordinatis inscriptam, indefinenter attendunt. Et quamvis debilitatis suæ intus convincantur, Deumque ab ipsis quædam officia quæ ipsi sibi præscribunt non exigere certò sciant; cùm ista à vero Dei cultu eos avertant; non possunt tamen quin imaginationem suam menti anteponant; ac quibusdam sensationibus confusis quibus terrentur & in errorem injiciuntur potius cedant, quàm evidentie rationis quæ ipsos firmat & in veram salutis viam revocat.

Multùm sæpè virtutis & charitatis occurrit in iis qui scrupulis quibusdam detinentur: at in iis qui superstitionibus addicti sunt, quique totam pietatem in ritibus Judaicis & Pharisaicis collocant, charitas & virtus longè rarior est. Deus in spiritu & veritate adorari vult; ficto atque ad pietatem composito vultu, externisque officiis contentus non est, nec coram ipso genua flectere ipsiusque laudes labiorum nescio quo murmure, à quo cor alienum est, dicere, sufficit. Homines hisce externis symbolis ideò tantùm contenti sunt quia cor scrutari nequeunt: Ipsi enim homines in spiritu & veritate adorari vellent. Deus igitur mentem nostram & cor expetit. Utrumque

fecit propter se , & propter se duntaxat utrumque conservat. Sed multi Deo res in quas summum jus habet perperam audent eripere. In corde ipsorum idola sunt , quæ in spiritu & veritate adorant , & quibus se totos devovent. Sed quia verum numen ipsis in intimo conscientiae æternos minatur cruciatûs ob infandum ipsorum ingrati animi crimen , nec tamen ab idololatriâ suâ desistere volunt ; bona quædam opera externè tantùm patrare decernunt ; jejunant aliorum more ; eleemosynas erogant ; preces fundunt ; ac in ejusmodi exercitiis aliquandiù persistunt ; quia verò iis quibus charitas deest molesta videntur ab iis plerumque desistunt , ut quibusdam minutis ritibus aut facilibus *devotionis* actionibus sese dedant , quæ cum philautia consonantes totam Ethicam Christianam necessariò quamvis sensim , evertunt. Hasce traditiones humanas quas perutiles esse ab hominibus imperitis acceperunt , quasque terribilis æternitatis idea ipsis indefinenter ingerit acriter tuentur , utpotè ad salutem planè necessarias.

De Justis res secùs se habet , ipsi etiam Dei sui minas , quemadmodùm & impii , intùs exaudiunt. Sed affectuum tumultus non impedit quominus ipsius consilia percipere queant. Falsis traditionum humanarum splendoribus ita non perstringuntur , ut lumen veritatis non sentiant : Jesu Christi promissis fidunt , ipsiusque consilia sequuntur ; quippe qui persuasum habeant promissa hominum non secùs ac ipsorum consilia vana esse. Nihilominùs tamen timor ille , æternitatis ideâ ipsorum menti incussus , eorum imaginationem nonnunquàm tantopere commovet , ut hasce traditiones omnino damnare non audeant , easque sæpè exemplo suo approbent , quia scilicet , *aliqua in istarum traditionum superstitione & falsâ humilitate apparet sapientia species*, ut in traditionibus illis Pharisaïcis , de quibus Paulus.

At verò quod hic præcipuè animadvertendum venit , quodque non tam morum pravitatem quam mentis perturbationem sapit , hoc est : timor , scilicet , ille , de quo jam suprâ , fidem æquè ac zelum eorum qui illo timore semel perculsi fuerunt , ad res etiam falsas ac Religionis nostræ sanctitate indignas sæpè extendit. Multi sunt qui credant , sed fide immotâ & pertinaci , terram in centro mundi immobilem stare , bruta realem sentire dolorem ; qualitates sensibiles in ipsis objectis diffusas ; formas dari aut accidentia realiter distincta à materiâ , cum multis aliis opinionibus falsis aut incertis , quia eas negando fidei se adversari existimaverunt ; Scripturæ sacræ formulis loquendi terrentur , quæ ut ab omnibus intelligi possit familiariter loquitur , ac per consequens phrasibus apud vulgus usitatis utitur Physicam nos docere non sollicita. Non modò spiritûs sancti dogmatibus & præceptis , verùm etiam Judæorum opinionibus fidem adhibent. Nec animadvertunt Josuam , exempli gratiâ , milites

suos alloquutum fuisse, ut ipse Copernicus, Galilæus, & Cartesius vulgus hominum alloquerentur. Certè licet Josua in eadem ac isti Philosophi fuisset sententiâ terram stare nequaquam jussisset; quia scilicet ejusmodi verbis inusitatis miraculum à Deo in populi gratiam editum, exercitui patefacere non potuisset. Qui solem immotum esse credunt, nonne, dum famulos, amicos, & eos etiam qui in eadem cum ipsis sunt sententia familiariter alloquuntur, solem oriri aut occidere dicunt. An dum de philosophando non agitur, sermone incognito & non vulgari uterentur? Præterea an ipse Josue perfectè callebat Astronomiam? aut si istius scientiæ peritus esset, an ipsius milites perindè? aut si ipse & milites Astronomiæ periti erant, quis dicat ipsos philosophari voluisse dum decertare duntaxat animo sedebat? Josua igitur ut loquutus est loqui debuit, etiamsi ipse cum militibus easdem habuisset opiniones quas nunc habent celeberrimi inter Astronomos. Istius tamen inclyti Ducis verba, *Siste Sol propè Gabaon*, & quod sequitur, solem scilicet ad ipsius imperium stetisse, eò multos adducunt ut credant hypothesin quâ mobilitas terræ stabilitur, non modò periculosa, sed etiam ita hæreticam esse ut sine fidei dispendio defendi nequeat, nonnullos viros pietate graves & venerabiles sanè hanc opinionem damnare audiverunt, quid doctissimo sæculi nostri Astronomo circa id rei contigerit confusè norunt; atque id sufficit ut fidem ad opinionem istam usque extendi pertinaciter credant: sensus quidam confusus motu quodam timoris quem ipsi non percipiunt, excitatus & sustentatus eos in suspensionem injicit adversus eos qui rationem in rebus quæ rationis sunt sequuntur. Illos tanquam hæreticos habent nec sine sollicitudine & mentis anxietate ipsos audiunt loquentes. Ac ejusmodi arcanae formidines eorum menti eandem inspirant venerationem & summisionem ergà istas opiniones vulgares & ergà multas alias merè Philosophicas, ac ergà veritates fidei.

CAPVT XIII.

I. *De tertia propensione naturali, nempe de amicitia quâ ceteros homines prosequimur.* II. *Ista propensio eò nos fert ut amicorum nostrorum cogitationes probemus eosque falsis laudibus decipiamus.*

I.
De tertia
inclinazione
naturali,
quæ est ami-
citia, quâ
ceteros ho-
mines pro-
sequimur.

EX omnibus inclinationibus in genere, & eo sensu quo primo capite explicui, sumptis, illa duntaxat superest quâ versùs illos qui cum vivimus, & versùs omnia objecta quibus circumcingimur, propendimus. Sed de illâ inclinatione seu propensione pauca duntaxat dicam, quia id Ethicam & Politicam potius spectat quàm institutum nostrum. Quoniam ista propensio cum animi affectibus semper conjuncta est, satius forsan foret illam in librum sequentem transmittere: Verùm ordo hac in re non est tanti momenti.

Ut istius inclinationis naturalis causam & effecta clarè intelligere possimus; tenendum est Deum omnia opera sua amare, illaque inter se arctè unire ut sese mutuò conservent. Cùm enim opera sua indefinenter amet, quippe quæ amore ipsius producantur; amorem etiam erga opera sua cordi nostro indefinenter imprimit, cùm amorem ipsius amoris similem in corde nostro indefinenter excitet. Ne autem amor naturalis quo nosmet ipsos prosequimur destruat aut nimis debilitet amorem quo erga ea quæ sunt extrà nos tenemur, utque contrà duo isti amores quos Deus nobis indit sese mutuò foveant & corroborent; Deus cum rebus quibus circumcingimur ac præcipuè cum entibus ejusdem speciei tam firmo vinculo nos univit; ut ipsorum malis naturaliter contristemur, ob ipsorum gaudia ipsi etiam gaudio afficiamur, ac eorum elevatione aut demissione, nos etiam elevari aut deprimi videamur. Novæ cognatorum & amicorum dignitates, noveorum qui ad nos proximè attinent quæsitæ, bellao parta & victoriæ à Principe nostro reportatæ, immò terræ in orbe novo recens cognitæ, substantiæ nostræ aliquid addere videntur. Quoniam enim cum his omnibus vinculo quodam uniti sumus, illorum magnitudine & progressu gaudemus: Istum mundum infinitum esse vellemus, ac istorum Philosophorum qui opera Dei nullis circumscribi limitibus censent, cogitatio, non modò digna Deo verum etiam homini cui nihil pulchrius videtur, quàm infiniti partem facere, gratissima est: quia utut in se ipso parvus sit, se tamen veluti infinitum eva-

dere censet, sese per entia infinita sibi circumjacentia diffundendo.

Unio equidem nostra cum omnibus corporibus quæ per ingentia hæc spatia volvuntur, non est admodum arcta, ac proinde plerisque homines fugit: nec desunt qui ea quæ in cælis reteguntur ita negligunt, ut iis ipsos naturâ nequaquam uniri meritò credas, nisi aliunde notum foret, istam negligentiam vel ex ignorantia oriri vel ex eo quod aliis rebus nimis adhærescunt.

Mens quamvis corpori suo unita, omnes tamen qui in eo excitantur motûs non semper percipit, aut si eos percipiat, ad eos semper non attendit. Cum affectus quo agitur sæpè vehementior sit sensatione quâ afficitur, objecto affectûs sui magis adhærere videtur quàm corpori suo. Namque per passiones præsertim, mens in externa objecta sese diffundit, & se reapse cum iis omnibus quibus circumdatur colligari sentit. Non secûs ac præcipuè sensationis ope per corpus diffunditur & agnoscit se unitam esse omnibus ipsius partibus. Sed quemadmodum ex eo quod quis aliquo affectu vehementer percitus sese ultrò morti objiceret; vitæ suæ prodigus, inferri legitimè non posset ipsius mentem corpori non uniri; ita arbitrandum non est nos naturâ omnibus non adhærere, quia quædam sunt quæ negligere videmur.

Ut, exempli gratiâ, cognoscas an homines Principi suo & patriæ adhæreant, ii examinandi sunt qui res eorum norunt, quique nullis privatis negotiis detinentur: tum comperies quanto ardore quid novi afferatur disquirent; quam sollicitè de præliorum eventu percontabuntur; quàm alacriter victorias de hostibus reportatas sibi nuntiari audient, quantâ verò mœstitiâ ob clades afficientur. Tunc homines Principibus suis & Patriæ strictè uniri clarè intelliges.

Pariter, ut cognoscas an homines Sinarum & Japoniæ regnis, Planetis & stellis fixis aliquo vinculo connectantur; oculos conjice in eos qui altâ in patriâ & familiâ suâ fruuntur pace, nullis agitentur affectibus sibi peculiaribus, quique unionem quâ cum rebus nobis cælo propioribus uniuntur actu non sentiant; atque agnosces, eos, si naturæ & magnitudinis istorum astrorum periti sint, non sine gaudio audituros esse quædam recens resecta fuisse; ea cum voluptate incredibili contemplabuntur, siquæ satis Astronomiæ periti sint, eorum motûs observare & dimetiri cum summo labore non dubitabunt.

Qui multis implicantur negotiis, an Cometes appareat an verò sit Eclipsis parùm solliciti sunt: qui verò à rebus sibi proximis tantoperè non dependent, ad ejusmodi eventûs attenti sunt. Quia reipsâ nihilest cui aliquo vinculo non adhæreamus, licèt unionem illam semper non sentiamus; quemadmodum semper non sentimus mentem nostram uniri, non modò brachio aut manui, verùm etiam cordi & cerebro.

Arctissima unio naturalis quam Deus inter nos & opera sua in-

stituerit, ea est quâ cum hominibus quicum degimus unimur. Illos non secus ac nosmet ipsos amare Deus nos iussit, utque amor ex liberâ voluntatis electione natus tenax sit & perennis, illum Deus fovet & corroborat amore naturali quem nobis imprimit. Quocirca quædam nobis indidit vincula invisibilia quibus ad eos amandos necessario adigimur. Ita ut eorundem vinculorum ope ipsorum conservationi non secus ac nostræ consulamus: ipsos habeamus ut partes essentielles totius quod componimus, ac sine quo subsistere nequimus.

Istis convenientis naturalibus, quæ inter inclinationes hominum, inter ipsorum corporis motus, & inter istas inclinationes, istosque motus ad se invicem occurrunt mirabilius nihil est. Arcana illa concatenatio miraculum est omni admiratione majus, quodque nemo unquam mente assequi poterit. Ad alicujus doloris subito nati quemque propriis nostris viribus superare non possemus sensum; ingentem, exempli gratiâ, clamorem edimus. Clamor sæpè ex improvviso & sola machinæ dispositione ortus aures eorum pervadit qui in tantâ non sunt distantia, ut auxilium tum temporis necessarium præbere non possint; ipsos cujuscunque tandem sint gentis aut conditionis penetrat, & attentos efficit; namque ejusmodi clamor omnibus linguis & conditionibus communis esse debet, & est actu. Cerebrum agitat totamque uno instanti eorum qui isto clamore perculsi sunt corporis dispositionem immutat. Immo ad auxilium ferendum vel incogitantes inducit. At verò non diù durat iste clamor quin agat in ipsorum mentem ipsisque desiderium inspiret opis ei ferendæ qui prece ista naturali usus est. Dummodò tamen supplicatio ista naturalis seu potiusurgens illud imperium, sit justum & societatis legibus conforme. Nam clamor temerarius, gratis & ex vano terrore ortus, indignationem & ludibrium pro misericordia apud adstantes parit, quia qui sine causa clamat, rebus à naturâ ad nostri conservationem institutis, abutitur. Clamor iste temerarius averfationem naturaliter gignit & compellit ad ulciscendam injuriam naturæ, hoc est, rerum ordini, factam, si saltem de industriâ editus fuerit: sed nihil præter *risum* commiseratione aliquâ admixtum movere debet, sine averfatione ac sine vindictæ desiderio; si clamor ille à quopiam vano terrore & falsâ periculi specie perculso, editus fuerit, ut enim à terrore liberetur & imposterum à clamando sine causâ desuescat, *ridendus* est; sed misericordia opus est ut ipsi quatenus infirmo succurratur, nihil ordini magis consentaneum concipi potest.

Hic quænam organa quasve convenientias author naturæ in hominum & cæterorum animalium cerebro posuit ad fovendam concordiam & unionem ipsorum conservationi necessariam ullo exemplo explicare non aggredior; quædam tantum super hisce organis animadvertere contentus, ut alii postea sedulo meditentur & scrutentur;

tur; non quomodo organa illa moveantur, nec quomodo ipsorum motus, per aërem, per lucem, & per omnia corpuscula quæ nos circumdant communicentur; id enim captum ferè superat, nec necessarium est; sed saltem ut illorum organorum effecta noscantur, variis observationibus vincula quibus mutuo unimur cognosci possunt; sed quo pacto hæc omnia fiunt, illud demum est quod accurate sciri nequit. Horologium horas indicare nullo negotio percipimus, sed tempore opus est ut scire valeamus quibus id fiat rationibus: jam verò tot varia sunt organa in cerebro minimi animalium, ut in machinis arte factis & maximo elaterum numero constantibus, nihil simile reperiatur.

Si organa machinæ nostræ omnino nosci nequeant, nulla etiam est ea accurate cognoscendi absoluta necessitas; at verò ut rectum observetur vitæ regimen effecta quæ in nobis edere valent perfectè cognoscere necesse est. Quomodo horologium compactum sit ut illo uti possimus tenere necesse non est; sed ut illius ope tempus nostrum metiri queamus, illud horas indicare necessariò saltem cognoscere debemus. Attamen sunt homines ad meditationem adeò inepti, ut illos machinis sensu destitutis haud immeritò similes esse dixeris. Apud se ipsos nequaquam sentiunt organa moveri, ad objectorum præsentiam sæpè agitantur, dum vix motuum suorum conscii sunt; servi sunt, nec sentiunt vincula. Innumeris denique variis rationibus ducuntur, quamvis manum quâ reguntur non noscant, putant se omnium motuum quibus percelluntur autores esse: Nec quod in ipsis actu libero voluntatis suæ, ab eo quod corporum adjacentium impressione agitur, distinguentes, arbitrantur se proprios sui duces esse, eodem ipso tempore quo alio ducuntur. Sed istorum explicandorum hic non est locus.

Convenientiæ quas Author naturæ inter inclinationes nostras naturales instituit, ut mutuo inter nos vinculo uniremur, attentione & scrutationibus nostris, iis quæ inter corpora, aut inter spiritûs relatè ad corpora sunt, digniores videntur. Omnia enim ita ordinata fuere, ut inclinationes quæ societati maximè repugnare videntur ipsi tamen utiliores sint, dummodo sint temperatæ.

Cupiditas, exempli gratiâ, quâ cuncti homines flagrant dignitates possidendi, tendit per se ad societatis destructionem. Nihilominus cupiditas illa ordine naturæ ita temperatur ut Reipublicæ longè utilior sit multis aliis inclinationibus moderatioribus. Etenim, æmulationem movet, ad virtutem incitat, & eorum animum qui de Patria benè merentur, sustentat; nec tot reportarentur victoriæ, nisi milites ac præcipuè duces, ad gloriam & munia collimarent. Itaque singula exercitûs membra, dum sibimet ipsis tantum consulunt, bono tamen Patriæ conferunt: unde patet, publicæ utilitatis esse omnes homines secreto gloriæ desiderio moveri, dummodò desiderium illud sit temperatum.

Verùm, si singuli privati mentem suam sincerè aperirent, si coramaliis se ad id tendere ut corporis cuius sunt membra præcipue partes fiant, nec ultimum unquam locum obtinere velle, ingenuè profiterentur, hoc pacto societatem nunquam inirent. Omnia ejusdem corporis membra non possunt caput & cor esse; in eo etiam pedes, manus, magni non secus ac parvi, qui obediant non secus ac qui imperent esse debent, si unusquisque se semper dominari nunquam verò obedire velle palàm diceret ut id unusquisque optat naturâ suâ, omnia corpora politica hoc pacto interirent, confusio & injustitia ubique grassarentur.

Necesse igitur fuit eos qui ingenio perspicaciori præditi sunt, qui ad id aptiores nati sunt ut nobiliores hujusce corporis partes essent, cæterisque imperarent, naturâ urbanos & comes esse. Hoc est, inclinatione quadam secretâ ad id ferri, ut in verbis & agendi rationibus comitatem & urbanitatem præ se ferentes aliis testarentur se omni existimatione indignos esse, ac tenuitatis conscios in eâ esse opinione ut se infirmum inter homines locum occupare credant; Eos verò quos alloquuntur quibuslibet honoribus dignos esse, ac eos se maxima existimatione & veneratione colere. Denique, deficiente charitate & ordinis amore, necesse fuit superiores callere artem fallendi inferiores fictâ humilitate, in solâ specie externâ, in verbis scilicet duntaxat positâ; ut istâ quæ in omnibus societatibus civilibus necessaria est præcellentiâ sine invidia frui possent. Quippe hoc pacto, cuncti homines gloriam quam cupiunt aliquatenus possident. Magnates realiter, * parvi verò & tenues imaginariè; scilicet aliorum blandimentis decepti, se pluris æstimari quàm fert ipsorum conditio, hoc est se non in infimo ordine collocari, sibi persuadent.

*Secundùm
hominem
loquor nam
vera hujus
et mundi
magnitudo
à solâ ima-
tione pen-
det.

Hinc obiter colligere est eos qui de se sæpè loquuntur, præcipue si id quod de se dicunt aliquâ laude dignum sit, adversus civilitatem vehementer peccare, licet quibuslibet animi virtutibus reapse forent præditi, quoniam non licet cum iis quorum colloquio uteris ira agere quasi essent infra te positi, nisi in quibusdam casibus, ubi, exempli gratiâ, notis quibusdam externis & sensibilibus suprà illos emines. Etenim contemptus injuriarum est atrocissima: illo præcipue societatis vinculum rumpitur; nec est quod speremus fore ut homo cui notum esse potuit, se à nobis tanquam inferiorem haberi possit unquam societatem nobiscum jungere, quia homines ferre nequeunt se haberi ultimam partem corporis quod constituunt.

Ista igitur innata hominibus inclinatio utendi verborum lenociniis maxime propensionem quâ ad gloriam feruntur cohibet, & aptissima est ad leniendum dolorem internum quo ii afficiuntur qui ultimas constituunt corporis politici partes. Nec dubium est quin ambæ istæ inclinationes, altera scilicet quâ ad blandimenta, altera verò quâ ad gloriam propendemus simul junctæ ad societatem fovendam sint utilissimæ.

Verum in hisce inclinationibus non secus ac in amicitia, misericordia, benevolentia & cæteris quæ uniendis hominibus inter se invicem inserviunt incredibilis est corruptio. Quod societatem civilem fovere deberet ipsius exitio sæpè plurimum confert; ac ne ab argumento recedam id errori stabiliendo & propagando inseruit.

Inter omnes inclinationes ad societatem necessarias, amicitia, favor, grati animi motus, & illæ omnes quibus ad id adducimur ut amicis etiam coram nimias laudes tribuamus, nos maximè in errorem injiciunt.

Amorem nostrum in solis amicis non terminamus, ea omnia etiam amamus quæ ad illos aliquatenus pertinent; & quia opinio-
num suarum ut plurimum sunt acerrimi vindices; eò nos senlim
flectunt ut ipsis credamus, ipsorumque opiniones approbemus illas-
que pertinacius & vehementius ipsis sæpè tueamur: Quia si opinio-
nes suas nimio impetu defenderent id ipsos sæpè non deceret. Cum
contrà nemo possit vitio vertere si nos ipsas tutemur; in ipsis id phi-
lantia, in nobis verò generositati imputetur.

Cæteros homines amore complectimur pluribus de causis, nobis
placere & utiles esse multifariam possunt. Ingeniorum, affectuum, &
negotiorum conformitate ipsorum specie externa, agendi rationibus,
virtutibus, bonis, amore & existimatione quâ nos prosequuntur, effi-
ciis quæ ab ipsis accepimus aut speramus & multis aliis causis specia-
libus ad ipsos amandos determinamur. Si igitur contingat ut quis
inter amicos nostros, hoc est, qui iisdem ac nos moveatur affectibus,
qui sit eleganti corporis formâ, qui facundè & scitè animi sensa ex-
primat, quem virtute ornatum vel summo loco ortum credamus,
qui amorem & existimationem nobis testetur, qui benè de nobis me-
ritus sit, aut cujus opem aliqua in re speramus, aut quem denique
ob aliquam aliam causam amemus; si, inquam, contingat, ut homo
ille aliquam proferat propositionem, illam statim, ratione ad examen
nequaquam adhibitâ, haurimus. Ipsius opinionem an sit vera nec-
ne securi, immò sæpè reluctantè conscientia, pro obscuritate & con-
fusionè mentis nostræ, pro cordis nostri corruptione, & pro utilitate
quam ex falsâ generositate nostra speramus, defendimus.

Hujusce rei exempla sigillatim asferre foret inutile; vix enim un-
quam per unicam horam quis alicui cæui, potest interesse, quin
multa ipso experiatur, si saltem attendere velit. Veritati rarò plau-
ditur, sed iis sæpè qui amorem adstantium sibi conciliaverunt. Qui
loquitur comis est & urbanus; ergò benè ratiocinatus est; sufficit id
quod dicit esse duntaxat verisimile, ut verum habeatur. Ac si quæ
protulit sint ridicula & absurda, saltem ipsis tribuetur verisimilitudo.
Is homo me amat, me existimat, mihi multa præstitit officia, & nunc
præstare potest, alias opiniones meas defendit, ingrati animi & im-
prudentiæ crimen à me non declinarè si ipsius jam opinonibus oblu-

etarer, imò non assentirer. Sic veritati illuditur, ipsam nostris affectibus subicimus, & falsas hominum opiniones mutuâ indulgentia amplectimur.

Vir probus succensere non debet quum docetur & eruditur, dummodò juxtà urbanitatis leges id fiat; & cum amici ægrè ferunt se de erroribus suis modestè à nobis moneri; tum sibi ipsis & erroribus suis permittendi sunt, cum id velint, nec ipsis quicquam imperare, aut ipsorum mentem mutare non valeamus.

Sed verus amicus errores amici probare nunquàm debet. Etenim ad id esset attendendum, nos scilicet iis magnopere officere, dum ipsorum opiniones temerariè defendimus. Elogiis nostris cor ipsorum intumescit, & errores mentis roborantur. Eò deveniunt ut resipiscere nequeant; ac denique agunt & decidunt non secùs ac *αἰσχροπρεπῶς* facti essent.

Unde quæso, sit ut ditissimi, potentissimi, nobilissimi, ac ii omnes in genere qui supra cæteros eminent sibi tribuant *αἰσχροπρεπῶς*; & eodem se gerant modo, ac si inferioribus essent sapientiores, nisi quia ipsorum cogitationes indiscriminatim & serviliter probantur? Ita assensus quem præbemus amicis illos eò sensim adducit ut credant se præstantiori cæteris pollere ingenio. Quo pacto superbi, audaces, imprudentes, & in crassissimos errores proni fiunt, nec id animadvertunt.

Hanc ob causam inimici nostri sæpè nobis utiliores sunt, ac mentem magis erudiunt suis oppositionibus, quàm amici, suis approbationibus. Quia inimici nostri ad id nos adigunt ut nobis ipsis præcaveamus, rebusque quæ in medium proferimus attendamus; quod sufficit ut errores agnoscamus. At amici nostri nos falsâ sopiunt confidentiâ, quâ vani & ignari efficimur. Homines igitur amicos suos admirari, ipsorum sententias amplecti præ amicitia nunquàm debent quemadmodum inimicis præ inimicitia ipsos adversari æquum non est. Sed spiritum adulationis aut contradictionis exuere debent ut sinceritatem profiteantur, utque evidentiam & veritatem, ubi ubi sit, approbent.

Id etiam altâ mente repostum manere debet, scilicet, plerosque ad adulationem & lenocinia pronos esse, inclinatione quadam naturali, sive ut ingenio præditi videantur, sive ut benevolentiam captent, sive ut ipsis par referatur, sive denique malignitatis & derisionis animo. Nec iis omnibus quæ nobis dici possunt tutum est fidem incautam adhibere. Nonne videmus quotidie homines sibi invicem ignotos, sese mutuò laudibus ad astra evehere etiam quum primâ vice colloquuntur? Quotidie videas oratorem qui concionem habuerit laudibus hyperbolicis extolli & cum admirationis iudiciis ab eodem excipi, qui mos eum exhibilaverat, ac coram iisdem subsannationum testibus. Quotiescunque quis exclamat, præ admi-

ratione palleſcit, ac veluti attonitus hæret, is qui loquitur mira ſe dicere idè inferre non debet; ſed potiùs ſe coram adulatoribus loqui, ſe ab amicis temerariè laudari, aut ab inimicis malignè rideri. Vel forſan, admirationem ſibi conciliat quia eleganter & aptè ad perſuadendum loquitur, quia dives eſt vel authoritate pollet, vel ſi maior, ex eo oritur approbatio quod ea quæ proferunt notionibus ſenſuum confuſis & obſcuris, ſed vividis & jucundiffimis nitantur, aut quia imaginationis igniculis micat, cum laudes amicitiae, divitiis, dignitatibus verifimilitudinibus, ſed raro veritati tribuantur.

Quis fortè ſperaverit, me, examinatis in genere inclinationibus mentis, tranſiturum eſſe ad explicationem ſingularem omnium motuum ſpecialium quibus afficiuntur mentes ad boni & mali præſentiam, hoc eſt, me explicaturum naturam amoris, odii, gaudii, trititiae, & omnium affectuum intellectualium tam generalium quàm ſpecialium, tam ſimplicium quàm complexorum. Sed varios quibus mentes agitari poſſunt motus explicare mihi non propoſitum eſt.

Obſervari duntaxat velim quaecunque hætenus de Inquirenda Veritate ſcripſi, ea mente à me ſcripta fuiſſe, ut homines debilitatis & ignorantiae ſuae convincerent; utque ipſos docerem quantopere errori & peccato omnes obnoxii ſimus. Id jam dictum repeto iterum atque iterum; forſan memoriae mandabitur: de mentis naturâ accurate & penitus tractandi nunquam fuit animus. De ea tamen aliquid perſtringere oportuit, ut errores in principio ſuo, ordine, & clare poſſem explicare. Ac ſi limites mihi primâ fronte præſcriptos ſum tranſgreſſus; id ex eo ortum eſt quod nova quædam mente ſubierint, quæ non levis eſſe momenti mihi videbantur, quæque non ſine voluptate lectum iri arbitrabar. Mea forſan me ſefellit opinio, niſi tamen rem ſic credidiſſem vix id à me obtinere poſſem ut ea ſcriberem. Quis enim loquatur niſi attentionem ab auditoribus ſperet? Multa equidem dixi quæ ad inſtitutum minus facere videntur, quàm particularis motuum mentis tractatio; id non diffiteor; ſed dum ordinem mihi præſcripſi, frænum tamen ingenio injici nolo. Ordinem mihi præſcribo qui me regat, ſed id mihi ſemper concedi volo ut iter faciundo caput identidem deſſectam, ſi quid occurrat memorabile. Immo à viâ nonnunquam ſecedere mihi licet ut & quieſcam modò nunquam aberrem. Qui mecum quieſcere nolunt in itinere poſſunt pergere; per me licet: vertant folium ſi lubet; at ſi diverticula mea ægrè ferant meminerint tamen, non paucos eſſe, qui locis in quibus requieſco, recreati, alacriùs reliquo itinere deſunguntur.



DE

INQUIRENDA VERITATE.

LIBER QUINTVS.
DE AFFECTIBVS.

CAPVT PRIMVM.

De naturâ & origine affectuum in genere.

MENS humana duas habet relationes essentielles aut necessarias, admodum diversas alteram ad Deum, alteram ad corpus suum. Quatenus mens pura, Verbo Divino, sapientiæ & veritati æternæ essentialiter unitur; hac enim solâ unione cogitationis est capax; ut Libro tertio explanatum fuit. Quatenus mens humana, relationem habet necessariam ad corpus suum; nam quia isti unitur corpori sentit & imaginatur, ut primo & secundo Libro demonstratum fuit. Mens nomine *sensus* aut *imaginationis* indigitatur, quum corpus ipsius cogitationum causa est naturalis & occasionalis; Et eadem mens *intellectus* nomine designatur, quum agit per seipsam; seu potius quum Deus agit in ipsâ, quumque lumen divinum ipsi affulget sine ulla relatione necessariâ ad ea quæ in corpore aguntur.

De voluntate res eodem planè modo se habet. Quatenus voluntas ἀπλῶς, ab amore quo Deus seipsum complectitur, à lege æternâ, uno verbo à voluntate Dei essentialiter pendet. Aliquid amamus, duntaxat quia Deus seipsum amat; ac nisi Deus seipsum amaret, aut

nisi in mente humanâ amorem suo similem, hoc est, motum illum amoris quo erga bonum in genere afficimur indefinenter imprimeret nihil amaremus, nihil vellemus, ac ideo sine voluntate essemus; *Primolibro* cum voluntas nihil aliud sit quàm impressio naturæ, quâ versùs bonum in genere ferimur, ut multoties jam dictum est.

Sed voluntas, quatenus voluntas hominis, à corpore essentialiter pendet; nam propter solos sanguinis & spirituum motus, commotionibus sensibilibus agitur. Igitur, *inclinationes naturales* nuncupavi, omnes mentis motus nobiscum puris intelligentiis communes; & Libro præcedenti nonnullos explicavi ex iis quæ corpus valdè afficiunt, quamvis illorum causam finis non sit nisi indirectè: Hic verò *affectus* seu * *passiones* voco, omnes commotiones quibus mens agitur * Gall. *Passions.* occasione motuum extraordinariorum spirituum & sanguinis. De ejusmodi commotionibus sensibilibus hoc Libro agetur,

Licet *passiones* ab inclinationibus separari nequeant, nec homines alicujus amoris aut alicujus odii sensibilis sint capaces, nisi quia amoris & odii spiritualis capaces sunt. Illas tamen seorsim tractandas esse duximus, ordinis ergo. Qui *passiones* multo vehementiores & vividiores esse inclinationibus naturalibus, illasque ut plurimum in alia objecta ferri, ac semper produci ab aliis causis, attenderit; is agnoscat me non immeritò separasse res naturâ suâ inseparabiles.

Homines sensationum & imaginationum non sunt capaces nisi quia purarum intellectuum sunt capaces; cum sensus & imaginatio à mente sint inseparabiles, nemo tamen est qui hasce facultates seorsim tractari non probet, quamvis naturâ suâ sint inseparabiles.

Denique sensus & imaginatio ab intellectu puro non magis differunt, quam *passiones* ab inclinationibus. Itaque has duas posteriores facultates separare oportuit quemadmodum tres priores separare solemus. Ut melius discernere possimus quid mens ab Authore suo relatè ad corpus recipiat, ab eo quod habet ab illo sine ulla relatione ad corpus.

Hoc solum ex istâ rerum naturâ suâ conjunctarum separatione orietur incommodum nempe, ut fieri solet in ejusmodi casibus, multa ex iis quæ jam diximus repetere cogemur.

Homo unus est quamvis constet ex multis partibus, atque istarum partium ita arcta est unio ut nulla in parte possit tangi quin totus moveatur. Omnes ipsius facultates à se invicem ita dependent, & ita subordinantur, ut una explicari non possit quin de cæteris aliquid deliberetur. Sic dum ordinem confusionis evitandæ gratiâ nobis præscribimus, multa repetendi incumbit necessitas, sed præstat repetere quàm confundere, quia claritati studendum est. Res commodius transigi nequit in hac repetendi necessitate quàm si ita repetamus ut repetitiones fastidium non creent.

Passiones animi sunt impressiones Authoris naturæ, quæ ad id nos

ferunt ut corpus nostrum & quicquid ipsius conservationi utile esse potest amemus, non secus ac inclinationes naturales sunt impressiones auctoris naturæ quibus ad ipsum amandum ut summum bonum præcipue ferimur.

Causa naturalis vel occasionalis harum impressionum est motus spirituum animalium, qui per corpus diffunduntur, ut in eo dispositionem objecto quod percipitur congruam producant, & foveant, adeo ut mens & corpus sibi in hac occasione mutuam ferant opem. Hic enim ordo à Deo fuit institutus, ut voluntates nostras motus corporis ad illas executioni mandandas apti, sequantur; utque motus corporis nostri alicujus objecti præsentia in nobis mechanicè excitatos affectus animi comitetur, qui eò nos inflectat, ut velimus ea quæ tunc sunt utilia corpori nostro. Hæc est impressio perpetua voluntatis Divinæ in nobis, quæ certæ cuidam portioni materiæ tam arctè unimur; siquæ ista impressio voluntatis Divinæ per unicum cessaret momentum, ab illo ipso momento, ab illa liberaremur dependentiâ in qua versamur ab omnibus quæ corpori nostro contingunt mutationibus.

Quippe satis assequi non possumus quomodo nonnulli autement esse connexionem omnino necessariam inter motus spirituum & sanguinis, & commotiones mentis. Quædam bilis particulæ in cerebro vehementer moventur; ergo mentem aliqua passione agitari istamque passionem potius esse iram quàm amorem, necesse est. Quænam concipi potest analogia inter ideam vitiatorum inimici cujuspiam, inter contemptus & odii affectum, & motum corporeum partium sanguinis qui in quasdam cerebri partes irrumpunt? Quis potest imaginari hos motus ab illis pendere? Unionemque duorum æquè diversorum & incompatibilium ac sunt mens & corpus, posse produci & foveri aliter quàm voluntate perpetuâ & omnipotenti auctoris naturæ.

Qui corpora motum suum, ubi concurrunt, necessario & per se sibi invicem communicare existimant, saltem aliquid verisimile cogitant. Etenim ista opinio aliquo fundamento niti videtur. Corpora cum corporibus essentialem analogiam habere videntur: sed mentes & corpora sunt duo genera entium adeo diversa, ut qui mentis commotiones cum motibus spirituum & sanguinis necessario conjungi arbitrantur, rem omni verisimilitudine destitutam cogitent. Certè solâ experienciâ quæ istius unionis inter duo hæc entia apud nos conscius sumus, & solâ perpetuarum Dei operationum in suas creaturas ignorantia, ad id ferimur, ut unionem mentis cum corpore alii tribuamus causæ quàm voluntati Divinæ.

Decidere difficile est an convenientia illa, seu connexio cogitationum mentis cum motibus corporis sit pœna peccati, an verò sit naturæ donum; nec desunt qui credant eos esse temerarios qui alterutram istarum opinionum eligunt. Nemo est qui nesciat hominem ante peccatum

peccatum non fuisse servum, sed affectuum suorum dominum, agitationemque sanguinis quâ producuntur nullo negotio voluntate suâ stitisse. Sed ægrè crediderim, corpus non sollicitasse mentem primi hominis, ad eorum investigationem, quæ vitæ conservationi erant idonea. Haud facile mihi persuaserim Adamum ante peccatum fructus visui jucundos & palato suaves non judicasse, saltem si scripturæ testimonio fidem adhibeam, nec possum ad id adduci ut credam œconomiam tam justam, tam admirabilem sensuum & passionum ad corporis conservationem, esse potius naturæ corruptionem quàm ipsius institutionem.

Natura equidem nunc est corrupta; id extrâ omne dubium est; corpus in mentem æquo vehementius agit, cum ipsi suas necessitates summisse repræsentare deberet; illam tyrannicè habet & Deo eripit cui insolubili vinculo uniri deberet; illamque ad rerum sensibilem, quæ conservationi suæ utiles esse possunt, indagationem perpetuè appellit. Mens veluti materialis & terrestris peccato facta est. Analogia & unio essentialis quam cum Deo habebat interiit; scilicet Deus ab ipsâ secessit, id tamen ita fecit ut penitus illam non perdiderit & annihilaverit. Ab illius absentia seu remotione qui ipsam in ordine conservabat innumeræ ortæ sunt inordinationes, atque ut à longiori ærumnarum nostrarum enumeratione abstineam, hominem ex quo lapsus est in omnibus partibus suis corruptum esse fateor.

Verùm enim verò lapsus iste opus Dei non destruxit; Quod Deus primùm homini dedit, in eo semper agnoscitur; Et voluntas Dei immutabilis, quæ uniuscujusque rei naturam constituit, inconstantia & levitate voluntatis Adami, non fuit immutata. Quicquid Deus vult id vult adhuc; & quia voluntas ipsius est efficax, efficit quicquid vult: Peccatum hominis equidem occasio fuit istius voluntatis Divinæ, quæ constituit ordinem gratiæ; sed gratia non est contraria naturæ. Altera non destruit alteram. Quia Deus adversus seipsum non pugnat, ipsum nunquam pœnitet; & cùm ipsius sapientia careat limiribus, opera ipsius sine etiam carebunt.

Igitur, voluntas Dei, quæ gratiæ ordinem efficit, additur voluntati quæ efficit ordinem naturæ, ut eam reparet, non verò ut eam mutet. Nihil in Deo est præter duas illas voluntates generales: Et quicquid est benè ordinati in terris, ab alterutrâ harum voluntatum pender. Passiones optimè ordinatas esse, si duntaxat considerentur relatè ad corpus, infra patebit, quamvis nos fallant in quibusdam casibus raris & peculiaribus, quibus causa universalis mederi noluit. Concludendum igitur est passiones esse ordinis naturæ, cùm non possint esse ordinis gratiæ.

Si equidem attendamus peccatum primi hominis nos auxilio Dei semper præsentis & ad nostri defensionem semper parato privasse, dicere possumus hoc sensu peccatum esse causam unionis nostræ cum

rebus sensibilibus, quia peccatum à Deo nos sejunxit, per quem solum à servitute possumus liberari.

Sed missâ inquisitione primæ Passionum nostrarum causæ, illarum extensionem, naturam, finem, usum, vitia, & quicquid complectuntur, expendamus.

CAPVT II.

De unione mentis cum rebus sensibilibus, vel de vi & extensione affectuum in genere.

Qui ad hujusce Operis lectionem sese accingunt si iis quæ apud seipsoſ sentiunt tantillum attendere vellent; non opus esset me ostendere nos ab omnibus objectis sensibilibus per dère. Hic nihil possum dicere quod omnes sibi notum esse non sentiant, dummodò attendere velint. Quapropter de iis nihil quicquam dicere enixè optarem. Sed cùm experienciâ mihi constet, homines sæpè ita supinè sui ipsorum oblivisci, ut ad ea quæ sentiunt nequidem animum advertant, utque eorum quæ in mente aguntur causam nequidem quærant; haud abs re fore existimo si quædam hic prælibem quæ ipsos edò adducant ut ad ea animum advertant. Immodò spero fore ut ii quibus ea quæ dicturus sum jam nota sunt hanc lectionem iniquo non ferant animo. Nam etiamsi eorum quæ scimus sola repetitione non delectemur, ex eorum tamen quæ & scimus & sentimus eodem tempore aliquam voluptatem possumus percipere.

*Tunc beatissimi
esse: e iudica
cum tibi ex
eo: audiam
tunc nasce-
tur, cum in
bis qua ho-
mines eripi-
unt, sperant,
custodiunt,
nihil in ve-
neris, non
dico quod
malis sed
quod velis.*

Spestatissima Philosophorum secta, cujus etiamnum hodie placitis non pauci gloriantur, edò nos vellet adducere ut credamus felicitatem nostram penes nos esse. Stoici nobis perpetuò occinunt homines à seipsis solis pendere debere: honoris, bonorum, amicorum, cognatorum jacturam ægrè non esse ferendam; æquam semper servandam esse mentem, & ab omni sollicitudine vacuum, quicquid contingere possit. Exilium, injurias, probra, morbos, & mortem ipsam non esse mala, nec formidanda esse. Innumera denique nobis propinant ejusce cemmatis, quibus assensum non ægrè præbemus, tum quia præ superbiâ cordis nostri ἀντιπαρὲν ἀγαπᾷ amamus, tum quia ratio nos docet pleraque mala quibus reapse affligimur, non posse nos dolore afficere, si omnia in ordine starent.

Sed Deus nobis corpus dedit & per illud corpus nos omnibus sensibilibus univit. Peccatum corpori isti nos mancipavit, & per corpus effecit ut ab omnibus sensibilibus penderemus. Hic est ordo naturæ, hæc est Creatoris voluntas ut omnia entia quæ condidit inter se invicem connectantur. Sic nos omnibus rebus unimur, & peccatum nos mancipavit omnibus entibus, quibus Deus nos duntaxat univerat. Itaque nemo nunc est qui non uniatur & subjiciatur simul corpori, & per corpus Parentibus, amicis, civitati, Principi, pa-

triæ, vestimento, ædibus, agro, equo, cani, toti telluri, soli, stellis, & omnibus cœlis.

Ridiculum ergo est hominibus dicere per ipsos stare, ut sint felices, sapientes, liberi; ac ipsos monere ut ægrè non ferant amicorum aut bonorum jacturam, nihil aliud est quàm ipsos ridere. Quemadmodum ridiculum est homines monere ne sentiant dolorem dum vapulant, aut ne afficiantur voluptate dum fami cibo grato satisfaciunt. Ita dum Stoici nos hortantur molestè non ferre patris obitum, bonorum jacturam, exilium, carcerem & similia, nec gaudere prospero rerum nostrarum successu, certè aut à ratione abluunt, aut nos rident. Nam Patriæ, bonis, cognatis, &c. unimur, unione naturali, quæque nunc à voluntate nostrâ nequaquàm pendet.

Fateor equidem rationem nos docere exilium à nobis tolerari debere sine mœstitiâ; sed eadem ratione docemur nos pati debere brachium nobis truncari sine dolore. Mens est suprâ corpus, & secundum rationis lumen ipsius felicitas aut infelicitas pendere non debet à corpore; verùm experienciâ satis liquet res non se habere ut ratio nos docet eas esse debere, & adversus experientiam philosophari ridiculum est.

Christiani sic non philosophantur. Dolorem esse malum non negant; fatentur iis nos non sine dolore avelli quibuscum à naturâ fuimus uniti; & difficile esse sese à servitute liberare in quam peccatum nos conjecit. Mentem à corpore pendere contrà ordinem esse agnoscunt, sed ipsam tamen ab eo pendere norunt, ita ut non possit liberari ab ipsius imperio nisi per gratiam Jesu Christi. *Sentio, inquit Paulus, legem in corpore meo adversus legem mentis meæ luctantem, ac me legi peccati quæ est in membris meis mancipantem. Heu me miserum! quis me liberabit de corpore mortis hujus. Gratia Dei per Iesum Christum Dominum nostrum.* Filius Dei, Apostoli, & omnes veri ipsius discipuli patientiam ante omnia commendant, quia, scilicet, ei miseriam esse perpetiendam norunt qui voluerit vitam degere sanctam. Denique veri Christiani, aut veri Philosophi nihil proferunt quod rationi & experientiæ conforme non sit. Verùm tota natura, Stoicorum opinioni, aut superbiæ indefinenter resistit.

Christiani, ut sese à servitute suâ possint expedire, sibi in id incumbendum esse norunt, ut, scilicet, ab iis omnibus abstineant quibus sine voluptate potiri, & sine dolore carere, nequeunt; hâc solâ ratione se pacem & libertatem, gratiâ liberatoris, sibi partam conservare posse compertum habent, Stoici contra falsas sequendo Philosophiæ suæ chimæricæ ideas, sapientiam & felicitatem sibi arrogant, & ut sint virtute præditi & servitutis immunes, sufficere credunt si de virtute & ἀντιθυβία sæpè cogitent.

Ratione & experienciâ certò docemur, nullâ potiori ratione nos posse vitare dolorem è punctione ortum, quàm cavendo ne pungamur. Sed Stoici dicunt; punge modò, & animi mei fortitudine non secus

ac Philosophiæ auxilio, me à corpore meo ita abstraham, ut quæ in illo agentur nullâ me afficiant sollicitudine; dolorem non esse malum ita certò scio ut demonstrationes non sint certiores; & externo oris habitu, firmoque totius corporis situ, Philosophiâ meâ me in vulnerabilem evasisse comperies.

Animus ipsorum superbiâ firmatur: sed superbia non impedit quominus dolorem iniquo & sollicito ferant animo & sint reverâ miseri. Itaque unio mentis cum corpore in ipsis non destruitur, nec ipsorum dolor dissipatur; sed unio ipsorum cum cæteris hominibus, desiderio captandæ ipsorum existimationis roborata, unioni cum corpore aliquo modo resistit; nempe, visus sensibilis eorum à quibus spectantur & quibus uniuntur spirituum cursum qui dolorem comitatur sistit, & in ipsorum facie delet impressionem quam in ea primum dolor fecerat: nam si nemo eos intueretur simulata illa animi constantiæ & libertatis species illicò evanesceret. Itaque dum Stoici unioni cum suo corpore resistunt, cæteris hominibus quibus gloriæ desiderio uniuntur sese eo magis mancipant: omnes igitur homines rebus sensibilibus & naturâ & concupiscentiâ unitis esse certò constat. Id experientia patet, quamvis ratio contrarium sentire videatur, & omnes penè hominum actiones id argumentis sensibilibus & invidiis demonstrent.

Hæc unio quæ inter omnes homines in genere deprehenditur; in omnibus tamen non æquè latè patet nec eandem in omnibus habet vim. Namque, cum mentis cognitionem sequatur, dicere possumus nos actu non uniri objectis quæ non cognoscimus. Rusticus in casâ gloriâ Principis & Patriæ non participat, sed tantum gloriâ vici sui & circumjacentium, quia cognitio ipsius longius non extenditur.

2. Unio cum objectis sensibilibus quæ à nobis visa sunt firmior est unione cum objectis quæ imaginatione tantum à nobis percepta fuere, & de quibus aliquid duntaxat audivimus. Sensu rebus sensibilibus arctius unimur. Nam sensus vestigia multò majora in cerebro format, & motum in mente excitat longè vehementiorem, quàm simplex imaginatio.

3. Hæc unio debilior est in iis qui illam indefinenter impugnant ut mentis bonis adhærescant, quàm in iis qui sese affectuum motibus permittunt & mancipant. Nam illa unio cupiditate augetur & roboratur.

Denique varia munera obeunda, variæ conditiones, non secus ac variæ ingenii dispositiones, ingentem efficiunt differentiam in unione sensibili quâ homines bonis terræ adhærescunt. Magnates à pluribus pendent quàm cæteri, ipsorum servitus latius patet. Exercitûs Imperator omnibus militibus suis unione aliquâ devincitur, quia ab omnibus militibus maximo studio colitur. In istâ servitute sæpe consistit ipsius generositas. Et cupiditas sibi conciliandæ existima-

tionis apud eos omnes quorum oculos in se convertit eum sæpè ad id adigit ut alia desideria magis sensibilia aut rationi consentanea huic postponat. Circa eos qui in potestate sunt constituti, vel gratiâ inter populares suos valent, res non secus se habet; eorum virtus ambitione sæpè sustentatur; quia amor gloriæ amorì veritatis ut plurimum antecellit. Hic de amore gloriæ loquor, non ut de simplici inclinatione, sed ut de affectu; quia reverâ amor ille potest esse sensibilis & cum spirituum commotionibus satis vividis & violentis sæpè conjunctus est.

Variae ætates & varii sexus sunt etiam causæ præcipuæ discriminis quod intercedit inter affectus hominum. Infantes eadem non amant quæ viri aut senes, aut ea saltem non amant æquè fortiter & constanter. Mulieres soli familiæ & viciniæ, sed viri toti patriæ adhærent; ipsorum est eam tueri; egregia munera, dignitates, imperia adamant.

Tanta est in muneribus, & in variis hominum rebus atque conditionibus varietas, ut eam explicare nemo possit. Ingenium hominis conjugati eodem modo affectum non est ac cælibis. Familiæ cura illum sæpe totum habet. Religiosi ordinis Sectatores mente & corde aliter dispositi sunt quàm mundani, & etiam quàm Ecclesiastici, paucioribus uniuntur, sed iis fortius adhærent; sic in genere possumus judicare de variis hominum sortibus; sed varia vincula sensibilia, in unoquoque individuo penè diversa explicari nequeunt, non raro enim contingit ut homines quibusdam rebus peculiari quadam unione restringantur, quibus tamen si ipsorum conditionem respicias adstringi non deberent: sed quamvis varii virorum, ac mulierum, senum & juvenum, divitum ac pauperum, doctorum, & indoctorum, denique variorum sexuum, & variarum ætatum, ingenii characteres possint in genere exprimi; hæc tamen iis qui in mundo vivunt, & ea quæ in eo vident tantillum attendunt, notiora sunt, quàm ut iis hoc volumen augeatur. Qui hæc jucundè & solidè doceri cupient aperiunt duntaxat oculos. Qui verò hæc græcè legere malunt, quàm ex iis quæ oculis quotidie usurpant addiscere, secundum librum Rhetoricæ Aristotelis legere possunt. Istud ni fallor omnium hujusce Philosophi operum optimum est, quia ibi pauca dicit in quibus sit periculum errandi, & quia ea quæ profert probare raro nititur.

Unionem igitur illam sensibilem mentis hominum cum iis omnibus quæ ad ipsorum vitæ aut societatis cujus partem constituunt, conservationem, aliquam habeat relationem, esse divisam in diversis hominibus, manifestum est, quia, nempe, latius patet in iis qui plura cognoscunt, quibus est fors nobilior, qui munia obeunt graviora, quique imaginatione pollent fecundiori, & quia arctior & firmitior est in iis qui sensibus magis addicti sunt, qui imaginationem habent vividorem, quique affectuum motus cæco impetu sequuntur.

Ad modos quibus homines objectis sensibilibus uniuntur propè infinitos sæpè attendere, utilissimum est; nec potiori ratione horum idoneam cognitionem assequi possumus, quàm nosmet ipsos scrutando & accuratè explorando. Eorum quæ apud nosmet ipsos sentimus experientiâ, omnes aliorum hominum inclinationes, & plerisque quibus obnoxii sunt affectûs certò & accuratè cognoscere possumus. Si his experimentis adjungamus cognitionem variarum vinculorum peculiarium quibus quodammodo detinentur, & cognitionem judiciorum unicuique affectui peculiarium, de quibus infrà sumus acturi, faciliiori fortè negotio poterimus prævidere & prædicere ipsorum actiones, quàm astronomi Eclipses. Quamvis enim homines sint liberi, rarò tamen libertate suâ utuntur, renitentibus ipsorum inclinationibus naturalibus & affectibus violentis.

Priusquàm huic capiti finem imponam necesse est præterea moneam hanc esse unam ex legibus unionis mentis cum corpore, ut omnes inclinationes mentis, illæ etiam quibus fertur versùs bona quæ nullam ad corpus habent relationem, sint comitatæ, commotionibus spirituum animalium, quæ illas inclinationes reddant sensibiles: quia cum homo non sit mens pura fieri nequit ut ullam habeat inclinationem puram sine admistione alicujus affectûs vehementis aut temperati. Ita, amorem veritatis, justitiæ, virtutis, & Dei ipsius semper comitantur motûs quidam spirituum, quibus amor ille sensibilis evadit, etsi id fiat modo impercepto, quia plerumque aliis sensationibus vividioribus afficimur, quemadmodum cognitionem rerum spiritualium quædam cerebri vestigia, quibus illa cognitio fit vividior, sed ut plurimum magis confusa, semper comitantur. Sæpè equidem nos imaginari non cognoscimus, eodem tempore quo veritatem aliquam abstractam concipimus, atque hujusce rei ratio hæc est. Nempe, veritates illæ nullas habent imagines, seu nulla vestigia à naturâ in eum finem instituta, ut iis veritates illæ repræsententur; & omnia vestigia quæ illas in mente excitant, nullam aliam cum iis relationem habent quàm relationem ab hominum arbitrio aut à casu fortuito pendentem. Nam Arithmetici, & ipsi Analystæ, qui nihil præter res abstractas contemplantur, imaginatione valdè utuntur, ut mentem suam in ideis defigant. Notæ arithmeticæ, litteræ alphabeticæ, & aliæ figuræ quas videre aut imaginari possunt, semper alligantur ideis quas habent de rebus; quamvis vestigia quæ ex iis characteribus formantur nullam habeant ad ideas illas relationem, & eas proinde non reddant falsas aut confusas; unde fit ut notarum arithmeticarum & litterarum usu benè instituto, veritates difficillimas, & sine his nunquam relegendas, retegant.

Cùm igitur ideæ rerum, quæ percipi nequeunt nisi intellectu puro possint colligari cum vestigiis cerebri; cumque præsentia objectorum quæ amamus, odio habemus, timemus inclinatione naturali possit cōjungi cum motu spirituum; hinc manifestò patet æternitatis cogita-

tionem, inferni formidinem, felicitatis æternæ spem, quamvis objecta illa sensûs non afficiant, posse tamen in nobis excitare affectûs vehementes.

Itaque nos modo sensibili non tantùm rebus omnibus uniri quæ ad vitæ conservationem referuntur; verùm etiam rebus spiritualibus, quibus mens per se immediatè unitur, dicere possumus. Immò sæpè fit ut Fides, Charitas, & philautia istam unionem cum rebus spiritualibus reddant firmiorem, unione quâ omnibus sensibilibus adhærescimus. Verorum Martyrum mens Deo quàm corpori suo arctius unitur, & qui falsæ Religionis, quam tamen veram existimant, tuendæ causâ moriuntur, satis ostendunt inferni terrorem in eos vehementiùs agere mortis formidine. In bellis Religionis ergò susceptis, & in superstitionum propugnatione, tantus animorum æstus tantaq; pertinacia utrinque erumpit; ut in iis affectum seu passionem inesse dubium non sit. Immò affectus ille cæteris longè vehementior & constantior est, quia rationis specie nititur, in iis qui falluntur non secus ac in aliis.

Igitur, per affectûs nostros iis omnibus unimur quæ bonum aut malum mentis æquè ac iis quæ bonum aut malum corporis esse nobis videntur. Nihil aliquam ad nos relationem habere cognoscimus, quod nos agitare non possit. Jam autem rerum omnium quas cognoscimus nulla est quæ ad nos aliquatenus non referatur. Veritatibus etiam maximè abstractis aliquo modo afficimur, ubi eas cognoscimus, quoniam illa saltem inter eas & mentem nostram est relatio quod illas cognoscimus. Nostræ sunt, ut ita dicam, quia eas cognoscimus. Quum quis eas impugnat lædimur, si autem lædimur, certè agitamur, & sollicitudine afficimur. Itaque affectuum imperium aded latè patet, ut nihil quicquam concipi possit, cujus respectu asserere possimus, omnes homines, ab isto affectuum imperio esse liberos. Sed jam videamus quænam sit illorum (affectuum) natura, & omnia quæ in se includunt scrutemur.

CAPVT III.

*Explicatio peculiaris omnium mutationum quæ menti
& corpori à perturbationibus seu affectibus afferuntur.*

SEPTem in unoquoque affectu possunt distinctè observari; si ab iis excipias admirationem, quæ reverà non est affectus nisi admodum imperfectus.

Primum, est iudicium ab intellectu latum de objecto, seu potius, perceptio confusa, vel distincta relationis quæ est inter objectum aliquod, & nos.

Secundum, est nova motus voluntatis determinatio versus illud objectum, posito quod bonum sit, vel saltem videatur. Ante illam perceptionem, motus naturalis mentis, aut erat indeterminatus, hoc est, versus bonum in genere ferebatur, aut cognitione aliud alicujus objecti specialis aliorum determinabatur. Sed statim atque mens percipit relationem istius novi objecti ad seipsam, motus ille generalis voluntatis illico determinatur modo mentis perceptioni consentaneo. Mens ad illud objectum amore suo accedit, ut illud degustet, & in eo bonum suum agnoscat, suavitatis sensu quem Autor naturæ in ipsa excitat ut remunerationem inclinationis ipsius versus bonum. Istud objectum bonum esse ratione quadam abstractâ & quâ non afficiebatur, antea judicabat, nunc verò ipsius bonitatis convincitur sensationis efficaciam; quod autem ista sensatio efficacior est eo arctius adhæret bono quod illam produxisse ipsi videtur.

At verò, si objectum istud peculiare ut malum consideratur, vel ad id aptum natum sit ut nos aliquo bono possit privare, nulla nova accedit voluntatis motui determinatio; sed solum ipsius motus versus bonum oppositum objecto quod malum apparet augetur, illud autem motus incrementum eo majus est, quo malum formidabilius videtur. Reverà non odimus, nisi quia amamus, & malum quod est extra nos, malum non judicatur, nisi relatè ad bonum quo nos privatur. Cum itaque malum consideretur ut privatio boni, malum fugere, nihil aliud est quàm fugere privationem boni, hoc est, tendere versus bonum. Nulla igitur nova in motu naturali voluntatis accedit determinatio ad præsentiam objecti nobis displicentis, sed tantum sensus doloris, fastidii, aut amaritudinis, quem author naturæ imprimit in mente ut pœnam naturalem quam ipsi infligit quia bono privatur. * Ratio sola non sufficiebat ut mens ad bonum ferretur, isto præterea molesto & duro sensu ipsam excitari opus erat. Itaque in omnibus affectibus omnes mentis motus versus bonum, nihil aliud sunt præter amoris motus. Sed quia variis sensationibus juxta varias circumstantias quæ boni perceptionem & motum mentis versus bonum comitantur, afficimur; sensationes cum mentis commotionibus confundimus, & totidem in affectibus varios motus imaginamur, quot sunt variae sensationes.

* Ante peccatum sensus iste non erat pœna; sed tantum admonitio quæ iam; quia ut jam dixi, Adam poterat quotiescunque volebat sistere motum spirituum animalium, qui dolorem gignebant.

Jam autem hic observandum est dolorem esse malum reale & verum, nec magis esse privationem voluptatis, quàm voluptas est privatio doloris; nam ingens est discrimen inter nullam sentire voluptatem, aut sensu voluptatis privari, & dolorem actu pati. Itaque omne Ita si dolorem sentiret illum sentiebat, quia volebat, aut potius nullum sentiebat dolorem quia nolebat sentire.

omne malum præcisè tale non est quia nos privat bono: sed tantum, ut rem explicui, malum quod est extrà nos, quodque non est modus essendi qui sit in nobis. Nihilominus quia per bona & mala, vulgò intelliguntur res bonæ & malæ, non verò sensationes voluptatis & doloris, quibus potius velut indiciis mens discernit bonum à malo; dicere, nî fallor, possumus sine ulla æquivocatione, malum nihil aliud esse quàm privationem boni, & motum naturalem mentis, quo à malo arcetur, eundem esse cum motu quo versùs bonum fertur. Etenim omnis motus naturalis cum sit impressio Authoris naturæ qui non agit nisi propter seipsum, quique nos flectere nequit nisi versùs se, verus motus mentis semper essentialiter est amor boni, & non est fuga mali, nisi per accidens.

Dolor equidem potest considerari ut malum; & eo sensu motus affectuum quem excitat non est realis, etenim dolorem nemo est qui velit; ac dum positivè volumus dolorem non esse, volumus positivè conservationem aut perfectionem entis nostri.

Tertium quod in singulis affectibus observandum venit, est sensus qui illos comitatur; sensus amoris, sensus odii, desiderii, gaudii, tristitiæ. Isti sensûs semper diversi sunt in diversis affectibus.

Quartum, est nova determinatio cursûs spirituum & sanguinis versùs partes externas corporis & versùs internas, ante perceptionem objecti quod movit affectum, spiritûs animales per totum corpus diffundebantur, ut omnes ipsius partes in genere conservarent, sed ad istius novi objecti præsentiam tota ista turbatur œconomia. Plerique spiritus in brachiorum, crurum, faciei, & cæterarum externarum corporis partium musculos mittuntur, ut corpus disponant accommodatè ad affectum dominantem; utque habitum ejus externum componâr, & motum necessarium ad acquisitionem boni, vel ad fugam mali præsentis ei subministrant. Quod si propriæ vires quantum opus est non sufficiant, iidem spiritus eo modo distribuuntur ut mechanicè quasdam proferat voces, & quosdam edat clamores, utque per ipsius faciem & cæteras corporis partes nescio quem externum efforment habitum, quo alii eodem affectu possint agitari, quo ipse agitur. Nam, cum homines ut & cætera animalia inter se auribus & oculis uniantur; quum quis agitur omnes inspicientes & audientes necessariò commovet, & in ipsorum imaginationem facit naturaliter impressionem quâ turbantur, & ad id feruntur ut illius qui primus agitatus fuerat conservationi consulant.

Cæteri verò spiritus animales in cor, pulmones, jecur, lienem, & alia viscera cum imperu descendunt, ut has omnes partes suppetias ferre, & brevi tempore spiritus suppeditare cogant, necessarios ad conservandum corpus in actione extraordinaria in quâ tùm esse debet.

Quintum est commotio sensibilis mentis quæ istâ spirituum nec

cupina inundatione agitur. Hæc sensibilis mentis commotio semper comitatur istum spirituum motum, ut quæcunque corpus spectant participet; non secus ac motus spirituum excitatur in corpore statim atque mens versùs aliquod objectum fertur. Cùm enim mens uniatur corpori; & corpus menti; utriusque motus debent reciprocari.

Sextum sunt varii sensûs, amoris, aversionis, gaudii, desiderii, tristitiæ, nati non ea perceptione intellectuâ boni aut mali, ut ii de quibus supra, sed ex variis commotionibus in cerebro ortis, spirituum animalium ope.

Septimum est sensus quidam gaudii seu potiùs suavitatis internæ, qui mentem sistit in affectu, quique ipsi testatur ipsam in eo esse statu in quo par est esse, relatè ad objectum quod contemplatur. Suavitas illa interna omnes in genere affectûs, qui ex perceptione mali, æquè ac qui ex perceptione boni nascuntur, tristitiam ut gaudium æqualiter comitatur. Hæc suavitas omnes nostros affectûs nobis efficit jucundos, eoquè nos impellit ut iis assentiamur, nosque permitamus. Denique hæc suavitas nobis superanda est gratiæ suavitatem, ac fidei & rationis gaudio. Nam, quemadmodùm gaudium ex certâ aut evidenti cognitione nos in optimo statu relatè ad ea quæ percipimus versari, semper nascitur, ita affectuum suavis sequitur naturaliter ex sensu confuso quo credimus nos in optimo esse statu relatè ad ea quæ sentimus. Jam autem gaudio mentis, & gratiæ suavitatem, vincenda est falsa affectuum suavis quâ bonis sensibilibus mancipamur.

Ea omnia de quibus supra, in omnibus affectibus concurrunt, nisi quum sensibus quibusdam confusis excitantur, & mens nullum percipit bonum aut malum ex quo possint nasci, tunc enim tria priora in iis non occurrere patet.

Pariter hæc omnia non esse libera, & in nobis sine nobis, vel etiam nobis invitis esse, ex quo peccatum irrepsit, solumque voluntatis nostræ consensum à nobis reverâ pendere, nemo non videt. Sed hæc fusiùs explicare, & exemplis illustrare, operæ pretium videntur.

Supponamus igitur hominem quempiam contumeliâ actu affici, aut eundem, quia forti & vividâ, vel aliquo casu, ut exempli gratiâ, morbo, seu melancholiâ, agitâtâ pollet imaginatione, in musæo seclusum, in animum sibi inducere, hominem aliquem, qui de ipso forsitan nequidem cogitat; velle tamen ipsi nocere, & ad id actu esse accinctum. Visus sensibilis, aut imaginatio relationis quæ est inter actiones inimici & sua consilia, prima erit causa; affectûsque ille quem supposuimus, movebitur.

Immo, nequidem eum actu contumeliam pati, vel etiam eum credere se contumeliâ affectum omninò necesse est, ut motus ipsius

voluntatis novam aliquam accipiat determinationem; Sufficit ut intellectu puro sine ullâ corporis participatione rem illam cogitet. Sed hæc nova determinatio non esset determinatio ex affectu orta, sed mera inclinatio debilissima & languidissima, hominem illum vehementem consiliis suis oppositionem actu experiri, aut sibi futuram imaginari supponere præstat, quàm alium qui sola mente sine sensuum ac imaginationis subsidio sibi injuriam inferri putaret.

Quod secundum in istius hominis affectu considerandum venit est incrementum motûs voluntatis versûs bonum, à cujus possessione arceri ab inimico reali, vel imaginatio timet. Et istud incrementum eo majus est quo oppositio fortior ipsi videtur. Inimicum suum primâ fronte non odit, nisi quia bonum amat, & quo amor major est, eo vehementius est odium; quia motus ipsius voluntatis in odio aliud reverà nihil est quàm motus amoris, cùm motus mentis versûs bonum non differat à motu quo ipsius boni privationem fugimus, ut jam dictum est.

Tertium est sensus affectui consentaneus, jam autem in hoc affectu est sensus odii; motus odii idem est ac motus amoris, sed sensus odii omninò differt à sensu amoris, id propriâ experientiâ apud unumquemque constare debet. Motûs sunt actiones voluntatis: sensûs sunt modificationes mentis. Motûs volûtatis sunt causæ naturales sensuum mentis, & vicissim isti sensûs mentis voluntatis motûs in sua determinatione conservant, sensûs odii in illo homine, est naturalis sequela motûs voluntatis, mali præsentîæ excitati, ac deinde motus ille à sensu cujus causa est fovetur.

Quod de isto homine diximus ipsi posset convenire, licet corpus non haberet. Sed quia ex duabus partibus à naturâ unitis constat; motûs mentis corpori, & motus corporis menti communicantur. Itaque, nova determinatio, vel incrementum motûs voluntatis, naturaliter producit novam determinationem in motu spirituum animalium, quæ semper diversa est in omnibus affectibus, quamvis motus mentis penè idem semper sit.

Spiritus igitur in brachia, crura, & faciem vehementer pelluntur ut in corpore eam informant dispositionem quæ affectui necessario competit. Utque faciei eum aspergant habitum, eamque speciem quæ hominem injuriâ læsum exprimat, relatè ad omnes circumstantias injuriæ illatæ, & ad conditionem & vires lædentis & læsi. Jam autem ista spirituum effusio eò vehementior, copiosior, & velocior est, quo bonum majus, oppositio fortior, & cerebrum vividius affectum est.

Si igitur homo ille de quo sermo est per imaginationem tantùm injuriam accipiat, aut si realis ipsi inferatur, sed levis, quæque ingentem non efficiat in cerebro commotionem; spirituum animalium effusio futura est debilis & languida, ac fortè debilior quàm ut disposi-

tionem corporis ordinariam & naturalem possit immutare. At si injuria sit atrox, & imaginatio incalescat, ingens in cerebro fiet commotio, & spiritus tantâ vi diffundentur, ut in facie & in corpore eam speciem eamq; habitum sint formaturi qui affectui dominanti congruat, si ipsi vires ad vincendum suppetant, ipsius habitus minax & ferax erit. Si debilis sit, nec malo ipsi ingruenti possit resistere, habitus erit humilis & supplex. Ejus gemitus & lachrymæ in adstantium, & ipsius hostis animum motus misericordiae excitabunt; hoc modo auxilium obtinebit quod propriis viribus sibi ipsi ferre non valebat. At si adstantium, & illius qui misero isti adversatur spiritus animales & fibræ cerebri jam commota sint motu violento, ac isti motui contrario, quo menti ingignitur commiseratio gemitus illius cui injuria fuit illata, motum illum ipsi contrarium in inimico augebunt, ac nulla ipsi superesset auxilii & salutis spes; si in eodem habitu & situ ipse perstaret. Verum huic malo obviam ivit natura; namque ubi ingentis alicujus boni jactura imminet, quædam rabiei, & desperationis indicia tam vivida, tamq; insolentia faciei naturaliter imprimuntur, ut vehementissimis percitos animi motibus mitigent ac veluti immobiles efficiant. Ad spectus ille terribilis & inopinatus imaginis mortis in facie istius miseri à natura depictæ in ipso inimico cuius oculos illa imago feriit spirituum & sanguinis motum, quo ad vindictam ferebatur, sistit. Ac eo favoris & attentionis ad miseriam instanti, naturâ habitum humilem & summissum iterum imprimente faciei istius miseri. Cui jam spes quædam affulget ob mutationem in inimici habitu & specie factum; inimici illius spiritus animales determinationem prius impossibilem accipiunt; adeo ut insensus ille inimicus misericordiae motus mechanicè suscipiat, quibus ipsius mens ad id naturaliter fertur, ut charitatis & misericordiae rationibus obsecundet.

Vir vehementi animi motu percitus, cum in cerebro imaginem infortunii sui satis vividam sine ingenti spirituum copia producere & conservare non possit, nec commotionem satis violentam, ut in corpore formet habitum aut situm coactum & extraordinarium; nervi qui internis istius hominis afflicti corporis partibus respondent, ad alicujus mali præsentiam commotiones & agitationes ad id necessarias recipiunt, ut per omnia vasa quæ cordi communicantur transfundant humores idoneos ad producendos spiritus quos postulat præsens animi motus. Nam spiritus effusi per nervos qui ad jecur, lienem, & pancreas atque omnia viscera tendunt, nervos illos excutiunt ac commovent, ut ex iis exprimant eos humores qui in partibus illis conservant, ut machinæ corporis laboranti subveniant.

At si humores isti eodem semper modo in corde diffuerent, parèmq; diversis temporibus fermentationem in eo acciperent, in affectuum motibus mutationes tam subitæ non deprehenderentur. Ma-

gistratûs adspêctus, exempli gratiâ, furiosi ad vindictam prorumpentis impetum protinus non sisteret; ipsiusque facies sanguine & spiritibus modò fervens, pallida ac, præ supplicii timore, exanimata repente non fieret.

Itaque, ne humores illi sanguini admixti, eodem modo semper in cor transeant, sunt nervi quidam quibus ipsius orificia circumdantur, quique sese constringendo & remittendo impressione ex objecti præsentia & imaginationis vi orta, istis humoribus iter præcludunt & aperiunt. Atque ne iidem humores similem diversis temporibus recipiant agitationem, similemque in corde fermentationem; alii sunt nervi qui ipsius efficiunt palpitationes; cùmque illi nervi in diversis spirituum motibus æqualiter non agitentur, hinc fit ut eadem vi sanguinem in arterias non pulsant. Alii nervi in pulmone diffusi aërem in corde distribuunt, constringendo, & remittendo ramos canalis respirationi inservientis, & hoc pacto sanguinis fermentationem relatè ad circumstantias affectûs dominantis regunt.

Denique ut spirituum cursus accuratiùs & promptiùs regatur, sunt nervi qui arterias tam eas quæ ad cerebrum ascendant, quàm quæ sanguinem perducunt ad cæteras omnes corporis partes, circumdant. Adeò ut commotio cerebri, quæ comitatur visum inopinatum alicujus circumstantiæ, ob quam omnes affectûs mutare opus est, subito determinet cursum spirituum versùs nervos quibus arteriæ illæ circumdantur, ut earum contractione præcludat transitum sanguini versùs cerebrum adscendentis; ipsarumque remissione iter aperiât sanguini qui per cæteros omnes corporis partes diffunditur.

Cùm arteriæ illæ quæ sanguinem versùs cerebrum velunt liberæ sint, & ab omni vinculo solutæ, illæ verò quæ sanguinem per cæteras corporis partes diffundunt his nervis arctè constringantur, caput sanguini refertum esse debet, facies illo repleta. Sed aliquâ circumstantiâ immutante commotionem cerebri, quæ illam in istis nervis efficiebat dispositionem, arteriæ ligatæ religantur, aliæ verò contrà arctissimè constringuntur. Itaque, caput sanguine vacuum fit, pallor faciem invadit, ac parva sanguinis copia è corde effusa, quamque nervi de quibus fuit mentio in illud intermittunt vitæ conservandæ gratiâ, in partes corporis inferiores tota penè descendit, cerebro defunt spiritûs animales, ac reliquum corpus tremor & debilitas invadunt.

Ut quæ hîc à nobis dicta sunt sigillatim explicarentur, & probarentur, operæ pretium foret generalem Physicæ, & specialem corporis humani cognitionem tradere. Verùm illæ duæ scientiæ sunt adhuc imperfectiores, quàm ut earum ope, eâ quam optarem diligentia, rem explanare possim. Adde quòd si in his ulteriùs pergerem, extrâ institutum nimis divagarer; sufficit enim hîc ideam rudem & generalem tradere de affectibus, dummodò idea illa falsa non sit.

Commotiones illæ cerebri, & motus sanguinis & spirituum quârto occurrunt in unoquoque affectu, & quod quintum occurrit producant, nempe commotionem sensibilem mentis.

Statim atque spiritûs animales è cerebro in reliquum corpus pelluntur, ut in eo excitent motus idoneos ad fovendum affectum, mens versus bonum perceptum pellitur; idque eò vehementius quo spiritûs è cerebro vehementius egrediuntur, quia eadem commotio cerebri agitat mentem & spiritûs animales.

Motus mentis versus bonum eò vehementior est, quò boni perceptio sensibilibior; & motus spirituum qui è cerebro exeunt ut per reliquum corpus diffundantur, eò violentior est, quò commotio fibrarum ex impressione objecti aut ex imaginatione orta violentior est. Itaque cùm eadem ista commotio perceptionem boni reddat sensibiliorem, commotionem mentis in affectibus eadem proportionem qua spirituum motus augescere necesse est.

Istæ mentis commotiones ab iis quæ ex intellectuali perceptione boni, de quibus jam fuit sermo, immediatè oriuntur, non differunt; Tantummodò sunt vehementiores & vividiores propter unionem mentis cum corpore, & quia ista perceptio ex qua oriuntur, est sensibilis.

Sextum quod occurrit, est sensus ex affectu ortus, sensus amoris, odii, gaudii, tristitiæ. Ab illo de quo jam loquuti sumus iste sensus non differt; vividior est duntaxat, quia in eo producendo corpus plurimum confert. Sed semper conjungitur cum quodam sensu jucundo, quo omnes nostri affectûs nobis grati efficiuntur. Atque istud postremum est quod occurrit in unoquoque affectu, ut jam dictum est.

Hujusce ultimi sensûs hæc est causa; ad præsentiam objecti quod affectum movet, aut novâ aliquâ circumstantiâ eveniente, quædam spirituum animalium pars à capite versus externas corporis partes pellitur, ut corpuseum sortiatur habitum quem postulat affectus; & quidam alii spiritus in cor, pulmones, & viscera cum impetu descendunt, ut inde auxilia necessaria contrahant; quod jam satis explicuimus. Jam autem, quotiescunque corpus in eo est statu in quo par est ipsum esse, mens ob id semper maximo afficitur gaudio, contra quotiescunque corpus in statu ipsius bono & conservationi noxio est, mens ob id maximo afficitur dolore. Itaque, cum affectuum motûs sequimur, nec spirituum cursum sistimus, quem perceptio objecti affectûs efficit in corpore nostro, ut in eo constituatur statu in quo esse debet relatè ad illud objectum, mens legibus naturæ sensum illum suavitatis & voluptatis internæ experitur, quia corpus in eo est statu in quo esse debet. Vice versâ cùm mens juxtà rationis præscriptum, cursum spirituum sistit & affectui reluctatur, ex eo patitur dolorem pro proportionem mali quod inde ad corpus redundare posset.

Nam quemadmodum reflectio mentis in seipsam necessario conjungitur cum gaudio aut cum tristitia intellectus, ac deinde cum gaudio aut tristitia sensuum; quum officii sui memor & Dei præceptis morem gerens, agnoscit se esse in eo statu in quo esse debet, aut quum sese affectibus permittens conscientiae moribus agitur, quibus se in perversâ dispositione esse docetur. Ita cursus spirituum ad corporis bonum excitatus conjungitur cum gaudio, aut tristitiâ sensibili, & deinceps gaudio aut mœstitiâ spirituali: prout cursus iste spirituum animalium cohibetur aut promovetur à voluntate.

At hoc est discrimen & quidem non parvum inter gaudium spirituale quod cognitionem claram boni mentis statûs comitari solet, & voluptatem sensibilem quæ comitatur sensum bonæ dispositionis corporis; quodd scilicet gaudium intellectuale solidum est, *ἐμεταμίλῃον*, & immutabile non secus ac veritas quæ illud parit gaudium: cum è contrâ gaudium sensibile semper jungatur cum tristitiâ mentis aut cum conscientiae morfu, sollicitum est, & mutabile, non secus ac affectus aut agitatio sanguinis ex quâ nascitur. Denique prius maximo sensuum gaudio semper comitatur, quotiescunque nascitur ex cognitione ingentis boni quod mens possidet; posterius verò nunquam ferè comitatur ullo mentis gaudio, quamvis ex magno oriatur bono, quod corpori tantum obtingit, menti verò officit.

Verum tamen est, sine gratiâ JESU CHRISTI, suavitatem quam mens degustat sese permittendo affectibus, jucundiores esse, suavitate quam experitur legibus rationis adhærendo. Atque ista suavitas est origo omnium malorum ex peccato oriundorum, nosque omnes affectibus nostris manciparet, nisi Filius Dei ab eorum servitute nos delectatione gratiæ liberaret. Etenim quæ hîc dixi pro gaudio mentis adversus gaudium sensuum vera sunt duntaxat inter Christianos, & omnino falsa erant in ore Senecæ, Epicuri ipsius, omnium denique Philosophorum à ratione minus abludentium, quia jugum Iesu Christi dulce non est nisi ijs qui ipsius sunt, & quia ipsius onus nobis leve non videtur, nisi quum illud ipsius gratia nobiscum fert.

CAPVT IV.

*Voluptates, & motûs affectuum nos in errorem aspectu
boni injicere, ipsis indefinenter esse resistendum.
Ratio impugnandi Libertinismum.*

QUæ jam de affectibus in genere exposuimus libera non sunt; sunt in nobis sine nobis, solusque voluntatis assensus à nobis absolutè dependet. Perceptio boni naturaliter conjungitur cum motu amoris, cum sensu amoris, cum commotione cerebri, & motu spirituum, cum novâ mentis commotione quæ auget primum amoris motum, cum novo mentis sensu, qui auget primum amoris sensum, ac denique cum sensu suavitatis qui mentem remuneratur, quoddam corpus sit in statu quo esse debet. Hæc omnia in mente & corpore aguntur naturaliter & mechanicè; hoc est, sine ullâ ipsius participatione, ac solus noster assensus à nobis verè dependet. Atque hic assensus nobis est moderandus, cohibendus, & ab affectuum impetu ac servitute in libertatem vindicandus. Soli Deo libertas nostra summittenda est. Soli auctoris naturæ voci, evidentiae internæ, & secretis rationis exprobrationibus obsequendum est. Nunquàm assentiendum est nisi cum clarè videmus, nos libertate nostrâ perperam esse usuros, nisi assentiamur. Hic præcipuus canon observandus est erroris evitandæ causâ.

Deus solus nobis evidenter demonstrat obsequendum esse ipsius mandatis, ipsi igitur soli serviendum est. In affectuum lenociniis & blandimentis, minis & formidinibus nulla est evidentia, in iis nihil est præter sensus confusos & obscuros quibus resistendum est. Lucem puriorem nobis affulgere, falsos affectuum splendores dissipari, ac Deum nos alloqui, expectandum est. Intra nosmet ipsos nos colligere, ac in nobis eum qui nos nunquàm deserit, nobisque semper illuc sequitur quærere debemus. Summissâ, sed clarâ & distinctâ voce loquitur; Parvum quidem, sed purum ejus lumen est. Quid parvum dico? Æquè vividum est ac purum. Quid summissam vocem loquor? æquè magna est ac distincta. Sed affectus nostri nos semper extrâ nosmet ipsos abripiunt, suis tenebris & tumultu impediunt quominus vocem ipsius exaudiamus, & lumen videamus. Eos etiam qui ipsum non interrogant alloquitur; ac ii etiam qui affectuum impetu longius abrepti fuere, quædam tamen verba ab ipso audiunt. Sed verba tonantia, minitantia, formidabilia, gladio *δυσωμῶ* acutiora, intimos mentis recessus penetranti, cogitationesque & motus cordis scrutanti.

scrutanti. Omnia enim coram ipso nuda patent; nec peccatorum crimina cernere potest, quin ea ipsis intus vividè exprobet. Nos igitur apud nosmet ipsos recipere, & ad eum accedere par est. Ipsi interrogato, & audito obediendum est. Si enim ipsum semper audiamus, nunquam falleremur; si ipsi semper obediamus, affectuum inconstantiae & miseriis, quæ peccatum committit nunquam mancipabimur.

Haud arbitrandum est ut quidam præfracti ingenii homines qui sibi sapientes videntur, quos superbia ad brutorum conditionem demittit, quique diù spreto lege Divinâ, nullam tandem aliam audiunt quam vocem turpium affectuum suorum; cum iis, inquam, hominibus carnalibus arbitrandum non est, ipsos Deum sequi & voci auctoris naturæ obedire, qui affectuum suorum motûs sequuntur & secretis desideriis morem gerunt. Ii sanè summè aberrant: Et in hoc ipso juxta Divum Paulum, impietatis & idololatriæ, hoc est, gravissimo- rom. 1. rum criminum, pœnam patiuntur. Reverâ ista pœna eò major est, quod cum iram Divinam deberet placare, non secus ac aliæ pœnæ hominibus inflictæ; illam contrâ indefinenter provocat & auget; usque ad diem illum terribilem quo iusta Dei ira in peccatores erumpet.

Illorum tamen ratiocinia non carent verisimilitudine; sensui communi admodum conformia esse videntur; affectuum favore adjuvantur, totaque Zenonis Philosophia ipsa infringere proculdubio nequit. Bonum amare decet, ajunt; voluptas est character quod natura bono impressit; & eo character qui fallax esse nequit, utpotè divinitus impresso, bonum à malo discernimus. Malum fugere convenit, ajunt præterea; dolor est character malo proprius, & isto character qui fallax esse non potest, utpotè à Deo impresso, malum à bono dignoscimus. Qui sese affectibus permittunt voluptate, qui verò iis resistunt molestiâ & dolore afficiuntur. Ergo Author naturæ nos affectibus obtemperare iisque nunquam resistere vult; cum voluptas & dolor quibus ex ipsius instituto tum afficimur, ipsius erga nos voluntatem sint argumenta certissima. Ergo, qui cordis desideria implet Deum sequitur; & qui isti naturæ instinctui, quo ad indulgendum sensibus & affectibus ferimur, cedit, ipsius voci obsequitur. Sic ratiocinantur, & sese in turpibus opinionibus confirmant; sic intimas rationis exprobrationes eludere conantur, ac Deus, in ipsorum flagitiorum pœnam, sinit ipsos falsis hisce luminibus perstringi & decipi. Fallacia lumina, quibus cum illuminari deberent, occæcantur! Sed ita occæcantur ut cæcitatem suam nec cognoscant, nec curari cupiant. Eos Deus sensui reprobo tradit, cordis desideriis, affectibus sordidis, actionibus homine indignis, ut loquitur scriptura remittit, ut libidine suâ veluti pinguefacti, Deo irato in æternum immolentur.

Verum solvendus est difficultatis nodus. Zenonis secta cum il-

lum solvere non posset, abscidit, negando voluptatem esse bonum, dolorem verò esse malum. Audax effugium & Philosophorum gravitate indignum! Certè haud facilè crediderim illos qui experientiâ convincuntur dolorem esse maximum malum, ob id sententiam esse mutaturos. Itaque Zeno totaëque Ethnica Philosophia difficultatem ab Epicureis propositam solvere nequit; ad Philosophiam solidiorem & saniozem confugiendum est.

Voluptatem esse bonam, dolorem verò malum verum est; voluptatem & dolorem ab authore naturæ usui quarundam rerum alligata fuisse; ut judicemus an malæ sint an verò bonæ; nos bonis semper uti, malas verò fugere, ac motûs affectuum ferè semper sequi debere. Ita omnia vera sunt, sed solum corpus spectant: affectibus & desideriis penè semper obtemperandum est ad corpus conservandum, vitamque brutorum vitæ similem producendam. Sensûs & affectûs nobis ad corporis bonum duntaxat donantur. Voluptas sensibilis est character quem natura alligavit usui quarundam rerum, ut sine difficili & molesto rationis examine, iis possimus uti ad conservationem corporis, non verò ut ipsas amaremus. Nihil enim amare debemus nisi id quod certissimè ratione agnoscimus esse bonum nostrum.

Ratione sumus præditi, nec Deo qui est bonum nostrum, acceptus esset amor cæcus, amor instinctûs, amor veluti coactus: sed amor ex liberâ electione natus, amor cui prævia rationis lux affluat, amor qui ei mentem & cor nostrum subjiciat. Nos ad ipsum amandum fert, lumine quod gratiæ ipsius delectationem comitatur nos docendo, ipsum esse bonum nostrum: at verò ad bonum corporis, instinctu solo & sensu voluptatis confuso duntaxat nos fert, quia bonum corporis, mentis applicatione rationisque attentione indignum est.

Sed præterea, corpus nostrum nos totos non componit; res est equidem ad nos pertinens, sed sine qua, absolutè loquendo, existere possumus; bonum corporis non est ergo bonum nostrum. Corpora non possunt esse bonum nisi corporum. Iis possumus uti ad corporis nostri utilitatem, sed iis adhærescere non debemus. Mens nostra suum etiam habet bonum, nempe bonum illud solum quod supra ipsam est, quod solum ipsam conservat, quodque solum in ipsâ voluptatis aut doloris sensum gignit. Etenim omnia sensuum nostrorum objecta per se sentiri nequeunt, Deusque solus nos monet ipsa esse præsentia, sensationibus quas nobis imprimit. Atque illud est quod Philosophi Ethnici non capiebant.

Id amare, fateor, possumus & debemus quod voluptatem in nobis parere potest; sed ideò Deum solum amare debemus; quia Deus solus potest agere in mente nostrâ, nec objecta sensibilia quicquam aliud agere possunt quàm movere organa sensuum nostrorû.

At, quid refert, inquires, unde oriantur illæ sensationes jucundæ? Illas degustare volo. Hem, ingrate, agnosce manum quæ te bonis cumulat. A Deo justo mercedem injustam exigis. Vis cum te mercede afficere ob crimina in ipsum perpetrata, & eo momento quo illa perpetras. Ipsius voluntate immutabili, quæ est ordo & lex naturæ, uteris, ut ab illo gratias immeritas extorqueas, namque in corpore tuo dexteritate flagitiosâ motûs excitas qui ipsum ad id adigunt ut omne voluptatam genus in te producat. Sed mors istud corpus corrumpet; ac Deus quemadmodum injusta tua desideria implenda adegisti, justam suam in te convertens iram, te, suâ vice, ridebit.

Dolendum quidem est possessionem boni corporis conjunctam esse cum voluptate, possessionem verò boni mentis sæpè conjungi cum molestiâ & dolore. Id summæ inordinationi imputari meritò potest hac ratione; nempe, cum voluptas sit character boni, dolor verò character mali, in amore Dei longè plus voluptatis sentire debemus, quàm in usu rerum sensibilibum, cum Deus sit verum seu potiùs unicum mentis bonum. Id sanè sic aliquando futurum est; atque ante peccatum fuisse verisimile est; saltem hominem ante peccatum nullum in officii sui exercitio sensisse dolorem, constat.

Sed Deus à nobis, à primi hominis peccato recessit. Is bonum nostrum non est ampliùs naturâ; sed gratiâ duntaxat; suavitatem enim in ipsius amore naturaliter non ampliùs sentimus, ac tantùm abest ut nos ad ipsum amandum ferat, quin potiùs nos à se amovet. Si ipsum sequamur, nos repellit. Si ad ipsum currentes properemus, nos verberat: si in eo insequendo pertinaciter perstemus, nos malò excipere pergit, doloresque vividissimos in nobis excitat. At verò postquàm in duris & arduis virtutis semitis, nulla voluptate degustatâ, nulloque alimento jucundo recreati, defessi sumus, & ad bona sensibilia nos convertimus ut iis pascamur, Deus iis nos veluti devincit voluptatis gustu. Nos ob id remunerari videtur quod ipsi tergamus, dum ad falsa bona transfugimus. Denique, à peccato, Deus à nobis ampliùs amari, atque ut unicum bonum nostrum haberi nolle videtur. Solâ Mediatoris nostri Jesu Christi gratiâ Deum esse bonum nostrum sentimus. Cum enim voluptas sit character sensibilis boni, Deum esse bonum nostrum sentimus, quoniam, Jesu Christi gratiâ, Deum amamus cum voluptate.

Itaque mens bonum suum neque visu neque sensu, sine gratiâ Jesu Christi, agnoscens, bonum corporis pro suo proprio bono accipit: illud amat, illique voluntate arctiùs etiam adhæret, quàm primâ naturæ institutione adhærebat. Nam cum bonum corporis solum superstiterit, quod se præbeat sentiendum, in hominem vehementiùs necessariò agit. Cerebrum illo vividius afficitur, ac proinde mens illud vividius sentit & imaginatur. Spiritûs anima-

les eò vehementiùs agitantur, ac ideò voluntas illud majori cum ardore & voluptate amat.

Mens ante peccatum imaginem boni corporis vividiorẽ è cerebro peterat delere, ac voluptatem sensibilem dissipare, quæ istam imaginem comitabatur. Corpore menti submisso, mens momenti spatio poterat sistere commotionem fibrarum cerebri, & agitationem spirituum, solâ officii sui consideratione. Sed post peccatum id penes ipsum amplius non est. Hæc vestigia imaginationis, hique spirituum motûs non amplius pendent ab ipsâ, & sequelâ necessariâ, voluptas ordine naturæ alligata his vestigiis & motibus, sola cordi dominatur. Homo propriis suis viribus huic voluptati diù resistere nequit, gratia sola potest illam vincere; ratio sola non valet. Quia uno verbo Deus ut Author gratiæ, seipsum solus vincere potest ut authorem naturæ, seu potius ipse solus potest seipsum pacare & flectere ut ultorem transgressionis Adami.

*Vid. qui in
Dialogo n
eologu oru
C. v. p. an-
rum sub si-
nem.*

Stoici qui mala ex peccato originali orta nonnisi confusè noverrant, Epicureis respondere nequibant; Nam ipsorum fœlicitas nihil erat præter inanem ideam, cum nulla sit fœlicitas sine voluptate, nec possent voluptatem gustare in actionibus solidæ virtutis. Quoddam equidem sentiebant gaudium virtutis suæ imaginariæ leges sequendo, quia gaudium sequitur necessariò & naturaliter cognitionem mentis, cum videt se esse in optimo statu in quo esse queat. Gaudium illud mentis animum ipsorum ad tempus poterat sustentare, sed satis non habebat efficacitatis ut illius ope dolori resistere & voluptatem vincere possent. Secreta superbia, non verò gaudium, lætitiâ quandam Philosophorum istorum vultui aspergebat; ubi verò ab hominum conspectu abierant, sapientiæ & virtuti prorsus valedicebant, ut Reges illi scenici, qui totam unico momento deponunt Majestatem suam.

De Christianis qui leges Evangelii ad amussim sequuntur, res fœcùs se habet. Ipsorum gaudium solidum est, quia certissimè norunt se in optimo versari statu in quo queant esse. Gaudium ipsorum ingens est, quia bonum fide & spe degustatum, infinitum est. Nam spes ingentis boni cum ingenti gaudio semper conjungitur, & illud gaudium eò vividius est quò spes firmior: quia spes firma, bonum veluti prælens imaginationi repræsentans gaudium, immò voluptatem sensibilem quæ boni præsentiam semper comitatur, necessariò parit. Ipsorum gaudium nullâ admiscetur sollicitudine, quia promissis Dei nititur, sanguine filii ipsius confirmatur, pace internâ & indicibili charitatis quâ spiritus sanctus cor eorum perfundit suavitate fovetur. A vero ipsorum bono eos nihil separare potest, ubi illud gustant, & eo delectantur, delectatione gratiæ. Voluptates ex bonis corporis ortæ iis inferiores sunt quas in amore Dei sentiunt. Contemnum & dolorem amant; opprobriis aluntur; & voluptas quam

in perpeſſionibus experiuntur, ſeu potius voluptas quam in Deo nanciſcuntur, dum cætera ut ipſi ſoli adhæreant derelinquunt, adeò violenta eſt, ut ipſos abripiat, ut novam ipſis ſuggerat linguam, utque etiam in miſeriis & doloribus exantlatis, Apoſtolorum exemplo, gloriantur. *At Apoſtoli*, inquit Scriptura, *è Concilio egreſſi ſunt, gaudio pleni* Act. V. 41. *quòd digni iudicati fuiſſent, qui approbriæ propter Chriſti nomen paterentur.* Talis eſt diſpoſitio verorum Chriſtianorum, ubi veritatem defendendo extremis probris obnoxii facti fuere.

Cùm JESUS CHRISTUS venerit ut reſtitueret ordinem peccato turbatum; cùmque ordo poſtulet ut maxima bona cum ſolidiſſimis conjungantur voluptatibus, res ſic ut dictum eſt manifeſtò ſe habere debent. Sed rationi accedit experientia. Nam ſtatim atque quis apud ſe tantummodò decernit omnia propter Deum derelinquere, ut plurimum voluptate aut gaudio interno afficitur, quo æquè vividè ſentit Deum eſſe ipſius bonum, ac id clarè antea cognoſcebat.

Veri Chriſtiani nobis quotidie aſſerunt gaudium quod percipiunt ex eo quod Deum ſolum ament & colant, exprimi non poſſe, ſanè ipſis circa ea quorum intùs conſcii ſunt credere æquum eſt. Impii contrà in perpetuis verſantur anxietatibus; ac ii qui inter mundum & Deum diverſi aguntur, gaudium etiam juſtorum, & anxietates impiorum participant. Miſerias ſuas queruntur, ac ipſorum querimonias gratis non fieri credere etiam par eſt. Deus homines in intimo corde ſauciat, cùm aliud amant quàm ipſum. Atque in hoc vulnere poſita eſt vera miſeria. Gaudium ſummum cùm ſibi ſoli adhærent, ipſorum cordibus affundit, atque in iſto gaudio conſiſtit ſolida felicitas. Divitiarum copia, dignitatum poſſeſſio ſunt res extrà nos; non poſſunt nos ſanare cùm Deus nos lædit. Paupertas & contemtus ſunt quoque extrà nos, nec poſſunt nos lædere, ubi Deus nos tuetur.

Ex ſuprà dictis patet bonum noſtrum in objecto affectuum noſtrorum poſitum non eſſe, ipſorum morùs ſequendos nobis non eſſe, niſi ad conſervationem vitæ noſtræ; voluptatem ſenſibilem eſſe reſpectu boni noſtri, id quod ſenſationes noſtræ ſunt reſpectu veritatis; ac quemadmodum ſenſùs noſtri nos fallunt circa veritatem, affectùs noſtros nos fallere circa bonum noſtrum: Delectationi gratiæ cedendum eſſe, quia nos cum evidentiâ fert ad amorem veri boni, quia ſecretis rationis objurgationibus obnoxia non eſt, ut inſtinctus cæcus, & voluptas confuſa affectuum, & quia cum ſecreto gaudio ſtatui in quo verſamur maximè congruo ſemper conjungitur: Denique, cùm Deus ſolus poſſit agere in mentem hominis, hominem non poſſe invenire felicitatem extrà Deum, niſi quis ſupponat, aut Deum inobedientiam remunerari, aut ipſum jubere id quod minùs amabile eſt, magis tamen amari. Quod involuit contradictionem.

CAPVT V.

Perfectionem mentis consistere in ipsius unione cum Deo per cognitionem veritatis & per amorem virtutis, & contra ejus imperfectionem oriri ex corporis in ipsam imperio, propter inordinationem ipsius sensuum & affectuum.

BONUM mentis necessario esse aliquid spirituale vel minimâ animi intentione agnoscere possumus. Corpora longè inferiora sunt mente. In ipsam propriis suis viribus agere nequeunt: ei immèdiatè uniri nequidem possunt: denique per se non sunt intelligibilia. Ergo mentis bonum esse nequeunt. Contrà spiritualia sunt intelligibilia, naturâ suâ, possunt menti uniri, possunt ergo esse ipsius bonum, dum sint supra ipsam. Namque ut aliquid possit esse bonum mentis, non sufficit id esse spirituale, ut est mens; oportet præterea esse suprâ mentem, posse agere in eam, eandemque lumine perfundere, & præmio afficere; alioqui res illa mentem nec potest perfectiorem reddere, nec feliciorem, ac idè ipsius bonum esse nequit. Ex intelligibilibus aut spiritualibus Deus solus hoc modo in mentem agere potest: unde sequitur Deum solum esse, & esse posse verum bonum nostrum. Ergo nec perfectiores, nec feliciores fieri possumus nisi possessione Dei.

Cognitione veritatis, & amore virtutis mentem reddi perfectiorem; & cæcitate, ac cordis corruptione fieri imperfectiorem apud omnes in confesso est. Cognitio ergo veritatis, & amor virtutis, nihil aliud esse possunt præter unionem mentis cum Deo, & quandam, ut ita loquar, Dei possessionem: & contrà cæcitas mentis, affectuumq; depravatio nihil aliud esse possunt præter separationem mentis à Deo, atque unionem mentis cum aliqua re infra ipsam posita, id est, cum corpore, quandoquidem eâ solâ unione & imperfecta & misera evadere potest. Itaque cognitio veritatis, seu rerum juxta veritatem, non differt ab ipsius Dei cognitione; & Deum amat quicunque virtutem amat, vel res prout sunt amore dignæ seu juxta virtutis leges diligit.

Mens veluti sita est inter Deum & corpora, inter bonum & malum, inter lucem & tenebras, inter ea quibus in ordine continetur, vel extra ordinem abducitur, inter ea denique quorum opere perfecta ac felix & ea quorum ope imperfecta ac misera evadere potest. Quum veritatem aliquam retegat, aut res ut in se sunt videt; illas in ideis Dei videt, hoc est, visu claro & distincto ejus rei quæ in Deo est,

quâ istæ repræsentantur ideæ. Namq; , ut jam dictum est, mens humana non includit in se perfectiones aut ideas omnium entium quæ videre potest : non est ens universale. Itaque in se non videt res à se distinctas, seipsam consulendo non eruditur & illuminatur; sibi ipsi enim non est perfectio & lumen : hoc lumine immenso veritatis internæ indiget ut illuminetur. Itaque cum cognoscit veritatem Deo unitur, ipsumque aliquo modo cognoscit & possidet.

Sed mens quæ veritatem cognoscit non modò dici potest cognoscere Deum qui ipsam in se includit; dici etiam potest aliquatenus cognoscere res ut eas Deus cognoscit. Ac reverà mens illa diversas rerum relationes cognoscit, Deus pariter : Illas cognoscit in perceptione seu in contemplatione perfectionum Divinarum, nec etiam alio modo cognoscuntur à Deo. Deus enim nec sentit nec imaginatur: In se ut in mundo intelligibili videt mundum materiale & sensibilem quem creavit. De mente quæ veritatem cognoscit res eodem se habet modo. Illam nec sentit nec imaginatur: sensationes & phantasmata nihil menti nisi falsas repræsentant relationes : & quicumque veritatem assequitur illam assequi nequit nisi in mundo intelligibili cui unitur, & in quo Deus ipse illam videt, namque iste mundus materialis & sensibilis non est intelligibilis per se. Mens igitur videt in lumine Dei, sicut Deus ipse, quæcunque clarè videt; quamvis illa non videat nisi modo valdè imperfecto; & in hoc modo quo Deus illa videt longè diverso. Itaque cum mens veritatem videt non modò unitur Deo, ipsumque possidet, verum etiam aliquo sensu videt veritatem, eodem modo quo Deus.

Pariter quum amamus secundum virtutis leges, Deum amamus. Nam quum amamus secundum istas leges, impressio amoris quam Deus in corde nostro ut versus ipsum convertamur indefinenter producit à libero arbitrio non deflectitur, nec in philautiam transmutatur. Mens tùm liberè duntaxat sequitur impressionem ipsi à Deo datam; cum autem Deus ipsi nullam det impressionem quæ versùs ipsum non tendat, quoniam propter se solum agere potest; amare juxta leges virtutis idem esse ac amare Deum, evidenter patet.

Sed id non modò est amare Deum, est præterea amare, ut Deus amat: opera sua non amat nisi quia aliquam habet analogiam cum perfectionibus suis; & illa amat juxta proportionem relationis quam habent cum istis perfectionibus. Denique idem amor est quo Deus amat seipsum & omnia quæ fecit. Amare secundum leges virtutis, est Deum unicè amare; ipsum in omnibus amare, ac res amare prout bonitatem & perfectiones Dei participant, hoc est, ipsas amare prout sunt amabiles, uno verbo est amare per impressionem ejusdem amoris quo Deus seipsum amat; namque amore quo Deus seipsum amat, & omnia relatè ad se, movemur, quum amamus ut par est. Tunc igitur amamus ut Deus amat.

Igitur, omnem perfectionem nostram à cognitione veritatis & legitimo virtutis amore oriri evidens est; cum ista veritatis cognitio, istæque virtutis amor ex unionem nostrâ cum Deo ordinariè sequantur, ipsiusque Dei possessionem nobis concilient, quantum id fieri potest in hac vitâ. Ex cæcitate mentis, vice versâ, & cordis corruptione oritur tota imperfectio nostrâ; atque hæc duo ex unionem mentis nostræ cum corpore oriuntur, ut id in multis locis ostendi, ubi demonstravi nos nunquam veritatem cognoscere, verumque bonum amare, dum sequimur sensuum, imaginationis, & affectuum nostrorum impressiones.

Hæc sunt evidentiâ. Homines tamen qui entis sui perfectionem omnes ardentem cupiunt, unionem cum Deo augere non satagunt, & ad unionem cum rebus sensibilibus fovendam & augendam perpetuò adlaborant. Tanti mali causa nunquam satis explicari potest.

Possessio boni duo effecta in ipsius possessore naturaliter edere debet, ipsum nempe perfectiorem, & eodem tempore feliciorem reddere. Sed id non semper evenit. Fateor equidem mentem non posse actu aliquod bonum possidere, quin actu fiat perfectior; sed potest quandoque actu possidere aliquod bonum, nec tamen esse actu felicior. Qui veritatem melius cognoscunt, & bona amabilia magis amant, semper actu perfectiores sunt iis qui in cæcitate & corruptione versantur, sed non semper actu sunt feliciores: De malo res eodem se habet modo; imperfectum, simul & infelicem reddere debet: sed quamvis homines semper reddat imperfectiores; ipsos tamen non semper reddit infeliciores; aut illos non reddit infelices eâ proportionem qua illos reddit imperfectos. Virtus sæpè dura est & amara, vitium verò dulce & jucundum. Ac probi potissimum fide & spe verè felices sunt, dum mali voluptatibus ex deliciis actu utuntur. Id equidem sic se habere non deberet, sic tamen se habet. Illud malum à peccato ortum est, ut dixi in capite præcedenti. Atque istud non modò totius cordis nostri pravitatis, verum etiam cæcitatis & ignorantiae mentis nostræ præcipua causa est.

Hæc inordinatio imaginationi nostræ persuadet corpora posse esse bonum mentis, nam voluptas, ut sæpè dixi, est character aut indicium sensibile boni. Jam autem ex omnibus voluptatibus quibus hic in terris patimur maximè sensibiles illæ sunt quas per corpora percipere existimamus. Ergò sine magno examine corpora esse posse, aut etiam actu esse bonum nostrum judicamus. Adversus naturæ instinctum obniti, & argumentis à sensu deductis resistere difficillimum est. Id nequidem mentem nostram subit. De inordinatione ex peccato orta neutiquam cogitamus. Corpora non posse agere in mentem nisi ut causæ occasionales mentem non posse immediatè aut per se aliquid corporei possidere, nec ulli objecto uniri, nisi per ipsius cognitionem & amorem. Deum solum supra ipsam esse, ipsamque

ipsamque ab eo duntaxat sensationibus voluptatis, aut doloris remunerari, aut puniri, illuminari & moveri, uno verbo affici posse, quocunque tandem sit modo, non attendimus. Istæ veritates quamquam ingeniis attentis evidentissimæ, ad nos convincendos eandem vim non habent, ac fallax impressionis sensibilis experientia.

Quum aliquid ut nostri partem, aut quum nos ut partem istius rei consideramus; tum unionem nostram cum illâ re bonum nostrum esse judicamus; illam amore prosequimur, & amor iste eò major est quò res cui nos utpotè, unitos consideramus, nobis videtur pars præstantior totius quod cum ipsa constituimus. Jam autem duo sunt argumenta quibus rem esse partem nostri persuademur: instinctus à sensu ortus; & evidentia rationis.

Sensus instinctu mentem meam corpori meo uniri, aut corpus meum constituere alteram partem entis mei persuadeor; illud evidentia mihi non constat. Id lumine rationis non cognosco; sed dolore, aut voluptate quam sentio, dum objecta me feriunt, manus mea pungitur; & ex punitione dolorem patior; ergo manus mea entis mei partem constituit. Vestis mea laceratur, & ex laceratione nihil patior, ergo vestis mea non est pars mei: capilli mei sine dolore mihi abscinduntur, licet cum dolore vellantur; id Philosophos tenet ambiguos; quid decident nesciunt. Sed ex ipsorum circa id dubio liquet, etiam sapientissimos instinctu sensus potius quàm lumine rationis judicare hæc vel illa efficere aut non efficere partem sui. Si enim hac de re per rationis evidentiam & lumen judicarent, nullo negotio cognoscerent mentem & corpus esse duo genera entis omninò opposita; mentem corpori non posse uniri per se; sed solâ unionem quam habemus cum Deo, mentem lædi cum corpus percutitur, ut a libi dixi. Itaque, solo instinctu sensus corpus nostrum, & omnia sensibilia quibus unimur, ut partes nostri consideramus, hoc est ut partes illius quod in nobis cogitat, & sentit: quia reverâ id quod non existit per evidentiam rationis agnoscere nequit, cum evidentia veritatem solam videat.

At de rebus intelligibilibus res planè secus se habet; nam lumine rationis agnoscimus relationem quam habemus cum ipsis. Claro mentis visu nos Deo uniri, modo longè strictiori, & magis essentiali quàm corporibus, sine Deo nos nihil esse, nihil posse, nihil cognoscere, nihil sentire; ipsum esse totum quod sumus, nosque cum ipso, si id ita dici possit, partem perquàm minimam duntaxat constituere percipimus. Lumen rationis innumera nobis proponit motiva ad Deum unicè amandum, & corpora spernenda, utpotè indigna amore nostro. Sed unionem nostram cum Deo naturaliter non sentimus. Instinctu sensus Deum esse nobis instar omnium non cognoscimus, nisi per gratiam Jesu Christi, quæ in quibusdam hunc sensum pro-

ducit, ut illo possint facilius vincere sensum contrarium, quo corporibus uniuntur. Namque Deus ut author naturę mentes fert ad sui amorem lumine rationis, non verò instinctus cognitione. Ac verissimile est ipsum duntaxat ex quo peccatum irrepsit addidisse, quasi authorem gratiæ, instinctum lumini, quia lumen, utpotè nunc debilissimum ad Deum nos ferre nequit, & quia voluptatis, aut instinctus contrarii, impetu perpetuò debilitatur & inefficax redditur.

Nes igitur Deo & mundo intelligibili quem in se includit uniri mentis lumine cognoscimus: at corpori nostro, ac per corpus nostrum mundo materiali & sensibili quem Deus creavit nos uniri sensu convincimur. Sed quia perceptiones ex sensibus ortæ, sunt vividiores, efficaciores, frequentiores, & diutius durant, quàm perceptiones ex lumine rationis ortæ; sensationes nostras nos agitare, & amorem nostrum erga omnia sensibilia excitare, lumina verò rationis dissipari, ac nullo in nobis erga veritatem ingenito ardore evanescere, non mirum est.

Non pauci equidem Deum esse verum ipsorum bonum persuasum habent, ipsum amant ut totum ipsorum, & unionem suam cum ipso augere & roborare enixè cupiunt. Sed pauci admodum sunt, quibus notum sit, nos per cognitionem veritatis Deo uniri unione naturali; veras rerum ideas contemplando, nos aliquo modo Deum possidere; & perceptiones istas abstractas quarundam veritatum generalium & immutabilium, quibus veritates speciales nituntur, esse conatus mentis eua Deo adhærescit, & à corporibus recedit. Metaphysica, Mathematica puræ, & omnes scientiæ universales, quibus scientiæ speciales fundantur & includuntur, ut ens universale includit omnia entia specialia, omnibus penè hominibus, probis æquè ac iis qui nullo ducuntur veritatis amore, fuitiles videntur. Adcò ut applicationem ad istas scientias esse purissimam, & perfectissimam applicationem mentis ad Deum, vix dicere ausim, & in contemplatione mundi intelligibilis qui ipsarum objectum constituit, Deum ipsum cognoscere & producere mundum istum sensibilem, à quo corpora accipiunt vitam, ut ex altero mentes alimentum recipiunt.

Qui sensuum impressiones, & affectuum motus duntaxat sequuntur, veritatem non possunt degustare, quia iis illa non adblanditur. Probi verò qui affectibus perpetuò obluantur, illis, falsa bona sibi offerentibus, semper non resistunt, cum veritatem ipsorum oculis subducunt, aut illam ipsis despicabilem præbent: Quia probi esse possumus, quamvis valdè eruditi & perspicaces non simus. Ut Deo accepti simus necesse non est accurate scire, sensus nostros, imaginationem, & affectus nobis semper res aliter repræsentare quàm reverà sunt: Etenim Jesum Christum, nec Apostolos à multis erroribus, quos Cartesius circa hanc materiam retexit, nos expedire voluisse non patet.

Inter hanc, & intelligentiam, Evangelium & Philosophiam, mul-

tum interest discriminis. Crassissimi homines fidei capaces sunt, quamvis paucissimi puræ cognitionis veritatum evidentium sint capaces. Fides Deum simplicibus repræsentat ut Creatorem cœli & terræ; atque id sufficit ut ad ipsum amandum & colendum ferantur. Ratio illum non modò considerat in operibus suis; erat enim id quod est, antequàm mundum creasset; illum in seipso contemplari conatur, aut per ingentem illam, & vastam ideam Entis infinitè perfecti quam in se includit. Filius Dei, qui est sapientia Patris, aut veritas æterna, humanam induit naturam, & factus est sensibilis, ut hominibus carnalibus & crassis innotesceret. Illos instituere voluit per id quod ipsos occæcabat, scilicet per sensûs ad ipsum amandum ferre, & à bonis sensibilibus avertere ipsos voluit, per res ipsas quibus mancipabantur. Cum stultis acturus, quadam stultitiæ specie, ut eos redderet sapientes usus est. Itaque probi, ac qui majore præditi sunt fide non semper majori præditi sunt intelligentiâ. Deum per fidem cognoscere ipsumque auxilio gratiæ amare possunt, quamvis ipsum omnia in omnibus, & totum in ipsis non intelligant, ut id Philosophi intelligere valent, & quamvis non cogitent cognitionem abstractam veritatis esse unionem cum Deo. Mirum igitur non est tam paucos in id incumbere ut suam unionem naturalem cum Deo per veritatis cognitionem augeant; cùm ad id adversus sensuum & affectuum impressiones pugnandum sit, modo longè diverso ab eo quo Viri piissimi adversus sensus & affectûs pugnare solent. Nam probissimi viri, sensûs & affectûs eo modo esse fallaces quo explicuimus libris præcedentibus, non semper persuadentur.

Solæ sensationes aut cogitationes quarum corpus particeps est, immediatè gignunt affectûs, quia sola fibrarum cerebri commotio excitat aliquam agitationem specialem in spiritibus animalibus. Itaque, solæ sensuum perceptiones nos convincunt modo sensibili, nos quibusdam rebus uniri erga quas istæ perceptiones sensibiles amorem in nobis excitant. Jam autem unionem quam habemus cum Deo, dum veritatem cognoscimus, sensu non percipimus; immò de ipso nequidem cogitamus, nam in nobis modo ita arcano & impercepto inest & operatur, ut illum nequaquam deprehendamus. Unio igitur quam naturaliter cum Deo habemus amorem nostrum erga ipsum non excitat. Sed de unione quam habemus, cum rebus sensibilibus res secus se habet. Omnes sensationes nostræ istam nobis probant unionem. Corpora quum in nobis agunt visum nostrum feriunt, ipsorum actio nihil habet occultri. Immò corpus nostrum nobis propius adest mente, illudque ut potiore nostram partem consideramus. Itaque unio quam cum corpore nostro habemus, & per corpus nostrum cum omnibus objectis sensibilibus excitat in nobis amorem violentum, quo ista unio augetur, & à rebus nobis longe inferioribus dependentes efficimur.

CAPVT VI.

De erroribus generalioribus affectuum, Quadam exempla specialia afferuntur.

OMnes errores speciales in quos circa bonum ab affectibus nostris injicimur, retere; amores immoderatos, & inordinatos impugnare; cordis integritatem restituere & mores regere, Ethicæ est. Sed propositum nostrum præcipuè postulat ut mentem dirigamus, & causas errorum nostrorum circa veritatem patefaciamus. Mentem solam considerandam habemus, si verò obiter de corde agamus, id fit quia cor menti dominatur. Veritatem in seipsâ sine ulla relatione ad nos quærimus, & relationem quam habet nobiscum consideramus, quia illa relatio efficit ut philautia illam (veritatem) nobis abscondat, & dissimulet. Nam de omnibus juxta affectûs nostros judicamus, ac per consequens in omnibus fallimur: quippe judicia affectuum cum veritate nunquam conveniunt.

Id nos docet D. Bernardus his verbis. *Amor sicut odium, veritatis judicium nescit. Vis judicium veritatis audire? Sicut audio, sic judico: non sicut odi, non sicut amo, non sicut timeo. Est judicium odii, ut illud: Nos legem habemus & secundum legem nostram debet mori. Est & timoris, ut illud: Si dimittimus eum venient Romani, & tollent nostrum locum & gentem. Judicium verò amoris, ut David de filio parricidâ. Parcite, inquit, puero Absalom: Bernard. De grad. humilitatis. Amorem & odium sequendo falsò semper judicamus; purum veritatis lumen nos solùm illuminat; distinctam nostri omnium Magistri vocem audiendo, duntaxat solida ferre possumus judicia; dummodò de iis tantùm quæ nos docet, ac prout docet, judicemus. Sicut audio, judico. Sed quo pacto nos decipiant affectus, videamus, ut iis resistere faciliùs possimus.*

Affectus tantam cum sensibus habent relationem, ut quomodo illi in errorem nos injiciant, post ea quæ de his Primo Libro diximus, explicare, difficile non sit. Generales enim affectuum errores; generalibus sensuum erroribus planè similes sunt.

Erroris sensuum, ut primo Libro diximus, ex eo potissimùm in genere oriuntur, quod objectis externis, aut corpori nostro tribuimus sensationes menti soli proprias, quod colores superficiei corporum alligamus; lucem, sonos, odores in aëre diffundi credimus: quodque titillationem & dolorem in partibus corporis nostri, quibus mutationes quædam per motum corporum obviorem contingunt, inesse existimamus.

De affectibus idem penè ferendum est iudicium. Omnes corporis nostri dispositiones, bonitatem, lenitatem, malignitatem, asperitatem nostram, omnesque animi affectus, objectis quæ ipsos movent aut movere videntur imprudenter tribuimus. Objectum quod in nobis aliquem affectum excitat, id quod in nobis excitat, dum de illo cogitamus, in se includere aliquo modo nobis videtur; quemadmodum objecta sensibilia sensationes quas in nobis præsentia suâ excitant, in se includere videntur. Quum aliquem amamus, ad id naturaliter ferimur ut credamus nos etiam ab ipso amari; ipsumque nobis nocere aut desideriiis obstare velle ægrè possumus suspicari. Ac si odium amorì succedat, illum hominem erga nos benevolo animo ferri credere non possumus: omnes ipsius actiones in malam partem accipimus. Ab ipso nobis perpetuò cavemus, quamquam aut de nobis ne quidem cogitat, aut nobis prodesse duntaxat intendit. Omnes denique cordis nostri dispositiones, illi immeritò tribuimus à quo in nobis excitatur affectus quipiam; non secus ac sensuum objectis omnes mentis sensationes imprudenter affingimus.

Præterea eadem ratione quâ omnes homines iisdem ac nos affici sensationibus eorundem objectorum occasione, existimamus; eadem pariter ratione, omnes homines iisdem ac nos moveri affectibus ob easdem res credimus. Quod amamus ab aliis etiam amari, quod desideramus ab aliis desiderari, arbitramur. Atque hinc oriuntur invidiæ, secreta odia; si bonum quod prosequimur à multis totum possideri nequeat; Nam si multi illud indivisum possidere queant, ut summum bonum, scientiam, virtutem, &c. res secus se habet. Eadem etiam quæ nos, ab aliis odio haberi, refugi, & timeri credimus; atque hinc mutuae uniones, conspirationes arcanae, aut manifestæ, secundum naturam & statum rei exorsæ, quia hoc pacto è miseriis emergere confidimus.

Igitur, objectis affectuum commotiones quas in nobis edunt tribuimus, & alios homines ac quandoque etiam bruta iis etiam agitari censemus, sed præterea causam affectuum quæ sæpè imaginaria est, realiter in aliquo objecto esse, temerariè iudicamus.

Quum aliquem vehementi prosequimur amore, omnia in ipso amore digna iudicamus. Si sit ore contorto id venustatis aliquid habere nobis videtur; ipsius deformitas non displicet; motus irregulares & gestûs malè compositi iusti, aut saltem naturæ accommodati videntur, si nunquam loquitur, sapit. Si semper, mirifico præditus est ingenio; si de rebus omnibus, est ad omnia paratus; si alios dum loquuntur perpetuò interrumpat, id ipsius ingenii vivacitati imputabitur. Si primas ubique tenere ambiat, primo loco dignus est. Sic affectus omnia amicorum vitia tegit & incrustat, mediocresque virtutes extollit.

At si ejusmodi amicitia sanguinis & spirituum animalium agit-

tione, ut cæteri affectus, duntaxat freta, deficientibus spiritibus refrigerat, aut si aliquis alius affectus interveniens sycophantæ alicujus maledicentia cerebri dispositionem immutet; tùm odium amori succedens imaginationem nostram ita inflectet, ut in objecto affectûs nostri omnia sibi repræsentet vitia quæ legitimam parere possunt aversionem. In eodem homine dispositiones videbimus iis quæ in ipso antea videramus prorsus contrarias. Ipsum amasse nos pudebit: ac affectus nunc dominans sibi ipsi patrociniabitur, & affectum priorem ridiculum reddet.

Affectuum imperium, & injustitia ulterius longè excedunt, affectûs præcipuum objectum suum nobis non modò fucant ac ipsi veluti pallium obducunt, sed omnia etiam quæ cum ipso aliquam habent relationem. Non solum omnes amicorum affectiones amore dignas nobis inducunt, sed etiam plerasque affectiones quas in amicorum amicis deprehendimus. Ulterius etiam progrediuntur in iis qui imaginatione vastâ & vividâ pollent. Ipsorum enim affectûs tanto in mentem potiuntur imperio, ut ipsius limites designare difficile sit.

Ex his tot errores, præjudicia, injustitiæ oriuntur, ut omnem numerum excedant. Pleræque veritates seu potius errores, qui in quibusdam locis, temporibus, societatibus, familiis vigent, ex iis generalibus & sæcundis ducuntur principiis. Quod in Hispaniâ verum est, in Gallia falsum habetur. Quod Parisiis admittitur, Romæ rejicitur, quod apud Franciscanos certum est, apud Dominicanos damnatur ut error, & vice versâ. Dominicani à D. Thomæ partibus stant, quare verò? Quia Sanctus ille Doctor ex ipsorum ordine erat. Hi verò Scoti doctrinam amplectuntur, quia Scotus erat Franciscanus.

Sunt etiam veritates & errores quorundam temporum. Ante bis mille annos terra movebatur; hætenus immobilis manserat; jam denuò moveri incipit. Aristotelis libri olim cremati fuere; & Concilium Provinciale à Papâ probatum ipsius Physicam doceri prudentissimè interdixerat. Abhinc omnium admirationem movit. Nunc contemptui esse incipit. In scholis opiniones nunc admittuntur quæ ut hæreses olim repudiatae fuerunt, & qui illas defendebant ut hæretici à nonnullis Episcopis excommunicati. Quia cum ex affectibus, partium studia oriantur, hinc nascuntur ejusmodi veritates aut errores æquè instabiles ac causa à quâ nascuntur. Exempli gratiâ homines per se sunt adiaphori circa stabilitatem terræ, & formam corporeitatis; at verò ipsorum circa istas opiniones adiaphoria delinit, ubi ab iis quos odio habent defenduntur. Itaque odium confuso quodam pietatis sensu admixtum ac veluti fotum, zelum temerarium parit, qui paulatim effervescebat, eventus illos producit qui hominibus stupendi non videntur nisi diù postquam evenerunt.

Affectum eò usque extendi vix credibile est; sed affectûs ad ea

Conc. Angl.
Spelman.
ann. 1287.

omnia extendi, quibus ipsis potest satishi, sciendum est. Aman toti populo Judæo forsan non succensebat, verum quia Mardocheus, gente Judæus, ipsum non salutat, totam gentem Judæam perdere decernit; ut ultio sit memorabilior.

Litigatores de fundo quopiam litigant. Ut lis dirimeretur, titulos suos duntaxat proferre, & id solum quod ad rem pertinet, causæque prodesse valet, dicere deberent; at tamen sese mutuò maledictis lacerare, sibi invicem contradicere, querelas & accusationes inutiles movere, ac litem innumeris rebus adventitiis, ac ut ajunt, accessoriis quæ summam rei confundunt intermiscere non desinunt: omnes denique affectûs æquè latè patent ac acies ingenii eorum qui ipsis moventur. Quippe, nihil ad objectum affectuum aliquam habere relationem existimamus, ad quod protinus motus affectuum illorum non extendatur, idque hoc modo.

Objectorum vestigia inter se invicem in cerebro ita colligantur, ut cursus spirituum aliquod ex illis vestigiis excitare nequeant, quin multa eodem tempore aperiantur. Præcipua igitur idea rei de qua cogitamus necessario cunjugitur cum pluribus ideis adventitiis, quæ eò magis augentur, quò spirituum animalium impressio violentior est. Jam autem ista spirituum impressio non potest quin sit violenta in affectibus, quia affectus in cerebrum affatim & magno impetu perpetuò mittunt spiritûs ad id aptos ut vestigia idearum quæ objectum suum repræsentant conserventur. Itaque motus amoris & odii non modò extenditur ad præcipuum objectum affectûs, sed etiam ad ea omnia quæ cum illo objecto aliquam relationem habere videntur. Quia motus affectu excitatus sequitur perceptionem mentis; quemadmodum motus spirituum animalium in cerebro sequitur vestigia cerebri, tum ea quæ ideam præcipuam objecti affectûs excitant, tum alia quæ ad illud referuntur.

Homines igitur iram & odium tam longè ferre, & actiones tam ridiculas & stupendas patrare, mirum non est. Horum omnium effectuum ratio quædam est specialis; etsi illam non cognoscimus. Ipsorum ideæ adventitiæ seu accessoriæ nostris semper similes non sunt; ipsasque cognoscere nequimus. Itaque semper quædam est ratio, ob quam ita absurdè agere nobis videntur.

CAPVT VII.

*De affectibus speciatim, & primò de admiratione
& prauis ipsius effectis.*

DE affectibus in genere hætenus duntaxat actum est, sed inde consequentias speciales elicere non est difficile, dummodò ad ea quæ in nobis aguntur, & ad cæterorum hominum actiones, animus advertatur. Quippe hoc pacto uno intuitu plures reteguntur veritates, quæ non nisi longo temporis spatio possent explicari. Sed homines intra se ipsos tam rarò se recipiunt, ac id tantopere refugiant, ut in specialem hîc explicationem descendere operæ pretium sit, ad ipsorum attentionem excitandam.

Dum nosmet ipsos palpamus, ac percutimus sensu destituti penè nobis videmur. Verùm cùm ab aliis duntaxat tangimur, satis vividè afficimur, ut attentio nostra excitetur. Uno verbo, nosmet ipsos non titillamus, id nequidem mentem nostram subit, ac forsan frustrà tentaretur. Res eodem fermè modo se habet de mente. Mens seipsam explorare ac scrutari non aggreditur, ejusmodi scrutinium ipsi displicet & fastidium parit, ac omnes mentis proprietates & affectiones non agnoscit & sentit nisi ubi ab aliis monetur & excitatur. Itaque ut nonnullis, cognitio sui facilior fiat, affectûs paulò specialius sunt explicandi, ut ipsos tangendo & movendo, omnes mentis affectiones meliùs doceri possint.

Eos tamen qui infrà dicenda legent monitos velim, ne mirentur, si iis quæ sum dicturus semper non afficiantur, nec se affectibus & erroribus de quibus loquar obnoxios agnoscant, quippe omnes affectus speciales iidem semper non sunt in omnibus hominibus.

Omnes homines easdem habent inclinationes naturales, quæ nullam ad corpus relationem habent. Easdem etiam omnes habent quæ ad corpus referuntur, quum benè dispositum est. Sed varia corporum temperamenta ipsorumque frequentes mutationes infinitam in affectibus specialibus varietatem pariunt: quod si varietati constitutionis corporum addatur diversitas objectorum quæ in eos qui eadem non obeunt munera, vitamque eodem modo non instituunt suam, impressiones planè diversas agunt; evidentè patebit, homines iisdem rebus æqualiter non affici. Itaque maximum esset erroris periculum, si quid alii sentire debeant, per id quod nos sentimus, semper judicaremus.

Haud credo me hallucinari, dum assero omnes homines velle esse beatos.

beatos. Certò enim mihi constat Sinenses & Tartaros; Angelos, & ipsos Dæmonas, omnes denique spiritûs felicitatem optare. Immodò notum est mihi nullam unquam mentem à Deo creari posse sine illo desiderio. Id me non docuit experientia: Nec Sinensem nec Tartarum unquam vidi. Id mihi conscientia intûs non testatur; interno enim illo conscientiae testimonio tantum comperio me velle esse beatum. Deus solus potest me convincere cæteros omnes homines Angelos, & Dæmones velle esse felices. Ipse solus potest me certiorum facere, mentem à se nunquam creatum iri quæ erga felicitatem sit adiaphora. Quis enim præter ipsum positivè docere me posset ea quæ facit, aut etiam quæ cogitat? Quia verò nunquam me fallere potest, quæ ipse me docet in dubium revocare nequeo. Certò igitur scio omnes homines velle esse felices, quia ista inclinatio naturalis est, nec pendet à corpore.

De specialibus affectibus res eodem modo non se habet. Si musicam, choream, venationem præ cæteris adamo, si saporibus dulcibus, aut acutis delector, hinc quicquam certi circa cæteros homines concludere non mihi licet. Voluptas sarrè dulcis & grata est omnibus hominibus, sed omnes ex iisdem rebus non percipiunt voluptatem. Amor voluptatis est inclinatio naturalis, nec pendet à corpore: igitur communis est omnibus hominibus. Sed musica, venationis, aut saltationis amor, non est generalis; quia dispositio corporis à quo pendet cum sit diversa in omnibus hominibus, omnes affectûs qui ab eo pendent iidem semper non sunt.

Affectûs generales, ut desiderium, gaudium & tristitia, inter inclinationes naturales & affectûs seu passionis speciales medium locum obtinent, generales sunt non secus ac inclinationes, sed æquè vehementes non sunt; quia causa ex quâ oriuntur & foveantur æqualiter non agit in omnibus. In gradibus agitationis spirituum animalium, in ipsorum copia & paucitate, soliditate aut tenuitate, & in relatione fibrarum cum his spiritibus varietas est infinita.

Itaque sæpè contingit ut de quibusdam affectibus specialibus loquendo alios nequaquam, ac ut ita dicam in nulla mentis parte tangas; at verò si semel de affectibus specialibus loquendo illos tetigeris, tum vehementer moventur. De affectibus generalibus, & inclinationibus res planè secus se habet, dum enim de illis loqueris, omnes quidem afficiuntur, sed modo debilissimo, ac veluti impercepto. Hæc præmitto, ne quis de sententiæ meæ veritate judicet, per ea quæ dictorum meorum occasione jam sensit, aut imposterum ex dicendis sentiet, sed considerando naturam affectuum de quibus sermo est.

Si de omnibus affectibus specialibus agere aggrederemur aut si illos per objecta quibus excitantur distingueremus, nullus esset dicendi finis, & eadem semper dicenda recurrerent; tum quia affectuum objecta sunt infinita, tum etiam quia de eodem argumento semper

ageretur. Speciales ergà Poësin, Historiam, Mathematicas Disciplinas, Venationem, Saltationem, affectûs, nihil sunt præter eundem affectum generalem. Quippe, exempli gratiâ, desiderii, aut gaudii affectûs circa omnia quæ nobis arrident inter se non differunt, quamvis singula objecta quæ arrident inter se discrepent.

Numerus igitur affectuum non est multiplicandus, juxta numerum objectorum quæ infinita propemodum sunt; sed duntaxat juxta præcipuas relationes quas nobiscum habere possunt. Atque hoc pacto patebit amorem & odium esse principia omnium affectuum; ab illis alios non gigni affectûs generales quam desiderium, gaudium, & tristitiam: affectûs speciales ex his tribus primitivis derivari; ac eo magis esse complexos, quò idea principalis boni aut mali quæ excitantur majori numero idearum adventitiarum, vel quò bonum & malum pluribus circumstantiis ad nos relativis comitatur; ut inferiùs explicabitur.

Si ea quæ de idearum connexionem dicta sunt in memoriam revocentur, & attendamus in vehementibus affectibus spiritus animales utpotè valdè agitados, excitare in cerebro omnia vestigia quæ cum objecto quo exagitamur relationem habent. Facile agnoscemus varios & multiformes esse affectûs quæ nomine peculiari & proprio carent, ac proinde explicari nequeunt.

Si affectûs primitivi, ex quorum combinatione alii gignuntur, magis & minus recipere nequirent, omnium affectuum numerus nullo negotio determinaretur. Sed numerus affectuum ex aliorum combinatione ortus infinitus esse necessariò debet; quippe cum idem affectus innumeros habeat gradus, sese cum aliis jungendo, potest combinari innumeris diversis modis. Adeò ut duos fortè nunquam reperias, homines eodem affectu motos; si per eundem affectum intelligas omnium motuum æqualium & sensationum similium quæ in nobis excitantur, occasione alicujus objecti, connexionem.

Sed magis & minus cum non mutant speciem, numerus affectuum infinitus dici nequit, quia circumstantiæ, quæ bonum & malum comitantur non sunt infinitæ. Sed ad affectuum specialium explicationem deveniamus.

Quum primùm quid videmus, aut, jam multoties visum denud cernimus, aliis indutum circumstantiis, tum obstupescimus, & rem illam miramur. Itaque nova idea, vel nova connexio pristinarum idearum affectum imperfectum in nobis gignit, qui omnium primus est, quemque admirationem vocamus. Istum affectum imperfectum dico, quia ideâ, aut sensu boni non excitatur.

Cerebro tum in quibusdam locis agitato, ubi nunquam fuerat agitato, aut modo planè novo & insolenti, mens agitatione illâ vehementer afficitur, ac proinde istius objecti novitati enixè incumbit: eadem ratione quâ simplex titillatio in plantâ pedum, novitate po-

tius quàm vehementiâ impressionis excitat in mente sensationem maximè vividam. Multæ adhuc sunt causæ cur mens rebus novis adjungatur quæ quando de inclinationibus naturalibus actum fuit, explicui. Mens hîc duntaxat consideratur relatè ad corpus, & secundû illam relationem, commotio spirituum est causa naturalis ipsius applicationis ad res novas.

In admiratione, quâ tali, res non considerantur nisi ut in se sunt, vel prout nobis videntur: illas nec relatè ad nos, nec ut bonas, aut malas, consideramus. Atque hanc ob causam spiritus in musculos non diffunduntur, ut in corpore dispositionem formant aptam ad prosequendum bonum, vel fugiendum malum, nec nervos, ad cor, aut viscera pertinentes agitant, ut sanguinis fermentationem & motum accelerent, aut morentur; ut fieri solet in cæteris affectibus. Omnes spiritus versùs cerebrum tendunt ut in eo formant imaginem vividam & distinctam objecti quod stupefecit, ut illud mens contempletur, & agnoscat: sed reliquum corpus veluti immobile & in eodem situ remanet. Sicut nulla est in mente commotio, nullus pariter est in corpore motus.

Si magna nobis videntur quæ miramur, admirationem semper sequitur existimatio, & nonnunquàm veneratio. At contrà si parva videntur, admirationem semper sequitur contemptus & sæpenumerò fastidium.

Magnitudinis idea, ingentem excitat in cerebro spirituum motum; & vestigium quo repræsentatur diutissimè conservatur. Ingens pariter spirituum motus magnitudinis ideam in mente excitat, ipsamque istius ideæ contemplationi diu applicat.

Parvitatís idea parvum in cerebro excitat spirituum motum, & vestigium quo repræsentatur diù non durat. Exiguus spirituum motus, parvitatís ideam etiam in mente excitat ac mens istius ideæ contemplationi tantisper appellitur. Hæc attentione dignissima sunt.

Quum nosmet ipsos consideramus, aut aliquid nobis unitum, admiratio nostra nunquàm subsistit in nobis sine aliquo affectu. Sed agitatio nostra est in sola mente, & in spiritibus qui ad cor deferuntur; cum enim nullum bonum sit prosequendum, aut malum fugiendum, spiritus in musculos non diffunduntur ut corpus ad aliquam actionem disponant.

Consideratio perfectionis entis nostri, aut alicujus rei quæ ad illam perfectionem pertineat, superbiam, aut nostri existimationem, aliorum contemptum, gaudium, & quosdam alios affectus naturaliter parit, propriæ nostræ magnitudinis contemplatio, *ὕπερβασίς* gignit. Roboris nostri cognitio generositatem, aut audaciam, & consideratio alius cujuscumque prærogativæ, alium affectum, superbiæ quàm proximum, producet.

Contrà verò consideratio alicujus imperfectionis entis nostri, aut

alicujus rei ad nos pertinentis, humilitatem, nostri contemptum, ergà alios venerationem, tristitiam, & alios quosdam affectûs movet. Parvitas nostræ cognitio humilitatem, debilitatis conscientia, timiditatem, & alicujus vitii nobis innati consideratio alium producet affectum, humilitati valde propinquum. Sed ista humilitas non secùs ac superbia, propriè loquendo, nec vitium, nec virtus est. Utrumque nihil aliud est præter affectûs, aut commotiones involuntarias, societati civili tamen utilissimas; immò in quibusdam casibus ad vitæ, aut bonorum conservationem omninò necessarias.

Humilitas, exempli gratiâ, & timiditas necessariæ sunt, immò istam mentis dispositionem habitu modesto & venerabundo, testari necesse est, ubi aditamus coram viro nobili, vel feroci, & potenti: nam penè semper utile est bono corporis, ut imaginatio deprimatur ad conspectum magnitudinis sensibilis, ac summissionis & internæ venerationis, externa præbeat testimonia. Verùm id fit naturæ ductu, & mechanicè, sine ulla voluntatis participatione; immò sæpè ipsa reluctante. Ipsa bruta, exempli gratiâ canes, quibus necesse est eos quibuscum vivunt demulcere, machinam ut plurimum ita habent dispositam, ut eum induant habitum externum, qui relatè ad eos quibus circumdantur sit consentaneus: id enim ad illorum conservationem planè necessum est. Si verò aves aut quædam alia animalia dispositionem corporis aptam non habeant ad inducendum illum habitum; id fit quia non opus est, ut eos pacent quorum iram fugâ vitare possunt, aut quibus ad vitæ conservationem non indigent.

Nunquam satis attendere possumus omnes affectûs in nobis, præfentiâ alicujus rei extrâ nos positæ, excitatos, in facie nostrâ imprimere mechanicè habitum affectui consentaneum, hoc est, habitum, qui impressione suâ, omnes adstantes mechanicè disponat ad affectûs & motûs utiles societati. Ipsa admiratio, quum in nobis duntaxat excitatur, visû alicujus rei quæ sit extrâ nos, quamque alii possint considerare, in facie nostrâ producit habitum qui in aliis admirationem mechanicè imprimit; & in ipsorum cerebro ita agit, ut spiritus in eo contenti, in musculos faciei mittantur, ut in eo habitum nostrum similem forment.

Ista affectuum mentis & motuum spirituum communicatio animalium ut homines, inter se uniantur relatè ad bonum, & malum, utque sibi invicem prorsus similes fiant, non modò dispositione mentis, verùm etiam situ corporis, eò major est, & faciliùs deprehendi potest, quò affectûs sunt vehementiores quia tum spiritus animales velociùs agitantur. Jam autem id sic se habere debet, quia quum bona & mala sunt majora & propinquiora, iis animus magis appellendus est, ac homines arctiùs inter se uniri debent, ut illa vel prosequi, vel fugere queant. Ubi verò affectûs sunt moderati, ut solet esse admiratio, vix modo sensibili communicantur; nec habitum quo commu-

nicari solent, penè imprimunt. Quia nihil est quod urgeat, ipsos in aliorum imaginationem impetum facere, & à negotiis istorum affectuum consideratione forsàn utilioribus dimovere, necesse non est.

Hac affectuum nostrorum œconomiâ, & corporis dispositione relatè ad objecta quibus circumcingimur, mirabilius nihil est. Quicquid in nobis mechanicè agitur sapientiâ authoris nostri dignissimum est. Cumque Deus affectuum quibus agitamur eo fine nos reddiderit capaces, ut præcipuè cum rebus omnibus sensibilibus nos uniret, ad societatis & entis nostri sensibilis conservationem, ipsius hac in re consilium, tam fidelem, & accuratam sortitur executionem ut operis istius artem & varia quibus construitur organa satis & mirari non possimus.

Attamen affectus nostri & omnia illa vincula impercepta, quibus cum rebus omnibus nobis circumjacentibus unimur, nostrâ culpâ sæpè fiunt errorum & peccatorum causæ. Affectibus enim non utimur ut par est: omnia ipsis permittimus nec vel limites quibus à nobis circumscribi debent novimus. Unde fit ut affectus per se debilissimi qualis est admiratio, nos sæpè tamen injiciant in errorem. Rem aliquot exemplis illustro.

Quum homines, ac ii præcipuè quibus est imaginatio vasta, sese considerant per illam partem quæ ipsis præstantior videtur, tùm ipsi sibimet valdè arrident & internus ille applausus augefcit, quotiescunque sese comparant cum aliis quorum imaginatio minùs agitur. Præterea tot hominum admirationem movent, & tam pauci sunt qui ipsis cum successu & approbatione resistant, (quis enim unquàm rationi, coram homine, imaginatione forti, & vivida prædito plaudere aggrediatur?) Denique in auditorum facie, habitus summissionis & venerationis ita sensibilis, & indicia admirationis ita manifesta formantur, quotiescunque novum aliquod proferunt verbum, ut seipsos etiam mirentur, & imaginatio quæ ipsorum prærogativas augefcit, ipsis maximam sui existimationem injiciat. Si enim hominem affectu aliquo permotum videre non possimus, quin ipsius affectûs impressionem in nobis recipiamus, ipsiusque sententiam amplectamur; quomodo fieri posset ut qui ingenti admiratorum cohorte stipantur, affectum philautiæ tam suaviter indulgentem, non induerent?

Jam autem existimatio illa, quâ homines imaginatione forti & vivida præditi sese & virtutes suas prosequuntur, ipsorum animum inflat, & habitum ita imperiosum imprimit, ut de omnibus decidere audeant. Alios nonnisi aspernabundi audiunt: ipsis cavillando duntaxat respondent: nihil nisi relatè ad se cogitant. Et mentis attentionem, veritati inveniendæ adeò necessariam, veluti servitutum quandam habentes, quicquam ampliùs discendi prorsùs incapaces fiunt. Superbia, ignorantia, & cæcitas unâ semper procedunt.

Homines illi qui ingenii fortitudinem affectant, vel potius homines vani, & superbi, veritatis discipuli esse nolunt, apud seipsose non recipiunt nili ut sese contemplantur, & admirentur. Itaque qui superbis resistit, in ipsorum tenebris equidem lucet, sed tenebrae non discutiuntur.

Contrà, quædam est dispositio in spiritibus animalibus & sanguine, quæ nos nimis dejicit efficitque ut de nobis humilius æquo sentiamus. Inopia, tarditas, & tenuitas spirituum animalium, conjuncta cum crassitudine fibrarum cerebri imaginationem nostram efficiunt debilem, & languentem. Atque istius debilitatis & languoris imaginationis nostræ cognitio confusa nos in quandam adducit humilitatem vitiosam, quæ animi dejectio dici potest.

Omnes homines veritatis capaces sunt, sed eum qui solus ipsos eam docere potest, non adeunt. Superbi ad seipsose sese convertunt, aliosque audire recusant; & humiles illi falsò sic dicti ad superbos confugiunt, ac sese illorum decisionibus mancipant. Utrique, homines duntaxat audiunt. Ingenium superborum fermentationi sanguinis, hoc est propriæ imaginationi morem gerit. Ingenium falforum humilium dominanti superborum habitui cedit. Et sic utrique vanitati & mendacio mancipantur. Superbus dives est & potens, ingenti stipatur famulantium caterva, & magnitudinem suam juxtà potentiam, divitias, & dignitates quibus supra alios eminet metitur; Humilis verò, falsò sic dictus, eodem quidem spiritu ducitur, sed quoniam, miser est, egenus, debilis, & languidus, se nihil esse arbitratur, quia nihil possidet. Attamen divitiæ, dignitates, & cætera ejusmodi externa, nobis sunt merè accidentalia; in his nequaquam consistit essentia nostra; ac tantum abest ut copia sanguinis & spirituum, imaginationis vigor & impetus, ad veritatem nos ducant, quin contrà ab ea nullà alià re magis abducimur. Ingenia obtusa, ut ita loquar, frigida, & languida, veritates solidissimas & abstrusissimas melius apprehendere & veritatem ipsos in intimo rationis recessu docentem silentibus affectibus facilius audire possunt; sed ipsius verbis attentionem præbere nequeunt. Sine ullo sensibili fulgore, & summissa voce loquitur, jam verò illi solo tumultu excitantur. Id solum quod micat, magnumque, & magnificum sensuum judicio videtur ipsos convincere potest. Splendore ipsos perstringente gaudent. Philosophos phantasmata & somnia ipsis obtrudentes, ac Pseudoprophetarum exemplo falsò gloriantes se à veritate eruditos fuisse, ipsi veritati reapse loquenti, anteponunt. Ante quater mille annos superbia ingenii humani ipsis non renuentibus illudit: immò istius superbiæ mendacia tanquàm traditiones Sanctas & Divinas venerantur & conservant. Deum veritatis ab ipsis discessisse diceret: de ipso non ampliùs cogitant; ipsum non ampliùs consulunt: non ampliùs meditantur, suamque pigritiam & socordiam falsis humilitatis speciebus tegunt.

Veritatem propriis viribus nostris nos non posse deprehendere equidem concedo: sed, Deo nos illuminante, id possumus quod omnium omnino hominum auxilio fieri unquam nequiret. Immo qui veritatem certius cognovere, illam nos docere non possunt, nisi eum interrogemus, quem ipsi interrogavere, ac nisi pariter attentioni nostræ respondeat. Hominibus igitur credendum non est, quia ipsi loquuti sunt, nam omnis homo fallax est; sed quia Deus qui fallere unquam nequit, nos alloquutus est, ipsum indefinenter interrogare debemus. Iis qui aures duntaxat alloquuntur, corpus solum instituunt, & in solam imaginationem agunt credere non debemus. Sed eum qui mentem alloquitur, rationem instituit, ac in intimo hominis interni penetrans, ipsum illuminare, & corroborare potest adversus hominem externum & sensibilem, à quo perpetuò decipitur attentè auscultare debemus. Hæc utpotè maximâ animi attentione digna sæpius repeto. Deus solus colendus est. Ipse solus lumen nobis effundere potest, ut solus etiam potest voluptates in nobis excitare.

In spiritibus animalibus, & in reliquo corpore, quædam nonnunquam inest dispositio quâ ad venationem, choream, cursum, & in genere ad omnia exercitia, in quibus corporis robur & dexteritas exeruntur, excitamur. Hæc dispositio juvenibus ac ijs præcipuè quorum corpus nondum omnino formatum est, inesse solet. Pueri in eodem loco perstare diu nequeunt, in perpetuâ versantur actione, quum indoli suæ sese permittunt. Cum ipsorum muscoli perfectum nondum attigerint robur, nec sint omnino conformati; Deus utpote Author naturæ voluptates mentis corporis bono adtemperans, efficit ut exercitiis corporeis delectentur ad corroborandum corpus. Itaque, dum carnes & fibræ nervorum adhuc molles sunt, viæ per quas spiritus animales necessariò emitti debent ad producendos quoslibet motûs sternuntur & conservantur, nullique coacervantur humores quibus istæ viæ præcludantur, vel quorum putrefactione pars aliqua corrumpitur.

Plerique juvenes corporis sui dispositionem confuso quodam modo sentiunt, ac ideo ipsius robur & agilitatem cum voluptate vident. Sese dum, ipsius motus moderari, aut illud novo quodam modo movere possunt, demerantur. Ab alijs spectari & laudem accipere gestiunt. Atque hoc pacto amorem suum erga omnia corporis exercitia fovent & adaugent; ac iste amor inter præcipuas ignorantiae & ferocitatis hominum causas ultimum non obrinet locum. Præterquam quod enim multum temporis in ejusmodi exercitijs teritur, infrequens ac penè nullus rationis usus efficit, ut pars præcipua cerebri, in cuius flexibilitate consistit vis & vivacitas ingenij, inflexilis prorsus fiat, & spiritus animales facile non diffundantur in cerebrum modo idoneo ad excitandas rerum quarumlibet cogitationes, prout casus postulat.

Hinc fit ut plerique rebus bellicis occupati, & nobiles, omnis attentionis incapaces sint. De omnibus perfunctorie ac leviter rationantur. Ac si ipsis quod audire recusant oggerere audeas, quid sint responduri nevitam cogitant, sed ipsorum spiritus animales in musculos quibus brachium attollitur sensim feruntur. Ac penè incogitantes, aliquo istù vel gestù minaci respondent. Quia spiritus verbis quæ proferuntur agitati, in loca exercitio magis trita transeunt. Et quia corporis sui robur sensu cognoscunt in hisce petulantibus agendi modis confirmantur; adstantiumque habitus summissus &c. ut ita dicam, venerabundus ipsis inspirat audaciam ineptias superbe & ferociter proferendi. Immo se egregia quædam esse loquutos arbitrantur, quia præ prudentiâ, & timore ab alijs non fuerunt explosi.

Cuiusmodi studio incumbere, aut scientiam aliquam actû proficere nemo potest, quin id cognoscat; Nullus se Authorem, vel Doctorem esse, immemor fieri potest. Verùm cognitio & recordatio ista in multorum animo tot vitia gignit, ut ipsis utile foret si titulis quibus gloriantur destituerentur. Quia in titulo illo seu, ut ajunt, *Qualitate* maximum sui decus constituunt, illam semper cum voluptate considerant; illiusque alios mira cum solertia commonefaciunt, ac propter illam sibi jus arrogant de omnibus sine examine judicandi. Si quis imprudens ipsis audeat obniti, tum lenitatem & charitatem præ se ferentes, quid sint, in memoriam revocare conantur, ac sibi decidendi jus esse insinuant. At si deinde quis adeo fit audax ut ipsis obfistere pergat, nec sit quid respondeant, tum palam faciunt & quid de se, & quid de illis qui ipsis præfractè resistunt, cogitent.

Sensus internus seu conscientia alicujus prærogativæ animum semper inflare solet. Eques generoso insidens equo, & armatus, cui sanguis & spiritus affatim suppetunt, nihil non potest aggredi. Hæc dispositio generosum & audacem ipsum efficit. De viro literarum studijs addicto, cujus ingenium cordis superbiâ corruptum fuit, res non secus se habet, adversus veritatem strenuus & audax evadit. Illam quandoque nondum cognitam temerariè impugnât interdum verò illam agnitam prodit, ac falsa eruditione fretus, affirmativam, aut negativam defendere semper paratus est, prout spiritu contradictionis movetur.

De ijs qui eruditionis fastum non affequant res aliter se habet; De rebus non decidunt. Raro loquuntur, nisi ubi casus & res necessarii postulat. Ac sæpe contingit ut taceant etiam quum loqui deberent. Famam istam, & characteres eruditionis externos, quibus plerique ad id adiguntur ut loquantur quid dicant nescij, fulcinent non habent. Tacere ipsis licet at doctos silere pudet. Norunt enim se contentui futuros esse si silant, etiam ubi ipsis non est quod dicant;

dicant; ac contentum sæpè evitatu-
ros, licet meras proferant inep-
tias, dummodò illas modo *scientifico* proferant.

Quod homines cogitandi capaces efficit, id ipsum illos veritatis ca-
paces reddit. Atque nec honoribus, nec opibus, nec dignitatibus,
nec falsà eruditione, homines cogitandi capaces fiunt, sed naturâ suâ.
Ad cogitandum apti nati sunt, quia ad veritatem possidendam desti-
nati fuere. Inimò prospera corporis valetudine bene cogitandi ca-
paces non efficiuntur; id duntaxat potest efficere, ut ad id tanto non
sit obstaculo quàm adversa valetudo. Corpore nostro ad sentien-
dum & imaginandum aliquomodo adjuvamus, ad cogitandum ne-
quaquam. Quamvis enim sine auxilio corporis non possumus medi-
tando figere ac determinare ideas nostras, adversus impetum perpetu-
um sensuum & affectuum, quibus ideæ nostræ indefinenter turbantur
& delentur, quia nunc corpus vincere nequimus nisi corporis ope;
attamen corpus mentem illuminare, ac in ipsâ intelligentiam produ-
cere non posse evidens est: Omnis enim idea quâ veritas retegitur
à veritate ipsâ procedit. Quicquid mens accipit à corpore, corporis
usu duntaxat inservit, ac dum sese versùs phantasmata converterit,
nihil præter illusiones & phantasmata videt; hoc, est res ut in se sunt
non videt, sed tantum relatè ad corpus.

Si idea magnitudinis aut parvitatís secundum quam nosmet ipsos
consideramus, errandi occasionem sæpè nobis præbeat, ideâ quam
de rebus extrâ nos positis, quæque aliquâ relatione ad nos pertinent,
habemus, leviorè non efficit impressionem. Ideam magnitudinis,
ingenti spirituum motû semper comitatam esse, ingentemque mo-
tum cum ideâ magnitudinis semper conjunctum esse, ac contra
ideam parvitatís exiguum spirituum motum semper excitare, par-
vumque motum spirituum cum parvitatís ideâ conjungi mox vidi-
mus. Ex hoc principio colligere est, ea quæ in nobis ingentes exci-
tant spirituum motûs; majori cum magnitudine, hoc est, majori cum
vi, realitate, perfectione apparere debere, quàm cætera; namque hæc
omnia & multa alia intelligo per magnitudinem. Itaque bona sen-
sibilia majora & solidiora nobis videri debent, ijs quæ sensûs non
feriunt, si de eorum soliditate per motum spirituum, non verò per
puram veritatis ideam, judicemus. *Ædes superbæ, magnifica Mini-
strorum cohors, ampla supellex, munera egregia, dignitates, divi-
tiæ plus realitatis & magnitudinis habere videntur, quam virtus, &
iustitia.*

Ubi visu mentis clarè virtutem cum divitijs conferimus, tum il-
lis virtutem anteponimus. At verò ubi solis oculis & imaginatione
utimur, ac de rebus, spirituum commotione duntaxat, judi-
camus, tum præcudubio divitiæ virtuti à nobis præferuntur.

Hoc adducti principio, spiritualia quæ sub sensûs non cadunt, ni-
hil penè esse, autumamus: ideas mentis nostræ objectis quæ illis re-

præsentantur inferiores esse; in aere minus esse realitatis & substantiæ, quàm in metallis, in aquâ quàm in glacie: spatia à terra usque ad firmamentum esse vacua, aut corpora, quæ in illis continentur spatiis, tantum non habere realitatis & soliditatis quàm Solem & Stellas. Denique omnes in quos circa rerum naturam incidimus errores, ex hoc principio ducuntur.

Cùm ingens spirituum motus; ac idèd vehemens affectus semper comitetur ideam magnitudinis sensibilem; Parvus verò spirituum motus, ac proinde debilis affectus ideam pariter parvitatatis sensibilem sequatur, hinc fit ut enixè incumbamus & nimium temporis infumamus studio eorum omnium quæ ideam sensibilem magnitudinis in nobis excitant, ea verò omnia negligamus quæ ideam sensibilem parvitatatis in nobis duntaxat gignunt. Ingentia, exempli gratiâ, illa corpora capitibus nostris imminetia, altas ab omni tempore in animos ediderunt impressiones: Propter ideam sensibilem ipsorum magnitudinis & splendoris primâ fronte adorata fuere; Quædam ingenia audaciora ipsorum motu examinaverunt, & hinc factum est illa astra plurimorum in omnibus sæculis aut studium, aut venerationem moverint. Immo non immeritò forsan crederemus, vanum illorum influxuum metum, quo adhuc astrologi & pusillanimi percelluntur, esse speciem quandam adorationis, quam imaginatio serviliter demissa præstat ideæ magnitudinis quæ corpora cælestia repræsentat.

At verò corpus humanum Jove, Saturno, & cæteris omnibus Planetis longe mirabilius & præstantius, vix notum est. Idea sensibilis partium carnis dissectæ, nihil magni præ se fert, immò horrorem quendam & fastidium parit; hinc fit ut ab aliquot duntaxat annis, Anatomia virorum cordatorum applicatione digna habeatur. Principes & Reges Astronomiæ Studio gloriati sunt. Astrorum magnitudo cum ipsorum dignitatis magnitudine consonare ipsis videbatur. At non credam ullos Principes unquam fuisse qui Anatomiam callere, & cor vel cerebrum peritè dissecare, gloriæ duxerint. De multis alijs scientijs idem esto iudicium.

Rara & extraordinaria motus vehementiores & sensibiliores in spiritibus excitant, quàm res quas quotidie oculis nostris usurpamus: Illa miramur, ac per consequens aliquam magnitudinis ideam ijs alligamus, & sic affectus existimationis & venerationis in animos injiciunt. Atque id multorum rationem evertit. Quàm plurimi tanta ducuntur veneratione & curiositate erga antiqua, extranea, rara, & extraordinaria, ut ipsorum mens ijs sese quasi mancipet, namque mens de ijs quæ veneratur judicare; aut sese supra illa erigere non audet.

Veritati equidem magnopere non officit studium nonnullorum ergà numismata, arma, & vestimenta prisorum aut Sinensium, &

Barbarorum, Veteris Romæ Chorographiam, aut iter à Tomquin ad Nanquin ducens, cognoscere plane inutile non est, quamvis utilius sit viam qua Parisijs ad *S. Germanum*, aut *Versailles*, itur, callere. Denique nemini vicio vertere licet, quodd nonnulli veram bellorum inter Græcos & Persas, aut Tartaros & Sinenfes historiam addiscere velint, ac Thucididem & Xenophontem aut quemlibet alium exosculentur. At stupidam antiquitatis admirationem rationi dominari; ingenio suo uti ad examinandas veterum sententias nefas esse; ac eos qui illarum opinionum falsitatem deprehendunt & demonstrant haberi superbos & temerarios; illud est quod viri cordati ferre nullatenus possunt.

Veritas omnis est temporis. Si Aristoteles quasdam veritates retexit, quidni etiam hodie, retegi poterunt. Istius Authoris opiniones rationibus quæ nunc possint admitti sunt probandæ; namque si opinione sistat, Aristotelis ætate sanæ erant, sanæ pariter nunc esse debent. Veritates naturæ authoritatibus humanis probare ridiculum est. Quid circa nonnullas quæstiones senserit Aristoteles forsan hoc pacto probari poterit; at verò ij opera miserè abutuntur qui Aristotelem, aut quemlibet alium Authorem assiduè legendo eo tantum consilio defudant, ut illius opiniones tantummodò historicè addiscant, illasque alios doceant.

Quis non stupeat videndo, quasdam Universitates ad Veritatis investigationem & defensionem duntaxat institutas, in quasdam sectas evasisse, & quorundam hominum sententijs gloriari, iisque præfractè adhærescere? Quis ab ira temperaret legendo libros à Philosophis & Medicis quotidie in lucem editos, in quibus loca Authorum ita frequenter citantur, ut eos potius diceret esse Theologorum & Canonistarum scripta, quàm tractatus Physici aut Medici? Quis enim placita Aristotelis, Platonis, Epicuri, aut cujuslibet alijs Philosophi rationi & experientiæ anteponi ægrè non ferret.

Attamen qui sic se gerunt ob istam agendi rationem forsan ipsi obstupeferent; nisi ipsorum interesset ad eum modum se gerere, hoc est, nisi adversus veritatem quæ sola esset retinenda, pugnarent. Verùm admiratio quæ veterum deliria prosequuntur ijs salum adversus veritates recens retectas zelum inspirat: Illas quamquam sibi non notas exsibilant & impugnant; ac vi imaginationis sectatores & admiratores in eadem ferunt judicia.

Cùm de veritatibus recens inventis duntaxat judicent ex ipsarum inventoriis, isti verò inventores ij saltem quorum conspectu & familiaritate usi sunt, cum præ se non ferant extraordinarium habitum quem imaginatio authoribus antiquis alligavit, illos magnificare nequeunt. Idea enim hominum nostri sæculi, ut pote cum moribus extraordinarijs & sensibilibus non conjuncta, contemptum duntaxat apud vulgus excitat.

Pictores & Sculptores, Philosophos antiquos ut ceteros homines nunquam exhibent? ipsos cum prætumido capite, largâ & elata fronte, barbâ oblonga & venerabili depingunt; Id satis arguit vulgus hominum hanc de illis sibi efformare ideam: namque Pictores motus naturales imaginationis, pingendo, sequuntur. Itaque Antiqui ut homines extraordinarij considerari solent: At contra imago homines sæculi nostri ijs repræsentat similes quos quot die videmus; adeo ut cum nullum in spiritibus exciter motum extraordinarium, in mente nil nisi contemptum pariat.

Cartesium vidi, aiebat quidam inter Doctos istos qui solam demirantur antiquitatem, cum ipso multa habui colloquia; erat equidem vir probus, ingenio præditus, at in ipso nihil extraordinarij à me unquam fuit observatum. Scilicet, homo iste Cartesij Philosophiam parvi pendebat, quia cum illius Authore per aliquot horas confabulatus, nihil magni & extraordinarij, quod imaginationem exagigaret in externo ipsius habitu observaverat. Immo rationibus istius Philosophi difficilioribus satis se respondisse arbitrabatur, si audenter diceret, istum Philosophum sibi olim notum fuisse. Utinam ejusmodi homines Aristotelem qualis reapse erat dum in terris degebat videre, & cum ipso per aliquot horas sermones conferere possent, dummodò ipsos non Græcè, sed Gallicè alloqueretur, nomenque suum ipsis non declararet, nisi postquàm judicium tulissent.

Quæ novitatis characterem præ se ferunt, sive in se nova sint, sive in novo ordine aut novo situ constituta, nos vehementer agitant; namque cerebrum movent in locis è sensibilibus, quo cursui spirituum minùs obnoxij sunt. Ijs quæ sensibilem gerunt magnitudinis characterem vehementer quoque agitamus; namque ingentem spirituum motum in nobis excitant. Sed quæ simul magnitudinis, & novitatis habent indicia non modo nos agitant, violentis commotionibus nos commovent, rapiunt, & perstringunt.

Qui, exempli gratia, nihil nisi paradoxa proferunt admirationem apud ingenia debilia sibi conciliant; quæcunque enim dicunt novitatis habent characterem. Qui nonnisi sententiosè loquuntur, & elegantibus, politis, ac magnificis loquendi formulis duntaxat utuntur, venerationem sibi conciliant, quippe magnum quid proferre videntur. Qui vero sublime novo, magnum extraordinario adjungunt, licet meras effurirent ineptias, vulgus tamen hominum proculdubio rapient, & obstupescient. Magnifica ista verborum moles, insani Declamatorum fulgores, ingenio debiles penè semper perstringunt. In ipsorum imaginationem tam vividè & altè agunt, ut stupidi, & attoniti, potentiam illam quâ dejiciuntur & occæcantur, fumina prosequantur veneratione, & sensationes confusas, ut veritates claras admirentur.

CAPVT VIII.

Tractatur eadem materia. De recto admirationis, & caterorum affectuum usu.

EX omnibus affectibus duo consequuntur effecta valde memorabilia; mentem scilicet applicant, & cor devincunt. Ac in eo quod mentem applicant ad veritatis cognitionem utilissima esse possunt, dummodò ijs ritè utamur: namque applicatio lumen, lumen verò veritatem producit. At in eo quod cor devincunt malum semper edunt effectum; quoniam cor non devincunt nisi rationem corrumpendo, ipsique res, non ut in se sunt, aut secundum veritatem repræsentando, sed juxta relationem quam habent nobiscum.

Inter omnes affectus qui minus attingit cor, est admiratio. Namque rerum, quatenus bonæ aut malæ sunt, conspectu agitur; conspectus verò rerum, quatenus magnæ aut parvæ sunt, sine ulla alia relatione ad nos, nos nonnisi mediocriter afficit. Itaque admiratio quæ cognitionem magnitudinis aut parvitas rerum novarum quas consideramus comitari solet, rationem longè minus corrumpit quàm cæteri affectus: immò ad veritatis cognitionem utilissima esse potest; dummodò sedulò caveamus ne ipsam cæteri affectus comitentur, ut penè semper contingit.

In admiratione spiritus animales pelluntur versùs loca cerebri, quæ objectum novum prout in se est repræsentant: Vestigia distincta & satis alta ut diu permaneant in eo excitant; ac proinde mens istius objecti claram habet ideam, ac ejus facile recordatur. Itaque cum admiratio mentem applicet & illuminet, dubium non est quin ad scientias sit utilissima. De alijs affectibus res secus se habet; mentem applicant, quia spiritus animales excitant; at illam non illuminant nisi falso splendore, & fallaci luce, quia istos spiritus ita pellunt, ut objecta nobis non repræsentent, nisi relatè ad nos, non verò prout sunt in se.

Rei cuiuspiam diù incumbere difficillimum est, ubi illam non admiramur, quia tum spiritus animales facile non feruntur in loca necessaria ad rem illam nobis repræsentandam. Frustra ad attentionem præbendam sollicitamur; attendere diù saltem nequimus; quamvis tamen persuadeamur persuasionem abstractâ, quæ spiritus nequaquam agitantur, rem de quâ agitur attentione nostrâ maximè dignam esse. Imaginatio nostra fallenda nobis est ad excitandos spiritus nostros, ac materia circa quam meditari volumus novo quo-

dam modo nobis est repræsentanda, ut aliquem admirationis motum in nobis excitemus.

Quotidie videas ingenia quibus studium fastidio est. Mentis attentione nihil magis laboriosum ipsis videtur. Ipsis incumbit necessitas meditandi & studendi circa quasdam quæstiones, & in id omnem movent lapidem; Verum ipsorum conamina inutilia sunt, magnos non edunt progressus, ac illico fatigati desistunt. Spiritus equidem animales voluntatis imperio obtemperant, ac rebus attendimus ubi attendere optamus; sed ubi voluntas imperans est voluntas puræ rationis, nullo affectu freta, attentio nostra ita debilis & languida est, ut ideæ nostræ similes sint phantasmatibus quæ confusè tantum videmus quæque eodem momento evanescent. Spiritus animales tam variè & arcanè ab affectibus excitantur, tantamque à naturâ & habitu acceperunt facilitatem ad illa affectuum imperia exequenda, ut nullo negotio divertantur à vijs illis novis & difficilibus in quas voluntas ipsos injicere volebat. Ac sanè potissimum in hisce casibus gratiâ speciali ad cognoscendam veritatem indigemus, quia proprijs nostris viribus corporis ponderi mentem opprimenti diu resistere non valeamus; aut si possimus, nunquam facimus id quod possumus.

Verum ubi aliquis admirationis motus nos excitat, spiritus animales versùs objecta istius admirationis naturaliter diffunduntur, ac omnia in cerebro aguntur quæ ad producendum lumen & evidentiam necessaria sunt, sine ullo voluntatis ad spiritus invirè pellendos labore. Qui itaque ad admirationem proni sunt ad studia longè aptissimi sunt ijs qui admirationis sunt incapaces; illi enim sunt ingeniosi, hi verò stupidi.

Attamen ubi admiratio modum excedit, & ad stuporem ac pavorem usque excurrit, vel denique ad legitimam non fert curiositatem, tum valdè noxia est. Tunc enim spiritus animales toti detinentur in repræsentando objecto admirationis per unicum ex ipsius, ut ita dicam, lateribus. Ad alia, juxta quæ illud objectum considerari potest, ne cogitamus quidem. Spiritus animales in corporis partes, ut sua obire possint munera, nequidem diffunduntur: Sed vestigia adeò alta imprimunt de objecto quod repræsentant, tot fibras in cerebro frangunt, ut idea quam excitarunt non possit amplius deleri.

Nos admiratione attentos fieri non sufficit, illà etiam curiosi effici debemus. Unam partem alicujus objecti nos considerasse satis non est ad illud plenè cognoscendum, singulas examinare debemus, ut de illo solidum ferre queamus judicium. Itaque, ubi admiratio nos non fert ad res, quàm accuratissimè fieri potest, examinandas, vel ubi nos ab illo examine amover, tum ad veritatis cognitionem planè inutilis est; mentem verisimilitudinibus & probabilitatibus tantum implet, & nos ad temeraria ferenda judicia impellit.

Sola admiratio per se inutilis est, utilis est duntaxat quatenus eo nos adducit ut res facilius admirari queamus. Spiritus animales qui in admiratione naturaliter excitantur, menti sese offerunt, ut ijs utatur ad objectum distinctius sibi repræsentandum, & accuratius cognoscendum. Ista est naturæ institutio: nam admiratio ad curiositatem, & curiositas ad veritatis cognitionem ducere debet. Verum mens viribus suis ritè non utitur: quendam suavitatis sensum quem ex illâ spirituum copia percipit, cognitioni objecti quod spiritus illos excitat, anteponebat: Copiâ illâ spirituum frui mavult, quàm illos usu diffundere; similis avaris qui opes possidere malunt, quàm illis ubi casus postulat uti.

Homines ijs omnibus in genere delectantur quæ aliquem affectum excitant; non modo tristitiæ in repræsentatione tragædiæ, verum etiam admirationis, in spectandis Circulatorum præstigijs sensum, argento emunt: nam ipsos ejusmodi præstigiatoribus pecuniam solvere, eo consilio ut ab ijs decipiantur, credendum non est. Iste igitur suavitatis internæ sensus quo per admirationem afficimur, est præcipua causa ob quam in admiratione subsistimus, misso usu quem ratio & natura nobis præscribunt. Nam ob istum suavitatis sensum admiratores in admirationis objecto tam assiduè desiguntur, ut ab ira temperare nequeant, ubi istius objecti vanitatem quis ipsis demonstrare aggreditur. Cum quis calamitate prorsus ex mœstitiæ sensu voluptatem percipit, succenset si ipsum exhilarare velit. De admiratoribus res non secus se habet. Injuriam sibi fieri putant, cum quis ijs ostendere conatur ipsos immeritò admirari: quia voluptatem internam quam ex affectu præsentis percipiunt eo magis minui sentiunt, quo idea quæ istam pariebat voluptatem debiliior evadit.

Affectus sese excusare semper conantur; ac meritò ipsis obtemperari sensim persuadent. Suavitas & voluptas, quam gignunt in mente, cujus est de ipsis judicare, illam in sui gratiam corrumpunt. Unde fit ut mens propemodùm sic ratiocinetur. De rebus judicare non debemus nisi juxta ideas quas de ipsis habemus: jam autem ex omnibus ideis nostris quæ maximè sensibiles sunt, sunt etiam omnium maximè reales, cum in nos agant omnium vehementissimè; ergo juxta illas potissimum judicare debemus. Atque objectum quod demiror ideam sensibilem magnitudinis includit; ergo de illo juxta hanc ideam judicare debeo, quippe magnitudinem existimatione, & amore complecti par est. Itaque huic objecto merito adhæresco, & in illo contemplando detineor. Reverâ voluptas quam ego percipio & præsentia ideæ qua illud objectum repræsentatur, manifestè arguit istius objecti contemplationem mihi utilem esse, etenim major jam factus mihi videor, ex quo de illo objecto cogitavi, ac mens plus capacitatis habere mihi videtur dum tantum amplectitur ideam,

Mens definit esse ubi nihil cogitat : si hæc idea evanesceret, mens cum ipsa pariter evanesceret aut saltem angustius fieret, si minori adhæreret idææ. Conservatio igitur magnæ istius idææ est conservatio magnitudinis & perfectionis entis mei : Meritò igitur admirer. Immo alij me admirari deberent, si de me ut par est judicarent. Reverâ relatio quam ego cum magnis rebus habeo, efficit ut ipse magnum quid evadam. Admiratio quâ erga illas detineor mihi possessionis loco est, me in quandam illas possidendi spem injicit. Cæteri homines eadem quâ ego potitentur felicitate, si cognitâ magnitudine meâ, ipsius causæ etiam adhærescerent : Verùm ea sunt cæcitate ut magna & grandia non cognoscant, nec sese extollere & insignire valeant.

Mentem ad ejusmodi ratiocinia naturaliter ferri dicere possumus ubi sese falsis affectuum luminibus permittit. Hæc equidem ratiocinia aliquam habent verisimilitudinem, sed ipsa omni soliditate carere evidens est. Attamen verisimilitudo quam præ se ferunt, tantum valet in mentem, ut nisi cautè rem prospiciamus, nobis fucum sit factura.

Poësis, exempli gratia, Historia, Chymia, aut quælibet alia Scientia humana, juvenem quempiam rapuit in admirationem : nisi à moribus in imaginatione tunc excitatis sibi prudenter caveat ; ejusmodi scientiarum utilitatem sedulo inspicat ; laborem in ijs addiscendis tolerandum cum fructu percipiendo conferat, denique nisi eam induat curiositatem quæ necessaria est ad tutum ferendum judicium ; tiñendum est ne admiratio quâ primùm fuit occupatus ipsi scientias illas quales in se sunt non offerens, sed tantum à parte jucundissima, ipsum decipiat & in errorem injiciat. Immo eò forsitan discriminis adducetur, ut ab errore desistere non possit, & si illum agnoscat ; quia vestigia cerebro altè impressa frequenti admiratione deleri non poterunt. Hanc ob causam imaginationis puritati perpetuò studendum est, & à periculosis istis vestigijs quibus mens & cor corrumpuntur cavendum. Atque in hac cautione hac ratione, quâ non modo admirationis sed & cæterorum affectuum malis occurreretur, procedendum est.

Ubi motus spirituum animalium sat violentus est ad imprimenda in cerebro alta vestigia quæ corrumpant imaginationem ; semper conjunctus est cum aliquâ mentis commotione. Cum itaque mens commoveri non possit quin id sentiat, hac commotione satis monetur ut sibi consulat, & examinet an ipsi utile sit hæc vestigia confirmari & augefcere, an verò secus. At verò, quia ipso commotionis momento, mens eâ non fruitur libertate qua possit judicare de utilitate istorum vestigiorum ; quoniam commotio ipsam decipit & ad id fert ut illis faveat vestigijs ; in id enixè laborandum est ut hæc commotio fiat,

statutur, vel ut motus spirituum qui illam excitat aliorum deflectatur: ac interim iudicium necessarium est sustinendum.

Verum enim verò arbitrandum non est mentem posse semper solâ suâ voluntate, illum sistere cursum spirituum qui obstat quominus juxta rationem agere possit. Ipsius vires ordinariæ non sufficiunt ad cohibendos motus quos non excitavit. Adeo ut cautè se gerere debeat ne ab inimico tam subdole cum ipso agente imprudens occupetur.

Quemadmodum motus spirituum quasdam in mente excitat cogitationes; pariter cogitationes nostræ in cerebro quosdam excitant motus. Itaque ubi aliquem spirituum motum in nobis excitatum sistere volumus, non sufficit nos velle, ut desinat ille motus; sed hoc artificio utendum est; nempe aliquid nobis repræsentandum est planè contrarium rei quæ illum motum in nobis excitaverat & fovebat, atque hoc pacto fiet *revulsio*. Si verò motum spirituum jam excitatum aliorum duntaxat velimus determinare, tum ad res contrarias cogitare non debemus, sed tantum ad res diversas ab ijs quæ illum produxerunt motum, & hoc pacto fiet *diversio*.

Quia verò diversio & revulsio magna erit aut parva, prout novæ cogitationes nostræ conjungentur cum magno aut parvo spirituum motu; accuratè advertendum est quibus cogitationibus vehementissimè agitemur, ut ubi urgebit casus, illas imaginationi nostræ repræsentare possimus; atque huic rationi impugnandorum affectuum ita assuescere debemus, ut nullo amplius subitaneo, & improvise mens occupetur motu.

Si æternitatis aut alius cujuscumque solidi boni cogitationem motibus extraordinarijs qui in nobis excitantur alligare studeamus; nulli amplius violenti & extraordinarij excitabuntur imposteri motus, qui hanc ideam illico non gignant, ac proinde non suppedient arma quibus ipsis resistatur. Hæc tum experientiâ, tum rationibus Capite de *idearum connexionem* allatis comprobantur: Arbitrandum igitur non est affectus studio & arte vinci nequaquam posse, ubi id serio & constanter volumus.

Hoc tamen resistendi modo nos impeccabiles & ab omni errore alienos fieri posse, non est quod autumemus. Nam primò, istum alligandi motibus extraordinarijs ideas quasdam, quibus impugnentur, habitum, contrahere & conservare perquam difficillimum est. Secundò, licet istum habitum acquisivissemus, continget ut isti spirituum motus directè excitent ideas impugnandas, indirectè verò duntaxat ideas quibus illæ impugnari debent. Unde fiet ut malæ ideæ utpotè præcipuè plus habituræ sint virtutis, quàm bonæ quæ tantum indirectæ, & accessoriæ erunt, & voluntatem resistere sic necesse semper erit. Tertiò, isti spirituum motus adeo violenti esse possunt, ut totam mentis capacitatem impleant, adeo ut in ipsa non

superfit locus, ad recipiendam ideam accessoriam faciendæ in spiritibus revulsioni idoneam; aut saltem ad illam ita recipiendam ut cum attentione possit considerari. Denique tot sunt circumstantiæ speciales quæ illud remedium inutile reddere possunt, ut plus æquo illi fidere tutum non sit, quamvis negligi non debeat. Auxilium Dei perpetuò implorandum est ut nobis, ubi periculum imminet, adesse dignetur; ac interim veritas aliqua adeo solida & efficax in mentem nobis est inducenda, ut hoc pacto de affectibus violentissimis victoriam reportare queamus. Hic enim obiter monitum velim, non paucos viros pios in eisdem sæpius errores relabi, quia mentem plurimis replent veritatibus quibus plus fulgoris inest quam soliditatis, & quæ ad animum in diversa agendum aptiores sunt, quam ad ipsum adversus tentationes corroborandum: cum è contra homines rudes & ignari in officio fideliter persistant; quia veritatem aliquam magnam & solidam, qua in omnibus casibus sustinentur, familiarem sibi reddiderunt.

CAPVT IX.

De amore & odio, variisque utriusque speciebus.

A Mor & odium admirationi proximè succedunt. Objectum quodpiam diu non consideramus quin relationes quas nobiscum habet, aut cum realiqua quam amemus, eodem tempore comperiamus. Cum objectum quod amamus cuique per consequens amore nostro unimur, nobis semper præsens sit, æquè ac objectum quod actu miramur; mens nullo negotio objecta illa ita inter se facili negotio confert, ut mutuas illorum relationes deprehendat; aut istarum relationum monetur sensationibus voluptatis & doloris quæ ipsam præveniunt. Tunc verò motus amoris quo erga nos & objectum quod amamus ducimur, extenditur usque ad rem quam miramur, si relatio quam immediatè habet nobiscum aut cum aliquâ re quæ nobis uniatur, nobis vel cognitione vel sensu utilis appareat. Jam autem novus ille mentis motus, seu potius iste mentis motus recens determinatus, ubi conjungitur cum motu spirituum animalium, & cum sensu qui comitatur novam dispositionem, quam novus ille spirituum motus producit, est affectus dictus *AMOR*.

Contrà verò si dolore aliquo sentiamus, aut cognitione clara & evidenti deprehendamus, unionem seu relationem objecti quod admiramur, nobis, aut rei alicui nobis unitæ noxiam esse: tum motus

amoris quo nosmet ipsos aut rem nobis unitam complectimur, in nobis terminatur, aut versus rem illam fertur; motus non sequitur visum mentis, nec versus objectum admirationis nostræ extenditur, sed cum motus versus bonum in genere, quem Auctor naturæ indefinenter imprimit in mentem, illam ferat versus id omne quod cognoscimus aut sentimus, quia quicquid sentimus aut cognoscimus est bonum in se; dicere possumus pugnam mentis adversus istum naturalem motum quo abripitur, esse speciem quandam motus voluntarij, cujus terminus est *non* nihil. Jam autem motus ille voluntarius mentis junctus cum motu spirituum & sanguinis & cum sensu qui comitatur novam dispositionem quam motus ille spirituum producit in cerebro, est affectus hic *odium* dictus.

Affectus ille amoris est planè contrarius, sed nunquam extat sine amore. Contrarius est amoris, quia sejungit; amor verò unit; pro objecto penè semper habet *non* nihil; amor verò *non* ens; motui naturali resistit, illumque reddit inutilem; amor verò isti motui se permittit illumque efficacem reddit. At ille tamen affectus sine amore nunquam existit. Namque, si malum quod est ipsius objectum, accipiat pro privatione boni, fugere malum est fugere privationem boni, hoc est tendere versus bonum; itaque fuga privationis boni est ipse amor boni. At si malum accipiat pro dolore, averfatio seu fuga doloris, non est fuga privationis voluptatis; quoniam cum dolor sit sensus æque realis ac voluptas, non est privatio. Sed cum averfatio seu fuga doloris sit fuga miseriæ alicujus internæ, ista non laborare averfatione, nisi nosmet ipsos amaremus. Denique malum accipi potest, pro eo quod gignit in nobis dolorem, aut nos privat bono: & tum odium pendet ab amore nostri, aut ab amore alicujus rei cum qua nos uniri optamus. Amor & odium sunt igitur duo affectus primarij, inter se oppositi: at verò amor primus, præcipuus, & maxime universalis est.

Cum, ex quo peccavimus, à Deo tanto intervallo distemus, ac *non* esse nostrum habeamus ut præcipuam partem rerum quibus unimur; aliquo sensu dicere possumus motum amoris quo erga omnia ducimur, non aliunde oriri quam ex philautiâ. Honores amamus quia eorum ope extollimur; divitias, quia nos tutantur, & conservant; parentes, Principem, patriam quia ex ipsorum conservatione pendet tranquillitas nostra. Motus amoris quo nosmet prosequimur ad omnia extenditur quæ aliquam nobiscum habent relationem & unionem; immò hoc ipso erga nos amoris motu istis rebus unimur; ita ut ens nostrum in omnia, ut ita dicam, entia diffundatur quæ nos ambiunt, prout deprehendimus ratione aut sensu, unionem cum ipsis nobis utilem esse.

Itaque credendum non est philautiam, ex quo peccatum irrepsit, esse duntaxat causam & normam cæterorum amoris generum, sed

Ne quis
hallucine-
tur, circa id
quod hic
ap. ellomo-
tum volun-
tariu operæ
pretium est
leg. i. Illust.
ad i. cap. ob-
scu itatis
vidæ cau-
sa hic non
dico que-
cunq; super
hac re dici
posse ad
satisficien-
dum ijs qui
demonstra-
tionibus tā-
tū cedunt.

potius omnes penè amores esse species quasdam philautiæ. Quum enim dicimus hominem novi alicujus objecti amore teneri, novum in illo homine amoris motum produci existimandum non est. Sed potius quia cognoscit istud objectum aliquam secum relationem aut unionem habere, ipse se amat in illo objecto & quidem motû amoris ipsi coætaneo. Etenim sine *gratiâ* in homine nihil est præter philautiam. Amor veritatis, justitiæ, Dei ipsius, & cæteri amores in nobis primâ naturæ institutione formati, totidem sunt, ex quo peccavimus, philautiæ victimæ.

Nihilominus dubium non est quin homines sceleratissimi, & barbari, immò idololatræ & Athei cum Deo uniantur amore naturali, cujusque per consequens philautia non est causa. Illi uniuntur veritatis amore, propter justitiam, & virtutem. Probos laudant & existimant; non equidem duntaxat quia non secus ac ipsi homines sunt; sed quia in ijs virtutes deprehendunt quas non possunt quin ament; quia non possunt quin illas mirentur, & amabiles reverâ esse fateantur. Itaque aliud quidem à nobis ipsis diversum amamus. Sed philautia tamen cæteris dominatur amoribus. Homines propter tenuia sua commoda deferunt veritatem, & justitiam: Quòd si contingat ut proprijs viribus suis bona & vitam exponant ad propugnandam innocentiam oppressam, aut propter aliam aliquam legitimam causam, certè id rarò ex alio oritur motivo quàm ex vanitate, vel ut falsâ quadam virtutis specie, cujus magna est apud homines reverentia, sese insigniant. Veritatem & justitiam amant equidem, sed ubi ipsorum commodis non adversantur. Illas possunt amare propter se, non verò adversus se nam sine *gratia* minimam nequeunt de philautia reportare victoriam.

Multi sunt adhuc alij amores naturales: Principem, patriam, parentes, eos quorum indoles nostræ conformis est, quibus eadem sunt consilia, & eadem negotia, naturâ amamus. Verùm omnes isti amores maximè debiles sunt, non secus ac amor veritatis, & justitiæ: & philautia cum sit omnium amorum violentissimus, cæteros facili negotio superat.

Corpora quæ sese invicem pulsant tantùm de motû suo deperdunt quantùm corporibus obvijs communicant; ac tandem ubi multa alia agitarunt corpora, possunt totum suum amittere motum. De philautiâ res secus se habet. Cæteros amores determinat impressione quàm ipsis communicat; Verùm ipsius motus non minuitur: novas contra vires novis victorijs sibi comparat; ac quia ipsius motus ex hominis corde non egreditur ipsum non amittit, quamvis perpetuò communicet.

Philautia est igitur amor dominans & universalis; cum ubique occurrat, & dominetur. Itaque cum cæteri omnes affectus nullum alium habeant motum præter philautiæ motum; dicere meritò possu-

mus philautiam omnium esse vehementissimum, & latissimè patere. Nam quemadmodum omnes virtutes nihil aliud sunt præter species quasdam primæ illius virtutis quæ dicitur charitas, ut à D. Augustino demonstratum est; pariter omnia vitia omnesque affectus nihil aliud sunt quàm emanationes seu species quasdam philautiæ, aut vitij istius generalis quod dicitur concupiscentia.

In Ethicâ virtutes, aut diversæ charitatis species per objectorum diversitatem sæpe distinguuntur. Sed hoc pacto vera sæpe confunditur virtutis idea, quæ à motivo potius pendet quàm ab omni alia re. Hanc igitur methodum circa affectus non sequemur. Illos per objecta hic non distinguemus, quia idem objectum omnes affectus potest excitare, cum è contra decies mille objecta unum eundemque possint duntaxat excitare affectum. Quamvis enim objecta in se reverà differant, semper tamen non differunt relatè ad nos, nec in nobis diversos excitant affectus. *Marcellus Baculus* promissus, exempli gratiâ, differt à *Pontificali lino* promisso; attamen hæc duo honoris insignia quamvis diversa, eundem prope in ambitiosis excitant affectum, quia eandem boni ideam in mente excitant. Sed *Marcellus Baculus* promissus, concessus, actû traditus, postea ademptus, affectus inter se planè diversos excitat, quia in mente diversas boni producit ideas.

Affectus igitur non sunt multiplicandi pro varijs objectis quæ ipsos gignunt: Sed totidem sunt admittendi quot sunt ideæ adventitiæ quæ principalem boni aut mali ideam commitantur, & in illa memorabilem relatè ad nos pariunt mutationem. Namque, idea generalis boni, aut sensatio voluptatis, quæ illam degustanti bonum est, mentem & spiritûs animales agitans, generalem amoris affectum producit: & ideæ adventitiæ istius boni agitationem mentis generalem & cursum spirituum animalium modo quodam specialiter determinant, ut mens & corpus in statû constituentur consentaneo relatè ad bonum perceptum, & omnes affectus speciales producant.

Itaque idea generalis boni amorem indeterminatum, qui nihil aliud est præter philautiæ extensionem, gignit.

Idea boni quod possidemus actû, amorem gaudij parit.

Idea boni quod non possidemus, sed speramus tamen nos aliâ quando possessuros, hoc est quod existimamus à nobis posse possideri, amorem desiderij excitat.

Denique idea boni, quod nec possidemus, nec possidere speramus; seu quod idem est, idea boni cujus possessionem non speramus, nisi per jacturam alicujus alius boni, vel quod possessum conservare nequimus, amorem tristitiæ producit. Hi sunt tres affectus simplices, aut primarij, qui bonum habent pro objecto; nam spes quæ efficit gaudium, non est commotio mentis, sed simplex judicium.

Sed observandum est hominesens suum, seu elie suum in seipsis non terminare, illudque ad omnia quorum unionem secum ducunt utilem, extendere. Itaque bonum aliquo modo possidere existimandisunt, cum illo ipsorum amici potiuntur, quamvis illud ipsi immediate non possideant. Quum igitur dico ex boni possessione gaudium oriri, id non duntaxat intelligo de possessione aut unione immediatâ sed de qualibet aliâ; quippe sic à naturâ sumus comparati ut gaudium sentiamus, ubi aliquid prospere cedit amicis.

Malum, ut jam dictum est, triplici modo accipi potest, vel pro privatione boni, vel pro dolore, vel denique pro ipsâ re quæ privationem boni efficit, aut dolorem producit.

Primo sensu, cum idea mali eadem sit ac idea boni quod non possidemus, hanc ideam tristitiam aut desiderium vel etiam gaudium parere evidens est: nam gaudium semper excitatur ubi sentimus nos privatione boni privari, hoc est, ubi bonum possidemus. Adeo ut affectûs circa malum, hoc sensu acceptum, iidem sint ac affectûs circa bonum orti, quia reapse bonum etiam habent pro objecto.

Si verò per malum intelligatur dolor, qui solus semper est malum reale dolorem patienti, tempore quo illo, actû, afficitur: tum sensus istius mali, affectus tristitiæ, desiderij, & gaudij, qui species quædam sunt odij seu aversionis, non verò amoris, producit. Nam ipsorum motus planè contrarius est motui qui boni perceptionem comitari solet; cum iste motus nihil aliud sit quàm oppositio mentis resistens impressioni naturali.

Actualis sensus doloris tristitiæ odium parit. Dolor quem non patimur, sed pati metuimus desiderij odium gignit.

Denique dolor, quem nec patimur, nec pati timemus; vel quod idem est, quem pati sine ingenti aliquâ mercede non metuimus, seu dolor quo nos sentimus liberatos, odium gaudij producit. Hi sunt tres affectus simplices aut primarij qui malum habent pro objecto; namque metus ex quo oritur tristitia non est commotio mentis, sed simplex iudicium.

Tandem, si per malum intelligatur res per quam bono privamur, aut dolorem patimur, idea mali producit in nobis motum amoris & odij simul, vel simpliciter motum amoris. Idea mali producit motum amoris & odij seu aversionis simul, ubi malum est illud cuius ope bono privamur: eodem enim motû tendimus versus bonum, & ab eo recedimus quod illius possessionem à nobis arcere posset. At verò illa idea morum aversionis duntaxat gignit, ubi de malo agitur quo dolore patimur, quia eodem odij motu & dolorem odimus, & illum per quem patimur dolorem.

Itaque tres sunt affectus simplices, seu primarij ad bonum spectantes, totidem verò ad dolorem, aut ad eum qui doloris causa est;

Nempe gaudium, desiderium, & tristitia. Gaudio enim afficimur, ubi bonum præsens adest, vel ubi malum præterijt; tristitiam sentimus, ubi bonum præterijt, malum verò præsens est, & desiderio movemur, ubi bonum & malum futura sunt.

Affectus ad bonum spectantes sunt speciales determinationes motûs quem Deus nobis indit erga bonum in genere: atque hanc ob causam ipsorum objectum reale est; cæteri verò affectus quorum motûs Deus non est causa, pro termino duntaxat habent, & nihil.

CAPUT X.

De affectibus speciatim, & in genere de ratione illos explicandi, & agnoscendi errores ex iis oriundos.

SI quâ ratione affectûs oriantur animadvertamus, ipsorum numerum determinari non posse, nec ad omnes exprimendos verba nobis sufficere, manifestò patebit. Affectuum varietas non modò ex variâ trium primariorum combinatione oritur, nam hoc pacto pauci admodum essent, verùm illorum differentia oritur etiam ex varijs perceptionibus, diversisque judicijs quæ ipsos gignunt aut comitantur. Diversa istæc judicia quæ mens fert circa bona & mala, diversos in spiritibus animalibus motûs edunt, ad ritè disponendum corpus relatè ad objectum; ac proinde in mente sensationes excitant inter se non prorsùs similes: unde fit ut, diversitas deprehendatur in quibusdam affectibus, quorum commotiones non sunt diversæ.

Cùm tamen commotio mentis inter ea quæ in singulis affectibus deprehendi solent præcipuum obtrineat locum; ad tres primarios affectûs in quibus istæ commotiones admodùm diversæ sunt, cæteros omnes referre multò satius est, quàm de illis confusè & absque ordine agere, relatè ad varias perceptiones quas de bonis aut de malis ex quibus illi oriuntur affectus, habere possumus. Tot enim varias habere possumus objectorum perceptiones, relatè ad tempora, ad nosmet ipsos, ad ea quæ nobis attinent, ad res & ad homines quibus aut naturâ aut liberâ voluntatis optione unimur, ut accuratè enumerari nequeant.

Ubi mens bonum quo frui potest, percipit, illud sperare forsan dici potest, quamvis illud non cupiat; at ipsius spem non esse affectum seu passionem, sed simplex iudicium, evidenter patet. Itaque commotio quæ comitatur ideam boni, cujus possessionem possibilem esse iudicamus efficit ut spes sit verus affectus. Ubi spes in securitatem convertitur res eodem se habet modo. Illa securitas non est affectus

nisi propter commotionem gaudij, quæ tum conjungitur cum commotione desiderij: namque judicium mentis considerantis bonum aliquod sibi certò adventurum, non est affectus nisi quia prægustatione (venia sit verbo) boni agitur. Denique ubi spes minuitur desperatio verò ipsi succedit, hanc desperationem non esse affectum, nisi propter tristitiæ commotionem, quæ cum desiderij commotione conjungitur, manifestum est: namque judicium mentis considerantis bonum aliquod sibi nunquam adventurum, non est affectus, nisi illo judicio agitemur.

Quia verò mens nullum unquam bonum aut malum sine aliquâ commotione, immò sine aliquâ in corpore immutatione, considerat, judicio affectum producenti sæpè tribuitur nomen affectûs ipsius; quia quod in mente & in corpore agitur ad conspectum alicujus boni, aut alicujus mali semper confundimus. Namque, istis terminis, spe, merè, audaciâ, pudore, irâ, commiseratione, derisione, mœrore, uno verbo nominibus singulorum affectuum uti solemus ut formulis quibusdam loquendi compendiosis, quibus quicquid in affectibus agitur, explicamus.

Per hanc vocem (*affectus, seu passio*) intelligimus perceptionem relationis quam res quæpiam habet nobiscum, commotionem & sensationem mentis, agitationem cerebri & motum spirituum; novam commotionem & novam sensationem mentis, ac denique novum suavitatis sensum qui passiones comitari solet, illasque efficit jucundas: hæc omnia per passionem intelligi solent. Quandoque verò per nomen alicujus passionis duntaxat intelligitur, vel judicium quod illam passionem excitat, vel sola mentis commotio, vel solus spirituum & sanguinis motus, vel denique aliquid aliud quod mentis commotionem comitatur.

Veritatis cognitioni utilissimum est abbreviare ideas, & terminos quibus ideæ exprimuntur. Id tamen sæpè erroris causa est, præcipuè cum usû vulgari istæ ideæ abbreviantur. Ideæ enim nunquam sunt abbreviandæ, nisi postquam ingenti mentis attentione clarissimæ & distinctissimæ factæ sunt; non verò, ut fieri solet circa affectûs, & omnia sensibilia, postquam sensationibus, & solâ fallaci imaginationis actione, nobis familiares redditæ sunt.

Ideæ puræ intellectûs, & sensationes seu commotiones mentis multum inter se differunt. Ideæ puræ sunt claræ & distinctæ, sed nonnisi difficulter familiares redduntur. Vice verò versâ sensationes & commotiones mentis sunt per quàm familiares ac clarè & distinctè cognosci nequeunt. Numeri, extensio, illorumque proprietates clarè quidem cognoscuntur, sed nisi quibusdam characteribus sensibilia facta fuerint, illa sibi repræsentare difficile est; quicquid enim abstractum est nos non afficit. Contrà sensationes & commotiones mentis sese facile nobis offerunt, quamvis illas confusè, &

in

inadæquatè tantùm cognoscamus, ac omnes quilibet us exprimuntur termini mentem vividè tangunt & attentam reddunt. Hinc fit ut orationes proflus obscuras, & incomprehensibiles clarissimè nos intelligere sæpè arbitremur: Atque ubi quasdam affectuum & motuum mentis descriptiones legimus, illas à nobis clarissimè intelligi putamus, quia ijs vividè afficimur, omnibusque terminis quibus oculi feriuntur, mens pariter agitur. Statim atque terminos pudoris, desperationis, impudentiæ, &c. proferri audimus, quædam cõfusa idea, & sensatio obscura in mente nostrâ excitatur quâ vehementer afficimur; quia verò ejusmodi sensatio nobis est valdè familiaris, ac nullo negotio nobis offertur, credimus illam esse clarissimam & distinctissimam. Hi tamen termini sunt nomina affectuum complexorum, ac ideo sunt termini compendiosi multarum idearum usû vulgari contratarum.

Quia terminis usû probatis uti tenemur nemini mirum esse debet si in ijs quæ à nobis dicuntur quædam deprehendatur obscuritas, immò contradictionis species. Ac si lectores animadvertere velint sensationes & commotiones mentis, quæ respondent terminis nostris, easdem planè non esse in omnibus hominibus, propter varias mentis dispositiones; nos non damnabunt quotiescunque nostræ opiniones ipsis non satis probabuntur. Cæterùm hæc non tam dico ut objectiones nonnullas declinem, quàm ut affectuum naturam doceam, & quid de tractatibus qui circa hanc materiam componuntur cogitandum sit.

His in antecessum positis; jam, ni fallor, dicere possum omnes affectus posse referri ad tres primarios, nempe, ad desiderium, gaudium, & tristitiam; ac affectus qui ad eundem primarium referuntur, inter se præcipuè differre, per varia judicia quæ mens fert de bonis & malis.

Possum etiam dicere, spem, metum, & indeterminationem seu suspensionem quæ inter hæc duo medium occupat; esse desiderij species: Audaciam, fortitudinem, æmulationem, &c. ad spem magis referri quàm ad cæteros affectus: & pavorem, socordiam, invidiam, &c. esse metus species.

Præterea dicere possum alacritatem, & gloriam, favorem, & gratitudinem esse species quasdam gaudij nati ex perceptione boni quod deprehendimus in nobis, vel in ijs quibus unimur; sicut risus & irrisio est species quædam gaudij quod in nobis excitari solet, ex perceptione mali quod accidit inimicis nostris. Denique fastidium, rædium, mœrorem, commiserationem & indignationem esse species quasdam tristitiæ ortæ ex perceptione alicujus rei nobis non aridentis.

Verùm præter hos affectus & plurimos alios quæ hic non recensuo, qui speciatim ad aliquem ex affectibus primitivis referuntur, *plur. facti*

termini
quibus
fi. & expr.

multi adhuc alij sunt quorum commotio æqualiter ferè constat vel ex affectibus desiderij & gaudij, ut sunt impudentia, ira. & vindicta; vel ex affectibus desiderij, & tristitiæ; ut pudor, moeror, indignatio; vel ex tribus affectibus primarijs simul, quoniam gaudij & tristitiæ motiva simul juncta occurrunt: sed quamvis hi postremi affectus careant nominibus specialibus; sunt tamen omnium maximè ordinarij: Quia dum in hisce terris degimus, nullum ferè unquam bonum gustamus, quin aliquid mali ipsi sit admixtum; nec ullum penè unquam parimur malum, quin ab eo liberationem & alicujus boni possessionem speremus. Quamvis autem gaudium tristitiæ sit planè contrarium, illam tamen admittit; immò gaudium & tristitia simul occupant capacitatem quam mens habet volendi, uti vitus boni & mali simul etiam occupant capacitatem quam mens habet percipiendi.

Omnes igitur affectus sunt species quædam desiderij, gaudij, & tristitiæ. Ac præcipuum discrimen quod interest inter affectus ejusdem speciei, oritur ex varijs perceptionibus, aut ex varijs judiciis quæ illos affectus excitant, aut comitantur. Qui itaque in affectuum cognitione periti evadere, & illos accuratè enumerare cupiunt, necessariò investigare debent varia judicia quæ circa bona & mala fieri possunt. Quia verò errorum nostrorum causas hic præcipuè inquiremus, judicia quæ affectus antecedere & gignere solent non tam nobis sunt examinanda, quàm judicia quæ illos sequuntur, quæque mens format de rebus ubi aliquo affectu agitur; hæc enim postrema judicia errori sunt potissimum obnoxia.

Judicia quæ affectus præcedunt & gignunt penè semper falsa sunt in aliqua re: quia penè semper nituntur perceptionibus mentis quatenus considerat objecta relatè ad se ipsam; non vero prout sunt in se. Sed judicia quæ sequuntur affectus, sunt falsa omnibus modis. Nam judicia quæ à solis formantur affectibus, duntaxat nituntur perceptionibus quas mens habet de objectis relatè ad seipsam, vel potius relatè ad commotionem suam.

In judicijs quæ præcedunt affectus; verum & falsum simul conjunguntur: ubi verò mens agitur, & juxta affectus inspirationem judicat, verum evanescit, falsumque conservatur, unde eò plures falsæ eliciuntur conclusiones quò affectus vehementior est.

Omnes affectus sese excusant: menti indefinenter repræsentant objectum quo agitur, modo aptissimo ad conservandam & augendam ipsius agitationem. Judicium seu perceptio unde oritur affectus cum ipso crescit, & affectus eò magis augetur quò judicium unde natus est magis corroboratur. Falsa judicia, & affectus mutux suæ conservationi perpetuò consulunt. Si itaque cor nunquam desineret spiritus suppeditare idoneos ad fovenda vestigia cerebri, & ad fovendam distributionem eorundem spirituum, quæ duo necessaria sunt ad conservandum sensum & commotionem mentis quæ cum af-

fectibus conjungi solent; affectus perpetuò auferentur, erroresque nostros nunquam cognosceremus. Sed cum omnes affectus pendeant à sanguinis fermentatione & circulatione, cor verò non possit semper administrare spiritus aptos ad illarum conservationem, necesse est ut affectus desinant, ubi spiritus minuuntur sanguisque refrigescit.

Quamvis admodum facile sit judicia quæ ab affectibus ferri solent cognoscere, illa tamen cognitio non est negligenda. Ejusmodi cura inter cæteras maximè digna est viris qui veritatem investigant, corporis jugum excutere conantur, & de rebus juxta veras earum ideas judicare volunt.

Istam autem cognitionem bifariam possumus assequi: Vel ratione purâ, vel sensû interno quem de nobis habemus, ubi aliquo agitur affectu. Exempli gratiâ, propriâ experientiâ nobis constat nos ad id ferri ut de ijs quos non amamus malè judicemus; ita ut totam, si fas sit ita loqui, odij nostri malignitatem in objectum exosum aspergamus. Pura etiam ratione cognoscimus, cum nihil possimus odisse nisi id quod malum est, necesse esse, quò odium conservari possit, ut mens sibi repræsentet objectum secundum partem pessimam. Etenim sufficit nos supponere omnes affectus sese excusare, imaginationemque, ac deinde mentem inflectere modo apto ad conservandam agitationem suam, ut concludamus ad quænam judicia, affectuum inspiratione, ferenda impellamur.

Qui pollent imaginatione forti & vividâ, sensibusque sunt maximè addicti, & affectuum motibus sæpè percelluntur, hæc optimè cognoscunt utpote qui sint conscij, eorum quæ in ipsis aguntur, ac de ijs sæpè elegantius & penitiùs loquuntur, quàm ij qui majori pollent ratione quàm imaginatione. Arbitrandum enim non est eos qui philautiæ strophas maximâ retegunt industriâ, quique intimos cordis recessus maximâ dexteritate rimantur & aperiunt, semper esse omnium pericissimos. Id equidem sæpè arguit, ipsos esse ingenio vivaci, imaginatione egregiâ, & cæteris maligniores.

At verò qui non consultâ conscientiâ, seu sensû interno, ratione solâ utuntur ad disquirendam affectuum naturam, quidque producere possint, quamvis non sint ita perspicaces, cæteros tamen judicio antecellunt, ac errori minùs obnoxij sunt. Nam judicant de rebus ut in se sunt. Vident quid ij qui aliquo affectu perculsi sunt factitare valeant, prout magis vel minus agitantur. Nec de ijs quæ alij facerent vel non facerent in iisdem occasionibus temerariè judicant, per ea quæ ipsi facerent, si in his versarentur occasionibus; quia norunt omnes homines iisdem æqualiter non affici, nec commotionibus involuntarijs æqualiter agitari. Itaque consulendæ non sunt sensationes quas affectus in nobis excitant, sed consulenda est ratio, ut peritè loqui possimus de judicijs quæ comitantur affectus; ne, dum naturam affectuum in genere patefacere intendimus, nosmetipsos cognoscendos præbeamus.

CAPUT XI.

Omnes affectus sese excusare : & de judiciis in qua nos conjiunt ad sui excusationem seu justificationem.

Longâ verborum serie non opus est, ad demonstrandum omnes affectus sese excusare. Id ex conscientia seu ex sensu interno quem de nobis habemus & ex eorum qui aliquo agitantur animi morû agendi ratione, evidenter satis pater. Istud igitur principium duntaxat exponemus, ut nobis in posterum ab illo caveamus. Mens imaginationi ita mancipata est ut ipsi statim atque incaluit, obsequatur. Ipsi furenti quicquam non audet reponere; quia si resistat malè mulctatur, cum è contra mercedem aliquam semper consequatur ubi imaginationis imperio obtemperavit. Immo ijs quorum imaginatio ita inordinata est, ut sese in bruta transformatos putent, non defunt rationes quibus ipsis probetur se brutorum ad instar agere debere, quatuor pedibus incedere, herbis Sylvestribus vesci, &c. Plerosque homines juvat vivere juxta affectuum impressiones; ubi ijs resistunt aliquâ penâ intus puniuntur; atque id sufficit ut ratio quæ voluptati ut plurimum obsequitur, utatur ratiocinijs idoneis ad tutandam affectuum causam.

Cum igitur constet affectus sese excusare, constat pariter desiderium eò nos ferre debere per se, ut in bonam partem judicemus de ipsius objecto, si sit desiderium amoris; in malam verò, si sit desiderium odij, seu aversionis. Desiderium amoris est motus mentis excitatus à spiritibus, qui illam ad id disponunt ut ijs quæ penes ipsam non sunt frui, aut uti velit: namque si etiam desideremus continuationem fruitionis nostræ, id fit quia futura non sunt penes nos. Necesse igitur est ad desiderij excusationem, ut objectum ex quo nascitur judicetur bonum per se, aut relatè ad aliquod aliud objectum: ac judicium contrarium ferendum est de desiderio aversionis.

Haud equidem possumus judicare rem quampiam in se esse bonam vel malam, nisi aliqua id credendi nobis suppetat ratio: Sed nullum est objectum affectuum nostrorum quod non sit bonum aliquo sensu. Et quamvis dicere possimus quædam esse quæ nihil boni in se includant, ac per consequens ut bona à mente purâ judicari nequeant, dicere tamen nequimus illa non posse gustari ut bona, quandoquidem supponamus nos ab illis agitari; jam autem gustus aut sensus sufficit ut mens feratur ad judicandum de objecto in bonam partem.

Si tam facile judicemus ignem continere in se calorem quem sentimus, & panem saporem quem gustamus, propter sensationem istorum corporum occasione in nobis excitatam, quamvis id mentem omnino fugiat; cum mens non possit capere calorem, & saporem, esse modificationes corporum; certè si id ita se habeat, nullum est affectuum nostrorum objectum, ut ut vile, & aspernandum, quod ta-

men bonum non judicemus ubi ex ipsius possessione voluptatem percipimus. Quemadmodum enim putamus calorem ex igne oriri, ad ipsius præsentiam; sic perperam credimus objecta affectuum parere voluptatem quam gustamus, ubi illis objectis fruimur; ac illa esse bona, cum nobis bonum conferre valeant. De affectibus quorum objectum malum est, idem esto iudicium.

Verum ut modò dictum est, nihil est quod per se aut per aliquid, ad quod referatur, non sit dignum amore vel odio; ac ubi affectu ali. uo movemur, nullo negotio deprehendimus in ipsius objecto bonum & malum quod ipsi favet aut adversatur. Itaque ratione facillimè cognosci potest, quænam judicia affectus quibus agitamur forment in nobis.

Si enim amoris desiderio agitamur, colligere facile est, illud desiderium ad sui justificationem allaturum esse bona quæ in objecto judicaverit inesse. Illa autem judicia de objecto eò latius patebunt, quò desiderium violentius erit; ac sæpè plena & absoluta erunt licèt objectum per unicam tantum partem eamque minimam, bonum videatur. Istæc judicia favorabilia, ut ita loquar, ad ea omnia quæ aliquam cum objecto affectus habebunt relationem, aut saltem habere videbuntur, extensum iri, facili negotio concipi potest; idque eò magis eveniet quò affectus erit vehementior, & imaginatio latius patebit. At verò si desiderio odij, seu aversionis agitamur, effectum erit planè contrarium, ob rationes captæ æquè faciles. Id experientiæ satis comprobatur, & in eo experientia equidem cum ratione aptimè consonat. Sed hæc veritates exemplis illustremus.

Omnes homines scientiæ desiderio naturâ tenentur; omnis enim mens ad veritatem possidendam est comparata: sed philomathia seu desiderium scientiæ, quanquam per se iustum sit, sæpè tamen maximè viciosum sit propter falsa quæ ipsi adjunguntur judicia. Curiositas menti sæpè offert vana objecta meditanda; his objectis falsas magnitudinis ideas sæpè numero alligat: Illa fallaci novitatis splendore extollit; ac denique tantis circumcincta illecebris obducit; ut ab ijs nimia cum voluptate & attentione contemplantis vix possis temperare.

Nullæ sunt nugæ quibus quædam ingenia penitus non occupentur; ac ista ipsorum occupatio falsis in quæ à variâ curiositate conjiciuntur judicijs legitima ipsis semper videtur: Qui terminos & vocum apices magnâ curiositate rimantur in illorum cognitione omnes scientias sitas esse, innumeris, quas ingeniosè fingunt, rationibus sibi persuadent; inter quas, veneratio quam ipsis homines nonnulli termino obscuro & incognito stupefacti, testantur, ultimum non occupat locum, quanquam omnium sit absurdissima.

Nonnulli sunt homines qui in id, ut artem loquendi sibi comparent, per totam vitam student, qui melius facerent si per totam vitam silerent; eum enim silere debere manifestum est cui nihil est quod

dicar: Sed quid facias? Illi attem loquendi non addiscunt ut fiant. At sciant illi se nunquam rectè esse loquuturos quin priùs rectè cogitent; in id incumbendum esse ut ingenium fiat accuratum & rectum; Verum à falso sedulò esse discernendum; ideas claras ab obscuris sejungendas; ac ea quæ à mente, ab ijs quæ ab imaginatione procedunt esse dignoscenda. Ij inter egregia & exquisita ingenia sese annumerant; quia iustis periodorum numeris aurem titillare, figuris, & motibus jucundis affectus palpare, vivis & sensibilibus loquendi formulis imaginationem recreare norunt, quamvis mentem ideis vacuum sine lumine & intelligentiâ relinquant.

Perpetuum linguæ vernaculæ studium equidem aliquâ, verisimili saltem, ratione nititur, quia illâ per totam vitam utendum nobis est, & nonnullis hoc desiderio agitis hæc ratio excusationi esse potest; at verò non video quo pacto ij sese possint excusare qui omnes linguas indiscriminatim addiscendi desiderio tenentur. Illorum affectus qui Bibliothecam sibi constant ex quibuscumque dictionarijs potest excusari, non secus ac illorù curiositas qui omnium regionum & temporum numismata apud se habere ambiunt. Id ipsis aliquando potest esse utile. Ac si ex eo ad ipsos magnus non redeat fructus, saltem nihil affert incommodi. Curiositatum gazam, ut ita loquar, habent quæ ipsis non est impedimento; secum enim libros, & numismata non gerunt. Verùm quo pacto excusabitur illorum affectus qui memoriam tot vocabulorum sæpè onerant, ut ipsorum caput fiat Bibliotheca quædam dictionariorum? Propria negotia & officia essentialia omittunt, & obliviscuntur, ut voces prorsus inutiles retineant; linguam vernaculam nonnisi hæsitando loquuntur; terminos aut incognitos aut barbaros in colloquijs interserunt. Vulgati commercij monetâ nunquam utuntur. Denique ipsorum ratio feliciùs non dirigitur quam lingua. Omnes enim memoriæ recessus etymologijs ita referti sunt, ut mens numero vocum propè innumerabili veluti suffocata sit.

Ineptum tamen illud Philologorum desiderium non caret rationibus quas præferat. Quò pacto id fiat? si quæras. Audi quæso judicia quæ falsi isti docti de linguis ferre solent. Vel suppose nonnulla axiomata apud ipsos indubitata, & ex ijs consequentias eliciendas deducito. Suppose, exempli gratiâ, homines qui multas callent linguas, toties esse homines quot linguas exoticas loqui possunt; quandoquidem homines à brutis loquelâ distinguuntur. Suppose ignorantiam linguarum esse causam ignorantie in qua versamur circa res innumeras, quandoquidem veteres Philosophi, & extranei nobis sunt doctiores; Suppose, inquam, ejusmodi principia, ac deinde concludito. Certe si ex his principijs rectè concludas, judicia formabis ad id idonea ut te subeat desiderium callendi linguas; atque hæc sunt judicia quorum ope Philologi ejusmodi studiorum defendunt utilitatem.

Quælibet scientiæ quantumvis aspernabiles aliquâ tamen sui

parte imaginationi affulgent, ac mentem, affectû colores ijs adspergente, perstringunt. Equidem splendor ille minuitur, statim atque spiritus & sanguis sedantur, ac veritatis lumen sese conspiciendum præbet: Verùm istud lumen pariter evanescit, ubi imaginatio denuò incalescit; ac tum rationes illas quibus affectus noster impugnari ceperat, per transfennam tantùm videmus.

Cæterùm ubi affectus quò agitamur, se ad interitum vergentem sentit, ipsum ante actæ viæ non pœnitet: quin omnia ad id disponit, ut vel cum honore pereat, vel citò reviviscere possit; hoc est, mentem ad id semper disponit ut judicia formet quibus possit defendi. Tunc etiam quandam veluti societatem cum cæteris affectibus init, ut ipsi opitulentur, spiritus & sanguinem sufficiant, atque hoc pacto veluti ex cineribus denuò suscitetur. Affectus enim sibi mutuò auxiliantur. Qui in eodem subjecto unà possunt subsistere opem mutuam sibi fideliter ferunt. Itaque judicia linguarum, aut alius cujlibet rei desiderio faventia indefinenter sollicitantur, & planè confirmantur ab omnibus affectibus isti desiderio non contrarijs.

Eruditus *ψευδωνυμὸς*, seipsum modò stipatum auditoribus venerabundis; modò victorem eorum quos terminis inusitatis & *ἐκστασι* prostravit, ac penè semper supra vulgus hominum longè eminentem imaginationi suæ repræsentat. Laudibus quæ ipsi tribuntur blandè palpatur. Commodorum sibi propositorum spe sese lætat: ac Sectatorum assiduitate gloriatur: Per omnia sæcula, omnesque regiones perpetuò maximâ cum voluptate diffunditur: in eo medio-cribus istis ingenijs qui intra temporis præsentis limites & urbis pœmœria circumscribuntur multum absimilis: Vides igitur quot affectus, ad eum quò erga falsam eruditionem tenetur, accedant, qui omnes simul ad illum affectum defendendum, & ad judicia in ipsius gratiam ferenda enixè contendunt.

Si unusquisque affectus sibi soli consuleret, cæteris neglectis, omnes eodem momento quo excitarentur evanescerent. Iplis sat falsorum judiciorum non suppeteret ad subsistendum, nec imaginationem rationis lumini semper opponere valerent. Verùm ad affectuum nostrorum mutuam conservationem cuncta mirum in modum sunt ordinata. Sese mutuò corroborant, ac qui inter se sunt maximè distincti sibi nihilominus mutuam ferunt operam. Ac dummodo aperta inter ipsos non vigeant odia, id sufficit ut omnes inter se accuratissimas Societatis leges observent.

Si affectus desiderij solus existeret, cuncta quæ ab ipso formarentur judicia, eò duntaxat tenderent, ut possessionem boni veluti possibilem repræsentarent; namque desiderium amoris quâ tale est, ab alia non producitur causa quàm à judicio quò judicamus possessionem alicujus boni esse possibilem. Itaque desiderium illud nihil formare posset præter judicia circa possibilitatem possessionis, cùm judicia quæ

sequuntur, & conservant affectus, prorsus similia sint judicijs quæ ipsos præcedunt, & producant. Verùm desiderium ab amore animatur; spe corroboratur; gaudio augeſcit; metu renovatur; ac cum animi fortitudine, emulatione, ira, anxietate, & multis alijs affectibus conjungitur, qui invicem judicia infinitè varia ferunt, quæ mutuò sibi succedunt, ac desiderium unde orta sunt fovant. Mirum igitur non est desiderium erga rem nihili, vel erga res nobis manifestò inutiles aut etiam noxias, rationi tamen reluctari per multos annos, vel etiam per totam illius qui hoc desiderio agitur vitam, cùm tot affectus ad ipsius defensionem unà concurrant. Sed paucis explicemus quomodo passionēs, seu affectus sese mutuò defendant, res enim semper sunt explicandæ per ideas distinctas.

Quilibet affectus sanguinem & spiritus agit. Jam verò spiritus agitati visu sensibili objecti, vel vi imaginationis in cerebrum ducuntur, modo ad id idoneo ut vestigia in eo formentur profunda quæ illud objectum repræsentent. Immo quandoque velocitate suâ fibras cerebri flectunt & etiam rumpunt, ita ut imaginatio illa fractione veluti inquinata & corrupta maneat. Hæc enim vestigia rationi non parent, pro ipsius arbitrio non delentur; quin potius ipsi vim inferunt, & ad id illam adigunt, ut indefinenter objecta consideret, ita ut ijs, in gratiam affectuum, agitur, ac perturbetur. Affectus itaque in imaginationem, imaginatio corrupta in rationem agit, ipsi perpetuò repræsentando res, non ut in se sunt, ut hoc pacto mens possit verum ferre judicium, sed ut sunt relatè ad affectum præsentem, ut ferat judicium quod illi saveat affectui.

Affectus imaginationem & mentem, in sui gratiam & utilitatem non modò corrumpunt, in reliquo præterea corpore omnes formant dispositiones ad sui conservationem idoneas. Spiritus ab affectibus agitati in cerebro non subsistunt, in cæteras, ut alibi dictum est, corporis partes feruntur. In cor, jecur, lienem, & nervos, qui præcipuas circundant arterias, potissimùm diffunduntur. Denique spiritus illi in omnes quasque partes emittuntur, quæ possunt suppeditare spiritus aptos ad conservationem affectus dominantis. Jam autem dum illi spiritus per omnes corporis partes ita diffunduntur, quicquid ipsorum cursui resistit paulatim destruunt, & in ijs viam sternunt ita lubricam & rapidam, ut minimo objecto summopere agitemur, & feramur ad formanda judicia affectibus faventia. Atque sic affectus sese mutuò stabiliunt & defendunt.

Jam si attendamus quænam possit esse fibrarum cerebri constitutio, agitatio & abundantia spirituum & sanguinis in diversis sexibus & ætatibus; non magno negotio subolfaciemus quibusnam affectibus nonnulli sint addicti, ac proinde quænam de objectis ferre soleant judicia. Atque ut id exemplo comprobem; juxta copiam vel inopiam spirituum quæ in nonnullis deprehenduntur, cognoscere poterimus

rimus aliquatenus saltem, multos de eadem re tibi æqualiter propofita & explicata formaturos esse judicia ſpei, & gaudij, dum alij de ipſa formabunt judicia timoris, & triftitiæ.

Ijs enim quibus magna ſuppetit ſanguinis & ſpirituum copia, ut uſu venit in juvenibus, ſanguineis, bilioſis, cum ſpem facile concipiant, propter ſecreram quam habent virium ſuarum cognitionem, credunt nullum fore ſuis conſilijs obſtaculum quod facile non ſuperent, bonum cujus ſperant poſſeſſionem veluti præguſtabunt, & quælibet judicia ad fovendum & juſtificandum ſpem, & gaudium formabunt: alij verò quibus ſpiritus agitati deſunt, ut ſenes, melancholici, & Phlegmatici, cum ad metum & triftitiam ferantur, quia animo, utpote ſpiritibus ad exequenda mandata aptis deſtituto, diffidunt, judicia planè contraria ferent; difficultates iuſuperabiles ubique imaginabuntur, ut metum ſuum excuſent, atque invidiæ, mœrori, deſperationi & quibuſdam odij ſpeciebus quibus infirmi potiſſimum obnoxij ſunt, ſeſe permittent.

CAPUT XII.

Affectus, ſeu paſſiones quibus malum eſt pro objecto, eſſe maximè periculofas & injuſtas; eaſque qua cum minimâ conjunguntur cognitione, eſſe omnium vividiffimas, & maximè ſenſibiles.

INter affectus qui judicia ferunt à ratione maximè diſſita, quique ideo periculofiſſimi ſunt, omnes odij, ſeu averſationis ſpecies recenſeri debent. Nulli ſunt affectus qui rationem æquè corrumpant ac odium, & metus; odium præcipuè quidem in bilioſis & in ijs quorum ſpiritus perpetuò agitantur; metus verò in melancholicis, vel in ijs quorum ſpiritus craſſi, & ſolidi, nec facile agitantur, nec ſemel agitati facile ſedantur. At verò ubi odium & metus unà conſpirant ad rationem corrumpendam, quod valdè frequens eſt, tum quævis judicia, quantumvis injuſta & aloga formare & acerrimè defendere valemus.

Atque huiusce rei hæc eſt ratio. Hujus, ſcilicet, vitæ mala, mentem noſtram longè vividius afficiunt quàm bona; Doloris ſenſus vividior eſt ſenſu voluptatis. Injurijs & opprobrijs multò magis lædimur quàm laudibus & applauſu delectamur. Et quamvis nonnulli reperiantur qui voluptates quaſdam, & honores ſuſque deque habeant, admodum tamen pauci ſunt qui dolorem, & contemptum ægrè non ferant.

Itaque odium, metus, aliæque averſationis ſpecies, quibus malum eſt pro objecto, ſunt paſſiones violentiſſimæ. Animum de improvifo ita concuriunt ut illum ſtupefaciant & permoveant. Intima mentis adyta brevi ſubeunt, ac ratione è ſede ſua deturbatâ, judicia falſa & iniqua de rebus quibuslibet ferunt, ut ſuam defendant ineptiam & tyrannidem.

Illi affectus omnium ſunt crudeliſſimi & ſuſpicaciſſimi, charitati, & ſocietati civili maximè repugnantes, & eodem tempore abſurdiſſimi; judicia enim adedò inepta & ~~inconſiſtens~~ formant, ut omnium indignationem & riſum in ſe moveant.

Joan. 6. 11. 47. Hæc affectibus moti in hæc intulsa erumpebant verba Pharisæi. *Quid egimus? ille multa edidit miracula. Si illum sinamus pergere, omnes in ipsum credent. Romani venient urbem, & gentem nostram diruent.* Jesum Christum multa facere miracula equidem fatebantur; Lazari resurrectio erat extra omnem dubitationis aleam. Quænam judicia ipsis suggererent affectibus? Jesum nempe interficere, & Lazarum quem suscitaverat. Sed quibus de causis Jesum interficere? Quia, *si sinamus ipsum pergere, omnes credent in eum, Romani venient, urbemque & gentem nostram diruent.* Cur verò Lazarum interficere? *Quia multi ab ipso secedebant propter ipsum, & credebant in Jesum.* Judicia simul crudelia & abliæda! crudelia odio, & absurda metû: *Romani venient & diruent urbem, gentemque.*

Ac. 2. Iisdem affectibus motum fuit synedrium illud in quo adstabant Annas Summus Pontifex, Caiaphas, Johannes, Alexander, & qui erant ex stirpe Sacerdotali, dum hæc dixerunt. *Quid hisie hominibus faciemus? miraculum enim ediderunt toti civitati notum, illud non possumus negare; Verum ne id amplius crevergetur, additis manibus ipsi interdicimus amplius docere in nomine Christi.*

Ac. 4. Viri alioqui cordati judicium ferunt injustum & absurdum simul, quia nempe affectibus agitantur, & falso zelo occæcantur. De Apostolicis pœnas sumere non audent propter populum, & quia homo miraculose sanatus jam erat quadragenarius & supra, ac cæteri intererat; Verum ipsis minantur ne doceant in nomine Jesu. Doctrinam damnandi sibi necessitatem incumbere credunt, quia ipsius autorem interfecerunt. *Multa agebant ad Apostolos, ipsum hominis sanguinem super nos inducero.* Ubi falsus zelus cum odio conjungitur, illud adversus rationis objectiones muniri illudque ita legitimè repræsentat ut ipsius motibus non cedere piaculum videatur. Et quum ignorantia & infirmitas metum comitantur, illum ad innumeras res extendunt, illiusque commotiones ita corroborant, ut minima suspicio rationem perstringat & perturbet. Qui falso ducuntur zelo de Deo se benè mereri credunt, ubi affectibus suis obtemperant. Secretas odij sui inspirationes cæco impetu sequuntur, veluti inspirationes veritatis internæ: ac sensationes quas ipsorum violentiæ velificantur argumentorum loco habentes, in erroribus suis præfractè ac invictè permanent.

Ignari verò & qui ingenio sunt debili, causas metûs vanas & ridiculas sibi fingunt; in eo similes pueris qui sine duce & lumine in tenebris versantes, spectra terribilia sibi imaginantur; perturbantur & vociferantur quasi de ipsis conclamatum esset. Si tantum ignari sunt, lumine resciantur, at verò si debili sint cerebro, ipsorum imaginatio semel læsa, restitui nequit. Simul ac quid vident quod ad pristinum terrorem objectum aliquâ similitudine accedit, vestigia de integro aperiuntur ac idem spirituum cursus iteratur. Adeo ut sanari nequeant nisi ad tempus duntaxat.

At cum falsus zelus conjungitur cum odio & metû in cerebro debili, tot indefinenter formantur judicia adeo iniqua & violenta, ut vel soliorum cogitatio horrorem pariat. Nec miraculum quo conversus

est Paulus sufficeret ad mutandum animum sic percussus; immò si potentiae & misericordiae Divinae limites figere liceret, ipsius sanationem diceremus impossibilem.

Qui in tenebris versantur luminis praesentia laetari solent, hic verò lumen pati nequit; quippe quod affectui quo agitur resistendo ipsum laedat. Cum ipsius metus sit aliquatenus voluntarius utporè ab odio procedens, metù illo percelli ipsum juvat, quoniam ijs etiam affectibus quibus malum est pro objecto delectamur, ubi malum est imaginarium; vel potius ubi, ut fieri solet in spectaculis, certò scimus nos ab illò laedi non posse.

Spectra seu phantasmata, quae sibi fingere solent ij qui in tenebris degunt, lumine adveniente evanescent. Hujus verò phantasmata lumine veritatis non dissipantur. Illud mentis tenebras faciliè penetrare nequit, ipsius imaginationem tantum irritat, adeò ut dum homo ille affectus objecto duntaxat intentus est, lumen reflectatur, & phantasmata seu umbrae verum corpus, seu aliquid realitatis habere ipsi videantur, quia debiles quosdam luminis quò feriuntur radios repellunt.

At, supponamus istius ingenij hominibus satis inesse docilitatis & attentionis ut rationes ad dissipandos ipsorù errores idoneas auscultare & intelligere possint, ipsorum imaginatio metu ita perturbata est, & cor odio, & falso zelo ita corruptum, ut rationes illae quantumvis in se solidae, velocem tamen vehementium affectuum motum diu sistere non possent, nec impedire quominus illi argumentis sensibilibus sibi ipsis non multò post patrocinentur.

Observandum enim est affectus quosdam esse qui sine ullo reditù prætereant, alios verò constantes esse qui diu subsistant. Qui nullà mentis applicatione nituntur, sed tantum visu sensibili alicujus objecti, & sanguinis fermentatione producuntur & corroborantur, diu non perstant, ac eodem ferè tempore nascuntur & extinguuntur.

Qui verò cum mentis applicatione conjunguntur permanere solent; quia illorum principium mutationi aequè obnoxium non est ac sanguis & humores. Odium itaque, metus, ceterique affectus qui in nobis mentis cognitione excitantur aut conservantur, non verò visù sensibili alicujus mali, diu subsistere debent. Isti igitur affectus duratione, violentià, & injustitià ceteros superant; sed non sunt omnium vividissimi, & maxime sensibiles, ut infra demonstrabitur.

Perceptio boni, & mali quae affectus excitat sit trifariam; per sensus, per imaginationem, & per mentem. Perceptio boni & mali per sensus, seu boni & mali sensatio affectus valde promptos & valde sensibiles producit. Perceptio boni & mali, per solam imaginationem, affectus excitat longè debiliores. Et perceptio boni & mali per mentem solam, veros non producit affectus, nili quia perceptio ista boni & mali per mentem, conjungitur semper cum aliquo motù spirituum animalium.

Affectus ad solam corporis conservationem, ac ut per corpus ceteris

sensibilibus uniamur, nobis concessi fuere: quamvis enim res sensibiles respectu mentis nec bonæ nec malæ esse queant, bonæ tamen vel malæ sunt relatæ ad corpus cui mens unitur. Cum itaque sensus & imaginatio relationes rerum sensibilibum cum corpore multò melius cognoscant quàm mens ipsa; affectûs longè vividiores excitare debent, quàm cognitio clara & evidens. Quia verò cognitiones nostræ cum aliquo spirituum motû semper conjunguntur, cognitio clara & evidens ingentis alicujus boni, vel ingentis alicujus mali, quod sensus non retegunt, arcanum aliquem affectum semper excitat.

Nihilominus omnes nostræ cognitiones claræ & evidentes non semper trahunt post se affectum aliquem sensibilem & ut ita dicam, perceptibilem; quemadmodum omnes affectus nostri non semper conjunguntur cum aliquâ mentis cognitione: si enim quandoque contingat ut de bonis & de malis quibusdam cogitemus sine ulla commotione, sæpe etiam aliquo affectû commovemur, non cognitâ tamen, nec, vel sensu, perceptâ illius causâ. Cum quis aerem spirat salubrem gaudio quodam afficitur ejus causam ignorat; bonum ex quo illud oritur gaudium non novit, quamvis illud possideat. A corpore quodam invisibili per sanguinem sese insinuante si fermentatio impediatur, tristis est, & causam tristitiæ rei cuiusvis visibili sibi affectûs momento occurrenti forsan tribuet.

Inter omnes affectûs nulli sunt sensibiliores ac velociores, & proinde nulli cum minori mentis cognitione conjunguntur quàm, horror, & antipathia, amor seu allubescencia, & sympathia. Evenit nonnunquam ut homo sub umbrosa arbore dormitans ad muscæ aculeum vel frondis titillationem subito & de improvviso expergiscatur, non secus ac si à serpente morderetur. Sensû confuso rei terribilis qualis est mors expavescit, & hoc pacto affectu vehementissimo & violentissimo, desiderio, scilicet, odij seu aversionis sese incogitanter agitatum deprehendit. Contra verò si eveniat ut homo aliquis egenus fortè fortunâ incidat in pusillum aliquod bonum, cujus dulcedine demulcetur, circa exile istud bonum, non secus ac circa bonorum maximum, sensum & incogitanter occupatur. Id etiam evenit in motibus sympathiæ & antipathiæ. In societate quapiam videmus forsitan aliquem cujus habitus totaq; externa species cum præsentis corporis nostri dispositione arcanis quibusdam vinculis consonet; ipsius visu illicò vehementer permovemur. Ad ipsum amandum, & benevolentia prosequendum arcana & dulci quadam vi ferimur. Tè *Nescio quid*, nobis planè ignotum, sine ulla rationis participatione, nos agitat. Contrarium evenit de ijs quorum habitus fastidium, & horrorem, ut ita dicam, aspergunt. Arcanum tamen illud fastidium menti ignotum est; quippe de pulchritudine, vel deformitate sensibili, quæ ejusmodi affectus excitare solent, soli sensus ritè judicare possunt.



DE

INQUIRENDA VERITATE.

LIBER SEXTUS,
DE METHODO.

CAPVT PRIMVM.

Hujusce libri institutum declaratur, ut & duæ rationes generales conservanda evidentiae in investigatione veritatis, quæ hujus libri argumentum constituent.

LIBRIS præcedentibus vidimus hominem errori valdè obnoxium esse; ipsumque sensuum ^a fallacijs imaginationis ^b phantasmatibus, & mentis ^c abstractionibus perpetuò decipi; voluntatis ^d inclinationes, cordis ^e affectus veritatem ipsi penè semper surripere, eamque ipsi nunquam patefacere, nisi falsis indutam coloribus quibus concupiscentiæ indulgetur. Jam vias indicare quibus veritatis, cognitionem assequi possumus, mentemque eâ vi, & industriâ munire quâ has insistere queat sine inutili labore, & erroris periculo, operæ pretium est.

Verùm, ne in hujus postremi Libri lectione incassum quis laboret, imprimis monitum velim, illum in eorum usum qui veritatem per se ferò quærere, & ad id proprijs suis viribus uti volunt, duntaxat compositum fuisse. Ab ipsis postulo ut per aliquod tempus omnes verisimiles contemnant opiniones; violentissimis ne fidant conjecturis; omnium Philosophorum authoritatem susque deque habeant; ab omni

Bbb ;

præjudicio, philautiâ, & affectû vacui quantum in illis erit huc accedant; Sensibus & imaginationi diffidant; uno verbo eorum penè omnium quæ Libris præcedentibus dicta sunt, accuratè recordentur.

Propositum nobis est in hoc Libro menti omnem quam naturaliter assequi potest perfectionem communicare, ei suppeditando auxilia necessaria, ut ipsius attentio & capacitas augeatur; eique præscribendo canones observandos ut error in investigatione veritatis, vitetur, & ut quæcunque sciri possunt commodè addiscantur.

In hoc instituto, si ad suam perfectionem perduceretur, quod equidem, in hocce specimine non affectamus; certè traderetur scientia universalis, ac qui illo benè uti vellent verè docti dici possent, utpotè qui omnium scientiarum specialium fundamentum essent assequuti, ac illas, prout hac universali scientia uterentur, acquirerent. Hoc enim tractatu conamur mentem ad id idoneam reddere ut de quibuscunque quæstionibus ad ipsius captum accommodatis, judicia certa & vera ferre possit.

Quemadmodum non sufficit ad perfectam Geometriæ cognitionem assequendam, ut quis memoriter teneat omnes demonstrationes Euclidis, Pappi, Archimedis, Apollonij & omnium qui de Geometriâ scripserunt; Ita non sufficit, ut quis peritus habeatur Philosophus, ipsum legisse Platonem, Aristotelem, Cartesium, &c. & ipsorum sententias circa omnes Philosophiæ quæstiones didicisse. Omnium opinionum & judiciorum aliorum hominum, five circa Philosophiam, five circa Geometriam, cognitio, Historia potius est quàm Scientia: nam vera scientia, quæ sola mentem humanam ad perfectionem ejus nunc capax est, adducere potest, consistit in certâ quadam capacitate solidè judicandi de omnibus ipsi accommodatis. At ne temporis fiat jactura, nève judicij præmaturis quisquam antevertatur, jam rem tanti momenti aggrediamur.

Imprimis in memoriam revocandus est primus canon traditus, & probatus in principio primi Libri, quia fundamentum est, & primum principium eorum omnium quæ sumus infra dicturi. *Plenum, scilicet, nunquam præbere assensum nisi propositionibus tam evidentè veris, ut ipsis ille assensus recusari nequeat, sine pæne cujusdam interna sensu, & arcana rationis objectionibus; hoc est, ubi assensum recusare nemo potest, quin clarè cognoscat, se libertate sua abuti, nisi velit assentiri.* Quotiescunque verisimilitudinibus assentimur, in certum erroris periculum incurrimus, ac penè semper actû erramus, vel denique si non erremus, id casu fortuito contingit. Itaque perceptio confusa innumerarum verisimilitudinum circa varias res rationem nostram non reddit perfectiorem, ac solâ veritatis clarâ perceptione ipsi perfectio communicari, ipsique satisfieri potest.

Cùm igitur solâ evidentia juxta primum nostrum canonem certiores sumus nos non errare, hinc concludere est, nos imprimis ad id attendere debere ut hanc in perceptionibus nostris conservemus evi-

dentiam, quæ de omnibus rationi nostræ accommodatis solidè iudicare, & omnes veritates, quarum sumus capaces, assequi possimus.

Quæ hanc evidentiam gignere & conservare possunt duplicis sunt generis. Alia sunt in nobis, aut à nobis aliquatenus pendunt, alia à nobis non pendunt. Nam quemadmodum ut objecta visibilia distinctè videamus, necesse est nos pollere visû perspicaci, illumque attentè in his objectis defigere; quæ duo in nobis sunt & à nobis aliquatenus pendunt; sic necesse est recto pollere ingenio, illudque strenuè appellere ad penitus inspiciendas veritates intelligibiles: quæ duo etiam in nobis sunt, & à nobis aliquatenus pendunt.

Sed, non secus ac oculi opus habent luce ad videndû, istud verò lumen pendet à causis alienis; sic mens eget ideis ad concipiendû, quæ ideæ, ut alibi probatû est, non pendet à nobis, sed à causâ alienâ illas producente. Si igitur ideæ rerum menti nostræ non adessent, quotiescunq; illa habere optamus, & si Deus, qui mundum illuminat, illas nos latere velleret, huic defectui mederi, ac quicquam cognoscere nequaquam possemus: quemadmodum quicquam videre impossibile est cui lumen deest. Verum non est quòd hoc metuamus, quippe præsentia idearum menti nostræ cùm sit naturalis & à generali & immutabili Dei voluntate pendeat, nobis nunquam deest ad res rationi naturaliter subiectas percipiendum. Nam Sol qui illuminat mentes, haud similis est Soli illuminanti corpora: eclipsin nunquam patitur, ac omnia penetrat sine ullâ luminis sui disgregatione.

Cùm igitur ideæ rerum nobis perpetuò adsint, etiam ubi illas attentè non consideramus, quid aliud nobis superest ad conservandam evidentiam in omnibus perceptionibus nostris, nisi ut quæramus media quibus mens attentior & capacior fiat: quemadmodum ut objecta visibilia nobis adstantia distinctè cernantur, nihil aliud necesse nobis est quàm ut visû perspicaci polleamus, illaque attentè consideremus.

Sed, quia objecta quæ consideramus, plures sæpè habent relationes, quàm ut illas omnes unico mentis impulsu percipere valeamus; indigemus adhuc nonnullis legibus quibus instituamur ad omnes difficultates ita diluendas, ut aduti auxilijs, quibus mens fiat attentior & capacior, omnes relationes rei quam examinamus evidentissimè percipere possimus.

Hunc igitur Sextum Librum in duas dividemus partes. In primâ agitur de auxilijs quibus mens uti potest ut fiat attentior & capacior; In secundâ canones trademus quos illa sequi debet in investigatione veritatum, ad formanda iudicia solida & extra erroris aleam posita.

CAPVT II.

Attentionem esse necessariam ad conservandam evidentiam in cognitionibus nostris. Modificationes mentis illam reddere attentam, sed ipsius capacitatem percipiendi plus aequo distrabere.

A Principio huiusce Operis ostensum est, intellectum duntaxat percipere; ac à parte intellectus, simplices perceptiones, iudicia, & ratiocinia, in eo solo inter se differre, quod iudicia, & ratiocinia sunt perceptiones multò complexiores simplicibus perceptionibus; quia non modò plurimas res repræsentant, verùm etiam relationes plurimarum rerum inter se. Nam simplices perceptiones res solas menti repræsentant: sed iudicia relationes quæ inter res intercedunt exhibent: sed ratiocinia relationes repræsentant quæ inter relationes rerum sunt; si modò sint simplicia ratiocinia; at si sint ratiocinia composita, repræsentant relationes relationum, seu relationes complexas quæ sunt inter relationes rerum, & sic ad infinitum. Prout enim relationes multiplicantur, ratiocinia quæ menti repræsentant hæc relationes fiunt magis complexa. Sed iudicia, ratiocinia simplicia, & ratiocinia complexa, nihil sunt præter meras perceptiones à parte intellectus, quia intellectus duntaxat percipit; ut jam dictum est.

Cùm iudicia & ratiocinia à parte intellectus nihil sint præter meras perceptiones, intellectum in errorem nunquam labi manifestum est; cùm error in perceptionibus non reperiatur, immò non sit intelligibilis. Nam, sicut jam multoties dictum est, error duntaxat consistit in præcipiti voluntatis assensu, quæ falso quodam lumine decipitur, & cum libertate, quantum potest, uti debeat, in veritatis specie securè acquiescit.

Nihilominus, quia sæpè intellectus ideas rerum confusas & imperfectas habet, hinc fit ut sit causa errorum nostrorum, quæ occasionalis dici potest. Quemadmodum enim visus corporeus sæpè nos inicit in errorem, quia objecta externa confusè & imperfectè nobis repræsentat; confusè, scilicet, ubi nimis dissita sunt, vel ubi lumen deficit: & imperfectè quoniam illa duntaxat rerum latera repræsentat quæ nobis obijciuntur. Ita intellectus cùm sæpè perceptionem rerum duntaxat confusam & imperfectam habeat, quia ipsi satis non sunt præsentés, nec omnes partes illarum percipit; causa est cur voluntas
in

in ingentem incidat errorum numerum, facilius nimirum cedendo hisce perceptionibus obscuris, & imperfectis.

Necesse igitur est quærere rationes quibus impediatur quominus perceptiones sint confusæ, & imperfectæ. Et quia nullâ aliâ ratione clariores & distinctiores fieri possunt quàm attentione, ut apud quemlibet constat, quærendæ sunt rationes quibus utentes attentiores evadamus. Hoc pacto evidentiam in ratiocinijs nostris conservabimus, & uno intuitu connexionem necessariam inter omnes partes ratiociniorum nostrorum etiam maximè prolixorum, deprehendemus.

Ut istæ inveniantur rationes, altè est imbibendum id quod jam a libi à nobis dictum est; nempe mentem non æqualem rebus omnibus quas percipit præbere attentionem. Ijs enim quæ ipsam efficiunt, modificant, & penetrant longè magis attendit quàm ijs quæ ipsi quidem adsunt, sed ipsam non tangunt, nec ad ipsam pertinent. Uno verbo proprijs suis modificationibus longè magis occupatur, quàm simplicibus objectorum ideis, quæ ideæ aliquid sunt ab ipsa diversum.

Hanc ob causam nonnisi cum fastidio & negligentia ideas abstractas intellectûs puri consideramus: ad res quas imaginamur, præcipuè si imaginatione præditi simus forti, ac alta in cerebro formentur vestigia, animum longè magis appellimus. Denique hanc ob causam, in qualitatuum sensibilium consideratione toti detinemur, dum ideis puris mentis, quandiu aliquid jucundi, aut molesti sentimus, ne vel minimam attentionem præbere possumus. Namque, dolor, voluptas, & aliæ sensationes, cum nihil aliud sint quàm modificationes mentis, fieri nequit quin eas percipiamus, & quin mentis nostræ capacitas ijs occupetur, cum omnes sensationes nostræ nihil aliud sint quàm perceptiones.

Res verò secus se habet de ideis puris mentis: possunt enim menti nostræ intimè uniri, nec tamen à nobis ullo modo considerari. Licet enim Deus nobis quàm intimè uniatur, & in eo reperiantur eorum omnium quæ videmus ideæ; illæ tamen ideæ quanquam nobis præsentent, nos latent, ubi motus spirituum illarum vestigia non excitant; vel ubi voluntas nostra mentem his non applicat; hoc est, ubi non format actus quibus representatio illarum idearum ab Authore naturæ alligatur. Hæc sunt fundamentum eorum quæ sumus infra dicturi circa auxilia quæ mentem nostram possunt præbere attentioem. Itaque hæc auxilia in ipsa mentis natura erunt fundata; speramus itaque illa inutilia & chimerica non futura, ut plurima alia, quæ mentem magis intricant quàm juvant. Ut ut sit, quem optamus non fortiantur usum, haud tamen erit inutile quæ de ijs infra dicturi sumus legere, quia ex his natura mentis melius cognoscetur.

Modificationes mentis ex tribus oriuntur causis, ex sensibus, imaginatione, & affectibus. Nemo non expertus est voluptates, dolores, & omnes in genere sensationes tantillum vehementes; imaginationes

vividas, & violentos affectus mentem tantopere occupare, ut attentionis incapax sit. quandiu his omnibus nimis afficitur; quia tunc tota ipsius percipiendi facultas his impletur. Sed etiam si istæ modificationes essent leviores hanc tamen mentis capacitatem aliquatenus saltem distraherent, adeo ut se totam rerum abstractarum considerationi applicare non posset.

Hincigitur conclusionem hanc, notari maximè dignam, eliciamus; Eos omnes, scilicet, qui veritatis investigationi serio incumbere volunt, sedulo vitare debere, quantum id fieri potest, omnes sensationes nimis vividas, ut ingentem strepitum, lumen vividius, voluptatem, dolorem, &c. Imaginationis puritati perpetuò ipsis studendum est, ac impediendum quominus in cerebro formentur vestigia profunda, quæ mentem perpetuò lacessunt & dissipant. Denique, sistere imprimis debent affectuum motus, qui in corpore & in mente tam altas edunt impressiones; ut mens ad aliud cogitare non valeat. Nam, etsi puræ veritatis ideæ, nobis perpetuò præsentibus adsint, illas tamen considerare nequimus, ubi capacitas cogitandi hisce modificationibus violentis occupatur.

Quia tamen mens sine affectu, sensatione, aut aliâ quavis modificatione speciali subsistere nequit; necessitati cedendum est, imò ex his ipsis modificationibus auxilia nobis comparare debemus, quibus attentiores sumus. Sed magnâ industriâ, & cautione opus est in usu istorum auxiliorum. Diligenter examinandum est quatenus ijs indigeamus, nec ijs utendum nisi urgente necessitate.

CAPVT III.

Quomodo utendum sit affectibus & sensibus ad conservandam mentis attentionem.

Affectus quorum usus nobis necessarius est ut excitemur ad veritatis inquisitionem, ij sunt quorum ope eam vim, eumque animum comparamus, quo laborem superare valeamus quem in attentione præbendâ experiri solemus. Inter illos affectus alij sunt boni, alij verò mali; boni, quale est desiderium inveniendæ veritatis, acquirendâ sæ luminis ut possimus nos ipsos regere, proximo utilitatem aliquam asserendi, & alij similes. Mali verò seu periculosi, ut desiderium famam sibi conciliandi, proprijs rebus & commodis suis consulendi, supra æquales sese extollendi, & nonnulli præter hos alij affectus peiores de quibus hic loqui necessarium non est.

In isto in quo versamur misero statu, non raro contingit ut affe-

Atibus à ratione maximè alienis, vividius ad veritatis investigationem feramur, & ab illis jucundius solatium accipiamus in laboribus ad id exantlandis, quàm affectibus maximè legitimis & rationi consentaneis. Vanitas, exempli gratià, nos longè vehementius stimulat quàm veritatis amor; ac quotidie videas homines studio perpetim incumbentes, quandiu alios reperiunt quibus communicare possint quæ didicerunt, ab illo verò penitus desistentes statim atque remoto est qui eos audire velit. Visus confusus gloriolæ cuiusdam quæ circumdantur, dum suas venditant opiniones, animum ipsorum sustentat & suffulcit in studijs etiam maximè sterilibus & fastidiosis. At si easdè fortuito, vel proprijs negotijs id postulantis, ab illo assentatorum grege discedere cogantur, ipsorum æstus continuò deferbescit; studia etiam solidissima fastidium ipsis creant; ac denique tædio & mœrore confecti cuncta deserunt. Vanitas priùs pigritiam naturalem vicerat, jam verò pigritia veritatis amorem superat; namque vanitas pigritiæ nonnunquam resistit, at pigritia de veritatis amore penè semper triumphat.

Cùm tamen gloriæ cupido ad bonum finem possit referri, quia ad gloriam Dei, & proximi utilitatem famâ nostrâ uti possumus; quibusdam forsàn hoc affectû in nonnullis occasionibus, veluti auxilio ad reddendam mentem attentam uti nefas non est. Sed sedulò cavendum est ne illo utamur, nisi, duntaxat, ubi affectus rationi consentanei, de quibus jam dictum est; non sufficiunt, etenim ad id officio nostro tenemur ut rebus arduis ac fastidiosis incumbamus. Jam autem dixi illo affectu utendum non esse, nisi quando alij legitimi non sufficiunt; primò, quia hic affectus conscientiæ perquam noxius est. Secundò, quia in mala studia, quibus plus inest splendoris, quàm utilitatis & veritatis nos sensim injicit. Denique, quia ille affectus moderatu valdè difficilis est, ab ipso sæpe deluderemur, ac dum mentem nostram illuminare illius ope crederemus, concupiscentiam, quæ non modò cor corrumpit, sed menti tenebras nunquam dissipandas affundit, forsàn corroboraremus.

Animadvertendum enim est affectum illum augeri, corroborari, & sensim in corde hominis stabiliri; ac, ubi violentior est, tantum abstertit mentem sublevet in veritatis investigatione, quin potius illam mirum in modum occæcet, ac res pro votis se habere falsò ipsi persuadeat.

Tot falsis & imaginarijs inventionibus, quæ sub egregio veritatum recens resectorum nomine, nobis propinquant, non scateret ortus terrarum, nisi homines ardenti flagrant desiderio haberi auctores, & inventores. Firma enim & obstinata persuasio qua nonnulli laboraverunt, se invenisse, exempli gratià, motum perpetuum, & modum æquandi circuli cum quadrato, & duplicandi cubum ope Geometriæ vulgaris, ex eo opinor, orta est, se aliquid esse

etiam dedisse, quod cæteri inutiliter tentassent, videri vehementer cuperant.

Longè igitur satius est sese excitare ad affectus eò utiliores ad veritatis investigationem, quòd vehementiores sint, & circa illos modum excedere vix ullum sit periculum; qualia sunt desideria benè utendi ingenio nostro; nosmet expediendi à præjudicijs & erroribus; sat acquirendi luminis ad nos in statu in quo versamur rectè regendos; & alij simplices affectus, quibus ad studia inutilia, & judicia præmatura non edigimur.

Prælibatâ semel voluptate quæ ex recto mentis usu percipitur, ac utilitate quæ ex illo redit probè cognitâ; abdicatis violentis affectibus, & voluptatibus sensibilibus quæ, dum illis impudenter nos permitimus, rationi tyrannicè dominantur, cum fastidio rejectis; aliis opus non est affectibus quàm ijs, de quibus mox dictum est, ut attentius stamus ad res meditandas.

Verùm plerique homines ab illo statu longè abhorrent. Præter sensibilia nihil delictare sapient. Ipsorum imaginatio numero propè infinita vestigiis profundorum, quæ falsas tantùm excitant ideas, corrupta est: Omnibus enim quæ sub sensus & imaginationem cadunt toti addicti sunt, ac juxta impressionem quam ex ijs, hoc est, relatè ad se, recipiunt, de ijs semper judicant. Superbia, intemperantia, varia negotia quibus intricantur, sollicita res suas stabilendi desideria, in hominibus hujus sæculi tam frequentia, veritatis lumen ab ipsis arcet, non secus ac pietatis sensum suffocant; quia his pravus affectibus à Deo, qui solus potest illuminare & regere, se junguntur. Quippe unionem nostram cum sensibilibus augere non possumus; quin unionem nostram cum veritatibus intelligibilibus minuamus; cum eodem tempore non possumus uniri rebus adeò diversis & oppositis.

Qui igitur imaginationem habent puram & castam; hoc est, ij quorum cerebrum vestigijs profundis, quæ rebus sensibilibus applicant, refectum non est, cum Deo facile uniri possunt, & ad veritatem ipsos alloquentem attendere: Affectus legitimi, & rationi consentanei ipsis sufficiunt. Mundani verò, quique pluribus rebus affectus uniuntur, & quorum imaginatio falsis, & obscuris conpurcata est ideis, quas objecta sensibilia in ipsis excitaverunt, ij, inquam, non possunt veritati incumbere, nisi affectu aliquo sustineantur satis vehementi ad deprimentum corporis pendus quod ipsis imminet, & ad formandam in cerebro vestigia quæ possint spirituum animalium cursum divertere. Quia verò quilibet affectus per se duntaxat confundit ideam, ipsi uti non debent, nisi uti necessitas postulat; & singuli homines sese explorare debent, ut affectus suos debilitati suæ accommovent.

Rationes, quibus in nobismet ipsis affectus quos optamus possi-

mus excitare facili negotio inveniri queunt. Nec parùm ad id confert unionis corporis & mentis cognitio, libris præcedentibus tradita: namque uno verbo, sufficit nos cogitare attentè ad objecta quæ juxta institutionem naturæ apta sunt ad excitandos affectus. Hec pacto affectus nobis necessarios in corde nostro penè semper gignere possumus. At verò si illos penè semper possumus excitare, illos pariter non possumus extinguere, & mederi malis quæ in imaginatione prodixerunt. Ijs igitur moderatè est utendum.

Imprimis cavendum est ne de rebus juxta affectum judicemus, sed duntaxat claro veritatis visu, quod observatù difficillimum est, ne dicam impossibile, quum affectus sunt tantillum vividì. Affectus ad id tantum conferre debet ut attentionem excitet; Verùm ideas sibi proprias menti semper objicit, & voluntatem ad id vividè impellit ut de rebus per istas ideas, quibus movetur, judicet, potius quàm per ideas puras & abstractas veritatis, quibus non movetur. Adeò ut judicia sæpè formemus quæ cum affectu finiunt, quia, scilicet, non visu claro veritatis immutabilis, sed tantùm ope circulationis sanguinis formata fuere.

Verum equidem est esse homines admodum pertinaces in suis erroribus, & eorum errorum plerosque per totam vitam præfractè retinere. Sed errores illi ab alijs oriuntur causis quàm ab affectibus; vel pendent ab affectibus quibusdam constantibus, ex conformatione corporis, ex pleonexia, aut ex alia quavis diu subsistente causâ oriundis. Pleonexia, exempli gratia, cùm semper duret, affectum producit nunquam interiturum, & judicia in quæ affectus hic nos injicit, satis sunt durabilia. Cæteræ verò hominum opiniones ex affectibus specialibus pendentes, æquè inconstantes sunt ac fermentatio humorum. Mox hoc, mox illo modo loquuntur, ac sæpè sermones cogitationibus congruunt. Sicut à falso bono ad aliud falsum bonum, affectus motum sequentes, cursitant, & illud fastidiunt ubi motus cessat; pariter à falso systemate ad aliud falsum systema feruntur. Opinionem falsam alacriter amplectuntur, ubi affectus illam reddit verisimilem; at illam affectu extincto deserunt: affectuum ope quælibet bona degustant, nec tamen quicquam boni reperiunt; per eosdem affectus omnes vident veritates nec tamen quicquam veri reregunt; quamvis affectus momento quicquid gustant ipsis supremum videatur bonum, & quicquid vident indubitata appareat veritas.

Secundum auxilium quod menti ad attentionem disponendæ inservire valet à sensibus oritur. Sensationes sunt propriæ mentis modificationes; ideæ verò puræ mentis sunt diversum quid. Sensationes igitur attentionem nostram longè vividius excitant quàm ideæ puræ. Manifestum itaque est, mentem attentam reddi posse ad ve-

ritates quæ ipsam non afficiunt, si exprimantur per res sensibiles quæ ipsam afficiunt.

Hanc ob causam Geometræ per lineas sensibiles exprimunt proportionem quæ sunt inter magnitudines quas habent considerandas. Lineas illas chartæ inscribendo, ideas quæ ipsis respondent menti veluti insculpunt, eas sibi magis familiares reddunt, quia eas eodem tempore sentiunt & concipiunt. Hoc etiam pacto multa satis difficilia possunt doceri pueri, veritatum abstractarum, ob teneritudinem fibrarum ipsorum cerebri, alias incapaces. Oculis nihil vident præter colores, tabulas pictas, imagines, sed mente contemplantur ideas istis objectis sensibilibus respondentes.

Imprimis attendendum est ne objecta quæ considerare vel alijs considerata præbere volumus tot rebus sensibilibus obruantur, ut mens circa hæc magis occupetur quàm circa ipsam veritatem; in hoc enim sæpissimè, & gravissimè peccatur. Quotidie videas Oratores ijs quæ sensus afficiunt ita addictos, & mentem suam modo tam sensibili aperientes, ut veritas vanorum falsæ ipsorum eloquentiæ ornamentorum pene suffocetur. Unde fit ut Auditores periodorum numero, & figurarum motibus longè vividius affecti, quàm rationibus, sese persuaderi sinant, nescij quo pacto & quâ de re persuadeantur.

Videndum est igitur ut elocutionis sensibilitas ita temperetur, ut et mens duntaxat attentior fiat. Veritate nihil est pulchrius, & frustra quis illam coloribus sensibilibus quibus nihil inest solidi, quique per unicum tantum temporis momentum fucum facere queunt, pulchriorem reddere pertenderet. Fortè ipsi aliquid molitiei conciliaretur, sed de ipsius vi multum detraheretur. Illa tanto splendore circumdari non debet, ut mens ornamentis attentior sit quàm ipsi veritati. Alioqui de illâ res se haberet ut de hominibus istis qui tanta auri, & margaritarum copiâ onusti sunt, ut ipsi ornamentis suis inferiores evadant. Veritas induenda est ad exemplum Magistratum Venetorum, qui simplicem togam, cum galericio striato gestare tenentur, in eum duntaxat finem ut ab hominum vulgo distinguantur & veneratione, non ob vestis ornamenta, sed ob dignitatis majestatem, excipiantur. Denique, cavendum est ne veritas tot jucundis rebus stipetur ut mens, dissipatâ attentione illam dignoscere nequeat, ac ne alij cuius rei honores ipsi debiti deferantur; ut sæpè evenit Principibus qui dignosci nequeunt inter innumeros aulicos quibus stipantur, quique iisdem circumfulgent ornamentis ac ipsi Principes.

Verum ut insignius afferatur exemplum. Dico, veritatem alijs esse exponendam, ut ipsa sese exposuit. Cum homines, à primi Parentis peccato, visu essent debiliore, quàm ut veritatem in se possent

considerare; suprema illa veritas sensibilem sese reddidit humanam naturam nostram induendo, ut oculos nostros in se converteret, nos illuminaret, & sese nobis amabilem præberet. Illius igitur exemplo, veritates quas aut ipsi capere, aut alios docere volumus, re aliquâ sensibili possumus induere, ad mentem, quæ sensibilia amat, quæque facile non devincitur nisi ijs quæ sensibus adblandiuntur, designandam. Sapientia æterna sese reddidit sensibilem, non verò fulgentem; sese reddidit sensibilem, non ut in sensibilibus acquiesceremus, verum ut ad intelligibilia extolleremur; sensibilem se reddidit ut in persona sua damnaret, & veluti morti addiceret omnia sensibilia. Itaque in cognitione veritatis uti debemus aliquâ *sensibilitate* quæ tamen cum nimio fulgore conjuncta non sit, quæque in sensibilibus nos nimis non detineat; sed quæ visum mentis in contemplatione veritatum merè intelligibilium possit sustinere; uti debemus aliquâ re sensibili, quam possumus dispellere, annihilare, ac lubentes immolare contemplationi veritatis versùs quam res illa sensibilis nos deduxit. Sapientia æterna extra nos sese modo sensibili obtulit, non ut nos detineret extrà nos; sed ut nos intra nosmet ipsos revocaret, utque illam internè possumus considerare modo intelligibili. Pariter in veritatis investigatione aliquâ re sensibili uti debemus, quæ fulgore suo nos extra nos non detineat; sed quæ ad id nos adigat ut intra nosmet ipsos secedamus, & attenti simus, quæque nos uniat veritati æternæ, quæ sola mentis nostræ domina est, illamque, super re qualibet, illuminare potest.






CAPVT. IV.

*De usû imaginationis ad conservandam mentis attentionem,
& de utilitate Geometriæ.*

PRUDENTER admodum procedendum est in optione & in usû auxiliorum quæ hauriri possunt ex sensibus & affectibus, ut attentioni ad veritatem assuescamus; quia affectus & sensus nostri æquo vividius nos tangunt, & capacitatem mentis ita implent, ut sæpè, dum res in seipsis retexisse arbitratur, nihil videat præter sensationes suas. At verò res secùs se habet de auxilijs quæ hauriri possunt ex imaginatione. Illa auxilia mentem reddunt attentam, nec ipsius capacitatem inutiliter dissipant, atque hoc pacto ad pereipienda clarè & distinctè objecta mirum in modum conferunt, adeò ut ea adhibere penè semper utile sit. Verùm id exemplis illustremus.

Notum est, corpus moveri à duobus vel à pluribus causis diver-

sis, versus duas aut plures diversas partes: corpus illud viribus istis pelli æqualiter aut inæqualiter; illas verò vires augeri aut minui indefinenter, secundum proportionem cognitam, qualemcunque illam assignare libuerit. Jam petitur quam viam illud corpus insistere debeat; quo in loco debeat adesse momento assignato; quâ celeritate debeat procedere ubi pervenit ad talem locum, & alia similia.



A puncto A, unde corpus motum suum incipere supponitur; debent ante omnia describi lineæ indefinitæ AB, AC, quæ efficiunt angulum BAC, si sese mutuo secant: namque AB, & AC, sunt in directum positæ, nec sese secant, quum motus quos exprimunt directe sunt oppositi. Ita distinctè repræsentatur imaginationi, vel, si mavis, sensibus, iter quod sequeretur illud corpus si ab una tantum ex istis viribus, de quibus supra, impelleretur versus alterutram partem B, vel C.

2. Si vis quæ illud corpus movet versus B, æquat vim quæ illud movet versus C, debent secari in lineis AC, & AB, partes 1, 2, 3, 4, & I, II, III, IV, æqualiter distitæ ab A, Si verò vis
movens

movens corpus versus B; duplò major est quam vis illud movens versus C, partes secantur in AB, duplò majores ijs quæ secantur in AC; Si vis illa est subdupla, partes subduplæ secantur. Si vis sit ter major aut ter minor, partes secantur ter majores aut ter minores. Istarum linearum divisiones adhuc exprimunt imaginationi magnitudinem diversarum virium quæ aliquod movent corpus, & eodem tempore spatium quod, illis impellentibus, potest emetiri.

3. Per has divisiones ducuntur lineæ parallelæ rectis AB, & AC, ut habeantur lineæ 1X, 2X, 3X, &c. æquales lineis A1, A11, A111, &c. & 1X, 11X, 111X, æquales lineis A1, A2, A3, quæ exprimunt spatia, quæ corpus, viribus illis impulsus, potest emetiri, & per intersectiones istarum parallelarum ducitur linea AXYE, quæ repræsentat imaginationi; primò veram magnitudinem motûs compositi hujusce corporis, quod concipitur impulsus eodem tempore versus B, & versus C, duabus viribus diversis, secundum talem vel talem proportionem; Secundò viam quam insistere debet: Denique omnia loca in quibus debet esse certo tempore determinato. Adeo ut hæc linea non modò utilis sit ad sustinendum mentis visum, in investigatione omnium veritatum detegendarum circa quæstionem propositam; Verùm etiam modo sensibili, & evincenti, illam resolvit.

Primò hæc linea AXYE, veram exprimit magnitudinem motûs compositi. Nam manifestum sit, quòd si vires quæ illum producant motum, possint separatim promovere corpus illud ad unius pedis spatium intra unicum momentum seu horæ sexagesimam partem, motus compositus erit duorum pedum intra unicum momentum, si modò motus compositi sint perfectè æquales; tunc enim sufficit addere AB, ad AC. Si verò motus illi non possint omninò æquari; compositus AE, alterutrum componentium AB, vel AC, magnitudine superabit, lineâ YE. Si verò motus illi sint oppositi aliquatenus, compositus alterutro componentium minor erit, lineâ YE. Si verò sint penitus oppositi, nullus erit.


Secundò hæc linea AXYE, repræsentat imaginationi iter quod sequi debet illud corpus: & sensibile est secundum quam proportionem ad unam partem magis progrediatur quàm ad aliam. Manifestum etiam sit omnes motus compositos esse rectos, ubi unusquisque componentium semper idem est, quamvis inter se inæquales sint; vel ubi componentes sunt semper æquales inter se, quamvis iidem semper non sint. Denique manifestum est lineas his motibus descriptas, esse curvas, ubi componentes sunt inæquales inter se, nec semper iidem sunt.

Denique hæc linea repræsentat imaginationi omnia loca in quibus corpus illud, à duabus viribus diversis versus

Ddd

duas partes diversas, impulsus existere debeat: adeò ut possit præcisè assignari punctum ubi corpus illud esse debet certo momento. Si scire cupias ubi, exempli gratiâ, principio quarti momenti esse debeat; dividendæ sunt lineæ AB , vel AC , in partes quæ expriment spatium, quod, viribus illis separatim impellentibus, corpus illud posset emetiri intra unum momentum; deinde oportet sumere tres ex istis partibus in alterutrâ ex duabus istis lineis; ac postea ab initio quartæ partis describere lineam AX , parallelam rectæ AB , vel AC , parallelam rectæ AC . Namque evidens est punctum X , quod alterutra istarum parallelarum determinat in lineâ $AXYE$, designare locum ubi corpus illud esse poterit initio quarti momenti motûs sui. Itaque hæc ratio examinandi quæstiones non modò sustinet visum mentis, verum etiam illarum solutiones ostendit; & ipsis satis assert luminis ut ignota ex paucis cognitis possit retere.

His præmissis; sufficit, exempli gratiâ, duntaxat scire, corpus quod erat in A , certo tempore, alio tempore in E , reperiri, & vires diversas illud impellere per lineas efficientes angulum datum, qualis est BAC , id, inquam, scire sufficit; ut lineam ipsius motûs compositi deprehendamus, & varios gradus celeritatis motuum simplicium: dummodò sciamus motus istos esse æquales inter se aut uniformes. Ubi enim habentur duo puncta lineæ rectæ, habetur linea integra; & potest comparari linea recta AE , seu motus compositus cognitus cum lineis AB , & AC , hoc est, cum motibus simplicibus incognitis.



Iterum si supponatur lapis impelli ab A, versus B, per motum uniformem, sed descendere versus C, per motum inæqualem, similem motui secundum quem corpora gravia vulgò creduntur tendere ad centrum terræ, hoc est, spatia quæ percurrit inter se invicem esse, veluti *quadrata* temporum quæ insumit in illis percurrendis; linea quam describet erit semper *parabola*, & poterit summâ cum exactitudine determinari punctum ubi erit certo momento motûs sui.

Namque si primo isto momento corpus illud, spatio duorum pedum, ab A versus C cadit, secundo momento spatio sex pedum; tertio, decem; quarto, quatuordecim; & impellatur motû uniformi ab A, versus B, quæ linea longa est sexdecim pedibus, manifestum est lineam quam describet fore *parabolam*, cujus *parameter* longus erit

pedibus octo. Nam *quadratum applicatarum*, seu *ordinatarum* diametro, quæ indicant tempora & motum regularem ab A, versus B, æquale erit *rectangulo parametri* per lineas indicantes motus inæquales & *acceleratos*: & *quadrata applicatarum*, hoc est, *quadrata* temporum erunt inter se ut partes diametri inclusæ inter *polum* & *applicatas*.

$$16. 64 :: 2. 8.$$

$$64. 144 :: 8. 18. \&c.$$


Ut id manifestum evadat sufficiet considerare sextam figuram. Nam semi-circuli ostendunt A2 esse ad A4, hoc est, ad *applicatam* 2X, ipsi æqualem, ut 2X est ad A8. A18 esse ad A12, hoc est, ad *applicatam* 18X, ut 18X est ad A8, &c. Atque ita *rectangula* A2 per A8 & A18 etiam per A8, esse æqualia *quadratis* ex 2X, & 18X, &c. Ac per consequens ista *quadrata* inter se invicem esse ut ista *rectangula*.

Lineæ parallelæ ad AB & ad AC quæ secantur in punctis X, X, X. manifestò etiam ostendunt quodnam iter corpus illud percurrere debeat. Indicant loca in quibus illud debet esse certo tempore. Oculis denique repræsentant veram magnitudinem motûs compositi & ipsius *accelerationis*, tempore determinato.

Insuper supponendo corpus moveri ab A versus C inæqualiter, ut etiam ab A versus B: si inæqualitas par est principiò & semper, hoc est, si inæqualitas motûs istius corporis versùs C similis est inæqualitati motus versùs B, vel si augetur eadem proportionem, linea quam describet erit recta.

Sed si supponas esse inæqualitatem in incremento aut in diminutione motuum simplicium, quamvis inæqualitas illa supponatur prohibet, tamen facile erit invenire lineam quæ repræsentet imaginationi motum compositum ex motibus simplicibus; exprimendo per lineas istos motus, & istis lineis describendo lineas parallelas quæ sese mutuo secant. Nam linea quæ per omnes intersectiones istarum parallelarum transibit, repræsentabit motum compositum ex istis motibus inæqualibus, & inæqualiter *acceleratus* aut diminutis.

Exempli gratiâ, si supponamus corpus moveri à duabus viribus æqualibus aut inæqualibus, prout libuerit; unum ex his motibus semper augeri aut minui, secundum progressionem Geometricam, aut Arithmeticam quamlibet, alterum verò motum augeri aut minui etiam secundum progressionem Arithmeticam aut Geometricam quamlibet, ut inveniantur puncta per quæ transire debet linea quæ oculis & imaginationi repræsentat motum compositum horum motuum, sic est procedendum.



Ante omnia describendæ sunt, ut jam dictum est, duæ lineæ AB & AC, ad exprimendos duos motus simplices, & dividendæ istæ lineæ secundum suppositionem *accelerationis* horum motuum. Si motus expressus per lineam AC supponatur augeri aut minui secundum hanc progressionem Arithmeticam $\div 1, 2, 3, 4, 5$, dividenda est linea in punctis 1, 2, 3, 4, 5, si verò motus designatus per lineam AB supponatur augeri secundum progressionem duplam $\div 1, 2, 4, 8, 16$, aut minui secundum progressionem sub-

duplam $\div 4, 2, 1, \frac{1}{2}, \frac{1}{4}, \frac{1}{8}$ dividenda est linea in punctis notatis

1, 2, 4, 8, 16, aut $\frac{1}{4}, \frac{1}{2}, 1, 2, 4, 8$. Deinde per has divisiones

ducendæ sunt lineæ parallelæ ad AB, & ad AC; & linea AE, quæ debet exprimere motum compositum quæsitum, transibit necessariò per omnia puncta in quibus istæ lineæ parallelæ sese interfecabunt. Atque itaprehenditur via, quam illud corpus motum insistere debet.

Si quis exactè cognoscere velit, quantum temporis elapsum fuerit, ex quo corpus illud incepit moveri, quando ad certum punctum pervenit; lineæ parallelæ ductæ ab isto puncto ad AB, aut ad AC id indicabunt, nam divisiones lineæ AB & AC, denotant tempus. Pariter, si quis scire velit punctum ad quod corpus illud pervenerit certo tempore; lineæ parallelæ ductæ ex divisionibus linearum AB & AC quæ repræsentant illud tempus, indicabunt interfectione suâ punctum petitum. Ad distantiam loci unde incepit motum suum, quod spectat, ea poterit semper facile cognosci ducendo lineam ab illo puncto versus A; nam longitudo istius lineæ cognoscetur per relationem ad AB, vel ad AC cognitâ. Sed quod attinet ad longitudi-

nem itineris quod corpus illud emensum fuerit ut perveniret ad istud punctum, difficile erit illam cognoscere, quia cum linea motus ipsius, AE , sit curva, non potest referri ad ullam istarum linearum rectarum.

Si quis verò vellet determinare puncta infinita per quæ corpus illud transire debet, hoc est, accuratè describere & per motum continuum lineam AE ; comparandus esset circinus ejus pedes accuratè moverentur, juxta conditiones statutas in suppositionibus suprà factis. Quod sæpè inventu difficillimum est, factū impossibile, & satis inutile adprehendendas relationes rerum inter se, quoniam non solet esse necessaria cognitio omnium punctorum ex quibus constat illa linea, sed tantum quorundam quæ conferunt ad imaginationem regendam ubi considerat tales motus.

Hæc exempla sufficiunt ut ostendamus plerasque ideas nostras posse imaginationi exprimi & repræsentari per lineas; & Geometriæ, quæ omnes docet comparationes seu collationes necessarias ad cognoscendas relationes linearum, usum longiùs patere quàm vulgò putatur. Etenim Astronomia, Musica, Mechanicæ Artes, & in genere omnes scientiæ quæ agunt de rebus quæ suscipiunt magis & minus, quæque per consequens considerari possunt ut extensæ, hoc est, omnes scientiæ accuratæ, possunt referri ad Geometriam; quia omnes veritates speculativæ, cum duntaxat consistant in relationibus rerum, & in relationibus relationum, possunt omnes referri ad lineas. Ex ijs multæ consequentiæ possunt Geometricè deduci; & istis consequentijs per lineas quibus repræsentantur, factis sensibilibus, vix ullum est erroris periculum, atque ingentes progressus in scientijs fieri, hoc pacto, facillimè possunt.

Causa, exempli gratiâ, cur in Musicâ distinctè cognoscitur & præcisè notatur octava, quinta, quarta, ex eo est quòd soni exprimantur chordis exactè divisis; & quia notum est chordam quæ sonat octavam tonum esse in proportionem duplâ ad aliam quæ efficitur octava, quintam esse in proportionem sesqui altera, aut duorum ad tria, & sic de cæteris. Namque auris sola de sonis cum præcisione, & exactitudine requisita in scientijs judicare nequit. Peritissimi Musici Practici, qui auri pollent delicatissima & subtilissima, nondum tamen sunt satis sagaces ut agnoscant differentiam quæ intercedit inter quosdam sonos; & nullam esse falsò sibi persuadent, quia de rebus judicant duntaxat per sensum suum. Sunt qui nullam admittunt differentiam inter octavam, & tres ditonos. Imò nonnulli arbitrantur tonum majorem à tono minori non differre; adeò ut *comma* quod constituit discrimen, ipsis sit insensibile, & potiori ratione *Schisma* quod est tantum dimidia pars *commæ*.

Solâ igitur ratione manifestò comperimus, quòd, cum spatium chordæ quod efficit differentiam inter nonnullos sonos, sit divisibi-

le in plurimas partes, possunt adhuc esse permulti varij soni utiles & inutiles ad Musicam, quos auris discernere nequit. Unde liquiddo patet sine Arithmetica & Geometria Musicam accuratam & exactam nobis futuram fuisse ignotam; adeo ut si in hac scientiâ aliquem faceremus progressum id casu fortuito vel imaginationis ope fieret. Sicque Musica non esset amplius scientia demonstrationibus certis innixa; licet cantilenæ vi imaginationis compositæ dulciores cantilenis juxta leges accuratas factis, videantur.

Pariter, in Mechanicis, gravitas alicujus ponderis, & distantia centri gravitatis hujus ponderis à fulcramento, cum possit suscipere magis & minus, utraque potest exprimi lineis. Itaque maximus est Geometriæ usus ad relegendas & demonstrandas innumeras machinas vitæ utilissimas, & menti ob evidentiam suam jucundissimas.

Si, exempli gratiâ, pondus datum, ut sex librarum, constituere velis in æquilibrio cum pondere duntaxat trilibri; & pondus illud sex librarum adhæreat jugo trutinæ distant ab ansa duobus pedibus; dummodo scias principium generale omnium Mechanicarum; scilicet, *Pondera ut maneant in æquilibrio, debere esse in proportionem reciprocam cum ipsorum distantis ab ansa, seu agina*; Hoc est, pondus unum debere esse ad alterum pondus, ut quod distantia, quæ est inter ultimum pondus & ansam, est ad distantiam primi ponderis ab eadem ansa; facile erit deprehendere per Geometriam quænam debeat esse distantia ponderis trilibris, ut fiat æquilibrio, inveniendo juxta duodecimam propositionem sexti Libri Euclidis quartam lineam proportionalem, quæ habebit quatuor pedes longitudinis. Itaque, si modò teneatur principium fundamentale Mechanicarum, possunt regi cum evidentia omnes veritates quæ ab ijs pendent, applicando Mechanicæ Geometriam, hoc est, exprimendo per lineas quæcunque in Mechanicis consideranda veniunt.

Lineæ & figuræ Geometricæ sunt igitur aptissimæ ad repræsentandum imaginationi relationes quæ sunt inter magnitudines, vel inter res quæ differunt secundum magis & minus, ut spatia, tempora, pondera, &c. tum quia sunt objecta simplicissima, tum quia facillimè imaginationem subeunt. Immo id laudis Geometriæ tribui posset, quodd lineæ possunt plura imaginationi repræsentare, quàm mens potest cognoscere; cum lineæ possint exprimere relationes magnitudinum incommensurabilium, hoc est, magnitudinum quarum relationes non possunt cognosci, quia nullam habent communem mensuram quâ possit fieri comparatio. Verùm ista Geometriæ prærogativa non est magni momenti ad veritatis investigationem, quia istæ expressiones sensibiles magnitudinum incommensurabilium, menti nihil asserunt lucis.

Geometria igitur est utilissima ad reddendam mentem attentam rebus quarum relationes cognoscere volumus. Illam tamen erroris

occasionem nobis sæpè præbere fatendum est, quia circa demonstrationes evidentes & jucundas quas illa nobis subministrat, ita detinemur, ut naturæ considerationem negligamus. Ex hac præcipuè causa, oritur infelix plerarumque machinarum quæ quotidie excogitantur, successus; Hinc est quòd omnes Musicæ compositiones, in quibus proportionibus consonantiarum accuratissime observantur, non sunt omnium jucundissimæ; & supputationes Astronomiæ exactissimæ quantitatem, & tempus eclipseon haud accuratè sæpè prædicunt. Natura nequaquam est abstracta: Vestes, & rotæ Mechanicæ non sunt lineæ & circuli Mathematici: eodem modo omnes homines non sentiunt circa Musicæ modulationes & concentus, immò iidem homines varijs temporibus variè sentiunt. Opinioniones circa id variæ sunt pro varietate commotionis spirituum. Denique, Astronomiam quod spectat, nulla est perfecta regularitas in Planetarum cursu. Cum in ingentibus istis natent spatiis à materiâ illos ambiente irregulariter admodum abripiuntur. Itaque errores in quos circa Astronomiam, Mechanicam, Musicam, & omnes scientias quibus applicari solet Geometria, incidimus, ex Geometriâ non oriuntur, hæc siquidem scientia certissima est, sed ex falsâ altius scientiæ applicatione.

Exempli gratiâ, vulgò supponuntur Planetæ describere motibus suis circulos & ellipses perfectè regulares; id verum non est. Illa tamen suppositio est necessaria ad ratiocinandum, nec est prorsus illegitima quia parum abest, quin id verum sit: At semper recordandum est, principium quò nituntur ratiocinia esse suppositionem. Pariter, in Mechanicis supponuntur rotæ & vestes, &c. perfectè dura esse, & similia lineis & circulis Mathematicis, sine gravitate, ac sine confractione: seu potius ipsorum gravitas, confractione, materia, & relatio horum omnium inter se satis non considerantur; non attenditur, duritie, aut magnitudine augeri gravitatem, gravitate augeri confractionem, confractione diminui vim; ac paulatim rumpi & destrui machinam; arque hoc pacto quod penè semper in parvis suum potest fortiri effectum, in magnis vix unquam ex voto cedere.

Mirem igitur non est si toties errent homines, dum juxta principia haud accuratè cognita, ratiocinantur; nec arbitrandum est Geometriam esse inutilem, quia nos ab omnibus nostris non expedit erroribus. Suppositionibus semel factis, illius ope rectas elicere possumus consequentias. Dum illa nos attentioni assuefacit ad ea quæ consideramus, eodem tempore evidentem illorum cognitionem nobis conciliat. Immo ipsius ope dignoscimus quandonam suppositiones nostræ sint falsæ. Sed sine Geometria & Arithmetica in scientijs accuratis nihil quod paulò difficilius sit, potest reteri, quamvis cæteroquin certis nitamur principijs.

Geo-

Geometria igitur habenda est tanquam species quædam scientiæ universalis, quâ ingenium acuitur, attendum redditur, & eò industriæ adducitur, ut imaginationem temperet, & ex ea auxilium sibi necessarium mutuetur; namque Geometriæ ope mens imaginationis motum temperat, & imaginatio moderata visum & applicationem mentis sustinet.

Verùm ut legitimus Geometriæ admittatur usus, observandum est omnia quæ cadunt sub imaginationem, eadem facilitate non obijci imaginationi; omnes enim imagines æqualiter non implent mentis capacitatem. Solidum difficilius imaginationi obijcitur quàm planum, & planum difficilius quàm simplex linea. Plus enim adhibendum est cogitationis in visû claro solidi, quàm in visû claro plani, & lineæ. De diversis lineis res eodem modo se habet; plus requiritur cogitationis, hoc est, plus capacitatis mentis, ad sibi representandam lineam parabolicam, aut ellipticam, aut quasdam alias magis complexas, quàm ad sibi representandam circuli circumferentiam; & plus ad circumferentiam circuli quàm ad lineam rectam; quia difficilius imaginamur lineas descriptas per motus valde compositos & multas habentes relationes, quàm lineas descriptas per motus simplicissimos, vel pauciores habentes relationes. Cùm enim relationes non possint clarè percipi sine attentione mentis ad plura, eò majori opus est cogitatione ad eas percipiendas quò plures sunt numero. Dantur itaque figuræ adeò complexæ ut mens satis non habeat capacitatis ad eas distinctè imaginandas; sed aliæ etiam sunt quas mens multò facilius imaginatur.

Ex tribus angulorum rectilineorum speciebus, nempe acuto, recto, & obtuso; solus rectus excitat in mente ideam distinctam & fixam. Innumeri sunt anguli acuti omnes inter se diversi; de obtusis res non secus se habet. Itaq; quum imaginamur angulum acutum, aut angulum obtusum, nihil exacti & distincti imaginamur. At verò ubi angulum rectum imaginamur nullum est erroris periculum; idea illius est distincta, quin & imago quam de ipso formamus in cerebro, ut plurimum satis accurata est.

Possumus equidem determinare ideam vagam anguli acuti ad ideam specialem anguli triginta graduum, jam autem idea anguli triginta graduum non minùs accurata est quàm idea anguli 90. graduum, hoc est anguli recti. Sed imago quam de ipso nobis efformare conaremur, esset longè minùs accurata quàm imago anguli recti. Hujus imaginis repræsentationi assuefacti nondùm sumus, nec possumus illam formare nisi cogitando de circulo, aut parte determinatâ circuli divisi in partes æquales. Sed ut imaginemur angulum rectum, cogitatio illius divisionis circuli necessaria non est; sola lineæ perpendicularis idea sufficit imaginationi ut formet imaginem hujus anguli, nec mens ullam patitur difficultatem ut sibi repræsen-

Ecc

ter perpendiculares, quia omnia stantia, seu erecta, videre assuefacti sumus.

Ut igitur, habeatur objectum simplex, distinctum, fixum, ad id aptum ut facile imaginationem subeat, ac per consequens ut mentem reddat attentam, & evidentiam in veritatibus quas investigat conservet, ut, inquam, tale habeatur objectum judicare facile est, omnes magnitudines quas consideramus referendas esse ad simplices superficies, lineis, & angulis rectis terminatas, ut sunt quadrata perfecta, & aliae figurae rectangulae, vel ad simplices lineas rectas. Istarum enim figurarum natura facilius cognoscitur.

Ceterum res omnes quarum cognitio investigatur per lineas & figuras Geometricas posse exprimi hic non pertendimus. Multa sunt quae huic regulae nec possunt nec debent adaptari. Exempli gratia, cognitio Dei omnipotentis, infinite justi, à quo omnia omnimodè pendent, qui creaturis suis felicitatem pollicetur, ea lege atque conditione ut ipsius mandatis obediant, haec, inquam, cognitio principium est totius Ethices; & ex illo innumeræ possunt deduci certæ & indubitatae consequentiæ; hoc tamen principium istæque consequentiæ lineis & figuris Geometricis exprimi nequeunt. Innumeræ pariter notiones Physicæ quarum ope plurimas veritates evidenter cognoscimus lineis determinari & repræsentari nequaquam possunt. Attamen permulta hoc Geometrico modo posse & examinari, & addisci fatendum est. Illo itaque uti semper utile est quia usu temperato imaginationis, per hanc methodum, adhibito, mens attentioni assuecit, & quia quæ hac ratione discuntur, clariùs demonstrata videntur, & faciliùs memoriæ tenentur.

Auxilium quod ex Geometria petitur ad conservandam mentis attentionem sensibus tribuere potuissim: Verum Geometriam ad imaginationem potius pertinere quàm ad sensus existimavi, quamvis lineæ sint aliquid sensibile. Quibus de causis id egerim hic referre inutile satis foret, id enim nullius usus esset, nisi ut ordinem à me in supradictis observatum lectori approbarem, quod essenziale non est. De Arithmetica quoque & de Algebra non sum loquutus, quia numeri, & literæ Alphabeticæ, quibus istæ utuntur scientiæ, non tam conferunt ad attentionem mentis augendam, quàm ad ipsius extendendam capacitatem, ut Capite sequenti sumus explicaturi.

Hæc sunt auxilia generalia quibus mens attentior reddi potest. Nulla alia nobis suppetunt, præter ipsam voluntatem attendendi, de qua hic sermo non habetur, supponimus enim eos qui student, attendere velle ad ea quæ student.

Multa tamen alia sunt auxilia specialia, propria quibusdam hominibus; ut certa quædam potùs & cibi genera, quædam loca, quædam corporis dispositiones, & alia circa quæ quisque sibi magister

esse debet, propriam consulendo experientiam. Imaginationis dispositio est examinanda post cibum sumptum, & attendendum quænam conservent, aut dissipent mentis attentionem. Quod circa id generalius dici potest, huc redit, usum, scilicet, moderatum alimentorum quæ multos faciunt spiritus animales, esse aptissimum ad augendam attentionem mentis, & vim imaginationis languidæ.

CAPVT V.

De modis augendi extensionem & capacitatem mentis. Arithmeticam, & Algebram ad id omnino necessarias esse.

ARbitrandum primâ fronte non est posse unquam verè augeri capacitatem & extensionem mentis. Mens humana est, ut ita loquar, quantitas determinata, & certa quædam cogitationis portio; mens majorem acquirere nequit extensionem, seu capacitatem eâ quam habet; nec inflatur, nec extenditur, ut liquores, & metalla inflari & extendi creduntur. Denique magis non percipit hoc tempore quàm illo.

Id equidem experientiæ repugnare videtur. Sæpè de multis objectis cogitamus, sæpè verò de unico, immò sæpè nos nihil cogitare dicimus. Attamen si attendatur cogitationem esse menti id quod extensio est corpori, manifestò patebit, quòd quemadmodum corpus non potest esse reverà magis extensum hoc tempore, quàm illo, ita si res æquâ judicij lance perpendatur, mens nunquam potest plus cogitare uno tempore quàm alio, sive plurima percipiat objecta, sive unicum, immò etiam tempore quò nos nihil cogitare asserimus.

Verùm causa cur credamus nos plus cogitare certo quodam tempore quàm alio, ex eo oritur, quòd satis non distinguamus inter percipere confusè, & percipere distinctè. Certè plus requiritur cogitationis, vel capacitas cogitandi debet esse plenior, ad percipiendas multas res distinctè, quàm ad unicam percipiendam; sed non plus requiritur cogitationis ad percipienda multa confusè, quàm ad unicam rem distinctè percipiendam. Itaque plus non est cogitationis in mente ubi de multis rebus cogitat, quàm ubi de unica: cum si de unicâ cogitet illam longè clariùs percipiat, quàm quum pluribus intenta est.

Ecc 1

Observandum enim est unicam simplicem perceptionem tantum quandoque includere cogitationis, seu tantum implere capacitatem mentis, quantum iudicium, immò ratiocinium complexum; quandoquidem experientia docet, perceptionem simplicem, sed vividam, claram, & evidentem unius duntaxat rei, nos aequè applicare & occupare, ac ratiocinium complexum, vel perceptio obscura, & confusa multarum relationum inter multas res.

Quomodò enim tantum aut etiam plus est sensus in visù sensibili objecti alicujus quod prae manibus habeo, oculis cominus dispicio, & accuratè examino, quàm in visù ingentis planitiei quam negligenter & securè oberrans circumspectio; ita ut claritas & distinctio sensationis quam habeo de illo objecto oculis meis proximo, compenser extensionem sensus confusi multarum rerum quas in planitie securus video; Pariter, visus mentis circa unicum objectum interdum adeò vividus, & distinctus est, ut tantum, aut etiam plus includat cogitationis, quàm visus relationum quæ sunt inter multas res.

Equidem quandoque contingit ut cogitare nobis videamur de unica re, quam tamen vix possumus capere, cum è contra alio tempore rem illam, multasque alias cum ipsa quàm facillimè capiamus. Atque his adducti causis menti majorem esse cogitandi capacitatem certo quodam tempore quàm alio arbitramur. Verùm nos hallucinari evidens est. Causa cur quibusdam temporibus res facillimas aegrè tamen concipimus, ex eo non oritur quòd cogitatio mentis, vel ipsius ad cogitandum capacitas sit imminuta, sed quia hæc capacitas aliquà sensatione vividâ doloris, aut voluptatis, aut ingenti numero sensationum debiliùm & obscurarum, quæ stuporem quandam gignunt, occupatur; nam stupor ut plurimum aliunde non procedit quàm ex sensu confuso plurimarum rerum.

Quælibet ceræ portio unam quidem figuram valdè distinctam potest suscipere; sed duas suscipere nequit quin una ab alterâ confundatur; nam eodem tempore perfectè rotunda, & perfectè quadrata esse non potest, si denique mille recipiat figuras, earum nulla erit distincta. Jam autem si illa ceræ portio proprias figuras suas posset cognoscere, scire tamen requireret quanam terminaretur figurâ, si earum numerus æquò major esset. De mente nostrâ res non secus se habet, cum ipsius capacitas innumeris impletur modificationibus, eas distinctè percipere nequit, quia eas separatim non sentit. Itaque se nihil sentire autumat. Dolorem, voluptatem, lucem, sonos, sapores se sentire dicere nequit; horum omnium nihil distinctè sentit, licet his omnibus confusè afficiatur.

Sed licet supponeremus mentem non submitti motui confuso & inordinato spirituum animalium: ipsamque à corpore ita abstrahi, ut ipsius cogitationes à corporis motibus nequaquam penderent;

posset tamen evenire ut quædam certò tempore faciliùs caperemus quàm alio, capacitate mentis nostræ nullatenus tamen imminutâ, vel auctâ. Tunc enim de alijs rebus speciatim, vel in genere de ente indeterminato cogitarem.

Idea generalis infiniti est inseparabilis à mente, ipsiusque capacitem omnino occupat, cum de re aliqua speciali non cogitat. Dum enim dicimus nos nihil cogitare, hinc concludendum non est nos non cogitare ad ideam illam generalem, sed duntaxat nos ad nihil speciale cogitare.

Certè si idea illa mentem nostram non impleret, de rebus quibuscumlibet cogitare non possemus, ut id tamen possumus: etenim de rebus planè ignotis cogitari nequit. Jam autem si idea illa menti præsentior non adesset, ubi nihil cogitare nobis videtur, quàm quum de aliquâ re speciatim cogitamus, æquè facillè ad rem quamlibet pro lubitù cogitarem, ubi veritati cuiuspiam speciali strenuè incumbimus, quàm quum nulli rei speciatim animum appellimus, quod experientiæ repugnat. Nam, exempli gratiâ, quum Geometricæ propositioni fortiter incumbimus, de rebus quibuscumlibet eadem facilitate cogitare non possumus, ac quando nullâ occupamur speciali cogitatione. Itaque eò magis cogitamus ad ens generale & infinitum, quò minùs cogitamus ad entia specialia & finita; atque ita semper tantumdem cogitatur uno tempore quàm alio.

Non potest igitur augeri mentis capacitas, illam, ut ita dicam, inflando, ipsique plus realitatis communicando, sed tantummodò illâ industriè utendo; quod apprimè fit Arithmeticæ & Algebrae ope. Istæ enim scientiæ rationem docent, ita contrahendi ideas, easque eò ordine considerandi ut mens quamvis parvâ prædicta capacitate, istarum scientiarum ope, veritates maximè complexas, quæque primâ fronte videntur *ακαταληπτά*, possit tamen capere. Sed res à principio sunt resumendæ, ut solidius & clariùs explicentur.

Veritas nihil aliud est quàm relatio realis, sive equalitatis sive inæqualitatis. Fallitas nihil aliud est quàm *negatio* veritatis, aut relatio falsa & imaginaria. Veritas est, *id quod est*: fallitas verò non est, aut si mavis, *est id quod non est*. Ubi relationes quæ reverà sunt videmus, nunquam fallimur; quia ubi videmus veritatem, nunquam fallimur. At cum judicamus, nos videre quasdam relationes, quæ tamen non sunt, tunc fallimur, tunc enim fallitatem videmus, quædemus id quod non est, sen potiùs nihil videmus. Qui videt relationem æqualitatis inter bis duò & quatuor, ille videt veritatem, quia videt æqualitatis relationem, quæ reverà est sicut illam videt. Pariter quicumque videt relationem inæqualitatis inter bis duò & quinque, videt veritatem, quia videt relationem inæqualitatis quæ reverà est. At qui judicat se videre relationem æqualitatis inter bis

Ecc;

2 & 3, ille falsus, quia videt, & potius quia se videre putat relationem æqualitatis quæ non est. Veritates igitur nihil sunt quàm relationes, & cognitio veritatum nihil est quàm cognitio relationum. Sed falsitates nihil sunt, & cognitio falsitatis, aut cognitio falsa, est cognitio eorum quæ non sunt, si id dici possit; cum enim id quod non est cognosci nequeat nisi relatè ad id quod est, non cognoscitur error nisi per veritatem.

Tot falsitatum genera possunt distingui quot veritatum. Et sic ut relationes sunt triplicis generis, ideæ ad aliam ideam, rei ad ideam suam, aut ideæ ad rem suam, denique rei ad aliam rem, pariter veritates sunt & falsitates trium generum. Sunt inter ideas, inter res & ipsarum ideas, & inter res tantummodò. Verum est bis 2. esse 4. falsum est bis duo esse 5. Hic sunt veritas & falsitas inter ideas. Verum est unum existere solem, falsum est duos esse: hic sunt veritas & falsitas inter res & ipsarum ideas; Verum est denique, terram Lunam esse maiorem; & falsum Solem esse terram minorem; hic sunt veritas & falsitas inter res tantummodò.

Ex tribus illis veritatum speciebus; quæ sunt inter ideas, æternæ sunt & immutabiles, & propter ipsarum immutabilitatem sunt etiam regulæ & mensuræ cæterarum: omnis enim regula, aut omnis mensura debet esse immutabilis. Et hanc ob causam in Arithmetica, Algebrâ & Geometriâ solæ istæ considerantur veritates, quia istæ scientiæ generales includunt omnes scientias particulares & earum sunt regulæ. Omnes relationes, vel omnes veritates quæ sunt inter res creatas, vel inter ideas & res creatas obnoxie sunt mutationi cuius omnis creatura capax est. Solæ veritates quæ sunt inter nostras ideas & Ens summum, sunt immutabiles, ut relationes quæ sunt inter solas ideas, quia Deus mutationi obnoxius non est, non secus ac ideæ quas includit.

Hinc est quodd nullas veritates solo mentis exercitio retegere conemur, præter veritates quæ sunt inter ideas. Sensibus enim penè semper utimur ad alias detegendas. Ut rerum existentie certiores fiamus manibus & oculis utimur, ut & ad cognoscendas earum relationes æqualitatis aut inæqualitatis. Solarum idearum, mens potest cognoscere relationes sine erroris periculo & sine sensuum usû. Sed non modò est relatio inter ideas, sed etiam inter relationes quæ sunt inter ideas, inter relationes relationum idearum, ac denique inter conjunctiones multarum relationum, & inter relationes conjunctionum illarum relationum & sic in infinitum. Geometriæ veritatem simplicem, hoc est, relationem unius ideæ integræ ad aliam, relationem 4. ad 2. vel ad bis 2. vocant *rationem Geometricam* aut simpliciter *rationem*; namque excessus aut defectus ideæ, vel, ut terminis usitatis utar, excessus aut defectus magnitudinis non est propriè ratio, ut nec excessus aut defectus æquales, sunt rationes æquales. Ubi

ideæ aut magnitudines sunt æquales, tunc est ratio æqualitatis; ubi sunt inæquales, ratio est inæqualitatis.

Relatio quæ est inter relationes magnitudinum, hoc est, inter rationes vocatur, *ratio composita*, quia est relatio composita: ratio quæ est inter rationem 6. ad 4. & 3. ad 2. est ratio composita. Et quum rationes componentes sunt æquales, hæc ratio composita dicitur *proportio* seu *ratio duplicata*. Ratio quæ est inter rationem 8. ad 4. & rationem 6. ad 3. est proportio, quia duæ istæ rationes sunt æquales.

Jam autem observandum est omnes relationes aut omnes rationes, tum simplices, tum compositas esse veras magnitudines, & ipsum terminum *magnitudinis* esse terminum relativum qui aliquam relationem necessario designat. Quippe nihil magnum est per se, & sine relatione ad aliud, præter infinitum & aut unitatem. Immo omnes numeri integri æquæ sunt relationes & rationes, ac numeri fracti, aut numeri comparati cum alio, vel divisi per alium; quamvis id possit non animadverti, quia isti numeri integri possunt exprimi per uni-

cum numerum arithmeticum; 4, exempli gratiâ, vel $\frac{8}{2}$ est æquæ

relatio vel ratio ac $\frac{1}{4}$ aut $\frac{2}{8}$ unitas ad quam numerus 4. refertur non exprimitur, sed subintelligitur, nam numerus integer 4. est rela-

tio vel ratio, æquæ ac $\frac{4}{1}$ aut $\frac{8}{2}$, cum numerus 4. æqualis sit istis

$\frac{4}{1}$ vel $\frac{8}{2}$ Cum igitur omnis magnitudo sit relatio, aut omnis re-

latio magnitudo, omnes relationes numeris arithmeticiis exprimi, & signis imaginationi repræsentari posse evidenter patet.

Cum itaque omnes veritates nihil sint quàm relationes; ut accuratè cognoscamus omnes veritates, tum simplices, tum compositas, sufficit nos accuratè cognoscere omnes earum relationes, tum simplices, tum compositas. Duplicis sunt generis, ut jam dictum est; relationes æqualitatis & relationes inæqualitatis. Omnes relationes æqualitatis similes esse constat; itaque simul ac cognoscimus rem unam esse æqualem alteri cognitæ, illius relatio vel ratio, accuratè cognoscitur. Sed de inæqualitate res secùs se habet; notum est turrim esse majorem decempedâ, & minorem mille decempedis, illius tamen turris magnitudo, & ratio ad unam decempedam accuratè non cognoscitur.

Ut res inter se comparentur, vel potius, ut relationes inæqualitatis accuratè possimus metiri, opus est mensurâ justâ & exactâ; opus est ideâ simplici & infinitè intelligibili; mensurâ universali; quæque possit rebus quibuscumque accommodari. Hæc mensura est unitas. Hac omnia exactè possumus metiri, & sine illâ nihil quicquam ac-

curatè cognosci potest. Sed cum omnes numeri ex unitatibus duntaxat constent, jam evidens est sine ideis numerorum & sine ratione & modo comparandi & metiendi has ideas, hoc est, sine Arithmetica nullum posse fieri progressum in cognitione veritatum complexarum.

Idea, seu relationes inter ideas, uno verbò, magnitudines cum possint esse majores & minores alijs magnitudinibus, non possunt reddi æquales nisi per plus & minus quæ componantur ex unitate toties repetita, quoties necesse erit. Itaque per solam additionem aut subtractionem unitatis, & partium unitatis (ubi divisa concipitur) possunt accuratè metiri omnes magnitudines, & omnes cognoscere veritates. Jam autem inter omnes scientias Arithmetica & præcipuè Algebra solæ possunt nos ad id instituere ut dexterè, evidenter, & cum miro capacitatis ingenij temperamento istas operationes facere possimus. Istæ igitur duæ scientiæ solæ eam menti communicant perfectionem & extensionem, cujus capax est. Cum per eas solas omnes retegantur veritates quæ accuratè possunt cognosci.

Nam Geometria vulgaris imaginationis perfectioni magis confert quàm mentis, & veritatibus, quæ hujus scientiæ ope reteguntur, tanta non semper est evidentia quàm Geometriæ vulgò putant. Existimant, exempli gratiâ, se expressisse quarundam magnitudinum valorem, ubi probaverunt illas magnitudines æquales esse quibusdam lineis, quæ subtenduntur angulis rectis quorum latera accuratè cognita sunt, aut alijs lineis, aliquâ ex sectionibus conicis determinatis. Sed illos hallucinari manifestum est; nam illæ subtensæ, exempli gratiâ, ipsæ sunt incognitæ. Accuratius cognoscitur V 8, vel V 20. quàm linea quam imaginamur aut quæ describitur super chartâ, ut subtendatur angulo recto, cujus latera singula sunt 2, vel cujus unum latus est 2. alterum verò 4. saltem cognoscimus V 8 quàm

proximè accedere ad 3, & V 20. esse 4. & $\frac{1}{2}$ circiter: Ac certis quibusdam

regulis ad veram illarum magnitudinem in infinitum possumus accedere; quòd si eò pervenire nequeamus, id ex eò fit quòd mens infinitum capere nequeat. Sed confusam tantum habemus ideam magnitudinis subtensarum, immò ut exprimantur recurrendum est ad V 8, vel V 20. Itaque constructiones Geometricæ quibus utuntur ad exprimendos valores quantitarum incognitarum, ad moderandam imaginationem, & ad deregendas relationes aut veritates quæ sitas utiliores sunt quàm ad mentem ipsam regendam. Sed quia imaginationis quam mentis usû longè magis delectamur, plerique Geometriam Arithmeticæ & Algebrae anteponunt.

Ut manifestò pateat Arithmeticam & Algebram esse etiam Logicam retegendæ veritati, & extendendæ, quantum id fieri potest, men-

mentis capacitati utilissimam; Quædam circa istarum scientiarum regulas observare sufficiet. Omnes veritates nihil aliud esse quàm relationes, simplicissimam relationem & accuratissimè cognitam esse relationem æqualitatis; ab eâ incipiendam esse mensuram aliarum relationum ut accuratam inæqualitatis assequamur ideam; mensuram quâ uti debemus, esse unitatem; illamque esse addendam vel tollendam quoties necesse est, ad meriendum excessum aut defectum inæqualitatis harum magnitudinum; modò dictum est.

Hinc liquidò pater omnes operationes, quæ possunt conferre ad deprehendendas relationes æqualitatis, nihil esse præter additiones & subtractiones; additiones magnitudinum ad æquandas magnitudines; additiones relationum ad æquandas relationes; vel ad magnitudines secundum proportionem disponendas; denique additionem relationum relationum ad æquandas relationes relationum, vel ad magnitudines disponendas secundum proportionem compositam.

Ut 4. æquantur cum 2. addendum est 2. ad 2. aut tollendum 2. de quatuor, aut denique addenda est unitas ad 1. & tollenda de 4. Id clarum est.

Ut æquetur relatio aut ratio 8. ad 2. rationi 6. ad 3. addendum non est 3. ad 1; nec tollendum 3. ab 8. ita ut excessus unius numeri supra alium æqualis sit cum 3. qui est excessus numeri 6. supra 3. hoc pacto enim duntaxat adderentur, & æquantur magnitudines simplices. Primò, videndum est quænam sit quantitas relationis 8. ad 2. vel quid

valeat $\frac{8}{2}$ & reperietur dividendo 8. per 2, *exponentem* hujus rationis

esse 4. vel $\frac{8}{2}$ æquari numero 4. Pariter videndum est quænam sit

quantitas rationis 6. ad 3. & reperietur æqualis numero 2. Hoc pacto

liquet hæc duas rationes, $\frac{8}{2}$ æquales esse numero 4. & $\frac{6}{3}$ numero

2, tantum differre numero 2, ut itaque æquari possint; potest numero $\frac{6}{3}$

adhuc addi numerus $\frac{6}{3}$ æqualis numero 2. Sic enim habebitur

$\frac{12}{3}$ quæ erit ratio æqualis rationi $\frac{8}{2}$ vel potest ex ratione $\frac{8}{2}$ tolli ra-

tio $\frac{4}{2}$ æqualis numero 2. sic enim habebitur $\frac{4}{2}$ quæ erit ratio æqualis

rationi $\frac{6}{3}$ vel denique addetur unitas numero $\frac{6}{3}$ & colletur ab $\frac{3}{2}$

sic enim habebitur $\frac{9}{3}$ & $\frac{6}{2}$ quæ sunt relationes æquales, nam 9. est

ad 3. sicut 6. ad 2.

Fff

Denique, ut cognoscatur quantitas inæqualitatis, inter terationes quæ oriuntur, altera ex ratione compositâ, vel ex ratione rationum 12. ad 3. & 3. ad 1; altera verò ex ratione compositâ, aut ratione rationum 8. ad 2, & 2. ad 1; eâdem insistendum est viâ. Primò, quantitas rationis 12. ad 3. denotatur per 4; vel 4. est exponens rationis 12. ad 3; & 3. est exponens rationis 3. ad 1; & exponens rationis quæ

est inter exponentes 4. & 3. est $\frac{4}{3}$ Secundò exponens rationis 8. ad

2 est 4. & rationis 2. ad 1 est 2; & exponens exponentium 4. & 2. est 2. Denique inæqualitas inter rationes quæ oriuntur ex rationibus

rationum, est differentia inter $\frac{4}{3}$ & 2. hoc est, $\frac{2}{3}$ Ergo $\frac{2}{3}$ si addan-

tur rationi rationum 12. ad 3. & 3. ad 1, vel si tollantur de ratione aliarum rationum 8. ad 2. & 2. ad 1, æquantur istæ rationes rationum, & efficiunt proportionem compositam. Itaque possumus uti additionibus & subtractionibus ad æquandas magnitudines & earum rationes, tum simplices, tum complexas, & ad assequendam ideam accuratam quantitatibus inæqualitatis quæ est inter ipsas.

Multiplicationum & divisionum, tum simplicium, tum compositarum usus equidem obtinet, sed illæ, nihil aliud sunt quàm *additiones & subtractiones* compositæ. Multiplicando enim 4. per 3, sunt additiones numeri 4, quot numerus ternarius continet additiones unitatis, vel invenitur numerus qui eandem habet rationem ad 4. quam 3. habet ad unitatem: & dividendo 12. per 4, subtrahuntur 4. ex 12, quoties id fieri potest, hoc est, reperitur numerus cujus ratio ad unitatem æqualis sit rationi 12. ad 4. Nam 3. illius exponens eandem habet rationem ad unitatem quam 12. ad 4; *Extractiones radicum quadratarum, cubicarum, &c.* nihil sunt quàm divisiones per quas una, duæ, vel tres *media proportionales* quærentur.

Adeò finita est mens hominis, ipsius memoria infidelis, & imaginatio angusta ut absque numerorum arithmetico & scriptura usu, & sine industriâ Arithmeticæ ope partâ, nequaquam possint fieri operationes necessariae ad cognoscendam inæqualitatem magnitudinum & rationum quæ sunt inter ipsas: Ubi essent multi numeri addendi aut subtrahendi, seu, quod idem est, ubi numeri illi sunt magni, nec possunt addi nisi per partes, istarum aliquæ semper omitterentur. Nulla est imaginatio satis vasta ut fra-

ctiones paulò majores, exempli gratiâ, $\frac{1723}{4203}$ $\frac{17240123}{12431}$ addere possit, vel unam ab aliâ subtrahere.

Multiplicationes, divisiones & extractiones radicum numerorum integrorum sunt longè difficiliores simplicibus additionibus aut subtractionibus; mens sola sine Arithmeticae auxilio arctior est & debilior quàm ut eas per se facere possit. Nec his demonstrandis immorari operæ pretium est.

Analysis tamen & Algebra multò præstantior est Arithmetica; mentis capacitatem longè minùs dispendit, modò omnium simplicissimo & facillimo ideas contrahit. Quod arithmeticae ope non nisi magno temporis dispendio sit, Algebrae ope unico temporis momento effectum datur, mente nullomodo turbatâ numerorum varietate & operationum longitudine. Quid plura? Quædam erant scibilia & quorum scientia erat necessaria, quæ tamen per solam Arithmeticam cognosci non poterant, sed non credam esse quicquam utile, quodque accuratè ab hominibus sciri possit, ad cujus cognitionem Arithmeticae & Algebrae ope pervenire non possint. Itaque istæ duæ scientiæ sunt fundamentum cæterarum omnium, & rationes suppeditant quibus omnes accuratæ scientiæ acquiri queant: nullâ enim aliâ ratione quàm per Arithmeticam & præcipuè per Algebraam fit, mentis capacitas melius & facilius attemperari & dirigi potest.





PARS SECUNDA

DE METHODO.

CAPVT PRIMVM.

De legibus observandis in veritatis investigatione.

EXplicatis, rationibus & medijs quibus mens attentior & amplior, ac proinde perfectior, fieri, hoc est, maiorem perspicacitatem acquirere possit, jam veniendum est ad leges necessario observandas in omnium quæstionum solutione. Hic diu satis immorabor, & rem multis exemplis illustrare conabor, ut legum illarum necessitas melius cognoscatur, & ad eas in praxin redigendas mens facilius assuescat. Illarum enim praxis earumdem cognitione difficilior est.

Cæterum hic nihil extraordinarij quod mentem perstringat expectandum est: quin ut istæ leges prodesse possint, oportet eas esse simplices & naturales, paucas numero, intellectu facillimas, & à se invicem pendentes. Unde verbò mentem nostram duntaxat veluti manû ducere debent ac attentionem moderari, illam verò non dissipare & diversam agere. Ex experienciâ enim satis constat Logicam Aristotelis admodum utilem non esse, quia mentem nimis occupat, illamque ab attentione ad res quas examinat abducit. Qui igitur solis delectantur mysterijs & figmentis extraordinarijs indolem istam ridiculam aliquantisper abdicent, & attendant pro virili, an leges infra tradendæ sufficiant ad conservandam semper evidentiam in mentis perceptionibus, & ad retegendas veritates abditissimas. Dummodò iniquis non prævertantur judicijs circa hæc regulas ob ipsarum simplicitatem & facilitatem, confido ipsos, usu quem de illis faciendum mox indicabimus, esse agnituros, principia clarissima & simplicissima esse omnium fecundissima, & res extraordinarias, ac difficiles tantam non semper afferre utilitatem, quantam vana nostra curiositas nobis inducere solet.

Harum omnium legum principium est; *semper conservandam esse evidentiam in ratiocinijs ut veritas sine erroris periculo retegatur.* Ab isto princi-

pio pendet hæc generalis lex, circa studiorum nostrorum materiam, nos, scilicet, *non debere ratiocinari nisi de rebus quarum ideas habemus claras*, ac per consequentiam necessariam, *semper incipiendum esse à rebus simplicissimis & facillimis, & ijs diutissime immorandum esse; antequam veniamus ad inquisitionem rerum maxime complexarum & difficultum.*

Leges circa rationem quâ procedere debemus ad solvendas quæstiones pendent etiam ab hoc eodem principio; & prima illarum legum est. *Statum quæstionis solvenda esse distinctissime concipiendum*, præterea ideæ terminorum satis distinctæ esse debent ut possint comparari, & relationes quæsitæ cognosci possint.

At ubi relationes rerum inter se cognosci nequeunt, eas immediate comparando; secunda lex est: *aliquo mentis conamine unam aut plures ideas medias esse inveniendas, quibus uti possimus ut mensurâ communi ad agnoscendas earum ope relationes quæ sunt inter res illas.* Accuratè studendum est ut ideæ illæ sint claræ & distinctæ, prout relationes accuratiores, & plures numero deprehendere conamur.

Quum verò quæstiones difficiles sunt & longum requirunt examen; tertia lex est; *A materiâ agitandâ ea omnia esse amovenda quorum examen non est necessarium ad retegendam veritatem quæsitam.* Etenim capacitas mentis inutiliter non est dividenda, & omnis ipsius acies & vis collocanda est duntaxat circa res ex quibus lumen percipere potest. Quæ possunt eliminari, ea sunt omnia quæ ad quæstionem non pertinent, & quibus eliminatis, quæstio integra subsistit.

Ubi quæstio intra paucos terminos sic inclusa fuit, quarta regula est. *Materiam meditationis esse dividendam per partes, illasque partes sigillatim esse tractandas juxta ordinem naturalem, incipiendo à simplicioribus, hoc est, ab ijs quæ pauciores includunt relationes; nec ad magis complexas unquam transgrediendum, quin simpliciores prius distinctè cognita, & familiares reddita fuerint.*

Ubi hæc meditatione familiaria, & nobis veluti solennia facta sunt, quinta regula est. *Horum omnium ideas esse contrahendas, & in imaginatione disponendas, vel in chartâ scribendas, ad eò ut mentis capacitatem amplius non impleant.* Quamvis hæc regula semper utilis sit, omninò tamen necessaria est duntaxat in quæstionibus difficillimis, quæque magnam mentis capacitatem exigunt, quia illa capacitas non potest extendi nisi contrahendo ideas. Istius & sequentium Regularum usus non cognoscitur accuratè nisi in Algebrâ. Ubi ideæ omnium necessariò considerandorum, claræ, familiares, contractæ, in imaginatione ordine digestæ, vel in chartâ expressæ sunt; sexta regula est. *Omnia esse comparanda, seu conferenda juxta combinationum leges, alternatim inter se invicem, aut solo mentis intuitu, aut motu imaginationis conjuncto cum visu mentis, aut calculo calami conjuncto cum attentione mentis & imaginationis.*

Si nulla ex omnibus relationibus quæ resultant ex istis omnibus comparationibus, ea sit quæ investigatur; Iterum ex omnibus istis rela-

tionibus ea sunt amovenda quæ inutiles sunt ad quæstionis solutionem; alia verò familiares reddenda, contrahenda, & in imaginatione ordine disponenda, aut in chartâ exprimenda; invicem comparanda juxta leges combinationum; & videntur an relatio composita quæ disquiritur sit aliqua ex omnibus relationibus compositis quæ resultant ex novis istis comparationibus.

Si nulla ex istis relationibus repertis includat quæstionis solutionem; ex omnibus istis relationibus eliminanda sunt inutiles; alia familiares sibi reddenda, &c. Et hoc pacto pergendo veritas aut relatio quæ disquiritur quantumvis complexa comperietur: dummodò mentis capacitatem sufficienter extendere valeamus, contrahendo ideas, & in omnibus istis operationibus ad terminum nobis attingendum semper attendamus. Nam perpetuus quæstionis intuitus omnibus mentis progressionibus debet præesse, quia quò tendamus scire operæ pretium est.

Imprimis cavendum est ne falso quòdam splendore aut verisimilitudine contenti decipiamur, ac comparationes ad veritatem de quâ agitur comperiendam necessariæ toties sunt iterandæ, quousque assensum nostrum cohibere non possimus, quin arcanis excipiamur objurgationibus à Magistro intus respondente quæstionibus nostris, hoc est, labori, mentis applicationi, & cordis desiderijs. Tunc verò veritate illâ uti poterimus, ut principio certo ad progressus in scientijs edendos.

Leges suprà traditæ necessariæ non sunt ad omnes in genere quæstiones; ubi enim quæstiones sunt facillimæ, prima sufficit; in quibusdam alijs, prima & secunda duntaxat necessariæ sunt. Uno verbo, cum his legibus utendum sit, donec veritas quæsitâ, fuerit comperta, eò plures sunt ad praxim adhibendæ quò quæstiones sunt difficiliore.

Istarum legum numerus non est magnus. Omnes à se invicem pendent. Naturales sunt; & ijs ita assuescere possumus, ut sine magno negotio, prout casus postulabit, adhiberi queant. Uno verbo mentis attentionem possunt ita regere ut non dissipetur. Sed per se tam exigui momenti videntur, ut operæ pretium facturus sim eas commendandi gratiâ, si ostendam Philosophos in plurimos incidisse errores ridiculos, quia ne vel duas primas quamquam faciliores & utiliores, observaverunt. Et illis utendo Cartesium ingentes illas & secundas veritates, quæ in ipsius scriptis videri possunt, retexisse.

CAPVT II.

De lege generali quæ versatur circa materiam studiorum nostrorum. Philosophos Scholasticos illam non observare, quod multorum in Physicâ errorum causa est.

Primâ istarum legum, quæ versatur circa materiam studiorum nostrorum, docemur nos non debere ratiocinari nisi de rebus quarum ideas claras habemus, vel ratiocinia nostra niti debere ideis claris. Hinc concludendum est, ut ordine studia nostra instituamus, incipiendum esse à rebus simplicissimis & captû facillimis, immò ijs diu insistendum esse antequam pergatur ad investigationem rerum maximè complexarum & difficilium.

Hujusce generalis legis necessitas apud omnes in confesso esse debet; quis enim non videt eum in tenebris versari, qui in ratiocinijs suis nititur ideis obscuris & principijs incertis? Sed forsan mirum videbitur, si asseram eam nunquam penè observari, & plerasque scientias quæ adhuc falsis quibusdam doctis superbiæ occasionem præbent, niti duntaxat ideis, aut nimis confusis, aut generalioribus, quàm ut ad veritatis indagationem utiles esse possint.

Aristoteles, inter Philosophos istius commatis facillè *Princeps*, quia istius Philosophiæ, quam tantò colunt studio, pater est, nunquam penè ratiocinatur nisi juxta ideas confusas quas sensuum ope percipimus, & juxta alias ideas vagas, generales, & indeterminatas, quæ nihil speciale menti repræsentant. Namque termini isti Philosopho solennes duntaxat idonei sunt ad exprimendas confuse sensibus & imaginationi sensationes confusas quas de rebus sensibilibus habemus; & sermonem, seu orationem conficiunt adedò vagam & indeterminatam ut eâ nihil possit distinctè exprimi. Omnia penè ipsius scripta, ac præcipuè octo libri *Physices*, quorum tot sunt varij *Commentatores*, quot sunt *Philosophiæ Magistri*, nihil sunt quàm mera *Logica*. In ijs magna verborum est copia, sensûs verò parum. Ille tamen author non est diffusus, sed illam caller artem ut conciso sermone nihil tamen proferat præter verba & voces. In alijs suis operibus adedò frequenter non utitur terminis vagis & generalibus; attamen ijs utitur qui solas sensuum confusas ideas excitant. Per has ideas in problematibus suis & alibi resolvere fatagit duobus verbis innumeras quæstiones, de quibus demonstrari potest eas non posse solvi.

Verùm, ut hæc faciliùs intelligantur, recordandum est eorum quæ

alibi à mediſta fuerunt, omnes ſcilicet terminos qui ideas ſenſibiles duntaxat excitant, eſſe æquivocos, ſed, quod notatū dignum eſt, æquivocos ex errore & ignorantia, ac ideò innumerorum errorum cauſam eſſe.

Iſta vox, *Aries*, eſt æquivoca, ſignificat animal quoddam, & conſtellationem; ſed circa illam rarò hallucinamur. Quis enim niſi Aſtrogologiæ ſpiritū emotus aliquam imaginetur relationem inter hæc duo hoc eodem nomine designata; & credat eos qui ſub ſigno *Arietis* medicinas ſumunt illas evomituros eſſe, quia aries eſt animal quod ruminatur vel remandit. Terminos, quibus ideæ ſenſibiles exprimuntur, quod attinet, nemo ferè eſt qui illorum æquivocationem deprehendat. Ariſtoteles & Antiqui de illà nequidem cogitarunt. Qui in ipſorum operibus legent iſtius rei veritatem nullo negotio compèrient, dummodò quā in re verſetur iſtorum terminorum æquivocatio diſtinctè teneant. Philoſophos enim circa id diverſum prorsùs ab eo quod credendum eſt, credidiſſe manifeſtò patebit.

Exempli gratiā, quum Philoſophi dicunt ignem eſſe calidum, herbam viridem, ſaccharum dulce, &c. puerorum & plebis adinſtar exiſtimant ignem in ſe continere id quod ſentiunt dum caleſcunt: herbam eſſe indutam coloribus quos in eā ſe videre arbitrantur: ſaccharum dulcedinem includere quam edendo ſentiunt; & ſic de cæteris quæ videmus aut ſentimus. Ipſorum ſcripta legenti res extra omne dubium eſt. De qualitatibus ſenſibilibus ut de ſenſationibus loquuntur; calorem pro motū accipiunt, & hoc pacto, propter terminorum æquivocationem, confundunt modificationes corporum cum modificationibus ſpirituum.

Duntaxat, ex quò floruit Carteſius, hiſce quæſtionibus confuſis & indeterminatis, an ignis ſit calidus? an herba ſit viridis? an ſaccharum ſit dulce? &c. reſponderetur diſtinguendo æquivocationem terminorum ſenſibilium quibus illæ quæſtiones exprimuntur. Si per calorem, colorem, ſaporem, intelligas talem vel talem motum partium inſenſibilium, ignis quidem eſt calidus, herba viridis, ſaccharum dulce. At ſi per calorem & cæteras qualitates intelligas id quod ſentio propè ignem, id quod video dum video herbam, &c. certè ignis non eſt calidus, nec herba viridis, &c. nam calor quem ſentimus & colores quos videmus ſunt in ſolā mente, ut primo Libro probatum fuit. Cum autem homines exiſtiment id quod ſentiunt idem eſſe ac id quod eſt in objecto, credunt ſe meritò judicare de qualitatibus objectorum per ſenſationes, quas eorum occasione habent. Itaque vix ullum hac de re proferunt verbum quod aliquid falſi non includat, & quicquid dicunt obſcurum & confuſum eſt, ob cauſas ſequentes.

1. Quia omnes homines eaſdem de iſdem objectis non habent ſenſationes, immò nec idem homo diverſis temporibus, vel quum eadem objecta in diverſis corporis partibus ſentit. Quod huic dulce; illi ama-

rum

rum videbitur. Quod huic frigidum, alteri calidum erit; Quod homini frigenti calidum videtur, eidem homini calefacto frigidum videtur, vel ubi id sentit in diversis corporis partibus. Aquâ alterâ manû videri potest calida, alterâ verò frigida, vel si aqua admoveatur alicui parti cordi proximæ. Sal linguæ salsum videtur, vulneri verò acre & acutum. Saccharum linguæ dulce est, aloë amarissimum; Sed cæteris sensibus nihil dulce aut amarum est. Itaque quum dicimus rem aliquam esse frigidam, dulcem, amaram, id nihil certi significat.

2. Quia diversa objecta eandem possunt excitare sensationem gypsum, panis, nix, saccharum, sal, &c. eandem excitant coloris sensationem; Illorum tamen albor diversus est, si de ijs aliter judicemus quàm per sensus. Itaque dum dicimus farinam esse albam, nihil distincti dicimus.

3. Quia qualitates corporum quæ excitant in nobis sensationes planè diversas, eadem ferme sunt; Illæ contra quæ easdem penè in nobis efficiunt sensationes, sæpè perquam diversæ sunt. Qualitates dulcedinis & amaritudinis in objectis vix sunt diversæ, quamvis sensationes amaritudinis: & dulcedinis essentialiter differant. Motus qui gignunt dolorem & titillationem, tantum differunt secundum magis & minus: licet sensationes titillationis & doloris essentialiter differant. Contrà verò asperitas fructûs non videtur gustui tam diversa ab amaritudine quàm dulcedo, hæc tamen qualitas ab amaritudine omnium maximè differt; nam nec ille est fructum asperum ob immaturitatem, ingentem subire mutationum numerum, antequàm sit amarus, amaritudine, quæ ex putredine, aut ex nimia maturitate procedat. Cùm fructus maturi sunt, dulces; at ubi æquò sunt maturiores amari videntur. Amaritudo igitur & dulcedo fructuum non differunt inter se nisi secundum magis & minus. Et hanc ob causam nonnullis dulces videntur, dum alijs amari; immò non desunt quibus aloë videatur dulce instar mellis. De omnibus ideis sensibilibus res non secus se habet, Termini dulcis, amari, falsi, acris, acidi, &c. rubri, viridis, flavi, &c. hujus aut illius saporis, odoris, coloris, &c. sunt igitur æquivoci, nec ullam in mente excitant ideam claram & distinctam. Atramen Philosophi Scholastici, & vulgus hominum de omnibus qualitatibus sensibilibus corporum non judicant nisi per sensationes quas de illis recipiunt.

Isti Philosophi de qualitatibus sensibilibus per sensationes quas in ipsis excitant, non modò judicant; immò de rebus ipsis judicia ferunt pro judicijs quæ formaverunt circa qualitates sensibiles. Ex eo enim quòd sensationes recipiunt essentialiter diversas ex quibusdam qualitatibus; judicant dari generationem novarum formarum, quæ producunt imaginarias illas differentias qualitatum; frumentum videtur flavum, durum, &c. farina verò alba, mollis, &c. atque inde

concludunt ex oculorum & manuum testimonio hæc corpora essentialiter differre; dummodò non cogitent ad modum quo frumentum in farinam convertitur. Attamen farina nihil aliud est quàm frumentum tritum & molitum; sicut ignis nihil aliud est, quàm lignum divisum & agitaturn; sicut cinis nihil aliud est quàm crassior portio ligni divisi, sed non agitati; sicut vitrum nihil aliud est quàm cinis, cujus singulæ partes fuerunt politæ & paulum rotundatæ, attritione ignis ope factâ, & sic de alijs corporum transmutationibus.

Hinc igitur patet, terminos & ideas sensibiles prorsus inutiles esse ad distinctè proponendas & clarè solvendas quæstiones, hoc est, ad veritatem retegendam; Attamen nullæ sunt quæstiones quantumvis intricatæ terminis æquivocis sensuum, quas Aristoteles & plerique Philosophi solvere non satagant in Libris suis, licet distinctionibus supra traditis non utantur; quia illi termini æquivoci sunt ex errore & ignorantia.

Si ijs, exempli gratiâ, qui per totam vitam incubuerunt lectioni antiquorum Philosophorum & Medicorum, illorumque opiniones & genium hauserunt, interrogentur; an aqua sit humida, an ignis sit siccus, an vinum sit calidum, an sanguis piscium sit frigidus, an aqua vino sit crudior, an aurum argento vivo sit perfectius, an plantæ & bestię præditæ sint animâ, & ipsis innumeræ aliæ quæstiones indeterminatæ proponantur; ad eas imprudenter respondebunt, consultis duntaxat impressionibus quas objecta illa in sensus ediderunt, aut ijs quæ ex lectione memoriæ mandaverunt. Hosce terminos æquivocos esse non animadvertent. Mirabuntur si quis eos definire velit; ac irascantur si quis eos præcipitantiæ insimulet & admoneat ipsos à sensibus decipi. Ipsi non desunt distinctiones ad confundenda ea quæ sunt evidentissima, sed in hisce quæstionibus, in quibus æquivocationem tollere tanti est momenti, nihil vident distinguendum.

Si animadvertamus plerasque quæstiones Philosophorum & Medicorum includere terminos æquivocos ijs similes de quibus supra, constabit Doctos istos, qui terminos quibus utuntur definire non poterunt, nihil etiam solidi; in ingentibus quæ composuerunt voluminibus, dicere potuisse; & hoc sufficit ut omnes penè veterum opiniones evertantur. De Cartesio res secus se habet, omnia optimè distinxit, nullam quæstionem per ideas sensibiles solvit; ac si illum attentè legamus videbimus præcipuos naturæ effectus ab ipso clarè & evidenter explicari per solas ideas distinctas extensionis, figuræ & motûs.

Aliud genus terminorum æquivocorum, quo uti solent Philosophi complectitur omnes illos terminos generales Logicæ, quibus omnia, sine ullâ rerum ipsarum cognitione, facile explicari possunt, Aristoteles eorum maximum admisit usum; his terminis ipsius Libri scætant, ac multi solam sapiunt Logicam. Omnia proponit & solvit egregijs terminis *generis, speciei, actûs, potentia, natura, forma, facultas*

tum, qualitatum, causæ per se, causæ per accidens; Ipsius Sēctatores vix possunt credere istis terminis nihil significari, nec quemquam dectiorem fieri, ubi eos audivit dicentes ignem dissolvere metalla, quia habet facultatem dissolvendi, & hominem non concoquere cibos, quia habet stochachum debilem, vel quia facultas concoctrix non bene suas obit functiones.

Attamen qui his duntaxat utuntur terminis & ideis generalibus ad res explicandas, erroribus non sunt æquē obnoxij, ac ij qui utuntur duntaxat terminis qui nihil aliud in mente excitant quàm confusas sensuum ideas. Scholastici Philosophi errori tam obnoxij non sunt quàm quidam Medici qui de omnibus decidunt, verba sua dogmatum instar propinant, & nonnullis experientijs, quarum rationes ignorant, freti, systemata stabiliunt; sed Scholastici terminis aded generalibus utuntur ut non magnum ipsis ingruat errandi periculum.

Ignis calefacit, siccatur, obdurat, emollit quia præditus est facultate producendi hæc effecta. Senna purgat qualitate purgativâ, atque etiam panis nutrit facultate nutritivâ; istæ propositiones extra erroris periculum sunt positæ. Qualitas est, id quod efficit ut res tali nomine designetur: Id certè Aristoteli negari nequit. Ejusmodi loquendi formulæ, equidem non sunt falsæ, sed reverâ nihil significant. Istæ ideæ vagæ & indeterminatæ in errorem non injiciunt, sed veritati relegendæ inutiles sunt.

Licet enim sciam esse in igne formam substantialem conjunctam cum innumeris facultatibus similibus facultati calefaciendi, dilatan-di, liquefaciendi aurum, argentum & omnia metalla, illuminandi, urendi, coquendi, si tamen hæc difficultas solvenda mihi proponeretur, an, scilicet, ignis possit indurare lutum, an verò possit emollire ceram: ideæ formarum substantialium & facultatum producendi calorem, rarefactionem, fluiditatem, &c. nihil possent conferre ad solvendam difficultatem propositam; cùm nulla sit connexio inter ideas duritiei in luto & mollitiei in cera, & ideas formæ substantialis & qualitatum producendi rarefactionem, fluiditatem, &c. De omnibus ideis generalibus res perinde est; Itaque ad solvendam quamlibet quæstionem prorsus sunt inutiles.

At verò si sciam ignem nihil aliud esse quàm lignum, cujus partes in perpetuâ versantur agitatione, & hac solâ agitatione in nobis excitari sensationem caloris: Item, si sciam mollitiem luti consistere duntaxat in commistione quâdam terræ & aquæ; cùm ideæ istæ non sint confusæ & generales, sed distinctæ & particulares, haud difficili negotio judicabo calorem ignis debere indurare lutum; quia facile est intelligere, corpus quodpiam posse movere aliud corpus, si hoc agitur in illud incidat. Cùm calor quem propè ignem stantes sentimus, partium invisibilium quæ in manus impingunt motu

producatur; certè si lutum ignis calori admoveatur; judicare facile est partes aqueas terræ admixtas, ut pote tenuiores ac proinde corpusculorum ex igne profilientium impulsione partibus crassis terræ citius agitas, debere exhalari & terram siccam ac duram relinquere. Pari-ter evidenter patebit ignem non posse indurare ceram, dummodò sciam partes ex quâ constat, esse ramosas & ejusdem propemodum quantitatis seu molis & crassitudinis. Itaque ideæ speciales ad veritatis investigationem utiles sunt: cum è contra ideæ vagæ & indeterminatæ ad id nihil possint conferre, immò in errorem sensum conjiciant.

Nam Philosophi terminos generales & ideas vagas quæ his respondeant adhibere contenti non sunt: Volunt præterea hisce terminis significari quædam entia specialia. Existimant quendam dari substantiam à materiâ diversam, quæ sit forma materiæ; & innumera exigua entia distincta realiter à materia & à forma; Et totidem supponere solent, quot diversas habent corporum sensationes, & quot ab istis corporibus diversa in ipsis produci effecta arbitrantur.

Cuilibet tamen attento manifestum est, omnia hæc parva entia ab igne, exempli gratiâ, distincta, quæque in eo contineri supponuntur, ad producendum calorem, lumen, duritiem, fluiditatem, &c. esse mera imaginationis à ratione deficientis figmenta. Ratio enim nullam habet ideas speciales quibus hæc entia ipsi repræsententur. Si à Philosophis roges quænam entitas sit illa facultas illuminandi in igne, hoc solum respondebunt, scilicet, ens esse per quod ignis capax est producendi lumen. Aded ut idea quam habent de illâ illuminandi facultate, diversa non sit ab ideâ generali causæ & ideæ confusæ effectûs quem vident. Quum igitur illa entia generalia admittunt, nullam eorum quæ dicunt habent ideam claram. Itaque ea proferunt quæ nec ab ipsis, nec ab ullo possunt intelligi.

CAPVT III.

De errore periculosissimo Philosophiæ Veterum.

NON modò Philosophi ea dicunt quæ non intelligunt, dum effecta naturæ per quædam entia explicant, quorum nullam habent ideam specialem; Verùm etiam principium tradunt ex quo consequentiæ falsissimæ & periculosissimæ directè deduci possunt.

Si enim, juxta illorum opinionem, supponamus esse in corporibus quasdam entitates distinctas à materiâ; cum illarum entitatum nullam habeamus distinctam ideam, facile judicare possumus illas.

esse veras & præcipuas causas effectuum, quos videmus. Immo hæc est vulgaris Philosophorum opinio: non alio animo existimant esse formas substantiales, qualitates reales, & alias similes entitates, quàm ut explicent hos naturæ effectus. Si postea attentè consideremus ideam quam habemus de causâ, aut de potentiâ agendi, haud dubiè illa idea nobis repræsentabit aliquid Divinum. Nam idea potentiæ summæ est idea summi Numinis, & idea potentiæ inferioris est idea Divinitatis inferioris, sed veræ tamen Divinitatis, saltem juxta Paganorum mentem, dummodò sit idea potentiæ, aut causæ veræ. Aliquid igitur Divini admittitur in omnibus corporibus quæ nos ambiunt, dum admittuntur formæ, facultates, qualitates, virtutes & entia realia idonea ad producendos quosdam effectus vi naturæ suæ: atque hoc pacto plerique, veneratione quâ colunt Philosophiam Ethnicorum, in ipsorum opiniones sensim revertuntur. Illi equidem fide sustinentur, sed sicor Christianum sit, forsan merito dicere possumus, mentem esse Paganam.

Præterea, credere difficile est veras potentias & entitates quæ in nos agere, nos aliquo dolore punire, aut aliquâ voluptate remunerari possunt, nec amore, nec timore dignas esse. At verò cum amor & timor sint vera adoratio, qui hæc admittunt potentias, ab ijs adorandis difficile arceri queunt. Quicquid in nos ut causa vera & realis agere potest, necessariò est supra nos, juxta D. Augustinum & secundum rectam rationem; Jam autem juxta eundem Augustinum & eandem rationem, id lege immutabili statutum est ut inferiora superioribus serviant. Has ob causas ille Doctor agnoscit corpus non posse agere in mentem, * & nihil esse posse supra mentem præter Deum.

In Sacrà Scripturâ, ubi Deus Israelitis probat, se ab illis adorari, hoc est, amari & timeri debere; præcipuas hujusce mandati rationes deducit ex potentia suâ, quâ illos punire & remunerari potest: Beneficia, quæ in ipsos contulit, mala infligta, & quæ adhuc infligere potest ipsis repræsentat. Illos verat adorare Ethnicorum Deos, quia nullâ in ipsos pollent authoritate & potentiâ, nec quicquam boni aut mali ipsis possunt asserre. Sibi soli vult honorem tribui, quia ille solus est vera causa boni & mali, nec ullum in ipsorum urbe evenit, quod, juxta Prophetam, ipse non efficiat: nam causæ naturales non sunt veræ causæ mali quod nobis creare videntur; Et cum Deus solus agat in ipsis, ille solus in ipsis timendus est & amandus, *Soli Deo honor & gloria.*

Denique ista notio, id timendum & amandum esse quod est vera causa boni & mali adedò naturalis & legitima videtur, ut exui nequeat. Si itaque falsa hæc Philosophorum opinio quam profligare conamur, supponatur; scilicet corpora quibus circumdamur esse veras causas voluptatum & malorum quæ sentimus; ratio Religio-

*Ego enim ab animâ hoc corpus animari nō puto, nisi intentione facientis; nec ab isto quicquam illam pati arbitror, sed facere de illo & in illo, tanquâ subiecto Divinitus dominationi suæ. 1.6. Mus. c. 5. * Vid. c. 34. August. de quantitate animæ. Amos. c. 4. 6.*

ni Ethnicorum favere & univerſalem, hoc paſto, morum corruptionem probare videtur.

Ratio equidem non docet cæpis, exempli gratiâ, & porris, eſſe eandem deferendam adorationem ac ſummo numini, quia illorum poſſeſſione ſummè beati, ut & illorum privatione prorsus infelices evadere non poſſumus. Ac reverâ Pagani ijs nunquam eundem tribuerunt honorem ac Maximo Jovi, à quo omnes Divinitates pendebant, aut Soli quem ſenſus nobis repræſentant tanquam cauſam univerſalem, quæ vitam & motum omnibus communicat; quemque vix poſſumus temperare quin habeamus ut ſummum numen; ſi cum Philoſophis Ethnicis ſupponamus illum in eſſentiâ ſuâ includere veras cauſas omnium, quæ non modò in noſtro corpore & in mente noſtrâ, verùm etiam in omnibus entibus quæ nos ambiunt producere videtur.

Verùm ſi ſummus honos porris & cepis tribui non debeat, ſaltem, juxta hanc Philoſophiam, aliquâ ſpeciali adoratione, digni eſſe videntur; circa illa cogitatio poteſt occupari, poſſuntque aliquatenus amari, ſi verum ſit nos ab iſſis beatitatem aliquam poſſe conſequi: ijs tribuendus eſt honos juxta proportionem boni quòd nos aſſicere poſſunt. Et certè, homines qui ſenſuum teſtimonio fidunt, exiſtimant hæc plantæ poſſe iſſis benè facere. Nam Iſraelitæ, exempli gratiâ, cepas Ægypti in deſerto non deſideraſſent, nec ſeſe illarum privatione infelices exiſtimaviſſent, niſi illarum fruitione ſe aliquatenus felices duxiſſent. Hi ſunt errores in quos, ratione cum principijs Philoſophiæ Ethnicæ conjunctâ, ac ſenſuum impreſſiones ſequente conjicimur.

Ut miſeræ iſtius Philoſophiæ falſitas extra omne dubium conſtituatur, & Principiorum noſtrorum ſoliditas, ac idearum quibus utimur perſpicuitas evidenter pateat; veritates clarè oppoſitas veterum Philoſophorum erroribus ſtabilire, & unicam eſſe veram cauſam, quia unicuſque eſt Deus; naturam, aut vim uniuiuſcuſque rei nihil aliud eſſe quàm voluntatem Dei. Omnes cauſas naturales non eſſe veras cauſas, ſed tantùm cauſas occaſionales, & alias veritates quæ ab his ſequantur, paucis probare operæ pretium eſt.

Nulla corpora, magna, parva, prædita eſſe vi ſeſe movendi evidens eſt. Mons, domus, lapis, arenæ calculus, denique minimum vel maximum corpus, vim non habet ſeſe movendi. Duplicis duntaxat generis habemus ideas, ideas ſpirituum, ideas corporum: Cum autem de ijs tantùm loqui debeamus quæ concipimus, juxta ſolâ hæc duas ideas ratiocinari debemus? Cum itaque idea quam de omnibus corporibus habemus, nobis oſtendat illa non poſſe ſeſe movere, concludendum eſt illa à mentibus moveri. Sed quum examinaſſimus ideam quam habemus de omnibus mentibus finitis, nullam videmus connexionem neceſſariam, inter illarum voluntatem, &

motum ullius corporis; contrà videmus nullam esse nec esse posse ejusmodi connexionem. Ex hoc igitur concludere debemus, saltem si juxta cognitiones nostras ratiocinari velimus, nullam mentem creatam posse movere ullum corpus, ut causam veram, aut præcipuam, ut diximus nullum corpus posse seipsum movere.

At verò quum attendimus ad ideam Dei, hoc est, entis infinitè perfecti ac idè Omnipotentis, cognoscimus talem connexionem inter ipsius voluntatem & omnium corporum motum esse, ut nemo concipere possit illum velle aliquod corpus moveri, quin protinus moveatur. Solà igitur ipsius voluntate corpora moveri dicere debemus; Si res ut eas sentimus, dicere velimus. Vis movens corporum non est igitur in corporibus quæ moventur, cùm vis illa movens nihil aliud sit quàm Dei voluntas. Itaque corpora per se omni actione destituta sunt, & ubi globus motus, alium sibi obvium mover, primus ille globus alteri nihil communicat quod habeat in se; ipse enim non habet impressionem quam communicat. Attamen globus est causa naturalis motus quem communicat. Causa naturalis non est igitur causa realis & vera, sed tantùm causa occasionalis, quæ determinat Authorem naturæ ad agendum hoc, vel illo modo, hoc vel illo tempore.

Corporum visibilibus aut invisibilibus motu omnia produci constat; nam experientia nos docet, corpora quorum partes magis agitantur, magis etiam agere & majores in mundo efficere mutationes. Omnes igitur naturæ vires nihil aliud sunt quàm Dei voluntas. Deus creavit mundum, quia id voluit; *Dixit & facta sunt*; Omnia movet, & sic omnes quos videmus effectus producit, quia etiam certas voluit leges secundum quas motus communicarentur corporibus sibi invicem occurrentibus; quia verò leges illæ sunt efficaces, agunt, corpora verò ipsa non agunt. Nullæ igitur sunt vires, potentiæ, causæ veræ in mundo materiali & sensibili, nec ullæ in eo admittendæ sunt formæ, facultates, & qualitates reales ad producendos effectus, quos corpora nequeunt producere; id enim est partem virtutis & potentiæ Deo soli essentialis corporibus tribuere.

Verùm enim verò, non modò corpora non possunt esse veræ causæ ullius rei; Mentis, etiam nobilissimæ, in eadem versantur impotentia. Nihil possunt cognoscere, nisi Deus ipsas illuminet. Nihil possunt sentire nisi Deus ipsas modifcet. Nihil possunt velle, nisi Deus ipsas versùs se moveat. Possunt, equidem determinare impressionem quâ Deus ipsas versùs se inflectit; sed non satis scio an id dici possit potentia. Si posse peccare est potentia, certè est potentia quam Omnipotens non habet, inquit, alicubi Augustinus. Si homines à se haberent potentiam amandi bonam, aliquam potentiam habere dici possent. Sed homines non possunt amare nisi

quia Deus vult ipsos amare, & quoniam Dei voluntas est efficax. Homines non possunt amare, nisi quia Deus illos indefinenter impellit versùs bonum in genere, hoc est, versùs se. Deus enim illos duntaxat creavit propter se, illos nunquam conservat quin eos versùs se impellat; Ipsi igitur sese non movent versùs bonum in genere; à Deo moventur. Duntaxat, hanc impressionem liberrimè sequuntur juxta legem Divinam, vel illam versùs falsa bona determinant juxta legem carnis; sed illam non possunt determinare nisi intuitù boni; cùm enim nihil possint præter id quod Deus vult, nihil possunt amare præter bonum.

Sed licèt supponeremus, quod equidem verum est aliquo sensù, mentes per se habere potentiam cognoscendæ veritatis & amandi boni, si ipsorum cogitationes & voluntates nihil extrinsecùs producerent, meritò dicere possemus illas nihil posse. Jam autem constare mihi videtur voluntatem spirituum vel minimum corpus movere non posse; nam nullam esse connexionem necessariam inter voluntatem nostram, exempli gratiâ, movendi brachium, & motum brachij evidens est. Movetur equidem quando volumus illud moveri; ac proinde sumus causa naturalis motûs brachij nostri. Sed causæ naturales non sunt veræ causæ; nihil sunt quàm causæ occasionales, quæ non agunt nisi vi & efficaciâ voluntatis Divinæ, ut jam dictum est.

Quomodo enim brachium nostrum movere possemus? Ut moveatur opus est spiritibus animalibus, illi spiritus mittendi sunt versùs quosdam nervos, & versùs quosdam musculos, ut inflentur & contrahantur; Sic enim brachium his alligatum movetur, vel juxta nonnullos, nondum satis compertum est quomodò id fiat. Et experientia nos docet homines, qui nequidem sciunt an habeant spiritus, nervos, musculos, movere tamen brachia, immò faciliùs & solertiùs ijs qui optimè callent anatomiam. Hinc igitur concludendum est homines quidem velle movere brachium, sed Deum solum posse & nosse illud movere. Si homo non possit turrin subruere, saltem novit rationes quibus illa possit subrui; Sed nullus est homo cui notum sit quid sit agendum ad movendum unum ex digitis suis ope spirituum animalium. Quò pacto igitur homines possent movere brachium? Hæc omnia mihi, & ijs omnibus qui cogitare & attendere volunt, videntur evidèntia, quamvis forsan capi nequeant ab ijs qui duntaxat sentire volunt.

Sed non modò homines non sunt veræ causæ motuum quos edunt in corpore suo, immò contradictorium videtur illos esse causas istorum motuum. Causa vera, est causa inter quam & effectum mens deprehendit necessariam connexionem, rem enim sic intelligo. Jam autem nullum est ens inter cujus voluntatem & effecta, mens deprehendat connexionem necessariam, præter ens infinitè perfectum, Deus

Deus igitur solus est vera potentia, & solus reverâ habet potentiam movendi corpora. Addo, concipi non posse, Deum posse communicare hominibus, aut Angelis potentiam quam habet movendi corpora; Ac certè qui existimant, potentiam quam habemus movendi brachium, esse veram potentiam, debent fateri Deum posse etiam communicare mentibus potentiam creandi, annihilandi, faciendi omnia possibilia, uno verbo Deum posse illos reddere omnipotentes, ut infra sum ostensurus.

Deus non eget instrumentis ad agendum, sufficit ipsum velle ut res sit, quia contradictorium est ipsum velle, & id quod vult non fieri. Ipsius igitur potentia est ipsius voluntas; & si suam communicaret potentiam, suam communicaret voluntatem. Jam verò suam communicare voluntatem homini, vel Angelo, nihil aliud significat quàm velle, ut quum homo, vel Angelus volet hoc, vel illud corpus moveri, corpus actû moveatur. Quod si ita sit, video duas voluntates concurrentes ubi Angelus movebit corpus, voluntatem Dei & voluntatem Angeli; Ut igitur cognoscam utra sit vera causa motûs corporis, sciendum est quænam sit efficax. Est connexio necessaria inter Dei voluntatem & effectum quod vult produci. Hoc posito, Deus vult, ut quotiescunque Angelus voluerit hoc, vel illud corpus moveri, corpus actû moveatur. Ergo est connexio necessaria inter voluntatem Divinam & motum illius corporis: Ac per consequens Deus est vera causa motûs illius corporis, & voluntas Angeli causa occasionalis duntaxat.

Sed ut id clariùs ostendatur; supponamus Deum velle, ut contrarium eveniat ejus quod quædam mentes vellent evenire, ut id cogitari potest de Dæmonibus aut de alijs quibusdam mentibus eadem pœnâ dignis, tunc Deus non posset dici ipsis communicare potentiam suam, cùm nihil possent efficere eorum quæ vellent. Tamen voluntates istarum mentium essent causæ naturales effectorum quæ producerentur.

Certa quædam corpora ad dextram moverentur, duntaxat quia mentes illæ vellent ea moveri ad sinistram; & desideria istarum mentium determinarent voluntatem Dei ad agendum, ut voluntates nostræ movendi partes corporis nostri, determinant primam causam ad eas movendas, omnes itaque voluntates mentium nihil sunt quàm causæ occasionales.

Si quis, his auditis rationibus, vellet tamen adhuc asserere voluntatem Angeli quæ moveret corpus aliquod, esse veram causam, non verò occasionalem motûs; evidens est illum Angelum posse pari ratione esse veram causam creationis & annihilationis omnium. Deus enim posset ipsi communicare potentiam suam creandi & annihilandi corpora, non secus ac potentiam illa movendi, modò vellet om-

nia creari & annihilari, uno verbo, si vellet omnia fieri secundum voluntatem Angeli; ut voluit in exemplo supra allato corpora moveri ad nutum Angeli. Si igitur homo, vel Angelus dicantur verè motores, quia Deus ad ipsorum voluntatem movet corpora; dicendum est pariter Angelum & hominem posse esse verè creatores, cum Deus possit creare entia quotiescunque volent. Immo & forsan animalia vilissima, aut materia sola dici posset reverà causa creationis alicujus substantiæ; supponendo cum Philosophis, ad existentiam materiæ Deum producere formas substantiales. Denique, quia Deus ab æterno decrevit creare certo tempore certas quasdam res, tempora illa etiam dici possent causæ creationis illorum entium: quemadmodum globus in alium impingens globum existimatur vera causa motûs quem ipsi communicat; quia Deus voluntate suâ generali, quæ efficit ordinem naturæ, voluit, ut quum duo corpora sibi invicem occurrerent, talis vel talis fieret motûs communicatio.

Solus igitur Deus est vera causa, nullaquæ alia est præter illum; nec arbitrandum est id quod præcedit effectum illius veram esse causam. Deus ipse potentiam suam creaturis communicare nequit, si rationis lumina sequamur; non potest efficere ut sint veræ causæ; illas non potest facere Deos. Sed etiam si id posset, concipere non possumus cur id vellet. Corpora, spiritus, puræ intelligentiæ, hæc omnia nihil possunt. Mentis ab authore suo illuminantur & agitantur. Qui creavit cælum & terram, utriusque motus regit. Denique Creator noster nostras voluntates exequitur, *semel jussit, semper paret*. Immo brachium nostrum movet, ubi etiam illo utimur adversus ipsius mandata, ipse enim per Prophetas queritur nos illum ed adducere ut injustis desideriis nostris obtemperet.

Varia omnes illæ Ethnicorum Divinitates, & omnes illæ Philosophorum speciales causæ nihil sunt quàm chimææ à Cacodæmone excogitatæ, ad evertendum veri numinis cultum. Philosophia illa non ex Adamo sed ex serpente ad nos transivit, namque ex quo peccatum irrepsit mens humana tota Ethnica facta est, hujus Philosophiæ cum sensuum erroribus conjunctæ ope, Sol olim fuit adoratus & ex eadem origine fuit ingens mentis depravatio & cordis corruptio quæ inter homines grassatur. Quare, inquirunt actionibus suis & sæpè verbis, quare non amaremus corpora, cum tot nos afficiant voluptatibus? Et cur ridentur Israelitæ dum desiderabant caules & cepas Egypti; cum reverà essent infelices, utpote qui privati essent rebus, ex quibus aliquam poterant consequi beatitatem. Verùm Philosophia, quæ dicitur nova, quæ repræsentatur ut spectrum ad deterrendos debiles animos, quæ contemnitur & damnatur, licet minimè intellecta; Philosophia, inquam, nova, cum illam eo velint nomine designare, omnes profanorum rationes destruit maximo ex principiis suis,

quod omninò consentit cum * primo principio Religionis Christianæ; unum, scilicet Deum esse amandum & timendum; quippe qui solus nos beatos reddere possit.

Si enim Religio nos docet unicum esse verum Deum, hæc Philosophia nobis demonstrat unicam esse veram causam. Si Religio nos docet omnes Ethnicorum Divinitates nihil esse quàm lapides & metalla sine vitâ & motû. Hæc Philosophia nobis evincit omnes causas secundas, seu omnes Philosophiæ Divinitates nihil esse quàm materiam & voluntates inefficaces. Denique si Religio nos docet genu non esse flectendum coràm Dijs non Dijs, hæc Philosophia nos pariter docet, imaginationem & mentem nostram non debere demitti coràm magnitudine & potentiâ imaginariâ causarum non causarum; eas nec esse amandas nec timendas: mentem nostram circa eas non occupandam esse; De Deo solo esse cogitandum; Deum in omnibus videndum; Deum in omnibus adorandum; Deum in omnibus amandum & timendum esse.

Verùm hæc non est indoles quorundam Philosophorum, Deum videre nolunt, de Deo cogitare nolunt: nam ex peccato orta est quædam inter homines & Deum repugnantia. Deos pro arbitrio sibi fingunt, & imaginationis figmentorum timore & amore, ut Ethnici operibus manuum suarum, delectantur. Pueris similes, qui coràm sodalibus suis quos ipsi conspurcavere, contremiscere solent. Vel, et comparatione utamur nobiliori, licet forsan minùs accommodatâ, similes illustribus Romanis, qui ingenij sui figmenta venerabantur, & Imperatores suos emisâ, in ipsorum apothecis aquilâ, inepetè adorabant.

CAPVT IV.

Explicatio secundæ partis legis generalis. Illam à Philosophis non observari, Cartesium verò illam accuratè observasse.

Suprà observati sunt errores quibus ij obnoxij sunt, qui secundùm ideas sensuum falsas & confusas, & secundùm ideas vagas & indeterminatas meræ Logicæ, ratiocinantur. Hinc non obscure patet, ad conservandam evidentiam in perceptionibus, necessariò observandam esse legem suprà præscriptam, & examinandum quænam sint ideæ claræ & distinctæ rerum, ut secundùm illas ideas duntaxat ratiocinemur.

In eadem illa lege generali, quæ versatur circa materiam studiorum nostrorum, hæc circumstantia sedulò animadvertenda est; nempe semper incipiendum esse à rebus simplicissimis & facillimis, & ijs diù insistendum, antequam pergamus ad investigationem rerum maximè complexarum & difficilium. Nam si secundum ideas distinctas duntaxat ratiocinari debeamus ad conservandam evidentiam in perceptionibus nostris; manifestum est nunquam esse transiendum ad investigationem rerum compositarum, quin priùs accuratissimè examinatæ fuerint simplices à quibus pendent, & familiares redditæ: siquidem ideæ rerum complexarum claræ esse non possunt, quando simplicissimæ ex quibus componuntur non nisi confusè & imperfectè innotescunt.

Res imperfectè tantùm cognoscimus, ubi certò nobis non constat an omnes illarum partes consideraverimus; & illas confusè cognoscimus, ubi menti nondum satis sunt familiares, quamvis certi simus nos omnes illarum partes considerasse. Quum res imperfectè duntaxat cognoscimus, ratiocinia quæ de illis habemus, sunt tantùm verisimilitudines. Quum illas confusè percipimus, in ratiocinijs nec ordo est, nec perspicuitas, nec ubi simus, vel quò tendamus sæpè non satis notum est. At verò ubi illas simul imperfectè & confusè cognoscimus, quod solenne est; clarè nunquam scimus quid quæramus, nec rationes quibus illud invenire possimus. Omnino itaque necesse est hunc in studijs accuratè observare ordinem. *Vt, nempe, semper incipiamus à rebus simplicissimis, omnes illarum partes examinemus, illisq; ita assuescamus ut nobis familiares reddantur, antequam pergamus ad res magis complexas à quibus illæ pendent.*

Verùm hæc regula ab hominum ingenio abhorret, ad id naturæ feruntur, ut facilia aspernentur; & ipsorum mens, utpotè non comparata propter objectum finitum & captū facile, non potest diù subsistere in consideratione istarum idearum simplicium, quæ præ se non ferunt characterem infiniti propter quod creati sunt. Contrà verò, & quidem eandem ob causam, magna, & ad infinitum aliquā similitudine accedentia, ut & obscura & mysteriosa venerantur & sollicitè quærent. Tenebras equidem non amant, sed in tenebris sperant se inventuros bonum & veritatem quæ ipsis satisfacere queat.

Superbia etiam multum confert ad ingenia eò adducenda ut magnum & extraordinarium ambiant; & in illud, falsâ spe decepti, sæpè præcipites agantur. Experientiâ constat cognitionem accuratam rerum ordinariarum & usitatarum nullam apud homines conciliare famam; cognitionem verò rerum inusitatarum & insolentium, quantumlibet confusam & imperfectam, existimationem & venerationem captare apud eos qui grandem rerum, quas non intelligunt, sibi efformant ideam. Atque hæc experientia eos omnes qui inani gloriæ magis student quàm veritati, (qui certè numerò

alios superant) ad imprudentem inquisitionem cognitionum speciosarum & imaginariarum cujuscunque magni, rari & obscuri determinat. Quot reperias homines qui Cartesij Philosophiam rejiciant, hac egregiâ impulsu ratione quod illius principia sint simpliciora & faciliora. Nulli sunt termini obscuri & mysteriosi in illa Philosophia: feminae, & qui nec Græcè, nec Latine callent, possunt illam addiscere: Certè id arguit rem exigui momenti, nec æquum est magna ingenia illi incumbere. Principia adeo clara & simplicia satis fecunda ipsis non videntur, ad explicanda naturæ effecta, quam supponunt obscuram & intricatam. Illorum principiorum usum primâ fronte non cognoscunt, quia ipsis simpliciora & faciliora videntur, quàm ut possint præbere attentionem necessariam ad illorum usum & amplitudinem cognoscendam. Malunt igitur explicare effecta, quorum causa ipsos later, per principia quæ nequaquam intelligunt, quæque intelligi nequeunt; quàm per principia simplicia & clara. Isti enim Philosophi res obscuras per principia, non modo obscura, verum etiam ἀκατάληπτα, explicant.

Quum quis res admodum obscuras & arduas per principia clara & omnibus nota explicare aggreditur, facile est deprehendere an rem inceptam benè gerat, quia, si quæ dicit à nobis concipiantur, nullo negotio cognoscimus an vera in medium proferat. Itaque docti falsò sic dicti, quum principiis claris utuntur, admirationem quam exoptant non consequuntur; quoniam eorum quæ hisce claris principiis adstruere vellent futilitas evidenter agnoscitur. At verò, ubi principiis incognitis utuntur, ac de rebus valde complexis, quasi omnes earum relationes accuratè cognoscerent, loquuntur, tum admirationem in se movent; quia quæ ab ipsis dicuntur omnium captum fugiunt; jam autem à naturâ ita sumus comparati ut quæcunque captum nostrum exsuperant veneremur.

Cum autem obscura & ἀκατάληπτα inter se invicem facilius connecti videantur, quàm obscura cum claris & intellectu facilibus, principia quæ mentis aciem fugiunt multò sunt commodiora in questionibus compositis quàm principia intellectu facilia. Nihil est quantumvis difficile, cujus Philosophi & Medici principiorum suorum ope paucis non reddant rationem. Cum enim ipsorum principia multò difficilius intelligantur quàm quælibet quæstiones quæ ipsis proponi possent ubi illa principia certa supponuntur, nullâ difficultate possunt involvi dum his utuntur.

Hisce, exempli gratiâ, obscuris aut indeterminatis quæstionibus audaçter & nullatenus hærentes respondent; Cur sol vapores extollat, cur Quinquina sistat febrim quartanam, cur rhabarbarum bilem expurget, & sal polychrestum phlegmata, &c. Et plerisque ipsorum responsis satisfcit, quia obscurum & ἀκατάληπτον inter se facile consentiunt. Verum principia ignota non possunt accommo-

dari quæstionibus clarè expositis & solutù facilibus; quia illorum inanitas evidenter cognoscitur. Philosophi principijs suis explicare nequeunt quomodo equi currum trahant; quomodo pulvis horologii motum sistat: quomodo Samius lapis metalla, & scopæ vestes abstergeant. Omnibus enim ludibrium deberent, si motum attractionis & facultates *attrahentes* supponerent, ad explicandum quò pacto currus sequatur equos ipsi junctos, & facultatem *deterisivam* in scopis ad detergendas vestes, & sic de ceteris. Ipsorum igitur principia usum duntaxat foriuntur in quæstionibus obscuris, quia capi nequeunt.

Istis igitur principijs, quæ clarè & evidenter non cognoscuntur, quæque suspicari possumus à nonnullis nationibus non admitti, fiendum non est. Ideæ extensionis, figuræ, motûs localis, & relationes quas inter se invicem habent attentè sunt considerandæ, si ejusmodi ideæ distinctè concipiantur, ac ita clarè videantur ut manifestò pateat illas ab omnibus gentibus omni tempore admittas fuisse, ijs immorandum est & omnes earum relationes sunt examinandæ; si verò obscuræ videantur, tum aliæ sunt inquirendæ, si possint inveniri. Namque si, ut absque erroris periculo ratiocinemur, evidentiā in perceptionibus nostris semper conservare necesse sit, ratiocinandum est duntaxat secundum ideas claras & relationes clarè cognitās.

Ut extensionis proprietates ordine possint considerari, incipendum est, exemplò Cartesij, à relationibus simplicissimis, & à simplicissimis ad maximè complexas pergendum, non modò quia hæc methodus est naturalis, & mentem in operationibus suis quamplurimum juvat; Verùm etiam quia, cùm Deus ordine semper agat & per vias simplicissimas, hac ratione examinandi ideas nostras & earum relationes ipsius opera à nobis facilius cognoscuntur. Ac reverà si animadvertamus relationes simplicissimas omnium primas etiam imaginationi offerri ubi non determinatur ad cogitandum potius de unā re quàm de aliā; hinc patebit sufficere res à nobis attentè & sine præconceptā opinione expendi ut ordinem illum hic præscriptum assequamur, & veritates maximè compositas possimus retegere, dummodò ex uno ad aliud æquò celerius non properemus.

Si igitur attentè extensionem consideremus nullò negotiò concipimus partem unam ab aliā posse separari, hoc est, motum localem facile concipimus, & motum illum localem producere figuram in utroque corpore moto. Ex omnibus motibus, simplicissimus & qui imaginationi primus offertur est motus rectus, seu secundum lineam rectam. Supponamus igitur aliquam extensionis partem moveri motù directo, necesse est partem quæ occupat locum in quem tendit hæc prima extensionis pars, moveri circulariter ut oc-

eupet locum ab aliâ derelictum, & sic fieri motum circularem. Quod si concipiamus innumeros motus directos in innumeris similibus partibus hujus immensæ extensionis quam consideramus, iterum necesse est hæc omnia corpora, quippe quæ sibi mutuo obliint, mutuâ actione suâ, hoc est, mutuâ motuum specialium communicatione, ad id unâ conspirare ut motû circulari moveantur.

Prima hæc consideratio relationum simplicissimarum quæ sunt inter ideas nostras, jam nobis ostendit necessitatem vorticum Cartesij; hinc etiam patebit numerum illorum vorticum eò majorem futurum, quò motus recti omnium partium extensionis, utpote sibi invicem magis adversantes, difficilius in illo simili motû perseverare potuerint, & horum vorticum illos fore maximos in quibus plures partes in eundem motum conspiraverint, seu quorum partes majore vi præditæ fuerint ad continuandum motum suum secundum lineam rectam.

Sed cavendum est ne mens dissipetur & fatigetur, inutili applicatione ad numerum infinitum & ad magnitudinem immensam vorticum. Primò aliquandiu insistendum est alicui ex his vorticibus, & investigandi sunt ordine & attentè motus materiæ quam includit, & omnes figuræ quas singulæ partes istius materiæ induere debent.

Cùm solus motus secundum lineam rectam sit simplex, ille motus est primò considerandus; cum is sit secundum quem omnia corpora motum suum dirigunt; Siquidem Deus secundum vias simplicissimas semper agit, & reverâ corpora circulariter non moventur nisi quia in suis motibus directis perpetuas patiuntur oppositiones. Cùm itaque omnia corpora æqualis non sint magnitudinis, & eorum maxima majori prædita sint vi ad motum suum continuandum secundum lineam rectam quàm alia; facile concipimus minima corpora ad centrum vorticis esse debere, maxima verò versùs circumferentiam, cùm lineæ quæ describi concipiuntur à motibus corporum quæ sunt ad circumferentiam ad rectam magis accedant, quàm lineæ quas describunt corpora quæ sunt propè centrum.

Denuò si cogitemus unamquamque partem materiæ non potuisse à principio moveri & in motû suo perpetuam pati oppositionem, quin rotundata fuerit & ipsius anguli fracti fuerint, facile concipiemus totam hanc extensionem ex duplici duntaxat corporum genere constare, ex globulis scilicet circa centrum suum diversimodè actis, quæque præter motum suum specialem motû communi vorticis adhuc abripiuntur; & ex materiâ quadam fluidissimâ & maxime agitâ, ortâ ex confricatione & attritione globulorum. Præter motum circularem communem omnibus partibus vorticis, hæc materia subtilis specialem adhuc motum habebit secundum lineam penè rectam à centro vorticis versùs circumferentiam, per intervalla globulorum qui ipsis transeundi copiam faciunt; adeò ut motus,

ex istis motibus compositus secundum lineam spiralem fiat. Hæc materia fluida, quam Cartesius appellat *primum elementum*, cum divisa sit in partes multò tenuiores, quæque longè minorem habent vim ad continuandum motum suum secundum lineam rectam, quàm globuli, seu *secundum elementum*; evidens est primum illud elementum esse debere in centro vorticis, & in intervallis quæ sunt inter partes secundi; partes verò secundi debere implere reliquum spatium vorticis, & accedere ad illius circumferentiam juxta proportionem crassitudinis, aut juxta vim quam habent ad continuandum motum suum directum. Ad figuram totius vorticis quod spectat, ex suprà dictis dubium non est quin distantia unius Poli ab alio longè minor sit lineâ quæ *Æquatorem trajicit. Si verò animadvertamus vortices sese mutuo circumdare & inæqualiter premere, clarè etiam patebit ipsorum æquatorem describere lineam curvam & irregularem, ellipsi non dissimilem.

*Per Æquatorem intelligo maximam lineam curvam, quam materia vorticis describat.

Hæc sunt quæ menti sponte sese offerunt, ubi attentè expendimus quid contingere debeat partibus extensionis quæ indefinenter in motu secundum lineam rectam, hoc est, motu omnium simplicissimo pergere conantur. Jam si rem supponamus, quæ sapientiâ & potentiâ Dei admodum digna videtur, ipsum, nempe, ab initio hunc mundum unico voluntatis actû in eo statû constituisse, in quo ipsius partes sese cum tempore disposuissent secundum vias simplicissimas, illumque mundum ab ipso (Deo) per easdem leges naturales conservari. Uno verbo si cogitationes suprà explicatas objectis quæ videmus adaptare velimus; judicare pronum erit Solem esse centrum vorticis, lumen corporeum quod undique dispergit nihil aliud esse præter perpetuum nifum globulorum, qui à centro vorticis recedere conantur; & lumen illud debere communicari unico momento per spatia immensa, quoniam cum omnia sint plena his globulis; ne unus quidem eorum potest premi, quin cæteri ipsi oppositi premantur.

Plurimæ adhuc aliæ consequentiæ è suprà dictis poterunt deduci: namque principia simplicissima sunt etiam secundissima ad explicanda opera illius qui per rationes simplicissimas semper agit. Sed quædam adhuc in materia considerata sunt. Attendendum igitur est multos esse adhuc vortices vortici suprà dicto similes; centra horum vorticum esse stellas, quæ totidem sunt soles; Vortices sese mutuo circumdare & ita disponi, ut quàm minimè fieri potest, sibi invicem obstant in motibus suis. Sed tamen res eò devenire non potuisse, quin vortices debiliores à fortioribus abrepti ac absorpti fuerint.

Ut id possit intelligi, animadvertendum est primum elementum, quod est in centro unius vorticis, posse subrepere & actu indefinenter subrepere per intervalla globulorum versus circumferentiam

tiam ejusdem vorticis; ac eodem tempore quò centri illius, seu hujus stellæ materia per æquatorem suum dilabitur, aliud primum elementum, seu alias partes materiæ fluidissimæ quæ constituit primum elementum debere ingredi per polos vorticis in locum partium elapsarum; nam hæc stella ab una parte non potest evacuari quin ab alterâ impleatur, quia non datur vacuum in extensione. Quia verò innumeræ causæ possunt impedire quominus ingens primi elementi copia ingrediatur in stellam de quâ agitur; necesse est partes primi elementi quæ in eâ remanere tenentur, ita sese disponere ut eodem motu moveantur. Hinc fit ut inter se invicem agglutinentur connectantur, & maculas forment, quæ in crustas coalescunt, centrum illud paulatim obtegunt, & ex omnium corporum subtilissimo & maximè agitato, efficiunt materiam solidam & crassam. Atque hæc est materia crassa, quam Cartesius appellat *tertium elementum*; & cum materia illa ex primo elemento, cujus figuræ sunt innumeræ, gignatur, illam innumeris figuris diversis indui, necesse est.

Hæc stella maculis & crustis sic obducta, & cæteris planetis similis facta, vorticem suum non potest sustinere ac tueri adversus impetum perpetuum aliorum vorticum quibus circumdatur. Vortex ille igitur paulatim minuitur. Materia ex quâ constat undique dispergitur: & vicinorum vorticum fortissimus maximam illius partem abripit, ac tandem planetam, qui est centrum illius, involvit. Hic Planeta, sic omninò circumdatus à materiâ illius magni vorticis, in eo natat, conservando, cum parvâ materiæ proprii sui vorticis copiâ, motum circularem quò antea ferebatur: ac denique ibi situm acquirit, quò constituitur in æquilibrio cum æquali portione materiæ in quâ natat. Si parum habeat soliditatis & magnitudinis, ad centrum vorticis quò involvitur quàm proximè accedit; quia cum parum habeat virium ad continuandum motum suum directum, debet collocari in loco istius vorticis, in quo æqualis portio secundi elementi eandem ac ipse (planeta) habeat vim ad recedendum à centro; nam in eo duntaxat loco potest esse in æquilibrio. Si iste Planeta sit major aut solidior, debet constitui in æquilibrio in loco remotiore à centro vorticis. Ac denique si in illo vortice nullus sit locus, in quo æqualis ipsius materiæ portio eandem habeat soliditatem ac ille Planeta, ac per consequens eandem vim ad continuandum motum suum directum, quia ille Planeta forsan erit valdè magnus, & crustis solidissimis & crassissimis obductus; tum in vortice illo non poterit subsistere, quia non poterit constitui in æquilibrio cum materia ex quâ constat ille vortex. Hic igitur Planeta transgredietur in alios vortices, ac nisi in ijs æquilibrio suum reperiat, in ijs quoque non subsistet. Adeò ut, instar Cometarum, transcurrens, interdum conspiciatur, ubi in vortice nostro versabitur, & no-

bis satis propinquus erit; nec nisi post longum temporis intervallum denuò conspicietur quandiu erit in alijs vorticibus vel in extremâ vorticis nostri parte.

Jam si cogitemus unicum vorticem, magnitudine suâ, vi & sitû idoneo, posse paulatim atterere, involvere & denique abripere plurimos vortices, immò vortices à quibus alij quidam antea abrepti fuerint; necesse erit Planetas qui in centrîs horum vorticum formati fuerunt, ubi ingressi fuerint magnum vorticem à quo fuerunt separati, in eo constitui in æquilibrio cum æquali portione materiæ in quâ natant, si itaque planetæ isti soliditate sint inæquales, constituti erunt in distantia inæquali à centro vorticis in quo natabunt. Quòd si eveniat ut duo planetæ eandem propemodùm habeant vim ad continuandum motum suum secundùm lineam rectam; vel si planeta in exiguum vorticem suum unum aut plurimos alios abripiat minores Planetas, quos, juxta nostrum modum concipiendi rerum formationem, superaverit; tunc parvi illi Planetæ agentur circa majorem, dum major agetur circa centrum suum; & omnes illi Planetæ motû magni vorticis in distantia propè æquali à centro ipsius, abripiuntur.

Partes quæ constituunt mundum, quem per rationes simplicissimas formari existimamus, in hunc ordinem juxta rationis lumina digerere tenemur. Nam quæcunque à nobis suprâ dicta sunt nituntur idèa extensionis, cujus partes supposuimus ad id tendere ut moveantur motû simplicissimo, qui est motus secundùm lineam rectam. Ac reverâ quum per effecta examinamus, an non hallucinati fuerimus, dum res per causas suas explicare voluimus, corporum cælestium phænomena ijs quæ à nobis suprâ dicta sunt omninò consonare non sine admiratione comperimus. Videmus enim omnes Planetas qui sunt in medio parvi vorticis agi instar Solis circa proprium suum centrum; illos omnes in vortice Solis & circa Solem natâre; minores, aut minùs solidos Soli esse proximos. Alios etiam esse, ut Cometæ, qui in vortice Solis non possunt subsistere: Denique multos esse Planetas qui multos alios adhuc habent circa se actos, ut Luna circa Terram. Jupiter quatuor habet, & Saturnus tres. Immò forsan Saturnus tot habet adedò parvos, ut non differant à circulo continuo, cui nulla crassitudo inesse videtur ob ingentem ipsius distantiam. Cum autem isti Planetæ eorum quos videmus maximi sint, possunt considerari utpote geniti ex vorticibus tantæ magnitudinis ut alios superare potuerint; priusquàm à vortice in quo nunc versamur involuti fuerint.

Omnes isti Planetæ circa centrum suum aguntur, Terra intra 24. horas; Mars intra 25, aut circiter; Jupiter intra decem, aut circiter, &c. Circa Solem aguntur, Mercurius ipsi proximus intra quatuor menses, aut circiter; Saturnus qui à Sole omnium maximè

distat triginta annis, aut circiter; qui verò inter illos duos siti sunt, majori aut minori temporis spatio aguntur, non tamen omnino juxta proportionem ipsorum distantiae. Tota enim materiâ in quâ natant, celerius circulum suum percurrit, ubi Soli propinquior est quoniam linea ipsius motûs minor est. Quum Mars Soli oppositus est Terræ propinquus satis est, sed ab eâ valdè distat ubi Soli conjunctus est. De Planetis superioribus Jove & Saturno res non secus se habet; nam inferiores ut Mercurius & Venus, propriè loquendo, Soli nunquam sunt oppositi. Lineæ quas omnes Planetæ circa Terram describere videntur, non sunt circuli, sed ad ellipses quàm proximè accedunt, omnes verò illæ ellipses admodum diversæ videntur, propter diversos situs Planetarum nostri respectû. Denique quicquid in cœlis certò observatur circa Planetarum motum cum ijs quæ de ipsorum per rationes simplicissimas formatione dicta sunt optimè congruit.

Stellas fixas quod attinet, experientia docet nonnullas imminui & omnino evanescere, nonnullas etiam veluti recentes videri, quarum splendor & magnitudo magis magisque augescunt. Augentur aut minuuntur prout vortices quorum sunt centra, plus vel minus recipiunt materiæ primi elementi. Illas videre desinimus ubi in ijs formantur maculæ & crustæ; & illas percipere incipimus ubi maculæ quibus illarum splendor encabatur, omnino dissipantur. Omnes illæ stellæ eandem propè inter se observant distantiam; cum sint centra vorticum, nec abripiantur quandiu alijs vorticibus resistunt, vel quandiu sunt stellæ. Omnes instar parvorum Solium fulgent, quia ut ipse Sol centra sunt quorundam vorticum nondum superatorum. Omnes à terrâ inæqualiter distant. Quamvis fornici cuidam infixæ oculis videantur; si enim nondum observata fuit parallaxis proximarum à parallaxi remotissimarum differentia per varium terræ situm alterno quoque semestri spatio, id ex eo ortum est quòd hæc differentia sitûs magna satis non est, propter distantiam inter nos & stellæ, ut parallaxes illæ possint observari. Telescopiorum ope aliquid forsan equidem poterit deprehendi. Denique quicquid in stellis sensuum usû & experientiâ potest observari non differt ab eo quod mente percepimus, examinando relationes simplicissimas & maximè naturales quæ in extensionis partibus & motibus possunt observari.

Si corporum sublunarium naturam examinare velimus, primò attendendum est, cum primum elementum ex numero diversarum figurarum innumerabili constet, corpora, quæ ex partium hujus elementi congerie formata fuere, multiplicia futura esse. Quædam erunt quorum partes erunt ramosæ; alia quorum partes erunt longæ: alia quorum partes rotundæ, sed omnimodè irregulares. Si inforum partes ramosæ satis crassæ sint, erunt dura, sed flexilia nec elasticâ vi prædita; si illorum partes minus sint crassæ, erunt mollia

aut fluida, ut gummi, pinguedo, oleum, &c. Si partes longæ corporum sint crassæ & inflexiles, erunt acuta, incorrupta, ad dissolvendum facilia ut sales: Si eadem partes longæ, sint flexiles, corpora erunt insipida, ut aquæ: Si partes habeant crassas & omnimodè irregulares, erunt similia terræ & lapidibus. Denique erunt corpora valdè multiplicis naturæ; nec duo reperies omninò similia, quia primum elementum innumeras figuras potest suscipere, & quia omnes illæ figuræ nunquàm conjungentur eodem modo in diversis corporibus. Hæc corpora, quibuscunque prædita sint figuris, si poros habeant satis magnos ut per eos undiquaque secundum elementum possit transire, erunt pellucida, ut aër, aqua, vitrum, &c. Quibuscunque figuris prædita sint hæc corpora, si quasdam eorum partes primum elementum omninò ambiat, easque vehementer & velociter satis agitet ad repellendum undique secundum elementum, erunt lucida ut flamma. Si hæc corpora repellant totum secundum elementum à quo feriuntur, erunt candidissima. Si secundum elementum recipiant nec illud quoquò modo repellant, erunt nigerrima: denique si illud varijs ictibus seu vibrationibus repellant, inæquales istæ vibrationes colorum varietatem parient.

Eorum situm quod spectat, graviora seu minùs levia, hoc est, quæ minorem habebunt vim ad continuandum motum suum secundum lineam rectam, erunt proxima centro, ut metalla. Terra, aqua, aër ab eo magis distabunt; & omnia corpora situm in quò ea cernimus conservabunt, quia à centro terræ eò remotiora esse debent quò majorem habent motum.

Nec mirum esse debet, quòd nunc dicam metallis minorem esse vim ad continuandum motum suum secundum lineam rectam quàm terræ, aquæ & cæteris corporibus minùs solidis; quamvis antea dixerim corpora solidissima majori prædita esse vi ad continuandum motum suum secundum lineam rectam quàm alia. Causa enim cur metallis minor sit vis ad continuandum motum suum, est quia metalla multò minùs habent motùs: cum verum semper sit si duo corpora inæqualia soliditate, æquali celeritate moveantur, solidiori maiorem inesse vim ad procedendum secundum lineam rectam, quia tunc solidius plus habet motùs; jam autem ex motù oritur vis.

Si verò causam assequi velimus cur versùs centra vorticum corpora crassa sint gravia, cur verò ubi à centro distant sint levia; attendendum est corpora crassa motum suum recipere à materiâ subtili quæ illa circumdat & in quâ natant. Jam autem hæc materia subtilis circulariter actû movetur, & duntaxat conatur moveri secundum lineam rectam, & corporibus crassis quæ cursû suo abripit motum illum circularem communicat, licet ipsis non communicet conatum suum ad recedendum à centro secundum lineam rectam, nisi quantum nifus ille sequitur ex motù quem ipsis communicat. Observant

dum enim est partes materiæ subtilis, etli versùs plurimas partes movèri conentur, duntaxat posse comprimere corpus crassum quod transferunt: namque corpus illud in varias partes eodem tempore tendere nequit. Sed quia materia subtilis, quæ est prope centrum vorticis totum motum suum non insumit circulando; corporibus crassis quæ abripit nullum alium communicat motum, præter circularem & omnibus suis partibus communem; & quia si corpora crassa aliunde haberent motum præter motum communem vortici, illum brevi perderent, eum communicando corpusculis sibi obvijs. Hinc evidenter patet, corpora crassa prope centrum vorticis, tantum non habere motum quantum materia in quâ natant, cujus singulæ partes multifariam moventur, præter motum circularem, seu communem. Jam autem si corpora crassa minùs habent motùs, certè etiam minori nisù conantur movèri secundùm lineam rectam; quod si ita sit, ijs quæ majori nisù conantur movèri secundùm lineam rectam, cedere tenentur, ac per consequens ad centrum vorticis accedere, hoc est, illa corpora eò graviora esse quò sunt solidiora.

At, ubi corpora crassa à centro vorticis sunt valdè dissita, cùm motus circularis materiæ subtilis tum sit maximus, quia totum ad id penè adhibet motum suum ut circa centrum vorticis agatur; corpora eò plus habent motùs quò sunt solidiora; cùm eadem procedant celeritate ac materia subtilis in quâ natant; itaque majorem habent vim ad continuandum motum suum secundùm lineam rectam. Adeò ut corpora crassa in certâ distantia à centro vorticis eò leviora sint quò sunt solidiora.

Ex eo igitur patet Terram esse Metallicam versùs centrum; eamque non esse valdè solidam versùs circumferentiam: aquam & aërem persistere debere in eo sitù in quo illa videmus posita: Sed omnia corpora illa esse gravia * aërem æquè ac aurum & argentum vivum, * *Hoc est, illa ferri versùs centrum Terra.* quia primo & secundo elemento solidiora sunt & crassiora. Hinc patet Lunam, utpote à centro vorticis terræ nimis dissitam, non esse gravem, quamvis sit solida: Mercurium, Venerem, Terram, Martem, Jovem & Saturnum non posse delabi in Solem, nec satis solida esse ut è vortice suo, sicut Cometæ, egrediantur: illos Planetas esse in æquilibrio cum materiâ in quâ natant. Ac certè si * plumbea glans vel tormentarius globus satis procul in sublime projici possent, hæc duo corpora fierent parvi Planetæ, vel satis solida essent ut instar parvorum cometarum evaderent quia in vorticibus suis subsistere amplius non possent. * *Vne balle de mousquet, ou un boulet de canon.*

Hæc omnia me satis explicuisse, aut ex simplicibus extensionis, figuræ & motùs principijs, omnes consequentias quæ ex ijs deduci possunt deduxisse, hic non arbitror: Mihi duntaxat propositum est ostendere rationem quam Cartesius injit ad naturam investigandam, ut ipsius ideæ ipsiusque methodus cum aliorum ideis & methodo pos-

sint conferri. Sed ausim asserere eos qui vim magneticam, fluxum & refluxum Maris, fragorem tonitru, Meteororum generationem ex ipsorum causis cognoscere, unò verbò, qui Physicam penitus addiscere volunt, cum tempus utiliùs collocare non possint quàm Cartesij opera legendo & meditando, ausim, inquam, asserere illos frustra quicquam tentaturos esse, nisi illius Philosophi methodum sequantur, hoc est, nisi, ut ipse, secundum ideas claras ratiocinentur, incipiendo semper à simplicissimis.

Huic equidem Authori infallibilitatem tribuere non est animus, immò ipsum in multis ipsius operum locis hallucinatum fuisse me posse demonstrare confido. Sed eos qui Cartesium legunt satius est credere illum errasse, quàm si omnia ipsius dicta vera esse persuaderentur. Si erroris immunis crederetur, sine examine legeretur, ipsius dictis fides cæca adhiberetur, ipsius opiniones historiarum instar addiscerentur; ac sic lectorum mens non informaretur. Cartesius ipse monet legendo ipsius opera attendendum esse annon hallucinatus sit, nec eorum quæ dicit quicquam esse credendum, nisi ad id adigat evidentia. Doctis enim, sic dictis, haud similis est, qui iniquà in mentes usurpatâ dominatione, eò nos adstringere volunt ut in eorum verba juremus; quique ubi homines veritatis internæ discipulos efficere deberent, ideas claras duntaxat proponendo, eos tamen Ethnicorum authoritati submittunt, & ipsis opiniones quas non capiunt rationibus *ἀκαταλυστοις* obtrudunt.

Quod potissimum vicio vertitur circa methodum quâ Cartesius explicat Solis, Stellarum, Terræ, & omnium corporum quibus circumdamur formationem in eo consistit, quòd illa methodus videatur contraria ijs quæ Scriptura nos docet de creatione mundi; namque, ajunt, si isti Authori fides adhibeatur, mundus veluti à se ipso formatus fuisse videtur. Ad hæc multa possunt reponi.

Primò, qui Cartesium Mosi adversari dicunt, Scripturam Sacram & Cartesium forsan non æquè examinaverunt, ac ij qui Scriptis publicis ostenderunt creationem mundi cum hujusce Philosophi hypothesebus apprimè convenire.

Verùm præcipua responsio ex eo desumitur quòd Cartesius nunquam arbitratus fuerit res paulatim factas fuisse eo modo quo illas describit, namque in primo articulo quartæ partis ipsius Principiorum, in quo sic habetur, *Falsam hypothesein quâ jam ante usi sumus esse retinendam ad veras rerum naturas explicandas*, contrarium positivè dicit. Hæc sunt ipsius verba.

Esse credi nolim, corpora hujus mundi adspectabilis, genita unquam fuisse illo modo qui supra descriptus est, ut jam satis pramonui, debeat tamen eandem hypothesein adhuc retinere, ad ea quæ supra terram apparent explicanda; ut tandem, si quem admodum spero, clarè ostendam, causas omnium rerum naturalium hac viâ,

non autem ulli à aliis dari posse, inde meritò concludatur, non aliam esse earum naturam, quàm si tali modo genitæ essent.

Noverat Cartesius, ad naturam rerum accuratè cognoscendam, eas esse considerandas in origine & abortu, semper incipiendum esse à simplicissimis & principium ante omnia petendum esse: inquirendum non esse an Deus opera sua paulatim per vias simplicissimas formaverit, an verò ea uno actû produxerit: Sed quoquò modò ea Deus formavisset, ut accuratè cognoscerentur, ea esse primò consideranda in principijs, ac postmodum duntaxat esse examinandum, an quæ cogitata fuerunt ijs consonent quæ Deus fecit. Noverat leges naturæ, per quas Deus omnia opera sua conservat in ordine & in situ in quo subsistunt, easdem esse per quas illa formare & disponere potuit, namque nisi Deus unico voluntatis actû totum mundum eodem modo adornasset quo ipse mundus sese progressu temporis disposuisset, cuilibet attentò evidenter patet, totum naturæ ordinem eversum iri, quoniam leges conservationis essent contrariæ legibus primæ creationis. Si totus mundus in ordine in quo illum videmus persistat, id fit quia leges motuum quibus in illo ordine conservatur, illum etiam in eodem ordine potuissent collocare. At si Deus mundum in diversum digessimet ordinem ab eo in quo hæc motûs legibus sese constituisset, omnia jam everterentur, & vi harum legum in ordine in quo illum nunc videmus constituerentur.

Si quis pulli naturam cognoscere velit, in eum finem ova quæ gallinæ fovenda subjecerat, quotidie aperit, quid primum moveatur & crescat, attendit; post breve tempus videt cor jam palpitare & undique pellere sanguinis canales, quæ sunt arteriæ; sanguinem illum reverti versùs cor per venas; cerebrum etiam statim apparere, ac denique ossa post omnes alias partes formari, hac viâ ex multis sese expedit erroribus atque etiam ex illis observationibus multas consequentias ad animalium cognitionem utilissimas deducit. Quid in istâ agendi ratione vitio verti potest? An quis dicet illum hominem eâ mente id agere ut persuadeat primum pullum à Deo formatum fuisse, primò creando ovum, ipsi communicando certum quendam caloris gradum ut excluderetur, quia pullorum naturam in ipsorum formatione cognoscere conatus est?

Cur igitur Cartesius quasi Scripturæ repugnaret traducitur, quia rerum visibilibus naturam examinaturus, earum etiam formationem per leges motûs quæ in orationibus casibus nunquam non observantur, examinavit? Certè Cartesius in dubium nunquam vocavit, *Quin mundus ab initio fuerit creatus cum omni suâ perfectione, ita ut in eo Sol & Terra & Luna & Stella existerint, ac etiam in terrâ non tantum fuerint semina plantarum, sed ipsa plantæ; nec Adam & Eva nati sint infantes, sed facti sint Principes homines adulti.* Hoc fides Christiana, inquit, nos docet, hocq; etiam ratio naturalis plane persuadet. Attendendo enim ad immensam Dei potentiam; non pos-

Artic. 45.
Tertiz par-
piorum.

sumus existimare illum unquam quicquam fecisse quod non omnibus suis numeris fuerit absolutum. Sed nihilominus ut ad plantarum, vel hominum naturas intelligendas longè melius est considerare, quò pacto paulatim ex seminibus nasci possint, quàm quò pacto à Deo in prima mundi origine creati sint; ita si qua principia possimus excogitare valde simplicia & cognitù facilia, ex quibus tanquam ex seminibus quibusdam, & sidera & terram & denique omnia, qua in hoc mundo aspectabili deprehendimus, oriri potuisse demonstramus, quamvis ipsa nunquam sic orta esse probè sciamus; hoc pacto tamen eorum naturam longè melius exponemus, quàm si tantùm, qualia jam sint, describeremus. Et quia talia principia mihi videor invenisse, ipsa breviter hic exponam.

Existimavit quidem Cartesius mundum à Deo unico voluntatis actû formatum fuisse, verùm etiam existimavit illum à Deo formatum fuisse in eodè ordine & in eadem partium dispositione in quibus fuisset, si ipsum paulatim per vias simplicissimas formavisset Deus. Ac sanè hæc cogitatio Dei potentiâ & Sapientiâ digna est: ipsius potentiâ, quandoquidem unico momento omnia opera sua omnimodâ perfectione prædita creaverit; ipsius etiam sapientiâ; quoniam hoc pacto demonstravit se accuratissimè prævidisse quæcunque in materiâ necessariò erant evenienda, si per motus simplicissimos ageretur; & quia etiam ordo naturæ subsistere non potuisset, si mundus per vias, hoc est, per leges motûs productus fuisset, contrarias legibus per quas conservatur.

Ridiculum est dicere Cartesium existimasse mundum potuisse formari à se ipso, cùm ipse non secus ac ij omnes qui rationis lumina sequuntur, agnoverit, nullum corpus posse moveri proprijs suis viribus, & omnes leges immutabiles communicationis motuum nullas alias habere causas quàm voluntates immutabiles Dei, qui eodem modo semper agit. Deum solum impertiri motum materiæ, & motum in omnibus corporibus diversas formas quibus induuntur producere ipsum probasse satis erat, ut profanis suam impietatem illius systemate tegendi & fovendi, omnis occasio tolleretur. Immo si Athei ad illius Philosophi principia attenderent, errores suos, vel inviti, agnoscerent. Namque si, Ethnicorum instar, materiam esse increatam audeant defendere, saltem asserere non sustinebunt, illam potuisse unquam sese proprijs suis viribus movere. Itaque Athei si verum creatorem agnoscere recusarent, verum motorem agnoscere saltem cogèrentur. Verùm Philosophia vulgaris ipsis errorum alimenta satis suppeditat. Illa enim ipsis oggerit quasdam virtutes *impressas*, quasdam facultates motrices, unò verbò, nescio quam naturam, quæ est principium motûs cujusque rei; & quamvis illius naturæ nullam habeant ideam distinctam, ipsos tamen juvat, propter cordis corruptionem, illam Deo substituere, ipsi tribuendo omnia mirabilia quæ videmus.

CAPVT V.

Explicatio principiorum Philosophiæ Aristotelis, ubi ostenditur, illum nunquam observasse secundam partem regulæ generalis, & quatuor ipsius elementa, & qualitates elementares, examinantur.

UT Philosophia Cartesij cum Philosophiâ Aristotelis possit conferri, quid hic de elementis & corporibus naturalibus in genere tenferit, breviter exponere operæ pretium est; Id autem juxta doctissimos continetur in quatuor ipsius Libris *de Cælo*. Nam octo ejus Libri Physices ad Logicam, vel si mavis ad Metaphysicam potius pertinent quàm ad Physicam, in his enim nihil videas præter terminos vagos & generales qui in mente nullam ideam distinctam & specialem excitant. Quatuor isti Libri titulum habent *de Cælo*, quia cælum est præcipuum inter corpora simplicia de quibus tractat.

Philosophus opus illud inchoat ab eo quòd probat, mundum esse perfectum, hoc autem est ipsius argumentum. Omnia corpora tres habent dimensiones, plures habere nequeunt, nam numerus ternarius juxta Pythagoreos omnia complectitur; jam autem mundus est omnium corporum compages; ergo mundus est perfectus. Egregium sanè argumentum! quò etiam probari posset, mundum non posse esse imperfectiorem quàm actû est, quia non potest constare ex partibus quæ numerum dimensionum habeant ternario minorem.

In secundo capite ante omnia supponit veritates quasdam Peripateticas. 1. Omnia corpora naturalia per se habere vim sese movendi, quod nec ibi loci, nec alibi ab ipso probatur; Quin, primo Capite secundi Libri Physices, affirmat eum fore ridiculum qui id probare contenderet; quia, inquit, res per se evidens est, ac ij duntaxat qui id quod per se notum est ab eo quod per se notum non est dignoscere nequeunt, probare aggrediuntur id quod evidens est per id quod est obscurum. Sed alibi demonstratum est quàm falsum sit, corpora naturalia in se habere vim sese movendi, eamque vim evidenter videri ijs duntaxat qui ut Aristoteles sensuum impressiones sequuntur, & nullum rationis suæ adhibent usum.

2. Dicit omnem motum localem fieri secundùm lineam, vel rectam, vel circularem, vel compositam ex rectâ & circulari; at verò si ad ea quæ temerariè profert attendere noller, saltem oculos aperire debebat, & innumeros esse motus diversos qui nec constant ex recto

Cap. 4.

nec ex circulari, comperisset. Vel potius attendere debebat motus compositos ex motibus rectis, plures posse esse in infinitum, supponendo motus componentes augere aut minuire celeritatem suam mille diversis modis, ut ex suprâ dictis videre est. Nulli, inquit, sunt motus simplices præter hos duos, rectum & circularem; ergo omnes motus ex hisce duobus constant. Verum fallitur; motus circularis non est simplex; Non potest concipi quin eodem tempore de puncto ad quod relationem habet cogitetur, jam autem quicquid includit relationem, est relativum, non simplex. Quod ut probetur animadvertendum est, posse concipi motum circularem veluti genitum ex duobus motibus rectis, quorum celeritas inæqualis est secundum certam quandam proportionem; nam, motus compositus ex duobus alijs directis, quique celeritatem suam diversè augent aut minuunt, non potest esse simplex.

3. Dicit omnes motus simplices esse triplices, primum è centro, secundum versùs centrum: tertium circa centrum; sed falsum est ultimum esse simplicem, ut jam dictum est. Iterum falsum est nullos esse motus simplices præter eos qui sursum vel deorsum feruntur; nam omnes motus directi sunt simplices, sive accedant ad centrum, sive ab eo recedant, sive accedant ad polos, sive ab ijs recedant, vel ab alio quovis puncto. Omne corpus, inquit, constat ex tribus dimensionibus. Ergo motus omnium corporum debet habere tres motus simplices. Quænam est relatio unius ad alterum, motuum simplicium ad dimensiones? Præterea omne corpus habet tres dimensiones, at nullum corpus habet tres motus simplices.

4. Supponit corpora esse, vel simplicia, vel composita, & dicit simplicia ea esse quæ in se habent aliquam vim quâ moventur, ut ignis, terra, &c. & composita recipere motum suum à componentibus. Sed hoc sensû, nulla sunt corpora simplicia, nulla enim sunt quæ in se habeant aliquod principium motûs sui. Nulla etiam sunt corpora composita, quia juxta hanc hypothesin, composita supponunt simplicia, quæ non existunt. Hac pacto nulla erunt corpora. Quam ridiculum est corporum simplicitatem definire per potentiam sese movendi. Quis poterit distinctas alligare ideas hisce vocibus corporum simplicium & corporum compositorum, si corpora simplicia duntaxat definiantur per relationem ad vim sese movendi imaginariam? Sed videamus consequentias quas ex istis principijs deducit. Motus circularis est motus simplex; Cælum movetur circulariter; ergo ipsius motus est simplex. Jam autem nullus est motus simplex nisi corporis simplicis, hoc est, corporis quod sese proprijs suis viribus moveat: ergo Cælum est corpus simplex à quatuor elementis quæ secundum lineas rectas moventur distinctum. In toto hocce ratiocinio nihil nisi falsas & absurdas propositiones contineri satis patet. Alia ipsius videamus argumenta, multis enim, ijsque

peffimis , utitur ad probandam rem inutilem & falſam.

Secunda ratio quâ probare intendit , Cœlum eſſe corpus ſimplex à quatuor elementis diſtinctum , ſupponit eſſe motus duplicis generis , alterum naturalem , alterum verò *violentum* , ſeu contra naturam . Verùm ijs omnibus qui de rebus per ideas claras judicant clarè ſatis liquet , nullum eſſe motum violentum , ſeu contra naturam , ſiquidem corpora nullam habent per ſe naturam , aut principium motûs ſui , prout cenſet Ariſtoteles . Omnibus corporibus indifferens eſt , ſive moveantur , & in quancunque partem moveantur , ſive nullomodo moveantur . Ariſtoteles verò de omnibus per ſenſuum impreſſiones judicans , corpora quæ legibus communicationis motuum in certo quodam ſitû , reſpectû aliorum corporum , ſemper collocantur exiſtimat ea ſeſe in illo ſitû propriâ vi ſuâ conſtituere ; quia ſitus ille iſſis commodior & naturæ magis conformis eſt . Illud igitur eſt Ariſtotelis ratiocinium .

Motus circularis Cœli eſt vel naturalis vel contra naturam , ſi naturalis eſt , ut jam dictum eſt , Cœlum eſt corpus ſimplex diſtinctum à quatuor elementis , cùm elementa non moveantur circulariter motû ſuo naturali . Si motus circularis eſt contra naturam Cœli , aut Cœlum eſt unum ex elementis , ut ignis , aut aliud quid . Cœlum non poteſt eſſe ullum ex elementis , nam , exempli gratiâ , ſi Cœlum eſſet igneum , cùm motus naturalis ignis tendat ſurſum , Cœlum haberet duos motus contrarios , motum circularem & motum illum ſurſum tendentem ; quod fieri nequit , cùm corpus unum non poſſit habere duos motus contrarios . Si Cœlum ſit aliud aliquod corpus , quod non moveatur circulariter naturâ ſuâ , aliquem alium habebit motum naturalem , quod fieri nequit , namque ſi motû ſuo ſurſum feratur erit vel ignis , vel aër ; ſi deorſum erit aqua , vel terra : Ergo &c . Omnes horum ratiociniorum abſurditates hic ſpeciatiim indicare ſuperſedeo . In genere tantum aſſeram quæcunque hic loquitur Ariſtoteles , nihil diſtincti ſignificare , & in ijs nihil veri , immò nullam legitimam contineri concluſionem . Tertia ipſius ratio hæc eſt .

Primus & perfectiſſimus omnium motuum ſimplicium , debet eſſe motus corporis ſimplicis , immò primi & perfectiſſimi inter corpora ſimplicia . Sed motus circularis eſt primus & perfectiſſimus motuum ſimplicium ; quia omnis linea circularis eſt perfecta , nulla verò linea recta talis eſt . Nam ſi finita eſt , ipſi aliquid addi poteſt : Si infinita , nondum perfecta eſt , quia ſine caret , & res perfectæ non ſunt niſi ubi finitæ ſunt . Ergo motus circularis eſt primus & perfectiſſimus motuum . Ergo corpus quod circulariter movetur eſt ſimplex , eſt primum & perfectiſſimum corporum ſimplicium . Hæc eſt quarta ipſius ratio .

Omnis motus eſt naturalis vel non , & omnis motus qui non eſt naturalis quibusdam corporibus , naturalis eſt quibusdam alijs . Vi-

demus motus deorsum & sursum tendentes quibusdam corporibus esse naturales, quibusdam verò non. Nam ignis naturâ suâ non descendit, sed terra naturâ suâ descendit. Jam autem motus circularis non est naturalis quatuor elementis: oportet igitur esse aliquod corpus simplex cui motus ille sit naturalis. Ergò Cælum quod circulariter movetur, est corpus simplex à quatuor Elementis distinctum.

Denique motus circularis vel naturalis est vel *violentus* alicui corpori. Si naturalis, corpus illud simplex & perfectissimum esse debere evidens est; si non naturalis; mirum est quòd ille motus semper duret; cum experientia testetur omnes motus non naturales diu non durare. Ex his igitur rationibus concludendum est esse aliquod aliud corpus separatum ab ijs omnibus quæ nos ambiunt, quod eò perfectioris naturæ est, quòd à nobis magis distitum est. Sic ratiocinatur Aristoteles. Verùm cum illius Interpretum peritissimo ausim contendere, ipsum nullas unquam esse alligaturum ideas distinctas terminis quibus utitur; nec ostensurum Aristotelem incipere à rebus simplicissimis, antequam ad maximè complexas procedat. Quod ad rectè ratiocinandum, planè necesse est, ut jam probatum fuit.

Nisi Lectoribus fastidium parere timerem, aliquot adhuc Aristotelis capita transcriberem; sed præterquàm quòd ipsius placita, quum terminis clavis & sermone vulgari exprimuntur inepta omnibus videntur, ex suprâ dictis satis liquet ipsius rationem Philosophandi esse prorsus inutilem ad veritatem inquirendam. Etenim, cum ipse fateatur quinto Capite istius Libri, eos qui ab initio aliquà in re hallucinantur, multò, immò infinitè magis hallucinatos esse si plura proferant, hinc manifestum est neminem sine maximo erroris periculo posse ipsius authoritati sine examine cedere; cum duo prima Capita Libri ipsius sint absurda. Verùm ut res extra omne dubium constitutur, in hoc primo Libro, nullum esse caput, in quo aliqua non includatur absurditas, ostendam.

Tertio Capite, dicit Cælos esse incorruptibiles & omnis alterationis expertes; istius propositionis multa profert argumenta perquam inepta, quia, exempli gratiâ, ibi est habitatio Deorum immortalium & quia in illis nulla unquam observata fuit immutatio. Postrema ista ratio posset admitti, si Aristoteles testaretur aliquem inde rediisse, vel ad corpora cœlestia proximè satis accessisse, ad eorum mutationes accuratè observandas. Immo nescio an quisquam ipsius authoritati nunc cederet, quia telescopia contrarium testantur.

Quarto Capite, motui circulari nullum esse motum contrarium probare conatur, cum tamen motus ab Oriente ad Occidentem manifestò contrarius sit motui ab Occidente versùs Orientem.

Quinto Capite, corpora non esse infinita perperam probat, quia argumentum suum deducit ex motibus corporum simplicium; quid

enim obstat quominus supra primum mobile ab ipso fictum, sit adhuc alia extensio sine motu.

Sexto Capite, probando elementa non esse infinita tempus frustra consumit. Quis enim id in dubium vocet, si cum ipso supponat elementa includi in Cœlo quod illa circumdat. Verum dum id probat per illorum gravitatem & levitatem; certè ludibrium debet. Si, inquit, elementa essent infinita, daretur gravitas & levitas infinita, id fieri nequit; Ergo, &c. Qui ipsius argumentum fusiùs explicatum videre optaverint, illud in ipsius Libris legant. His immorari me piget.

Septimò, pergit probando corpora non esse infinita; & primum ipsius argumentum supponit, necesse esse omne corpus esse in motu; quod non probat, nec probari potest.

Octavò, multos non esse mundos ejusdem speciei hac egregiâ ratione defendit, quòd si alia esset terra ab eâ quam habitamus, cum terra sit gravis naturâ suâ; terra illa in nostram delaberetur quia nostra est centrum quò decidere debent omnia corpora gravia. Unde hoc accepit nisi à sensibus?

Nonò, multos mundos existere nequidem posse; quia si esset aliquod corpus supra cœlum, esset simplex, vel compositum; in statu naturali, aut violento, quod esse nequit tribus rationibus quas haurit ex tribus speciebus motûs, de quibus jam dictum est.

Decimò, mundum æternum esse asserit, quia fieri nequit ut inceperit existere, & semper duret; cum videamus quicquid sit temporis successu corrumpi. Id accepit quidem à sensibus. Sed unde accepit mundum esse semper duraturum?

Totum undecimum Caput infumit explicando quid intelligatur per incorruptibile, quasi æquivocatio hîc esset periculosa, & magnum explicationis suæ esset admissurus usum. Attamen vox illa *incorruptibile*, adeò clara est per se, ut Aristoteles negligat explicare quid per eam sit intelligendum, & quid ipse intelligat. Prudentiùs fecisset si innumeros explicasset terminos quibus utitur, qui nihil præter ideas sensibiles excitant: namque hoc pacto ex ipsius operum lectione aliqua forsan redjisset utilitas.

Denique ultimo Capite primi istius Libri de Cœlo, mundum esse incorruptibilem ostendere conatur, quia fieri nequit illum incepisse, & tamen semper durare. Omnia, inquit, subsistunt per tempus finitum, vel infinitum. Sed quod infinitum est duntaxat uno sensu, nec est infinitum, nec finitum. Ergò nihil potest subsistere hoc modo.

Atque sic ratioecinatur Princeps Philosophorum, & genius naturæ; qui cum deberet veram effectuum naturalium causam patefacere per ideas claras & distinctas, Philosophiam Ethnicam statuit, sequendo falsas

& confusas sensuum ideas, vel ideas generaliores quàm ut veritati inservire possint.

Hic Aristotelem non carpo, quòd ignoraverit mundum à Deo in tempore creatum fuisse, ad manifestandam ipsius potentiam & dependentiam creaturarum ab ipso; illum mundum nunquam esse à Deo destruendum, ut pateret ipsum, utpote immutabilem, consiliorum suorum nunquam pœnitere. Sed Aristoteli ignoscere nequeo, dum invalidis probat rationibus mundum extitisse ab æterno. Si in sententijs quas defendit videatur aliquando excusabilis, saltem in rationibus quas profert, dum de rebus paulò difficilioribus agit, excusari unquam nequit. Ex suprà dictis id jam satis constat; Licet omnes errores in illis ipsius libris mihi obvios hîc non recensuerim, & ipsius sententias clariùs exposuerim quàm illas exponere solet.

Verùm ut luce meridianâ clariùs pateat *genium nature* ipsius arcana nunquam esse revelaturum, operæ pretium est ostendere, principia quibus utitur Philosophus ille ad explicandos naturæ effectus omni soliditate carere.

cap. 3. l. 3. de
Cælo.

In Physicâ nil quicquam posse retegì manifestum est, nisi initium fiat à corporibus simplicissimis, hoc est, ab elementis: namque elementa sunt corpora in quæ cætera resolvuntur, quia in ipsis continentur, aut actû, aut potentiâ; Aristoteles sic definit elementa. Verùm in illius operibus non reperias ipsum per ideam distinctam explicuisse hæc corpora simplicia in quæ cætera resolvi existimat: cum itaque elementa ipsius clarè non cognoscantur, naturam corporum quæ ex ijs constant cognosci non posse hinc sequitur.

Quatuor esse elementa, ignem, aërem, aquam, & terram, dicit equidem Philosophus. Sed eorum naturam clarè non explicat; nullam eorum ideam distinctam tradit; nequidem existimat illa quæ statuit elementa esse ignem, aërem, aquam & terram quæ videmus, si enim id sic se haberet, saltem aliquam haberemus illorum cognitionem per sensus nostros. Conatur equidem in multis operum suorum locis elementa explicare per qualitates caloris & frigoris, humiditatis & siccitatis, gravitatis & levitatis. Verùm hæc ratio illa explicandi inepta est, ut stupendum sit tot viros eruditos in illâ acquievisse. Atque illud jam sum ostensurus.

Aristoteles in Libro suo *de Cælo*, existimat terram esse in centro mundi, & omnia corpora quæ simplicia appellare amat, moveri debere motibus simplicibus, quia supponit ea per se naturâ suâ moveri. Præter motum circularem, quem simplicem esse defendit, & quòd probat cælum esse corpus simplex, quia supponit illud moveri circulariter, asserit duos duntaxat esse simplices; alterum deorsum tendentem, seu à circumferentiâ ad centrum, alterum sursum, seu

à Centro versùs circumferentiam. Afferit præterea istos motus simplices corporibus simplicibus competere; ac per consequens, terram & ignem esse corpora simplicia, quorum alterum omninò grave est, alterum verò omninò leve. Quia verò gravitas & levitas corpori possunt competere vel adæquatè vel inadæquatè, concludit esse adhuc duo elementa, seu duo corpora simplicia, quorum alterum leve est inadæquatè duntaxat, alterum verò grave inadæquatè, nempe aquam & aërem. Atque sic probat esse quatuor elementa, nec esse plura.

Ijs qui hominum opiniones propriâ ratione suâ examinant manifestum est; hæc omnes propositiones esse falsas, vel saltem haberi non posse ut principia clara & indubitata, quorum suppetant ideæ claræ & distinctæ, quæque Physicæ fundamentum esse possint. Numerum elementorum per qualitates imaginarias gravitatis & levitatis statuere velle, dicendo duntaxat & sine probatione, esse quædam corpora gravia alia verò levia naturâ suâ, certè omnem absurditatem superat. Etenim, si res nullo argumento innixas deblaterare unusquisque velit, facile erit dicere omnia corpora esse gravia naturâ suâ, & ed tendere ut accedant ad centrum mundi, hoc est, ad locum quietis suæ; alius verò contrâ poterit defendere omnia corpora esse levia naturâ suâ, & ed tendere ut versùs Cœlum extollantur, tanquam versùs locum perfectionis suæ. Namque si quis ei obijciat qui dixerit omnia corpora esse gravia naturâ suâ, aërem tamen & ignem esse leves; statim respondebit, ignem & aërem non esse leves; sed equidem esse minùs graves quàm aqua & terra; & hanc ob causam videri leves: De his elementis non secùs se habere ac de ligno quod leve videtur in aquâ, non quòd per se leve sit, cum in terram decidat quando est in aëre, sed quia aqua gravior, ligno se submittens, illud sustinet & extollit.

Si contrâ ei obijciatur, qui omnia corpora esse levia naturâ suâ dixerit, terram & aquam esse tamen graves, pariter respondebit, hæc corpora videri gravia, quia æquè levia non sunt ac cetera quibus ambiuntur. Lignum, exempli gratiâ, videri grave, ubi est in aëre, non quòd sit grave per se, cum ascendat ubi est in aquâ, sed quia aëre minùs leve est.

Ridiculum ergò est supponere ut principia indubitata, corpora esse levia aut gravia naturâ suâ. Immo, nullum corpus in se habere vim sese movendi evidens est; ac perinde esse si moveatur fursùm aut deorsùm, ab Oriente versùs Occidentem, vel ab Occidente ad Orientem, à Polo Meridionali ad Septentrionalem, aut aliò quovis modò.

Sed concedamus Aristoteli esse quatuor elementa quæ illa statuit, quorum duo gravia sint, duo verò levia naturâ suâ, nempe, ignem, aërem, aquam & terram. Quid inde consequetur ad Natu-

ræ cognitionem ? Quatuor hæc Elementa non sunt ignis, aër, aqua & terra quæ videmus; aliud prorsus est. Illa sensibus non cognoscimus, multò minùs ratione, cum illorum nullam habeamus ideam. Equidem concedam omnia corpora naturalia ex istis elementis esse composita; etenim id dixit Aristoteles. Sed natura istorum corporum compositorum nobis nota non est; & illa cognoscere non possumus, nisi priùs cognoscamus quatuor elementa, seu corpora simplicia ex quibus constant, compositum enim cognosci nequit nisi per simplex.

Ignis, inquit Aristoteles, est levis naturâ suâ. Motus sursum tendens est motus simplex, ergò ignis est corpus simplex, cum motus debeat proportionem æquari cum mobili. Corpora naturalia constant ex corporibus simplicibus; ergò est ignis in omnibus corporibus naturalibus. Sed igni illi quem videmus nequaquam similis; namque sæpè est *in potentia* duntaxat in corporibus quæ ex illo componuntur. Quid, quæso, ex Peripateticis illis ratiocinijs addiscimus? Ignem, scilicet, esse in omnibus corporibus sive *actualement*, sive *potentialement*; hoc est, omnia corpora constare ex re quæ conspicua non est & cujus natura non cognoscitur. Atque hoc egregium ex Aristotelis lectione emolumentum.

At si Aristoteles nos non doceat naturam ignis & aliorum elementorum, ex quibus omnia corpora constant, forsitan quis posset existimare illorum qualitates & præcipuas proprietates ab ipso saltem explicari; hoc est quod jam examinandum venit.

l. 1. c. 2. & 3. de Gen. & Corrupt. Cap. 2. Afferit esse quatuor præcipuas qualitates ad tactum pertinentes, calorem, frigus, humiditatem & siccitatem, ex quibus cæteræ omnes constant; atque hoc ordine quatuor elementis hæc primas qualitates distribuit. Igni calorem & siccitatem, aëri calorem & humiditatem, aquæ frigus & humiditatem, terræ frigus & siccitatem tribuit. Afferit calorem & frigus esse qualitates activas, ut siccitas & humiditas sunt qualitates passivæ. Calorem definit, *id quod congregat res homogeneas*, frigus, *id quod congregat omnia sive homogenea, sive heterogenea*; humidum, *id quod non continetur facile proprijs suis terminis, sed facile alienis*, & siccum, *id quod continetur facile proprijs suis terminis, nec facile accommodatur terminis corporum ambientium*.

Itaque, secundum Aristotelem, ignis est elementum calidum & siccum: Ergò est elementum quod congregat res homogeneas, & facile continetur proprijs suis terminis difficulter verò alienis. Aër est elementum calidum & humidum; ergò est elementum quod congregat res homogeneas, nec facile continetur proprijs terminis, facile verò alienis. Aqua est elementum frigidum & humidum; Ergò est elementum quod congregat res homogeneas & heterogeneas, nec facile continetur proprijs terminis sed alienis. Denique Terra est frigida & sicca; ergò est elementum quod congregat res homogeneas & heterogeneas, quod

quod facillè continetur proprijs terminis, difficulter verò accommodatur alienis.

Hæc sunt Elementa explicata juxta sententiam Aristotelis, vel juxta definitiones quas tradidit de illorum præcipuis qualitatibus: Quia verò, si ipsi credimus, Elementa sunt corpora simplicia, ex quibus cætera constant, & illorum qualitates, sunt qualitates simplices, ex quibus cæteræ componuntur; cognitio horum elementorum & illarum qualitatum debet esse admodum clara & distincta, cum tota Physica, hoc est, cognitio corporum sensibilibus, quæ ex ijs constant, inde pendeat.

Videamus igitur quid in illis principijs desideretur. Primò, Aristoteles nullam ideam distinctam alligat voci qualitatis. Dubium est an per qualitatem intelligat ens quoddam reale distinctum à materiâ, an verò duntaxat modificationem materiæ. Vocem illam aliquandò uno sensu, aliquandò verò alio intelligere videtur. Equidem octavo Capite de Cathgorijs, qualitatem definit, id quod efficit ut res dicantur tales, verum id non est propriè quod quæritur. Secundò, definitiones quas dat quatuor primarum qualitatum, caloris, frigoris, humiditatis & siccitatis omnes sunt falsæ, aut inutiles. Sic definit calorem. *Calor, est id quod congregat homogenea.*

Primò, hac definitione caloris natura adæquatè non explicatur, licet verum esset calorem semper congregare homogenea.

Secundò, falsum est calorem congregare homogenea. Calor partes aquæ non congregat, illas potius in vapores dissipat. Non congregat partes vini, nec partes cujuslibet aliûs liquoris, seu corporis fluidi; immò nec partes argenti vivi. Contrà omnia corpora solida & fluida homogenea & heterogenea resolvit & disgregat. Ac si quædam sint; quorum partes ignis non possit dissipare, id non fit quòd sint ejusdem naturæ, sed quia sunt crassiores & solidiores quàm ut possint abripi motu partium ignis.

Tertiò, ut dicam quod res est, calor non potest congregare nec disgregare partes ullius corporis, sive homogenei, sive heterogenei. Ut enim congregentur, dissipentur, separentur partes alicujus corporis, necesse est movere illas. Jam autem calor nihil potest movere; Vel saltem calorem posse movere corpora evidens non est; Etenim, ad caloris naturam quantumvis attendam, deprehendere nequeo illum corpori communicare motum quem ipse non habet, videmus equidem ignem movere & separare partes corporum sibi obviatorum, sed id forsitan non fit ipsius calore, immò ignem calore prædictum esse evidens non est. Id potius fit perpetuâ illius partium actione, quas in perpetuo motu esse manifestum est. Evidens est, partes ignis, si in aliquod corpus incidant, ipsi communicare

debere aliquam partem motûs tui; siue sit calor in igne, siue non. Si partes istius corporis sunt parùm solidæ, ignis illas dissipare debet, si sint admodùm solidæ & crassæ, ignis eas tantùm movebit, & efficiet ut mutuò sese confricent; Denique si corpus illud ex partibus subtilibus & crassis simul mixtis constet, ignis eas tantùm dissipabit, quas satis impellet ut ab alijs separentur. Itaque ignis duntaxat potest separare; ac, si congreget, id fit duntaxat per accidens. Verùm Aristoteles contrarium planè sentit. *Diffringere*, inquit, quod nonnulli igni tribuunt, nihil aliud est quàm congregare homogenea; namque per accidens duntaxat ignis effert res heterogeneas.

De Gen. &
Cael. 1. 2. c. 2

Si Aristoteles ab initio distinxisset sensum caloris à motû particularum, ex quibus constant corpora calida dicta; ac postea definivisset calorem acceptum pro motû partium, dicendo calorem esse id quod agit & separat partes invisibiles ex quibus constant corpora visibilia, definitionem caloris tradidisset non rejiciendam. Illà penitus satis non fieret; quia præcisè non explicaret naturam motuum corporum calidorum.

Aristoteles frigus definit, id quod congregat corpora homogenea & heterogenea. Iterùm hæc definitio non est legitima, falsum enim est frigus congregare corpora. Ut corpora congregentur, necesse est illa movere, jam si ratio auscultetur, frigus non posse movere evidens erit. Reverà per frigus intelligimus vel id quod sentimus dum frigemus, vel id quod gignit sensum frigoris. Jam autem clarum est sensum frigoris nihil posse movere, cum nihil possit pellere. Quod verò gignit frigoris sensum, evidens est, si res æquâ judicij lance pendatur, illud nihil aliud esse quàm quietem aut cessationem motûs. Itaque cum frigus in corporibus nihil aliud sit quàm cessatio illius motûs qui calorem gignit evidens est si calor sepatet, frigus non separare. Itaque frigus nec res homogeneas nec heterogeneas congregat, quod enim nihil potest pellere, nihil etiam potest congregare, uno verbo, cum nihil agat, nihil congregat.

Aristoteles de rebus per sensus judicans, frigus æquè positivum esse ac calorem arbitratur, quia sensationes caloris & frigoris sunt ambæ reales & positivæ; atque etiam duas illas qualitates activas esse existimat. Reipsâ si impressiones sensuum sequamur, frigus esse qualitatem activam meritis credimus; cum aqua frigida congelet, congreget & obduret unico momento aurum & plumbum liquefacta, postquam è fornace super modicam aquæ portionem infusa fuere, quamvis calor istorum Metallorum satis adhuc vehemens sit ad separandas partes corporum quæ tangunt.

Vid. 1. 7. lib. 2.
Cael. ad 19

Ex ijs quæ à nobis de erroribus sensuum Primo Libro dicta sunt, patet, eum qui sensibus duntaxat utitur ad examinandas qualitates corporum sensibilibus, nullam unquam posse retinere veri-

tatem certam, quâ uti possit veluti principiò ad cognoscendam naturam. Hac enim viâ nequidem deprehendere possumus quænam sint calida, quænam verò frigida. Ex multis hominibus qui manus admovent aquæ tepidæ, alij illam calidam, alij verò frigidam sentiunt. Qui calent illam reperiunt frigidam, qui frigent illam sentiunt calidam. Ac si pisces sensûs capaces esse supponantur, verisimile est aquam ipsis calidam videri, dum hominibus frigidissima videtur. De aëre, res non secûs se habet, juxta varias corporis dispositiones, calidus aut frigidus videtur. Aristoteles illum esse calidum existimat verum haud putem Septentrionis incolas cum ipso hac in re sentire, cum etiam complures docti, quorum regio non est minus calida regione Græciæ asseruerint aërem esse frigidum. Verum hæc quæstio, quæ in Scholâ magni momenti semper visa fuit, nunquam decideret, quin prius idea distincta voci caloris alligeretur.

Definitiones caloris & frigoris ab Aristotele traditæ, neutrius ideam possunt determinare. Aër, exempli gratiâ, & aqua ipsa quantumvis calida & fervida, congregant partes plumbi liquefacti, cum partibus cujusslibet alius Metalli. Aër congregat omnes adipēs junctas resinis, & quibusslibet alijs corporibus solidis. Ac certè is tenax Peripateticus esset qui lithocollam aëri exponeret ad separandum cinerem à pice, aut quædam alia corpora composita ad ea decomponenda. Aër igitur non est calidus juxta definitionem caloris ab Aristotele traditam. Aër separat liquores à corporibus ijs imbutis, indurat lutum, lintea expansa exsiccat, quamvis Aristoteles illum dicat humidum; ergò aër est calidus secundum eandem definitionem. Hac igitur definitione non potest determinari an aër sit calidus an verò non. Possumus equidem asserere aërem esse calidum respectu luti, cum separet aquam à terra cui conjuncta est. At verò an erunt exploranda omnia aëris effecta in omnia corpora, ut sciamus an sit calor in aëre quem respiramus. Si sic procedatur res nunquam certa evadet. Itaque multò tutius est non Philosophari de aëre quem respiramus; Sed de quodam aëre puro & elementari, qui in hac sublunari regione non reperitur; & asserendum est positivè, ut Aristoteles, illum esse calidum; nec ad id probandum opus est argumentis, immò quid per illum aërem illiusque calorem intelligatur perinde esse debet. Namque hoc pacto tradentur principia, quæ difficile erit evertere; non propter ipsorum evidentiam & soliditatem, sed quia obscura sunt, & spectris similia, quæ lædi nequeunt, quia corpore sunt destituta.

Definitionibus ab Aristotele traditis de humiditate & siccitate hic non immoror, quia illarum qualitarum naturam hisce definitio-

nibus non explicari evidenter satis patet. Namque secundum hasce definitiones ignis non est siccus, cum proprijs suis terminis facile non contineatur; glacies non est humida, quippe quæ proprijs suis terminis facile contineatur, & alienis non nisi difficulter accommodetur. Glacies equidem non est humida, si per *humidum* intelligatur *fluidum*; Verum si res sic intelligatur, dicendum est flammam esse admodum humidam æquè ac aurum & plumbum liquefacta. Verum quoque est glaciem non esse humidam, si per *humidum* intelligatur id quod rebus quas tangit facile adhæret: sed hoc sensû, pix, adeps, & oleum aquâ multò humidiora sunt, cum corporibus quæ attingunt tenaciùs adhæreant quàm aqua. Eò sensû argentum vivum est humidum, namque metallis adhæret; & ipsa aqua non est perfectè humida, nam plerisque metallis non adhærescit. Itaque ad defendendas Aristotelis opiniones nequidem ad sensuum testimonium confugiendum est.

Verum à longiori egregiarum istius Philosophi definitionum circa quatuor qualitates elementares, examine superfedeamus: & supponamus etiam quæcunque à sensibus circa hasce qualitates accipimus vera esse. Fidem nostram denuò excitemus, & hasce definitiones esse perquam legitimas credamus. Videamus duntaxat an reverà omnes qualitates corporum sensibilibus constent ex hisce qualitatibus elementaribus. Id censet Aristoteles, meritò quidem, cum quatuor hasce primas qualitates habeat tanquam principia rerum, quas in Libris Physices nobis est explicaturus.

Nos igitur docet colores generari ex commistione quatuor qualitatum elementarium. Album fieri, ubi humiditas superat calorem, ut in senibus qui canescunt; nigrum, ubi humiditas exsiccat, ut in muris cisternarum; & sic de ceteris coloribus; odores & sapes etiam fieri per variam *siccæ* & *humidæ* commistionem calore & frigore factam: immò gravitatem & levitatem ab ijs pendere. Unò verbò juxta Aristotelem, necesse est omnes qualitates sensibiles produci à duabus qualitatibus *activis* calore & frigore, & constare ex duabus *passivis* humiditate & siccitate; ut inter ipsius principia & consequentias quas ex ijs deducit, quædam sit verisimilis connexio.

Hæc omnia tamen cæteris à nobis hætenus ex Aristotele allatis creditò difficiliora videntur. Vix credibile est terram & alia elementa non fore colorata, aut visibilia, si essent in puris naturalibus, sine ullâ admistione qualitatum elementarium, licet docti Interpretes istius Philosophi id nobis asserant. Quid sibi velit Aristoteles non satis mihi notum est, dum canitiem capillorum ex humiditate oriri dicit, quia humiditas senum ipsorum calorem superat; licet ut illius mentem melius possim assequi, definitionem posuerim locò definiti. Quis propositionem adeò absurdam posset intel-

figere; capillos, scilicet, canescere in senibus, quia *id quod non facile continetur propriis suis terminis sed alienis superat id quod congregat homogenea*. Haud putem saporem ab ipso aptius explicari, ubi dicit illum consistere in conjunctione siccitatis, humiditatis & caloris, præcipue quum hisce vocibus adaptantur & substituantur definitiones ab Aristotele traditæ, ut id fieri oporteret, si essent bonæ. Immo forsitan risum vix ille posset tenere, qui locò definitionum famis & sitis quas tradit Aristoteles dicendo famem esse appetitum *ca-* Lib. 2 c. 3. de
lidi & sitis, sitim verò appetitum *frigidi & humidi*, substitueret defini- ANIM. A.
tiones horum terminorum appellando famem, *desiderium illius quod congregat homogenea*, & illius quod *facile continetur propriis suis terminis*, *difficile verò alienis*, & definiendo sitim, *desiderium illius quod congregat homogenea & heterogenea*; quodque *quamvis propriis suis terminis facile non continetur*, *alienis tamen facile continetur*.

Certe lex est utilissima ad cognoscendum an termini fuerint benè definiti, & ad vitandum errorem in ratiocinijs nostris, definitionem definito substituere. Hac enim ratione deprehenditur an termini sint æquivoci, & mensuræ relationum falsæ & imperfectæ, an verò ratiocinia sint legitima. Hoc posito, quid sentiendum erit de ratiocinijs Aristotelis, quæ nihil sunt quàm inanis & absurda verborum farrago, ubi juxta hanc regulam examinantur? Quid pariter dicendum erit de ijs omnibus qui juxta ideas sensuum falsas & confusas duntaxat ratiocinantur, cum hæc regula quæ ratiocinijs iustis & solidis lucem & evidentiam conciliat, nihil præter confusionem ipsorum dictis afferat.

Totam ineptiam & absurditatem explicationum Aristotelis circa res quaslibet, exponere nemo potest. Ubi quæ tractat simplicia sunt & facilia, ipsius errores sunt simplices, nec magno negotio possunt deprehendi. Ubi verò quæstiones compositas & ex multis causis pendentes explicare aggreditur, ipsius errores non minùs, ne quid dicam ampliùs, compositi sunt, quàm res quas tractat, nec possunt ipsi errores satis enucleari ut clarè alijs exponantur.

Sublime illud ingenium à quo ita eximè ad benè definiendum regulæ traditæ existimantur, nequidem novit quænam sint definienda; cum enim nullam admittat distinctionem inter cognitionem claram & distinctam, & cognitionem sensibus haustam, res quarum nequidem habet ideam distinctam, cognoscere autumat, & alijs explicare satagit. Definitiones rerum naturam debent explicare, & termini ex quibus constant, ideas distinctas & speciales in mente excitare debent. Verùm qualitates sensibiles caloris, frigoris, coloris, saporis, &c. hoc pacto explicari nequeunt, ubi effectum cum causa, motus corporum cum sensatione quæ illum comitatur, confunduntur: cum enim sensationes sint modificationes mentis, quæ

non cognoscuntur per ideas claras, sed tantum per sensum internum, seu conscientiam, ut tertio Libro exposui, ideas quas non habemus vocibus adaptare nequimus.

Cum ideas distinctas circuli, quadrati, trianguli, & eorum hoc pacto cognitionem distinctam habeamus, ea etiam accurate definire possumus; immò ex ideis quas habemus de illis figuris possumus deducere omnes illarum proprietates, & eas terminis claris & distinctis alijs explicare: Sed calor & frigus, quatenus sunt qualitates sensibiles, explicari nequeunt, quippe non distinctè & per ideam, sed tantum conscientiam vel sensum interno cognoscuntur.

Calor qui est extra nos non debet pariter definiri per effecta quædam, nam si illius loco substituaturs definitio, quæ ipsi affingeretur, satis patebit hanc definitionem menti in errorem injiciendæ duntaxat inservire posse. Si, exempli gratiâ, calor definiatur id quod congregat homogenea, nihil addendo præterea, juxta hanc definitionem, pro calore accipi poterunt; res illi prorsus ab similes. Magnes dici poterit coacervare scobem seu ramentum ferri, illudque ab argenti ramento separare quia calidus est: Columbam semen canabinum ab alio grano separare, quia columba est calida: Avarum nummos aureos ab argenteis discernere; quia ipse calet. Denique si quis eò stupiditatis deveniret ut hanc sequeretur definitionem, nullo errore non implicaretur. Hæc igitur definitio caloris naturam non explicat, nec illius ope possunt deduci caloris proprietates: quippe si ipsius terminis præcisè adhæreamus, definitionemque in definiti locum substituamus, in absurditatem ruemus.

Si tamen calor ab ipsius causa accurate distinguatur, licet non possit definiri, quippe quæ sit modificatio mentis, cujus nullam habemus ideam, illius tamen causa potest definiri, quia motus ideam habemus distinctam. Sed observandum est calorem acceptum pro tali vel tali motu, in nobis caloris sensationem non semper gignere. Nam aqua, exempli gratiâ, est calida, cum ipsius partes sint fluidæ & in motu, & verisimile sit illam piscibus esse calidam, cumque saltem calidior sit glacie cujus partes sunt in majori quiete; sed frigida est respectu nostri, quia partes ipsius minus moventur quam partes corporis nostri; quippe quod minorem habet motum quam aliud, dici potest esse in quiete respectu alterius. Itaque relatè ad motum fibrarum corporis nostri non definienda est causa caloris, aut motus qui eum excitat; motus ille, si fieri possit, absolutè & in se definiendus est. Tunc definitiones quæ de ipso tradentur, ad patefaciendum naturam & proprietates caloris inservire poterunt.

Longiori, ni fallor, Aristotelicæ Philosophiæ examine abstinere possum; nec erroribus illius admodum confusis & intricatis, expediendis diutius insistere operæ pretium non est. Philosophum

quatuor elementa ab ipso posita nec probare, nec benè definire; ipsius qualitates elementares tales non esse quales illas existimat, earum naturam ab ipso non cognosci; & omnes qualitates secundas ex ijs non constare; ac denique licet ipsi concederetur ex quatuor istis elementis omnia corpora esse composita, ut qualitates secundæ illorum, totum ipsius systema fore tamen inutile, ad inquirendam veritatem, quia ipsius ideæ satis non sunt claræ ad evidentiam in rationibus nostris semper conservandam, clarè satis demonstrasse mihi videor.

Si quis me veras Aristotelis opiniones non explicuisse suspicetur, potest rem comperire ex ipsius Libris de Cælo, & de generatione & corruptione. Hinc enim ex scripsi quæcunque suprà à me dicta sunt. De octo Libris Physices nihil asserre volui, quia non pauci docti existimant illos esse meram Logicam; quod à verisimili non abhorret, cum ibi nihil præter terminos vagos & indeterminatos reperitur.

Cum Aristoteles sibi sæpè contradicat, & quælibet opiniones possint defendi quibusdam locis ex ipso depromptis, mihi dubium non est quin ex ipso Aristotele possint probari quædam sententiæ ijs contrariæ quæ ipsi à me fuerunt attributæ. Verum hanc rem meam non facio. Sufficit dicta mea ex Libris Aristotelis modò citatis probari posse. Immo an Libri illi Aristotelis sint nunc parùm sollicitus sum, illo qualis est, & qualis vulgò admittitur utor; quippe eorum quæ parvi facimus genealogiam anxie disquirere futile foret.

CAPUT VI.

Præcepta generalia necessaria ut ordine procedatur in inquirenda veritate & in delectu scientiarum.

ME in hoc opere duntaxat destruere, nihil verò certi & indubitati statuere, ne quis objiciat; ordinem in Studijs, erroris vitandi gratiâ, observandum à me hîc breviter exponi; immò nonnullas veritates & scientias maximè necessarias, in quibus talis sit evidentia, ut assensus cohiberi nequeat, sine arcanis rationis oburgationibus, à me indicari operæ pretium est. Hasce veritates & scientias fusè non explicabo, res ab alijs jam peracta est, aliorum opera typis denuò mandare non est animus, sufficiet mihi Lectorem ad illa amandare. Ordinem duntaxat ostendam ob-

servandum in studio illorum librorum, ut evidentia in perceptionibus semper conservetur.

Cognitionum nostrarum prima est cognitio existentiae mentis nostrae; omnes nostrae cogitationes illam existentiam invictè demonstrant, namque evidentissimum est ut quod maximè, id quod actū cogitat esse actū quid, seu actū existere. Verum si mentis existentia facile cognoscatur, ipsius essentia & natura aequè facile non cognoscitur. Si qualis sit scire velimus, cavendum est ne illam confundamus cum rebus quibus unita est. Si dubitemus, velimus, ratiocinemur, tantummodò credendum est mentem esse rem quæ dubitat, vult & ratiocinatur, nihil præterea, quandiù alias in eâ non deprehenderimus proprietates; mentem enim nostram non cognoscimus nisi sensû interno quem de illâ habemus. Mens accipienda non est pro corpore, pro sanguine, pro spiritibus animalibus, pro igne, nec pro innumeris alijs rebus quas Philosophi pro animâ acceperunt. De mente id duntaxat credendum est quod de illâ non credere non possumus, cujusque planè convincimur sensû interno quem de nobis habemus, nam alioqui falleremur. Itaque simplici visû seu sensû interno cognoscemus quicquid de mente cognosci potest, nec adigemur ad ratiocinia errori obnoxia. Ubi enim ratiocinamur, memoria nostra agit; jam autem ubi agit memoria potest esse error, supponendo esse aliquem genium à quo in cognitionibus nostris pendeamus, quique nos decipiendo delectetur.

Si, exempli gratiâ, supponerem Deum aliquem in eò delectari ut me decipiat, cum me tamen in cognitionibus simplicis intuitûs decipere non posse persuasus sum, veluti quum cognosco me esse, me cogitare, & bis duo esse quatuor. Etsi enim talem Deum, & quantumvis potentem fingerem, percipio tamen, nonobstante absurdâ illa suppositione, me quin sim, & quin bis duo æqualia sint numero quatuor nequaquam dubitare posse, quoniam ista simplici intuitû & absque usu memoriæ cognosco.

Quando autem ratiocinor, cum ratiociniorum meorum principia clarè & evidenter non videam, & ea me evidenter vidisse tantum meminerim, si *Deus ille* memoriam istam falsis principijs connecteret, ut id, si vellet, efficere posset, falsò tantum ratiocinarer. Eò ferè modò quò ij qui longas instituunt computationes, se, quòd alias cognoverint novies novem esse 72, vel 21. esse numerum primum, vel alicujus similis erroris probè meminisse sæpè autumant.

Sic igitur Deum, eumque nullomodo deceptorem agnoscere necesse est, si planè convinci & certiores esse velimus quòd certissimæ scientiæ, ut Arithmetica & Geometria, veræ sint scientiæ. Absque eo enim certa non est evidentia, & cohiberi potest assensus. Et præterea necesse est ut simplici intuitû agnoscamus Deum non esse decepto-

deceptorem quia ratiocinium potest semper esse falsum, si Deus supponatur fallax.

Omnia argumenta quæ vulgò afferri solent ad probandum Dei existentiam & ipsius perfectiones, deprompta ex existentia & perfectionibus creaturarum, hoc vitio laborare mihi videntur, quòd, nempe, mentem simplici visù non convincant, hæc argumenta equidem sunt ratiocinia quæ per se convincunt; sed cum sint ratiocinia, non convincunt, supposito malo genio qui nos fallat; Potentiam quandam esse nobis superiorem satis equidem convincunt, id enim adstruit hæc ipsa ridicula suppositio; sed planè non convincunt esse Deum seu Ens infinitè perfectum. Itaque in hisce ratiociniis conclusio evidentior est principio.

Potentiam quandam existere nobis superiorem evidentius est quàm existere mundum; cum nulla suppositio ob stare possit quòd minùs demonstretur superior illa potentia; cum è contra, supposito malo genio qui nos decipiendo delectetur, existentia mundi probari nequeat. Semper enim possemus concipere, malum illum genium in nobis excitare sensationes rerum quæ non existerent. Namque per somnum & per quosdam morbos res quasdam videre nobis videmur quæ nunquam extirere; immò quandoque actù sensimus dolorem in membris imaginariis, quæ ampliùs non habemus, vel quæ nunquam habuimus.

Sed argumenta existentie & perfectionum Dei deducta ex ideâ infiniti quam habemus, sunt argumenta simplicis visûs. Statim atque infinitum videmus, Deum existere pariter videmus. Quia existentia necessaria includitur in ideâ infiniti, ac solum infinitum potest nobis præbere ideam quam habemus entis infiniti. Hinc etiam videmus Deum non esse fallacem, cum enim sciamus illum esse infinitè perfectum, & infinito nullam posse deesse perfectionem, clarè videmus ipsum nolle nos decipere, immò non posse, cum nihil possit præter id quod vult, vel id quod potest velle. Existit itaque Deus & quidem Deus verax qui nos nunquam decipit, quamvis semper non illuminet, & sæpe ipsi nosmet decipiamus, dum nos non illuminat. Omnes illæ veritates simplici visù ab ingeniis attentis percipiuntur, quamvis hic ratiocinia formare videamur, ut eas aliis exponamus. Veritates illas possumus supponere ut principia indubitata quibus in ratiociniis inniti possumus; cum enim agnovimus Deum nos decipiendo non delectari, jam libenter possumus ratiocinari.

Hoc principio, Deum, scilicet, existere, ipsùmque non esse fallacem, fidem etiam statuminari manifestum est. Namque existentia Dei & infallibilitas autoritatis Divinæ sunt potiùs cognitiones naturales & notiones communes ingeniis ad rem attentis, quàm articuli fidei; quamvis nemo sine speciali Dei dono, capax eva-

M m m

dere possit attentionis necessariae ad veritates illas bene percipiendas.

Ex hoc principio, *Deum non esse fallacem*, possemus etiam concludere nobis revera esse corpus, cui arête unimur, & nos multis aliis corporibus circumdari. Nam illorum existentiae sensationibus perpetuis quas Deus in nobis excitat, quasque illa fide non possumus ratione corrigere, intus convincimur; quamvis ratione corrigere possimus sensationes quae illa nobis repraesentant cum qualitatibus & perfectionibus quibusdam quas non habent. Itaque credere non debemus corpora talia esse, qualia illa videmus aut imaginamur, sed illa duntaxat existere, & talia esse, qualia illa ratione concipimus.

Vide illustr.
ad 10. Cap.
2. lib.

Ut verò ordine ratiocinemur, nondum examinare par est an corpus habeamus, & an aliis circumdemur, an verò illorum duntaxat habeamus sensationes, licet actû non existant. Hæc quæstio nimias includit difficultates, nec forsan illius solutio ad perficiendas cognitiones nostras, nec etiam ad accuratam Physicæ, Ethicæ, & aliarum quarundam scientiarum cognitionem assequendam, tam necessaria est, quàm vulgò putatur.

Numerorum & extensionis, quorum existentia extra omne dubium posita est & natura immutabilis, ideas habemus, quæ cogitandi materiam perpetuam nobis præberent, si omnes relationes quas inter se habent cognoscere vellemus. Ac necesse est nos ab hisce ideis initium facere ingenio nostro utendi, propter rationes quas hic recensere operæ pretium est. Tres sunt præcipuæ.

1. Quia illæ ideæ omnium sunt clarissimæ & evidentissimæ. Si enim ad vitandum errorem, in ratiociniis semper sit conservanda evidentia, manifestum est potius esse ratiocinandum juxta ideas numerorum & extensionis, quàm juxta ideas confusas aut compositas, Physicæ, Ethicæ, Chymicæ, & aliarum scientiarum.

2. Quia illæ ideæ omnium sunt distinctissimæ & accuratissimæ. Adeò ut habitus qui in Arithmetica & in Geometria contrahitur, non acquiescendi nisi prius rerum relationes præcisè cognitæ fuerint, menti quandam communicet accurationem, quâ non fruuntur qui verisimilitudinibus aliarum scientiarum contenti sunt.

3. Præcipuè, quia illæ ideæ sunt regulæ immutabiles & mensuræ communes omnium quæ cognoscimus & cognoscere possumus. Qui numerorum & figurarum relationes perfecte cognoscunt, vel potius qui comparationes necessarias instituere norunt ad cognoscendas numerorum & figurarum relationes, quandam scientiam universalem & rationem notissimam ad omnia quæ limites mentis humanæ non excedunt, certò & evidenter retegenda possident. Qui verò hac arte carent, veritates paulò complexiores certò assequi nequeunt, quamvis habeant ideas clarissimas rerum, quarum relationes

relationes compositas cognoscere conantur.

Hiscæ aut similibus rationibus ducti aliquot inter Priscos, juvenes Arithmeticam, Algebram & Geometriam addiscere curarunt. Verisimile est ipsos compertum habuisse, Arithmeticâ & Geometriâ mentem quandam adipisci penetrationem, quæ aliis scientiis comparari nequit; & Geometriâ imaginationem ita regi, ut facili non turbetur. Namque hæc mentis facultas Geometriæ usû, tantam acquirit accurationem & in gradû adeò justo, ut illius ope mentis acies difficultates maximè intricatas assequatur & penetret.

Qui igitur evidentiam in perceptionibus suis conservare, & veritatem puram sine caliginis & erroris admistione assequi volunt, primò Arithmeticæ, Algebræ, & Geometriæ studere debent; postquàm alicuam saltem acquisiverint cognitionem sui & Entis Summi: Ac si libros quosdam quibus ad has scientias veluti manû ducantur quærant, sicut *Meditationibus* Renati Des-Cartes uti debuerunt ad cognitionem Dei & sui ipsorum; ad Arithmeticam & Algebram addiscendam uti possunt *Elementis Mathematicis* aliquot abhinc annis editis: & ad Geometriam vulgarem *novis Elementis Geometria* editis anno 1667. vel *Elementis P. Taqueti Jesuitæ* editis Antuerpiæ anno 1665. ac denique ad sectiones conicas, & solutionem Problematum Geometriæ, *Tractatibus à Domino De la Hire* compositis, *Sectionibus Conicis*, *locis Geometricis*, & *Construptione æquationum*, quibus Geometria R. Des-Cartes poterit jungi.

Elementa Mathematica ad Arithmeticam & Algebram non indicarem, si hæcæ scientias ab aliquo Authore clarè demonstratas fuisse, mihi notum esset; Verùm veritatem hic fateri teneor quam nonnulli iniquo ferent animo. Cum Algebra & Analysis sint planè necessariæ ad assequendas veritates compositas, legitimum est me laudare librum qui in hisce tantis edidit progressus, quique juxta eruditos nonnullos, illas clariùs explicat quàm hæcenus à quoquam fuerunt explicatæ.

Postquàm hisce generalibus scientiis sedula & attenta opera data fuerit, complures veritates secundæ & ad omnes scientias accuratas & speciales necessariæ evidenter cognoscuntur. Deinde Physicæ & Ethicæ studendum erit, quia istæ scientiæ sunt utilissimæ, quamvis parùm conferant ad mentem rectam & perspicacem reddendam. Ac si evidentiam in perceptionibus nostris semper conservare velimus, cavendum est ne aliquo principio non evidenti nos anteverti sinamus; hoc est, principio, quod Sinenses attentè expensum non admitturos esse concipere possumus.

Itaque quoad Physicam, dumtaxat admittendæ sunt notiones communes omnibus hominibus; hoc est, axiomata Geometrarum, & idæ clare extensionis, figuræ, motûs, & quietis, ac si quæ sint aliæ æquè clare. Forfan quis dicet extensionem non esse essentiali

Apud Pra-
lard.

Apud Des-
prez Pari-
sius.

Hi tracta-
tus Gal-
lici editi
sunt Parisi
apud Pra-
lard.

materiae; sed quid hem? sufficit mundum quem concipimus ex extensione formatum, similem esse mundo quem videmus, quamvis materialis non sit secundum istam materiam inanem, de qua nihil cognoscitur, quamvis de eâ tot egregia prædicentur.

Neceffe omninò non est examinare an actu sint extrinsecus entia quæ respondeant hisce ideis; namque ratiocinia nostra hisce entibus non nituntur, sed duntaxat illorum ideis: videndum est duntaxat ut ratiocinia quæ circa rerum proprietates formamus, consonent cum sensationibus quas illarum occasione habemus, hoc est, ut id quod cogitamus optimè conveniat cum experienciâ, namque in Physicâ, ordinem & connexionem effectorum cum causis deprehendere conamur aut in corporibus, si actu existant, aut in sensationibus quas de iis habemus si non existant.

Equidem dubium non est quin actu existant corpora si attendamus Deum non esse fallacem, & expendamus justum ordinem quem in sensationibus nostris instituit, sive in occasionibus naturalibus, sive in iis quæ duntaxat eveniunt ut ea credamus quæ naturaliter capere nequimus: sed necesse non est longo examine primâ fronte rem discutere quam nemo in dubium vocat, quæque valdè non confert ad cognitionem Physicæ spectatæ ut vera scientia.

Anxiè quoque inquirendum non est an sint necne in corporibus quibus circumdamur, quædam aliæ qualitates ab iis quarum claras habemus ideas, namque juxta ideas nostras duntaxat ratiocinari debemus: ac si quid aliud sit, cujus ideam non habeamus claram, distinctam & specialem, de eo nihil unquam cognoscemus, nec accuratè ratiocinari poterimus. Forfan si juxta ideas nostras ratiocinemur, juxta ipsam naturam ratiocinabimur, & comperiemus illam non esse tam abstrusam ac vulgò putatur.

Quemadmodum qui numerorum proprietatibus non studuerunt, quædam problemata, licèt simplicissima & facillima solvi non posse sæpè arbitrantur; ita qui circa extensionis, figurarum & motuum proprietates nunquam sunt meditati, eò faciliè adducuntur ut credant & defendant, quæstiones quæ circa Physicam formantur esse insolubiles. Eorum qui nihil unquam attentè saltem examinarunt judiciis fidendum non est. Quamvis enim paucae veritates circa res naturæ planè demonstratæ fuerint, quasdam tamen generales extra omne dubium positas esse constat, quamvis de iis sæpè non cogitetur, immò ignorentur, & negentur.

Qui ordine, otio & attentione ad id necessariis meditabuntur, multas ex his veritatibus certis de quibus mentio est deprehendent. Ut verò possint facilius animadverti, principia Philosophiæ R. Des Cartes sunt attentè legenda, ex iis quæ dicit nihil admissio, nisi ubi ad assensum vi & evidentiâ rationum mens adiget.

Cum Ethica scientiarum sit maximè necessaria, illi etiam sedulò incum-

incumbendum est : namque in hac præcipuè scientia hominum opiniones sequi periculosum est. Sed ut error hic vitetur & evidentia in perceptionibus conservetur , meditationes nostræ duntaxat niti debent principiis indubitatis apud eos omnes, quorum cor voluptatibus non fuit corruptum , & mens superbiâ occæcata ; namque in Ethicâ nullum est principium indubitatum animis carnis & sanguinis, & iis qui *ingeniorum fortium* titulum sibi arrogant. Istius commatis homines veritates simplicissimas non capiunt , vel si capiant , illas spiritû Esprits
forts. contradictionis semper impugnant ad conservandam ingenii fortitudinis famam.

Quædam ex his Ethicæ generalioribus principiis hæc sunt : Deum, cum omnia propter se condiderit , mentem nostram creasse ad illum cognoscendum , & cor ad illum amandum : Cum sit justus & potens Deus , ei qui ipsius mandatis non pareat non posse esse benè , ei verò qui iis pareat non posse esse malè. Naturam nostram esse corruptam , mentem à corpore , rationem à sensibus , voluntatem ab affectibus pendere ; Nos esse in impotentia faciendi id quod nobis ex officio faciendum esse clarè videmus ; & nos Liberatore indigere. Multa adhuc alia sunt Ethicæ principia ; ut , Secessum & poenitentiam necessaria esse ad imminuendam unionem nostram cum objectis sensibilibus , & ad augendam unionem quam habemus cum bonis intelligibilibus , veris bonis , bonis mentis : Nullâ nos posse violenta frui voluptate quin ei mancipemur ; nihil ex affectûs impetû esse unquam suscipiendum &c. Quia verò hæc postrema principia à præcedentibus & à cognitione hominis pendent ; inter indubitata non sunt accensenda. Si super his principiis ordine , & attentione quam in re tantâ par est asserre , meditemur , nihilque ut verum admittamus præter conclusiones ex his principiis legitimè deductas , habebimus Ethicam certam , quæque cum Ethicâ Evangelii perfectè consonabit , quamvis hujus perfectionem non exæquet , nec æquè latè pateat.

Equidem , in Ethicæ ratiociniis , evidentia & accuratio difficilius conservantur , quàm in quibusdam aliis scientiis , & cognitio hominis omninò necessaria est iis qui in hac scientia progressus non vulgares edere cupiunt ; Atque hanc ob causam pauci sunt quibus hoc studium prosperè cedat. Sese consulere nolunt ut naturæ suæ infirmitates agnoscant. Magistrum qui nos voluntates suas , quæ sunt leges immutabiles & æternæ , & vera principia Ethicæ , intus docet , interrogare citius desinunt : Illum , quia sensus non alloquitur , secundum ipsorum desideria non respondet & superbiæ non adblanditur , nonnisi cum fastidio audiunt. Vocem quæ strepitû suo imaginationem non percellit , quæque nisi silentibus creaturis clarè non potest intelligi , aspernantur. Verùm Aristotelem , Senecam , aut novos quosdam Philosophos , qui eos aut obscuritate verborum , aut stili

elegantia & artificio, aut rationum verisimilitudine fallunt; cum voluptate & veneratione auscultant.

Ex quo peccavit primus homo, ea duntaxat quæ ad conservationem corporis & vitæ commoditatem pertinent, æstimamus; & quia hæc bona sensuum ope cognoscimus, eorum usum ubique admittere volumus. Sapientia Æterna quæ est vera nostra vita, & solum lumen quod possumus illuminari, cæcis duntaxat sæpè illucescit & surdos alloquitur, dum in intimo rationis tantum loquitur: quia ad objecta externa penè semper diffundimur. Cum creaturas indefinenter interrogemus ut aliquid de bono quod quærimus, accipiamus, oportuit, ut jam alibi dictum est, hanc sapientiam sese oculis nostris extrinsecus offerre, intra nos tamen eodem tempore semper remanendo, ut verbis & exemplis sensibilibus, viam nobis indicaret quâ felicitatem æternam possimus assequi. Deus amorem naturalem in nobis perpetuè imprimit, ut illum indefinenter amemus, & eodem illo motu ab illo indefinenter recedimus, totis quas nobis impertitur viribus currendo versùs bona sensibilia ab ipso nobis prohibita. Itaque, cum à nobis amari vellet, oportebat ipsum fieri sensibilem & sese coram nobis, ut ita dicam, sistere, ut ipsius gratiæ suavitate, vanas omnes nostras figeret agitationes, & sanationem nostram inchoaret à sensibus aut delectationibus quæ similes essent voluptatibus illis prævertentibus à quibus morbus noster ortum duxerat.

Hinc patet me non existimare homines, vi mentis propriâ, posse facile assequi omnes Ethicæ leges necessarias ad salutem, multò minus posse agere juxta ipsorum lumina; Namque cordis corruptio superat mentis corruptionem. Dico duntaxat, homines, si nulla præter evidentia admittant principia, & ex his principiis legitimas deducant consequentias, easdem veritates esse assequuturos quas in Evangelio discimus: quia eadem est veritas quæ immèdiatè per se eos alloquitur qui veritatem in evidentia ratiociniorum comperiunt, & quæ in Scriptura sacrâ eos alloquitur qui illius sensum attingunt.

Debemus igitur Ethicam ex Evangelio haurire, ad declinandum meditationis laborem, & leges secundum quas mores nostros dirigere debemus certò addiscendas. Qui verò certitudine contenti non sunt, quia mentem duntaxat convincit, sed illam non illuminat, super hisce legibus sedulò meditari debent, easque ex principiis ipsarum naturalibus deducere, ut quæ fide jam certò cognoscebant, ratione evidenter cognoscere possint. Hoc pacto convincentur Evangelium librorum omnium esse solidissimum; Jesum Christum naturæ morbum & *κακότητα* perfectè cognovisse: illi remedium nobis utilissimum, & ipsius sapientiâ dignissimum attulisse; sed contra Philosophorum lumina esse meras tenebras; ipsorum virtutes intolerabilem sapere superbiam, uno verbo Aristotelem, Senecam, aliosque nihil fuisse præter homines, ne quid ampliùs dicam.

CAPVT VII.

De usû primæ regulæ quæ spectat quæstiones speciales.

IN explicandâ regulâ generali Methodi, quæ circa studiorum nostrorum materiem præcipuè versatur satis superque substitimus, satis etiam ostendimus Cartesium illam accuratè sequutum fuisse in suo systemate mundi, Aristotelem verò & ipsius sectatores illam nequaquam observasse. Jam ad regulas speciales, ad quarumlibet quæstionum solutionem necessarias transire operæ pretium est.

Quæstiones quæ circa res omnes possunt formari sunt multiplicis speciei, nec facile possunt enumerari. Ecce tamen præcipuas. Quandoque effectorum quorundam cognitorum causæ incognitæ quærentur: quandoque effecta incognita quærentur per ipsorum causas cognitæ. Ignis urit & dissipat lignum: istius effectûs quæritur causa. Ignis consistit in maximo motû partium ligni: Quæritur quænam effecta motus ille possit producere, an possit indurare lutum & liquefacere ferrum, &c.

Interdum quæritur natura unius rei per ipsius proprietates: interdum quærentur proprietates rei, cujus natura est nota. Notum est, vel supponitur lumen uno instanti transmitti, illud tamen reflecti & coalescere in unum ope speculi concavi, ita ut dissipet aut liquefaciat corpora solidissima; & per has proprietates proceditur ad cognitionem naturæ luminis. Notum est contrà omnia spacia, quæ à terrâ ad cælum usque extant, plena esse corpusculis sphaericis velocissimè agitatîs, quæque eò semper tendunt ut à sole recedant; & quæritur an nîsus illorum corpusculorum uno instanti possit transmitti, & an reflectione è speculo concavo, debeant unâ coalescere, & dissipare aut liquefacere corpora solidissima.

Quandoque quærentur omnes partes alicujus totius, aliquando verò totum quæritur per ipsius partes. Quærentur omnes partes *aliquotæ* numeri alicujus, omnes *radices æquationis alicujus*, omnes anguli recti quos continet aliqua figura &c. Et quæritur totum incognitum, cujus omnes partes notæ sunt, ubi multorum numerorum summa quæritur, multarum figurarum area, & capacitas multorum vasorum: vel totum quæritur cujus una pars est nota & cujus aliæ partes licet incognitæ, aliquam habent relationem cognitam, cum eo quod est incognitum: ut cum quæritur quis sit numerus cujus habetur pars nota 15. & cujus pars altera ex quâ constat, est dimidia vel tertia pars numeri incogniti; vel ubi quæritur numerus incognitus qui æqualis sit numero 15. & bis radici numeri incogniti.

Denique, quæritur quandoque an res quædam æquales sint aut similes aliis, aut quantò inæquales sint aut differant. Quæritur an Saturnus Jove sit major, vel quantò sit major : an aër Romæ sit calidior aëre Marfiliaë, & quantò.

Id in omnibus quæstionibus generale est, quòd scilicet duntaxat formentur ad cognoscendam veritatem aliquam : quia verò omnes veritates nihil sunt quàm relationes, dicere possumus in omnibus in genere quæstionibus nihil quæri præter cognitionem aliquarum relationum, sive relationes sint inter res, sive inter ideas, sive inter res & ipsarum ideas.

Sunt relationes multiplicis speciei, nempe inter naturam rerum, inter ipsarum magnitudinem, inter ipsarum partes, inter ipsarum attributa, inter ipsarum qualitates, inter ipsarum effecta, inter ipsarum causas, &c. Sed ad duas possunt reduci, nempe ad relationes *magnitudinis*, & ad relationes *qualitatis*; appellando relationes *magnitudinis*, eas omnes quæ sunt inter res consideratas ut capaces suscipiendi magis & minus, & ceteras nuncupando relationes *qualitatis*. Itaque omnes quæstiones ad id tendere dici possunt ut relationes sive magnitudinis sive qualitatis deprehendantur.

Prima & præcipua omnium regularum est, statum quæstionis solvenda esse accuratissimè cognoscendum, & illius terminos adeò distinctis ideis assequendos esse, ut possint inter se comparari, & sic relationes eorum incognitæ deprehendi queant.

Primò igitur clarissimè percipienda est relatio incognita quæ in illa quæstione quæritur, namque si nullum suppeteret indicium certum ad agnoscendam relationem incognitam, ubi quæreretur, vel ubi compta esset, illam frustra quæsitum iri evidens est.

Secundò, efficiendum est, quantàm quidem fieri potest, ut ideæ quæ respondent terminis sint distinctæ, amovendo æquivocationem terminorum; & claræ, terminos attentè expendendo. Namque, si illæ ideæ adeò confusæ sunt & obscuræ, ut non possint fieri comparationes, seu collationes necessariae ad deprehendendas relationes quæsitæ, quæstio nondum solvi potest.

Tertiò, attentissimè animadvertendæ sunt conditiones expressæ in quæstione, si quæ sint : quia alioquin status quæstionis nonnisi confusè intelligitur; præterquàm quòd conditiones ut plurimùm indicant rationem solvendi quæstionem. Ita ut, ubi semel statum quæstionis & ipsius conditiones quis assequutus est, certior sit quid quærat, & sæpè quâ viâ ad illud comperiendum, procedere debeat.

Equidem in omnibus quæstionibus conditiones non exprimuntur; verùm illæ quæstiones in quibus nullæ exprimuntur conditiones sunt indeterminatæ, & multifariam possunt solvi, ut si quis peteret numerum quadratum, Triangulum, &c. nec aliud determinaret : vel, qui illas proponit quæstiones modum illas solvendi vel ignorat, vel de indutria

dustria celat, ut alium impediatur; ut si quis rogaret inveniri duas medias proportionales inter duas lineas datas, non addendo per intersectionem circuli & Parabolæ, aut circuli & Ellipsis &c.

Planè igitur necesse est ut indicium quò dignoscitur res quæsitâ sit maximè distinctum non æquivocum, utque aliud designare non possit, alioqui dubium foret an quæstio proposita, fuerit soluta. Pariter sedulò à quæstione amovendæ sunt omnes conditiones quibus posset intrinsecari, & sine quibus integra subsistit; nàmque mentis capacitatem inutiliter solent distingere. Immò status quæstionis distincte non cognoscitur, ubi conditionibus inutilibus impeditur.

Si, exempli gratiâ, quæstio his verbis proponeretur: efficere ut homo liquoribus persusus & coronâ florâ ornatus, non possit quietus subsistere, licet nihil videatur quò possit agitari. Sciendum est an vocabulum *homo* non sit metaphoricum, an vox *quietis* non sit æquivoca, an accipiatur relatè ad motum localem, an verò relatè ad affectus, ut hæc verba, *quamvis nihil videatur quò possit agitari*, innuere videntur. Sciendum est an conditiones illæ, *persusus liquoribus & coronâ florâ ornatus*, sint essentielles. Postea statim istius ridiculæ & indeterminatæ quæstionis clarè cognito facile poterit solvi, dicendo, hominem esse collocandum in navi juxta conditiones expressas in quæstione.

Eorum qui ejusmodi quæstiones proponunt industria in eo consistit quòd iis adjungant conditiones quæ necessariæ videntur, quamvis reverà tales non sint: ut eorum quibus illas proponunt attentionem divertant versus res inutiles ad quæstionis solutionem. Ut in hac quæstione, quæ pueris ab ancillis solet proponi. Vidi, inquiunt illæ, venatores, vel potius, piscatores qui secum auferbant id quod non capiebant, quique in aquam conjiciebant, id quod capiebant. Mens ideâ Piscatorum, qui pisces piscantur, præoccupata, quid sibi velit hæc quæstio capere nequit. Jam autem tota rei difficultas oritur ex eo quòd, futilis hæc quæstio clarè non intelligitur, nec attenditur, venatores & piscatores, æquè ac ceteros homines in vestibus suis animalcula quædam quandoque quærere, quæ si inveniant abijciunt, sin verò, secum auferunt.

Quandoque etiam quæstionibus omnes non apponuntur conditiones necessariæ ad illarum solutionem, atque hoc pacto æquè difficiles ad minimum redduntur, ac quæstiones illæ quibus inutiles adduntur conditiones; ut in hac, hominem immotum reddere quamvis nec vinciat nec lædatur, seu potius, auriculari digito cujuscumque hominis in ejusdem aure collocato, hæc sitù efficere ut immobilis fiat; ita ut è loco in quo fuerit constitutus exire nequeat, quin prius digitum ex aure eduxerit. Id primâ fronte impossibile videtur, ac reverà est; possum enim quàm facile incedere etiam digito auriculari in aure posito. Ac reverà in hac quæstione deest conditio;

quâ , si exprimeretur , tota amoveretur difficultas. Hęc est conditio, nempe eum qui digitum auri applicat , eò esse adigendum , ut columnam aliquam amplectatur , ita ut hęc columna intra ipsius brachium & aurem intercipiatur ; namque hoc pacto non poterit discedere quin primò digitum ex aure extrahat , ut se à columnâ expediat. Hinc igitur patet , in quęstione non additum fuisse , aliquid adhuc requiri præter ea quę expressa fuere , ne , scilicet , mens investigans quid sit aliud hoc , tandem rem assequatur. Itaque qui ejusmodi quęstiones solvere aggrediuntur , omnia debent postulare quę quęstioni enucleandę inservire possunt.

Ejusmodi quęstiones ex arbitrio fictę nugatorię videntur , ac reverà aliquo sensu tales sunt , quia ex earum solutione nihil novi addiscitur. Attamen à quęstionibus naturalibus , seu Physicis magnoperè non differunt. Ad utrasque solvendas eadem propemodum sunt agenda ; namque si hominum industria & malitia hasce quęstiones arbitrarias reddat solutū difficiles , effecta naturalia per se tenebris & difficultatibus sunt pariter involuta. Ac ejusmodi tenebrę mentis attentione , & experiētiis , quibus naturę Authorem veluti interrogamus , sunt discutiendę : quemadmodum æquivocationes & circumstantię inutiles à quęstionibus arbitrariis , mentis attentione & callidis interrogationibus tolluntur. Hęc ordine , seriò & didacticè exponamus.

Quamplurimę sunt quęstiones , quę difficillimę videntur , quia non intelliguntur , quę tamen axiomata , quę equidem aliquā indigerent explicatione , potiùs haberi deberent quàm verę quęstiones. Etenim inter quęstiones annumerari debere non mihi videntur propositiones quędam indubitatę , ubi earum termini distinctè concipiuntur.

Queritur , exempli gratiã , ut quęstio solutū difficillima , an anima sit immortalis , quoniam qui hanc quęstionem movent , aut solvere aggrediuntur , illius terminos distinctè non assequuntur. Cum isti termini , *anima* , & *immortalis* varia significant , nec satis sciant quomodò illos intelligant ; solvere nequeunt an anima sit immortalis ; præcisè enim quid quærunt quidve petant nesciunt.

Per hanc vocem , *anima* , potest intelligi substantia cogitans , volens , sentiens , &c. Anima accipi potest pro motu aut circulatione sanguinis , & pro configuratione partium corporis. Denique anima accipi potest pro sanguine ipso & spiritibus animalibus. Pariter , per hanc vocem , *immortale* , intelligitur id quod perire nequit viribus naturę ordinariis ; vel id quod immutari nequit ; vel denique id quod nec corrumpi nec dissipari , ut vapor aut fumus , potest. Itaque si vocibus istis , *anima* & *immortalis* , aliqua ex his significationibus adaptetur , cum mediocri mentis attentione , judicare facile erit , an sit immortalis necne.

Nam

Nam primò, *animam* primo sensù acceptam, hoc est pro substantiâ cogitante esse immortalem manifestum est, si *immortale* etiam primo sensù accipiat, & pro eo quod viribus naturæ ordinariis perire nequit: immò concipi nequit substantiam quampiam in nihilum posse redigi. Ad potentiam Dei extraordinariam confugiendum est ut hoc esse possibile concipiat.

Secundò anima est immortalis, si *immortale* accipiat secundò sensù, pro eo quod in vaporem & fumum converti nequit; namque evidense est, id quod in partes innumeras dividi nequit, non posse corrumpi aut in vapores abire.

Tertiò, anima non est immortalis, *immortale* accipiendo tertio sensù, pro eo quod immutari nequit. Multa enim habemus argumenta mutabilitatis & mutationum animæ nostræ; cum modò dolorem, modò voluptatem sentiat, quædam interdum velit, interdum eadem velle desinat, cum corpori nunc unita ab eo possit separari, &c.

Si vox animæ alio quopiam sensù accipiat, faciliè pariter erit judicare an sit immortalis determinando significationem *immortalis*. Aded ut quæstiones illæ ideò tantum sint difficiles quòd distinctè non concipiantur, & termini, quibus exprimuntur, sint nimis equivoci. Explicatione igitur potius quàm probatione indigent.

Non desunt equidem, quorum ingenium adeò stupidum, vel imaginatio adeò sæcunda, ut sibi persuadeant animam nihil aliud esse quàm configurationem quandam partium cerebri, & motum spirituum: Istiusmodi hominibus certè probari nequit immortalitas & incorruptibilitas mentis. Immò, eò sensù quò animam accipiunt illam esse mortalem certum est. Itaque hic non est quæstio solutâ difficilis, sed est propositio, quæ nonnisi difficulter ab iis intelligi potest, qui easdem nobiscum non habent ideas, quique omnem conferunt operam ut eas à se eliminent, & sese sponte occæcent.

Vbi igitur an anima sit immortalis, vel quidlibet aliud, queritur, primò amovenda est terminorum equivocatio, & certò tenendum quò sensù accipiantur, ut status quæstionis distinctè intelligatur. At si ij qui quæstionem movent illius terminos ipsi satis non intelligant, sunt interrogandi ut hoc pacto illuminari & determinari possint: Si ex interrogationibus pateat illorum ideas à nostris discrepare, ipsis respondere inutile est. Quid enim respondeas homini existimanti desiderium, exempli gratiâ, nihil aliud esse quàm motum quorundam spirituum; cogitationem nihil aliud esse præter vestigium aut imaginem quam objecta vel spiritus in cerebro formarunt; & omnia ratiocinia hominum dnntaxat consistere in vario sitû aliquot corpusculorum quæ in capite multifariam disponuntur? Si ipsi respondeas animam eò sensù quò illam accipit, esse immortalem ipsum falles vel ipsi ludibrium debebis; sed si respondeas illam esse mortalem, ipsum in errore gravissimo aliquatenus confirmabis. Ipsi igitur responden-

dendum non est, sed duntaxat eò est adigendus ut secum se recipiat, ac eò pacto easdem, quas jam habemus, à solo luminis Authore accipiat ideas.

Iterùm hæc quæstio, an bruta animâ sint prædita, solutâ satis difficilis videtur: Attamen ubi amoveretur æquivocatio, jam tum admodum difficilis non videtur; ac eorum plerique qui existimant bruta prædita esse animâ, in eadem sunt sententiâ, quamvis inscii, ac ij qui existimant bruta carere animâ.

Anima accipi potest pro re aliquâ corporeâ per totum corpus diffusa, à quâ motum & vitam accipit, vel pro re aliquâ Spirituali. Qui dicunt bruta carere animâ, id intelligunt secundo sensû: quippe nemo unquam negavit aliquid corporei inesse animalibus brutis, quod ipsorum vitæ & motûs principium est, id enim nequidem de horologiiis negari potest. Qui contra asserunt bruta prædita esse animâ, animam intelligunt primò sensû, namque pauci sunt qui credant brutis inesse animum spiritualem & indivisibilem. Itaque Peripatetici & Cartesiani existimant bruta prædita esse animâ, hoc est principio corporeo ipsorum motûs: & utrique etiam credunt bruta carere animâ, hoc est in iis nihil esse spirituale & indivisibile.

Itaque discrimen quod inter Peripateticos & eos qui Cartesiani dicuntur intercedit in eo non versatur quòd priores credant brutis esse animas, alii verò non: sed duntaxat in eo quòd priores credant animalia posse sentire dolorem aut voluptatem, videre colores, audire sonos & omnes in genere habere sensationes & passionem quas habemus: Cartesiani verò contrarium existiment. Cartesiani distinguunt voces sensûs aut sensationis, ut ab iis æquivocationem amoveant. Nam, dicunt, exempli gratiâ, ubi ad ignem propius accedimus, partes ligni in manum irrumpere; illius fibras commovere, hanc commotionem ad cerebrum usque communicari, spiritus animales qui in eo continentur ad id determinari, ut in partes externas corporis diffundantur modò aptò ad ignem vitandum. Hæc omnia, aut similia, animalibus competere posse & actû competere fatentur, quia sunt proprietates corporis.

Præterea Cartesiani dicunt commotionem fibrarum cerebri hominibus esse conjunctam cum sensû caloris, & cursum spirituum animalium versùs cor & versùs viscera comitem habere affectum odii, seu aversionis; at negant hæc sensationes hosque affectus animæ brutis competere. Contra Peripatetici asserunt bruta hunc calorem eque ac nos sentire; illa eque ac nos aversione dimoveri à rebus sibi molestis; ac illa omnium in genere sensationum & affectuum capacia esse, quibus nos. Bruta ullum dolorem ullamve voluptatem sentire, aut rem ullam amare & odisse non existimant Cartesiani, quia nihil non materiale admittunt in brutis, nec existimant sensationes & affectus esse proprietates materiæ quicquid esse supponatur. Nonnulli

contra

contrà Peripatetici, materiam sensûs & affectûs existimant esse capacem, ubi, inquit, fuit subtilisfata, bruta posse sentire ope spirituum animalium, hoc est ope materiæ subtilissimæ & tenuissimæ, immò animam ipsam esse capacem sensûs & affectûs duntaxat quia huic materiæ est unita.

Itaque ut quæstio, an bruta prædita sint animâ, solvatur, mens à sensibus est abducenda, & quàm attentissimè fieri potest, consideranda est idea quam habemus de materia. Tum si concipiamus materiam hoc vel illo modo figuratam, ut quadratam, rotundam, ovatam, esse dolorem, voluptatem, calorem, colorem, odorem, sonum, &c. asserere poterimus animam brutorum quantumlibet materiale sentientiendi capacem esse. Si verò id non concipiamus, asserendum non est, id enim duntaxat asserendum est quod concipitur. Pariter si concipiamus materiam valdè agitatam fursùm, deorsùm, secundum lineam circularem, spiralem, parabolicam, ellipticam, &c. esse amorem, odium, gaudium, tristitiam, &c. dicere poterimus bruta iisdem, quibus nos, affectibus moveri: si non videamus, non est dicendum, nisi quidlibet inscii deblaterare velimus. At verò me posse asserere confido neminem unquam esse crediturum ullum motum materiæ posse esse amorem aut gaudium, dummodò ad rem seriò attendat. Itaque ut hæc solvatur quæstio, an bruta sentiant, ab eâ duntaxat amovenda est equivocatio, ut ii secere quos Cartesianos dicere amant: Namque hoc pacto ad quæstionem adedò simplicem redigetur, ut mediocri attentione solvi possit.

Equidem D. Augustinus, juxtà vulgare præjudicium supponens bruta esse prædita animâ (saltem ipsum illud seriò examinasse, aut in dubium vocasse non legi) & agnoscens contradictorium esse ut anima aut substantia cogitans sentiens, cupiens, &c. sit materialis, credidit animam brutorum reapse esse spiritualem & indivisibilem. Omnem animam, hoc est, quicquid sentit, imaginatur, timet, cupit, &c. necessariò esse spirituale evidentissimè probavit: sed non animadverti ipsi ullam fuisse rationem quâ assereret bruta esse prædita animâ. Id probare sollicitus non fuit, quia tum temporis id à nemine in dubium revocatum fuisse verisimile est.

*l. 4. de anima
& c. in origi-
ne cap. 3.
l. de quan-
titate anima
et alibi.*

Quia verò nunc extant viri qui à præjudiciis suis sese expedire conantur, & idcirco omnes opiniones quæ ratiociniis claris & evidentibus non nituntur in dubium vocant, jam nunc dubitatur an bruta habeant animam eadem ac nos sentiendi capacem, sed multi etiam extant præjudiciorum vindices, qui bruta, non secùs ac nos sentire, velle, cogitare, ac etiam ratiocinari, licet modò imperfectiori, defendant.

Canes, inquit, Dominos suos agnoscunt, amant, verbera ab ipsis patienter ferunt, quia judicant sibi utile esse Dominos non deserere; ceteros verò homines tanto prosequuntur odio, ut nequidem ipso-

rum patiantur blandimenta. Omnia bruta suos catulos diligunt, & aves quæ in extremis ramis nidulantur, ex hoc satis arguunt, se timere ne à quibusdam animalibus vorentur; hosce ramos debiliores judicant quàm ut inimicos suos ferre possint, & satis robustos ut ipsas cum pullis & nidis sustineant. Immo ipsæ araneæ & vilia insecta quædam præbent intelligentiæ specimina. Quis enim non miretur animalis illius industriam, quod licet cæcum, suis tamen laqueis irretire potest alia animalia oculata & alata, quibus satis est audaciæ ad adorienda animalia ingentis molis?

Verum equidem est omnes actiones bestiarum arguere intelligentiam, quicquid enim ordine constructum est id denotat. Ipsum horologium id indicat. Illius rotæ casu fortuito non potuere componi & adornari, & illius motus ab intelligentia determinari & dirigi necessario debuerunt. Semen ordine inverso terræ committitur, radices quæ extra terram tendebant, per se terræ infodiuntur, & germen quod versus terram fuerat primò conversum, etiam deflectitur ut è terra emergat: Id sanè arguit intelligentiam. Hæc planta in diversis spatiis nodos format ut corroboretur, semen suum pelliculâ, quâ conservetur, tegit, aculeis quibus sese tutari possit circumdat: Id arguit intelligentiam. Denique quicquid in plantis fieri videmus, arguit intelligentiam eque ac in animalibus. Omnes veri Cartesiani id concedunt. Sed omnes veri Cartesiani distinguunt, & quantum possunt, terminorum equivocationem tollunt.

Motus brutorum & plantarum intelligentiam quidem arguunt, sed hæc intelligentia nequaquam est à materia; à brutis distincta est, non secus ac intelligentia quæ rotas horologii disponit, distincta est ab ipso horologio. Etenim illa intelligentia, infinite sapiens & potens esse videtur, immò eadem quæ nos in utero matrum formavit, quæque nobis incrementum cui, omnibus mentis & voluntatis viribus, necubitus quidem addere possumus, dat. Itaque in brutis nec intelligentia nec anima est, ut vulgò intelligitur. Edunt sine voluptate, clamant sine dolore, crescunt nec norunt se crescere; nihil cupiunt, nihil timent, nihil cognoscunt; & si agant modò qui intelligentiam arguat, id inde oritur quòd cum illa creaverit Deus, ut ea conservet, eorum idcirco corpus ita conformavit ut mechanicè & sine timore, vitent quicquid ipsis interitum asferre potest. Alioquin dicendum foret plus esse intelligentiæ in brutorum minimo, vel etiam in uno semine quàm in hominum ingeniosissimo. Constat enim in animalculo & in semine plures esse diversas partes, & plures motus ordini conformes produci, quàm mens nostra potest assequi.

Quia verò homines omnibus confundendis aslueverunt, & mentem in ipsorum corporibus omnes penè motus & mutationes quæ ipsis obveniunt producere arbitrantur. Voci, *anima*, falsò affingunt ideam productricis & conservatricis corporis. Ita quoniam existimant

mant mentem in ipsis producere quicquid necesse est ad vitæ conservationem, quamvis mens nequidem sciat quomodo corpus quod animat sit conformatum; judicant animam necessario brutis inesse debere ad producendos in iis omnes motus & mutationes quæ ipsis contingunt, quia illi motus & mutationes satis similes sunt iis quæ in nobis fieri solent. Nam bruta generantur, nutriuntur, corroborantur non secus ac corpus nostrum; bibunt, edunt, dormiunt ut nos; quia quoad corpus penitus similes sumus brutis, & omne discrimen quod inter illa & nos intercedit in eo consistit quod animam habemus illa verò non. Verùm anima quam habemus corpus nostrum non informat, alimenta nostra non concoquit, motum & calorem sanguini nostro non communicat: Sentit, vult, ratiocinatur. Animat corpus quatenus sensationes & affectus habet quæ ad illud referuntur: In membra nostra nequaquam diffunditur ut ipsis sensum & vitam communicet, nam corpus nostrum nihil eorum suscipere potest, quæ in mente nostrâ sunt: Hinc igitur patet præcipuam causam propter quam pleræque quæstiones solvi nequeunt, in eo consistere quod variæ ejusdem vocis significationes non distinguantur.

Equidem aliquando contingit ut distinctio adhibeatur, sed plerumque tam perperam & præposterè admittuntur distinctiones, ut non modò his terminorum æquivocatio non tollatur, sed etiam fiant obscuriores quàm antea. Exempli gratiâ, ubi quæritur, an corpus vivat, quomodo vivat, quò pacto anima rationalis illud animet, an spiritus animales, sanguis & alii humores vivant, an dentes, capilli, ungues sint animati, &c. Distingui solent illæ voces *vivere* & *animari*, inter vivere & animari animâ rationali, vel animâ sensitivâ, vel animâ vegetativâ. Sed hæc distinctio statum quæstionis confundit, namque hæc voces indigent etiam explicatione; & forsitan duæ postremæ anima *vegetativa*, anima *sensitiva* sunt inexplicabiles & inintelligibiles eò saltem modò quò vulgò accipiuntur.

At si ideam claram & distinctam voci, *vita*, alligare velimus, dicere possumus vitam mentis esse cognitionem veritatis & amorem boni, vel potius cogitationem esse ipsius vitam; vitam verò corporis consistere in circulatione sanguinis & in iusto humorum temperamento, seu potius vitam corporis esse motum ipsius partium aptum ad conservationem. Tunc ideis voci *vita* alligatis, claris hoc pacto factis, patebit. 1. Mentem non posse vitam suam communicare corpori, quippe quæ non possit efficere ut corpus cogitet. 2. Illam non posse corpori communicare vitam quâ seipsum nutriet, crescat, &c. Cum ipsa nequidem sciat quid agendum sit ad concoquendos cibos. 3. Non posse efficere ut corpus sentiat, cum corpus sentiendi non sit capax, &c. Denique possunt nullò negotiò solvi ceteræ omnes quæstiones quæ circa hanc rem moveri possunt, dum-

modò termini quibus enunciantur, ideas claras excitent; nec solvi queunt, si ideæ terminorum quibus exprimuntur sint confusæ & obscuræ.

Attamen semper omninò necesse non est ideas habere quibus res, cujus relationes examinare volumus, perfectè representetur; sufficit sæpè si illius habeamus cognitionem imperfectam aut inchoatam, quia sæpè accurata non requiritur relationum istius rei cognitio. Rem explico.

Sunt veritates aut relationes duplicis generis; aliæ accuratè cognoscuntur, aliæ verò imperfectè duntaxat. Relatio quæ est inter hoc vel illud quadratum, & hoc vel illud triangulum accuratè cognoscitur, sed imperfectè tantum cognoscitur relatio quæ est inter Lutetiam & Aureliam: Notum est triangulum esse æquale triangulo, aut illius esse duplum aut triplum, &c. Sed notum est duntaxat Lutetiam esse majorem Aureliâ, accuratè verò non cognoscitur quantum sit major.

Platea Parisiensis dicta Gallicè
la Place
Royale.

Præterea inter cognitiones imperfectas, innumeri cognitionum gradus sunt; immò omnes illæ cognitiones non sunt imperfectæ nisi relatè ad cognitiones perfectiores. Exempli gratiâ, perfectè notum est Lutetiam esse majorem Foro seu Plateâ Regali: & hæc cognitio non est imperfecta nisi relatè ad cognitionem accuratam, secundum quam accuratè notum esset quantum Lutetia major hac plateâ quam includit.

Ita sunt quæstiones multiplicis generis. 1. Quædam sunt in quibus queritur cognitio perfecta omnium relationum accuratarum quas duo aut plura habent inter se.

2. Quædam sunt in quibus queritur cognitio perfecta alicujus relationis accuratæ quæ est inter duo aut plura.

3. Quædam sunt in quibus queritur cognitio perfecta alicujus relationis ad accuratam accedentis, quæ est inter duo vel plura.

4. Quædam sunt in quibus duntaxat queritur cognitio relationis satis vagæ & indeterminatæ.

Evidens est 1. ad solvendas quæstiones primi generis & ad perfectè cognoscendas omnes relationes accuratas magnitudinis & qualitatis quæ sunt inter duo vel plura, illarum rerum habendas esse ideas distinctas, quibus perfectè represententur, & res illas esse inter se conferendas, omnibus modis possibilibus: Exempli gratiâ, possunt solvi omnes quæstiones quæ ad id tendunt ut deprehendantur accuratæ relationes quæ sunt inter 2. & 8. ubi 2. & 8. accuratè nota sunt, possunt conferri simul omnibus modis necessariis, ad cognoscendas eorum relationes magnitudinis aut qualitatis. Innotescere potest numerum 8. quadruplò majorem esse numero 2. eos esse numeros pares, & 8. & 2. non esse numeros quadratos.

2. Clarum est, ad solvendas quæstiones secundi generis, & ad accuratè

curatè cognoscendam aliquam relationem magnitudinis aut qualitatis quæ sit inter duo vel plura, necesse esse & sufficere distinctè cognoscere *facies*, vel respectus, secundum quos debent conferri ad deprehendendam relationem quæsitam. Exempli gratiâ, ad solvendas aliquot ex quæstionibus quæ ad id tendunt ut deprehendantur aliquot relationes accuratæ inter 4 & 16, ut 4 & 16 esse numeros pares & numeros quadratos, sufficit accuratè cognoscere 4 & 16 bifariam absque fractione dividi posse, & utrumque esse productum numeri per se ipsum multiplicati, & inutile est examinare quænam sit vera ipsorum quantitas. Evidens enim est, ut agnoscantur accuratæ relationes qualitatis quæ sunt inter res, sufficere habere ideam maximè distinctam ipsarum qualitatis, missâ ipsarum quantitate; non secus ac ut cognoscantur quantitatis relationes accuratæ sufficere accuratè cognoscere ipsarum quantitatem, neglectâ ipsarum qualitate.

3. Clarum est, ad solvendas quæstiones tertii generis, & cognoscendam aliquam relationem ad accuratam satis accedentem, quæ sit inter duo vel plura, sufficere si rerum illarum facies aut latera propemodum cognoscantur, secundum quæ debent comparari, ad deprehendendam relationem veræ proximam quæ quæritur, sive magnitudinis sit, sive qualitatis. Exempli gratiâ, possum evidenter scire Radicem numeri 8. esse majorem numero 2. quia possum propemodum scire veram magnitudinem Radicis numeri 8. sed non possum cognoscere quantum præcisè Radix 8. major sit quàm 2. quia non possum accuratè cognoscere veram magnitudinem Radicis 8.

Denique evidens est, ad solvendas quæstiones quarti generis, & agnoscendas relationes vagas & indeterminatas sufficere res cognoscere quantum opus est ut illæ inter se conferantur ad detegendas relationes quæsitas. Aded ut necesse semper non sit ad solvendas quaslibet quæstiones, habere ideas maximè distinctas terminorum quibus exprimuntur, hoc est perfectè cognoscere res quæ illis terminis significantur. Sed eò accuratius cognosci debent, quod relationes deprehendendæ sunt accuratiores & numero plures. Namque ut modo dictum est, in quæstionibus imperfectis, sufficit habere ideas imperfectas rerum quas consideramus, ut illæ quæstiones (juxta id quod continent) perfectè solvantur. Immo optimè possunt solvi quæstiones, quamvis non habeatur idea distincta terminorum quibus exprimuntur. Namque, ubi quæritur an ignis possit liquefacere sal, obdurare lutum, & innumera alia similia, illæ quæstiones omninò intelliguntur, & possunt optimè solvi, licet nulla habeatur idea distincta ignis, salis, luti &c. Quoniam qui has movent quæstiones, eas ideò tantum movent, ut sciant, an aliquo experimento sensibili constet, ignem hæc effecta edidisse: Quapropter juxta cognitiones à sensibus ortas, ipsis potest satisfieri.

CAPVT VIII.

Applicatio ceterarum regularum ad quaestiones speciales.

Questiones sunt duplicis generis, aliae simplices, aliae compositae; priorum solutio pendet à solâ mentis attentione ad ideas claras terminorum quibus exprimuntur. Aliae non possunt solvi nisi per collationem cum tertiâ aut pluribus aliis ideis: non possunt cognosci relationes incognitae, quae terminis quaestionis exprimuntur, comparando immediatè ideas terminorum illorum; non possunt enim conjungi aut comparari. Habendae sunt igitur una aut plures ideae mediae ad instituendas collationes necessarias, ut deprehendantur illae relationes; & accuratè attendendum est ut ideae illae mediae sint clarae & distinctae, prout relationes quaesitae, sunt vel accuratiores vel numero plures.

Hæc regula est consecrarium quoddam primæ, nec minoris momenti. Namque, si necesse sit ad rerum quæ inter se comparantur relationes accuratè cognoscendas, earum habere ideas claras & distinctas; eadem ratione necesse est accuratè cognoscere ideas medias, secundum quas institui debent illae comparationes; cum distinctè cognoscenda sit relatio mensuræ ad unam quamque rem mensuratum, ut singularum rerum possint deprehendi relationes. Ad sunt exempla.

Ubi vasculum quoddam admodum leve, in quo sit lapis magneticus, libenter aquæ surpernatat sine, si Polo Septentrionali istius magnetis objiciatur idem Polus aliûs magnetis quem præ manibus habeo; illico prior magnes veluti vento quodam vehementi impulsus recedere cernitur. Et quaeritur causa istius effectûs.

Ad reddendam rationem motûs istius magnetis, satis patet satis non esse cognoscere relationes quas habet cum alio; etsi enim omnes accuratè cognoscerentur, tamen facilius non conciperetur quò modò hæc duo corpora possint sese mutuò pellere, cum tamen sese mutuò non tangant.

Examinandum est igitur quænam distinctè cognoscamus posse juxta ordinem naturæ aliquod corpus movere, quaestio enim est de causâ naturali motûs magnetis, quæ sanè est corpus. Itaque ad nullam confugiendum est qualitatem, formam aut entitatem, quam clarè non concipimus posse movere corpora, immò nec ad intelligentiam; certò enim non constat intelligentias esse causas ordinarias motuum naturalium corporum, immò certum non est an possint producere quempiam motum.

Evidens;

Evidens est eam esse legem naturæ, ut corpora sese moveant dum sibi invicem occurrunt. In id igitur incumbendum est ut Magnetis motum explicemus ope alicujus corporis quod ipsi occurrat. Potest equidem fieri ut quid aliud à corpore distinctum moveat magnetem; sed quia nullam habemus ideam distinctam illius alterius rei, illà uti non debemus ut modò aptò, ad deprehendendum & aliis explicandum id quod querimus. Ille enim effectus rationem non reddit, qui illum explicat per causam quam nemo clarè assequitur. Igitur sollicitè querendum non est, an sit nec ne quèdam alia causa naturalis motus corporum, diversa ab illorum mutuo oecursu; supponendum potiùs nullam aliam esse ejusmodi causam, & attentè considerandum quodnam corpus possit occurrere Magneti illùmque movere.

Liquet primò illud corpus non esse Magnetem quem præ manibus habeo, quippe qui non attingat Magnetem motum. Quia verò hic non movetur nisi accedente illo quem manū tenéo, nec per se movetur. Concludendum est, quamvis magnès quem teneo non moveat alium magnetem, hunc motum procedere debere ab aliquot corpusculis exeuntibus à meo Magnete, & ab eo etiam impulsis versùs alium magnetem.

Ut hæc corpuscula deprehendantur, aperiendi non sunt oculi, nec ad Magnetem accedendum; sensus enim rationi fortè fucum facerent, & ad id fortè impellerent ut nihil reverà è magnete exire judicaretur, quia oculi nihil deprehenderent. Fortè etiam non recordaremur ventos etiam vehementissimos & multa alia corpora quæ stupendos edunt effectus, oculis non cerni.


Strenuè igitur acquiescendum in conclusione modò deductà, & accuratè sunt inspicienda omnia effecta magnetis, ut possimus assequi, quomodo sine substantiæ suæ imminutione possit indefinenter ex se pellerè hæc corpuscula. Nam experimenta quæ fiunt, ostendunt hæc corpuscula dum ex uno latere exeunt, eodem tempore per alterum regredi. Et hoc pacto omnes difficultates quæ adversus hanc solvendæ quæstionis rationem formari possunt explicabuntur. Sed observandum, ab hac explicandi ratione non esse desistendum propter quasdam difficultates ex solà, in quâ versamur, multorum ignorantia natas.

Si non lubeat examinare, cur Magnetes sese repellant, ubi iidem poli ipsis invicem obijciuntur; sed potiùs cur ad se invicem accedant & sese mutuo conjungant, ubi polus Septentrionalis unius obijcitur Polo Meridionali alterius, quæstio erit difficilior, & unica ratio seu methodus non sufficiet ad illam solvendam. Non sufficit accuratè cognoscere relationes quæ sunt inter polos amborum Magnetum, neque confugere ad rationem seu viam adhibitam in quæstione præcedenti, namque hæc ratio videtur potiùs obstare effectui cujus quæritur causa. Non est etiam recurrendum ad ullam ex iis rebus quas

clare non cognoscimus causas esse naturales & ordinarias motuum corporeorum, nec declinanda est difficultas questionis per ideam vagam & indeterminatam *qualitatis occultæ* in magnetibus quæ sese mutuo attrahant; mens enim capere nequit unum corpus posse aliud attrahere.

Impenetrabilitate corporum admissa, facile est concipere motum posse communicari per impulsione, & ex experientia liquidò constat motum reverà hoc pacto communicari: sed nulla ratio nullumve experimentum clarè demonstrat motum *attractionis*: Namque in experimentis quæ aptissima videntur ad probandam hanc speciem motus, ubi vera & certa deprehenditur causa effectus qui motum attractionis innuere videbatur, evidenter patet, id quod per attractionem fieri credebatur, fieri reverà per impulsione. Itaque alia non querenda est communicatio motus ab illa quæ fit per impulsione; cum hæc ratio sit certa & indubitata; aliæ verò quæ excogitari possent, obscuritate ad minimum laborent. Immo verò licet demonstrari posset, in rebus merè corporeis alia esse principia motus diversa à concursu corporum; hoc meritò rejici non posset. Immo ceteris quibuscumque preponi debet, cum sit omnium clarissimum & evidentissimum, ac adedò indubitatum videatur, ut asserere hinc non dubitemus illud omni tempore ab omnibus gentibus fuisse admissum.

Ex experientia liquet, magnetem in aqua liberè natantem, accedere ad alium magnetem quem quis præ manibus haberet si ipsi certum quoddam latus objiciatur: concludendum est igitur magnetem accedentem ab alio impelli. Quia verò Magnes quem quis tenere supponitur non pellit magnetem natantem, nec tamen Magnes natans accederet, nisi alter ipsi objiceretur: evidens est, ad minimum recurrendum esse ad duas rationes ut hæc quaestio explicetur: si illam per principium admissum communicationis motuum solvere velimus.



Magnes *c* accedit ad Magnetem C. Ergo aër quò circumdatur, illum pelli pellit, cum nullum aliud sit corpus à quo pelli possit, & hæc est prima

prima ratio. Magnes *c* non accedit nisi præfente magnetē *C*. Ergò necesse est ut magnes *C* determinet aërem ad pellendum magnetem *c*; & hæc est secunda ratio. Hæc duæ rationes planè necessarias esse evidens est. Adeò ut difficultas nunc in eo consistat, ut hæ duæ rationes simul jungantur, quod bifariam fieri potest, vel incipiendo ab aliquâ re cognita in aëre quæ circumdet magnetem *c*, vel incipiendo ab aliquâ re notâ in magnetē *C*.

Si notum sit partes aëris, ut ceterorum corporum fluidorum in perpetuâ versari agitatione, dubium non erit quin indefinenter agantur in magnetem *c* quem ambiunt; & quia illum undique æqualiter feriunt, illum ab una parte non magis pellunt quàm ab alia, quandiu ubique æqualis est aëris portio. Cum hæc ita sint, facile est judicare magnetem *C* impedire quominus tantum sit hujus aëris, de quo loquimur, versùs *a*, quàm versùs *b*. Sed id fieri nequit quin dispergantur quedam alia corpora in spatio quod intercedit inter *C* & *c*: ergò debent exire corpuscula ex magnetibus ad occupandum illud spatium; itaque cum corpuscula illa pellant aërem qui est propè *a*, magnes *c* minùs pellitur ab hac parte quàm ab altera; & proinde accedere debet ad magnetem *C*, cum omne corpus debeat moveri versùs partem unde minùs pellitur.

Sed nisi magnes *c* in polo suo *a* multos haberet poros aptos recipienda corpuscula quæ exeunt è Polo *B* alterius magnetis, & minora quàm ut possint recipere partes aëris; evidens est hæc corpuscula cum sint magis agitata quàm aër, si quidem illum pellunt è spatio quod intercedit inter duos magnetes, esse impulsura magnetem *c* & illum à magnetē *C* remotura. Cum itaque magnes *c* accedat ad magnetem *C* aut ab illo recedat, ubi diversi ipsi obijciuntur Poli, necessariò concludendum est, Polos *a* & *b* magnetis *c* repositos esse esse poris diversis; alioqui corpuscula quæ exeunt è magnetē *C* non transirent liberè & non pulso magnetē *c* ad latus *a*, illùmque non repellerent ad latus *b*. Quod de uno magnetē dictum est de altero pariter intelligi debet.

Hoc modò, secundum ideas claras & principia indubitata ratiocinandi, aliquid semper innotescere manifestum est. Hoc pacto enim patuit aërem qui circumdat magnetem *c* pelli è spatio quod intercipitur à corporibus quæ indefinenter exeunt ex illorum Polis, quæque ab unâ parte transitum liberum habent, ab alterâ verò clausum. Si autem vellemus aliquatenus saltem cognoscere quenam sit magnitudo & figura pororum magnetis per quos hæc corpuscula transcut, alia essent facienda experimenta; Verùm hæc nos ab instituto nostro longius abducerent. Circa hæc quæstiones possunt consuli principia Philosophiæ Renati DesCartes. Addam tantum, ut occurram objectioni quæ prima fronte nascitur, cur hæc corpuscula non possint regredi per eosdem poros ex quibus exiere, addo, in-

quam, præter certam quandam figuram, cochlearum strias referentem, quæ in poris idonea supponi potest, ad hoc effectum producendum; inflexionem ramusculorum ex quibus constant illi pori, posse ab unâ parte seu unò sensû, cedere corpusculis quæ per illos transmeant, ab alterâ verò parte veluti surrigi ipsisque transitum præcludere. Itaque non est quodd quis tantoperè mireretur discrimen quod est inter duos Polos Magnetis, illud enim discrimen multifariam potest explicari, ac in eo duntaxat versatur difficultas ut nempe inter diversas illas causas vera dignoscatur.

Si quis questionem modò examinatam solvere conatus fuisset, incipiendo à corpusculis quæ è magnete exire supponuntur, idem comperisset, & deprehendisset etiam aërem constare ex innumeris partibus perpetuò agitatæ, nisi enim res sic se haberet, magnes nunquam posset accedere ad magnetem C. His explicandis non immeror, quippe quæ difficilia non sint.

Sed alia est questio magis complexa quàm præcedentes, & in quâ plurimæ regulæ sunt adhibendæ. Queritur quænam possit esse causa naturalis & mechanica motûs membrorum nostrorum.

Idea causæ naturalis est clara & distincta, si eodem modò intelligatur quo illam explicui in questione præcedente. Sed terminus motûs membrorum nostrorum est æquivocus & confusus, multiplices enim sunt ejusmodi motus. Sunt voluntarii, naturales, & convulsivi. Varia etiam sunt membra in corpore humano. Itaque juxta primam regulam rogare debeo, cujusnam ex illis motibus hic quæraturs causa. Si verò questio maneat indeterminata ita ut illam pro arbitrio possim solvere, questionem ad hunc modum explico.

Horum motuum proprietates attentè considero. Quia verò primâ fronte animadverto motus voluntarios ut plurimum celerius fieri quàm convulsivos, hinc concludo illorum causam esse diversam. Itaque questionem per partes examinare possum & debeo; Longi enim examinis esse mihi videtur.

Primò igitur motûs voluntarii considerationi insisto. Et quia multas habemus partes hisce motibus inservientes brachium solum eligo. Attendo igitur, brachium constare ex multis musculis quibus omnibus eadem propè est actio, ubi aliquod corpus è terrâ attollitur, vel diversè movetur. Sed uni tantùm ex his musculis insisto, supponens ceteros eodem fermè modo esse conformatos. Illius compositionem addisco ex aliquo libro Anatomico, vel potius visû sensibili ipsius fibrarum & tendinum, quæ ab aliquo perito Anatomista dissecari curo, quem de omnibus interrogo quæ ad questionem utilia mihi futura judico.

Omnibus igitur attentè consideratis dubitare nequeo quin principium motûs brachii mei pendeat à contractione musculorum ex quibus constat, Ac si, ne nimia complectar, supponere velim, juxta
vulgarem

vulgarem opinionem, hanc contractionem fieri ope spirituum animalium, qui implent ventrem illorum musculorum, & hoc pacto eorum extrema ad se invicem accedere, tota quæstio circa voluntarium motum, ed reducetur, quomodo, scilicet, pauci spiritus qui in brachio continentur, possint subito inflare illius musculos pro arbitrio voluntatis, & cum vi sufficienti ad tollendum è terra centumpondium.

Dum hæc attentè expenduntur, prima ratio quæ sese imaginationi offert ad solvendum quæstionem, est fermentatio aliqua prompta & violenta, similis fermentationi pulveris pyrii, aut liquorum quorundam plenorum salibus volatilibus, ubi admiscuntur liquoribus acidis & plenis sale fixo. Paululum pulveris pyrii ubi inflammatur, non modò centipondium verum etiam turrim, imò montem subruere potest. Terræ motus quibus urbes integræ subvertuntur & Provinciæ succutiuntur, oriuntur etiam ex spiritibus qui sub terrâ inflammantur, eodem propè modo ac pulvis pyrius. Itaque supponendo in brachio causam aliquam fermentationis & dilatationis spirituum; poterit hoc pacto explicari principium istius roboris quò homines ad motus tam promptos & violentos sunt idonei.

Quia verò hisce explicandi rationibus quæ mentem non nisi per sensus subeunt & quorum nullam claram & evidentem habemus cognitionem, diffidere debemus, hac adeò securè uti par non est; etenim non sufficit reddere rationem violentiæ & celeritatis motuum nostrorum per similitudinem. Hæc ratio non modò confusa est, sed etiam imperfecta. Namque, explicandus est motus voluntarius, jam autem fermentatio non est voluntaria. Sanguis in febribus extrà modum fermentatur, nec potest cohiberi hæc fermentatio. Spiritus inflammantur & agitantur in cerebro, nec illorum agitatio minuitur pro desideriis nostris. Ubi quis multifariam movet brachium, juxta hanc explicationem, innumeræ fieri deberent fermentationes magnæ & parvæ, promptæ & lentæ, quæ inciperent; & quod juxta hanc suppositionem explicatû adhuc difficilius est, quæ desinerent pro istius hominis arbitrio. Hæc fermentationes oporteret totam suam non dissipare materiam, & hanc materiam ad inflammationem semper esse paratam. Ubi homo decem leucarum iter emensus est, quoties, rogo, muscoli qui ad incedendum inserviunt, impleri & evacuari debuerunt? Certè res in infinitum procederet; & quot opus esset spiritibus si singulis quibusque gressibus, fermentatio illos dissiparet & extingueret? Hæc igitur ratio est imperfecta ad explicandos motus corporis nostri, qui omninò pendent à voluntate nostrâ.

Hanc præsentem quæstionem in hoc Mechanicæ problemate consistere evidens est. Nempe; *Machinis pneumaticis invenire rationem superandi banc vel illam vim, ut vim centumpondii, per aliam vim quan-*

clm libet parvam, ut per vim ponderis unius uncia; & efficere ut applicatio parvi istius ponderis ad producendum effectum suum pendeat à voluntate. Jam autem istud problema solutū facile est, & illius demonstratio est clara.

Potest solvi ope vasis cui duo sint orificia, cujus alterum altero sit majus paulò plus quàm 1600^o. & in quibus inferantur tubi duorum follium æqualium; & applicetur vis 1600^o. duntaxat major alterâ folli majori orificii, applicati, tunc enim vis 1600^o. minor superabit majorem, & illius problematis demonstratio clara est ex Mechanicis disciplinis, quoniam vires non sunt accuratè in proportionem reciprocam ad orificia, & relatio parvi ponderis, seu debilioris vis ad angustum orificium sit major quàm relatio magnæ vis ad magnum orificium.

Verùm ut istud problema solvatur per machinam quæ meliùs representet effectum musculorum, parumper sufflandum est in follem lusorium, & deinde huic folli vento ad dimidiam partem inflato applicandum est saxum ingentis molis, vel collocandus est follis super mensâ, asserere regendus & asseri ingens saxum imponendum; vel faciendum ut homo quispiam ponderosissimus huic asseri infideat ipsi permittendo aliquo fulcro uti ut follis intumescentiæ possit resistere. Si quis enim de novo, ore duntaxat in follem insufflet, sublevabit lapidem quò comprimebatur, vel hominem qui ei infidebat. Dummodò canalis per quem ventus subit follem habeat valvulam quæ vento exitum præcludat, ubi respirandum erit. Hujusce rei hæc est ratio; nempe orificium folli adeò exiguum est, vel adeò exiguum supponi debet, relatè ad totam ejusdem folli capacitatem, qui resistit pondere saxi, ut hoc modo vis minima possit vincere maximam.

Si attendatur pariter, solum halitum, vel flatum, vel sufflationem posse violenter pellere glandem plumbeam, ope tubulorum, pneumaticorum Gallicè *Serbacanes*, vel *Sarbatanes*, quia vis flatûs non dissipatur, & indefinenter renovatur: Manifestò patebit, proportionem necessariâ inter orificium & capacitatem folli semel suppositâ maximas vires solo flatû facile vinci posse.

Si igitur concipiamus musculis integris vel singulis fibris ex quibus constant, esse, ut folli, capacitatem aptam ad recipiendos spiritus animales: poros per quos spiritus in iis insinuantur esse adhuc minores (proportionem servatâ) collo vesicæ, aut foramine folli: Spiritus cohiberi & pelli in nervos ferè tanquam flatus in (*Serbacanes*) cannas, seu tubulos pneumaticos supra dictos; & spiritus magis esse agitatòs quàm aër in pulmonibus, & impulsos majori impetû in musculos, quàm aër in folles impellitur; Hinc patebit motum spirituum qui in musculos diffunduntur posse superare vim gravissimorum ponderum quæ possint portari: Quòd si his graviora non possint portari,

portari, defectus virium non tam est à parte spirituum, quàm à parte fibrarum & pellicularum ex quibus constant muscoli, quæ disrumperentur nimia conatûs violentiâ. Præterea, si attendamus per leges unionis mentis cum corpore, motus horum spirituum, quoad illorum determinationem, pendere à voluntate hominum, facile patebit motus brachiorum esse voluntarios.

Equidem brachium tantâ velocitate movemus, ut primâ fronte incredibile videatur effusionem spirituum in musculos ex quibus constat brachium, satis habere velocitatis ad producendum illum motum. Sed animadvertere debemus hosce spiritûs esse perquam agitados, ad id semper paratos ut è musculo in alium possint intrare, & paucos duntaxat sufficere ad illos musculos inflandos, quantum necesse est ut soli moveantur, vel ubi aliquid levissimum è terra tollere volumus. Ubi enim aliquid grave nobis est tollendum, id celeriter efficere non possumus. Ubi pondera sunt gravia, musculi sunt valde inflandi & intendendi. Ut hoc modo inslentur aliis adhuc opus est spiritibus præter eos qui sunt in musculis vicinis aut antagonisticis vel oppositis. Ut igitur spiritus illi aliunde accersantur, & illorum sufficiens infundatur copia ad resistendum gravitati, tempore opus est. Unde fit ut ii qui sunt onerati non possint currere, & qui è terrâ aliquid grave tollunt, id eadem velocitate non efficiant ac si festucam tollerent.

Iterum si attendamus eos quibus est temperamentum calidius, vel qui vinum paulò largius potarunt, cæteris esse promptiores: inter animalia, ea quibus spiritus sunt magis agitati, ut aves, velocius moveri, quàm ea quibus sanguis est frigidus, ut ranæ; ac etiam quædam esse ut Camelæon, testudo, & nonnulla insecta, quorum spiritus adeò lenti sunt, ut ipsorum muscoli citius non impleantur, quàm folliculus in quem insufflaretur. Si hæc omnia, inquam, sedulo animadvertantur forsân explicatio nostra digna videbitur quæ admittatur.

Sed quamvis huic parti quæstionis propositæ, quæ versatur circa motûs voluntarios satisfecisse nobis videamur, asserendum tamen non est illam plenè fuisse solutam, & nihil ampliùs esse in corpore nostro quod ad hos motus producendos conferatur. Etenim verissimile est in musculis nostris esse innumera organa quæ hos motus reddunt faciliores, quæque æternùm latebunt eos etiam qui in Operibus Dei explicandis feliciter conjiciunt.

Secunda pars quæstionis quæ examinanda venit, versatur circa motus naturales, vel illos motus in quibus nihil est extraordinarii; ut esse solet in motibus convulsivis: sed qui planè necessarii sunt ad machinæ conservationem, quique ideo à voluntate nostrâ non dependent.

Primò igitur quàm attentissimè possum considero quinam sint

ejusmodi motus, & an sint inter se penitus similes: Quia verò primò intuitu agnosco penè omnes à se invicem differre, ne æquò majorem rerum numerum amplectar, soli cordis motui immoror. Hæc pars est omnium maximè nota, & ipsius motus omnium maximè sensibiles. Ipsius igitur structuram examino, & duo imprimis observo. Primò, cor ut ceteros musculos ex fibris constare. Secundò in eo esse duas cavitates non exiguas. Judico igitur ipsius motum fieri posse spirituum animalium ope, quandoquidem sit musculus & sanguinem in eo fermentari & dilatari, cum in eo sint cavitates. Primum judicium iis quæ modò dixi fretum est, & secundum ex eo petitur quòd cor multò calidius sit ceteris corporis partibus; quòd calorem cum sanguine omnibus membris communicet; quòd duæ illæ cavitates non potuerint formari & conservari nisi dilatatione sanguinis, ac proinde eidem causæ inserviant quæ illas produxit. Possum igitur sufficientem reddere rationem motus cordis, per spiritus qui illud agitant & per sanguinem qui illud dilatat dum fermentatur: Quamvis enim causa quam assero illius motus forsitan non sit vera illius causa, certum tamen mihi videtur illam sufficere ad producendum illum motum.

Equidem principium fermentationis aut dilatationis liquorum forsitan non satis innotescet iis omnibus qui hæc legent, ut existimem me penitus explicuisse effectum, ostendendo duntaxat in genere ipsius causam esse fermentationem: sed omnes quæstiones speciales non debent solvi ascendendo ad primas causas. Possumus equidem ad eas ascendere, & hoc pacto verum systema patefacere, ex quo omnia effecta specialia dependent, dummodo solis immoremur ideis clavis: sed hæc Philosophandi ratio nec accuratissima nec brevissima est.

Ut rem clariùs explanem, sciendum est quæstiones esse duplicis generis. In prioribus, detegendæ veniunt natura & proprietates alicujus rei: In aliis, quæritur an hæc vel illa res habeat hanc proprietatem necne, aut si notum sit illam hanc habere proprietatem, quæritur duntaxat quænam sit illius proprietatis causa.

Ut quæstiones primi generis solvantur, res ab ortu sunt examinandæ, & concipiendum est illas semper gigni per vias simplicissimas & maximè naturales. Ut aliæ quæstiones solvantur, diverso procedendum est modò; solvendæ sunt per suppositiones, & examinandum an hæc suppositiones ad aliquod absurdum, vel ad aliquam veritatem clarè cognitam ducant.

Exempli gratiâ quæritur quænam sint proprietates cycloïdis vel alicujus ex *sectionibus conicis*. Considerandæ sunt illæ lineæ in ipsarum generatione, & formandæ juxtà vias simplicissimas & omnium minimè intricatas; Hæc est enim optima & brevissima ratio detegendæ illarum naturam & proprietates. Nullò negotiò patet, subrepsam cycloïdis

cyclôidis esse æqualem circulo cujus ope ducta fuit ; Sed si hac viâ facile non detegantur multæ ex illius proprietatibus, id oriatur ex eò quodd linea circularis quæ ad illam formandam inservit, satis cognita non sit. Ad lineas verò merè Mathematicas, & quarum relationes facilius cognosci possunt, quales sunt sectiones conicæ, quod spectat, ut illarum quamplurimæ detegantur proprietates, sufficit illas lineas considerare in ipsarum generatione. Duntaxat attendendum est, cum lineæ illæ possint generari ex motibus diversimodè ordinatis, quamlibet generationem non esse æquè idoneam ad erudiendam mentem ; simplicissimas esse omnium optimas, & tamen contingere, ut quædam rationes, seu modi speciales aliis sint aptiores ad demonstrandas quasdam proprietates speciales.

Sed si non querantur in genere proprietates alicujus rei, sed duntaxat an res aliqua hanc vel illam habeat proprietatem. Tum supponendum est rem illam reverâ hanc habere proprietatem, & attentè examinandum quid ex hac suppositione sequi debeat, an ad manifestum ducat absurdum, vel ad veritatem indubitatam, quâ ad veritatem quæ disquiritur inveniendam, via sternatur. Atque hac ratione utuntur Geometræ ad solvenda sua problemata. Quod quærun supponunt, & examinant quid inde consequi possit. Relationes quæ ex ipsorum suppositionibus resultant attentè considerant. Hasce omnes relationes quæ includunt conditiones problematis per *æquationes* representant, & postea hasce *æquationes* juxta regulas, quas circa id habent, reducunt ; ita ut quod ignotum est, uni aut pluribus rebus planè cognitis æquale reperiatur.

Si igitur queratur in genere natura ignis & diversarum fermentationum, quæ sunt causæ maximè universales effectuum naturalium. Dico viam brevissimam & notissimam esse id examinare in principio suo. Consideranda est formatio corporum maximè agitatorum, & quorum motus diffunditur in ea quæ fermentantur. Per ideas claras & vias simplicissimas examinandum est, quid motus possit producere in materia, & quia ignis & variæ fermentationes sunt res maximè generales, quæque proinde à paucis pendent causis ; Opus non erit longo examine ad considerandum quid materia efficere possit, ubi motû agitatur, ut natura fermentationis in ipsius principio cognoscatur. Et eodem tempore multa alia deprehendentur omninò necessaria ad cognitionem Physices. Cum è contrâ si in hac questione quis veller per suppositiones ratiocinari, ad ascendendum hoc pacto ad primas causas, & ad leges naturæ secundum quas omnia formantur, multas faceret falsas suppositiones & prorsus inutiles.

Possent equidem agnosci causam fermentationis esse motum materiæ quæ agitari incipit ; satis enim notum est ignem & varias fermentationes corporum consistere in ipsorum agitatione, & legibus

naturæ corpora motum suum immediate non recipere nisi ex concursu aliorum magis agitatorum. Hoc pacto, materiam esse imperceptibilem, cujus motus, fermentationis ope, visibilibus corporibus communicatur, detegi posset. Verum suppositionum ope nequaquam posset deprehendi quomodo id fiat : quod longè facilius est ubi elementorum aut corporum ejusdem naturæ formatio examinatur ; ut patet ex systemate R. DesCartes.

Tertia pars quæstionis, quæ versatur circa motus convulsivos, solutū non erit admodum difficilis, dummodo supponantur esse in corpore spiritus animales alicujus fermentationis capaces, & humores satis subtilis ut sese insinuent in poros nervorum, per quos spiritus diffunduntur in musculos ; dummodo etiam determinare non aggrediamur quænam sit vera dispositio partium invisibilium, quæ conferunt ad hos motus convulsivos producendos.

Ubi musculus separatus fuit à reliquo corpore, & ipsius extrema manū tenentur, manifestum est illum ad id niti ut contrahatur, ubi in ventre pungitur. Verisimile est id pendere ex constructione partium imperceptarum ex quibus constat, quæ veluti totidem occulta elaterica organa motū punctionis ad certos motus determinantur. Verum quis posset confidere se invenisse veram dispositionem partium quæ producendo illi motui inserviunt, & quis illius rei posset demonstrationem tradere indubitam ? Certè id impossibile videtur, quamvis, forsan, iterum atque iterum scrutando, posset excogitari constructio musculorum aptorum ad omnes quos videmus producendos motus. Sed quia nulla est legitima ratio dubitandi, quin sint spiritus capaces fermentationis ex admistione alicujus materiæ subtilis, quin etiam humores acres & pungentes possint sese insinuare in nervos, id potest supponi.

Igitur ad solvendam quæstionem propositam, primò examinandum est quotuplices sint motus convulsivi : quia verò illorum numerus videtur indefinitus, insistendum est præcipuis, quorum causæ videntur esse diversæ. Considerandæ sunt partes in quibus excitantur illi motus, morbi qui illos præcedunt & sequuntur : an cum dolore, an verò sine dolore fiant, & præcipuè quænam sit illorum velocitas & violentia : Quidam enim cum celeritate & violentiâ, quidam verò sine celeritate & violentiâ fiunt. Quidam desinunt & sæpiùs recurrunt ; quidam partes corporis reddunt rigidas & sine motū per aliquod tempus ; quidam verò illarum usum omninò prohibent ac illas penitus distorquent.

His omnibus animadversis, facili negotio in genere explicari potest, quomodo isti motus convulsivi fieri possint, si attendatur ad ea quæ modò dicta sunt de motibus naturalibus & voluntariis. Si enim concipiamus commisceri spiritibus, qui in musculo continentur, aliquam materiam aptam ad illos fermentandos, musculus ille inflabitur,

tur, & in hac parte motum convulsivum producet.

Si huic motui facile resistitur, hinc patebit nervos nullo humore esse obstructos, cum iidem spiritus qui musculum subiverant ex eo possint emitti & ad id determinari ut inflectant musculum antagonistam, vel oppositum. Si verò id fieri nequeat hinc concludendum erit humores pungentes & subtiles ad illum motum aliquid saltem conferre. Immo quandoque fieri potest ut humores illi sint sola causa horumce motuum convulsivorum: Possunt enim determinare cursum spirituum versus quosdam musculos, vias aperiendo per quas intra illos feruntur, alias verò claudendo, præterquam quod penetrando illorum poros, illorum tendines & fibras contrahere possint.

Ubi pondus gravissimum pendet de fune non parùm elevatur si tantùm funem madefeceris; quia partes aquæ sese veluti totidem cuneoli inter fila ex quibus funis constat, funem dilatando, ipsum contrahunt. Pariter humores subtiles & pungentes sese insinuando in poros nervorum, illos contrahunt, partes quæ illis alligantur trahunt, & in corpore excitant motus convulsivos, admodum lentos, violentes, & dolorificos, & partem per aliquod tempus maximè distortam sæpè relinquunt.

Ad motus convulsivos, qui celeriter fiunt, quod spectat, illi à spiritibus producuntur, sed necesse non est hosce spiritus aliquam recipere fermentationem; sufficit duntaxat ut illorum ductus magis ab unâ quàm ab alterâ parte, pateant.

Ubi omnes corporis partes sunt in situ suo naturali, spiritus animales in eas æqualiter & celeriter, relatè ad machinæ commodum, diffunduntur, ac voluntatis mandata fideliter exequuntur. Sed ubi humores dispositionem cerebri turbant, & nervorum officia immutant aut movent, vel penetrando musculos elaterica illorum pellunt organa; spiritus in corporis partes modò prorsus inusitato diffunduntur, & motus insolitos inconsultè à voluntate producunt.

Possunt tamen cohiberi illi motus, si strenuè & seriò iis resistatur, immò possunt paulatim imminui vestigia quæ ad illos producendos inserviunt, ubi habitus penitus est contractus. Qui sibi cavent ab inveniustis oris compositionibus, aut à sitû corporis indecoro facile abstinere, licet corpus ad id sit dispositum: immò hæc quamvis habitû corroborata equè quidem superant, sed superant tamen. Illi enim habitus in principiis suis sunt semper impugnandi & antequam cursus spirituum inierit viam clausû difficiliorem.

Causa horum motuum nonnunquam est in musculo qui agitur: quia nempe ab aliquo humore pungitur, vel in eo spiritus quidam fermentantur. Sed causa illa in cerebro assignanda est, præcipuè ubi convulsiones non modò unam aut duas corporis partes speciatim sed omnes in genere agitant, ut & in multis morbis qui naturalem sanguinis & spirituum constitutionem immutant,

Equidem, cum nervus quandoque diversos habeat ramos, qui diffunduntur in partes corporis satis ab invicem remotas, ut in vultum & in viscera; sæpè contingit ut convulsio, suam habens causam in parte aliquâ in quam quidam ex illis ramis se inserit, possit communicari partibus quibus alii rami respondent, nec tamen cerebrum illius convulsioni causa, & spiritus corrupti sint.

Sed ubi motus convulsivi communes sunt penè omnibus corporis partibus, necesse est dicere, aut spiritus fermentari modo inusitato, aut ordinem & dispositionem partium cerebri esse turbata, vel utrumque evenire: huic quæstioni diutiùs non insisto, namque adedò complexa evadit & à tot rebus pendet, ubi speciatim examinatur, ut facile non possit inservire ad claram explicationem legum supra traditarum.

Nulla scientia aptiora suppeditat exempla ad demonstrandam harumce legum utilitatem, quàm Geometria, & præcipuè Algebra, namque illæ duæ scientiæ harum legum perpetuum admittunt usum. Geometria necessitatem quæ incumbit semper incipiendi à rebus simplicissimis, quæque minores includunt relationes clarè ostendit. Hasce relationes per mensuras clarè cognitæ semper examinat, Quicquid inutile est ad illas retegendas, eliminat. Quæstiones compositas in partes dividit, partes illas in ordinem digestas ordine etiam expendit. Denique unicus defectus, qui, ut jam dictum est, in hac scientia potest deprehendi, in eò consistit quòd nullam habeat rationem satis aptam ad contrahendas ideas & relationes quæ cognitæ fuerunt. Itaque quamvis imaginationem intra justos cohibeat limites & menti rectitudinem afferat, illius capacitatem parùm auget, nec ipsam reddit idoneam ad detegendas veritates admodum complexas.

Sed Algebra, cum rationes tradat ideas & earum relationes modò omnium brevissimò contrahendi, mentis capacitatem admodum auget. Nihil potest concipi adedò complexum in relationibus magnitudinum, quod mens tandem non possit retere illis, quos suppeditat, modis, ubi quis novit quomodò ipsis utendum sit.

Quinta regula & aliæ, in quibus agitur de modo contrahendi ideas hanc solam spectant scientiam; nulla enim est in aliis scientiis illarum contrahendarum commoda ratio: Itaque iis explicandis non immorabor. Qui ad scientias Mathematicas proclives sunt, & menti totam vim totamque capacitatem quam potest suscipere conciliare volunt, atque hoc pacto eò devenire ut possint innumeras novas veritates ipsimet retere, postquam Algebræ seriò incubuerint, agnoscent hanc scientiam inquirendæ veritati ideò duntaxat esse tantoperè utilem, quia leges à nobis præscriptas observat. Sed hic per Algebram intelligo præsertim Algebram illam quâ Cartesius & nonnulli alii usi fuere.

Ante-

Antequàm huic Operi finem imponam, afferam exemplum cui paulò prolixiùs immorabor, ut meliùs cognoscatur utilitas ex toto hoc Libro ducenda. In hac quæstione represento processum mentis, quæ ad quæstionis non levis examen se accingens, sese à præjudiciis expedire conatur. Immo primà fronte illam induco ut in errore aliquem lapsam, ut hoc pacto alibi à me dicta in memoriam revocentur; sed postquam, attentione tandem assequuta est veritatem quam querebat, illam introduco positivè loquentem, ut loqueretur homo qui quæstionem à se examinatam solvisse existimaret.

CAPVT IX.

Ultimum exemplum ut istius operis utilitas pateat. In hoc exemplo causa unionis partium corporum inter se invicem, & leges communicationis motuum examinantur.

Corpora simul triplici modo unita sunt per *continuitatem*, per *contiguitatem*, & tertio quodam modò, qui caret nomine speciali, quia rarerè usù venit, quémque termino generali *unionis* indicabo.

Per *continuitatem*, seu per causam continuitatis intelligo illud quod partes unius corporis ita inter se cohærent, ut sine molimine separari nequeant, & unicum totum simul conficere existimantur. Et illud est nescio quid aliquatenus ignotum, quod quero.

Per *contiguitatem* illud nescio quid intelligo, ex quo iudico duo corpora sese immediatè tangere, ita ut inter illa nihil sit; quæ tamen arctè unita non censeo, cum illa facillè separare possim.

Per ultimum illum terminum, *unis*, iterum intelligo nescio quid, quod efficit ut duo vitra aut duo marmora, quorum superficies mutuà confricatione attritæ & expolitæ fuerunt, ita inter se cohærescunt ut quamvis tabulas illas marmoreas facillè separaveris, si ita moveas, ut contiguæ ac lubricæ earum superficies parallelo motu decurrant, id tamen difficillè præstabis si eas aliter divellere coneris.

Jam autem hic non est *continuitas*, cum duo illa vitra, seu duo illa marmora hoc modo conjuncta, non concipiantur quasi unicum totum constituerent, quoniam uno quodam sitù facillimè possunt separari: non est etiam simpliciter *contiguitas*, quamvis ad contiguitatem quàm proximè accedat; quia hæ duæ partes vitri aut marmoris satis arctè immò longè magis uniuntur quàm partes corporum mollium & liquidorum, ut partes butyri & aquæ.

His terminis ita explicatis, jam querenda est causa quæ unit cor-

pora , & disquirenda sunt discrimina quæ deprehenduntur inter *continuitatem* , *contiguitatem* & *unionem* corporum sensû jam determinato intellectam. Primò , quæram causam *continuitatis* : vel in quo consistat illud nescio quid quod efficit ut partes corporum inter se ita cohereant , ut sine molimine separari nequeant , utque unicum totum constituere existimentur. Hac causâ semel compertâ , spero reliqua facili negotio retegenda fore.

Jam necesse mihi videtur , ut illud nescio quid , quò partes etiam minimæ hujusce ferri quod præ manibus habeo inter se colligantur ; sit aliquid robustissimum , cùm non sine ingenti nisû , illius particulam frangere possim. Verùm ego forsan fallor ; nōne fieri potest , ut illa difficultas , quàm , si minimam ferri particulam frangere velim , patior , ex debilitate meâ non verò ex ferri resistentiâ oriatur ? Etenim memini me olim majorem adhibuisse vim quàm nunc adhibeo , ad rumpendam æqualem ferri portionem ; ac si morbus invaderet membra mea , forsan ad illud frangendum pedibus manibusque frustra eniterer. Hinc igitur patet mihi absolute judicandum non esse de firmitate unionis partium ferri inter se ex conatibus meis ad illas sejungendas. Judicare duntaxat debeo illa inter se invicem maxime colligari , relatè ad virium mearum tenuitatem ; vel illas arctius inter se coherere quàm partes carnis meæ ; cùm ex sensationibus doloris quem ex conatibus meis contraho , judicem , partes corporis mei potius esse sejungendas , quàm partes ferri.

Quemadmodum igitur nec sum robustus nec debilis absolute , agnosco pariter ferrum aut alia corpora non esse dura aut flexilia absolute , sed duntaxat relatè ad causam quæ agit in ea ; & conatibus meis me non posse uti ut normâ secundum quàm metiar magnitudinem roboris adhibendi ad vincendam resistentiam & duritiem ferri. Namque normæ debent esse immutabiles , jam autem effecta illa , pro temporibus , pro spirituum animalium copiâ , & pro carniū duritie mutantur , cùm eadem effecta iisdem conatibus semper producere non possim.

Hac animadversione mens mea præjudicio quâ præpediebatur libera facta fuit , nempe ad uniendas corporum partes , imaginabar fortia vincula quæ forsan non existunt ; ac spero hanc observationem mihi in posterum utilem futuram esse ; etenim ad id vehementer propendo , ut de omnibus relatè ad me judicem , & sensuum meorum impressiones sequar , ab illo igitur vitio accuratius nunc mihi cavebo. Sed pergamus.

Postquam aliquandiu cogitavi , & arctæ istius unionis causam sedulò & in cassum tamen quæsi , negligentia meâ & naturæ meæ propensione ad id feror ut cum pluribus aliis , existimem formam corporum , vel amicitiam & inclinationem quâ sese mutuò complectuntur , conservare mutuam unionem inter ipsorum partes , & ad

ad alia similia formanda iudicia. Quid enim commodius est quam sese quandoque errori permittere, & sic parvis sumptibus eruditionem assequi?

Verum, cum nihil credere decreverim, quod prius clarè non cognoscam, veterum illum excutiam, nec me falsis splendoribus perstringi sinam. Mittamus igitur hasce formas & inclinationes, quarum nullas distinctas & speciales sed duntaxat confusas habemus ideas quæ duntaxat relatè ad naturam nostram à nobis formari mihi videntur, & quarum existentiam permulti homines ac forsitan nationes integræ diffitentur.

Causam arctæ huiusce unionis partium ex quibus constant corpora dura videre mihi videor, nihil in iis admissio præter id quod in iis actû existere apud omnes constat, aut id quod saltem in iis existere posse ab omnibus distinctè concipitur. Omnes enim distinctè concipiunt omnia corpora ex particulis constare, aut saltem constare posse. Itaque inter illas partes fieri potest ut sint quædam uncinatæ & ramos instar exiguum vinculum idoneorum ad firmè detinendas alias partes, vel ita sese ramis intricabunt ut nonnisi difficulter possint sejungi.

Ad id credendum eò facilius adducor quòd experiar partes visibiles corporum crassorum sese hoc pacto mutuò detinere & jungere. Verum præjudicatis opinionibus meis & sensuum impressionibus nimium diffidere nequeo. Rem igitur penitus inspiciam, & inquiram etiam causam cur minimæ & ultimæ partes solidæ corporum, uno verbo cur ipsæ partes uniuscujusque horum vinculum inter se cohereant: Namque uniri non possunt, aliis vinculis minoribus, cum illas supponam solidas. Vel si dicam illas hoc pacto uniri à me iterum meritò quæretur quid unire poterit alias illas partes, & sic in infinitum.

Aded ut hic versatur totus rei cardo, quò pacto, scilicet, partes horum exiguum vinculum, vel illarum partium ramosarum, possint inter se aded arctè uniri, gratiâ, cum B quas suppono partes li. Vel quod idem est, cum corpora sint quò sunt solidiora & pauciores habent poros, quæritur nunc, quomodò partes columnæ compositæ ex materia quæ nullum habet porum, fortiter inter se jungi, & corpus durissimum componere. Non est enim quòd quis dicat partes hujus columnæ inter se colligari exiguum vinculum ope, cum enim sint sine poris nullam habent figuram specialem.

Parum ab est quin adhuc dicam hanc columnam esse duram naturâ suâ, vel parva vincula ex quibus constant corpora dura, esse atomos, quarum partes dividi nequeunt, cum sint partes essentielles & ultimæ corporum, & essentialiter uncinata aut ramosa, aut figurâ intricatâ prædita esse illa vincula.



A, Exempli
exigui vincu-
pora eò du-

Sed quæstionem hoc pacto non explicari ingenuè fateor. Certè cum præjudicatis opinionibus & sensuum illusionibus valedicere statuerim, confugere ad formam abstractam, & Logicæ phantasma amplecti absurdum esset. Absurdum, inquam, esset concipere ut aliquid reale & distinctum, ideam vagam naturæ, aut essentiæ, quæ nihil aliud exprimit quàm quod jam notum est; & sic accipere formam abstractam & universalem, tanquam causam Physicam effectûs maximè realis. Duo enim sunt à quibus nunquam non cavere debeo. Primum est sensuum meorum impressio, alterum facilis propensio quâ feror ad accipiendas naturas abstractas generales Logicæ pro ideis realibus & specialibus, & memini me hisce erroris principiis fuisse sæpè deceptum.

Etenim, ut ad difficultatem redeam, concipere nequeo, quomodò exigua hæc vincula essent indivisibilia essentiâ & naturâ suâ, ac proinde quomodò essent inflexilia, cum è contra illa necessariò per essentiâ & naturam divisibilia concipiam. Namque pars A est certè substantia æquè ac B: & per consequens A potest existere sine B, cum substantiæ possint subsistere seorsim aliæ sine aliis, alioqui non essent substantiæ.

A non esse substantiam dicere nemo potest; manifestum enim est A non esse duntaxat modum, & omne ens esse vel substantiam vel modum substantiæ. Itaque cum A non sit modus, est substantia, ergò potest existere sine B, & poriori jure pars A potest existere seorsim à B. Ita ut illud vinculum sit divisibile in A & in B.

Præterea si illud vinculum esset indivisibile, vel uncinatum naturâ & essentiâ suâ, hinc nasceretur effectum experientiæ contrarium; nullum enim corpus posset frangi. Supponamus ut antea ferrum constare ex multis vinculis quæ sese mutuò irretiunt.

A, a & B, b esse duo ex his vinculis. Dico quod illa vincula non possent sejungi, nec proinde ferrum frangi. Ut enim frangeretur, essent flectenda vincula ex quibus constat, quæ tamen inflexilia essentiâ & naturâ suâ supponuntur.

Si verò inflexilia non supponantur, sed duntaxat indivisibilia naturâ suâ, hæc suppositio ad solvendam quæstionem nihil facit. Tunc enim quæretur, cur hæc exigua vincula non cedât impetui qui fieri solet ad flectendum vestem ferreum. Si tamen non supponantur inflexilia, non debent pariter supponi indivisibilia. Nam si partes horum vinculorum inter se invicem possint mutare situm possent etiam separari: quippe nulla ratio est cur pars quæ ab aliâ potest parumper recedere, omninò recedere non possit, sive igitur vincula illa inflexilia supponantur, sive indivisibilia, quæstio neutrò modò solvetur: si enim duntaxat indivisibilia supponantur, nullò negotiò potest rumpi ferrum; si verò supponantur inflexilia, frangi non poterit,

terit, quia parva vincula ex quibus constat ferrum utpote inter se invicem intricata, non poterunt sejungi. Jam igitur questionem principiis claris & indubitatis solvere, & rationem cur exigui hujusce vinculi duæ partes A, B inter se invicem tam arctè cohæreant invenire conemur.

Meditationis meæ materiam in partes dividendi necessitatem mihi imponi video, ut illam accuratius & commodius examinem, cum ad illam primò & simplici intuitu solvendam frustra desudaverim. Nec inutilis fuisset labor meus si initio rem adorsus fuisset, ut jam sum adorsurus. Cum enim veritates quas disquirimus sunt abditæ, satius semper est illas per partes examinare, nec falsâ prosperi successus spe deludi.

Quæro causam arctæ unionis, quæ exstat inter particulas ex quibus constat exiguum vinculum A, vel B. Jam autem tria duntaxat distinctè concipio esse posse causam effecti circa quod jam occupor; nempe partes ipsas istius exigui vinculi, vel voluntatem Authoris naturæ, vel denique corpora invisibilia quæ circumdant hæc parva vincula. Possem inter illas causas referre, formam corporum, qualitates duritiei, aut aliquam qualitatem occultam, sympathiam inter partes homogeneas, &c. Quia verò egregias illas entitates distinctè non concipio, æquum non est iis me ratiocinia mea suffulcire. Itaque si causam circa quam querendam detineor non nanciscor in rebus quarum distinctas habeo ideas, non est animus oleum & operam perdendi in contemplandis istis ideis vagis & generalibus Logicæ, ac de iis quæ non intelligo loqui desinam. Sed primum illud examinemus, quid sit illud quod efficere potest, ut partes exigui istius vinculi inter se cohæreant, quæ nempe sint particulae ex quibus constat.

Quum attendo duntaxat ad partes ex quibus corpora dura maxime composita sunt, ad id facile adducor ut credam nullum posse excogitari glutinum, quod particulas hujus vinculi firmitus conjungat inter se, quam ipsamet & ipsarum quies. Quid enim esse posset glutinum istud? Non substantia, quia cum particulae istae sint substantia, nulla ratio est cur per aliam substantiam potius quam per seipsas jungerentur, non etiam est modus ullus diversus à quiete; nullus enim magis adversari potest motui per quem istae particulae separentur, quam ipsarum quies. Atque præter substantias & earum modos nullum aliud rerum genus cognoscimus.

Principia
Ren. Des-
cartes, art.
55. secundæ
partis.

Verum equidem est partes corporum durorum persistere unitas, quandiu juxta se quiescunt; & illas, ubi semel quieverunt, quantum fieri potest per se in quiete perseverare. At illud non est quod quæro. Quæro unde fiat ut partes corporum durorum eâ præditæ sint vi, ut possint inquiete juxta se invicem permanere & impetui aliorum corporum resistant.

Possem equidem respondere unum quodque corpus eâ præditum R. DesCar.

Qq q 2

res art. 43. esse vi, quâ possit permanere in eodem statû in quo est, & hanc vim
ejusd. part. esse æqualem ad motum & ad quietem : sed partes corporum du-
rorum in quiete juxta se perseverant, & ægrè separantur & agitan-
tur, quia non satis motûs adhibetur ad vincendam illarum quietem.
Id quidem verisimile est, sed certitudinem quæro, si inveniri possit,
non verisimilitudinem. Quò pactò autem certò & evidenter scire
potero, unicuique corpori vim esse permanendi in statû in quo est,
& vim illam esse æqualem ad motum & ad quietem ; cùm potius
materia indifferens ad motum & ad quietem & omni vi destituta
esse videatur. Veniamus igitur ad voluntatem Creatoris, ut fecit
Cartesius, quæ forsan est vis quam corpora in se habere videntur.
Illud est quod secundo diximus posse conservare partes exigui istius
vinculi adeò arctè inter se conjunctas.

Profectò, fieri potest ut Deus velit unumquodque corpus perma-
nere in statû in quo est, & ipsius voluntatem esse vim quæ singu-
lorum corporum partes inter se jungit ; quemadmodum etiam novi
ipsius voluntatem esse vim moventem corporum. Cùm enim mate-
ria non possit per se moveri, judicare, ni fallor, par est mentem
aliquam, immò Authorem ipsum naturæ illi motum indere, illam-
que in motû conservare, illam conservando successivè in pluribus
locis simplici voluntate suâ, cùm ens infinîtè potens non utatur
instrumentis ad agendum, & effecta ipsius voluntatem necessariò
sequantur.

R. DesCar-
tes art. 33.
2. Part. Art.
43. & seqq.

Agnosco igitur fieri posse ut Deus velut unumquodque corpus
permanere in eodem statû in quo est, sive sit in motû ; ita ut hæc
voluntas sit potentia naturalis, quâ corpora prædita sunt ad perma-
nendum in eodem statû in quo constituta fuerunt. Quod si ita sit,
exemplo Cartesii, mensuranda erit hæc potentia, concludendum
quemam illius debeant esse effecta, & sic leges habendæ de vi &
communicatione motuum ad concursum diversorum corporum, jux-
ta proportionem magnitudinis illorum ; cùm nulla nobis alia sup-
petat ratio quâ possimus assequi illam voluntatem generalem & im-
mutabilem Dei, quæ constituit variam potentiam corporum ad
agendum vel sibi invicem resistendum, præter diversam illorum
magnitudinem & velocitatem.

Attamen nullum est mihi certum argumentum Deum velle volun-
tate positivâ ut corpora maneant in quiete. Et sufficere mihi vide-
tur Deum velle ut materiam existere, ut non modò existat, verùm
etiam ut existat in quiete.

Res secûs se habet de motû, quia idea materiæ motæ duas poten-
tias ad quas refertur, nempe potentiam quæ creavit materiam, &
præterea potentiam quæ illam agitavit, necessariò includit : sed idea
materiæ quiescentis nihil includit præter ideam potentia quæ illam
creavit ; nec opus est ullâ aliâ potentiâ ad illam inquiete constituen-
dam,

dam, sic equidem res concipio. Jam autem juxta ideas meas judicare teneor; & secundum ideas meas quies nihil aliud est præter privationem motûs. Sufficit enim Deum desinere velle corpus moveri, ut non amplius moveatur & actû quiescat.

Verum memini me audivisse à plurimis viris eruditissimis, motum æquè sibi videri privationem quietis, ac quies videri posset privatio motûs. Immò quis inter eos assererat, rationibus, quas equidem satis assequi non poteram, probabilius esse motum esse privationem, quàm quietem; Nunc distinctè non recordeor rationem quas assererant; sed tamen id me monet ideas meas posse esse falsas. Etenim, quamvis plerique homines quicquid libet circa res parvi momenti dicere soleant existimo tamen illos de quibus loquor tum delectatos fuisse dicendo ea quæ concipiebant. Ideas igitur meas iterum accurato examini subijciam.

Extra omnem dubitationis aleam positum esse mihi videtur, & illi etiam viri id admittebant, scilicet voluntatem Dei movere corpora vis igitur quam habet, hic globus quem moveri nunc video, est voluntas Dei quæ illum movet. Quid jam Deo faciendum est ut illius motum sistat? An oportet ipsum velle voluntate positivâ ut quiescat, an verò sufficit ipsum desinere velle, ut ille globus moveatur. Si modò Deus desinat velle ut ille globus ageretur, evidens est cessationem istius voluntatis Dei, esse turam cessationem motûs globi & per consequens quietem. Nam voluntate Dei, quæ erat vis movens globum cessante; hæc vis non amplius existit, ac proinde globus non amplius movebitur. Itaque cessatio virtutis moventis efficit quietem; Quies igitur nullam habet vim quâ producatur. Et in Deo admitteretur voluntas positiva sine causâ & necessitate, si corporibus vis aliqua ad persistendum in quiete tribueretur.

Sed evertamus, si fieri possit, illud argumentum. Globum quem in motu supponebamus, jam supponamus in quiete. Ad eum agitandum, quid Deo faciendum est? Sufficit ne ipsum desinere velle ut globus quiescat? Si hoc ita sit, ego nihil promovi, namque hoc pacto motus equè erit privatio quietis, ac quies est privatio motûs. Suppono igitur Deum desinere velle ut globus quiescat. Sed hoc supposito, non video illum moveri; si quis verò illum moveri videat, rogo ut mihi dicat secundum quem motûs gradum moveatur certè illum moveri impossibile est, quin aliquem habeat motûs gradum, & ex eò quòd concipitur Deus cessare velle ut quiescat, concipi nequit, illum aliquo motûs gradu moveri: quia de motû res secus se habet ac de quiete. Multiplices in infinitum sunt diversi motus: Possunt recipere magis & minus, sed cum quietes nihil sint, non possunt inter se differre. Idem globus qui duplò majori celeritate uno tempore quàm alio procedit, duplò majori etiam vi aut motû hoc tempore quàm alio præditus est. Sed globus dici non potest uno tempore plus habere quietis quàm alio.

Qq 9 3

*Hic nihil
præter
Deum, me,
et globum
imaginer
existere.*

In Deo igitur admittenda est voluntas positiva ut globus in motu constitutatur, vel ut globus tali præditus sit vi ad se movendum; & sufficit ipsum desinere velle globum moveri, ut non moveatur amplius, hoc est, ut quiescat. Pariter ut Deus creet mundum, non sufficit ipsum desinere velle ut mundus sit non existens. Sed necesse est ipsum velle positivè modum quo mundus existere debet, sed ad mundum annihilandum non oportet Deum velle ut non existat, quia non potest velle nisi nihil voluntate positivâ, sufficit duntaxat Deum desinere, velle ut existat mundus.

Hic motum & quietem secundum illorum esse relativum non considero: Manifestum enim est corpora quiescentia habere relationes equè reales ad ea quæ ipsis circumstant, ac corpora quæ sunt in motu. Duntaxat concipio, corpora in motu habere vim moventem, corporibus verò quiescentibus nullam esse vim ad quietem suam: Quia relatio corporum motorum, ad corpora ambientia, cum semper immutetur, opus est vi perpetuâ ad producendos continuatos illos motus: ac reverâ quicquid novi in naturâ evenit, ex hisce mutationibus oritur. Sed nullâ opus est vi ad nihil agendum. Ubi relatio alicujus corporis cum circumstantibus eadem semper est, nihil agitur; & hujusce relationis consideratio, hoc est, actio voluntatis Divinæ quæ conservat illam relationem, diversa non est ab eâ quæ conservat ipsum corpus.

Si, ut res à me concipitur, verum sit quietem nihil aliud esse quam privationem motus, minimus motus, hoc est, motus minimi corporis agitati majorem vim aut potentiam includet quàm quies maximi corporis. Itaque minimus nisus, seu minimum corpus quod in vacuo

* Per corpus
in vacuo in-
telligo cor-
pus ita se-
paratum ab
aliis tum
duris tum
liquidis, ut
nullum sit
quod inter-
vias, vel
obstat com-
municatio-
ni motuum.

* concipietur agitatum adversus corpus maximum & vastissimum, illud movere poterit; quoniam ingens illud corpus cum quiescat, nullam habebit potentiam ad resistendum actioni istius corpusculi, quod in ipsum impinget, ita ut reluctatio partium corporum ad impediendam separationem suam, ab aliquâ aliâ re quàm ab ipsarum quiete necessariò orietur.

Sed quæ ratiociniis abstractis jam fuere probata, experimentis sensibilibus sunt demonstranda, ut videamus an ideæ nostræ cum sensationibus quæ occasione objectorum nobis obveniunt, consentiant. Nam ejusmodi ratiociniis sæpe fallimur, vel saltem alii non convincuntur, ii præcipuè qui contrariis opinionibus sunt præoccupati. Cartesii autoritas tanti est ponderis apud nonnullos ut ad illos erroris convincendos omnibus modis sit probandum magnum hunc virum fuisse hallucinatum.

Qui mentem opinione contrariâ non habent anteoccupatam supra dicta facile quidem assequuntur: immò rebus quæ ipsis indubitatae videntur probandis me diutius insistere frustra querentur. Sed argumenta nostra Cartesianis ne invideamus; digni sunt qui à nobis, ipsis
satis-

satisfaciendi gratiâ, hunc laborem impetrent. Hæc ab aliis, si tædiosa videantur, omitti poterunt.

Ecce aliquot experimenta quæ sensibili probant modo, quieti nullam esse vim ad resistendum motui, quæque proinde ostendunt, voluntatem Authoris naturæ, quæ uniuscujusque corporis ad permanendum in statu in quo est, vim & potentiam efficit, tantum versari circa motum, nequaquam verò circa quietem; cum corpora per se nullam habeant vim.

Experientia non docet ingentia Navigia, quæ in aquâ natant, à minimis corporibus ipsis obviis agitari; hinc invitis Cartesii & Cartesianorum effugiis, ingentia illa corpora multò facilius esse agitando esse patet, si in vacuo existerent. Causa enim ob quam non sine levi quadam difficultate moveatur Navis in aqua, ex eo est quòd aqua resistit motui ipsi impresso, quod in vacuo non contingeret. Quod autem manifestò arguit aquam resistere motui qui imprimitur Navi, in eo consistit quòd Navis vel vas quodcunque, desinat agitari aliquandiù postquam motum fuit. Id enim non eveniret nisi vas motum suum perderet illum aquæ communicando, vel si aqua ipsi cederet sine ullâ resistantiâ, vel tandem si aqua ipsi de suo communicaret motû. Cum itaque vas in aquâ agitato moveri paulatim desinat, id manifestò arguit aquam ipsius motui resistere, tantum abest ut illum faciliorem reddat, ut pertendit Cartesius. Itaque ingens corpus in vacuo agitare longè facilius esset quàm in aquâ, siquidem nullam à corporibus circumstantibus pateretur resistantiam. Hinc igitur evidenter patet quieti nullam esse vim ad resistendum motui, & minimum motum plus habere virtutis & potentiæ quàm maxima quies: vel saltem non debere mensurari vim motûs & quietis, secundum proportionem quæ extat inter magnitudinem corporum quæ moventur, vel quiescunt, ut fecit Cartesius.

Meritò equidem credi potest, yas agitari statim atque est in aquâ, propter perpetuam mutationem partium aquæ illud ambientium, quamvis locum mutare non videatur. Atque id eò impulit Cartesium & nonnullos alios ut crederent vas in aquâ non promoveri solâ vi illius à quo pellitur, sed cum jam multum motûs acceperit à particulis corporis liquidi quæ ipsum circumdant, & æqualiter utrinque pellunt, motum illum duntaxat determinari novo motû illius à quo pellitur vas, ita ut quod agitatur corpus in aqua illud agitare non posset in vacuo. Hoc pacto Cartesius & ipsius affectuæ leges motûs ab ipso traditas tuentur.

Supponamus, exempli gratiâ, ligni portionem magnitudinis pedis quadrati in corpore liquido constitutam. Singulæ particulæ corporis liquidi agunt & moventur in ipsam & quia æqualiter illam utrinque pellunt, à parte *A* ut à parte *B*, non potest in ullam partem progredi. Si igitur pellam aliam ligni portionem semipeda-

Art. 5.

lem adversus primam à parte *A*, Video illam promoveri. Atque hinc concludo minorem vim fore adhibendam ad illam in vacuo movendam, quàm adhibita fuit à ligno ad illam pellendam, ob rationes allatas. Si verò, de quibus mentio est id negant, & respondent ingens lignum progredi statim atque à parvo pellitur, quia parvum quod non posset illud movere si solum esset, junctum cum partibus corporis liquidi jam agitatæ, illas determinat ad pellendum ingens lignum & ipsi communicandum aliquam motûs sui partem. Verùm juxta hanc responsionem, evidenter patet lignum semel agitatæ motum suum nunquàm minuere, sed potius semper augere debere. Namque juxta hoc responsum lignum ab aquâ magis pellitur à parte *A*, quàm à parte *B*: ergò debet semper progredi. Et quia hæc impulsio est continua, ipsius motus debet augeri. Verùm, ut jam dictum fuit, tantum abest ut aqua illius motum faciliter, quin illi semper resistit, & cùm illâ aquæ resistantiâ minuatur motus, tandem fit ut nullo modo percipiatur.

Jam probandum est lignum ab aquæ partibus ipsi circumstantibus æqualiter pulsæ, nullum planè habere motum nullamve vim quæ possit moveri, quamvis locum immediatum perpetuò mutet, & aquæ superficies quæ ipsum circumdat eadem nunquam sit diversis temporibus. Si enim reverâ corpus utrinque æqualiter pulsæ, ut istud lignum, nullum habeat motum; extra omne dubium erit, motum ipsi communicari à solâ vi extraneâ quæ in illud agit, cùm eo ipso tempore quò vis illa extranea pellit lignum, aqua illi resistat, immò motum ipsi impressum paulatim imminuat namque moveri paulatim desinit.

Iis saltem quos alloquor certum esse debet in naturâ numquàm esse plus motûs certo quodam tempore quàm alio, & corpora quiescentia, nunquam incipere moveri nisi propter occursum corporum agitatorum, quæ ipsis suum communicant motum. Hinc concludo corpus quod planè quiescens in mediâ aquâ creatum suppono, nullum unquam à particulis aquæ quibus circumdatur, quæque in illud indefinenter impingunt, esse accepturum motûs gradum, dummodò illud indefinenter impingunt, esse acceptorum motûs gradum, dummodò illud utrinque pellunt. Quia omnes illæ particulæ quæ in illud æqualiter aguntur, resiliunt cum toto suo motû, nullum planè illi communicant: ac per consequens corpus illud veluti quiescens ac sine ullâ vi movente semper considerari debet, licet superficiem perpetuò mutet.

Quod autem eò me adducit ut credam, hæc particulas sic cum toto motû suo resilire, in eo consistit quòd, præterquàm quòd res aliter concipi nequit, aqua quæ illud corpus attingit valde refrigerari imò congelari, ac propemodum instar ligni in superficie obdurari deberet, cùm motus partium aquæ in particulas corporis quod ambiunt distribui deberet. Verùm

Verum ut iis me accommodem, qui à partibus Cartesii stant, lubens concedam scapham in aquâ tanquam quiescentem considerari non debere. Concedam etiam omnes aquæ partes quæ illam circumdant unâ conspirare cum novo motû ipsi à naviculario impresso, quamvis ex diminutione motûs scaphæ, evidenter pateat, aquæ particulas ipsi magis resistere à parte versûs quam tendit, quam à parte unde pellitur. Attamen hoc supposito, dico ex omnibus aquæ partibus quæ sunt in fluvio, eas solùm, juxta Cartesium, quæ scapham à parte unde pulsa fuit immediatè attingunt, posse ipsius motui inservire. Námque juxta illum Philosophum, cum aqua sit fluida, omnes partes ex quibus constat non agunt simul in corpus quod movere volumus; sed tantùm partes quæ corpus illud tangentes, tota simul in illud incumbunt. Jam autem partes quæ conjunctim in scapham incumbunt cum naviculario vigesies minores sunt quàm tota scapha. Itaque ex ratione quam Cartesius in hoc articulo reddit difficultatis quam patimur manibus rumpendo clavum, evidens est magnum corpus posse agitari à corpore se longè minori. Etenim manus nostræ æquè fluidæ non sunt ac aqua: & quum clavum dividere volumus, plures sunt partes simul junctæ quæ conjunctim in manibus nostris agunt, quàm sunt in aquâ quæ pellant scapham.

Art. 63.
Principio-
rum Carte-
sii.

Sed ecce experimentum magis sensibile. Si sumatur asser valdè politus, vel aliud quodlibet planum admodum duum, eique ad dimidiam partem inseratur clavus, & planum illud parumper inclinetur, si vectis ferreus centies millies clavo crassior, ad unius aut duorum digitorum spatium supra clavum collocetur & sinatur vectis lubrico & parallelo motû deferri, dico hunc clavum nequaquam fractum iri. Observandum tamen est, juxta Cartesium, singulas vectis partes conjunctim incumbere & agi in clavum, námque hic vectis est durus & solidus, si igitur nullum aliud esset glutinum ad uniendas partes quæ componunt clavum, quàm quies: vectis ferreus cum infinitè sit crassior clavo, juxta quintam Cartesii regulam, & juxta rationem aliquid communicare deberet motûs sui parti clavi in quam ageret, hoc est illum dividere & hoc pacto illum præterire, quamvis hic vectis motû lentissimo decurreret. Itaque alia quærenda est causa duritiei corporum, aut capacitatis resistendi actioni aliorum, quàm quies partium, cum quies nullam habeat vim ad resistendum motui. Cæterum hæc experimenta sufficere existimo ut pateat argumenta abstracta à nobis allata non esse falsa.

Art. 63.
Alt. 50.

Tertium igitur quod efficere posse dixi ætiam unionem inter partes corporum durorum, examinandum venit. Nempe materia quædam invisibilis quæ illa circumdat, quæ vehementer agitata; partes externas & internas horum corporum violentissimè pellit, & ita comprimit, ut ad eas separandas major vis sit adhibenda, quàm vis materiæ illius invisibilis, quæ admodum est agitata.

R r r

Unionem partium ex quibus constant corpora dura , à materia subtili quæ illas circumdat & comprimit pendere , concludere possem mihi videor , cum duo quæ suspicati fueramus esse causas hujus unionis , reverà tamen non sint ; & cum ostensum fuerit , cum difficultatem reperiam rumpendo ferrum , & illa difficultas non oriatur à ferro , nec à voluntate Dei , ut ni fallor , probavi , illam ab aliqua materia invisibili oriri necesse est ; jam autem illa materia alia esse nequit quàm ea quæ ipsi immediate circumstat , & quæ comprimitur. Attamen istius sententiæ quædam adhuc proferam argumenta positiva , postquam illud aliquo exemplo fusiùs explicavero.

Ubi accipitur globus , seu sphaera ex aliquo metallo duriusculo confecta , intus cava , & in duo hemisphaeria secta , & duo illa hemisphaeria junguntur agglutinata ubi uniuntur fasciolâ cereâ , & aer inde educitur ; hemisphaeria ita sibi invicem junguntur & adherent ut plurimi equi globo , fibularum quarundam ope , utrinque juncti , non possint illa divellere , dummodo hemisphaeriorum magnitudo equorum numero sit proportionata. Attamen si aërem regredi sinas unicus homo hemisphaeria nullò negotiò divellet.

Ex hoc experimento concludere facile est , duo illa hemisphaeria tam arctè ideò unita fuisse , quod cum ad superficiem externam & convexam ab aëre circumstante comprimerentur , eodem tempore ad superficiem concavam & internam non comprimerentur. Ita ut actio equorum qui duo utrinque trabebant hemisphaeria , innumerarum particularum , aëris quæ premendo duo illa hemisphaeria ipsis resistebant , impetum vincere non posset. Sed minima vis potest illa divellere , ubi aer in sphaeram cupream regressus superficies internas & concavas tantum pellit , quantum aer externus superficies externas & convexas pellit.

Si contra accipiat vesica piscis cyprini , dicti Gallicè *carpe* , & vasi inferatur , ex quo aer educatur , hæc vesica aëre plena crepat & dirumpitur , quia tunc nullus est aer extrâ vesicam qui resistat aëri interno. Eandem etiam ob causam jam allatam circa prius experimentum , duo plana vitrea aut marmorea invicem attrita ita junguntur , ut non sine difficultate possint divelli uno sensu , quia duæ illæ partes marmoris comprimuntur ab aëre externo , non verò ab interno. Innumera alia possem asserre experimenta quibus probarem aërem crassum qui circumdat corpora , ipsorum partes arctissime unire. Sed hæc sufficiunt ad mentem meam circa id clarè aperiendam.

Dico igitur causam cur partes corporum durorum , & exiguorum illorum vinculorum , de quibus antea , sic arctè inter se invicem uniantur , ex eo oriri , quod alia sint extrinsecus corpuscula longè magis agitata quàm aer crassus quem spiramus , quæ illas corporum partes pellunt & comprimunt & difficultatem quam experimur illa dividendo , non oriri ab ipsorum quiete , sed ab agitatione corpusculorum

lorum illorum à quibus circumdantur. Adèd ut id quod resistit motui non sit quies, quæ illius duntaxat est privatio, & per se nullam habet vim, sed motus aliquis contrarius.

Simplex hæc sententiæ meæ expositio rationi satis consentanea forsan videbitur; subolfacio tamen multos ægrè illam esse admissuros. Corpora dura tantam in sensus nostros ubi nos feriunt, vel ubi illa frangere conamur, impressionem agunt, ut faciliè credamus ipsorum partes longè magis uniri, quàm reverà uniuntur. Corpuscula quæ ipsis circumstare dixi, quibus vim tribui hanc efficiendi unionem, cùm nullam in sensus edant impressionem, debiliora esse videntur quàm ut effectum adèd sensibile producere queant.

Sed ad hoc præjudicium, quod solis sensuum impressionibus, & difficultate quæ nobis inest imaginandi corpora tenuiora & velociora iis quæ quotidie videmus, fretum est, profligandum: attendendum est duritiem corporum non debere mensurari relatè ad manus nostras, vel ad conatus quos edere possumus pro variis temporibus. Etenim si maxima hominum vis nihil penè sit, comparatè ad vim materiæ subtilis, absurdum esset credere, adamantis vel quorumlibet durissimorum corporum duritiem non posse oriri ex compressione corpusculorum maximè agitatorum, quæ illa circumdant. Jam autem manifestò patebit vim hominum esse oppidò exiguam, si attendamus potentiam, quâ pollent movendi tot modis corpus suum, oriri duntaxat ex mediocri sanguinis fermentatione, quæ illius partes paululùm agitât, & sic spiritus animales producit. Namque agitatio horum spirituum efficit vim corporis nostri, & nobis dat potentiam hosce conatus faciendi, quos immeritò velut aliquid magni & potentis habemus.

Verùm accuratè observandum est hanc sanguinis nostri fermentationem, nihil esse præter exiguam communicationem motûs istius materiæ subtilis, de qua modò loquuti fuimus: Nam omnes fermentationes corporum visibilibus, nihil sunt præter communicationes motûs corporum invisibilibus, cùm omne corpus agitationem suam ab alio accipiat. Mirum igitur non est vim nostram non æquare vim istius materiæ subtilis à quâ illam accipimus, sed si sanguis noster tantoperè fermentaretur in corde, quantopere pulvis pyrius fermentatur ubi ignis admovetur sclopeto; hoc est, si sanguis noster æquè magnam à materiâ subtili acciperet motûs communicationem ac pulvis pyrius, extraordinaria facillimè præstaremus, rumperemus, exempli gratiâ, ferrum, domos everteremus &c. Dummodò supponatur æqua proportio inter membrâ nostrâ & sanguinem hoc pacto agitatum. Deponendum est igitur illud præjudicium, nec arbitrandum, juxta sensuum impressionem, partes corporum durorum adèd atq̃ inter se uniri, quia illa vix rumpere possumus.

Si præterea attendamus ad effecta ignis in cuniculis, ad gravitatem corporum, & multos alios naturæ effectus, qui nullam aliam habent causam, quam agitationem horum corporum invisibilium, ut Cartesius id multis locis probavit; manifestò agnoscemus illa posse unire & comprimere partes corporum durorum eò modò quò illa actù unita & compressa videmus.

Id in dubium vocari non poterit ab iis qui animadvertent. Primò, pulverem pyrium totum non inflammari, nec eodem instanti. Secundò, licet totus & eodem instanti inflammaretur, illum per breve admodum temporis spatium natate in materiâ subtili, & corpora quæ non diù aliis innatant ab iis parùm motûs accipere: ut patet ex scaphis fluenti aquæ permissis, quæ nonnisi paulatim accipiunt motum suum. Tertiò, & præcipuè, quia singulæ partes pulveris pyrii nullum possunt suscipere motum præter eum qui materiæ subtili competit; nam aqua nullum scaphæ communicat motum præter directum qui communis est omnibus partibus & motus ille ut plurimum admodum exiguus est relatè ad alios.

Magnitudinem motûs materiæ subtilis adhuc possem probare iis qui admittunt principia Cartesii ex motû terræ & gravitate corporum. Verùm id ad institutum nihil facit. Ut verò qui non legerint Opera Cartesii habeant argumenta certa agitationis materiæ subtilis, cui attribuo duritiem corporum, sufficit attentè legere quæ circa id à me jam dicta sunt à P. 252. l. 5. usque ad P. 253. l. 11.

Cùm igitur nunc præjudicia deposuerimus, quæ nos eò adducere possent ut conatus nostros admodum validos, conatum verò materiæ subtilis quæ circumdat & comprimit corpora dura admodum debilem existimemus, cùm præterea agitationis violentiæ hujus materiæ ex iis quæ jam de pulvere pyrio dicta sunt, persuadeamur, hinc manifestò patet materiam illam in superficiem corporum durorum quæ circumdat & comprimit longè vehementius agentem, quam intra eadem corpora, necessariò debere esse causam illorum duritiei seu illius resistantiæ quam patimur dum illa rumpere volumus.

Jam autem cùm semper ingens sit copia hujus materiæ invisibilis quæ per poros corporum durorum transit, illa non modò dura, ut jam explicuimus, reddunt, sed præterea efficiunt ut quædam vim habeant elasticam & postquàm curvata fuere figuram suam rectam per se recuperare, quædam verò curvata persistent, alia fluida & liquida sint; denique sunt causa non modò vis, quâ partes corporum durorum pollent ad permanendum juxta se invicem, sed etiam vis quâ partes corporum fluidorum possunt sese divellere, hoc est, hanc causam efficere ut quædam corpora sint dura, quædam verò fluida.

Sed quia Physicam Cartesii, ipsius Elementorum & corporum quæ componunt corpora specialia figuram distinctè cognoscere necesse est, ut

est, ut causam dicamus cur quædam corpora sint rigida, quædam verò flexilia, his non immorabor. Qui hujusce Philosophi opera legerrunt, causam horum effectuum, quam nonnisi difficulter explicare possem, facillè satis imaginabuntur. Et qui eundem authorem non novèrè, rationes meas confusè duntaxat intelligerent.

Innumeris etiam difficultatibus quæ adversùs suprà dicta moveri posse prævideo solvendis non insisto; quia si Physica lateat eos qui ejusmodi movent difficultates, ipsis nequaquam satis facerem quin potiùs fastidium crearem. Si verò sint viri eruditi & perspicaces, ipsis respondere non possem nisi ingenti figurarum & ratiociniorum numero. Itaque eos rogatos velim quibus in suprà dictis aliqua occurreret difficultas, ut hoc caput attentius relegant, spero enim, si illud ut par est relegant & meditentur, fore ut objectiones evanescant. Ut ut sit, si iterata lectio ipsis molesta videatur, quiescant, non tanti enim est cognitio causæ duritiei corporum.

Hic de corporum contiguitate non loquor: manifestum enim est res contiguas sese tam parùm attingere, ut multùm semper intersit materiæ subtilis, quæ motum suum dirigens secundùm lineam rectam, impedit quominus uniantur.

Unionem verò quæ extat inter duo marmora invicem attrita & admodùm polita explicui, & manifestum est, quamvis materia subtilis semper inter hæc duas partes quantumvis unitas transeat, aërem tamen non posse inter easdem transire, ac hoc pacto illum hæc duo marmoris frustra juxtà se comprimere, & efficere ut vix uno sensu possint divelli, nisi, ut jam dictum est, illa ita moveas ut continuæ ac lubricæ eorum superficies parellelo motu decurrant.

Continuitatem, contiguitatem, & unionem duorum marmorum in vacuo unum & idem futuras esse ex his patet: Earum enim diversas non habemus ideas; & si dicunt quod non intelligunt, qui dicunt eas absolutè & in se differre, non verò relatè ad corpora circumstantia.

Jam adsunt quædam animadversiones in sententiam Cartesii, & ipsius erroris originem. Ipsiùs sententiam erroris nomine designo, quia nullam reperio rationem defendendi ea quæ dicit de legibus motûs, & de causâ duritiei corporum, circa finem secundæ partis ipsius Principiorum multis in locis, & quia sententiæ oppositæ veritatem satis demonstrasse mihi videor.

Magnus ille vir distinctè concipiens materiam à seipsâ non posse moveri & vim moventem naturalem omnium corporum, nihil aliud esse quàm voluntatem generalem Authoris naturæ, ac proinde communicationem motuum corporum ad mutuum ipsorum concursum ex solâ eadem voluntate oriri posse, còfacilè adductus est ut crediderit non posse dari leges variæ communicationis motuum, nisi relatè ad proportionem quæ inter varias corporum obviorem magnitudinesprehenditur, cùm consilia & voluntas Dei penetrari nequeant.

Quia verò judicavit unamquamque rem præditam esse vi permanendi in eodem statû in quo est, sive moveatur, sive quiescat, quoniam Deus, cujus voluntas hanc vim efficit, eodem semper agit modò, quietem tantum virtutis ad agendum habere quam motum conclusit. Itaque vis effecta quietis per magnitudinem corporis in quo est illa vis, mensuravit, ut effecta vis & potentiae motûs. Atque eâ impulsus causâ tradidit leges communicationis motuum quas in ejus principiis videmus, & duritiei corporum eam assignavit causam quam refutare conatus sum.

Opinionem Cartesii non amplecti satis difficile est, ubi res iisdem oculis eodemque respectu inspiciuntur quibus eas ille inspexit. Etenim, ut jam dictum repetam, cum communicatio motuum oriat ex solâ voluntate Authoris Naturæ, & omnia corpora in eodem statû in quo fuerunt constituta, sive in motû, sive in quiete, permanere videamus; leges variæ communicationis motuum ad corporum concursum, non in voluntate Dei, quæ nobis incognita est, sed in proportionem quæ inter illorum corporum magnitudines deprehenditur, quæri debere videntur.

Hanc igitur cogitationem Cartesii mentem subiisse non miror, sed miror duntaxat ipsum hunc errorem non emendasse, ubi ulterius progressus, existentiam & quædam effecta materiæ subtilis, quæ circundat corpora, agnovit.

Miror ipsum articulo 131, Quartæ Partis huic materiæ subtili vim tribuere quâ pollent quædam corpora resiliendi & pristinam recuperandi figuram, & in articulis 55. & 93. 2. Partis & alibi, eidem materiæ non tribuere duritiem corporum, aut ipsorum resistentiam ubi ea flectere & rumpere conamur, sed hæc effecta soli partium quieti tribuere. Manifestum est causam quæ dat vim resiliendi & rigida reddit quædam corpora, eandem esse ac ea quæ ipsis dat vim resistendi, ubi illa frangere conamur, etenim vis quæ adhibetur ad rumpendum chalybem non nisi imperfecto modo differt à vi quæ adhibetur ad illum flectendum.

Ad hæc probanda multas rationes congerere non est animus; quibusdam etiam non respondebo difficultatibus ex eò petitis quòd quædam sint corpora dura, quæ sensibiliter non resiliunt, quæque tamen non sine difficultate flecti queunt. Namque ut hæc difficultates in auras abeant, considerare sufficit materiam subtilem non posse facile sibi sternere vias novas per corpora quæ rumpuntur ubi flectuntur, ut vitrum & chalybs aquâ temperatus, & id facilius efficere posse in corporibus compositis ex partibus ramosis, nec fragilibus, ut in auro & plumbo; ac denique nullum esse corpus durum quod aliquomodo non resiliat.

Vix mihi persuadeo Cartesium positivè credidisse causam duritiei diversam esse à causâ quæ efficit ut corpora dura resiliant, & verisimile

simile est illum huic rei solitam attentionem non præbuisse. Ubi circa quid diu sumus meditati, & quod scire intenderamus fuimus assequuti, de eo cogitare ut plurimum desinimus. Cogitationes nostras habemus vice veritatum indubitatarum, quas amplius examinare foret inutile. Verum tot sunt in homine quæ illum ab attentione deterrent, ad assensum præcipientes ferunt, & errori obnoxium reddunt, ut, quamvis mens acquiescat, illam tamen veritatem fuisse adeptam certum non sit: Cartesius, non secus ac nos, erat homo; nullibi unquam plus soliditatis, iudicii, capacitatis, & penetrationis mentis quam in ipsius operibus effulsit; id equidem fateor; sed non erat infallibilis. Itaque sententiam suam tam altè imbiberat ut non cogitaverit se aliquid cum principiis *ævidens* protulisse. Rationibus admodum speciosis & verisimilibus suam stabiliverat sententiam; sed talibus tamen ut earum evidentia ad assensum non adigeretur, iudicium suum cohibere adhuc poterat & proinde debebat. In corpore duro non sufficebat examinare quid esse possit quod illud tale efficere valeat; ad corpora invisibilia etiam debebat attendere quæ illud durum reddere possunt, ut ad ea attendit in fine principiorum Philosophiæ, dum ipsis causam vis elasticæ tribuit. Divisionem accuratam instituere debebat, quæ complecteretur quicquid duritiei corporum conferre poterat. Illius præterea effecti causam in voluntate Dei querere non sufficebat, ad materiam subtilem, quæ circumdat corpora, erat animus advertendus. Licet enim huiusce materiæ admodum agitatæ existentia in illo ipsius principiorum loco, ubi egit de duritie, nondum probata fuisset, rejecta tamen non fuerat: iudicium igitur suum cohibere debebat, & recordari ea quæ scribebat de causa duritiei & legibus motuum de novo esse aliquando relegenda; quod ipsum satis non animadvertisse puto. Vel saltem satis non pensitavit veram rationem rei cognitû facillimæ, quæque in Physicâ ingentis est momenti. Rem illam explico.

Cartesius ad suffulciendum suum systema cuius veritatem in dubium vocare meritò nequibat, noverat necesse esse, ut ingentia corpora de motû suo parvis corporibus sibi obviis communicarent, utque parva, nihil amisso de suo motû, ad majorum occursum reflecterentur. Namque, si res ita non se haberet, primo elemento omnis non esset motus quem par est ipsum habere supra secundum, & secundum supra tertium; & totum hoc pacto ipsius systema planè falsum esset, ut qui illud meditati sunt probè norunt. Sed supponendo quietem vim sufficientem habere ad resistendum motui, & ingens corpus quiescens non posse moveri à minori, quamvis impetû violentissimo in ipsum agatur; manifestum est ingentia corpora, multò minorem habere debere motum quàm æqualis portio minorum corporum, eum juxta hanc suppositionem possint semper communicare motum

quem habent, nec possint à minoribus semper recipere. Itaque cum hæc suppositio non sit contraria iis omnibus quæ Cartesius dixerat in principiis suis ab initio usque ad positionem legum de motu, & optimè consonaret cum reliquis ipsius principiis, leges motus quas ex ipsarum causâ demonstrasse autumabat, effectibus satis confirmari arbitrabatur.

Equidem cum Cartesio fateor; ingentia corpora motum suum facilius communicare quàm parva; ac itaque primum ipsius elementum magis agitaturn esse quàm secundum, secundum verò quàm tertium. Sed istius rei causa clara est nullò habitò respectu ad ipsius suppositionem. Parva corpora & corpora fluida, aqua, aer &c. ingentibus corporibus nullum præter motum suum uniformem & omnibus partibus communem possunt communicare: aqua fluminis nullum motum potest communicare navigio præter motum fluenti, qui communis est omnibus partibus ex quibus constat aqua, & unaquæque harum particularum, præter hunc motum communem, innumeros habet speciales. Itaque manifestum est hac ratione, navigium, exempli gratiâ, nunquam posse tantum habere motus, quantum habet æqualis aquæ portio, cum navigium nullum motum possit accipere ab aquâ præter directum & communem singulis partibus. Si viginti partes corporis fluidi aliquod corpus huc impellunt; totidem illud illuc impellent: immotum igitur manet & singulæ corporis fluidi partes in quibus natat reflectuntur cum toto suo motu. Itaque corpora crassa & quorum partes inter se invicem uniuntur, nullum possunt recipere præter motum circularem & uniformem vorticis materiæ subtilis quæ illa circumdat.

Hæc ratio sufficere mihi videtur ut pateat corpora crassa æquè non agitari ac parva, nec ad hæc explicanda necesse esse supponere, quieti aliquam inesse vim ad resistendum motui. Certitudo principiorum Philosophiæ R. DesCartes non potest stabilire ipsius regulas de motu. Nec, opinor, Cartesius, si ipse principia sua absque præjudicio examinasset, expendendo rationes superioribus similes, credidisset effecta naturæ confirmare ipsius leges, nec in contradictionem incidisset; duritiem corporum durorum soli partium quieti, ipsorum verò vim resiliendi & pristinam recuperandi figuram materiæ subtilis imperui, tribuendo.

Jam adsunt quedam leges communicationis motuum in vacuo quæ sequuntur ex iis quæ circa quietis naturam à me posita sunt.

Cum corpora non sint dura in vacuo, quippe quæ dura duntaxat sint pressione materiæ subtilis quæ circumdantur, si duo corpora sibi invicem occurrerent, juxta invicem retunderentur nec resiliunt seu reflecterentur. Igitur dura per se, non verò pressione materiæ, ad hæc tradendas regulas, supponenda sunt.

Cum quies nullam habeat vim ad resistendum motui, & plurimæ corpora

corpora debeant considerari ut unicum momento ipsorum concursus ; manifestum est illa non debere reflecti nisi ubi magnitudine & celeritate æqualia sunt , vel ubi celeritas compensat magnitudinem , vel magnitudo celeritatem. Atque hinc concludere est illa in ceteris casibus motum suum ita communicare debere , ut deinceps unà procedant cum æquali celeritate. Itaque ut innotescat quid in diversis suppositionibus magnitudinis & celeritatis corporum sibi obvi-
viorum evenire debeat , addendi sunt omnes gradus motus duorum aut plurimorum corporum quæ ut unicum considerari debent momento concursus ; postea dividenda erit summa totius motus , magnitudinis illorum corporum proportionem initâ.

Lex generalis communicationis motuum.

Unde concludo ex septem regulis Cartesii circa motum , tres priores esse veras.

Quartam esse falsam & τὸ B debere de motu suo communicare τῷ C secundum proportionem magnitudinis ejusdem C , & deinceps cum ipso procedere : adeo ut si C duplò sit majus quàm B , & B habeat tres gradus motus , debeat ipsi communicare duos gradus. Satis enim superque probavi Cartesium non debuisse supponere quietem habere vim ad resistendum motui.

Vide Cartesii regulas. Princip. 2^a part.

Quintam esse veram.

Sextam esse falsam , & B debere communicare dimidiam partem motus sui τῷ C.

Septimam esse falsam , & τὸ B semper debere communicare de motu suo τῷ C , juxta proportionem magnitudinis & motus τῷ B , & τῷ C. Quod si , juxta suppositionem , C sit duplò majus quàm B ; B verò habeat tres gradus motus , C verò duos duntaxat , utrumque conjunctim debere procedere ; cum reverà C & B sint unum corpus momento concursus , & ad hoc factâ additione graduum celeritatis , erunt quinque , qui postea dividendi sunt juxta proportionem magnitudinis corporum ; itaque oportet dare 1^o τῷ B & 3^o τῷ C duplò majori quàm B. Sed illæ regulæ quamvis certæ ob ea quæ dicta sunt , experimenta tamen repugnant quia non sumus in vacuo.

Præcipuum experimentum quod supradictis circa leges motus adversatur , illud est , quod nempe semper eveniat ut corpora dura sibi invicem obvia reflectantur utrinque , vel saltem post concursum conjunctim non procedant.


Ut ei occurratur , ea , quæ suprà de causa vis elasticæ dicta fuere , in memoriam sunt revocanda ; scilicet , esse materiam quandam , cujus agitatio est admodum violenta , quæ partes corporum durorum indefinenter pertransit , illaque dura efficit , illa comprimendo tum ad partes externas , cum ad partes internas. Hinc enim facile patebit , duo corpora obvia tempore percussiois pellere & deflectere cursum hujus materiæ à locis in ipsorum vicinia existentibus , & hanc materiam resistentem ingenti cum violentia utrinque repellere

SSS

duo corpora illa inter se obvia, & hoc pacto viam percussione sibi præclusam restituere. Utque res clarius evadat; si duo globi plumbei, aut alicujus alius materiæ quæ minùs adhuc habeat vis ad resiliendum seu ad primam recuperandum figuram, sibi invicem occurrant, post mutuum concursum non reflectuntur, sed propemodum juxta leges modò statutas procedunt; quas è accuratius observant quò minùs habent vis elasticæ. Corpora igitur reflectuntur post percussione, quia dura sunt, hoc est, ut modò explicui, quia est quædam materia, maximè agitata quâ comprimuntur, quæque per ipsorum poros violentissimè transeundo, corpora sibi obvia repellit. Sed supponendum est, corpora impellentia non rumpere ea in quæ impingunt morû qui superet vim quam habent particulæ materiæ subtilis ad resistendum, ut fit ubi sclopetum exploditur in lignum.

Verum equidem est materiam subtilem corpora mollia comprimere, & maximâ cum agitatione ipsorum æquè ac durorum poros trajicere; quamvis tamen illa corpora mollia nequaquam resiliant. Hujusce rei ratio est, materiam quæ per corpora mollia transmeat, posse quàm facillimè vias sibi utrobique aperire, propter particularum ex quibus constant exilitatem, vel propter aliam aliquam specialem figuram ad id idoneam; quod corpora dura non sinunt fieri propter crassitudinem & dispositionem ipsorum partium huic effecto repugnantem.

Itaque ubi corpus durum aliud quod molle est pellit, in eo omnes vias, quâ transit materia subtilis, immutat, quod sæpè manifestum est, ut in glande plumbea, quæ, ubi percutitur, retunditur. Sed ubi corpus durum in aliud sibi simile impingit, nullæ aut paucae in eo sunt viæ novæ, & materia subtilis quæ est in ipsius poris cogitur redire unde venerat, vel repellere debet corpus quod ipsi porulos illos præcludit.



Sit A corpus durum, B verò corpus molle, C c via materiæ subtilis

tilis, si A impellat B in puncto e, dico viam C c claudi, & materiam subtilem sibi novas sternere vias in hoc corpore molli. Cum itaque materia subtilis viam habeat liberam, corpus impellens non repellit, sed corporis impulsus mutatur figura, & paulò planius fit. Et supponendum est esse in minimo corpore duro innumeras vias, similes viis C c.

Si A & a sint duo corpora dura quæ occurrant, via C c coarctatur, & materia subtilis in ea inclusa pergens movèri secundum lineam rectam, deficientibus viis novis, corpus ipsam impellens eò violentius repellit, quò difficilius viam sibi sternere potest, vel partes corporis A rumpuntur & separantur à se invicem, & in pulverem vel in fragmenta dissipantur.

Denique evidens videtur omne corpus motum, cum perpetuò in id nitatur ut directum motum conservet, nec ab eo, nisi coactum, desistat, nunquam debere reflecti, cum reflectendo, à linea rectà valde dimoveatur. Oportet igitur, vel retundi, vel debilius à fortiori vinci, ut conjunctim postea procedant. Sed quia hæc corpora vim habent elasticam & dura sunt, conjunctim procedere nequeunt, quandoquidem si A pellat a, a repellit A, itaque à se invicem recedere debent.

Si tamen duo corpora, essent in vacuo, quamvis durissima forent, conjunctim procederent, quia cum nullo corpore circumdarentur, nunquam resilire possent, impulso impellenti nullo modo resistente; sed cum aër, gravitas, &c. resistat ingenti motui quò impellens impulsus pellit, impulsus resistit impellenti & impedit quominus ipsum sequatur: nam experientia docet aërem motui resistere, eò magis quò motus est violentior.

Ex supra dictis facile patet cur in diversorum corporum aëre & aqua circundatorum concursu, impellens nonnunquam reflectatur, quandoque totum motum suum communicet & immotum maneat, & interdum impulsus corpus sequatur, sed semper minori cum celeritate, nisi alterutrum sit omnino molle: quippe hæc omnia ex solâ quæ est inter magnitudinem, duritiem & gravitatem utriusque, proportionem pendent, dummodò equali celeritate moveantur.

Si multum habeant duritiei, impellens magis reflectitur, quia vis elastica in ipsis major est; si impellens sit oppidò parvum, impulsus verò maximum & gravissimum, impellens multum adhuc reflectitur, propter gravitatem & ingentem aëris portionem quæ circundat impulsus quod resistit motui. Denique si vis duritiei veluti imminuatur exigua aëris portione quæ respondet exiguitati impulsus, vel contra, contingere potest ut post percussionem impellens veluti immotum maneat. Durities igitur corporum quæ sese mutuo impellunt, & aër quem corpus impulsus tempore percussionis de novo

agitare debet ut moveatur, duntaxat sunt comparanda, ut possit prævideri quid ex variorum corporum percussione evenire debeat. Æqualem in impellente semper suppono celeritatem, nam aër magis resistit magno motui quàm parvo, & non minùs est motùs in corpore dimidiâ parte minori quàm in alio, ubi duplum habet celeritatis gradum. Itaque si impulsus duplò celerius pellatur, eodem modo potest considerari, ac si portionem aëris duplò majorem pellendam haberet ut moveretur.

Sed attendendum etiam est eò instanti quò corpus unum aliud impellit, partibus ejusdem corporis duos esse motus contrarios, nam partes anteriores eò tendunt ut reflectantur propter percussione, dum posteriores eò tendunt ut progrediantur propter primum motum ipsis inditum; atque illo repercussû corpora mollia comprimuntur, vel, ut ita dicam, retunduntur, & quædam corpora dura franguntur. Jam autem ubi corpora sunt durissima, repercussus ille qui eorum concutit partes & in iis quandam fremitûs speciem efficit, aliquas semper communicationi motùs mutationes affert, quas ob multas causas agnoscere difficile est, & sigillatim examinare inutile.

Qui circa hæc meditari volent, poterunt, ni fallor, quibusdam difficultatibus, quæ moveri solent, facillè respondere. Verùm si existimarem ea quæ jam dicta sunt non sufficere ad ostendendum quietem non habere vim resistendi motui, & leges communicationis motuum à Cartesio traditas esse partim falsas; juxta ipsius suppositionem impossibile esse sese in aëre movere ostenderem; Et circularionem motùs in corporibus fluidis idèò esse possibilem, sine vacui suppositione; quia primum elementum nullo negotio dividitur multis modis diversis, cùm quies ipsius partium nullam habeat vim ad resistendum motui.

Concluduntur tres postremi Libri.

In quarto & quinto Libro, ni fallor, satis ostendi inclinationes naturales & passionis, seu affectus hominum eos sæpè in errorem conjicere; quia illos minùs impellunt ad res accuratè examinandas quàm ad præcipitata de iis judicia ferenda.

Quartò librò ostendi inclinationem ad bonum in genere esse causam anxietatis & inquietudinis voluntatis; voluntatis sollicitudinem mentem conjicere in perpetuam agitationem, mentem verò indefinenter agitatam ad veritates tantisper obscuras retegendas esse penitùs ineptam: amorem nostrum erga nova & extraordinaria nos sæpè prævertere, & quicquid infiniti characterem præ se fert posse imaginationem nostram perstringere nòsque decipere. Quomodò inclinatio quâ ad dignitates, elevationem & independentiam propendemus,

mus, ad falsam eruditionem, & omnium illarum scientiarum vanarum & inutilium, quæ superbiam nostram ablandiuntur, quia nobis hominum admirationem conciliant, studium, nos sensim ducat, explicui. Inclinationem ad voluptates mentis visum à veritatum abstractarum, quæ omnium sunt simplicissimæ & secundissimæ, contemplatione perpetuò divertere, demonstravi, quia de rebus attentè & sine præjudicio judicare ei non permittit. Voluptates, cum sint animæ modificationes, mentis capacitatem necessariò diversam agere & mentem ita dissipatam non posse assequi res paulò difficiles.

In quinto, dum affectuum nostrorum aliquam tradere ideam conatus sum, satis ostendi, ni fallor, illos ad id institutos fuisse, ut omnibus sensibilibus uniremur, utque eam sortiremur dispositionem quæ necessaria est ad vitæ nostræ conservationem. Quòd quemadmodum sensus nostri nos uniunt corpori nostro & in omnes ipsius partes animam veluti diffundunt, ita commotiones nostræ nos veluti extra nosmetipsos educunt, ut in ea omnia quæ nobis circumjacent diffundamur: Illos denique (affectus) nobis semper res representare non ut in se sunt, ad formanda vera judicia, sed juxta relationem quam habent nobiscum, ad formanda judicia nostræ & eorum quibus aut naturâ, aut voluntate nostrâ unimur, conservationi utilia.

Postquam errores in causis suis retegere, & mentem à præjudiciis quibus obnoxia est liberare, conatus sum; tandem existimavi temporis rationem petere ut illam ad veritatis inquisitionem prepararem. Itaque sexto librò rationes meo judicio maximè idoneas & naturales ad augendam attentionem & capacitatem mentis explicui, ostendendo quomodò utendum sit sensibus, affectibus & imaginatione, ad communicandam menti omnem quam suscipere potest vim & penetrationem. Postea, leges quasdam ad quamlibet detegendam veritatem necessariò observandas tradidi: illas multis exemplis ut palpari possent, illustravi, & exempla cooptavi utilissima, vel quæ veritates secundiores & generaliores includerent, ut attentius legerentur, & menti familiaria fierent.

Forfan ex hoc Methodi specimine agnosceretur necessitas quæ incumbit duntaxat ratiocinandi juxta ideas claras & evidentes, quasque certò scimus ab omnibus gentibus admitti; nec unquam ad rerum complexarum examen deveniendi, quin priùs simplicissimæ à quibus pendent fuerint examinatæ.

Qui attendent Aristotelem & ipsius sectatores leges à me explicatas non observasse, ut id extra omne dubium, tum argumentis à me allatis, tum opinionum, quas acerrimi hujusce Philosophi vindices proferuntur, cognitione, positum fuit, forsan ipsius doctrinam invitis impressionibus, quæ in terminorum obscurorum curiosos sectatores duntaxat agere possunt, aspernabuntur.

Sed si ad Cartesii Philosophandi rationem attendatur, de illius for-

lilitate nemo dubitabit; satis enim ostendi ipsum duntaxat juxta ideas claras & evidentes ratiocinari, & incipere à rebus simplicissimis priùsq̃uam ad maximè complexas transeat. Qui eruditi istius viri opera legent, eorum quæ de ipso hîc restor, facile convinentur, dummodò illa cum attentione necessariâ legant: secreto afficiuntur gaudio quòd in eo sæculo & climate nati sint, in quo non opus sit Paganos Philosophos, regiones maximè distitas & Barbaras adire, ut Doctorem habeamus qui nos veritatem doceat.

Nihilominus cùm humanarum opinionum magnopere solliciti esse non debeamus. Me pingeret si existimatio quâ hîc Cartesium prosequi videor, quemquam in ipsius gratiam ita anteverteret, ut ipsius opiniones legerentur & memoriæ mandarentur propter Authoris famam duntaxat, non verò propter veritatem. Ii enim Deo anteponerent hominem, & obscuris Philosophi, qui nos illuminare nequit, acquiescerent responsis, quia nimis laboriosum existimant eum meditatione interrogare qui nobis eodem tempore respondet & illucet.

Sub finem
ipsius prin-
cipiorum.

Quamlibet sectam amplecti, & ipsius Authores erroris immunes existimare iniquum est. Hanc ob causam Cartesius homines veritatis discipulos non verò pervicaces sententiarum suarum sectatores efficere cupiens, disertis verbis monet, *nihil eorum quæ scripsit credi & admitti debere, nisi quod invicta & evidens ratio persuadebit.* Quemquam in ipsius verba jurare non postulat, ut nonnulli Philosophi; semper ipsius memoriæ obversatur se hominem esse, & cùm nonnisi reflexum lumen communicare possit, eorum, qui sicuti ipse illuminari volunt, mentes semper convertere debere versùs summam Rationem, quæ sola intelligentiæ donò ipsos perfectiores reddere potest.

Præcipua utilitas ex studiis percipienda in eo consistit, ut mentem nostram rectiorem, perspicaciorem & aptiorem ad quaslibet detegendas veritates reddamus. Qui verò legunt Philosophos duntaxat ut eorum opiniones memoriæ mandent & aliis exponant, ad illum non accedunt qui est vita & alimentum mentis. Commerciò, quò utuntur cum iis qui illas illuminare nequeunt, ipsorum mens debilitatur & occæcatur. Falsâ eruditione, cujus pondere opprimuntur & fulgore perstringuntur, pleni sunt. Et dum se doctissimos existimant, quia ipsorum caput antiquorum Philosophorum opinionibus refertum est, non attendunt se eorum discipulos fieri de quibus Paulus dicit *ipso factos fuisse stultos, dum se dicerent sapientes.*

Methodus quam tradidi, iis qui ratione rectè uti, aut à Deo responsiones, quas iis omnibus largitur qui ipsum ritè interrogant, accipere volunt, prodesse posse mihi videtur: Existimo enim me omnia dixisse quæ ad attentionem mentis corroborandam & regendam conferre possunt, jam autem attentio est oratio naturalis quæ ad verum omnium hominum magistrum dirigitur, ut ab eo erudiamur.

Quia

Quia verò hæc ratio naturalis quærendi veritatem est admodum laboriosa, & ut plurimum duntaxat utilis est ad solvendas quæstiones quorum usus rarus est, & quarum cognitio superbiam magis palpat, quàm mentem perficit. Hic coronidis loco dicere teneor, brevissimam & tutissimam viam quâ veritatem invenire, & Deo, modò purissimo & perfectissimo, possimus uniri, rationem in eo consistere, ut vitam verè Christianam degamus, ut præcepta Veritatis Æternæ, quæ se nobis eo fine duntaxat univit, ut Deo nos reconciliaret, sequamur. Ut fidem nostram potius quàm rationem exaudiamus, & ad Deum tendamus, non tam viribus naturalibus, quæ à peccato labefactatæ sunt, quàm auxilio fidei, quâ solâ Deus vult nos deduci ad immensum veritatis lumen; quod omnes nostras discutiet tenebras: Etenim cum probis aliquot annos in quarumdam rerum ignorantia versari & uno temporis momento lumen in æternum duraturum consequi, quàm naturalibus mediis ingenti cum applicatione & labore scientiam imperfectam, quæque nos in æternis relinquat tenebris, adipisci, longè satius est.





ILLUSTRATIONES

S E U

EXPLICATIONES

AD LIBROS PRÆCEDENTES.

P R Æ F A T I O.

In quâ quid de variis judiciis quæ circa libros qui præjudicia impugnant ferri solent, sentiendum sit ostenditur.

QUUM liber quipiam in lucem prodit, quis circa ipsius fatum consuli debeat ignoratur. Astra enim ipsius nativitati non præsunt, ipsorum influxûs nullâ in illum pollent vi, & audaciores etiam Astrologi quicquam de varia illius fortuna futura prædicere non audent. Cum veritas non sit hujusce mundi, corpora cœlestia nihil in ipsam valent, cumque naturâ suâ sit omnino spiritualis, diversæ materiæ configurationes & combinationes, ad ipsam vel stabiliendam, vel destruendam nihil conferre possunt. Præterea hominum judicia circa res easdem ita diversa sunt, ut qui felicem aut infelicem alicujus libri sortem ominari satageret, temeritatem & imprudentiam in præfagiendo ulterius vix posset ferre. Ita ut qui in authorum albo accenseri vult, variis etiam cæterorum hominum judiciis & arbitriis sese permittere videatur. At verò inter authores, ij præsertim qui ad profliganda præjudicia sese comparant, condemnationem suam in dubium revocare non debent; ipsorum lucubrationes plerisque hominibus nimis adversantur, unde fit ut si inimicorum suorum affectibus sese surripiant, incolumitatem suam victricis veritatis vi quâ tegebantur acceptam referre debeant.

Id vitium omnibus hominibus commune est, quòd nempe ad judicia ferenda sint nimis præcipites. Omnes enim errori sunt obnoxij, jam autem errores eorum non aliunde manant quàm ex hoc ipso vitio. Porro omnia judicia præcipitata præjudiciis sunt cõformia: Authores itaq; qui impugnandis præconceptis opinionibus occupantur non possunt quin damnentur ab iis omnibus, qui solas veteres opiniones consulunt,

tanquam leges ex quibus de cunctis judicium ferre semper debent. Plerique enim Lectores & judicum & partium adversarum personam respectu illorum Authorum eodem tempore ferunt. Illorum sunt iudices, nemo est qui possit ire inficias; sunt etiam illorum partes adversæ; quia Authores isti ipsos in præjudiciorum suorum in quæ jus præscriptionis sibi vindicaverunt, & quibus à multis annis per quam familiariter usi sunt, possessione laceßunt.

Fateor equidem plurimum æquitatis, sinceritatis, & judicii in nonnullis Lectoribus reperiri, & nonnunquam extare iudices æqui satis amantes, ut Opiniones vulgi tanquam regulas Veritatis infallibiles non habeant. Multi sunt qui apud se ipsos descendentes veritatem internam, ad cujus amussim cuncta sunt exigenda consulant. Sed pauci sunt qui illam ubique consulant. Nulli verò illam veritatem internam eâ consulunt attentione & fidelitate, quæ ad vera de cunctis & semper ferenda judicia requiruntur. Licet igitur quis supponeret opus aliquod esse omnis erroris aut defectûs immune, quod sine vanitate nemo de se sperare potest, haud credam tamen quemquam reperiri posse qui in illo opere omnia approbaret; præcipuè si istud opus ipsius præjudiciis adversaretur. Quis enim fieri potest ut iudex perpetuis injuriis irritatus & laceßitus, reo à æquum de ipso in omnibus possit ferre judicium? aut qui fieri potest ut in rationes quæ paradoxa inepta aut paralogismi ridiculi ipsi videntur examinandas totis incumbat viribus?

Sed quamvis in aliquo Libro multa reperiantur quæ arrident, si forte quædam etiam ingrata occurrant, tum Lector eorum quæ primò allubuerunt immemor ad ea duntaxat quæ displicuerunt animum advertere solet. Innumeræ sunt causæ quibus ad ea quæ minùs placent damnanda à *quædam* impellimur; ac ratio hisce causis tum planè assentitur; errorem enim impugnare & veritati patrocinari arbitrantur qui sua defendunt præjudicia, eosque damnant qui istis præjudiciis adversantur. Æquiores itaque iudices librorum qui præjudicia impugnant, de illis (libris) ut plurimum quædam ferunt judicia generalia ipsis non valdè faventia. Forsan dicent aliquid boni esse in ejusmodi opere, Authoremque in illo in quasdam præjudicatas opiniones meritò invehi; At illum damnare, temetipsumque in quibusdam in simulare non dubitabunt, ipsum in his aut illis locis res æquo strictius tingerè judicum instar graviter & imperiosè pronuntiantes. Quandiù enim Author in eas insurgit opiniones quibus lector non est præoccupatus, quicquid dicit author ille ad rationis normam satis equidem eatenus exactum videtur. Sed idem res ultra modum ferre semper videbitur, cum præjudicia quibus lector mordicè adhærescit aggreditur.

Cùm autem præjudicia diversorum hominum eadem semper non sint, si varia judicia quæ de rebus iisdem feruntur quis accuratè colligeret, is juxta varia istæc judicia, nihil boni & simul nihil mali esse in ejusmodi libris sapissimè deprehenderet. Nihil esset boni quia nullum est præjudicium quod quis non probet: Nihil etiam esset mali, nullum enim quoque est præjudicium quod quis non respuat. Judicia igitur illa quæ de his libris formari solent ad æquitatem ita, si Deo placet, accedunt ut si quis iis ad opus emendandum uti vellet, omnia necessario delere deberet, ne quid damnatum in eo superesset, aut omnia illibata relinquere ne quid ab eo detraheret, quod probaretur. Adeò ut miseri Authoris fors deflenda videatur, qui dum neminem offendit, tot variis adversus se & pro se formatis implicatur judiciis. Ac nisi apud se firmum ac tenacem propositi manere, immo pervicacem haberi decernat; in perpetuas involuet se contradictiones, totque diversas suscipiet formas quot in toto populo diversa sunt capita. *Tot capita, tot sensus.*

Interea tamen tempore cuncta in lucem edente, unusquisque pro meritis habetur, & veritas quæ primâ fronte spectrum quoddam ridiculum videtur, sese paulatim sentiendam præbet. Homines, oculis semel apertis, ipsam attentè considerant, ipsiusque pulchritudinis agnitæ desiderio tenentur. Ac fieri potest, ut qui Authorem damnat circa opinionem quandam quam ipse non probat, incidat casu fortuito in hominem qui eandem illam opinionem cui adversatur, probet, quique vice versâ damnet alias opiniones quas ille ut indubitatas tenet. Uterque secundum mentem suam loquitur, ac uterque sibi invicem cōtradicit. Proprias tum rationes cum rationibus ab altero allatis confert, & expendit. Deinde lites moventur, mens attentius applicatur, hæret ambigua, nec tam præceps est ad judicandum de iis quæ non fuerunt examinata; quod si quis à sententia desistat, & agnoscat Authoris sententiam fuisse opinione rectiorem, tum in pectore excitatur secreta quædam propensio, quâ quæ de illo prius malè fuerunt cogitata, & pronunciata in laudes sæpe convertuntur. Non est itaque quòd qui se veritatis vindicem strenuum gerit, licet plerisque offendat, aut iis saltem risum moveat, desperet fore ut veritas quam defendit de hominum præoccupatione victoriam aliquando reportatura sit. Istud enim intercedit discriminis inter bonos & malos Libros, inter eos qui mentem illuminant & eos qui sensibus & imaginationi arridēt, quòd hi primâ fronte videantur lepidi & jucundissimi quidem, sed tempore veluti flaccescant, illi nescio quid duri & asperi præ se ferant, quod primò mentem terret, eique negotium facessit. Sed mens iis, tempore, degustatis.

attentè perlectis & præponderatis assuefiat; tempus enim ut plurimum de rerum pretio iudicat.

Libris equidem ad evertenda præjudicia scriptis plus opus est temporis ad eum quem sperant Authores ferendum fructum, quàm aliis libris, quippe qui per vias nondum tritas ducant. Cùm enim spes & opinio quas de authoribus istorum librorum concipiunt nonnulli, eos ut plurimum fallat, pauci sunt qui illos legant, pauciores adhuc qui illos probent; omnes penè ipsos damnant, legerint necne. Et quamvis exploratum habeatur vias maximè tritas eò non ducere quò tendere propositum est, attamen terror quem itinera nullis vestigiis trita incutiunt efficit ut plerique illam non audeant insistere viam. Oculos non dignantur sursùm ut rectâ incedant attollere; Præeuntes cæco impetu sequuntur; societas recreationi & solatio est; ac dum ita aliorum vestigia premunt ad id quod agunt non satis attendunt; quotentandant nesciunt, ac sæpe itineris sibi propositi obliviscuntur.

Homines ad id sunt constituti, ut societatem inter se incant: sed ut illa foveatur societas non sufficit ipsos eodem uti idiomate, ipsos præter ea eadem loqui, & eadem sentire necesse est. Vitam juxta opinionem instituant oportet, quemadmodum actiones ex alieno dirigunt exemplo. Omnia commodè, jucundè & tutò ad corporis nostri bonum Fortunæque stabilimentum cogitamus, dum in aliorum sententias descendimus, ac nos per habitum externum impressionemque sensibilem imaginationis eorum qui loquuntur persuaderi si nimus. Sed ingens labor est exantlandus, fortunæque in certum adducitur discrimen, dum quis internæ veritati duntaxat auscultare, omniaque sensuum præjudicia, omnesque opiniones, sine examine præconceptas, cane pejus & angue fugere decernit.

Omnes itaque Authores librorum qui præjudiciis bellum denunciant toto errant calo si hoc consilio sese commendare pertendunt. Si ipsorum lucubrationes scopum attigerint, pauci equidem inter Doctos ipsorum operibus luculenta perhibebunt testimonia post obitum, sed per vitæ curriculum certè nihil aliud sperare debent, præter contemptum plerorumque; immò ab iis etiam qui sapientissimi & moderatissimi audiunt calumniis & maledicentiis proscinduntur.

Ac reverâ tot tamque validissimis pellimur rationibus ad agendum ut ii quibuscum degimus agere solent, ut sæpè non injuriâ ii habeantur morosi & *antisic* qui aliorum exemplo sese conformare recusant, & quia vulgus non satis distinguit inter agere, & cogitare, hinc fit ut iniquo serat animo, quosdam qui esse in præjudicia insurgant. Nempe autumant plerique, ut observentur

societatis civilis leges, non sufficere si quis sese externè opinioni & ritibus receptis conformet; Asserunt præterea illum esse temerarium qui ad trutinam expendit opiniones vulgares, illum charitatis vinculum rumpere qui veritatem consulit: quia societates civiles non tam veritate quàm opinione & consuetudine connectuntur.

Aristoteles in Academiis seu Universitatibus viget, ibique normæ veritatis adinstar habetur; tanquam ἀνὸρ ἄνθρωπος laudatur, ipsius effata negare hæresis est Philosophica; uno verbo sub Genij naturæ titulo colitur: dum tamen ipsius Physicæ peritissimi nullius rei rationem reddere possunt, immò fortè nil quicquam certi tenent. Et plerique studiosi postquam Philosophiæ cursu memensi sunt quid à suis Magistris didicerint coram viris cordatis non audent proferre. Id ni fallor, quid de ejusmodi studiis censendum, attento cuilibet clarum satis dabit; Nam certè doctrina illa, quam qui rationis partes amplecti vult abdicare debet, non videtur doctrina admodum solida: Attamen qui id in se susciperet negotiū ut ostenderet falsitatem rationum quibus agendi ratio adeo insolens freta sit, temeritatis haud dubiò insimularetur. Ac is certè de iis malè mereretur quibus ejusmodi agendi ratio emolumento est, quia vulgus ab illo errore vindicaret.

Nonne manifestum est procedendum esse à rebus notis ad eas addiscendas quæ nobis ignotæ sunt. Certè is Gallum irrideret qui ipsi traderet Grammaticam versibus Germanicis conscriptam ut Germanicam linguam disceret. Versus tamen Latini Despauterii pueris traduntur ut linguam Latinam edoceantur. Versus omnimodè obscuri traduntur pueris qui res omnium facillimas vix possunt capere. Ratio & experientia adversus hunc morem manifestò pugnant, pueri multum consumunt temporis ad linguam Latinam perperam satis discendam. Qui tamen hunc morem audet culpae temerarius audit Sinensis si nostrum hunc morem fando acciperet risum certè tenere non posset, dum tamen in illo terræ loco quem incolimus sapientissimi & doctissimi vix possunt quin illum probent.

Si opiniones adeò falsæ & crassæ, ritûsque tam absurdi, quorum tamen tantum est momentum, innumeros nanciscantur propugnatores, quî fieri posset ut assensus daretur rationibus quæ impugnant præjudicia meræ speculationis? Attentio levissima sufficit ut percipiamus, institutionem qua pueri solent informari, multis laborare vitiis, id tamen quantumvis clarum à multis non agnos-

citur. Opīnio & consuetudo rationem & experientiam vincunt. Quis igitur posset sibi persuadere Libros in quibus multa profligantur præjudicia non damnandos esse in multis, ab iis etiam qui habentur eruditissimi & sapientissimi?

Animadvertendum est eos apud homines haberi peritissimos & eruditissimos qui plures legerunt libros tum bonos, tum malos, qui memoriâ felici, imaginatione vivâ & vastâ præ cæteris præditi sunt. Illi autem homines de rebus ut plurimum præcipites judicant nullo admissio examine. Memoriam consulunt, ac in ea protinus legem aut præjudiciū reperiunt ex quo deinde raptim decidunt. Cū cæteris se anteponant ad ea quæ legunt parum attendunt. Unde fit ut non rarò contingat fœminas, & pueros falsitatem quorundam præjudiciorum confutatorum agnoscant, quia non audent judicare nisi rem prius expenderint, & quantum possunt attentionem præbent iis quæ legunt: Docti verò contrà opinionibus suis mordicus adhærescunt, quia opiniones aliorum examinare non dignantur, si iis quæ prius cogitaverunt adversentur.

Qui verò pompam mundanam sectantur ac apud Magnates vivunt, à tot rebus dependent ut sese colligere, eamque præbere attentionem quæ necessaria est ad discernendum verum à verisimili vix possint. Sunt tamen quædam præjudicia quibus non valde adhærent; Qui enim mundo omnino addictus est, nec vero nec verisimili adhærescit. Cū humilitas, ut & honestas & modestia, saltem specie tenus, sint virtutes omnibus spectatissimæ, & omninò necessariæ ad fovendam inter homines ingenti supercilio & ambitione tumentes societatem, hinc fit ut homines mundani pro virtute, & laude habeant, nihil asseverare nihilque indubitatum credere. Hic mos apud homines hujus sæculi semper invaluit ac in posterum invalescet, quo omnia habent problematica ac de veritatibus etiam Sanctissimis liberè & audacter loquuntur, ne præjudiciis occæcati videantur. Cū enim isti homines de quibus sermo est de fortunâ suâ duntaxat sint solliciti, nullus affectus commodior rationique concinnior ipsis videtur quàm qui more apud optimates recepto nititur. Cū itaque Authores qui adversus præjudicia pugnant, mundanorum superbiæ & segnitie aliquatenus palpum faciant, ab iis æquo excipiuntur animo: At verò si quid satagant asseverare ut certum, veritatemque Religionis & Ethicæ Christianæ adversus Antago-

nistas asserere, tum illos habent ut homines opinionibus suis præpeditos, ac veluti è Scyllâ in Carybdin incidentes.

Quæ jam à me dicta sunt possunt, ni fallor, unicuique patefacere quid mihi respondendum esset variis judiciis variorum hominum adversus Librum DE INQUIRENDA VERITATE: ab applicatione itaque quam unusquisque potest nullo negotio, nec sine utilitate facere, supersedeo. Non me equidem latet omnes hanc applicationem non esse facturos; Verum iudex in mea causa viderer, sis me totis viribus defenderem. Jus igitur meum Lectoribus attentis qui genuini sunt librorum iudices transmittito; & eos obtestor ut recordentur postulati à me facti in Præfatione istius libri & alibi, *Ne, scilicet, de opinionibus meis judicent nisi ex responsis claris & distinctis quæ ab unico hominum Magistro attentione seriâ interrogato accipient.* Si enim consulant præjudicia ut leges decisivas circa Librum *De Inquirendâ Veritate*, fateor istum Librum esse pessimum, quippe qui ad id de industriâ compositus sit ut legum istarum falsitatem & injustitiam demonstret.





A D

LECTOREM

ADMONITIO.

Cum explicationes hinc subiectæ eo consilio factæ fuerint ut quorundam qui à me optarunt specialiore expositionem veritatum quarundam ingentis momenti desiderio satisfaceret: monitos velim Lectores, infra dicenda clarè intelligi non posse, nisi prius principia in Libro De Inquirenda Veritate exposita intelligantur. Frustrà itaque quis ad eas animadversiones legendas sese accingeret, nisi prius totum opus cui elucidando destinatæ sunt aliquà cum attentione legerit. Secunda tantum lectione examinandæ erunt, ut margo eas consulendas indicabit. Hæc tamen admonitio non omninò necessaria est Viris ingenio perspicaci præditis, eo enim modo scribere conatus sum, ut istæ Illustrationes legi possent nulla relatione facta ad Opus propter quod compositæ fuerunt. Scio equidem nihil esse cui homines minùs conferant operæ quàm veritati. Vix à se possunt obtinere ut locos alicujus libri inter se connexos mutuà collatione perlustrent. Libros plerumq; continuata serie perlegunt, ac ea tantum retinent quæ negligenter legendo possunt retineri. Ut itaque huic ingenij dispositioni memet adtemperarem in id præsertim studui ut hæc observationes intelligendas præstarem iis etiam quibus loci qui in Libro de Inquirenda Veritate, ad eas observationes referuntur memoriâ excidissent. Eos tamen quibus istarum explicationum accuratum examen arduum nimis videbitur precor, ne eas damnent propter consequentias falsas & absurdas, quæ ab iis non benè intellectis, possent deduci. Id sanè non sine causa precor, præter quàm quòd enim à Lectoribus qui iudices mei sunt jure possum exigere ne me inauditum damnent, suppetunt mihi aliæ causæ quas hic asserre non est necessarium.

IL



ILLUSTRATIONES

S E U

EXPLICATIONES

A D L I B R U M

De

INQUIRENDA VERITATE

P R I M A E X P L I C A T I O

ad Caput primum primi Libri.

Deus efficit quicquid realis est in motibus mentis, & in determinationibus horumce motuum, nec tamen est Author peccati.

Efficit quicquid realis est in motibus concupiscentiae, nec tamen est Author concupiscentiae nostrae.



ONNULLI sunt qui existiment comparationem inter spiritum & materiam in superioribus institutam à me non satis urgeri & citius aequo relinqui, quippe qui arbitrentur spiritum non majori vi pollere ad determinandum impressionem sibi à Deo datam, quam materia. Optant igitur, ut explicem, si potis sum, quid Deus agat in nobis, quid item nosmet ipsi agamus dum peccamus. Ex eorum enim judicio, ad alterutrum horum confitendum

b

meâ explicatione adigar, scilicet, aut hominem posse sibi novam aliquam dare modificationem, aut Deum esse reverâ Authorem peccati.

Illis verò respondeo Fidem, rationem ac sensum internum quem de memetipso habeo me ad id adigere ut à comparatione meâ eo loco desistam, quo ab ea destiti; omnigenis enim argumentis exploratum habeo me habere in meipso principium quoddam determinationum mearum: nec infirmioribus fretus argumentis existimo materiam ejusmodi principio carere. Id infra probabitur. Sed ecce jam id quod Deus efficit in nobis, quodque nosmetipsi facimus, dum peccamus.

Primò Deus perpetuò nos impellit, idque impressione invictâ versùs bonum in genere. Secundò, nobis representat ideam boni alicujus specialis, aut ipsius sensum in nobis excitat. Denique nos fert ad id bonum speciale.

Deus, inquam, nos indefinenter impellit versùs bonum in genere. Deus enim nos fecit & nos conservat propter se ipsum; omnia quæ bona sunt vult à nobis amari; Primus aut potius unicus est motor. Quid moror? Id ex numeris à me antea prædictis patet; idque apud eos quibuscum res mihi nunc est, in confesso est.

Præterea; Deus nobis repræsentat ideam boni alicujus specialis, aut ipsius sensum in nobis excitat. Ipse enim solus nos illuminat; et corpora quæ nos ambiunt non possunt agere in mentem nostram. Uno verbo, nobismetipsis nostrum non sumus lumen, nostraque felicitas. Id tertio libro et alibi fusè à me probatum fuit.

Denique; Deus nos fert versùs bonum illud speciale; Cùm enim Deus nos ferat versùs omnia bona, hinc, necessario sequitur ipsum nos ferre versùs bona specialia, cùm illorum ideam aut sensum menti nostræ imprimat. Illud omne est quod Deus efficit in nobis dum peccamus.

Sed cùm bonum speciale in se includat omnia bona, mensque dum illud bonum speciale visu claro & distincto contuetur non possit imaginari omnia bona in illo includi; Deus nos necessario & invictè non fert ad amorem istius boni. Sentimus in nobis libertatem ibi subsistendi aut ulterius progrediendi, immò sentimus adhuc nos habere motum quo ulterius progredi possimus: uno verbo, impressionem quam habemus versùs bonum universale, vel ut cum vulgo loquar, voluntatem nostram nulla vi ad id cogi ut huic speciali bono insistant.

Videamus igitur quid faciat peccator, subsistit; conquiescit; Deum non sequitur, nil agit, peccatum enim nihil est. Pro comperto habet præcipuam legem quam observare tenetur, in eo consistere, ut libertate sua utatur, quantum quidem potest, nec cuiquam bono adhæreat nisi intùs apud se convincatur se adversùs ordinem in rerum naturâ institutum peccaturum si illi bono adherere recusaret. Si hanc legem per lumen rationis non percipiat, illam saltem ex secretis conscientiae exprobrationibus ediscit. Impressionem igitur quam versùs bonum universale accipit sequi & ad alia bona ab eo quo potitur, & quo ipsum dunt-

taxat uti oporteret, cogitationes suas ferre deberet. Quippe dum de aliis bonis ab eo quo potitur diversis cogitabit, tum poterit producere in se novas determinationes amoris sui & usum libertatis admittere. Jam autem probo ipsum impressione sibi à Deo datâ versùs bonum in genere, posse cogitare de aliis bonis ab eo quo potitur differentibus. In eo enim præcipuè consistit difficultatis nodus.

Hæc est lex naturæ, nempè, ideas objectorum offerri menti nostræ quotiescunque de ijs volumus cogitare, dummodò capacitas quam habemus cogitandi, non occupetur sensationibus vividis & confusis, eorum occasione quæ in corpore nostro aguntur natis. Jam verò possumus *velle* cogitare de omnibus; quia impressio naturalis quæ nos fert versùs bonum extenditur ad ea omnia de quibus cogitare possumus; atqui possumus omni tempore *cogitare* de omnibus, quia illi unimur qui in se includit ideas rerum omnium ut supra probavi. Vide supra c. 6. part. 2. l. 3. & ejus explicationem in sequentibus.

Si igitur constet nos posse *velle* cominùs contemplari ea quæ jam videmus veluti eminùs, quoniam Enti universali unimur: ac si constet juxta leges naturæ, ideas rerum ad nos accedere seu nobis obversari statim atque id volumus. Hinc colligere est;

Primò, *Nos habere principium determinationum nostrarum.* Namque præsentia actualis idearum specialium ea est quæ determinat præcisè versùs bonum in genere, quæque hoc pacto amorem nostrum naturalem in amores liberos convertit. Assensus noster seu conquiescentia, ut ita dicam, in contemplatione boni alicujus specialis, nihil est realis aut positivi respectu nostri, ut infra sum explicaturus.

Secundò, *Illud principium determinationum nostrarum semper esse liberum respectu bonorum specialium.* Ad ea enim amanda modo insuperabili non ferimur; cùm ea in se ipsis examinare, ac cum idea quam de summo bono habemus, aut cum alijs bonis specialibus conferre possimus. Itaque principium libertatis nostræ in eo consistit, quòd cum facti simus propter Deum & cum ipso uniamur, ad verum bonum aut ad alia bona ab ijs de quibus actu cogitamus diversa, cogitationes nostras ferre semper possimus.

Suppono tamen nostras sensationes non occupare capacitatem mentis nostræ. Ut enim liberi simus libertate de qua sermo est, necesse est non modò ut Deus nos non impellat motu insuperabili versùs bona specialia, sed prætereà ut possimus uti impressione quam habemus versùs bonum in genere, ad aliud amandum quàm quod actu amamus. Jam autem cùm nulla possimus amare objecta præter ea de quibus possumus cogitare, nec queamus actu cogitare de alijs quàm de ijs quæ in nobis excitant sensationes vividiores; hinc manifestò patet unionem nostram cum corpore & ipsius imperium in nos libertatem nostram minuire, ac non rarò omnino impedire quominus illà uti queamus. Cùm itaque sensationes nostræ ideas nostras deleant, & unio quæ nobis est cum corpore, quæ facit ut nihil videamus præter nos ipsos, extenuet unionem quam cum Deo habemus,

quæ facit ut omnia nobis sint præsentia, Cùm, inquam, hæc ita sint, mens non debet sinere, se distringi sensationibus confusis, si principium determinationum suarum perfectè liberum conservare velit.

Ex his omnibus evidenter liquet, Deum non esse Authorem peccati, hominemque novas non sibi dare modificationes, Deus non est author peccati, cùm peccanti, sive illi qui in bono aliquo speciali subsistit, imprimat perpetuò motum quo possit ulterius progredi, det ipsi facultatem cogitandi de alijs rebus, & sese ferendi versùs alia bona quam versùs bonum quod actu ipsius cogitationi obversatur, quodque amore complectitur; ipsi præscribat ne illud amet à cuius amore potest abstinere sine ullis conscientie morsibus; ac ipsum secretis propriæ rationis objurgationibus ad se indefinenter revocet.

Verum equidem est aliquo sensu Deum ferre peccatorem ad amandum objectum peccati sui, si objectum illud boni specie appareat peccatori: Nam ut ajunt plerique Theologi, quicquid positivi, actualis, ac motus est in peccato, à Deo est. At verò peccatum hominis cujuscumque in eo non consistit, quod amet bonum aliquod speciale, nam omne bonum est amore dignum: sed in eo quod illud bonum amet unice; sive in eo quod illud æquali aut fortè majori prosequatur amore quàm bonum aliud præstantius: aut in eo quod amet bonum quo Deus ipsum potiri vetat, quia cùm mens ex quo peccatum irreplet submittatur corpori, amor seu potius fruitio, ut ita loquar, istius boni augeret concupiscentiam, ipsumque à summi boni amore arceret. Uno verbo peccatum hominis cujuscumque in eo consistit quod non referat omnia bona specialia ad summum, aut potius in eo quod non consideret seu non amet summum bonum in specialibus, atque sic non dirigat amorem suum juxta voluntatem Dei aut secundum ordinem essentialem & necessarium, cujus homines cognitionem habent eò perfectiorem, quò arctius cum Deo uniuntur, & quò impressiones sensuum & affectuum vividas minùs sentiunt. Namque sensus nostri mentem per corpus dissipant ac veluti diffundunt, ac affectus eam quasi transferentes in corpora circumjacentia nos remonent à lumine Dei quod nobis affulget & affunditur.

Homo quoque novas non sibi dat modificationes. Motus enim amoris quem Deus indefinenter in nobis imprimit, nec augetur, nec minuitur, quamvis actu amemus aut non amemus; Hoc est, quamvis naturalis ille motus amoris sit determinatus aut non determinatus, per aliquam ideam mentis nostræ. Ne motus ille quidem cessat per acquiescentiam, (sit verbo venia) in possessione boni, ut motus corporum cessat per quietem. Verisimile est Deum nos semper ad se æquâ vi impellere, nos enim impellit versùs bonum in genere, quantum quidem ad eum motum sumus idonei, jam ad illum semper sumus æquè idonei omni tempore, quia voluntas nostra aut capacitas naturalis volendi semper æqualis est sibi ipsi. Itaque impressio aut

motus naturalis quo versùs bonum ferimur, nunquam augetur nec minuitur.

Fateor equidem nos non habere ideam claram aut sensum internum istius æqualitatis impressionis aut motus naturalis versùs bonum. Sed id ex eo est quod nos ipsos non cognoscamus per ideam, ut * alibi probatum est, quodque non sentiamus facultates nostras, quum non agunt actu. Non sentimus in nobis quod naturale, ordinarium, & semper idem est, quemadmodum non sentimus calorem & pulsationem cordis nostri. Nostros ne quidem sentimus habitûs, nec an digni simus amore aut irâ Dei. In nobis fortè sunt innumeræ facultates nobis penitus ignotæ.

* Vide cap. 7. partis 2. lib. 3. & ejus explicationem in seq. Nemo scit aurum amore vel odio dignus sit. Eccl. 4.1.

Quicquid enim sumus nos, id sensu interno non percipimus, sed id tantum quod sentimus actû. Si nullum unquam dolorem sensissemus nullaque bona specialia appetivissemus, non possemus sensû interno quem de nobis-met ipsis habemus comperire an apti essemus ad sentiendum dolorem aut ad volenda talia bona, nec ne. Memoria nostra non verò sensus internus nos docet nos esse capaces sentiendi id quod non amplius sentimus, nosque posse agitari affectibus quorum nullus amplius in nobis superest motus. Nihil itaque est quod impediat quominus credamus Deum nos semper impellere versùs se vi æquali, quamvis modo valde differenti; ipsumque semper conservare in mente nostrâ æqualem aptitudinem ad volendum, aut eandem voluntatem, sicut in materia æqualem motûs quantitatem semper conservat. Sed dato non concesso rem non sic se habere, haud putem quemquam dicere posse amissionem aut diminutionem motûs naturalis mentis nostræ pendere à nobis, cum non possimus esse causa extensionis voluntatis nostræ.

Ex supradictis insuper constat Deum etiam conservare in nobis quicquid est realis & positivi in determinationibus specialibus motûs mentis nostræ, nempe ideas & sensationes nostras. Illud enim est quod determinat versùs bona specialia motum nostrum ad bonum in genere; sed modo non insuperabili, cum nobis sit motus quo possimus ulterius progredi. Illud igitur est quod facimus dum peccamus; nempe; id omne non facimus quod possumus facere propter impressionem quam habemus versùs illum qui omnia includit bona: Nihil enim nisi mediante potentiâ quam accipimus ex unionem nostrâ cum illo qui omnia facit in omnibus, possumus. Causa autem præcipua cur peccemus in eo versatur, quod cum malimus potiri rebus quàm eas examinare, quia magnam in potiundo voluptatem, ingentem verò in examinando experimur laborem; desinimus uti motu nobis dato ad quærendum, bonum, illudque examinaudum, & in fruitione rerum quibus uti duntaxat deberemus, subsistimus. Sed qui ad rem animum seriò advertent facili negotio agnoscent in eo nihil esse realis à parte nostri nisi quòd ab inquirendo desistimus, quæ cessatio inquisitionis corrumpit, ut ita dicam, actionem Dei in nobis, sed quæ tamen illam non potest destruere. Quid

igitur agimus, quum non peccamus? Jam illud omne agimus quod Deus efficit in nobis; dum verò peccamus quid agimus? Nihil prorsus. Amamus equidem bonum aliquod speciale; sed peccatum in eo præcisè non consistit; nam bonum est amabile & debet amari. Amor noster in se bonus est; & in eo ipso quod illud bonum speciale amamus impressionem sequimur quam nobis dat Deus. Peccatum nostrum in eo præcisè consistit quòd in hoc bono speciali sistamus impressionem quam Deus dat nobis ad id omne amandum quod bonum est, aut bonum universale, tempore quo illud amare debemus & possumus. Ergò peccatum nihil est, & quamvis Deus omnia in nobis faciat, peccatum tamen non facit. Jam autem quum bonum aliquod particulare unice aut contrà ordinem amamus, à Deo æqualem accipimus impressionem amoris ac si in hoc bono non subsisteremus. Præterea determinatio illa quæ nec est necessaria nec insuperabilis, à Deo etiam nobis data est. Ergò quum peccamus, novam in nobis non producimus modificationem.

Fateor tamen nos, dum non peccamus, & dum resistimus tentationi, dici posse, aliquo sensu, nobis dare novam modificationem, quia volumus cogitare de alijs bonis quàm de falsis illis bonis quæ nos tentant. Verum quod tum facimus producit per actionem quam Deus nobis indit, hoc est, per motum versùs bonum in genere, aut per voluntatem nostram auxilio gratiæ adjutam, hoc est lumine illuminatam, & delectatione præveniente impulsam. Etenim, si autemet quis diversas res velle, idem esse ac sibi dare varias modificationes, equidem fateor hoc sensu mentem posse sese variè modificare per actionem sibi à Deo impressam.

Verum semper attendendum est actionem illam quam Deus nobis indit pendere à nobis, nec esse insuperabilem respectu bonorum specialium. Namque, cum bonum aliquod speciale nobis offertur, sensum habemus internum, seu conscij sumus nostræ libertatis ipsius respectu, ut conscij sumus voluptatis nostræ, & doloris nostri, cum alterutro afficimur. Eadem ratione nostræ convincimur libertatis, qua convincimur existentiae nostræ, sensu enim interno sive cogitationumstrarum conscientia quæ in nobis est, nos existere docemur. Ac si eo tempore quo libertatem nostram sentimus respectu boni aliqujus specialis, dubitare debemus nos esse liberos, quia libertatis nostræ ideam non habemus claram; certè etiam pari ratione nos dubitare oportebit de dolore nostro, ac de existentia nostrâ eo ipso tempore quo infelices sumus, cum nec mentis nostræ, nec doloris ideam habeamus claram.

De sensu interno res secus se habet ac de sensibus nostris externis. Hi semper in aliqua re nos decipiunt, illi vero nunquam. Per meos sensus externos video colores in superficie corporum, sonum audio in aëre, dolorem sentio in manu mea; & in errorem incido, si de his rebus ex sensuum testimonio judicem. Sed per sensum internum

video colorem, audio sonum, patior dolorem; nec fallor credendo me videre dum video, me audire dum audio, ac pati dum patior; dummodo ibi subsistam. Hæc fusiùs non explico, quippe quæ per se clara sint. Cùm igitur sensum habeamus internum libertatis nostræ eo tempore quo bonum aliquod speciale sese menti nostræ objicit; nullo modo dubitare debemus quin liberi simus respectu illius boni. Quia tamen illum sensum internum sive conscientiam semper non habemus, & quia quandoque id duntaxat consulimus quod de illo nobis superest in memoriâ modo per quàm confuso, possumus, inter cogitandum de rationibus abstractis, quæ nos à sensu nostri arcent, nobis persuadere fieri non posse ut homo sit liber. Quemadmodum Stoicus cui nihil deest ad vitam commodè vivendam, quique tranquillè Philosophatur, potest imaginari dolorem non esse malum, quia sensus internus quem habet de se ipso, nullo actuali experimento ipsum contrariæ convincit sententiæ. Potest probare post Senecam, rationibus quæ aliquo sensu sunt verissimæ, contradictorium esse sapientem posse esse infelicem.

Nihilominùs tamen si sensus internus quem de nobismetipsis habemus non sufficeret ad evincendum nos esse liberos; id ipsa ratio nos posset edocere. Quippe cùm vincamur lumine rationis Deum non agere nisi propter se, nec nobis posse ullum impertiri motum qui versùs illum non tendat, impressio equidem versùs bonum in genere potest esse invicta; Sed manifestum est impressionem quâ nos fert versùs bona specialia necessariò debere esse liberam. Nam si illa impressio esset insuperabilis, non ampliùs haberemus motum quo possemus tendere versùs ipsum, cùm tamen motum nobis duntaxat impertiatur propter se; ac in bonis specialibus subsistere & quiescere cogeremur, quamvis Deus, ordo, & ratio id vetent. Adeò ut nostrâ culpâ non peccaremus, & Deus verè esset causa aberrationum nostrarum, quippe quæ non forent liberæ, sed merè naturales.

Itaque licet libertatis nostræ non vinceremur per sensum internum quem de nobis habemus? possemus tamen ex ratione ediscere necesse esse ut homo creatus sit liber; posito quòd possit appetere bona specialia, nec possit appetere illa bona nisi per impressionem aut motum quem Deus ipsi indefinenter impertitur ad ipsum amandum; quod etiam ratione probari potest. Verùm res eodem modo non se habet de capacitate patiendi aliquem dolorem. Ut quis comperiat an illam habeat capacitatem, nulla alia est ratio quàm sensus internus; nemo tamen est qui dubitet hominem esse obnoxium dolori.

Cùm non cognoscamus mentem nostram per ideam claram, ut id alibi à me expositum est, frustra conamur deprehendere id quod in nobis est quod terminat actionem, quam Deus nobis imprimit, aut id quod in nobis est quod se vinci sinit determinatione non insuperabili, quamque unusquisque potest mutare voluntate suâ vel impressione suâ versùs illud omne quod bo-

num est, & unione suâ cum illo qui includit ideas omnium entium. Etenim nullam habemus ideam claram ullius modificationis mentis nostræ. Solus sensus internus seu conscientia nos existentiam & essentiam nostram docet. Ille igitur sensus internus consulendus nobis est ut convincamur nos esse liberos. Circa id responsum nobis dat satis clarum sensus ille internus, cum aliquod bonum speciale possidendum actu nobis proponimus. Nemo est enim qui possit dubitare, se modo insuperabili non ferri ad edendum aliquem fructum, aut ad vitandum dolorem aliquem levissimum. Verum si inconsulto sensu interno, attendimus ad rationes abstractas, quæque nos amoveant à cogitatione nostri; tum fortè per illas abstractiones, à nobismetipsis aberrantes obliviscemur quid simus: ac scientiam Dei & potestatem absolutam quâ in nos pollet cum libertate nostrâ conciliare volentes; in errorem incidemus qui omnia Religionis & Ethicæ principia funditus evertit.

Porro unum adversus supra dicta objici solet, quod, ut ut levissimum, negotium tamen multis facessere solet. Odium, inquiunt, adversus Deum, est actio in qua nihil quicquam est boni. Ergò tota illa actio est peccatoris, Deus nullas in illa partes agit. Ac per consequens homo agit, ac sibi ipsi dat novas modificationes, actione quæ à Deo nequaquam manat.

Respondeo peccatores non odisse Deum nisi quia liberè & falsò judicant Deum esse malum: Bonum non potest odio haberi quatenus bonum. Deum itaque oderunt, ipso motu amoris quem Deus ipsis imprimat erga bonum. Jam autem judicant Deum non esse bonum quia libertatis suæ eum non admittunt usum quem deberent. Cum evidentiâ plenâ & invictâ non convincantur Deum non esse bonum, non deberent illum existimare malum, nec proinde illum odisse.

Duo sunt distinguenda in odio; Sensus mentis, & motus voluntatis; Sensus non potest esse malus, est enim modificatio mentis quæ in se nec bonum, nec malum morale includit. Motum quod spectat, haud etiam est malus, quia non distinguitur à motu amoris. Malum enim quod est extra nos cum nihil aliud sit quàm privatio boni, hinc patet manifestò, fugere malum, idem esse ac fugere privationem boni, hoc est tendere versùs bonum. Itaque quicquid reale & positivum est in ipso odio adversus Deum, nihil habet in se mali; & peccator non potest odisse Deum nisi flagitioso & abominando usu actionis quâ Deus ipsam indefinenter fert ad amorem ipsius.

Deus

Deus facit quicquid reale est in motibus concupiscentiæ, nec tamen est Author concupiscentiæ.

CUM difficultates quæ moveri solent circa Concupiscentiam, multum habeant connexionis cum iis quas jam enucleavi; operæ pretium facturus videor si hic demonstrarem, Deum non esse Authorem concupiscentiæ quamvis ipse efficiat quicquid reale est, ac ipse solus voluptates etiam sensibiles in nobis excitet.

Hæc Explicatio relationem habet ad Cap. 7. Lib. 1. De Inquirenda Veritate.

Propter rationes à me quinto capite primi libri de Inquirendâ Veritate & alibi etiam allatas constare nî fallor debet hominem juxta leges naturales unionis mentis cum corpore, etiam ante peccatum ad usum bonorum sensibilibum voluptatibus prævenientibus impulsus fuisse; ac in ipsius mente certas quasdam cogitationes natas fuisse, quotiescûmque certa quædam vestigia efformabantur in præcipua parte ipsius cerebri. Jam autem leges illæ erant rectissimæ ob rationes supradictæ capite memoratas. Hoc posito. Ut ante peccatum omnia ordine intemerato procedebant, homo ea necessario pollebat potestate in corpus, ut pro lubitu impediret formationem illorum vestigiorum. Ordo enim postulat ut mens dominetur in corpus. Jam autem illud imperium quo mens hominis pollebat in ipsius corpus consistebat præcisè in eo quod juxta sua desideria variaque studia sistebat communicationem motuum qui in ipsius corpore, corporum ipsi adjacentium (in quæ voluntas potestatem immediatam & directam, ut in proprium corpus non habebat) excitabantur. Haud credo posse alium concipi modum quo homo impedire valerët quominus vestigia in suo formarentur cerebro. Voluntas itaque Dei, aut lex generalis naturæ, quæ est vera causa communicationis motuum, pendebat quandoque à voluntate Adami. Deus enim istius erat erga ipsum, ut ita dicam, indulgentiæ ut in ipsius corpore, aut saltem in præcipuâ istius corporis parte, cuique mens immediatè unitur, novos sine ipsius consensu non produceret motus.

Talis erat naturæ institutio ante peccatum: ordo ac ille proinde cuius voluntas essentialis & necessaria semper ordini conformis est rem sic postulabant. Jam autem illâ voluntate semper eadem perstante; peccatum primi hominis evertit ordinem institutum; quia ordo non finit ut primus homo in peccatum lapsus absolutè dominetur in quicquam, haud æquum est peccatorem posse suspendere communicationem motuum, voluntatem Dei sese accommodare ipsius voluntati; ac in ipsius gratiam dari exceptiones in lege naturæ. Unde fit ut homo sit obnoxius concupiscentiæ; mens ipsius à corpore pendeat; intrâ se ipsum sentiat voluptates inde liberatas ac motus involuntarios & rebelles in consequentia legis æquissimæ quæ unit duas partes ex quibus constat.

In Object. art. 7. Explicationis Cap. 7. Lib. 1. explico id quod hic generaliter dico de jactura quam fecit homo potestatis quam in proprium corpus habebat.

Itaque *τὸ formale* concupiscentiæ non secus ac *τὸ formale* peccati nihil est reale. Nihil aliud est in homine quàm privatio potestatis qua

pollebat suspendendi communicationem motuum in quibusdam occasionibus. Non est admittenda in Deo voluntas positiva ad illam privationem producendam. Illa istius potestatis privatio in homine non est sequela ordinis, aut voluntatis immutabilis Dei, quæ semper ordini conformis est, semperque eadem permanet; est sequela peccati quod reddidit hominem indignum prærogativâ soli ipsius innocentiae ac iustitiae debitâ. Dicendum itaque est Deum non esse causam concupiscentiae, sed peccatum duntaxat.

Quod tamen positivi & realis est in affectibus & motibus concupiscentiae, illud Deus efficit. Deus enim efficit quicquid existit; sed illud non est malum. Lege generali naturæ, ac voluntate Dei objecta sensibilia excitant in corpore humano motus quosdam, ac motus illi excitant in mente quasdam sensationes utiles ad conservationem corporis aut ad propagationem speciei. Quis igitur audeat dicere isthæc in se non esse bona.

Scio equidem non deesse qui dicant peccatum esse causam nonnullarum voluptatum. Multi, inquam, id dicunt; Sed an concipiant nescio? Quis cogitet peccatum quod nihil est, posse actu aliquid producere? Quis potest concipere nihilum esse causam alicujus rei? Id tamen est quod vulgò dicitur. Sed qui id dicunt forsitan idèò tantùm dicunt quòd ad dicta sua satis non attendant. Vel quia non audent se accingere ad explicationem quæ adversatur ijs quæ ab hominibus majori cum gravitate & confidentia, quàm attentione, & cognitione loquentibus, acceperunt.

Peccatum est causa concupiscentiae, sed non est causa voluptatis; Sicut Liberum Arbitrium est causa peccati, nec tamen est causa motus naturalis mentis. Voluptas mentis est bona, æquè ac ipsius motus aut amor; Nec quicquam est boni quod Deus non efficiat. Rebelio corporis, & malignitas voluptatis oriuntur à peccato. Sicut applicatio mentis ad bonum aliquod speciale aut quies in ipsos, est à peccatore. Sed illa nihil aliud sunt quàm privationes, & merum nihil quorum creatura capax est.

Omnis voluptas est bona; immò aliquatenus efficit beatum illum qui potitur hac voluptate, saltem per tempus quo illa potitur. Voluptas tamen dici potest mala, quia cum deberet extollere mentem ad primam veramque voluptatis causam, contingit ut errore rationis nostræ & cordis corruptione, illam (mentem) deprimat versùs objecta sensibilia quæ videntur esse causæ voluptatis. Mala est voluptas, quia cum simus peccatores, ac idèò pœnam potius quàm mercedem mereamur; iniquitas est in nobis ad id obligare Deum ut sequendo voluntates suas nos sensationibus jucundis remuneretur. Uno Verbo, (nam piget hîc jam dicta repetere) mala est voluptas, quia Deus eam vetat nunc, quippe quæ à se avertit mentem quam propter se solum formavit & conservat. Illud enim quod Deus olim instituerat ad conservandum hominem justum in sua innocentia, idem illud est

Sen EXPLICATIONES ad LIB. I. 17

quod nunc ipsum peccatorem detinet in peccato; ac sensationes voluptatis quas sapienter instituerat, ut brevissima argumenta quibus homo, ratione suâ à legitimo objecto nequaquam deflectâ, acciperet, an sese unire deberet corporibus ipsum ambientibus, illæ, inquam, sensationes totam nunc mentis ipsius capacitatem implent, ipsumque objectis applicant quæ in ipsum nequaquam agere queunt, quæque infra ipsum longè subjacent; quia illa objecta tanquam veras felicitatis qua ipsorum occasione potitur causas existimat.

SECUNDA ILLUSTRATIO

ad Caput primum primi Libri.

In quo dixi: *Voluntatem non posse determinare diversè impressionem quam habet versùs bonum, nisi imperando intellectui, ut sibi repræsentet aliquod objectum speciale.*

ARBITRANDUM non est voluntatem imperare intellectui alio modo quàm desiderijs at motibus suis; voluntas enim nullam aliam actionem habet. Nec etiam credendum est intellectum obedire voluntati producendo in se ideas rerum quas mens exoptat: Nam intellectus neutiquam agit; tantum recipit lumen seu ideas rerum illarum, per unionem necessariam quam habet cum illo qui includit in se; modo intelligibili, omnia entia, ut explicatum est in tertio Libro.

In hoc igitur vertitur totus rei cardo. Homo supremam rationem participat ac veritas sese ipsi patefacit pro attentione quam supremæ illi rationi præbet, & pro assiduitate precum quas ad illam fundit. Jam autem desiderium mentis est oratio naturalis, quæ semper exauditur; nam lege naturali sancitum est ut ideæ eò præsentiores sint menti quò voluntas eas appetit vehementius. Itaque dummodò nostra capacitas cogitandi, seu intellectus noster, non impleatur sensationibus confusis in nobis excitatis occasione eorum quæ aguntur in corpore nostro; nunquam optamus cogitare de aliquo objecto, quin idea istius objecti nobis illicitò præsens adsit, immò ut ex ipsa liquet, eò præsentior & & clarior est quò desiderium nostrum est vehementius, & quò sensationes confusæ quas per corpus recipimus sunt debiliores ac minùs sensibiles ut præcedenti observatione jam dictum est.

Itaque dum dixi voluntatem imperare intellectui ut sibi repræsentet aliquod objectum speciale, per id duntaxat significare intendi, mentem aliquod objectum considerare volentem ad illud desiderio suo accedere, quia desiderium illud propter voluntates efficaces Dei, quæ

Vid. Illustr.
Cap. 6. 2.
Part. 3. Lib.

sunt leges naturæ inviolabiles, est causa præsentia & claritatis ideæ quæ repræsentat illud objectum. Nec certè tum alio modo loqui poteram, nec è re fuisset eo quo nunc modo mentem meam tunc aperire; quia nondum probaveram Deum esse solum authorem idearum nostrarum; voluntatesque nostras speciales esse causas occasionales illarum idearum. Tum secundum vulgarem opinionem loquebar, & ad id faciendum sæpe coactus fui, quia omnia non possunt eodem tempore dici. Æquanimi debent esse lectores; & ad tempus auctori aliquid debent indulgere, si sibi satis fieri velint. Soli enim Geometræ possunt omnia semper præsentia exhibere.

ILLUSTRATIO

ad tertium Caput.

In quo dixi, *Mirandum non esse nos Mystéria Fidei evidenter non videre, cum ne ipsorum quidem habeamus ideas.*

QUUM dico nos non habere ideas mysteriorum fidei, ex antecedentibus & consequentibus satis patet, me loqui de ideis clavis; quæ lucem & evidentiam menti afferunt, quibusque objecti comprehensionem adipiscimur, si fas sit ita loqui; fateor equidem rusticum nunquam fore crediturum, exempli gratia, filium Dei factum fuisse hominem, aut esse tres personas in Deo, nisi aliquam haberet ideam unionis verbi cum humanitate nostra, & aliquam notionem personæ. Sed si ideæ illæ essent claræ, possemus per attentam meditationem illa mysteria omnino assequi & aliis explicare. Non essent amplius mysteria inenarrabilia. Vox personæ, juxta Divum Augustinum, dicta fuit de Patre, Filio, & Spiritu Sancto, non tam ut exprimeretur clarè id quod sunt, quàm ne taceretur mysterium de quo loqui tenemur.

Hic dico nos non habere ideas Mysteriorum nostrorum, eodem sensu quo alibi dixi nos nullam habere ideam mentis nostræ; quia idea quam habemus de mente nostra, non secus ac ideæ quas de mysterijs habemus, non est clara. Itaque hæc vox, *idea*, est æquivoca. Illam nonnunquam accepi pro eo omni quod repræsentat menti aliquod objectum sive clarè, sive confusè. Immo illam etiam accepi sensu generaliori pro eo omni quod est objectum immediatum mentis. Sed illam quoque accepi pro eo quod res menti modo ita claro repræsentat, ut possit uno intuitu cognosci an hæc aut illæ modificationes ad ipsas pertineant. Atque hanc ob causam nos aliquam mentis nostræ habere ideam * interdum dixi, * interdum verò ullam nos habere negavi. Difficile est immò sæpe tædiosum, & molestum in suis terminibus illustrare tantam observare *inaccessibilem*.

*Ne omnino taceremus interrogati quid tres cū tres esse fateamur. De Trin. l. 7. c. 4. Et alibi. Cū quæritur quid tres? Magna prorsus incipia humanum laboras eloquiū. Dictum est tamen tres persona non ut illud diceretur, sed ne taceretur. Eodem loco l. 5. c. 9. *Cap. 10. l. 1. de Inq. Ver. *Vid. Cap. 7. part. 2. l. 3. & gavi.*

Quum Author aliquis sibi ipsi non contradicit, nili in mente criticorum qui ipsum in contradictionem involvere optarent, id certè illum valdè anxium habere non debet. Ac si omnibus quæ ignorantia & malignitas nonnullorum ipsi opponerent longis explicationibus satisfacere aggredieretur; non modò pessimum conflaret librum; sed ipsi lectores ægrè ferrent responsiones factas ad objectiones imaginarias; ac æquitati quam omnes sibi arrogant repugnantes. Homines in suspicionem ignorantiae aut malignitatis venire non gaudent; ac ut plurimum non licet respondere objectionibus invalidis aut malignis, nisi quum quis eas fecit objectiones, & eo pacto Lectori non potest exprobrari tales exegisse responsiones.

I L L U S T R A T I O

ad hæc verba Capitis quinti.

His ita positis, dicendum est Adamum ad amorem Dei & ad ea quæ erant officij sui voluptatibus prævenientibus inductum non fuisse: quia cognitio quam de bono suo habebat, & gaudium quo indesinenter afficiebatur, quòdque necessario sequebatur contemplationem felicitatis suæ, sufficere poterant ut officio suo adhereret, utque ageret majori cum merito, quàm si voluptatibus prævenientibus veluti determinatus fuisset.

VT totum illud distinctè intelligatur solam lucem, solamque voluptatem nos ad agendum determinare sciendum est. Si enim aliquod objectum amare incipiamus, id fit, vel quia illud bonum esse ratione cognoscimus, vel quia illud jucundum esse voluptate sentimus. Jam autem magnum intercedit discrimen inter lucem & voluptatem. Lux illuminat mentem nostram, nobisquæ bonum notificat, nullo erga illud actuali & efficaci impresso in nobis amoris motu: Voluptas verò contrà nos impellit & determinat efficaciter ad amandum objectum quod illam parere videtur. Lux nos ad quicquam non fert per seipsam, efficit tantum ut liberè, & ex nobis ipsis feramur ad bonum quod ipsa nobis offert: Nos totos nobismet ipsis permittit. Voluptas contra prævertit rationem nostram; nos ab ea consulenda deterret; Nos totos non permittit nobismet ipsis, & libertatem nostram debilitat.

Itaq; cum Adamus ante peccatū esset in tempore destinato ad mercedam beatitudinem æternam, cum ad id plenâ & integrâ libertate præditus

esset ipsiusque lumen sufficeret, ut Deo quem jam amabat motu naturali amoris ante unitus persisteret; certè non debebat ferri ad officium suum voluptatibus prævenientibus, quæ ipsius libertatem minuendo ipsius etiam meritum minuissent. Adam aliquo cum jure de Deo queri potuisset, si ipsū impedivisset, quominus suam, ut par erat, hoc est actionibus omnino liberis felicitatem mereretur. Libero ipsius arbitrio injuriam quādam intulisset Deus, si ipsum hac gratiæ specie donasset, quæ nobis nunc tantum necessaria est propter voluptates prævenientes concupiscentiæ.

Fortissimum
quippe di-
misit atque
permisit fa-
cere quod
vellet. *Aug.
de corrupt.
& grat.*
Vid. quin-
rum dialo-
gum collo-
quiorum
Christiano-
rum, sub fi-
nem, edit.
Bruxell.

Cum Adamus omnibus ad perseverandum necessariis instructus esset; certè ipsum prævertere, nihil aliud fuisset, quàm ipsius virtuti diffidere, ipsumque veluti infidelitatis insimulare ac sanè aliqua ipsi, sibi multum arrogandi, data fuisset materia; ipsi omnium egestatum quibus laborare & infirmitatum in quas labi poterat sensus planè ademptus fuisset; fateor enim illum tunc temporis nullis infirmitatibus aut egestatibus laborasse. Denique, quod cætera infinitis superat momentis, hoc pacto indifferens reddita fuisset Incarnatio Jesu Christi, quæ haud dubium primum & maximum est inter decreta illius, qui omnes involui permisit peccato, ut iis omnibus in Jesu Christo misericordiam faceret; ut qui gloriatur gloriatur tantummodò in Domino.

Manifestum igitur mihi videtur Adamum nullas in officio suo provenientes sensisse voluptates. Sed ita certum non mihi videtur, ipsum sensisse gaudium, licèt id hîc supponam, quia rem admodum probabilem existimo. Sed mentem meam jam aperiā.

Illud est discrimen inter voluptatem prævenientem, & voluptatem gaudij, seu à gaudio ortam, quòd illa rationem prævertit, hæc verò eandem rationem sequitur. Nam gaudium oritur naturaliter à cognitione quam homo beatus habet beatitudinis, aut perfectionum suarum, cum nemo possit se considerare ut beatum & perfectum, quin protinus gaudio pertentetur. Cum beatitudo possit sentiri voluptate, aut cognosci ratione, duplex est gaudij genus. Sed hîc non loquor de gaudio merè sensibili, loquor de gaudio quo Adamus poterat affici, *Veluti sequelâ necessariâ cognitionis quam habebat felicitatis suæ sese uniendo Deo.* Nec desunt rationes ob quas Adamum hoc gaudio re verâ affectum fuisse dubitare quis posset.

Præcipua ratio in eo posita est quòd gaudium illud mentem ipsius fortè ita implevisset, ut ipsum suā privasset libertate; Deoque univisset modo insuperabili. Gaudium enim illud, ut saltem verisimile videtur, utpote attemperatum felicitati qua fruebatur Adam, omnem etiam modum excedere debebat.

Sed primò respondeo, gaudium merè intellectuale mentem omnino liberam relinquere, ipsius intelligendi capacitatem oppidò parum occupare. Atque hoc ipso differt à gaudio sensibili, quod ut plurimum rationem turbat, libertatemque minuit.

Respondeo secundò, felicitatem Adami primo ipsius creationis instanti, positam non fuisse in possessione plena & integra summi boni.

Illud amittere & infelix evadere poterat; ipsius felicitas in eo potissimum consistebat, quod nullum pateretur dolorem, ac illius à quo perfectam beatitudinem, si in innocentia perstitisset, accipere debebat, favore gauderet. Itaque gaudium ipsius omnem non excedebat modum. Immo timore quodam comitatum erat, aut saltem comitatum esse debebat; sibi ipsi enim diffidere debebat.

Denique respondeo, gaudiū ad veram ipsius causam, mentem non semper applicare. Ut unusquisque sentit gaudium suas contemplando perfectiones; illam contemplationem existimare causam istius gaudii videtur satis naturale: Quum enim res quæpiam ab alia re semper sequitur; hæc res consecutaria considerari ut effectum illius à quâ præcedebatur naturaliter solet. Ac sic unusquisque se ipsum censet authorem præsentis felicitatis suæ; sibi in perfectionibus suis complacet, & congratulatur, se ipsum amat; & raro admodum de illo qui omnia in nobis operatur modo impercepto cogitat.

Adamus equidem præstantissimo quovis Philosopho distinctius cognoscebat, Deum solum posse agere in ipsum, ac in ipso gignere gaudium illud quod persentiebat, suam felicitatem suasque contemplando perfectiones. Id, inquam, equidem clarè quotiescumque ad rem attendebat; lumine rationis cognoscebat; non sentiebat tamen. Immo sentiebat potius gaudium illud esse sequelam perfectionum suarum, idque sentiebat semper ac nullā ad id præbitā attentione, itaque hic sensus eò poterat illum adducere ut suas consideraret perfectiones, ac sibi ipsi complaceret, si oblivisceretur, ac, ut ita dicam extra visus spiritalis aciem illum eliminaret cujus operationes non sunt sensibiles. Adeo ut tantū absit, ut gaudium illum reddiderit impeccabilem, ut existimatur, quin ipsius forsan gaudium fuit occasio ipsius superbiæ & exitii, atque hanc ob causam dico in capite jam laudato, Adamo cavendum fuisse, *ne sineret capacitatem ipsius mentis impleri gaudia arrogantis ipsi ex contemplatione perfectionum suarum ingenito.*

I L L U S T R A T I O

ad Caput quintum.

Vbi dico, *Delectationem prævenientem esse gratiam Jesu Christi.*

QUAMVIS in hoc capite dixerim delectationem prævenientem esse gratiam illam quam Jesus Christus nobis speciali modo meritus est, & alibi nuncupaverim absolutè delectationem illam gratiam Jesu Christi *ἀπαύρι*, ideo credendum non est me existimare nullam aliam esse gratiam præter hanc, aut quandam esse gratiam quam Jesus Chri-

stus nobis non sit meritis. Sed illam voco gratiam Jesu Christi, ut illam distinguam à gratia quam Deus largitus fuerat primo homini ipsum creando, quæ vulgò dicitur gratia Creatoris. Nam gratia illa per quam Adam poterat perseverare in innocentia erat præcipuè gratia luminis, ut mox exposui in observatione præcedenti; Cum Adamus ab omni concupiscentia esset immunis, non indigebat voluptatibus prævenientibus quibus adversus illam pugnaret.

Verum gratia quæ nunc nobis necessaria est, ut perstemus in officio, utque charitas in nobis producat & foveatur, est delectatio præveniens. Nam cum voluptas gignat & foveat amorem rerum ex quibus illa oritur aut oriri videtur, voluptas præveniens quam occasione corporum percipimus, in nobis generat & fovet cupiditatem. Cum itaque cupiditas charitati omnino repugnet, nisi Deus in nobis produceret & foveret charitatem delectationibus prævenientibus, manifestum est voluptates prævenientes concupiscentiæ eò magis esse debilitaturas charitatem, quò cupiditatem augerent magis.

Cæterum quæ hic dico supponunt necessariò Deum in nobis concupiscentiam non cohibere ipsamque non minuere nobis inspirando odium objectorum sensibilium quæ nos, posito peccato, tentaret debent. De rebus loquor ut ordinariè sese habere debent. Sed ponamus Deum non auctà, ut solet, delectatione gratiæ, minuere concupiscentiam, idem sequetur effectum. Certè nemo est qui non videat libram cujus altera laxis præ pondere deprimitur, posse bifariam in equilibrio constitui non modò addendo in altera lance pondera quæ libram æquent, verum etiam detrahendo ex alterà quædam ex ponderibus quibus deprimebatur.

Haud etiam volo hominem ineptum esse ad omnem bonam actionem sine delectatione præveniente. Mentem meam hac de re satis aperui capite quarto tertij libri. Ac mihi ita evidens videtur hominem amore Dei intus commotum, posse sola vi istius amoris, ac sine ulla delectatione præveniente erogare unum assem, exempli gratia, egeno, aut levem aliquam perferre injuriam, ut quemquam rem in dubium vocare meritò posse non existimem. Delectatio non mihi videtur necessaria nisi cum tentatio est vehemens, aut amor erga Deum debilis: Si tamen absolutè necessaria dici possit homini justo, cujus fides, opinor, satis firma, spesque satis certa esse debet ut violentissimas vincat tentationes; Quippe gaudium seu anticipatus sensus bonorum æternorum ex certâ spe ortus potest resistere illecebris sensibilibus bonorum caducorum. Delectatio equidem aut Gratia actualis necessaria est ad omnem bonam actionem patranda, si per vocem delectationis, aut Gratiae, intelligatur Charitas, ut intelligere solet D. Augustinus; Evidenter enim patet quicquid propter Deum non sit nihil quicquam valere. Sed si tollatur æquivocatio, & accipiatur vox delectationis eodem sensu quo illam accepi, haud credo quemquam posse dubitare de ijs quæ dixi,

Sed

Sed in eo stat rei difficultas. Voluptas & amor idem esse supponuntur, quia sese semper comitantur, ac quia Divus Augustinus utrumque sæpe non distinguit. Hoc supposito. Quæcumque dici solent meritò dicuntur. Cum D. Augustino ex hac hypotheli asserere quisque potest, *Quod nos amplius delectat, secundum id operemur necesse est.* Illud enim certè volumus quod amamus. Ac dici potest, nihil boni aut meritorij, (sit venia verbo) posse fieri, sine delectatione aut sine charitate. Sed spero me demonstraturum esse in illustratione quam super Tractatu de affectibus tradam, tantum esse discriminis inter voluptatem, & amorem deliberatum aut indeliberatum, quantum inter cognitionem nostram & amorem, aut, ut sensibili exemplo hoc discrimen exprimam, quantum inter figuram corporis, & ipsius motum. Ad cap. 3 l. 5.

I L L U S T R A T I O

Ad ea quæ dixi initio decimi Capitis Libri primi, & sexto secundi Libri de Methodo; *Existentiam Corporum probatū esse admodum difficilem.* Quid cogitandum sit de Argumentis quæ pro illorum existentia afferri solent.

ID perquam solemne est hominibus ut ea prorsus ignorent, quæ tamen se optimè cognoscere existimant; ac vice versa quædam assequi quorum ne ideas quidem se habere autument. Cùm sensus in ipsorum judicijs partes suas agunt, assensum ut plurimum præbent ijs quæ non capiunt, aut quæ non nisi modo valdè imperfecto cognoscunt: at quum ipsorum ideæ sunt merè intelligibiles, (ita loqui liceat) vix, ac ne vix possunt admittere demonstrationes indubitatas.

Quid, exempli gratia, putat vulgus hominum cùm ipsi probantur pleræque veritates Metaphysicæ: quum ipsi existentia Dei, efficacia ipsius voluntatum, & immutabilitas ipsius decretorum demonstrantur; quum, unicum Deum, aut unicam veram causam quæ omnia in omnibus efficit; unicam supremam rationem quam omnes intelligentiæ participant: unicum amorem necessarium qui est principium omnium voluntatum creaturarum existere asseris? Existimant, scilicet, isti homines, sonos edi sine sensu; eos qui talia proferunt nullas illorum habere ideas; ac operæ pretium facturos si tacerent. Cùm veritates & argumenta Metaphysica nihil habeant sensibile; homines iis non afficiuntur, ac proinde ipsorum veritatis non convincuntur. Inretea tamen certum est ideas abstractas esse omnium maximè distinctas, ac proinde veritates Metaphysicas esse omnium clarissimas & evidentissimas,

d

Homines quandoque dicunt se nullam Dei ideam, nullamque ipsius voluntatum habere cognitionem. Ac sæpe id quod dicunt reverâ cogitant: sed id fit quia non satis cognoscunt ea quæ forsan certissimè tenent. Ubinam enim reperietur homo qui interrogatus an Deus sit sapiens, justus, potens, an sit triangularis, divisibilis, mobilis, mutabilis nec ne, tantillum hæsitet, ac protinus non respondeat. Tamen nemo potest respondere sine erroris periculo, an quædam qualitates alicui subiecto competant nec ne, nisi aliquam illius subiecti habeat ideam. Pariter, quis audeat dicere, Deum non sequi in agendo vias simplicissimas, ipsum in consilijs suis nullum observare ordinem, nullum modum, ipsum monstra producere voluntate positivâ, directâ & speciali non verò necessitate quadam; uno verbo ipsius voluntatem esse, aut esse posse contrariam ordini, cujus cognitio, saltem aliqua si non integra, nullum hominem fugit. Sed si nullam haberemus ideam voluntatum Dei, saltem possemus dubitare an agat secundum leges quasdam, quas equidem ipsum sequi debere evidenter concipimus, posito quòd velit agere.

Homines igitur habent ideas rerum merè intelligibilium, & ideæ illæ sunt longè clariores ideis rerum sensibilium. Homines certiores sunt existentiae Dei quàm existentiae corporum; ac quum intra seipsum sese recipiunt, quasdam Dei voluntates, juxta quas producit & conservat omnia entia, longè clariùs deprehendunt; quàm voluntates illorum, quibus maximè familiariter utuntur, quorumque indolem per totam vitam exploraverunt. Namque unio mentis ipsorum cum Deo, & unio voluntatis ipsorum cum voluntate Dei, hoc est, cum lege æternâ seu cum ordine immutabili, est unio immediata, directâ, & necessaria: At verò ipsorum unio cum objectis sensibilibus, cum duntaxat instituta sit ad conservationem sanitatis & vitæ ipsorum; ipsis objecta etiam exhibet relatè tantum ad illud propositum, hoc est, ad conservationem vitæ.

Hæc unio immediata & directâ, quæ tantum cognoscitur, ait Divus Augustinus, ab iis quorum mens est pura, nos illuminat in intimo rationis secessu, nosque in imo pectore hortatur, & commovet. Illâ unionem docemur quid Deus cogitet, & etiam quid velit, eadem accipimus veritates & leges æternas; quasdam enim earum nos evidenter cognoscere dubium non est: sed unio nostra cum amicis charissimis, nos evidenter non docet, quid cogitent, quidve velint. Id equidem sæpe assequi credimus. Sed circa id penè semper hallucinamur; cum id tantum ex ipsorum ore accipimus.

Unio quam per sensus habemus cum corporibus nobis adjacentibus, non potest quoque nos illuminare. Quippe testimonium sensuum nunquam est omninò verum, immò sæpe omninò falsum est, ut in libro de quo agitur explicui. Atque hanc ob causam dico, difficilius esse quàm vulgò cogitatur, positivè probare existere corpora, quamvis sensus nostri id nobis contestentur: quia ratio nos id tam faciliè non do-

docet quàm vulgò putamus, nec id possumus certò scire nisi ipsam maximà cum attentione consulamus.

Sed quia homines sensibus magis afficiuntur quàm ratione instituuntur, ac lubentiùs auscultant testimonium sensuum quàm veritatis internæ documenta: semper consuluerunt oculos suos ut existentiae materiæ certiores fierent, rationis institutiones circa id aspernati: unde fit ut obtupescant, cùm quis illam corporum existentiam probatù difficilem esse asserit. Existimant aperiendos duntaxat esse oculos ut convincamur existere corpora, ac si subsit erroris & illusionis periculum, sufficere ad illa corpora admoveri illaque contrectare; Sed postea egrè ferunt quemquam esse qui circa illorum existentiam dubitandi rationes asserat.

Verùm oculi nostri nobis repræsentant colores in superficie corporum, & lucem in aère & in sole; auribus nostris percipimus sonos quasi per aerem & per corpora resonantia diffusos: ac si cæterorum sensuum testimonio credamus, calor erit in igne, dulcedo in saccharo, odor in moscho, cæteræque qualitates sensibiles in corporibus quæ illas emittere ac diffundere videntur. Certum tamen est ob rationes in primo lib. de Inquirenda Veritate allatas omnes illas qualitates non esse extra animam quæ illas sentit; saltem evidens non est ipsas esse in corporibus quæ nos ambiunt. Cur igitur ex solo sensuum testimonio qui nos usquequaque fallunt, concluderemus reapse existere corpora extrinsecus, ac etiam illa corpora similia esse iis quæ videmus, hoc est iis, quæ sunt objectum immediatum mentis nostræ, cùm quædam adspicimus oculis corporeis. Certè quicquid dicatur id difficultate non caret.

Præterea si ex testimonio sensuum possumus certiores fieri existentiae quorundam corporum, sanè id præcipuè continget circa corpus cui mens immediatè unitur. Vividior sensatio, quæque relationem magis necessariam ad aliquod corpus actù existens habeat, est dolor. Sæpe tamen contingit ut qui altero brachio truncati fuerunt in eo sentiant dolores acerrimos etiam multùm temporis postquam fuit amputatum, Sciunt equidem se illud brachium non amplius habere cum memoriam consulunt, aut in corpus oculos conjiciunt; sed sensatio doloris ipsos fallit; ac si ut id quandoque accidit, supponeremus eos pristini status penitus oblivisci, ac ex omnibus sensibus nullum ipsis superesset præter sensum illum cujus ope sentiunt dolorem in brachio imaginari; certè non possent sibi persuadere se non habere brachium illud in quo tam vehementes sentiunt dolores.

Existère homines qui arbitrarentur se habere cornua in capite; alij qui imaginarentur se esse butyreos aut vitreos; aut se non habere corpus formatum ut cæteri homines, sed quale Gallus gallinaceus, lupus, bos habere solent. Illi, inquires, insaniebant, id equidem fateor; sed saltem fatendum est ipsorum mentem capacem fuisse erroris circa hæc omnia, cùm reverà erraverit; ac per consequens omnes homines pos-

se labi in similes errores, si de objectis judicent ex se: suam testimonio. Animadvertendum enim est, insanos illos se reapse tales videre quales cogitant se esse: error non est præcisè in ipsorum sensatione, sed in iudicio quod formant. Si tantummodò sese sentire, aut sese videre similes Gallo dicerent, non hallucinarentur. In eo tantum falluntur, quòd credunt ipsorum corpus esse simile corpori quod sentiunt, hoc est, corpori quod est objectum immediatum ipsorum mentis dum sese contuentur. Itaque ij etiam qui se tales esse credunt quales sunt reipsa, non sunt cautiores, in iudiciis quæ de seipsis ferunt, quàm insani, si præcisè duntaxat judicent ex testimonio sensuum: Si non fallantur id fortunæ non rationi acceptum referre debent.

Sed verò, quo freti fundamento asseremus eos qui insani vulgo dicuntur, insanos reverà esse? Nunquid posset quis dicere, illos idè tantum haberi insanos, quia de rebus iudicia ferunt sibi peculiariora? Nam certè homo aliquis insanire existimatur, non quia videt id quod non est; Sed præcisè quia res planè contrarias videt, iis quæ cæteri homines vident; sive cæteri fallantur, sive non.

Hæc prope-
modum
cernuntur
quum luna
adspicitur
teletco, io.

Rusticus, exempli gratiâ, oculos habet ita dispositos ut videat lunam qualis in se est, vel tantum qualis videri solet, aut qualis forsan videbitur aliquando cum perspicillis novæ inventionis. Illam admirandus adspicit & ad familiares exclamat. Quot video montes excelsos, quot valles profundos, quot maria, quot lacus, quot gurgites, quot rupes? Nonne videtis, pergeret, multa maria ab Oriente; ac nihil penè esse versùs Occidentem & Meridiem, præter terras & montes? Non videtis ab eadem parte montem unum omnibus quos unquam viderimus excelsiorem; Et nonne admiramini mare prorsus nigrum aut gurgitem horribilem qui in centro istius Astri conspiciendum se præbet? ad ejusmodi exclamationes quid responderent illius rustici familiares? quidve de illo cogitarent? Ipsum scilicet insanire, ac Planetæ quem contemplatur mirandus malignis influxibus fuisse affectum. Solus est sententiæ suæ sectator. Id sufficit ut damnetur. Ut itaque quis in aliorum mente videatur insanus, necesse non est ut reapse talis sit, sufficit si cogitet aut res videat secùs quàm ipsi. Nam si omnes homines crederent se esse similes gallis, is certè qui se talem qualis est judicaret esse, insanus haberetur.

At, inquires, homines habentne rostrum in extremo naso, & cristam in capite? Haud equidem id credam. Nescio tamen, cum de re tantum judico per sensus meos. Cumque ijs ut par est non utor. Frustrà id cogniturus contrecto vultum caputque meum: Corpus meum cæteraque circumjacentia contrecto manibus duntaxat quarum nec figuram, nec mensuram novi: Immò haud satis scio an reverà manus habeam: id tantum novi quia illo temporis momento quo manus movere mihi videor, excitantur quidam motus in quadam cerebri mei parte, quæ, ut fertur, est sedes sensus communis. Sed forsan illam ipsam partem adeò decantatam, parùm tamen notam, ego non habeo. Sal-

tem illam in me non sentio, quamvis manus meas sentiam. Adeò ut debeam potius credere me habere manus, quam glandulam illam de qua quotidie digladiantur Philosophi. Sed denique nec figuræ, nec motus istius glandulæ ullam habeo cognitionem, asserunt tamen me sine istis motibus & figurâ illius glandulæ non posse cognoscere motum & figuram corporis mei & corporum circumstantium.

Quid igitur super his omnibus cogitandum venit? Rationem à corpore non erudiri: partem illam cui mens immediatè unitur nec visibilem esse nec intelligibilem per se: Corpus nostrum & cætera quibus circumdatur non posse esse objectum immediatum mentis nostræ: Nos non posse à cerebro nostro edoceri an actu existat, multò minùs an existât corpora quæ nos ambiant. Ac proinde nos agnoscere debere dari aliquam intelligentiam superiorem quæ sola potest agere in nobis; & quæ ita potest agere in nobis, ut nobis reverâ repræsentet corpora extrâ nos, nulla ne vel minima nobis data cerebri nostri ideâ: quamvis motus excitati in cerebro sint occasio nobis objiciendi hæc corpora. Etenim oculis quorum figuram non cognoscimus, quomodo corpora nobis adjacentia sint figurata deprehendimus. Et quamvis colores qui in objectis conspiciuntur, non sint vividiores coloribus pictis in nervo Optico, hos tamen neutiquam videmus eo ipso instanti quo illorum fulgorem demiramur.

Verùm enim verò quid ad id obligat intelligentiam illam ut nobis ostendat corpora quum quidam excitantur motus in cerebro nostro? Præterea an necesse est existere corpora extrâ nos, ut excitentur motus in cerebro nostro? Somnus, animi affectus, insania nonne eosdem excitant motus sine corporum externorum interventu? An evidens est corpora quæ non possunt sese invicem movere * posse communicare ijs quæ obviâ habent, vim moventem quam ipsa non habent? *Vid. ca. 1. 1. part. lib. 6. & illustrat. ad idem illud caput. Atamen esto: Corpora sese & sibi obvia moveant; An is qui dat esse omnibus, non poterit etiam per se excitare in cerebro nostro motus quibus ideæ mentis nostræ alligatæ sunt? Denique ubinam in eo est contradictio ut nullis novis in cerebro excitatis motibus, mens tamen novas habeat ideas? cùm certum sit motus cerebri non excitare ideas mentis, immò ne illos quidem cognoscamus motus; Deusque solus possit nobis repræsentare ideas nostras, * ut id alibi probavi. *Vid. cap. 6. Part. 2. l. 1. & illustrat. ad idem illud cap. Omnino igitur necesse est, ut existentia corporum externorum certi positivè fiamus, cognoscere Deum, qui in nobis excitat sensum illorum, & scire, illud ens, utpote infinitè perfectum non posse nos fallere. Nam si intelligentia quæ nobis omnium rerum dat ideas, vellet, ut ita loquar oblectari repræsentando nobis corpora ut actu existentia, quamquam nullum existeret corpus; id nullo negotio effecturam evidenter patet.

His, aut similibus de causis Cartesius Philosophiam suam fundamentis immotis stabiliturus, non existimavit se posse supponere existentiam corporum, nec illam argumentis sensibilibus, quamvis apud vul-

gus certissimis probare debere credidit. Ipse, opinor, æque ac nos noverat, aperiendos duntaxat esse oculos ad videnda corpora; ac unumquemque posse ad illa admoveri, illaque contrectare, periculum erroris visus vitandi causâ. Humani ingenij cognitionem satis erat assequutus, ut ejusmodi argumenta ipsi placitura judicaret. Verum nec verisimilitudines, nec varia hominum suffragia quærebat. Veritatem licet spretam, gloriæ ex inani fama ortæ anteponebat. Ac per dubitationes quæ tenuibus ingeniolis ridiculæ videntur ludibrio esse malebat, quam res asserere quas nec certas, nec indubitatas ducebat.

Sed quamvis Cartesius validissima proposuerit argumenta quæ ratio sola possit suppeditare ad probandam corporum existentiam; quamvis evidens sit Deum non esse fallacem; ac ipse nos reverâ fallere, posset dici; si hallucinaremur dum mente nostra, cæterisque facultatibus quarum Author est ritè & ut par est utimur: tamen existentiam materiæ nondum perfectè fuisse demonstratam dicere possumus. Etenim in rebus Philosophicis nihil quicquam debemus credere nisi ad id evidentiâ impellamur. Libertate nostra quantum possumus uti debemus. Judicia nostra perceptionibus non debent latius patere. Itaque quum videmus corpora, judicemus duntaxat nos videre corpora, illaque corpora seu visibilia, seu intelligibilia actu existere: Sed cur positivè judicemus existere extrâ nos mundum materiale, mundo intelligibili quem videmus similem?

At, inquires, illa corpora videmus extrâ nos, & quidem à nostro maximè diffitos. Judicia igitur nostra latius non paterent perceptionibus, etsi illa corpora extrâ nos existere judicaremus. Sed quid? Nonne videmus lucem extrâ nos, & in sole, quamvis nec extrâ nos sit nec in sole. Nihilò fecius, concedo illa corpora quæ videmus extrâ nos, reverâ esse extrâ nos: id enim extra omne dubium est. Sed nonne evidens est dari loca externa, distantias, & spatia in mundo intelligibili qui est objectum immediatum mentis nostræ? Corpus illud materiale quod nos animamus, (id attentè expensum velim) non est illud quod videmus dum illud adspicimus, hoc est, dum convertimus oculos corporeos versùs illud: Corpus est intelligibile quod videmus. Suntque spatia intelligibilia inter corpus illud intelligibile, & solem intelligibilem quem videmus; quemadmodum sunt spatia materialia inter corpus nostrum, & solem quem adspicimus. Certè Deus videt dari spatia inter corpora quæ creavit: Sed nec videt corpora, nec spatia illa per seipsa. Non potest illa videre nisi per corpora & spatia intelligibilia. Deus lucem suam aliunde non habet quàm à seipso, mundum materiale non videt nisi in mundo intelligibili quem includit, & in cognitione voluntatum suarum, quæ existentiam & motum dant actu omnibus. Ergò dantur spatia intelligibilia inter corpora intelligibilia quæ videmus, sicut sunt spatia materialia inter corpora quæ adspicimus.

Jam autem observandum est quòd cum Deus solus cognoscat per se ipsum voluntates suas quæ omnia producant entia, impossibile esse ut ab alio quoquam sciamus quàm ab ipso, an sit reapse mundus materialis extrà nos, similis mundo quem videmus, quia mundus materialis nec visibilis est nec intelligibilis per se ipsum: ut itaque omnino convincamur existere corpora, demonstrandum est non modò Deum existere, Deumque non esse fallacem; sed præterea Deum nos certos fecisse se reverà creasse corpora: Atque illud est quod in Cartesii operibus probatum non video.

Deus mentem alloquitur, ipsamque ad credendum obligat bifariam duntaxat, per evidentiam scilicet & per Fidem. Fateor nos Fide ed adduci ut credamus existere corpora, evidentiam verò quod spectat plena mihi non videtur; nec puto nos ad credendum quicquam existere præter Deum, & mentem nostram, ullo argumento insuperabili ferri. Verum equidem est nos ad id valdè proclives esse ut credamus existere corpora quæ nos circundant; id lubens Cartesio concedo: at illa Cartes. Medit. sexta. propensio quantumvis naturalis, ad id tamen credendum nos non adigit per evidentiam, ad id tantùm nos impellit per impressionem. Jam autem in judiciis nostris liberis nihil sequi debemus præter lucem & evidentiam, ac si impressioni sensibili nos permittamus, penè semper decipiemur.

Cur fallimur in judiciis à nobis formatis circa qualitates sensibiles, circa magnitudinem, figuram, & motum corporum nisi quia sequimur impressionem similem illi impressioni quâ impellimur ad credendum existere corpora? Nonne ignis calidus, nix alba, sol luce undique affulgens nobis videntur. Nonne videmus qualitates sensibiles extrà nos æque ac corpora? Certò tamen constat illas qualitates sensibiles quas videmus extrà nos reverà non esse extrà nos: aut saltem, si quis id malit, nihil certi est hac super re. Quo igitur moti argumento possumus judicare, præter corpora intelligibilia quæ videmus, dari adhuc alia corpora quæ adspicimus? Quâ evidentiam cognoscimus impressionem non modò circa qualitates sensibiles, verùm etiam circa magnitudinem, figuram & motum corporum fallacem, nos etiam non fallere circa existentiam actualem eorundem corporum: circa id, inquam, evidentiam quæro; fat enim scio verisimilitudines non deesse.

Non me latet illud esse discriminis inter qualitates sensibiles, & corpora, quòd ratio longè faciliùs corrigat impressionem seu judicia naturalia quæ circa qualitates sensibiles feruntur, quàm quæ circa existentiam corporum. Immò omnes rationis admonitiones, & emendationes respectu qualitatũ sensibilibũ Religioni & Ethicæ Christianæ posse optimè accommodari; existentiam etiam corporum non posse negari ullo principio religioni conformi.

Nullò negotio concipimus voluptatem & dolorem, calorem, & ipsos colores non esse modificationes seu modos esse corporum; qualitates sensibiles in genere non includi in ideâ materiæ; uno verbo,

sensus nostros nobis non repræsentare objecta sensibilia qualia in se sunt sed qualia sunt relatè ad conservationem sanitatis & vitæ nostræ. Id non modò rationi, sed multò magis Religioni, & Ethicæ Christianæ conforme est; ut id in multis hujusce operis locis demonstratum est.

Sed non æquè facile est sibi positivè persuadere non existere corpora extrà nos, ac sibi persuadere dolorem & calorem non esse in corporibus quæ illas sensationes in nobis excitare videntur, saltem sanè certum est fieri posse ut existant corpora extra nos. Nullum nobis suppetit argumentum quod probet non existere corpora, quin imò vehementi ferimur inclinatione ad credendum corpora illa reapse existere. Potiori igitur jure credimus reverà dari corpora quàm crederemus non dari. Itaque ad credendum existere corpora tenemur. Naturâ enim ferimur ad sequendum judicium nostrum naturale, quum illud non possumus positivè emendare luce & evidentiâ. Cum enim omne judicium naturale à Deo sit, judicia nostra libera juxta hoc possumus conformare, quum nullâ ratione possumus deprehendere falsitatem istius judicii naturalis. Ac si in ejusmodi casibus falleremur, Author mentis nostræ errorum nostrorū aliquatenus Author videri posset.

Ratiocinium illud forsan satis rectum est, fatendum tamen est illud non posse haberi instar demonstrationis evidentis existentiae corporum. Etenim Deus nos non fert modo insuperabili ad assensum plenum huic ratiocinio præbendum, si illi assentimur liberè assentimur. Possumus non assentiri. Si ratiocinium illud meum rectum est, credere debemus admodum verisimile esse corpora existere. Sed hoc solo ratiocinio illius corporum existentiae planè convinci non debemus. Alioqui nos ipsi agimus non verò Deus in nobis. Actu libero, ac proinde errori obnoxio assentimur, non verò impressione insuperabili. Credimus enim quia liberè volumus id credere, non verò quia id videmus evidenter.

Certè sola fides potest nos convincere realis corporum existentiae. Accurata demonstratio non potest haberi existentiae ullius entis nisi entis necessariò existentis. Ac si rem attentè incipiamus, facile comperiemus nequidem posse fieri ut cognoscamus cum plenâ evidentiâ an Deus verè sit nec ne Creator mundi materialis & sensibilis; talis enim evidentiâ reperitur tantum in relationibus necessariis; Jam autem nulla est necessaria relatio inter Deum & ejusmodi mundum. Potuit illum non creare, ac illum duntaxat condidit, quia sic voluit, & quidem liberè.

Beati in cælo luce evidenti optimè vident Filium à Patre genitum fuisse, & Spiritum Sanctum procedere à Patre & Filio; quippe illæ emanationes sunt necessariae. At verò cum mundus non sit emanatio necessaria à Deo, non sequitur eos qui ipsius Dei essentiam, clarissimè vident, ea quæ extrinsecus producit clarè etiam videre. Credo tamen Beatos certo scire mundum existere: Sed id sciunt quia Deus id illos

edocet

edocet ipsis manifestando voluptates modo nobis incognito: & nos ipsi in hisce terris degentes mundi existentiam certò tenemus, quia fides nos docet mundum à Deo creatum fuisse; & quia fides illa iudiciis naturalibus seu sensationibus nostris complexis, quum eæ omnium sensuum nostrorum testimonio confirmantur, memoriâ nostrâ emendantur, & ratione diriguntur, conformis est.

Haude equidem ignoro argumentum, seu principium fidei nostræ primâ fronte supponere videri existentiam corporum, *fides ex auditu*. Supponere videtur Prophetas, Apostolos, Scripturam Sacram, Miracula; sed si ad rem seriò attendamus, agnoscemus quamvis nihil præter species seu apparentias (verbo sit venia) hominum, Prophetarum, Apostolorum. Script. S. Miraculorum &c. supponeremus, tamen id quod per suppositas illas apparentias didicimus, esse extrâ omne dubium; cum ut id jam multoties exposui Deus solus possit repræsentare menti suppositas illas species seu apparentias, Deusque non sit fallax, nam fides hæc omnia supponit. Jam apparentiâ Script. S. & per apparentias Miraculorum docemur Deum condidisse cælum & terram, verbum assumpsisse carnem, & alias similes veritates quæ supponunt existentiam mundi creati. Ergò ex fide constat existere corpora, & omnes illæ apparentiæ per fidem fiunt realitates. Responsioni ad objectionem quæ hominibus è vulgò nimis abstracta videtur diutiùs insistere inutile esset: supra dictis nî fallor satishet lectoribus non ita morosis.

Ex his igitur concludamus nos posse immò debere emendare iudicia naturalia aut perceptiones complexas quæ relationem habent ad qualitates sensibiles quas tribuimus corporibus nos circundantibus, aut nostro. Iudicia verò naturalia quod spectat quæ relationem habent ad existentiam actualem corporum, quamvis absolutè loquendo possumus temperare à iudicijs liberis quæ his accommodentur, non debemus tamen, quia iudicia illa naturalia cum fide maximè sentiunt.

Porro tota hæc observatio præcipuè ad id destinata fuit ut veritas hæc seriò expendatur; nempe solam sapientiam æternam posse nos illuminare; omnesque cognitiones sensibiles quæ ad corpus nostrum referuntur esse fallaces; aut saltem non esse comitatas luce illâ evidenti quæ ad assensum adigit. Non me equidem fugit vulgus hominum hæc cogitationes nequaquam esse approbaturum, & ratiocinia mea eis, pro copia aut penuria spirituum ipsorum animalium, risum aut indignationem paritura. Quippe imaginatio ferre nequit veritates abstractas & inusitatas; Illas habet aut tanquam spectra quibus terretur, aut tanquam phantasmata quæ ridet. At imaginationibus vividis & audacibus malo esse ludibrio, atque indignationem terroremque incutere debilibus & timidis, quàm veritati testimonium non perhibere, ac de ijs qui, adversus impetum corporis in mentem strenuè renitentes, responsa sapientiæ nos illuminantis à confuso imagina-

tionis nos perturbantis & decipientis tumultui discernere norunt, non benè mereri.

ILLUSTRATIO

ad quintum Caput secundi libri.

De Memoria & Habitibus spiritualibus.

IN illo capite de memoria & habitibus spiritualibus loqui multis de causis operæ pretium non duxi; inter quas præcipua petitur ex eo quòd non habeamus ideam claram mentis nostræ: quomodo enim posset clarè explicari quænam sint dispositiones, quas operationes mentis in ipsa relinquunt, quæ dispositiones sunt ipsius habitus, cum nequidem clarè cognoscatur natura mentis? Certè nequeunt cognosci mutationes quæ enti alicui possunt obvenire, quum illius natura clarè non cognoscitur. Nam si, exempli gratia, ideam claram extensionis non haberent homines frustra ipsius figuras cognoscere conarentur. Tamen quandoquidem à me efflagitatur ut de re quæ per se mihi nota non est verba faciam, sic procedo ut hac in re solis ideis claris nitar.

Suppono Deum solum agere in mentem, ipsique ideas omnium repræsentare: ac si eveniat ut mens aliquod objectum per ideam clarissimam & vividissimam percipiat, id fieri quia Deus ipsi illam ideam modo perfectissimo repræsentat.

Præterea cum voluntas Dei ordini, & justitiæ sit omnino conformis, suppono sufficere ut quid obtineatur, id jure esse debitum; his quæ distinctè intelliguntur positis; memoria spiritualis facilè explicatur. Cum enim ordo postulet, ut mentes quæ de aliquo objecto sæpiùs cogitarunt, de eodem denuò faciliùs cogitent, ideamque illius habeant clariorem & vividiorē ijs quæ de illo non nisi parumper cogitarunt; Voluntas Dei qui secundum ordinem indefinenter operatur, ipsorum menti repræsentat, statim atque id optant, ideam claram & vividam illius objecti. Adeò ut juxta hanc explicationem memoria, & cæteri habitus purarum intelligentiarum, non consistant in facilitate ad operandum, quæ ex quibusdam ipsarum modificationibus oriatur, sed in ordine immutabili Dei, & in jure quod mens sibi vindicat in res quæ ipsi fuerunt subjæctæ: Et tota mentis potentia à Deo solo immediatè & unicè dependet. Cum vis seu facilitas ad agendum quam omnes creaturæ in suis deprehendunt operationibus, nihil aliud sit, hoc sensu, quam voluntas efficax Creatoris.

Nec putem ab ista explicatione esse desistendum propter prazos ha-

birus peccatorum, & damnatorum. Quamvis enim Deus efficiat quicquid reale & positivum est in actionibus peccatorum, evidenter tamen patet ex iis quæ in primâ illustratione dixi Deum non esse Authorem peccati.

Credo tamen, & ni fallor, credere debeo, post actionem mentis, in ipsa superesse quasdam mutationes quæ ipsam ad eandem illam actionem disponant. Sed quia illas mutationes non novi, illas etiam explicare nequeo; ideam enim claram mentis meæ non habeo, in quâ possim deprehendere omnes modificationes quas potest suscipere.

Credo argumentis Theologicis, non verò argumentis claris & evidentibus motus, causam cur puræ intelligentiæ videant clariùs objecta quæ jam contemplatæ sunt, quàm alia, non præcisè esse quia Deus ipsis repræsentat illa objecta modo vividiori & perfectiori, sed quia re ipsa magis dispositæ sunt, ad recipiendam in se eandem actionem Dei. Quemadmodum facilitas ad pulsanda instrumenta, quam sibi comparaverunt nonnulli, non consistit in eo quòd spiritus animales ad movendos digitos necessarij, majori in ipsis polleant vi & agilitate quàm in cæteris hominibus, sed in eo quòd viæ per quas spiritus fluunt sint magis lubricæ & planæ, habitu exercitio comparato, ut id cap. suprâ notato explicui. Fateor tamen omnes usus memoriæ, & cæterorum habituum non esse necessarios ijs qui cum Deo intimè uniti, in ipsius lumine quaslibet ideas; & in ipsius voluntate omnem facilitatem ad agendum quam possent optare, reperiunt.

V. Illustr. ad
Cap. 7. Part.
2. Lib. 3.

ILLUSTRATIO ad Caput Septimum secundi Libri.

Summa argumentorum & explicationum à me traditorum circa peccatum originale. Cum responsionibus ad objectiones quæ mihi visæ sunt validissimæ.

VT difficultatibus quæ circa peccatum originale ipsiusque propagationem possunt oriri, ordine respondeam, nihil abs re me facturum puto si ea quæ in multis locis hujusce operis super hac materia dixi paucis hîc resumam, hæc sunt igitur præcipua mea argumenta. Illa modo speciali ita disposui, ut ijs fierent magis clara qui illa examinare attentè voluerint.

I.

Deus vult ordinem observari in operibus suis. Quicquid clarè concipimus conforme esse ordini, illud Deus vult; ac vice versa quic-

quid clarè concipimus ordini repugnare, illud Deus non vult. Hæc veritas evidenter patet ijs omnibus qui ens infinitè perfectum visu fixo & puro possunt contemplari. Nihil est quod eos turbare aut quatere, possit super hac re: Et clarè vident omnes difficultates quæ possunt moveri circa illud principium oriri tantum ex ignorantia in qua versantur homines circa ea quæ ipsos scire necesse esset ad solvendas illas difficultates.

I I.

Deus nullum habet alium finem quàm se ipsum in operationibus suis: Id ordo postulat.

I I I.

Deus creat & conservat mentem hominis, ut circa ipsum occupetur; ipsum cognoscat & amet; Deus enim est finis operum suorum. Ordo id postulat, Deus non potest velle ut id quod non est amabile; ametur; seu potius Deus non potest velle ut quod minus amabile est, potissimum ametur. Hinc igitur patet naturam esse corruptam & inordinatam; cum mens amet corpora quæ non sunt amabilia, immò ipsa Deo sæpè anteponat amore suo. Peccatum igitur originale, seu naturæ depravatio haud indiget probatione: Unusquisque enim satis sentit in seipso legem quæ ipsum captivum detinet & perturbat; quæque à Deo instituta non est, cum ordini, qui ipsius voluntatis regula est, repugnet.

I V.

Interea tamen homo ante lapsum, sensationibus prævenientibus non verò cognitionibus claris admonebatur an sese corporibus circumjacentibus adungere, an verò ab ijs secedere deberet. Ordo id postulat. Contra ordinem est mentem ad id adigi ut corporibus sese applicet. Potest equidem ipsis uniri, Sed propter ipsa non fuit creata. Cognoscere igitur Deum, corpora verò sentire debet. Præterea, cum corpora ipsius bonum non possint constituere, mens non posset ijs uniri nisi ægrè admodum, si ea duntaxat cognosceret ut in se sunt, nec in ipsis sentiret id quod non inest. Falsum itaque bonum debet discerni sensu præveniente, ut ametur amore instinctus; & verum bonum debet cognosci cognitione clara, ut ametur amore libero & rationali. Denique format, & conservat hominem Deus ut ab ipso cognoscatur & ametur. Ergò capacitas ipsius mentis figurarum & configurationum infinitarum corporum ipsum ambientium, & corporis quod animat cognitione, ipso invito, impleri immò nec dispesci debet. Tamen ut pateat cognitione clarâ, an hic fructus hoc tempore alimento corporis aptus sit, tot prænoscentia mihi videntur, totque formanda ratiocinia; ut mens capacior iis omnibus tota occuparetur.

V.

Verum, licet primus homo sensationibus prævenientibus præmoneretur, an deberet uti corporibus ipsum circundantibus an verò seorsus, non agitabatur tamen motibus involuntariis aut rebellibus;

Immo ideas rerum sensibilibus ex mente sua pro lubitu delebat, sive ijs uteretur sive non: Id enim ordo postulat. Mens potest equidem uniri cum corpore; sed ab eo non debet pendere, ipsi debet imperare. His adde quod omnis amor quem Deus nobis imprimit, debeat ad ipsum terminari: Deus enim nihil producit in nobis quod propter ipsum non sit. Denique corpora non sunt amabilia. Infra nostram amandi facultatem subsidunt. Ergo in prima naturæ institutione corpora non possunt mentem inflectere versus se, nec illam ferre ad ipsa consideranda & amanda tanquam bona.

V I.

Corpora quibus circumdamur in mente nostra non agunt nisi quum quosdam motus in corpore nostro excitant, & motus illi ad præcipuam cerebri partem transeunt. Nam pro mutationibus in illa parte factis, ipsa mens mutatur & objectis sensibilibus agitur. Id satis jam probavi, satisque experientiâ demonstratur. Hoc posito, ex articulo præcedenti primum hominem, pro lubitu, motus corpori suo aut saltem motus præcipuæ ipsius cerebri parti communicatos stitisse evidenter patet. Ordo id postulabat, ac idem per consequens volebat is cujus voluntas ordini semper conformis est, nihilque adversus ordinem potest efficere, quamvis sit omnipotens. Homo itaque poterat interdum legem naturalem communicationis motuum, suspensam inhibere; cum esset sine concupiscentia, nec intra se ullos sentiret motus involuntarios & rebelles.

V I I.

Verum primus homo in peccatum semel lapsus ab illa potestate decidit: Ordo id sic postulat: Æquum enim non est ut in peccatoris, & rebellis gratiam, in lege generali communicationis motuum aliæ sint exceptiones, præter eas quæ omnino sunt necessariae ad vitæ nostræ & societatis civilis conservationem. Cum itaque corpus hominis actione objectorum sensibilibus perpetuò concutitur, ipsiusque mens omnibus præcipuæ partis ipsius cerebri motibus agitur; Hinc sequitur ipsam mentem nunc à corpore cui tantum fuerat unita, cuique ante peccatum imperabat, pendere.

V I I I.

Jam autem hic fuit Adami processus in peccando. Amare voluptatem illamque gustare naturale est; id Adamo non fuerat prohibitum. Res eodem se habet modo de gaudio: ex perfectionum suarum naturalium contemplatione gaudium percipere licet: hoc in se non est illegitimum. Homo ad id conditus fuerat ut esset beatus; jam verò voluptas & gaudium realem conciliant felicitatem. Igitur primus homo ex usu bonorum sensibilibus percipiebat voluptatem, gaudioque, suas contemplando perfectiones naturales, afficiebatur: nos enim tanquam felices, aut perfectos considerare non possumus, quin gaudium sentiamus. Sed tales in officio suo non experiebatur delectationes; Nam licet Deum ipsius bonum esse probè nosset, id tamen non sentie-

Vide Illustr.
ad Cap. 5.

bat, ut id multoties probavi. Itaque gaudium quod in officio suo præstando, percipiebat haud erat admodum sensibile. His suppositis. Ut homini non erat capacitas mentis infinita, ipsius voluptas, aut gaudium minuebat visum clarum mentis, quo cognoscebat Deum esse suum bonum, solumque illud bonum ab ipso amari debere. Nam voluptas est in mente ipsamque modificat, adeò ut quò magis voluptas nos afficit & agitat, eò magis impleat nostram cogitandi capacitatem. Id experientiâ aut sensu interno quem de nobis habemus edocemur.

Illud igitur est quod hac de re possumus cogitare. Postquam primus homo paulatim sivit capacitatem mentis suæ sensu vivido alicujus gaudii è superbiâ orti, aut forsan aliqua cupiditate seu voluptate sensibili impleri; præsentia Dei, & cogitatio de officio evanuerunt ab ipsius mente, quia in veri boni inquisitione lumen Divinum quo gaudebat strenuè sequi neglexerat. Atque sic distractus, labilis factus est; præcipua enim ipsius gratia, præcipuaque vis posita erat in lumine quo potiebatur & in officii sui cognitione, cum tunc delectationibus prævenientibus non indigeret, quæ nobis nunc necessariae sunt ut concupiscentiæ resistamus.

I X.

Atque observandum est nec sensus prævenientes quibus Adam afficiebatur in usu bonorum corporis, nec gaudium quod ex felicitatis & perfectionis suæ consideratione percipiebat, veras non esse causas ipsius lapsûs. Probè enim noverat Deum solum posse in ipso excitare voluptatem aut gaudium. Illum itaque unum amare debebat, cum id duntaxat sit amandum, quod vera est causa felicitatis nostræ. Ut nihil erat quod turbaret cognitionem & lumen primi hominis, cum illud purum conservare volebat omnes sensationes quæ poterant ipsum diversum agere & ab eo à quo illuminabatur & corroborabatur distrahere ex mente suâ delere poterat & debebat. Recordari ipsum decebat, Deum ipsi sese non sentiendum ut bonum, sed ut talem cognoscendum duntaxat præbere; ut citiùs mereretur mercedem, usu perpetuo libertatis ipsi indulgæ.

Posito igitur quòd Adamus & Eva peccaverint, ac post peccatum motus involuntarios & rebelles in se ipsis senserint: Dico ipsorum liberos debuisse nasci peccatores, ac motibus concupiscentiæ obnoxios ut ipsi erant. Hæc sunt assertionis meæ argumenta.

X

In capite quod hæc scribendi mihi fuit occasio fusè probavi, tantam esse communicationem inter cerebrum matris, & cerebrum infantis ipsius, ut omnes motus omniaque vestigia in cerebro matris impressa, excitentur etiam in cerebro infantis. Cum itaque mens infantis uniat corpori ipsius eo ipso instanti quo creatur; quia conformatio corporis obligat Deum, ut sequendo voluntates suas generales, ipsi det mentem quo *informetur*; hinc evidenter patet mentem illam eodem ipso momento quo creatur habere inclinationes corruptas & versùs cor-

pora verti; cum ab eo momento inclinationes habeat respondentes motibus, actu excitatis in cerebro cui unita est.

X I.

Sed quia contra ordinem est mentem versus corpora converti, ipsaque amare; infans est peccator & inordinatus statim atque creatur. Deus qui amat ordinem illum odit in hoc statu. Ipsi tamen peccatum non est liberum: Ipsi mater illum in iniquitate concepit propter communicationem institutam, ordine naturæ inter cerebrum matrem & cerebrum infantis.

X I I.

Jam autem illa communicatio optima est in sua institutione multis de causis. Primò, Quia utilis est, & forsan necessaria ad *conformationem fœtus*. Secundò, Quia poterat ope illius communicationis commercio uti cum parentibus; æquum enim erat ipsum cognoscere à quo haberet corpus quod animabat. Denique infans non poterat scire quæ extrinsecus agebantur, quidve de illis cogitare deberet, nisi ope illius communicationis. Cum corpus haberet, par erat ipsum habere cogitationes quæ ad illud referrentur, nec privari contemplatione operum divinorum inter quæ vivebat. Multas alias existimo dari rationes istius communicationis præter has à me allatas; sed hæc ad illam vindicandam adversus omnes obmurmuratores, omnem quæ arcendam criminationem ab operibus illius cujus omnes voluntates ordini necessario sunt conformes sufficere videntur.

X I I I.

Æquum tamen non est infantem invitum excipere vestigia objectorum sensibilium: ac si mens unico momento ante unionem cum corpore crearetur, si per unicum momentum in innocentia & ordine staret, pleno jure, & ex necessitate ordinis aut legis æternæ posset suspendere illam communicationem; quemadmodum primus homo ante peccatum sistebat pro arbitrio motus in ipso excitatos; etenim ordo postulat ut corpus menti obtemperet: Sed quia mens infantium nunquam fuit grata Deo; nunquam justum fuit Deum in eorum gratiam mutare legem communicationis motuum. Justum itaque est infantes nasci peccatores & inordinatos & ordo naturæ non est causa illorum peccati: ordo ille justus est. Sed peccatum parentum est causa peccati ipsorum. Hoc sensu justum non est parentem peccatorem procreare liberos se perfectiores, ipsosque imperium in corpus habere, quod mater in suum non habet.

X I V.

Post peccatum Adami quod omnia pervertit & corrumpit, Deus equidem poterat aliquid immutando in ordine naturæ, malis ex peccato natis mederi. Verum Deus voluntates suas ita non mutat. Nihil vult quod non sit justum. Quod semel voluit, illud semper vult: sese non corrigit: ipsum non pœnitet: Constanter vult id quod vult. Ipsi

æterna decreta non pendent ab humanæ voluntatis inconstantia, nec æquum est illa huic submitti.

X V.

Vid. e. Dis-
logum Col-
loquiorum
Christianor-
um.
Aug. in Iul.
l. 6. c. 3.

Verùm enim verò si liceat mortalibus in Dei consilia penitiùs introspicere, ac cogitata sua proferre circa causas ob quas ordinem supra memoratum instituit, peccatumque primi hominis permisit; haud ullam credo fore sententiam Majestate divinâ digniorem, magisque Religioni & rationi conformem, quàm quæ statueret præcipuum Dei consilium in operationibus externis, esse Incarnationem Filii: Deum instituisse ordinem naturæ, perturbationemque in eo factam permisisse ut tanto faveret operi: Ipsum sive omnes homines mancipari peccato, ne quisquam in se ipso gloriaretur; immò ipsum permittere concupiscentiam in sanctissimis, ne sibi superbè complacent. Cùm enim quis perfectiones suas considerat ægrè se adspernatur; nisi eodem tempore videat & amet summum bonum, ad cujus præsentiam omnis nostra perfectio omnisque magnitudo nostra evanescit.

Fateor concupiscentiam meriti materiam posse nobis præbere; ac maximè æquum esse mentem ad tempus ægrè sequi ordinem, ut pro hoc merito digna habeatur quæ illi ordini in æternum cum voluptate subjiçatur. Deum præviso peccato, hoc sine concupiscentiam permisisse non inficio. Sed cùm concupiscentia non sit absolute necessaria ad merendum; si Deus eam permiserit, id eo consilio fecit, ut nemo bonum posset facere sine auxilio quod Jesus Christus nobis meritus est, atque ne homo propriis viribus suis gloriaretur. Clarum enim est hominem non posse sibi bellum inferre, ac sese vincere, nisi animetur spiritu Jesu Christi, qui utpotè fidelium caput, ipsis dispositiones motibus concupiscentiæ à primo homine oriundæ omnino oppositas dat.

X V I.

Posito igitur quoddam infantes cum concupiscentia nascuntur, ipsos peccatores esse evidenter sequitur, cùm ipsorum cor versùs corpora quantum potest conversum sit. In ipsorum voluntate nihil adhuc est præter amorem, & quidem ille amor est inordinatus. In ijs itaque nihil est quod Deus possit amare, cùm Deus amare nequeat inordinationem.

X V I I.

At verò cùm in Christo fuerunt regeneriti, hoc est, cùm ipsorum cor versùs Deum conversum fuit, sine motu actuali amoris sive dispositione internâ simili dispositioni quæ remanet post actum aliquem amoris erga Deum: Tum concupiscentia non amplius est peccatum in ipsis: Tum enim non amplius sola est in corde ipsorum; ei non amplius dominatur. Amor habitualis in ipsis remanens gratiâ Baptismatis in Jesu Christo, liberior aut fortior est amore in ipsis habitante per concupiscentiam ab Adamo contractam. Similes sunt iustis qui per somnum concupis-

cen-

centiæ motûs sequuntur, gratiam Baptismatis non amittunt, quia istis motibus liberè non consentiunt.

XVIII.

Nec ita mirum videri debet, si posse fieri credam, ut infantes baptismationis instanti, Deum amore libero ament. Cum enim secundus Adamus priori sit contrarius, cur tempore regenerationis non liberabit infantes ex servitute corporis cui mancipati tantum sunt propter primum Adamum: Ut illuminati, & excitati gratiâ vivâ & efficaci ad Deum amandum, ipsum omnes ament amore libero & rationali, primo Adamo nihil obstante. Nemo unquam deprehendit, inquiet aliquis, ipsorum corpus vel per unicum momentum desinere agere in mentem: sed quis miretur se non videre id quod visibile non est. Unicum momentum sufficit ad patrandum illum actum amoris. Cum autem ille actus possit formari in mente, nullis ex eo impressis vestigiis cerebro, mirandum quoque non est, adultos ipsos dum baptizantur non semper meminisse istius actûs: Quippe memoria eorum quæ nulla cerebro insculpunt vestigia non conservatur.

XIX.

Veterem hominem seu concupiscentiam cum Jesu Christo crucifigi, nosque mortuos & sepultos esse cum eo per Baptisma nos docet Divus Paulus. Nunquid id fieret quia tum liberamur ab impetû corporis in mentem, concupiscentiaque veluti extincta est hoc instanti? Verum equidem est illam reviviscere: sed cum semel deleta fuerit, ac infantes in eo permiserit statu ut amarent Deum, ipsis amplius officere nequit, quamvis in iis reviviscat. Cum enim, duplex amor in corde sit: amor naturalis, & amor liber; ordo postulat ut solius amoris liberi ratio habeatur: Ac si infantes in Baptismate amarent Deum actû nullatenus libero, corpora postea multis actibus ejusdem speciei amantes; Deus fortè non posset ordinem sequendo unicum actum pluris facere multis actibus, iisque omnibus naturalibus, & non liberis. Seu potius si amores illi contrarij inter se vi æquales essent, postremi rationem habere deberet; eadem ratione qua cum in uno corde duo amores liberi inter se contrarij fuerunt, Deus posterioris semper habet rationem, cum gratia amittatur unico peccato mortali.

XX.

Negari tamen non potest Deum posse, nequaquam suspensâ dominatione corporis in mentem infantis, ipsum reddere justum, aut ipsius voluntatem versùs se inflectere, in ipsius mentem indendo dispositionem illi similem quæ remanet post motum actualem amoris Dei. Verum illa agendi ratio ad naturam æquè propè accedere non videtur ac alia; Clarè enim non concipimus, quid possent esse illæ remanentes dispositiones. Id equidem mirum non est; cum enim ideam mentis claram non habeamus; ut id alibi probavi, mirum non est nos non cognoscere omnes modificationes quas potest suscipere. At menti non potest satisfieri rebus quas clarè non percipit. Miraculum extraor-

Vid Cap. 7.
2. part. 1. Lib.
& ipsius il-
lustrat.

f

dinarium, videtur necessarium ut mens illas dispositiones acquirat sine actû præcedenti. Id fieri nequit per vias quæ omnium simplicissimæ videntur. Cùm è contra, secundo Adamo producente in mente infantis qui baptizatur prorsùs contrarium ab eo quod primus Adam in eadem mente antea produxerat; sufficit ut regeneretur, Deum per vias ordinarias, quibus adultos sanctificare solet, in ipso agere. Cùm enim infans per illud temporis momentum nullis afficiatur sensationibus aut motibus quæ ipsius cogitandi & volendi facultatem impleant; nihil impedit quominus cognoscat & amet verum suum bonum. Plura non addo, quia necesse non est scire præcisè, quomodo fiat regeneratio infantium, modò vera in ipsis regeneratio, aut justificatio interna & realis ex actibus aut saltem habitibus fidei, spei, & charitatis nata, admittatur. Si Explicationem præjudiciis adeò contrariam proposui, id eo consilio feci, ut ijs etiam satisfacerem, qui nolunt admittere habitus spirituales, ipsiſque probarem possibilitatem regenerationis infantium; namque *imputatio* manifestam contradictionem involuere mihi videtur; Deus enim non potest habere ut justas, & amare actû creaturas quæ actû sunt in statu peccati; quamvis possit propter Jesum Christum consilium inire eos in ordinem restituendi, & actû amandi postquàm resipuerint.



OBIECTIONES ADVERSUS ARGUMENTA & Explicationes Peccati Originalis.

O B I E C T I O ADVERSUS PRIMUM ARTICULUM.

Ad singulas
objectiones
recurren-
dum est ad
art. in quem
facta fuit.

DEUS vult ordinem, id quidem verum est; verùm voluntas ipsius instituit illum ordinem, non verò supponit. Quicquid Deus vult est juxtà ordinem, non alià de causâ, quàm quia ipse id vult. Si Deus velit mentes corporibus submitti, ipsa amare & timere, non est contrà ordinem: Si Deus vellet bis 2. non esse 4. is non mentiretur qui diceret bis 2. non esse 4. id verum esset. Deus est principium omnis veritatis: Magister omnis ordinis: nihil supponit, nec veritatem, nec ordinem: omnia ipse efficit.

Responsio.

Omnia igitur everſa sunt. Nulla ampliùs est scientia, nulla Ethica, nulla argumenta pro Religione quorum vis eludi non possit. Hæc

consequentia videbitur clara cuicumque assequutus fuerit falsum illud principium; Deum scilicet producere ordinem & veritatem voluntate prorsus libera. Sed respondeamus accuratius.

Respondeo igitur Deum nil posse agere & velle sine cognitione; atque ita ipsius voluntates aliquid supponere; sed id quod supponunt non est quid creatum. Ordo, veritas, sapientia æterna, est exemplar omnium Dei operum: Jam verò illa sapientia non est creata: Deus qui omnia fecit illam tamen nunquam fecit, quamvis ipsam Deus perpetuò ex suæ essentiae necessitate gignat.

Quicquid Deus vult est juxtà ordinem, eâ solâ de causâ quòd Deus, id vult; fateor; sed res sic se habet, quia Deus non potest adversus se ipsum, adversus sapientiam & lumen suum agere. Potest equidem nihil producere ad extrâ. Sed si agere velit, non potest quin sequatur ordinem immutabilem sapientiæ quam necessariò amat: Nam Religio, & ratio Deum, sine Filio, Verbo, & Sapientia sua nihil agere me docent. Non dubito igitur dicere Deum non posse positivè velle ut mens subjiciatur corpori; quia hæc sapientia secundum quam Deus vult quicquid vult, mihi clarè notificat id esse contra ordinem. Atq; id in illa ipsa sapientia clarè video: Quia illa est ratio suprema & universalis, quam omnes mentes participant, ob quam omnes intelligentiæ sunt creatæ, per quam omnes homines ratione gaudent. Quippe nemo inter mortales est sibi ipsi ratio, sapientia, & lumen. Nisi forsan cum alicui est ratio peculiaris à ratione universali diversa, falsus splendor pro vera luce, & mera stultitia pro sapientia.

Ut plerique homines haud distinctè norunt, solam sapientiam æternam ipsos illuminare, ideasque intelligibiles quæ sunt objectum immediatum ipsorum mentis creatas non esse: eo adducti principio, leges æternas veritatesque immutabiles tales institutas esse voluntate Dei libera arbitrantur. Atque illo præjudicio præpeditus Cartesius dixit Deum potuisse efficere ut his quatuor non essent octo, utque tres anguli cujuspiam trianguli non essent æquales duobus rectis, quia *nullus est ordo, inquit, nulla lex, nulla bonitatis & veritatis ratio quæ à Deo non pendeat, & quia ipse ab æterno decrevit, & instituit ut supremus Legislator veritates æternas.* Nempe, Doctissimus ille Philosophus satis non attendebat esse ordinem, legem, rationem supremam quam Deus amat necessariò, quæ ipsi coæterna est, & secundum quam necesse est ipsum agere, si modò velit agere. Deus enim indifferens est in operibus externis, verum non est indifferens, quamvis sit planè liber; in modo agendi: semper modo sapientissimo & perfectissimo agit: ordinem immutabilem & necessarium semper sequitur. Ita, Deus potest nec mentes, nec corpora creare; sed si duo illa entium genera creet, illa debet creare per vias simplicissimas, & in ordinem perfectissimum digerere. Potest, e. g. unire mentes corporibus, sed ipsum non posse mentes corporibus subjicere defendo; nisi pro ordine quem semper se-

Responsio
ad textus
objectiones
adversus
Medit. art.
6. art. 8.

Vid. Illustr.
c. 6. a. part. 1. 3

quitur, peccatum ad id ipsum adigat, ut jam exposui articulo septimo, & in primâ observatione sub finem.

Ut nonnullis instantiis quibus urgeri possem occurrâ, operæ pretium me facturum esse puto, si moneam, homines immeritò sese ipsos consulere, quum doceri volunt quid Deus facere, aut velle possit. De ipsius voluntatibus ex inclinationum suarum conscientia seu sensû interno judicare non debent. Deum sæpè injustum, crudelem, peccatorem, non verò potentem efficerent. Principium illud generale omnium præjudiciorum quibus occæcantur abdicare debent, quo de omnibus relatè ad seipsos judicant; idque solum Deo tribuere quod clarè concipiunt includi in idea entis summè perfecti: De rebus enim judicandum non est nisi per ideas claras. Tunc Deus quem adorabunt non erit similis Diis veterum Ethnicorum, qui ut ipsorum fictores crudeles, adulteri, & libidinosi erant. Immò nec similis erit Deo nonnullorum Christianorum, qui ut illi omnem potentiam quâ peccator pollere optaret affingant, ipsi dant potestatem agendi contrà omnem ordinem, peccatum impunitum relinquendi, & homines adjudicandi pœnis æternis quantumvis justos & infantes.

SECUNDA OBIECTIO

CONTRA ARTICULUM PRIMUM.

Si Deus velit ordinem secundum quem fiunt monstra; haud dico inter homines, quippe qui peccaverunt; sed inter animalia, & plantas. Quænam est causa corruptionis generalis in aere quæ tot morbos gignit; Quo ordine tempestates solitum non observant ordinem, sol aut gelu comburit fructûs terræ? An id vocaveris cum ordine & sapientia agere, dare animali membra prorsus inutilia, ut fructûs formati gelu pereant permittere? Nonne satius est dicere Deum facere quodcumque ipsi lubet, ipsumque supra omnem ordinem legemque esse. Etenim ut de rebus majoris momenti agamus quàm de fructibus, de quibus quodlibet fieri potest; certè terra ex qua Deus conficit vasa ad iram, eadem est ex qua parat vasa ad misericordiam.

Responsio.

Ejusmodi difficultates ad id tantum aptæ sunt ut veritatem obscurant, quia ex mentis tenebris duntaxat oriuntur. Sciunt homines Deum justum esse; sciunt pariter malos esse beatos: quid? an id negabunt quod vident? an id in dubium vocabunt quod sciunt; quia fortè nonnulli satis erunt stupidi ut ignorent, alii verò satis audaces, & prophani ut non credant id quod Religio de pœnis æternis nos docet. Pariter sciunt homines Deum esse sapientem, ipsumque nihil facere

quod bonum non sit; vident tamen monstra, vident opera imperfecta. Quid igitur credent? Deum aberrasse, aut illa monstra ab ipso non esse? Certè vir cui mens erit sana & firma neutrum credet. Quippe Deum omnia facere certò constat, & ab ipso nil posse fieri quod perfectum non sit quantum esse potest, pro simplicitate & paucitate modorum quibus utitur ad suum formandum opus. Tenaciter adhærendum est iis quæ videmus, nec sinendū ut cōmoveamur difficultatibus quæ ob ignorantiam nostram solui nequeunt. Si ignorantia formet difficultates quæ principia solidiùs statuta evertāt, quid inter homines quibus omnia scire non datum est certi erit ampliùs? Quid! lucēs fulgentissimæ non poterunt discutere minimas tenebras? ac tenebræ levissimæ lumina clarissima & vividissima obscurabunt?

Verum enim verò quamvis sine ullo principii nostri detrimento, possemus non respondere difficultatibus ejuscemodi; haud abs re tamen erit ostendere, nobis non deesse quæ illis respondeamus. Nam mens humana in judiciis suis ita obliqua est, ut opiniones quæ ex illis difficultatibus imaginariis sequi videntur, præferre posset, veritatibus certis, quæ in dubium non possunt venire, nisi apud eos quibus est dubitandi animus; quique eo consilio ab illis difficultatibus examinandis abstinēt. Dico igitur Deum velle ordinem, quamvis sint monstra; immò esse monstra quia Deus vult ordinem. Cujus rei hæc est ratio.

Leges naturæ, per quas Deus infinitam quæ in orbe deprehenditur varietatem producit, simplicissimas & paucissimas esse postulat ordo. Jam autem simplicitas illa legum generalium in quibusdam casibus specialibus, & propter dispositionem subjecti, producit motus irregulares, seu potius combinationes monstrosas: ac per consequens monstra in rerum natura fiunt quia Deus vult ordinem. Itaque Deus non vult positivè, seu directè dari monstra; sed vult positivè quasdam leges communicationis motuum, ex quibus monstra necessariò sequuntur: quia leges illæ quamvis simplicissimæ, sunt tamen idoneæ ad producendam illam formarum varietatem omni admiratione majorem.

Exempli gratiâ, secundum leges genereles communicationis motuum quædam corpora pelluntur propemodum versùs centrum terræ: corpus alicujus hominis seu alicujus animalis est unum ex illis corporibus: quod ipsum sustinet in aëre liquefcit sub ipsius pedibus: an justum est, & ordini congruum Deum voluntates suas generales illius specialis casus ergo mutare? Certè id verisimile non videtur. Oportet igitur ut illud animal conterat sibi corpus aut aliquo membro mutiletur. De generatione monstrorum idem ferendum est judicium.

Ordo equidem vult omnia entia habere quicquid ipsis necesse est ad conservationem & propagationem speciei: dummodò per vias simplicissimas & sapientiâ divinâ dignas id fieri possit. Ac videmus quidem animantibus, & plantis ipsis suppetere rationes generales conservandæ & propagandæ speciei. Ac si ejusmodi rationes nonnullis desint animalibus in quibusdam casibus specialibus, id factum est quia leges

generales secundum quas formata fuere, id ferre non potuerunt, quoniam leges illæ non illa sola spectant animalia; sed in genere omnia entia; jam autem bona publica privatis sunt anteponenda.

Certè si Deus unicum formaret animal, illud monstruosum non efficeret sed ordo postularet ut Deus illud animal per easdem non formaret leges per quas omnia nunc format. Nam actio Dei ipsius proposito attemperata esse debet Deus per leges naturæ non unicum animal, sed mundum condere vult. Illumque per vias simplicissimas, ut id ordo postulat condere debet. Sufficit igitur mundum illum non esse monstruosum, aut effectus generales dignos esse legibus generalibus, ut nihil sit in opere Dei quod carpi queat.

Si Deus leges speciales adscripsisset omnibus specialibus mutationibus; aut si in unaquaquere naturam seu principium speciale omnium ipsius motuum instituisset, inter tot ordini manifestò repugnantia, difficile revera foret omnem culpam ab ipso amovere. Necesse forsan esset fateri aut Deum non amare ordinem, aut ipsum non posse mederi inordinationi: Etenim qui numerum propè infinitum causarum secundarum, virtutum, qualitatum, facultatum naturalium ijs naturæ ludis seu aberrationibus vulgò dictis alligant, sapientiæ & potentiae infinitæ Authoris rerum omnium injuriam haud dubiè inferunt.

O B I E C T I O

CONTRA SECUNDUM ARTICULUM.

Deus non potest agere propter se. Qui sapiens est nihil facit inutile. Jam autem quicquid Deus faceret propter se esset inutile; Ipsi enim nihil deest, Deus nihil sibi vult; si ex essentiae necessitate habeat quicquid sibi posset velle. Jam verò si Deus nihil optet sibi, nihil facit propter se; quandoquidem tantum agit per efficacitatem voluntatum suarum. Ista est boni natura ut sese communicet & diffundat; utile sit aliis non verò sibi; ut quærat, ac si possit creet quos beatos efficiat? Cum itaque Deus sit essentialiter & summè bonus, ipsum propter se agere repugnat.

Responsio.

Deus potest agere *propter se* bifariam: vel ut aliquam percipiat utilitatem ex eo quod agit; vel ut ipsius creatura suam in ipsa nanciscatur felicitatem & perfectionem. Nunc non excutio an Deus agat propter se primo modo, & an aliquem sibi conciliaturus honorem se dignum, omnia fecerit & restauraverit per Filium, in quo, Scriptura testante, omnes creaturæ subsistunt. Defendo duntaxat Deum nec posse creare, nec conservare mentes ut cognoscant & ament creaturas; Lex immutabilis, æterna, necessaria fert, ut cognoscant & ament Deum, ut ter-

tio articulo expositum est. Itaque obiectio illa non impugnat principium meum, facit potius pro illo: Ac si natura boni in eo consistat ut sese communicet & diffundat (illud enim axioma jam non exigo) hinc patet Deum utpotè essentialiter & summè bonum non posse, non agere propter se; eo sensu quem induco.

O B I E C T I O

CONTRA QUARTUM ARTICULUM.

Cùm ignorantia sit consequentia peccati, Adam ante lapsum perfectâ pollere debebat cognitione naturæ corporis sui & circumjacentium. Necesse, exempli gratia, fuit, ipsum penitus cognovisse naturam omnium animalium ut ipsis nomina unicuique accommodata imponeret.

Responsio.

Errant qui id obijciunt. Ignorantia nec est malum, nec series peccati; at verò error seu occæcatio mentis est malum & sequela peccati. Deus solus omnia novit, nihilque ignorat. In intelligentijs maximè illuminatis est ignorantia. Quicquid finitum est non potest capere infinitum. Itaque nulla est mens finita quæ vel possit capere omnes triangulorum proprietates. Adam in momento creationis omnia noverat quæ ipsum nosse necesse erat; nihil prætereà: Nec necesse erat ipsum cognoscere exactè dispositionem omnium partium corporis sui, & corporum ambientium. Rationes attuli articulo supra notato & alibi.

Impositio nominum denotat potius in Scriptura auctoritatem quàm cognitionem perfectam. Ut Dominus cæli fecerat Adamum terræ Dominum, Adamum animalibus nomina indere consentiebat, ut ipse dederat stellis. Evidens est sonos aut voces nullam habere, nec habere posse relationem cum rebus quas significant quicquid dicant Divinus Plato, & Mysteriorum Pythagoras. Posset forsan explicari natura Equi, aut Bovis in libro integro, sed una vox non est liber. Ac ridiculum est arbitrari monosyllaba ut *Sus* quod Hebraicè significat equum & *Schor* quod significat bouem, repræsentare naturam istorum animalium. Verisimile tamen est Adamum istæc nomina istis animalibus imposuisse; cùm reperiantur in Genesi. Et ipse Author Geneseos asserit nomina quæ Adamus dedit animalibus, eadem quæ suo tempore usurpabantur fuisse. Haud credo enim ipsum aliud designare his verbis. *Omne quod vocavit Adam animæ viventis, ipsum est nomen ejus.* Cap. 49. 17.
Sed, do Adamum animalibus imposuisse nomina quæ aliquam habeant analogiam cum ipsorum natura, ac eruditus cujusdam hujus sæculi authoris ethymologiis calculum lubens adjicio. Volo primum hominem nuncupasse animalia domestica *Behemot* quia silent, arietem *Ajil* quia for-

tis est, hircum *Sair* quia est hirsutus; porcum *Chajir* quia habet parvos oculos, & asinum *Chamir*, quia in oriente multi extant asini rubri. Sed non video aliud Adamo necesse fuisse quam aperire oculos, ut cognosceret hircum esse hirsutum, asinum rubrum, & porcum habere parvos oculos. Adam nuncupat *Beir & Behema* id quod vocamus brutum aut grande animal domesticum, quia jumenta illa sunt muta & stupida: quid inde sequitur? Ipsum penitus cognovisse illorum naturam? Id non est evidens. Certè vereretur potius ut hæc inde eliciatur cōsequētia. Nempe Adamum ea fuisse simplicitate ut interrogaret bovem utpote inter animalia domestica maximum; at verò cū ipsum nil respondere admirabundus vidisset, illum postea in contemptus argumentum vocavisse *Beir & Behemah*.

SECUNDA OBIECTIO

ADVERSUS ARTICULUM QUARTUM.

Sunt sensationes pręvenientes incommodæ & molestæ: Atqui Adamus erat justus & innocens; Ergò iis non debebat affici: Ergo ubique, & usquequaque debebat rationis & lucis ductum sequi, non verò sensationibus iis quas nunc habemus similibus præverti.

Responsio.

Fateor equidem esse sensationes injucundas & molestas; At illæ nullum unquam primo homini facessabant negotium: quia eo ipso instanti quo ipsum molestabant, iis nolebat amplius affici; & desinebant ipsum afficere eo ipso momento quo id volebat. Sensationes illæ duntaxat ipsum reverenter admonebant quid sibi faciendum esset quid verò non: ipsius felicitatem non turbabant: per eas tantum admonebatur se posse illam amittere, ac eundem Deum à quo omnis ipsius pendebat beatitudo, posse ipsum punire miserumque efficere; si ab illo deficeret.

Ut constet primum hominem nullo unquam dolore vivido ipsum subito occupante fuisse affectum; duo duntaxat sunt consideranda. Primum; dolorem esse levissimum; quum motus quibus alligatur sunt debilissimi; cū dolor viribus motuum qui ad præcipuam usque cerebri partem communicantur semper attemperatus sit. Alterum motum suâ naturâ semper includere successionem temporis; nec posse esse violentum primo instanti quo excitatur. Hoc posito; primum hominem nullum unquam dolorem à quo præoccuparetur & miser fieret sensisse patet. Motus enim ex quibus oriebatur ille dolor sistere poterat; at si verum est ipsum potuisse illos sistere eo ipso temporis momento quo agere inchoabant; certè illos sistebat; quippe felicitatem appetebat, & sensus doloris naturâ suâ averfationem movet.

Adam igitur nullum unquam dolorem violentum patiebatur: at
non

non video quicquam ad id nos adstringere ut etiam negemus ipsum levibus affectum fuisse doloribus, qualem sentire solemus, cum de fructu immaturo delibamus ipsum maturum esse credentes. Certè ipsius felicitas admodum mediocris fuisset, si tam levi de causa turbari potuisset: nam delicatula constitutio est debilitatis argumentum; Et sanè voluptas ac gaudium sunt parum solida, cum adeò facile interrumpuntur, & evanescent. Dolor felicitatem verè interrompere nequit, nisi quum involuntarius est, ac nobis invitis subsistit; Jesus Christus cruci affixus, beatus tamen adhuc erat, quamvis acerrimis affectus doloribus, quia nihil patiebatur quod lubens non pateretur. Cum itaque Adam nihil invitus perferret; non est quod quis dicat nos ipsum efficere infelicem ante peccatum, quia hinc supponimus, ipsum sensationibus prævenientibus sed moderatis, & submissis monitum fuisse, de ijs quæ ad vitæ conservationem vitanda habebat.

O B I E C T I O CONTRA QUINTUM ARTICULUM.

Adam voluptatibus prævenientibus afficiebatur: Sed voluptates prævenientes sunt motus involuntarij: Ergò Adam motibus involuntarijs agitabatur.

Responsio.

Respondeo; in Adamo sensationes prævertisse rationem; Idque probavi in articulo quarto. Sed nego illas ipsius voluntatem prævertisse, aut in ipsa speciales quosdam motus excitasse. Namque Adam per istas sensationes de ijs quæ sibi ad vitæ conservationem essent agenda equidem admoneri volebat. At verò invitus agitari nolebat; id enim involuit contradictionem. Præterea cum veritatis contemplationi non interruptè incumbere volebat; ipsius & sensus, & affectus altum silebant; Id ordo postulat & ex imperio absoluto quo in corpus pollebat necessariò sequitur.

Respondeo secundo; Voluptatem mentis nequaquam idem esse cum ipsius motu & amore: voluptas & amor sunt modificationes mentis; at voluptas nullam habet relationem necessariam ad objectum quod illam parere videtur; amor ad bonum necessariò refertur. Voluptas est menti id quod figura est corpori; & motus est corpori id quod amor est menti. Jam autem motus corporis ab ipsius figura longè differt. Volo equidem mentem quæ versus bonum indefinenter fertur, ad illud facilius, ut ita loquar progredi, quum sensu voluptatis afficitur, quàm quum dolorem patitur: quemadmodum corpus impulsus facilius movetur cum figurâ est sphericâ, quam ubi figuram cubicam habet; sed figura corporis differt ab ipsius motu; ac potest esse sphericum & quiescere. Verum equidem est de spiritibus rem secus se habere ac de corporibus. Illi voluptate affici non possunt quin sint in motu; quoniam Deus qui ipsos propter se creavit & conservat, ipsos versus bonum

indefinenter impellit : sed id non probat voluptatem idem esse in mente ac ipsius motum ; quippe duo quamvis diversa , possunt tamen simul occurrere.

Respondeo denique , licet voluptas non differret ab amore seu motu mentis , voluptatem quam primus homo sentiebat in usu bonorum corporeorum , ipsum non tulisse ad amanda corpora. Voluptas fert mentem versus objectum quod illam in ipsa parit ; concedo ; At fructus quem comedimus cum voluptate ipse non est qui parit in nobis voluptatem illam ; Corpora non possunt agere in mentem , illamque ullo modo beatam efficere. Deus solus id potest efficere. Erramus dum cogitamus corpora in se habere id quod sentimus ipsorum occasione. Adam ante peccatum ita stupidus non erat , ut arbitraretur corpora esse veras ipsius voluptatum causas. Itaque motus cum voluptatibus ipsius conjunctus , ipsum non ferebat versus corpora. Si voluptas primi hominis lapsui aliquid contulit ; certe id non contulit efficiendo in ipso id quod jam efficit in nobis. Id duntaxat contigit quia implendo & dispescendo ipsius cogitandi capacitatem , in ipsius mente veri boni , & officij praesentiam diminuit aut delevit.

O B I E C T I O

CONTRA ARTICULUM SEXTUM.

An verisimile est voluntatem Dei immutabilem ab humana voluntate dependisse ? in lege generali communicationis motuum datas fuisse exceptiones in gratiam Adami ?

Responsio.

* In Illustr.
circa natu-
ram idea-
rum expli-
cabospecie-
lius quid sit
ordo , & cur
Deus illum
amet neces-
sario.

Saltem evidens non est non posse dari tales exceptiones. Jam autem postulat ordo immutabilis corpus subjici menti ; & contradictorium est Deum non amare , & nolle ordinem : * Deus enim necessario amat Filium suum. Ergo necesse erat ante peccatum primi hominis , dari in ipsius gratiam exceptiones in lege generali communicationis motuum. Id forsan apparet paulò abstractius. Ecce aliquid clarius.

Homo , quamvis peccator , brachium suum , pro lubitù movere , & sistere potest. Ergo pro varijs hominis voluntatibus , spiritus animales determinantur ad producendos aut sistendos quosdam motus in ipsius corpore , quod certè fieri nequit per legem generalem communicationis motuum. Cum igitur voluntas Dei etiamnum hodie nostrae submittatur , cur & Adami voluntati submissa non fuisset ? Si bono corporis & societati civili consulturus Deus cohibuit in peccatoribus communicationem motuum ; cur illam non stitisset in homine justo , in ipsius mentis bonum , & ad fovendam unionem & societatem quam

Sen EXPLICATIONES ad LIB. II. 51

cum ipso habebat; Deus enim eū propter se duntaxat condiderat. Cum Deus nullam velit inire societatem cum peccatoribus. Ipsis post peccatum ademit potestatem, qua poterant, ut ita dicam, deponere corpus, ut cum ipso Deo unirentur. Sed ipsis illibatam reliquit potestatem sistendi aut mutandi communicationem motuum relatè ad conservationem vitæ, & ad societatem civilem; quia noluit suum destruere opus; & quia etiam antequam ipsum formasset, illud, juxtà Divum Paulum, in Christo restituere & restaurare decrevit.

O B I E C T I O

CONTRA SEPTIMUM ARTICULUM.

Homo corpus suum undique adhuc transfert: omnes ipsius partes, quarum motus ad bonorum investigationem & malorum sensibilibium fugam necessarius est, pro lubitu movet. Ac per consequens sistit, aut mutat singulis momentis communicationem naturalem motuum, non modò propter res parvi momenti; sed etiam propter res inutiles vitæ & societati civili, quibus vita breviatur, Deusque ad iram provocatur. Deus vult ordinem, idequidem fateor. Sed Deus postulat-ne ut leges motuum violentur propter malum, & sint inviolabiles propter bonum? Cur homo motus quos in ipsius corpore excitant objecta sensibilia cum illi motus impediunt quominus bonum patrare, ad Deum postliminò reverti, & respicere queat sistere non posset; cum tamen possit adhuc tot mala in mundo patrare, linguâ, brachiis, cæterisque corporis partibus quarum motus ab ipsius voluntate pendet?

Responsio.

Ut huic objectioni satisfiat, animavertendum est hominem post peccatum debuisse in nihilum reverti. Cum enim non ampliùs esset in ordine, nec posset in ordinem regredi, existere ampliùs non debebat. Deus nihil amat præter ordinem. Illum igitur Deus non amat, peccator igitur non potest subsistere, cum creaturæ non subsistant nisi quia Deus vult ipsas existere; jam autem Deus non vult ipsas existere nisi ipsas amet. Peccator non potest etiam per se in ordinem regredi; quia non potest per se ipsum sese justificare: quicquid perferre potest ipsius noxam æquare nequit. Ergo in nihilum reverti deberet. Sed quia à ratione abhorret ut Deus opus faciat ad ipsum annihilandum aut ad permittendum ut in statum labatur ipso nihilo pejorem; evidenter patet Deum hominem non conditurum fuisse nec ipsius peccatum permissurum, nisi in consilio æterno decrevisset incarnationem Filii in quo omnia subsistunt & ex quo mundus pulchritudinem, perfectionem, & magnitudinem, sapientiâ & potentiâ ipsius authoris dignissimam recipit.

*Vid. s. Dia-
logum Col-
loquiorum
Christianorum.*

Potest igitur considerari homo post peccatum utpote sine restauratore existens, sed expectans Restauratorem. Si sine Restauratore consideretur; clarum esse ipsum cum Deo societate conjungi non debere; nulla in se ipso vi præditum esse quâ possit ad Deum reverti: à Deo repelli & malè excipi debere, cum corpori renunciare ut cum ipso uniatur satagit; hoc est hominem post peccatum privari debere facultate sese expediendi ab impressionibus sensibilibus & à moribus concupiscentiæ. Immò ob rationes allatas in nihilum deberet redigi. Sed expectat Restauratorem, & si tanquam illum Restauratorem expectans consideretur, patet ipsum subsistere debere una cum posteris suis ex quibus nasci debet Restaurator: atque ita necesse esse ut homo post peccatum, conserveat adhuc potestatem diversè movendi omnes corporis partes quarum motus ipsius conservationi possunt conferre.

Fateor equidem homines potestate qua pollent excitandi quosdam motus continuè abuti; potestatemque, exempli gratiâ, qua linguam variè movere possunt, innumerabilium malorum esse causam. Sed si ad rem attendatur potestatem illam omnino necessariam esse ad fovendam societatem, ad sese mutuè erudiendos circa Religionem, quæ istius liberatoris per quem mundus subsistit spem facit, clarè patebit si attentè expendamus quosnam motus possimus in nobis excitare, & in quibus corporis partibus eos excitemus, manifestum erit, Deum eam duntaxat nobis reliquisse potestatem in corpus quæ ad vitam conservandam, societatemque fovendam necessaria est. Palpitatio cordis, exempli gratia, dilatatio diaphragmatis, motus peristalticus viscerum circulatio spirituum & sanguinis, variique nervorum motus in affectibus excitantur in nobis inconsultâ mente. Cum prope iidem semper esse debeant in omnibus casibus; Deus non tenetur eos submittere nunc voluntati hominum. Sed cum motus musculorum ad linguam; crura, & brachia movenda necessariorum, singulis momentis mutari debeant pro varietate propemodum infinita objectorum bonorum, seu malorum quibus circumdamur, istos inquam, motus à voluntate humana pendere necesse fuit.

Jam autem attendendum est Deum semper agere per vias simplicissimas legesque naturæ debere esse generales; cum itaque nos donaverit potestate movendi brachia nostra, & linguam, nobis non debet adimere potestatem percutiendi hominem immeritò aut ipsum calumniis proscindendi. Si enim facultates nostræ naturales penderent à consiliis nostris, nulla esset uniformitas nullaque regula certa in legibus naturæ quæ tamen debent esse simplicissimæ & generalissimæ, ut sapientiâ Divinâ dignæ sint & ordini conformes. Adeò ut Deus sequendo decreta sua, malit facere *non materiale* peccati, ut loqui amant Theologi, aut inservire iniquitati hominum, ut loquitur Propheta, quàm voluntates suas mutare, ad coercenda peccati mala. At ultionem tantiabus disert ad tempus illud quo illibata decretorum immutabilitate po-

rerit illam sumere: hoc est postquam corporibus hominum voluptati addictorum morte corruptis; Deus non amplius obligabitur necessitate quam ipse sibi imposuit ipsis dandi sensationes, & cogitationes quæ ad illud corpus referantur.

O B I E C T I O

CONTRA ARTICULUM UNDECIMUM ET DUODECIMUM.

Peccatum originale hominem non modò corpori & concupiscentiæ motibus mancipat, illum etiam vitijs naturâ suâ omnino spiritualibus replet: Non modò corpus infantis ante baptismum corruptum est, sed ipsa mens, ipsiusque facultates peccato labefactatæ fuerunt. Quamvis corporis rebellio sit principium quorundam vitiorum crassorum ut sunt intemperantia, & impudicitia; non tamen est causa vitiorum merè spiritualium ut superbiæ, & invidiæ: Itaque peccatum originale longè differt à concupiscentia cum qua nascimur; & verisimile est illud consistere in privatione gratiæ, seu justitiæ originalis.

Responsio.

Fateor infantes privari justitiâ originali: Immò id probo ostendendo ipsos non nasci justos, & in Dei odium incurrere. Namque, non potest, opinor, dari, idea clarior justitiæ, & rectitudinis, quàm dicendo voluntatem esse rectam quum amat Deum, acesse inordinatam quum versùs corpora inflectitur. At si per justitiam aut gratiam originalem intelligantur quædam qualitates incognitæ, ijs similes quas Deus dicitur respersisse in mente primi hominis, ad ipsam ornandam & efficiendam acceptam oculis suis; adhuc evidenter patet privationem hujus justitiæ non esse peccatum originale; nam, propriè loquendo ista privatio non transmittitur. Si infantes istis non præditi sunt qualitatibus, id fit quia Deus illas ipsis non impertitur; Si illas ipsis non dat, id fit quia illis indigni sunt. Illa igitur indignitas est quæ transmittitur, quæque causa est privationis justitiæ originalis. Itaque illa indignitas est propriè peccatum originale.

Illa autem indignitas quæ, ut ostendi, consistit in eo quod inclinationes infantium actû sint corruptæ; ipsorum cor versùs corpora sit conversum, illaque ament, est reipsâ in illis: non est imputatio peccati parentis; actû sunt inordinati. Quemadmodum qui in Christo, cujus Adam erat figura, justificantur, non justificantur per imputationem: Actû restituti sunt in ordine per justitiam internam, diversam à justitia Jesu Christi, quamvis Christus ipsis illam meritis sit.

Mens duas tantum habet relationes naturales seu essentielles alteram ad Deum, alteram ad corpus cui unitur. Jam verò relationem seu unionem quam cum Deo habet ipsam corrumpere aut vitiosam efficere

non posse evidenter pater. Ergo eo temporis instanti quo creatur talis non est, nisi per relationem quam habet cum corpore. Itaque necessario dicendum est aut superbiam, & cætera vitia quæ spiritualia appellantur, posse communicari per corpus, aut infantes illis non esse obnoxios nativitatis momento. Dico nativitatis momento; quippe non nego pravos istos habitus posse comparari quàm facillimè. Quamvis puræ intelligentiæ nullam aliam habeant relationem quàm ad Deum, & nativitatis momento nulli vitio essent obnoxia, tamen lapsæ sunt: sed id tantum contigit quia libertate suâ perperam usæ sunt; jam autem infantes libertate neutiquàm utuntur, nam peccatum originale non est liberum.

Verum, ad rem, illos hallucinari arbitror, qui existimant rebellionem corporis duntaxat causam esse vitiorum crassorum, quales sunt intemperantia, & impudicitia; non verò illorum quæ spirituoia dicuntur: ut sunt, superbia, & invidia, ac pro certo habeo tantam esse analogiam inter dispositiones cerebri nostri, & dispositiones mentis nostræ, ut nullus fortè sit malus habitus in mente, qui suum non mutetur principium à corpore.

Gal. 5. Divus Paulus in multis Epistolarum locis appellat legem carnis, sapientiam carnis, desideria carnis, & opera carnis, quicquid contrarium est legi spiritus: vitiorum spiritualium nullam habet mentionem: idololatriam, hæreses, dissensiones, & multa alia vitia quæ spiritualia dicuntur, inter opera carnis refert, sese vanæ gloriæ, iræ, invidiæ, permittere, est secundum ipsum, sequi motus carnis. Denique ex istius Apostoli verbis pater omne peccatum originem suam ex carne ducere; non quòd caro illud admittat; aut quòd spiritus hominis, sine gratia, aut sine spiritu Jesu Christi bonum faciat; sed quia caro ita agit in mentem hominis, ut ea nihil mali perpetret, quin ad id à carne fuerit prius instimulata. Sic loquitur Paulus in Epistola ad Romanos. *Delector lege Dei quoad interiorem hominem. Sed video aliam Legem in membris meis belligerantem adversus legem mentis meæ, & captivum reddentem me Legi peccati, quæ est in membris meis.* Et paulò inferius, *Ipse ego mente quidem servio Legi Dei, carne verò Legi peccati.* Sic in multis aliis Epistolarum locis loquitur. Itaque concupiscentia, aut rebellio corporis non fert modò ad vitia quæ carnalia seu impura dicuntur, sed præterea ad ea quæ spiritualia existimantur. Id modo sensibili probare conabor.

Rom. 7.

Quum quis in aliquo mundanorum cœtu fortuitò occurrit, in ipsius cerebro vestigia mechanicè imprimi, & in spiritibus animalibus motus, qui in ipsius mente gignunt cogitationes, & inclinationes pravæ, excitari certum mihi videtur. Tunc temporis cogitationes nostræ non sunt naturaliter conformes veritati, nec inclinationes ordini. In nobis propter corporis & vitæ præsentis bonum nascuntur, quia à corpore excitantur; Itaque Dei præsentiam, cogitationemque de officio nostro à nobis eliminant: Atque eò duntaxat tendunt ut cæterorum hominum amicitia & existimatione digni habeamur. Arcana igitur illa su-

perbia quæ tum in nobis excitatur, est vitium spirituale, cujus principium est rebellio corporis.

Exempli gratiâ, si homines in quorum conspectu adstamus, ad aliquam dignitatem sint provecti, ipsorum Majestatis fulgore perstringimur, & percellimur: Ut vestigia ad ipsorum præsentiam cerebro nostro impressa, nonnunquam sunt maxima, motûsque vividissimi; vestigia illa toti corpori, ut ita dicam, illucescunt; per faciem diffunduntur; atque in nobis venerationem, timorem, omnesque mentis nostræ affectiones abditissimas manifestò retegunt; Dein vestigia illa per characteres illos sensibiles motuum internorum mentis nostræ, agunt etiam in hominem illum coram quo adstamus & cujus occasione omnes illi motûs fuere excitati: In illo pariunt dispositiones ad mansuetudinem, & comitatem, ope vestigiorum quæ habitus noster venerabundus, seu timidus ipsius cerebro mechanicè insculpunt; illa autem vestigia in illius cerebro, modo quo dixi, excitata, in ipsius faciem transmissa, delent in ipsa Majestatem illam quæ primo intuitu sese conspiciendam præbuerat, & totum ejus corpus eo informant habitu quo terror è nobis excutitur, cui succedit confidentia. Itaque post multos characterum illorum sensibilibum repercussus, multasque transmissiones, eam denique in habitu nostro induimus speciem, eamque agendi rationem instituimus quæ optimati illi allubescit.

Jam autem cum omnes spirituum animalium motûs cum motibus mentis sint conjuncti, & vestigia cerebri cogitationibus mentis sint comitata. Manifestum est nos ut potè privatos potestate delendi illa vestigia, & sistendi illos motûs ad id, præsentia illius qui nobis imperat adigi, ut in omnes ipsius sententias, & voluntates descendamus, ipsique toti adhærescamus; quemadmodum ille ad id fertur ut sese nobis adjungat, licet modo planè diverso. Atque hanc ob causam consuetudo cum mundanis superbix concupiscentiam excitat & auget; quemadmodum consuetudines impuræ, cupediæ, voluptatum sensuum usurpatio, augent concupiscentiam carnis. Quod ad Ethicam observare admodum necesse est.

Utilissimum est dari in cerebro vestigia quæ hominem sibi metipso indefinenter repræsentent, ut sui curam gerat; utilissimum quoque est alia dari vestigia quæ formandæ & fovendæ societati inserviant, cum homines non nati sint ut solitariè vivant: sed ex quo illa vestigia delendi, pro lubitû, ac ubi expediret, potestatem amisit homo, ab ijs continuò ad malum instigatur. Cum non possit quin semetipsum sibi metipso perpetuò repræsentet, ad superbix, & vanitatis motûs, ad alios aspernandos, ad omnia in sui bonum vertenda indefinenter incitatur: & cum non sit arbiter vestigiorum quibus ad fovendam cum aliis societatem sollicitatur; obsequii, adulationis, invidiæ, & similium affectuum motibus, invitus agitur. Itaque illa omnia vitia quæ spiritualia dicuntur à carne oriuntur, æquæ ac impudicitia, & intemperantia.

Non modò sunt in cerebro nostro dispositiones quæ in nobis excitant sensus, & motus tendentes ad propagationem speciei, & conservationem vitæ; fortè etiam plures sunt quæ excitant in nobis cogitationes, & affectus, relatè ad societatem, & ad vitæ nostræ nec non amicorum tranquillitatem, ac securitatem stabiliendam. Omnibus corporibus nos ambientibus naturâ unimur, & per illa corpora omnibus rebus quæ ad nos aliquatenus referuntur. Jam autem non possumus iis uniri nisi per certas dispositiones in cerebro existentes. Cùm itaque non possimus impedire actionem illarum dispositionum naturalium, unio nostra vertitur in dependentiam, & per corpus nostrum obnoxij sumus omni vitiorum generi.

Non sumus puræ intelligentiæ: omnes mentis nostræ dispositiones quasdam in corpore producant etiam dispositiones, sicut dispositiones corporis excitant etiam pares dispositiones in mente, credendum tamen non est mentem nihil omnino posse accipere nisi per corpus; sed id fit quia quandiu ipsi unitur, nullas suscipere potest mutationes in suis modificationibus quin corpus ipsum quasdam etiam recipiat. Potest equidem illuminari aut excipere novas ideas, corpore eas nil participante; sed id fit, quia ideæ puræ non sunt modificationes mentis, ut id alibi probavi: hic non loquor de ideis sensibilibus, illæ enim ideæ includunt sensationem; jam autem omnis sensatio est modificatio mentis,

SECUNDA OBIECTIO.

CONTRA ARTICULUM UNDECIMUM ET DUODECIMUM.

Si peccatum originale transmittitur propter communicationem inter cerebrum matris & cerebrum infantis, mater est causa peccati, Pater verò nullas hic partes agit. Paulus tamen nos docet, per hominem peccatum introivisse in mundum: ne loquitur quidem de muliere, Ergo &c.

Sicut per unum hominem peccatum introivit in mundum.
Rom. 5.

Responsio.

In iniquitate conceptus sum & in peccatis concepit me mater mea.
Psalm. 51.
Amuliere: nitiū factū est peccati per illam omnes mortui.

David se à matre, in iniquitate conceptum fuisse asserit, & Ecclesiasticus dicit, peccatum à muliere esse oriundum ac per illam nos omnes morti obnoxios esse. Neuter de homine verba facit. D. Paulus contra dicit peccatum intrasse in mundum per hominem, de muliere mentionem nullam agit. Qui conciliabuntur istæc testimonia; & uter amborum excusari deberet, si alterutrum excusare necesse esset? In sermone vulgari nunquam mulieri tribuitur res quæ ad ipsam nullo modo spectat, quæque tota est hominis; sed sæpè homini tribuitur quod spectat ad mulierem, quia homo est caput & dominus mulieris. Videmus Evangelistas & ipsam Beatam Virginem appellare Divum Josephum Patrem Jesu Christi, cum illa

illa

illa dicit filio suo; *Ecce pater tuus, & ego dolentes querebamus te.* Cùm ita *Luc. 2. 48.* que Scriptura Sacra asserat nos per mulierem obnoxios esse morti & peccato; credere omnino necesse est, nec potest in hominem rejici: sed quamvis in aliis locis asserat per hominem peccatum intrasse in mundum id credendi non tanta incumbit necessitas, cùm id quod est mulieris homini tribui possit: ac si per fidem hominem aut mulierem excusare teneremur, hominem potius quàm mulierem excusare rationi magis consentaneum esset.

Existimo tamen locos supra laudatos ad literam esse explicandos, ac dicendum hominem & mulierem veras esse peccati causas, sed quemque suo modo: mulier, in eo quod per illam peccatum communicatur, sicut per illam homo gignit liberos: & homo, quia ipsius peccatum est causa concupiscentiæ, ut ipsius actio est causa fecunditatis mulieris, aut communicationis quæ est inter matrem & infantem.

Certè homo est qui mulierem secundam facit, ac ipse per consequens causa est communicationis quæ inter corpus matris & corpus infantis deprehenditur, cùm ista communicatio sit principium vitæ infantium. Ista autem communicatio non modò corporibus infantium dat dispositiones corporis matris, ipsorum etiam menti dat dispositiones mentis matris: Ergo dici potest per unum hominem peccatum introivisse in mundum, ut dixit Paulus; sed nihilominus propter illam communicationem dicendum quoque est, *peccatum oriri ex muliere*, per eam, *nos omnes obnoxios esse morti & matrem nostram nos concepisse in iniquitate*, ut id in aliis Scripturæ locis dicitur.

Dicet fortè aliquis, etsi homo non peccasset mulierem tamen semper parituram fuisse liberos peccatores: cùm enim ipsa peccasset, potestatem amiserat quam Deus ipsi in corpus concesserat, atque ita licet homo justus permanisset, cerebrum, & proinde mentem infantis ipsa corruptisset, propter communicationem quam cum ipso habebat.

Certè id vero simile non videtur; Cùm enim homo justus, nihil faciat nisi sapienter, & consultò, non potest dare mulieri miseram illam fecunditatem gignendi liberos peccatores. Si justus perstet, liberos non vult habere nisi propter Deum, jam verò liberi peccatores nunquam possunt esse accepti Deo, nullum enim hic suppono mediatorem. Volo tamen, re sic positâ, matrimonium semper substituisse, hominemque uxorem cognovisse. Sed omnino certum est corpus uxoris ad maritum pertinuisse; illius corpus ex corpore mariti eductum fuerat; *duo erant in carne una.* Certum quoque est liberos æque pertinere ad patrem ac ad matrem. Hoc posito non possum mihi persuadere foeminam post peccatum suum fuisse amissuram potestatem in corpus, nisi maritus æque ac illa peccasset. Illud in natura ordini repugnasset; scilicet hominem justum habuisse corpus corruptum & liberos peccatores. Jam autem est contra ordinem, seu potivè contradictorium est; Deum justum animadvertere in hominem in integritate perfecta versantem. Hanc ob causam Eva statim post peccatum nullos

sentit motus involuntarios & rebelles; ipsam nondum pudet nuditatis suæ; latebras nondum quærit: quin immò ad maritum licet ut ipsa nudum accedit; ipsius oculi nondum sunt apperti; absoluto sicut antea imperio utitur in corpus. Ordo postulabat ut statim post peccatum, ipsius mens ob rebellionem corporis, & ob suam, & mariti nuditatem turbaretur; justum enim non erat Deum ulterius suspendere leges communicationis motuum in ipsius gratiam, ut dixi articulo septimo. Sed verò quia ipsius corpus pertinet ad conjugem, & ipsius conjux adhuc innocens est; non punitur in illo corpore; pœna differtur donec ipse conjux comederit de fructu sibi ab ipsa oblato. Tum uterque sensit corporis rebellionem; nuditatem suam deprehendit, & præ pudore ad tegumenta è foliis ficus confugit. Dicendum itaque est Adamum veram esse causam peccati originalis & concupiscentiæ; cum ipsius peccatum privavit uxorem, æquè ac ipsam potestate quam in corpus exercebant. Cumque illa potestate deficiente mulier producat in cerebro infantis vestigia quæ mentem simul ac creatur corrumunt.

O B I E C T I O

CONTRA ARTICULUM DUODECIMUM.

Dicere communicationem cerebri matris cum cerebro infantis esse necessariam aut utilem conformationi fœtus nihil aliud est quàm divinare; nulla enim est communicatio inter cerebrum gallinæ, & cerebrum pullorum, pulli tamen optimè conformantur.

Responsio.

Respondco me capite septimo secundi Libri satis demonstrasse istam communicationem, dum illâ utor ad explicandam generationem monstrorum, & ad explicanda quædam stigmata, & quasdam formidines naturales. Namque evidenter patet hominem qui animo linquitur ad conspectum colubri, quia mater ipsius dum ipsum utero gereret hoc reptili territa est; hac infirmitate laborare duntaxat quia in ipsius cerebro olim formata fuere vestigia ijs similia, quæ aperiuntur dum videt colubrum, istaque vestigia simili deliquio comitata fuisse. Hic itaque non divino, quippe qua in re præcisè consistat hæc communicatio determinare non satago. Possem dicere illam fieri per radices quas fœtus pellit in uterum matris, & per nervos quibus illa pars matris, verisimiliter, plena est. Atque hac in re non magis divinarem quàm homo, qui nunquam visis * Samaritanæ machinis, assereret ibi esse rotas & antlias hydraulicas quibus aqua elevetur. Credo tamen nonnunquam licere divinare, dummodò Prophetiæ munus nobis non vindicemus, ac nimis confidenter non loquamur. Credo cuique licere suam aperire mentem, dummodò sibi ἀναμαρτυρίαν non arroget, ac de-

* La Samaritaine sur le Pont neuf à Paris.

cisivis loquendi modis seu ope nonnullorum terminorum, falsam eruditionem arguentium, dominium in aliorum mentem non usurpet. Is non semper divinat, qui res profert quæ sub oculos non cadunt, quæque præjudicijs adversantur: dummodo ea quæ dicuntur clarè possint intelligi, & mentem cujuslibet viri cordati & attentæ facile subeant.

Dico igitur, positæ legibus generalibus communicationis motuum quales sunt, admodum verisimile esse communicationem specialem cerebri matris cum cerebro infantis necessariam esse, ut corpus hujus ritè informetur: aut saltem illam communicationem esse necessariam, ut cerebrum infantis recipiat certas quasdam dispositiones, quæ pro temporibus & regionibus mutari debent, ut in eodem capite explicui.

Fateor equidem nullam esse communicationem inter cerebrum gallinæ, & cerebrum pulli qui formatur in ovo, & nihilo secius corpus pullorum optimè conformari: sed animadvertendum est sedulò pullum ad perfectionem longè magis accedere in ovo, dum mater illud parit, quàm fœtum, dum descendit in uterum. Rem sic se habere credendum est, cum longè minus temporis spatium requiratur ut ova excludantur, quàm ut catuli, exempli gratia, prodeant in lucem: quamvis, utero canis calidissimo existentes, ac ipsius sanguine perpetuo motu agitato, catuli citius formari deberent quàm pulli excludi, nisi pulli in ovis essent grandiores catulis in suis germinibus. Jam autem admodum verisimile est hanc formationem pulli in ovo antequam à gallina partum fuerit, factam fuisse ope istius communicationis de qua mentio est.

Respondeo secundò incrementum corporis avium forsan esse magis conforme legibus generalibus motûs, quàm incrementum quadrupedum; & sic communicationem cerebri matris cum cerebro pullorum æquè necessariam non esse in avibus ac in cæteris animalibus. Illa enim communicatio videtur necessaria, ut legum generalium defectui occurratur, quæ in nonnullis casibus specialibus non sufficiunt ad formationem & incrementum animalium.

Denique respondeo necessarium non esse ad conservationem vitæ avium, totidem esse dispositiones speciales in ipsarum cerebro quot in cerebro cæterorum animalium: habent alas quibus malum fugere, & in prædam involare possint: Non indigent omnibus illis organis specialibus à quibus pendent industria & docilitas quorundam animalium domesticorum. Unde fit ut matri non opus sit, ipsa formando, multa ipsa docere, aut ad id apta reddere ut dispositione cerebri ad docilitatem idoneâ, plurima possint addiscere. Qui canes juvenes venari docent multos sæpe reperiunt qui naturâ & sponte prædæ deprehensæ accubent, propter institutionem à matre acceptam, quæ sæpe venata erat dum fœta esset: Aliquod semper observatur discrimen inter progenies illorum animalium, quædam sunt dociliora ac imperia facilius observant quàm alia ejusdem speciei. Sed non putem ullam unquam extitisse avem, quæ aliquid inusitati edocuerit pul-

los suos, ac ullam unquam gallinam, exempli gratia, ullum peperisse pullum qui aliud posset agere quàm id quod pulli sponte agere solent. Aves igitur non sunt æquè dociles & disciplinæ capaces ac cætera animalia. Dispositio ipsorum cerebri non potest ut plurimum multas suscipere mutationes; Nam agunt per imitationem æquè ac quædam animalia domestica. Anates tenellæ quas gallina alit, non expectant ipsius exemplum, ut in aquam immergantur. Ac contrà pulli natere non addiscunt, quamvis anas quæ ipsis incubavit, easque ducit, indefinenter natet. Sed sunt animalia quæ facillè & promptè imitantur motûs extraordinarios quos ab alijs fieri vident: Non est tamen quòd quis putet me à quoquam exigere ut his postremis à me cogitatis innitatur; hæc ad intentum meum non sunt necessaria.

SECUNDA OBIECTIO

CONTRA ARTICULUM DUODECIMUM.

Afferere matrem ante peccatum potuisse uti aliquo commercio cum foetu, iterum est divinare, nulla enim est necessaria relatio inter cogitationes nostras & motûs qui in cerebro nostro excitantur. Itaque illa communicatio cerebri matris cum cerebro infantis est inutilis.

Responsio.

Sine illa communicatione infantem nisi miraculo speciali non potuisse habere commercium cum matre, nec matrem cum infante evidenter patet. Jam autem ante peccatum ordo exigebat matrem mone-ri de omnibus necessitatibus corporis infantis, infantemque non ignorare quibus vinculis parentibus esset devinctus. Ergò cum omnia in ordine versari debuissent ante peccatum, Deus modo ordini conformi semper agat, mater & infans aliquod inter se habuissent commercium ope illius communicationis.

Cap. 2. part. Ut intelligamus qua in re commercium illud potuisset consistere, attendendum est vestigiorum cerebri cum ideis mentis vinculum multifariam posse fieri, aut per naturam, aut per voluntatem hominum, aut aliquo alio modo, ut id explicui in secundo Libro.

Dum quadratum, seu hominis cujuscumque dolore quodam affecti habitum externum consideramus tum quadrati, vel hominis dolentis ideam habemus in mente. Id apud omnes gentes generale est & vinculum illud inter has ideas & hæc vestigia est naturale. Dum Gallus aliquis audit pronuntiari aut legit vocabulum illud (*quadratum*) habet eodem tempore etiam ideam quadrati: sed vinculum inter sonum, seu characteres hujus vocabuli, & ipsius ideam, nequaquam est naturale, nec est generale apud omnes homines. Dico igitur matrem & infantem naturaliter habituros commercium inter se circa omnia quæ pos-

sunt repræsentari menti per vincula naturalia. Si mater, exempli gratiâ, unum vidisset quadratum, illud etiam vidisset infans, si infans imaginatus fuisset aliquam figuram, excitasset etiam vestigium ejusdem figuræ in imaginatione matris. Sed mater & infans nullum naturaliter inter se habuissent commercium circa res merè spirituales, immò nec circa res corporeas, quum eas nullo admissio sensuum & imaginationis usu concepissent. Mater potuisset cogitare de Deo, audivisset seu legisset verbum illud (*quadratum*) nec tamen infans cognovisset qua de re illa cogitavisset, nisi succedente tempore, cum ipso novum id earum intellectualium commercium instituere potuisset, quemadmodum penè agere solent nutrices cum infantibus loquendi rationem docent. Hæc explico, & probò.

Explicatione à me traditâ causæ conversationum hæreditariarum, & stigmatum quorundam naturalium, vestigia matrum infantibus communicari jam satis probasse mihi videor. Jam autem vestigia rerum corporearum inseparabilia sunt ab ipsarum ideis. Ergò illæ idæ etiam communicantur, atque infantes eadem vident, sentiunt & imaginantur quæ matres. Nunc inviti sentiunt eadem ac matres; sed si non essent peccatores possent impedire, quotiescunque vellent, effectum communicationis quam habent cum matribus. Possent etiam excitare in proprio cerebro vestigia quæ ab illis acceperant; eandem ob rationem ob quam quilibet imaginamur, cum vividioribus non agitur motibus. Hoc posito, evidenter patet matrem, dum infanti accuratè attenderet posse cognoscere quodam percussu an reciperet nec ne impressionem quam ipsa in illo excitaret, immò cætera de quibus ille cogitaret; quemadmodum enim mater non posset commovere fibras cerebri sui, quin fibræ cerebri infantis inde impressionem acciperent; infans quoque non posset sistere illam commotionem, aut aliam excitare, quin de illa mater commoveretur levi aliqua impressione; dummodò ad rem seriò attenderet potestate qua valeret alium quemvis sedandi tumultum diversum ab eo quem infans in ipsa excitaret. Itaque fatendum est matrem & infantem fuisse habituros inter se aliquod commercium ante peccatum, aut neganda est relatio cerebri unius cum cerebro alterius, aut imperium mentis in corpus; quale illud antea statui. Id evidens, videtur, quicquid regeant imaginatio & præjudicia. Verum equidem est commercium illud duntaxat circa ea quæ sensus & imaginationem feriunt fuisse futurum. Cum infantes matribus per corpus duntaxat uniantur, haud necesse est illos ipsarum ope alias accipere ideas quàm objectorum sensibilium. Cum enim ipsorum mens arctè cum Deo uniatur, si peccati immunes spectentur, omnes ideas nullam ad Deum relationem habentes à Deo immediatè accipiunt. Sed quia paulatim idæ maximè abstractæ rebus sensibilibus quæ ad illas ideas nullo modo referuntur possunt alligari, commercium matrum cum infantibus ad res etiam maximè spirituales, ut ve-

risimile est, extensum fuisset, si super his sermones inter se conferere conati fuissent.

Non me latet istæc plerisque hominibus probatum non iri, ac futurum esse ut ij etiam qui adversus præjudicia & impressionum sensibilibium impetum perpetuò renituntur tam novâ & inaudita cogitatione obstupefiant. Sed si seriò attendatur ad modum quo magister instruit discipulum; quot varias adhibere debeat rationes docendi ut ipsi ideas suas de rebus notas faciat, quibus utatur comparationibus ad eas illustrandas, quæ judicia de ijs ferat, & cæteras mentis dispositiones respectu illarum idearum; inde nullo negotio patebit magis longè facilius posse aperire cogitationes & dispositiones internas infantibus, quàm magistros discipulis suis; posito duntaxat vestigia cerebri matrum imprimi cerebro infantium, quod ex supra dictis evidenter patet. Etenim manifestum est voces seu loquelam & omnia signa externa quibus utimur ad aperiendas cogitationes nostras aliis hominibus, suum nancisci effectum, quia duntaxat eadem cerebro auditorum imprimunt vestigia, easdemque excitant spirituum commotiones, quæ comitari solent ideas nostras & dispositionem internam ipsorum respectu.

O B I E C T I O

CONTRA ARTICULUM DECIMUM SEPTIMUM ET SEQUENTES.

Infantes in Baptismo motibus actualibus voluntatis suæ versùs Deum justificari sine temeritate non possunt dici. Novæ opiniones non sunt vulgandæ; Id nihil nisi turbas excitat.

Responsio.

Fateor positivè asserendum non esse infantes justificari actibus formalibus ipsorum voluntatis. Id certò sciri non credo, jam autem nihil positivè asserendum quàm quod pro certo constat. Sed quia plures æquo sunt homines quia ad id proclives sunt ut credât justificationem infantium esse tantùm externam & per imputationem, quia, inquiunt, nullum possunt formare actû amoris Dei; non abs re fore existimo si ipsis ostendam ipsos istam opinionem ex præjudicio duntaxat defendere. Talia enim sunt puerorum præjudicia erga infantes, ut vulgò autument ipsos in sinu materno & per primos infantiae annos neutiquàm cogitare, immò cogitandi nequaquam capaces esse. Credunt ipsos nòdum ullas rerum ideas habere apud se ipsos; Magistros ipsis illas ideas inter colloquia ingenerare; ipsorumque inclinationes, si quas habeant ejusdem non esse naturæ ac nostras, nec posse ipsos ad summum usque bonum eve-

here. Plerique non distinctè concipiunt mentem infantium similem esse adultorum; ipsam instar corporis non corroborari nec ad perfectionem gradatim tendere; ipsamque, si per unicum temporis momentum ab impressione corporis expediretur, ac delectatione gratiæ afficeretur, eo momento fore magis illuminatam & puram quàm mens Illustrissimorum sanctorum, qui in mente & corde semper quosdam sentiunt concupiscentiæ effectus.

Concupiscentia vulgò habetur quasi esset naturalis; nec semper satis attendunt homines illam esse peccati sequelam. Hoc freti præjudicio stupiditatem infantium ex corporis infirmitate, ætatis teneritudine, & etiam ex mentis imbecillitate necessariò sequi incauti existimant. Jam autem illud judicium seu potiùs præjudicium ipsorum menti semper præsens adest, ac ipsam ita prævertit ut rem in seipsa examinare nequeat. Qui itaque de Baptismi effectû superioribus sæculis egerunt, infantium regenerationem per motûs actuales ipsorum cordis non exposuerunt, non quod validis adducti argumentis rem crediderint impossibilem; nam ex ipsorum operibus nequidem liquet ipsos ad rem eam examinandam se accinxisse. Sed (ut satis superque patet) quia rem sic supposuerunt, nec ipsis forsan in mentem venerit illam in dubium vocandi: vel forsan quia explicationem præjudiciis vulgò receptis adversantem tradere noluerunt, eo præcipuè tempore quo præjudiciis eâ quâ nunc fit strenuitate non vale dicebatur.

Sed si attendatur ad necessitatem quæ incumbit tradendi explicationem magis præcisam eâ quàm, exempli gratiâ, tradit Augustinus in quibusdam locis, quæ * imputationi faver, quamvis ipsi favere non *
videatur. Si attendamus imputationem esse oppidò commodam; atque
eo consilio admissam fuisse à quibusdam priscis Theologis valdè Ortho-
docis, immò eam esse absolutè necessariam iis qui, licèt nullo allato
valido argumento, habitûs in mente negant, quibus satisfacere for-
san operæ pretium foret. Denique si æquitatis naturalis quæ secreta
animi proposita & intentiones damnare vetat ratio habeatur, id quod
dico forsan verisimile non judicabitur. Sed tamen haud credo quem-
quam ægrè ferre quòd id dicam, atque hoc pacto ingeniis etiam mo-
rosissimis super difficultatibus quas circa peccatum originale habent
coner satisfacere.

* l. i. de nup.
c. 25 26. 27.
in Jul. l. 6 c.
19. & alibi.
* Ep. 23. l. de
peccatorum
mentis cap.
19. & alibi.

ILLUSTRATIO

ad Tertium Caput Tertiæ Partis Secundi Libri.

In quo de vi imaginationis Auctorum ac præcipuè de Tertulliano agebam.

CUM generalius fecundiusque errorum quibus scientiæ ac præcipuè Ethica laborant principium in impressione imaginationum vividarum in mentem hominum qui mechanicè potiùs quàm rationis ductu agunt petitum esse pro comperto habeam; operæ pretium me facturum existimavi, si hanc veritatem rationibus ad excutiendam hominum veterem circa illam impressionem aptissimis patefacerem. Quia autem exempla ac ea præcipuè magna & extraordinaria nos efficaciter movent; existimavi illustria Tertulliani, Senecæ & D. Montagne attentionem excitatura ac imperium illud contagiosum imaginationis in rationem evidenter cuilibet esse demonstratura. Etenim voces mortuæ, nec habitû externo ac specie sensibili istorum Auctorum celebrium animatæ, plus adhuc valent ratione plurimorum, si vel ipse elocutionis modus qui non nisi debili modo adumbrat actionem sensibilem quam imaginatio vividè diffundit per vultum & per totum corpus eorum quibus ea quæ dicunt sunt altâ mente reposita, innumeros homines possunt agitare, penetrare, & convincere; certè fatendum est maximè periculosum esse auscultare cum attentione & veneratione homines quorum imaginatio est fortis & vivida: ipsorum enim species externa loquendi modus & gestus modo invictò imaginationem alloquuntur. Dictis suis tantam affundunt vivacitatem, ut affectûs & sensûs ad defectionem à ratione penè semper concitent, ac in adstantes convictionem & persuasionem ut ita dicam afflent.

Præferam equidem, me insignia hæc afferendo exempla, nihil impetraturum ab iis quos trium illustrium Auctorum lectio in admirationem & stuporem olim rapuisset. Qui enim tantillum in hominis cognitione versati sunt, vulnera cerebri difficiliùs curari probè norunt quàm vulnera cæterarum corporis partium; ac vulnus nullius corporis externi impulsu exacerbatur longè faciliùs claudi, quàm omninò excuti quædam præjudicia rationibus admodum verisimilibus perpetuò confirmata.

Vestigia cerebri omninò claudere admodum difficile est, quia spirituum cursui exponuntur, ac innumeris aliis vestigiis, ut ita dicam, adventitiis indefinenter possunt renovari. Ejusmodi vulnera non possunt ut plurimum curari aut constringi, nisi postquam cerebrum alia accepit magis profunda ac prioribus opposita: tunc enim vehemens

&

& perpetua sit revulsio in spiritibus. Credendum non est præjudicium omninò obsolevisse, statim atque illud actû non agit in mentem nostram : præjudicium omninò obsoletum est duntaxat ubi vestigium planè deletum fuit ; non verò statim atque spiritus ob specialem aliquam causam per illud vestigium cursum suum non amplius dirigunt.

Eos igitur qui impetu & motibus Tertulliani fracti & obstupefacti, grandiloquentiâ & leporibus Senecæ abrepti ac perstricti, liberis & ingenuis loquendi modis D. Montagne pellesti & labefacti fuerant, lectis aliquot Libri mei paginis sententiam non deserturos esse, optimè equidem noveram. Quin immò judicabam fore ut ægrè ferrent quod fucum ipsis ab illis authoribus factum detrudere conatus essem.

Quia verò sperabam illa exempla ad propositum meum ob rationes suprâ memoratas factura esse, credidi satius me facturum si quorundam virorum cordatorum apud quos præjudicia non valent utilitati consulerem, quàm si nonnullis, quibus libertas mea poterit displicere, molliter indulgerem. Apud me reputabam paucos esse in gratiam illorum Authorum ita præoccupatos ut rationis admonitiones non possent amplius exaudire. Denique existimabam etiam pervicacissimos mihi in quibusdam assensuros, quia nemo forsan est qui pari erga tres illos Authores ducatur studio & existimatione; ob diversum imaginationis, ut ita dicam, genium & characterem istorum Authorum.

Non me latet opera Tertulliani maxima veneratione digna esse tum propter res de quibus agit tum propter approbationem virorum qui periti rerum æstimatores haberi debent. Atque me erga illum sic affectum esse satis ostendi per ea quæ de illo Authore dixi, non secus ac per Tractatum quem elegi ut de ipso liberiùs mentem meam aperirem; nam de hoc uno tractatû libere loquutus sum, quamvis alij ejusdè Authoris extent qui ad intentum meum magis forsan fecissent:

Sed quicquid sit haud putem tempus ullam rerum ideis afferre immutationem ipsâsque augere. Quicquid antiquum est non est venerabile; nec falsæ rationes & ineptiæ ullam apud nos habere debent pondus, quia diu ante nos extiterunt. Haud credo affectatas obscuritates debere admitti ut mysteria sacrâ; imaginationis subfultim gradientis igniculi instar lucis splendentis habendi non sunt, nec nimii Africani cœli æstus ferventè iam sponte suâ hominem agitantés censendi sunt motus spiritus Prophetici, qui nihil præter veritates sublimes potest revelare.

Scio equidem, eos etiam qui opera Tertulliani maximè exosculantur hæc omnia non diffiteri, ac æqui nimis observantes esse ut imaginationis deliria adversus rationem turentur. Sed forsan similes sunt ijs viris quibus judicium equidem non dèest quique veritatem ad damant, sed tamen modis sensibilibus alliciuntur. Persæpè incidi

in nonnullos, quibusdam vividis & energicis Tertulliani loquendi modis ita fasciatis, ut, postquam ipsis Authorem illum parvi esse iudicii & à ratione sæpe abhorrere demonstraveram; locos illos ipsis adeò gratos ad nauseam usque mihi oggerent, illorum elegantiam me decipere & pellicere conantes.

Fateor apud Tertullianum occurrere loquendi formulas energicas & audaces, quæ imagines vividissimas in mente imprimunt. Nec aliam ob causam illo usus sum, ut exemplo quo ostenderem imaginationes fortes multum valere ad agitandum & convincendum per impressionem. Qui itaque hæc mihi obijciunt, sententiam meam confirmant non impugnant. Præoccupatio & existimatio quæ erga Tertullianum ducuntur causæ meæ favet. Tot loci ab illis frequenter citati, & sesquipedalia verba quæ de illo Authore afferunt, dicta mea comprobant. Nam in colloquijs mutuis nunquam ferè citantur rationationes integræ alicujus auctoris; sed sæpissimè proferuntur phrasæ vividæ & energicæ, ut impressione sensibili perstringatur & commoveatur auditor.

Nec est opinor, quod quis credat me hîc velle censorem agere tot illustrium virorum, qui perpetuò Tertullianum laudant & in cathedra & in aliis locis. Id agunt suis adducti rationibus quas penetrare meum non est. Quæ de illo auctore dixi mihi videntur evidentia, quisque pro lumine suo suas eliciat consequentias, nec mihi cogitationes affingat quæ meæ haudquaquam sunt. Qui in aliorum mentem penitus introspicere satagunt, sibi sæpe efformant phantasmata sibi ipsis duntaxat similia. Quippe cogitationum nostrarum malignitatem in alios, ut ita dicam, transfundere solemus. De omnibus relatè ad nos judicamus; ac qui me hîc vituperant sese fortasse licèt incogitanter vituperant, sed si demum, quid de Tertulliani citationibus sentiam, palam proferre expediat; Fateor illum auctorem multis de causis jure merito citari; immò id persæpè admodum utile esse, ad clarius oculis obijciendas quasdam veritates praxeos, quæ steriles sunt & inanes, quandiu in rationis intimo remanent, nec excitant motus contrarios iis quos in nobis excitare solent bona corporea.

Haud tamen improbare possum illorum sententiam qui existimant authores dum citantur non debere designari nomine suo, nisi quum illi authores sunt *ἀναγνώστῳ*; ac neminem unquam debere citari, si eas excipias res quæ ratione non nituntur, aut in quibus auctoritas locum habet. Talis fuit olim Patrum consuetudo. Divus Cyprianus nunquam citavit Tertullianum quamvis de illo multa hauserit, ac si id quod B. Hieronymus, de illo sancto Episcopo à quodam audivisse refert, verum sit; nempe sanctum Cyprianum Tertullianum ipsum vocare solitum fuisse magistrum suum; si inquam, id verum sit; certè aut nomen Tertulliani non magnâ pollebat authori-

tate, aut ipsius verba non ea erant efficacitate quâ nunc sunt, Aut denique Divus Cyprianus temporis sui consuetudini admodum religiosè adhærebat: res enim stupenda est ejusmodi discipulum de magistro suo non esse loquutum in ullo ex operibus suis.

Hac Divi Hieronimi historiâ ij plerunque utuntur qui pro Tertulliano pugnare volunt; ac non defuere qui mihi dicerent me prudenter non agere tam liberè loquendo de viro quem Cyprianus appellabat magistrum suum. Sed profectò vereor B. Hieronymum fuisse nimis credulum circa ea quæ Tertulliano erant gloriosa. Ipsi nimis indulgere videtur; cùm ipsius lapsum aliquatenus excusaverit, ipsius hæresin in Clericorum Romanæ Ecclesiæ invidiam & contumelias rejiciens. Sed si illa historia quam B. Hieronymus ut solo unius hominis testimonio fretam narrat, vera sit fateor me non satis assensu causam tam alti silentij B. Cypriani circa Tertullianum. Silentium illud discipuli mysterium aliquod Magistro nequaquam honorificum premere videtur: Ac si historia æque ac opera Tertulliani satis non ostenderent ipsum omnino dignum ingenti illa existimatione qua multi illum colunt; nescio an tota Divi Cypriani erga Tertullianum agendi ratio, ipsius silentium, stylus, cæteraque indicia externa non sufficerent ad minuendam illam existimationem; & ad persuadendum multis famam Tertulliani forsan non ita floruisse in ipsa Africa, quæ tamen ipsi potius favere debebat quàm regio æquè temperata ac nostra Gallia.

Invidia pestis & contumeliis Clericorum Romane Ecclesiæ. ad Montan. ni dogma delapsus in multis libris nova Prophetia meminit. Hieron. in Catalogo de Script. Eccl.

Gallia & Africa ingenia producant longè diversa. Cùm Gallorum ingenium sit ingenuum, naturæ & rationis amicum, ab affectatis, & scenicis abhorrens modis, mirū est apud eos reperiri homines qui Authorē naturæ adeò imperitum & à natura adeò recedentem, quique rationem quam solam consulere deberet negligens abrupto imaginationis impetu in voces per obscuras, portentosas, & omnem rationem modumque excedentes diffunditur, tot efferant laudibus.

Sed id forsan accidit quia imaginatio tantum valet ut rationem debilitet naturamque ipsam mutet. Reverâ homo aliquo motu percitus nos turbat, situmque naturalem imaginationis nostræ mutat, ut illam suæ similem efficiat. Tunc verò nullus est motus qui non videatur naturæ conformis, nulla vox quæ non arrideat, nulla tam futilis & indigesta rerum farrago, quæ non convincat; quia nihil tunc temporis examini subjicitur. Cùm autem affectus sese mutuo defendant, & imaginationes in ordinatæ perturbatione sua delectentur, sanum de rebus judicium ferri nequit, quandiū cerebrum conservat impressionem violentam quam primo accepit. Nullus est homo aliquo animi motu abreptus qui ad id perpetuò non incitatur ut affectum suum vindicet ab omni vituperio; nullus est homo perturbatus quem sua non juvet perturbatio; Nam si homines illi qui se gallos gallinaceos, lupos, boves factos fuisse imaginantur, sese quam plurimū oblectent actionibus istorum animalium imi-

tandis, quanquam naturæ humanæ valdè repugnent, quando magis non damnabimus illorum agendi & loquendi rationes qui contagione imaginationis suæ nos aliquatenus sibi similes effecerunt. Quippe satis cognoscimus nos non posse illos damnare, quin nosmet etiam ipsos damnemus.

Porro inter cæteras, egregia est ratio cur nonnulli Docti gloriæ ducant Tertulliani partes tueri & quare maxima erga illum Authorem ducantur veneratione. Obscuritas nimirum est quam ille præcipuam Rhetorices suæ regulam observat, & affectat.

* *Galimatias.*

A genio hujus sæculi ita abhorrent * locutiones haud perspicuæ ut reiiciamus omnes phrasas obscuras & intricatas; sed non defuere qui obscuritatem censerent esse præcipuam artis oratoriæ partem; apud illos homines ars persuadendi consistebat in ἀκαταλόγητα.

Si oratores veritatum quas persuadere conantur ideas claras & distinctas semper haberent, ac si auditores semper alloquerentur satis attentos ut ipsorum dicta ab iis possint intelligi, præceptum illud quod obscuritatem affectare docet esset omninò absurdum: Sed quamvis illud præceptum rationi planè adversetur, tamen plerorumque hominum ingenio satis accommodatum est; non modò quia loquentium ignorantiam tegit, sed etiam quia μυστικότης illa obscuritas plerisque auditores ita disponit ut cedant & fidem adhibeant.

Experientiâ satis constat plerisque homines id magni facere quod non intelligunt, ac mysteriorum instar venerari ea quæ ipsorum captum exsuperant, & oratorem præconiis ad cælos usque evehere, quum ipsius loquendi modis fulgentibus ac feriente imaginationem sermone, rationi prorsus incognito, obstupescunt.

Pompam veritati anteponunt homines. Itaque fastuosa verborum moles pondere suo opprimens potiusquàm persuadens ipsis magis arridet, quàm meræ ratiocinationes quæ solâ evidentiam suam persuadent. Evidentiâ non acquiritur nisi meditationibus operosis: Sed convictio ex sensibus orta in mentem diffunditur ipsamque suavissimè pervadit.

Bonum quod solum nobis potest satisfacere est simul infinitum & inaccessum, jam autem grandes & obscuræ loquendi formulæ illum præ se ferunt characterem. Adeò ut obscuritate desideria nostra excitante, ut Majestas admirationem & existimationem nostram movet; illæ loquendi formulæ nos devinciunt motibus quos in nobis excitant.

Quum quis Authorem obscurum & difficilem assequitur, aut assequi autumat, se ijs qui illum non assequuntur anteponiti eosque ut ignaros habet; Labor in eo intelligendo exantlatus illum in ipsius laudes & deffensionem instigat. Dum enim illum authorem veneratur ac ipsi cæterorum venerationem conciliare conatur studijs suis patrocinatur. Jam autem ut nemo est qui sese ab omni culpâ

purgare non studeat Author ille magnâ animi contentione ac modo vivido & sensibili laudari & defendi debet.

Hæ rationes, cum quibusdam alijs minüs validis sufficiunt, ni fallor, ut quisque intelligat obscuritatem Tertulliani ipsi non fuisse noxiam respectû quorundam; nec illum certè tanti duxissent si veritates in ipsius operibus dispersas per ideas clarissimas & simplicissimas exposuisset.

Relationes & veritates Mathematicæ ad suos *exponentes* semper reducuntur, hoc est ad terminos simplicissimos quibus exprimi possint, ac ijs omnibus quibus possint implicari & obscurari expediuntur: Nam Geometræ amant veritatem puram putam; convincere nolunt per impressionem, sed per evidentiam & lucem. Quorsum evaderent multæ cogitationes Tertulliani si juxtâ Logicorum Geometrarû que leges ad *exponentes* suos reductæ, ac fastû illo sensibili rationi fucum faciente spoliatae fuissent? Hujusce rei faciendum est periculum, ut de illius Authoris ratiociniis solidum feratur judicium.

Non pertendo tamen Tertullianum scribere debuisse Geometrarum modo. Figuræ quibus sententias & affectus nostros exprimimus circa veritates quas aliis exponimus sunt, omnino necessariae. Immò arbitror, præcipuè sermonibus qui de Religione & Ethicâ habetur, ornamentis opus esse quæ venerationem veritati concilient, motusque excitandos esse qui mentem agitent eamque ad actiones virtutis ferant. Sed spectrum omni realitate & corpore vacuum ornamentis non est circumcingendum: motus inutiles non sunt excitandi: cum volumus in auditorum mente convictionem & persuasionem vehementer imprimere, convictio illa ad aliquid reale & solidum referri debet. Nemo debet convincere ac se convinci sinere nisi evidenter, distinctè & præcisè sciat quæ de re convincat aut convincatur. Ea quæ dicuntur intelligenda sunt ut & ea quæ creduntur. Veritas & lux duntaxat sunt amandæ; alios occæcare non oportet, postquam nos occæcari sivismus.

ILLUSTRATIO

super naturâ idearum.

In qua explano quomodo omnia in Deo videantur, veritates etiam & leges aeternæ.

Sperabam fore ut ea quæ de idearum natura dixi sufficerent, ut unusquisque caperet Deum esse qui nos illuminat; Sed experior, quam plurimos esse qui attentionem satis diligentem non possunt præbere ut rationes quibus illud principium stabilivi capere possint.

Quod abstractum est à plerisque concipi nequit; Sensibilibus excitantur iisdemque acies ipsorum mentis figitur & sustentatur. Quæ sub sensus & imaginationem non cadunt minimè possunt contemplari, multò minùs capere. Hoc à me jam sæpè dictum nunquam potest satis inculcari.

Corpora per se non esse visibilia non posse agere in mentem nostram, nec ipsi se repræsentare evidens est; Id probatione non indiget. Id unico mentis intuitu apprehenditur; Id multò magis certum est, quàm certum est corpora sibi invicem communicare motum suum dum sese mutuò pellunt; Sed id ijs solis certum est qui sensibus ad silentium adactis solam auscultant rationem. Omnes itaque credunt corpora sese invicem pellere, quia id sensus contestantur; Sed corpora non creduntur per se planè invisibilia, & inepta ad agendum in mentem, quia sensus id non dicunt; quin plane contrarium dicere videntur.

Nonnulli tamen reperiuntur quorum firma & intrepida ratio usque ad veritates maximè abstractas evehitur; Illas attentè contemplantur; ac sensuum & imaginationis impressioni strenuè resistunt; sed corpore paulatim deprimente mentem pondere suo, in pristinam sensibilitatem, ut ita dicam, recidunt. Ideæ illæ abstractæ dissipantur; & postquàm imaginatio alias ideas vividiores & sensibiliores excitavit; priores non apparent amplius nisi tanquam spectra quibus diffidunt, & à quibus illudi verentur.

Homines, aut res quorum familiaritate non utimur, & à quibus nullam percipimus sensibilem voluptatem apud nos faciliè in suspicionem veniunt. Nam voluptas sola devincit cor, & familiaritas mentē metū & sollicitudine exoluit. Qui itaque veritatibus abstractis & Metaphysicis non assueverunt, eò faciliè adducuntur ut credant, sibi fucum fieri ab ijs qui ad ipsos illuminandos totis contendunt viribus. Ideas quæ nihil habent jucundi & sensibilis suspectas habent & horrent; Amorque quo erga quietem & felicitatem ducuntur, ipsis citò objecti, quod ipsos turbat, nec ad ullam voluptatem creandam idoneum ipsis videtur, visum eripit.

Si quæstio à me nunc exagitata non esset gravissimi momenti, rationes jam à me allatæ & nonnullæ quas hîc proferre necessum non est sufficere possent, nec me hac de re amplius loqui opus esset, satis enim video quæcunque possem super hâc materiâ dicere, quorundam hominum mentem nunquam eîlè pervasura. Sed illud principium, Deum, scilicet, solum nos illuminare, ipsumque nos duntaxat per manifestationem rationis, aut sapientiæ immutabilis & necessariæ illuminare, Religioni adeò conforme mihi videtur; ut illud ad extremum usque explicare & defendere muneris mei esse arbitrer; Phantasticus, *illuminatus*, fanaticus haberi, cæterisque nominibus quæ imaginatio cavillatrix tenuium ingeniorum rationibus quas non intelligit, seu quarum vim non potest declinare objicere solet, nuncupari malo, quàm fateri corpora posse me illuminare

& erudire, me mihi metipsi esse magistrum, rationem & lucem; & sufficere, ut omnium solidam consequar cognitionem, si memet ipsi, aut homines qui equidem aures meas ingenti strepitu possunt obtundere, sed qui sanè nullam lucem queunt menti meæ affundere, consulam. Adsunt igitur adhuc quædam argumenta ad confirmandum principium in Capitibus quibus illustrandis hæc scribo positum.

Nemo est qui homines veritatem posse cognoscere non fateatur. Imperitissimi etiam Philosophi, homines nescio quam rationem quam non determinant participare consentiunt. Atque hanc ob causam hominem definiunt, *animal RATIONIS participans*. Quippe nemo est qui confusè saltem non noverit, differentiam essentialem hominis consistere in unione necessaria quam habet cum ratione universalis, quamvis pauci quis ille sit qui rationem illam includit cognoscant, aut cognoscere curent. Video, exempli gratiâ, bis duo esse quatuor, & amicum meum præferendum esse cani meo ac neminem hominum esse qui id non cognoscat æquè ac ego pro certo habeo. Jam autem illas veritates in mente aliorum non video, sicut alii illas in mea non vident. Necesse igitur est rationem universalem esse quæ me & omnes intelligentias quæ existunt illuminet. * Nam si ratio quam consulo, eadem non esset quæ Sinensibus responderet, manifestò patet me non posse æquè certè scire ac ego scio, Sinenses videre easdem veritates quas ego video, Itaque ratio quam consulimus dum nosmet intra nos colligimus est ratio universalis. Dico quum nosmetipsos intra nos colligimus hic enim non loquor de ratione illa quam sequitur homo affectu aliquo permotus. Quum homo aliquis vitam equi sui potiore habet vitâ aurigæ, suis quidem adductus rationibus id agit, sed rationes illæ ipsi peculiare sunt quas omnis vir benè sanus horret. Rationes sunt quæ reverà non sunt *rationales*, quia summæ rationi, seu rationi universalis quam omnes homines cōsulant cōformes non sunt.

Ideas rerum esse immutabiles, veritatesque & leges æternas esse necessarias pro comperto habeo; fieri nequit ut fecus sint quàm sunt. Jam autem in me nihil video quod immutabile & necessarium sit; possum aut non existere, aut non esse talis qualis ego sum, possunt esse mentes mihi non similes; certus tamen sum non posse esse mentes quæ alias veritates & alias leges videant diversas ab ijs quas video: Nam omnis mens videt necessariò bis duo facere quatuor & amicum nostrum præferendum esse cani nostro. Concludamus igitur rationem quam omnes mentes consulunt, esse rationem immutabilem & necessariam.

Insuper eandem illam rationem infinitam esse evidens est. Mens humana infinitum triangulorum, tetragonorum, pentagonorum intelligibilium, & aliarum similium figurarum numerum esse aut esse posse clarè concipit. Non modò concipit ideas figurarum ipsi nunquam esse defuturas, seseque novas semper reperturam licet in

æternum ejusmodi ideis duntaxat incumberet. Verùm etiam infinitum in ipsa extensione percipit. Mens clarè videt numerum illum qui multiplicatus per se ipsum facit 5. aut aliquem ex numeris inter 4. & 9. inter 9 & 16. inter 16. & 25. &c. esse magnitudinem, relationem, fractionem, cujus termini plus habent numerorum arithmetico- rum quàm possunt esse ab uno orbis polo ad alterum. Clarè videt illam relationem talem esse, ut Deus solus possit illam complecti, utque eam exactè exprimere impossibile sit, quia ad illam exprimendam opus est fractione cujus duo termini sint infiniti. Multa alia similia exempla possem afferre ex quibus non modò sequitur mentem humanam esse finitam, sed rationem etiam quam consulit esse infinitam. Et enim mens clarè videt infinitum in hac ratione quamvis illud non capiat; cum possit conferre inter se duos numeros incommensurabiles, illorumque cognoscere relationes, quamvis non possit illos conferre cum unitate: Vel, ut rebus maximè sensibilibus duntaxat insistamus, ratio quam homo consulit est infinita quia exhaustiri nequit, ac semper ipsi aliquid suppetit quod respondeat quacunque de re interrogetur.

Sed si rationem cujus omnes homines sunt participes universalem infinitam, immutabilem, & necessariam esse verum sit; inde illam ab ipsa Dei ratione non differre constat; solum enim ens universale & infinitum in se includit rationem universalem & infinitam. Omnes res creatæ sunt entia singularia; ratio igitur universalis non est creata. Nulla creatura est infinita; ratio infinita non est igitur creatura; sed ratio quam consulimus non modò est universalis & infinita, est præterea necessaria & independens; immò illam Deo ipso magis independentem concipimus. Namque Deus agere nequit nisi juxta illam rationem; ab illa pendet aliquo sensu; illam consulere & sequi ipsum oportet; Jam autem Deus nihil consulit præter se ipsum; ab ulla re non pendet. Illa igitur ratio ab ipso non distinguitur; ipsi est coæterna & consubstantialis. Deum plectere innocentem, mentes corporibus subicere non posse, ipsumque ordinem sequi teneri clarè videmus. Videmus igitur, normam, ordinem, rationem Dei. Quam enim aliam sapientiam possemus videre præter sapientiam Dei, cum de illa non dubitemus dicere Deum ad illam sequendam obligari.

Sed quicquid sit, an potest concipi sapientia quæ non sit sapientia Dei? Salomo, qui de Sapientia tam disertè loquutus est, an duas distinguit? Nonne nos docet sapientiam quæ ipsi Deo coæterna est, & per quam ordinem quem in ipsius operibus conspiciamus instituit, eandem esse quæ omnibus mentibus præest, quam consulunt Legislatores, ut leges justas & rationi consentaneas ferant. Octavum Proverbiorum Caput legere sufficiet cuicunque hujus Veritatis certior fieri voluerit. Non me latet Scripturam sacram de sapientia quadam loqui, quam sapientiam sæculi, sapientiam hominum ap-

pellat: sed ibi de rebus ut apparent ac secundum vulgi opinionem & captum loquitur. Nam in aliis locis sapientiam illam non modò coram Deo verum etiam coram omnibus hominibus qui rationem consulunt, nihil esse præter stultitiam & abominationem nos docet.

Certè, si veritates & leges æternæ penderent à Deo, si à voluntate libera Creatoris institutæ fuissent; uno verbo, si ratio quam consuli-
mus non esset necessaria & independens; nullam amplius veram fore scientiam evidens mihi videtur. Et is in periculum erroris adduceretur, qui assereret Arithmeticam aut Geometriam Sinensium esse similem nostræ. Etenim, si absolutè necessarium non esset bis 4. esse 8. aut tres angulos trianguli esse æquales duobus rectis, qui possemus certi esse illas veritates non esse similes nonnullis propositionibus in quibusdam tantum universitatibus receptis, aut quæ per aliquot tempus tantum vigent? An clarè videmus Deum non posse definire velle ea quæ voluit voluntate prorsus libera & indifferenti? Vel potius, an clarè videmus Deum non potuisse quædam ad certum tempus, in quibusdam locis, pro quibusdam hominibus, aut pro certis quibusdam entium generibus velle; posito, ut volunt, Deum fuisse planè liberum & indifferentem in ista voluntate. Ad me quod attinet, non possum concipere necessitatem in indifferentia, res adeò oppositas conciliare nequeo.

Attamen lubens supponam nos clarè videre, Deum voluntate omninò indifferenti ad omnia tempora & in omnibus locis instituisse veritates & leges æternas, quæ nunc immutabiles sunt propter ipsius decretum. At ubi qui talia supponunt, vident illud decretum? An Deus aliquod creavit ens istius decreti repræsentativum? An dicent decretum illud esse modificationem ipsorum mentis? Vident clarè illud decretum, siquidem ab illo acceperunt immutabilitatem veritatibus ex legibus æternis certò competere; sed ubi illud vident? Certè nisi illud in Deo videant, illud non vident. Nam illud decretum non potest esse nisi in Deo sit, nec potest videri nisi ubi est. Philosophi igitur quicquam certò non possunt tenere nisi Deum consulant, & ab ipso responsum accipiant. Exclament super hoc quantum voluerint: ipsis aut cedendum est, aut silendum.

Sed ut dicam quod res est, decretum illud est mera imaginatio nullo frera fundamento. Quum de ordine, legibus, & veritatibus æternis cogitamus, ipsarum causam non inquirimus; nullam enim habent. Necessitas illius decreti non apparet; ac de illo primà fronte nunquam cogitatur. Sed contra simplici mentis intuitu evidenter percipimus, naturam numerorum & idearum intelligibilium esse immutabilem, necessariam, independentem. Clarè videmus omninò necessarium esse bis 4. facere 8. & quadratum diagonalis quadrati esse duplum illius quadrati. Absoluta illarum veritatum necessitas in dubium non vocatur nisi ab iis qui ab illarum luce oculos avertunt, qui falsis in ratiocinando nituntur principiis, quique alibi quàm in illis veritatibus quærunt, quænam sit ipsarum natura, immutabili-

tas, & independentia. Itaque decretum immutabilitatis illarum veritatum est figmentum mentis, quæ supponens se non videre in sapientia Dei id quod in ipsâ revera percipit, sciens tamen Deum esse causam omnium, arbitratur se non posse abstinere ab imaginando decreto ut asserat immutabilitatem veritatibus quas immutabiles agnoscere cogitur. Sed ista suppositio falsa est & ab ea sibi cavendum est. In sola Dei sapientia veritates æternas, immutabiles, & necessarias videmus. In hac sola sapientia ordo quem Deus ipse, ut jam dictum est, sequi tenetur, conspici potest. Mens duntaxat creata fuit propter illam sapientiam, & nihil uno sensu præter eam videre potest. Nam si videre queat creaturas, id fit quia ens illud quod videt, licet modo valdè imperfecto per hanc vitam, illas omnes in essentiæ suæ immensitate modo intelligibili & menti accommodato, uti dixi, complectitur.

Si in nobismet ipsis ideam infiniti non haberemus ac si omnia per unionem naturalem mentis nostræ cum ratione universali & infinita non videremus, certè nec etiam libertate cogitandi de omnibus potiremur. Nam mens non potest velle se applicare nisi ad res quarum aliquam habet ideam nec potest actu cogitare nisi de rebus ad quas potest velle se applicare. Si itaque mens ab eo sejungatur qui omnia in se includit, ipsi certè libertas de omnibus cogitandi tollitur. Prætereà cum quicquam non possimus amare nisi illud videamus, si Deus nobis duntaxat daret speciales ideas, evidenter patet ipsum ita determinaturum esse omnes voluntatis nostræ motus, ut nihil omnino possemus amare præter entia specialia. Etenim si nullam infiniti ideam haberemus illud non possemus amare, ac si illi qui positivè asserunt se nullam habere Dei ideam, res dicere vellent ut sunt reverà; haud verear dicere ipsos nunquam amasse Deum nihil enim nos posse amare quàm quod videmus evidens mihi videtur.

Denique nisi ordo, & leges æternæ essent immutabiles ex naturæ suæ necessitate, argumenta Religionis clarissima & validissima ruere mihi viderentur in ipso suo principio, æquè ac libertas, & scientiæ certissima. Nam Religio Christiana quæ nobis Jesum Christum ut Mediatorem & Reparatorem proponit, naturæ corruptionem per peccatum originale evidenter supponit. Jam autem quo argumento probabitur illa corruptio? Caro pugnat adversus spiritum, inquiet aliquis, ipsum sibi submittit, ipsi dominatur. Concedo. Sed hoc non est contra ordinem, ajet Prophanus; Hoc Deo placet id sic instituit? Arbiter est decretorum suorum. Illum inter creaturas suas instituit ordinem qui ipsi magis allubescit. Quomodo Prophanus ille convinci poterit ordini repugnare ut mentes subjæctæ sint corporibus, nisi idea clara ordinis, & ipsius necessitatis habeatur; ac nisi certò constet Deum ipsum teneri illum sequi per amorem necessarium quo seipsum complectitur? Prætereà, si ordo ille pendeat à decreto libero Dei, semper ad ipsum Deum erit recur-

rendum ut istius decreti certi fiamus. Consulendus erit Deus, fugiant licet nonnulli Docti ad ipsum recurrere: Isti veritati cedendum erit, nempe ad Deum necessario esse confugiendum ut erudiamur. Verum decretum illud liberum à quo ordo manavit, est merum ingenii figmentum, ob rationes à me jam allatas.

Si non sit ordo necessarius, hominem creari propter authorem suum, & voluntatem nostram esse conformem ordini qui est norma essentialis & necessaria voluntatis divinæ: Si verum non sit, actiones esse bonas aut malas, prout sunt conformes aut contrariæ ordini cui-dam immutabili & necessario, ac eundem illum ordinem postulare ut priores præmio, posteriores verò pœnâ afficiantur. Denique nisi omnes homines habeant ideam claram ordinis, immò ordinis qui ejusmodi sit ut Deus ipse non possit velle contrarium ab eo quod iste ordo præscribit, quia Deus non potest velle id quod ordini repugnat, si hæc omnia, inquam, non sint; certè nihil præter universalem confusionem & perturbationem video. Quid enim erit quod vitio possit dari in turpissimis & iniquissimis actionibus Ethnicorum, cum Deus nullas ipsis præscripserit leges? Qua ratione poterunt judicari, si nulla sit ratio suprema quæ ipsos damnet?

Poëta quidam dixit justum non posse secerni ab iniquo. Philosophus quidam dixit erubescere ac pudore suffundi ob turpissimas actiones esse infirmitatis & pusillanimitatis argumentum. Talia sæpe paradoxa in medium proferuntur, per subitaneum imaginationis impetum, ac per vehementem animi turbati motum. Sed cur ejusmodi sententiæ damnarentur, si non sint ordo, regula, ratio universalis & necessaria, quæ iis qui in se reflecti norunt semper sese offerunt? Alios & etiam nosmet ipsos judicare in multis casibus non dubitamus. Sed quâ authoritate id agimus; nisi ratio quæ intra nosmet ipsos judicat, cum judicia de nobis ipsis ac de aliis ferre nobis vide-mur, sit summa nostra & omnium hominum ratio?

Verum enim verò nisi hæc ratio iis qui seipsos intra se recipiunt præsens adesset, nisi Ethnici aliquam cum illo ordine de quo sermo est naturalem unionem habuissent, cujus peccati aut cujus inobedientiae conscii fuissent, aut quâ justitiâ Deus illos punire potuisset? hæc dico quippe qui à Propheta acceperim, Deum ipsum non dedignari homines constituere judices litis quæ ipsi est cum populo suo, dummodò secundum ordinem justitiæ immutabilem & necessarium judicent. Nero trucidavit matrem suam, id equidem verum est: Sed qua in re peccavit? Motum naturalem odii sui sequutus est; Deus super hac re nihil ipsi præscripsit. Lex Judæorum in ipsius usum non fuerat lata. Dicit fortè aliquis legem naturalem vetare ejusmodi facinora atque legem illam ipsi notam fuisse. Sed quâ id probari poterit? Ego equidem id agnosco; quia id invictè probat esse ordinem immutabilem & necessarium; & omnem mentem habere cognitionem istius ordinis eò clariorem quò magis unitur rationi universali quò-

*Nec natura
potest justo
secernere
iniquum
Lucr.
D. genes.*

*Nunc ergo
habitato-
res Jerusale
& vii Judæ
judicare in-
ter me & vi-
neam meam.
Isaias 3.*

que impressioni sensuum & affectuum magis resistit; uno verbo quæ rationem magis participat. Sed jam oportet me elucidare, quantum in me erit, sententiam meam de ordine & lege divina seu naturali. Plerique enim iis quæ dico non acquiescunt fortè quia ea quæ cogito distinctè satis non assequuntur.

Deum in se modo intelligibili perfectiones omnium entium quæ creavit aut potest creare includere, ac ipsum per illas perfectiones intelligibiles omnium rerum essentiam cognoscere evidens est; ut per proprias voluntates suas cognoscit ipsarum existentiam. Jam autem perfectiones illæ sunt etiam objectum immediatum mentis humanæ, ob rationes à me jam allatas. Ergò ideæ intelligibiles, aut perfectiones quæ in Deo sunt, quæque nobis repræsentant id quod est extrà Deum, sunt absolutè necessariæ & immutabiles. Jam autem veritates nihil sunt præter relationes æqualitatis sive inæqualitatis quæ sunt inter entia illa intelligibilia; quandoquidem verum non est bis 2. esse 4. aut bis 2. non esse 5. nisi quia est relatio æqualitatis inter bis 2. & 4. & relatio inæqualitatis inter bis 2. & 5. Ergò veritates sunt immutabiles & necessariæ æquè ac ideæ. Semper verum fuit bis 2. esse 4. ac fieri nequit ut id falsum sit. Id clarum est; & nequaquam necessarium est, *Deum ut summum Legislatorem has instituisse veritates*; ut id ait Cartesius in responsione ad sextas objectiones.

Artic. 6. & 8.

Facile igitur quisque concipit quid sit veritas; sed difficiliori negotio concipitur quid sit ordo immutabilis & necessarius; quid sit lex naturalis & Divina, quid sit quod Deus vult necessario, quodque etiam volunt justi. Ideò enim homo justus est quia ordinem amat; atque ipsi in omnibus suam accommodat voluntatem, quemadmodum peccator non est peccator, nisi quia ordo ipsi non placet in omnibus, ac illum vellet esse conformem iis quæ optat. Haud credo tamen hæc tam obscura & abstrusa esse quàm vulgò putantur; & causam cur tot in his reperiantur difficultates non aliunde oriri existimo, quàm quia mens ægrè sese attollere potest ad cogitationes abstractas & metaphysicas. Hæc sunt igitur, aliquâ ex parte, quæ de ordine sentit.

Perfectiones quæ in Deo sunt, quæque entia creata aut possibilia repræsentant, non esse omnes inter se æquales evidens est, perfectiones, exempli gratiâ, quæ corpora repræsentant non esse æquè nobiles ac perfectiones quæ mentes repræsentant; ac etiam inter eas quæ nihil aliud repræsentant quàm corpora, aut nihil quàm spiritus, esse quasdam aliis nobiliores usque ad infinitum. Id clarè & nullo negotio concipitur; quamvis simplicitas entis Divini cum varietate illâ idearum intelligibilium quam in sua sapientia includit ægrè possit conciliari. Etenim si omnes ideæ Dei essent æquales, nullam cerè deprehenderet differentiam in operibus suis; cum non possit videre creaturas suas nisi in eo quod in se habet quo illæ repræsentantur; ac si idea horologii quod præter horas indicat etiam varios planeta-

rum motûs, non esset perfectior ideâ horologii quæ horas duntaxat indicaret, aut ideâ circuli vel quadrati, certe nec ipsum horologium esset perfectius circulo. Non possumus enim judicare de perfectione operum nisi per perfectionem idearum quas de ipsis habemus. Si horologii fabrica majora non præberet ingenii & sapientiæ argumenta quàm circuli descriptio non difficilius esset concipere machinas maximè compositas, quàm concipere quadratum aut circumlum.

Si igitur verum sit Deum, qui est Ens universale, includere in se omnia entia modo intelligibili, & omnia illa entia quæ in Deo habent existentiam necessariam non esse æquè perfecta inter se; in illa esse debere ordinem immutabilem & necessarium evidens est: ac quemadmodum sunt veritates æternæ & necessariæ, quia sunt relationes magnitudinis inter entia intelligibilia, debere pariter esse ordinem immutabilem & necessarium, propter relationes perfectionis inter eadem illa entia. Ordo igitur est immutabilis spiritus esse nobiliores corporibus, ut veritas est necessaria bis 2. esse 4. aut bis 2. non esse 5.

Jam autem huc usque ordo immutabilis videtur potius veritas speculativa, quàm lex necessaria. Nam si ordo duntaxat consideretur ut illum modò consideravimus, verum equidem esse patebit spiritûs, exempli gratiâ, esse nobiliores corporibus; sed non apparet veritatem illam esse eodem tempore ordinem qui legis vim habeat, ac spiritûs necessariò debere præferri corporibus. Attendendum igitur est Deum seipsum amare amore necessario, ac proinde ipsum magis amare id quod in ipso est quod repræsentat aut includit majorem perfectionem, quàm quod minorem. Adeò ut si supponere vellemus mentem intelligibilem esse millies perfectiorem corpore intelligibili, amor quo Deus seipsum amat, esset millies major erga mentem intelligibilem, quàm ergà corpus intelligibile. Nam amor Dei necessariò proportionem habet cum ordine qui existit inter entia intelligibilia quæ includit ipse Deus. Itaque ordo qui est merè speculativus, habet vim legis respectû ipsius Dei; posito quod certum est, nempe, Deum seipsum necessariò amare; Nec Deus potest magis amare corpora intelligibilia quàm mentes intelligibiles, quamvis corpora creata magis amare possit quàm mentes, ut mox sum explicaturus.

Ille autem ordo immutabilis qui respectu Dei ipsius legis vim habere, respectu nostri evidenter legis etiam vim habere debet. Nam iste ordo nobis notus est, & amor noster naturalis ipsi se accommodat, cum apud nosmet ipsos collecti silentibus sensibus & affectibus, libertate nostrâ potimur, uno verbo cum *φιλανθρία* non corrumpit amorem nostrum naturalem. Cùm propter Deum simus conditi, nec ab illo possimus omnino separari, in ipso hunc videmus ordinem, & ad illum amandum naturaliter ferimur, Ipsi enim lumine illumina-

mur, & ipsius amore animamur, quamvis sensus & affectus nostri lumini isti tenebras affundant & contrà ordinem determinent impressionem illam qua ad amandum secundum ordinem ferimur. Sed invitâ concupiscentiâ quæ ordinem oculis nostris subducit, impeditque quominus illum sequamur, ordo est semper lex essentialis & ineluctabilis nostri respectu, non modò respectu nostri, sed respectu omnium intelligentiarum creatarum, immò respectu damnatorum. Haud enim credo ipsos à Deo tantoperè longinquos esse, ut levem aliquam ordinis ideam adhuc non habeant, in illo pulchritudinem aliquam non agnoscant, utque ipsi sese accommodare non sint parati in casibus nonnullis quibus ipsorum philautia non læditur.

Corruptio cordis in repugnantia ordini consistit. Cùm itaque malitia seu corruptio voluntatis æqualis non sit etiam inter damnatos, ipsos æqualiter ordini non repugnare evidens est, illumque ab iis in omnibus odio non haberi, nisi relatè ad odium quo Deum prosequuntur. Quemadmodum enim bonum odio esse nequit, quatenus consideratur *à π. ω*; ut bonum, ordo pariter odio haberi nequit nisi quatenus affectibus nostris repugnare videtur. Sed quamvis inclinationibus nostris contrarius videatur, id tamen non obstat, quo minùs ipse sit lex quæ nos damnat, atque nos cruciat vermi nunquam moriente.

Nunc igitur liquet quid sit ordo, quomodo vim legis habeat amore necessario quo Deus seipsum complectitur. Liquet quomodo ista lex generaliter omnibus mentibus & ipsi Deo communis est: cur necessaria sit & omninò ineluctabilis. Denique aut concipitur, aut saltem in genere facillè concipi potest, quodnam sit principium omnium legum divinarum & humanarum, & secundum hanc legem, omnes intelligentias judicari, & omnes creaturas in ordine sibi congruo disponi.

Hæc omnia sigillatim explicari facillè non posse fateor, nec eo etiam temeritatis veni ut illud aggrediar. Namque si quarundam legum cum lege generali, & quarundam agendi rationum cum ordine connexionem ostendere vellem, in difficultates forsan inciderem quas solvere penes me non esset, quibusque ab instituto meo longius abducerer.

Si quis tamen Deum nullâ aliâ lege quàm sapientiâ suâ & amore quâ illam prosequitur obligari, attendat; omnes leges divinas ab illa pendere debere facillè concipiet. Et si animadvertamus mundum ab ipso conditum non fuisse nisi relatè ad illam sapientiam & ad illum amorem, quoniam non agit nisi propter se; omnes naturales leges ad conservationem & perfectionem hujus mundi juxtà ordinem inviolabilem, & dependenter ab amore necessario, tendere certò apud nos constabit. Namque sapientiâ & voluntate Dei omnia reguntur.

Istud principium à me fusiùs exponi necesse non est. Quod jam

dixi sufficit ut ista eliciatur consequentia, nempe; in primâ institutione naturæ fieri non potuisse ut mentes subjectæ fuerint corporibus. Cum enim Deus sine cognitione & invitus agere nequeat, juxta sapientiam suam, & motu amoris sui mundum creavit. Omnia per Filium & in Spiritu Sancto fecit, ut id nos docet Scriptura. Jam autem in Dei sapientiâ mentes corporibus sunt perfectiores, & per amorem necessarium quo seipsum complectitur Deus, perfectius minus perfecto anteposit. Ergo fieri nequit ut in primâ naturæ institutione mentes corporibus submissæ fuerint. Alioqui, dicendum foret Deum condendo mundum non sequutum fuisse leges sapientiæ suæ æternæ, nec motûs amoris sui naturalis & necessarii. Quod non modò non concipitur, sed manifestam involuit contradictionem.

Verum equidem est nunc mentem creatam corpori materiali & sensibili subiacere; sed id fit quia ordo consideratus ut lex necessaria rem sic postulat. Id fit, quia Deus seipsum amans amore necessario, qui lex inviolabilis semper ipsi est mentes sibi contrarias amare, ac per consequens eas corporibus in quibus nihil est mali, quodque Deus odio habeat, præferre nequit. Deus enim peccatores in se ipsis non amat. In mundo non subsistunt nisi per **JESUM CHRISTUM**. Ipsos Deus non conservat & amat, nisi ut si in peccatis perseverent peccare desinant per gratiam **JESU CHRISTI**; vel ut ordine immutabili ac necessario, & judicio **JESU CHRISTI**, cujus vi subsistunt ad gloriam justitiæ Divinæ, in æternum damnentur. Nam sine Christo in nihilum prorsus redigerentur. Hæc obiter dicta velim, ut quæ difficultates quæ ex iis quæ alibi de peccato originali & de corruptione generali naturæ à me dicta sunt, oriri possunt, solvantur. Mentem objecta externa duabus tantum rationibus cognoscere, utilissimum est à nobis attendi; lumine, scilicet, & sensu. Lumine res videt, ubi earum claram habet ideam, & istam ideam consulendo, omnes proprietates quas queunt suscipere deprehendere potest. Res sensu videt, ubi earum rerum nullam ideam claram in se reperit quam possit consulere, ac proinde ubi earum proprietates clarè percipere nequit; easque duntaxat cognoscit sensu confuso, sine lumine & evidentia. Lumine & ideâ clarâ mens videt essentias rerum, numeros & extensionem. Ideâ confusâ aut sensu de existentia creaturarum judicat & suam ipsius cognoscit.

Vide quintum Dialogum Colloquiorum Christianorum, sub finem.

Quæ mens lumine aut ideâ clarâ percipit, illa modo perfectissimo percipit: immò clarè cognoscit, si sit obscuritas aut imperfectio in ipsius cognitione, id fieri ob ipsius infirmitatem & parvam capacitatem, aut quia non satis attendit, non verò ob imperfectionem ideæ quam percipit. Quod verò mens sensu percipit, ipsi nunquam clarè innotescit; non quòd satis non attendat; iis enim quæ sentimus semper attentè incumbimus; sed quia idea est admodum obscura & confusa.

Hinc judicare est nos omnia quæ lumine aut per ideam claram cognoscimus in Deo ut in naturâ immutabili videre; non modò quia numeri, duntaxat, extensio, & essentiae entium, quæ, ut explicui, à libero Dei actu non pendent, lumine cernuntur. Sed præterea quoniam hæc modo perfectissimo cognoscuntur, immò modo infinitè perfecto cognoscerentur, si nostra cogitandi capacitas esset infinita, cum nihil desit ideæ quâ repræsentantur. Concludendum etiam est omnia quæ sensu cognoscimus in nobis ipsis videri. Non equidem quòd in nobismet ipsis possimus novam aliquam producere modificationem, vel quòd sensationes aut modificationes mentis nostræ possint repræsentare objecta occasione quorum Deus illas in nobis excitat, sed id fit quia sensationes nostræ, quæ à nobis non distinguuntur, & quæ ideò nihil unquam à nobis distinctum possunt repræsentare, possunt tamen repræsentare existentiam entium, aut efficere ut judicemus illa existere. Cum enim Deus in nobis sensationes nostras ad præsentiam objectorum actione non sensibili excitet, ab objecto non modò ideam quâ ipsius essentia repræsentatur, sed etiam sensum cujus ope de ipsius existentia judicamus, nos accipere arbitramur. Nam in cognitione quam circa res ut actu existentes assequimur semper est idea pura & sensus confusus, si excipias cognitionem Dei & mentis nostræ. Existentiam Dei excipio; Illa per ideam puram & sine sensu cognoscitur, Cum ipsius existentia non pendeat ab ullâ causâ, & in ideâ entis necessarii includatur, ut æqualitas diametrorum includitur, in ideâ circuli. Excipio etiam existentiam mentis nostræ; quia sensu interno sive conscientia scimus nos cogitare, nos velle, nos sentire; & quia nullam mentis nostræ claram habemus ideam, ut fusè satis explicui Capite Septimo Secundæ Partis Tertii Libri & alibi.

Istæ sunt rationes quæ prius allatis ad probandum Deum solum nos illuminare, & objectum immediatum & directum nostrarum cognitionum clararum & evidentium esse naturam immutabilem & necessariam, adjici possunt. Adversus istam opinionem quædam solent objici, quæ hic diluere conabor.

Adversus ea quæ dicta sunt nempe, Deum solum nos illuminare, omniâque in ipso videri.

PRIMA OBJECTIO.

Mens nostra cogitat quia id fert ipsius natura, Deus ipsam creando ipsam etiam cogitandi facultate donavit, idque sufficit contrâ principia supra posita. Aut si id non sufficiat, iis quæ de sensibus nostris nos docet experientia immoremur. Illos idearum nostrarum causas esse satis experimur. Jam autem ii malè philosophantur, qui adversus experientiam ratiocinantur.

Responsio.

Responsio.

Cartesianos qui terminos generales naturæ & facultatis meritò refugiunt, his tamen adeò lubenter hic uti miror. Aegrè ferunt dum alios audiunt dicentes ignem urere *naturâ* suâ & quædam corpora mutare in vitrum *facultate* naturali: & quidam inter ipsos non dubitant dicere mentem humanam in se producere ideas omnium *naturâ* suâ, & quia cogitandi facultate prædita est. Verum id ipsorum pace dictum sit, hic termini plûs non habent energiæ & significationis in ipsorum ore quàm in ore Peripateticorum.

Scio equidem mentem cogitandi esse capacem; sed scio pariter extensionem esse capacem figurarum: mens est capax voluntatis, ut materia est capax motûs, sed non secûs ac falsum est, materiam quamvis figuræ & motûs capacem, in se habere *virtutem, facultatem, naturam*, quâ possit moveri, aut sibi figuram modò rotundam, modò quadratam adaptare; ita, quamvis mens naturaliter & essentialiter sit capax cognitionis & voluntatis falsum tamen est ipsam *facultates* habere quibus possit producere in se ideas suas aut motum suum versus bonum. Multum sanè discriminis est inter esse mobile, & seipsum movere. Materia naturâ suâ mobilis est & capax figurarum; immò sine figuris subsistere nequit. Seipsam tamen non movet, seipsam non modificat, nullâ ad id facultate prædita est. Mens naturâ suâ motûs & idearum capax est; id fateor; sed seipsam non movet, seipsam non illuminat: Deus omnia in mentibus non secûs ac in corporibus efficit. Quis Deum omnes quæ in materia contingunt mutationes producere dicat, & mutationes quæ in mente contingunt ab eodem fieri neget? An ii Deo quod ad ipsum pertinet tribuunt, qui entium minima duntaxat ipsius arbitrio permittunt? Non omnium æqualiter arbiter est? Spirituum æquè ac corporum nonne est conservator & solus motor? Certè omnia facit, substantias, accidentia, entia, modos essendi; Etenim omnia cognoscit; jam autem nihil cognoscit præter ea quæ facit. Ipsi igitur sua detrahitur cognitio, si ipsius actio limitetur.

Vide primam illuminationem.

At, qui volunt creaturas præditas esse facultatibus quales concipi vulgò solent: dicant etiam corpora naturalia habere *naturam* quæ principium ipsorum motus & quietis sit, ut sentiunt Aristoteles & ipsius asseclæ. Id omnes meas invertit ideas. Sed id potius concedam quàm concederem mentem seipsam illuminare. Mentem vim habere variè movendi brachia corporis, ipsisque communicandi sensum & vitam, dicant, si velint. Dicant etiam, si lubet, mentem sanguinalorè, spiritibus motum, & reliquo corpori magnitudinem dispositionem & figuram impertiri; sed ne quis dicat mentem sibi ipsi cōmunicare motû & lumen suum. Si Deus omnia non efficit, ea saltem efficiat quæ in mundo maxima & perfectissima sunt, Et si creaturæ aliquid effi-

ciant, corpora moveant, illaque pro lubitu disponant, sed saltem ne agant in mentes.

S. Bern. de
diligendo
Deo.

Dicamus corpora sese mutuo movere postquam unumquodque sibi ipsi motum communicavit; seu potius variarum materiæ dispositionum causam ignoremus, id ad nos non attinet. Sed mentes nostræ ne ignorent unde sit lumen quo illuminantur; cognoscant à quo id accipiant quo beatissimæ & perfectissimæ possunt evadere, totam suam dependentiam agnoscant seque nihil actu habere quod ipsis à Deo quotidie non communicetur. Nam ut circa aliam rem dixit olim Sanctus Bernardus, est superbia & peccatum maximum uti datis tanquam innatis. Imprimis ne imaginemur rationem à sensibus erudiri. Mentem à corpore id accipere quod ipsum non habet. Præstat independentiam sibi arrogare, quam credere nos à corporibus reverà pendere. Satiùs est sibi ipsi dominum esse, quam dominos quærere inter creaturas nobis inferiores. Sed præstat veritati æternæ se submittere nobis in Evangelio asserenti, ipsam solam nobis esse magistrā; quam sensuum nostrorum aut quorundam hominum, qui magistrorum ad instar nos audent alloqui, testimonio credere. Experientia, quicquid dicatur, præjudiciis non favet. Namque sensus nostri, æque ac magistri nostri secundum carnem, nihil aliud sunt præter causas occasionales institutionis quam sapientia æterna in intimā ratione nobis largitur. Sed quia hæc sapientia nos operatione non sensibili illuminat; oculos nostros aut verba illius qui aërem aures nostras contingentem percutit, hoc lumen in nobis producere, aut vocem istam intelligibilem qua erudimur edere, falsò arbitramur. Hanc ob causam, ut alibi monui, JESUS CHRISTUS nos modo intelligibili Divinitate sua erudire non contentus, nos etiam modo sensibili humanitate suā instituere voluit; voluit nos docere se esse magistrum nostrum omnibus modis. Et quia non sine labore apud nosmetipsos secedimus, ut ibi ipsum tanquam veritatem æternam, ordinem immutabilem, lumen intelligibile consulamus, veritatem verbis suis sensibilem, ordinem exemplis suis amabilem, lumen corpore quo ipsius fulgor retunditur visibile reddidit. Nihilominus ita sumus tanti beneficii immemores, injusti, stupidi, & insani, ut, ipso prohibente, tanquam magistros nostros habeamus, non modo cæteros homines, sed forsitan quoque corpora omnium maximè sensibilia & vilissima.

SECUNDA OBIECTIO

Cum mens corporibus sit perfectior cur in se includere non poterit id quod ea repræsentat? Cur idea extensionis non erit una ex ipsius modificationibus? Deus solus in eā agit, & ipsam modificat, id fate-mur; sed cur corpora videbit in Deo, si possit ea in propriā substantiā videre? Non est materialis; id equidem verum est. Sed Deus licet

mens pura, videt corpora in se: cur ergo mens ipsa non videbit sese considerando, quamvis sit spiritualis.

Responsio.

Quis non videt illud esse discrimen inter Deum & mentem, quòd Deus sit ens sine restrictione, ens universale, ens infinitum, mens verò sit genus entis speciale? Deus includit in se corpora modo intelligibili: Ipsorum essentias aut ideas in sapientiâ suâ, & existentiam in amore aut in voluntatibus suis videt. Id sic dici necesse est, cum Deus corpora condiderit, eumque quicquid fecerit cognoscat antequàm quicquam factum fuisset. Sed mens in se videre nequit id quod in se non includit: immò id quod includit clarè videre non potest. Id duntaxat confusè sentire potest. Mentem meam explico.

Mens extensionem intelligibilem tanquàm unam ex suis modificationibus non includit; quia hæc extensio non est modus essendi seu modificatio, est verè ens. Hanc extensionem solam concipimus de nullâ alia re cogitantes, sed non possumus concipere modificationes, quin subjectum aut ens cuius sunt modi percipiamus. Hanc extensionem percipimus de mente nostrâ neutiquàm cogitantes; immò concipere nequimus hanc extensionem posse esse modum seu modificationem mentis nostræ. Cum hæc extensio sit finita debet esse aliquo modo figurata; sed mens quamvis finita sit nullam tamen figuram potest suscipere. Cum hæc extensio constet partibus potest dividi, saltem aliquo sensu, sed nihil in mente deprehenditur quod sit divisibile. Ergò ista extensio quæ percipitur, non est modificatio mentis, ergò illam in se videre nequit mens. Quomodo in unâ entis specie omnes entium species possent videri, ac in ente speciali & finito triangulus in genere, & trianguli infiniti. Etenim mens triangulum aut circulum in genere percipit, quamvis contradictorium sit mentem posse habere modificationem in genere. Sensationes coloris quas mens alligat figuris, eas reddunt speciales, quia nulla modificatio entis specialis potest esse generalis.

Certè possumus asserere id quod clarè concipimus. Atqui clarè concipimus extensionem quam videmus, à nobis esse distinctam. Ergo possumus dicere extensionem non esse modificationem entis, & esse aliquid reapse distinctum à nobis ipsis. Attendendum enim est, solem, exempli gratia, quem videmus, non esse solem quem adspicimus. Sol & quicquid in hoc mundo materiali exstat non est visibile per se; Id alibi probavi. Mens tantum videre potest solem cui immediatè unitur. Jam autem clarè videmus, & distinctè sentimus, solem esse aliquid distinctum à nobis. Ergò adversus proprium lumen nostrum & conscientiam loquimur, dum dicimus mentem videre in propriis suis modificationibus omnia corpora quibus circumdatur.

Voluptas, dolor, sapor, calor, color, omnes sensationes nostræ &

affectus, sunt modificationes mentis nostræ. Sed quamvis id sic se habeat, an ea clarè cognoscimus? An calorem cum sapore, odorem cum odore possumus conferre? An possumus deprehendere relationem quæ est inter rubrum & viride, immò inter viride & viride? De figuris res secùs se habet, eas inter se invicem conferimus. Earum relationes exactè cognoscimus; scimus præcisè quadratum diagonalis quadrati esse duplum istius quadrati. Quænam esse potest relatio inter istas figuras intelligibiles quæ sunt ideæ clarissimæ, & modificationes mentis nostræ, quæ nihil sunt præter sensationes confusas? Et cur crederemus hasce figuras intelligibiles non posse percipi à mente, nisi ipsius sint modificationes, cum mens nihil cognoscat per ideam claræ eorum quæ ipsi competunt; sed duntaxat per conscientiam aut per sensum internum: ut alibi probavi, & iterum in Illustratione sequenti sum probaturus. Si corporum figuras in nobismet ipsis duntaxat cognosceremus, illæ contrà nobis essent *inintelligibiles*, nam nosmet ipsos non cognoscimus, nobismet ipsis nihil sumus quàm tenebræ, ut nos videre possimus, nos extrà nosmet ipsos videre oportet; nec unquam quid simus cognoscemus donec in eo nos consideremus qui est lumen nostrum, & in quo omnia fiunt lumen. Nam in Deo solo entia maximè materialia sunt omnino intelligibilia; sed extrà ipsum substantiæ maximè substantiales, omnino invisibiles fiunt. Idea extensionis quàm in Deo videmus est clarissima. Sed quia in Deo ideam mentis nostræ non videmus, sentimus equidem nos esse, & quid actu habeamus; sed nequaquàm possumus deprehendere quid simus, nec ullam ex modificationibus nostris.

TER T I A O B I E C T I O.

In Deo nihil est mobile; in ipso nihil est figurati; Si sit sol in mundo intelligibili, sol ille sibi ipsi semper æqualis est; at sol visibilis grandior videtur, quùm horizonti proximus est, quàm quùm ab eo remotus est. Ergo illum solem intelligibilem non videmus. De aliis creaturis res eodem se habet modo. Ergo in Deo opera Dei non videmus.

Responsio.

Ut huic objectioni respondeamus, sufficiet attendere Deum in se includere extensionem intelligibilem infinitam; Deus enim cognoscit extensionem, siquidem illam fecerit; atqui eam non potest cognoscere nisi in se ipso. Itaque, eùm mens possit percipere aliquam partem istius extensionis intelligibilis quam Deus includit, certum est ipsam posse percipere in Deo omnes figuras; nam omnis extensio intelligibilis finita, necessariò est figura intelligibilis; cum figura nihil sit præter terminum extensionis. Præterea hæc figura extensionis intelli-

gibilis & generalis sit sensibilis & specialis colore, aut aliquâ aliâ qualitate sensibili quam ipsi mens adjungit; nam sensatione sua semper induit ideam quâ vividius afficitur. Itaque necesse non est in Deo esse corpora sensibilia aut figuras in extensione intelligibili, ut ea in Deo videamus, vel ut ea in se videat, quamvis se solum contempletur.

Præterea, si concipias figuram extensionis intelligibilis factam sensibilem colore, successivè sumi ex variis partibus istius extensionis infinitæ, aut si concipias figuram extensionis intelligibilis posse circa centrum suum agi, aut ad aliam successivè accedere, percipis motum figuræ sensibilis aut intelligibilis, cum tamen nullus sit motus in extensione intelligibili. Nam Deus non videt motum corporum in substantiâ suâ aut in ideâ quam de seipso habet. Sed solum per cognitionem voluntatum suarum respectu ipsorum. Ipsorum existentiam non aliter etiam videt quam hoc modo, quia ipsius voluntas dat *non* esse omnibus. Voluntates Dei in ipsius substantiâ nihil immutant; ipsam non movent. Fortè extensio intelligibilis est immobilis omnimodè, etiam modo intelligibili. Sed quamvis nihil præter extensionem illam intelligibilē, seu sit immobilis aut secus, videamus; nobis videtur mobilis propter coloris sensationem, aut imaginem confusam sensationi superstitem; quam successivè alligamus variis partibus extensionis intelligibilis, quæ nobis est pro ideâ, quum motum alicujus corporis videmus aut imaginamur.

Ex suprà dictis, intelligere est, cur videre possimus solem intelligibilem modò magnum modò parvum, quamvis idem semper sit respectu Dei. Ad id enim sufficit nos modò majorem extensionis intelligibilis partem, modò minorem cernere, & affici sensatione vividâ luminis quam adjungamus huic extensionis parti. Jam autem cum omnes extensionis intelligibilis partes sint ejusdem naturæ, omnes possunt repræsentare quodlibet corpus.

Arbitrandum non est mundum intelligibilem tantam habere relationem cum mundo materiali & sensibili, ut exempli gratiâ, sol, equus, arbor intelligibilis destinatus sit ad nobis repræsentandum solem, equum & arborem: eosque omnes qui vident solem, necessario videre eundem solem intelligibilem. Cum omnis extensio intelligibilis possit concipi sphaerica; aut habens figuram intelligibilem equi seu arboris, omnis extensio intelligibilis ad id inservire potest ut solem, equum, arborem repræsentet, ac per consequens, potest esse sol, equus, arbor mundi intelligibilis, atque etiam fieri sol, equus, arbor visibilis & sensibilis, si mens aliquam habeat sensationem occasione corporum quam his adjungat ideis.

Itaque, cum dixi nos videre varia corpora, per nostram cognitionem perfectionum Dei, quæ ista repræsentant corpora, haud præcisè sum arbitratus, in Deo quasdam esse ideas speciales, quæ repræsentarent unum quodque corpus sigillatim; nosque talem videre ideam,

cum hoc vel illud corpus videmus. Nam profectò corpus illud modò magnum, modò parvum, modò rotundum, modò quadratum videre non possemus, si illud per ideam singularem quæ semper eadem foret, videremus. Sed dico omnia nos in Deo videre dum Deus menti nostræ mille modis applicat extensionem intelligibilem; atque ita extensionem intelligibilem includere in se omnes perfectiones seu potiùs omnes differentias corporum propter varias sensationes quas mens adjungit ideis quas occasione eorundem istorum corporum habet. Haud equidem sic loquutus sum *ἡσσόνδῳ*; sed id eo consilio feci ut argumenta mea validiora & magis sensibilia redderem. Hic causas afferrem cur tam variè mentem meam aperuerim, si id foret necessarium.

Hæc ulteriùs & penitiùs tractare non audeo, ne res nimis abstractas & extraordinarias in medium proferam; vel, si quis malit, ne eo temeritatis adducar ut res mihi ignotas, quasque non possum retegere explicare aggrediar. Sunt duntaxat nonnulli Scripturæ loci qui suprà dictis adversari videntur, quos hic explanare conabor.

O B I E C T I O.

Cap. 1. 18. Divus Johannes in Evangelio suo, & in primâ Epistolâ, dicit; *Neminem unquam vidisse Deum. Deum nemo vidit unquam, unigenitum qui est in sinu*
 Cap. 4. 12. *Patris, ipse enarravit.*

Responsio.

Respondeo; Eum propriè non videre Deum, qui in ipso videt creaturas. Creaturarum essentias in ipsius substantiâ videre, non est ipsius essentiam videre. Ut videre objecta in speculo repræsentata, non est ipsum speculum videre.

Cor. cap. 13. Nihil obstat equidem quo minus cum Divo Paulo, Augustino, Gregorio, & multis aliis Ecclesiæ Patribus, dicamus, Deum à nobis etiam in hac vita videri, quamvis modo imperfectissimo. Hæc sunt verba
 L. 31. cap. 20. sancti Gregorii in suis Ethicis ad Jobum. *A Luce incorruptibili caligo nos nostra corruptionis obscurat; cùmque & videri aliquatenus potest, & tamen videri lux ipsa sicuti est non potest, quàm longè sit indicat. Quam si mens non cerneret, nec quia longè esse videret. Si autem perfectè jam cerneret, profectò hanc quasi per caliginem non videret. Igitur, quia nec omnino cernitur, nec rursùm omnino non cernitur, rectè dictum est, quia à longè Deus videtur. Quamvis sanctus Gregorius, ut explicet istum locum Jobi, oculi ejus à longè prospiciunt, dicat, in hac vitâ Deum non videri nisi à longè, attamen Deus nobis adest admodum præsens. Sed concupiscentiæ nostræ caligine nobis delitescit. Caligo nos nostra corruptionis obscurat. Nam in aliis locis, post Divum Augustinum, lumen Dei, quod est Deus ipse, lumini solis comparat quo circumdamur, quodque non videmus dum*

cæcutimus aut oculos claudimus ne ipsius fulgore perstringamur; *In sole oculos clausos tenemus.*

Divus Augustinus rem Gregorio fideli ipsius discipulo pressius urget. Quamvis enim agnoscat Deum nunc non cognosci nisi admodum imperfectè; asserit tamen in multis locis, Deum nobis clariùs innotescere quàm multa quæ nos optimè nosse arbitramur. *Propinquior nobis qui fecit, quàm multa quæ facta sunt.*

IN ILLO ENIM VIVIMUS, MOVEMUR & SUMUS. *Isorum autem pleraque remota sunt à mente nostra propter dissimilitudinem sui generis.*

Et inferiùs. Rectè culpantur in libro sapientiæ inquisitores hujus sæculi; Si enim tantum, inquit, potuerunt valere, ut possent æstimare sæculum, quomodo ejus Dominum non facilius invenerunt?

Ignota sunt fundamenta oculis nostris; & qui fundavit terram, propinquat mentibus nostris. De Gen. ad lit. l. 5. c. 16. De Trinitate l. 8. c. 8.

Ideo sanctus ille Doctor putat iis quibus charitas inest Christiana notiozem esse Deum quàm fratres. Ecce, inquit, jam potest notiozem

Deum habere quàm fratrem. Planè notiozem, quia præsentiozem notiozem, quia interior: notiozem, quia certiozem.

Alia sententiæ Augustini argumenta non asseram. Similia multa reperientur apud Ambrosium Victorem in 2. Vol.

Philosophia Christiana.

Sed ut ad locum Beati Johannis redeam: Deum nemo vidit unquam. Existimo Evangelistam, dum asserit neminem unquam vidisse Deum, eò tendere, ut discrimen inter Vetus & Novum Testamentum patefaciat; inter JESUM CHRISTUM & Patriarchas, & Prophetas, de quibus scriptum est, ipsos vidisse Deum. Nam Jacob, Moses, Isaias & alii non viderunt Deum, nisi oculis corporeis, & sub formâ mutuatitiâ; illum ut in se est non viderunt; *Deum nemo vidit unquam.* Sed Filius unigenitus Patris, qui in ipsius sinu est, ea quæ vidit nos edocuit: *Unigenitus qui est in sinu Patris, ipse enarravit.*

Cyillus Alexandrinus ad hæc verba Johannis: E. ad l. 1. c. 1. v. 18.

O B J E C T I O.

Divus Paulus ad Timotheum scribens, dicit Deum habitare lumen inaccessum, ipsum à nemine unquam fuisse visum, immò videri non posse. Si lumen Dei sit inaccessum in illo omnia videri nequeunt.

S. Aug. Tr. 14 ad B. Joh. 5. Greg. c. 27.

Responsio.

Divus Paulus non potest adversari Divo Johanni nobis asserenti Jesum Christum esse verum lumen, quod omnes homines in hunc

ad caput 18. Jobi.

mundum venientes illuminat. Nam, mens humana, quam plurimi

Inaccessibile dicit sed omni homini

*Patres appellât lumen illuminatum, non illuminatur nisi lumine sapien-

tia humani

tiæ æternæ, quod iidem Patres hanc ob causam dicunt lumen illumi-

hunc a sa-

nans. David nos hortatur ad Deum accedete, ut ab illo illuminemur.

per. Sc. pro-

Accedite ad eum, & illuminamini. Sed quomodo possumus ab illo illumi-

ra quippe sa-

nari, nisi possimus videre lumen quo sumus illuminandi? Itaque Pau-

cras omnes carnales

lus dicens hoc lumen esse inaccessum, id dicit de homine carnali qui

scilicet a o-

apud seipsum non secedit ut lumen illud contempletur. Aut si de

lumen a o-

omnibus hominibus loquatur, id dicit quòd nullus sit qui à perfecta

nomine nota-

veritatis contemplatione non abducatur, quia corpus nostrum atten-

re sole. S.

tionem mentis nostræ indefinenter interrumpit.

Greg in cap. 18. Job.

OBJECTIC.

Deus Mose ipsum videre optanti respondens, dixit. *Non potes videre faciem meam, NON videbit me homo & vivet.*

Responsio.

Sensum literalem hujusce loci supradictis non repugnare evidens est; haud enim sentio Deum posse videri in hac vitâ, eo modo quo Moses ipsum videre optabat. Respondeo tamen, moriendum nobis esse, ut Deum videamus; mens enim veritati unitur, quo magis à corpore abstrahitur. Ad hanc veritatem nemo satis attendit. Qui affectuum motûs sequuntur, qui voluptatum usu imaginationem polluerunt, qui unionem & mutuum mentis cum corpore commercium auxerunt; uno verbo, qui vivunt, Deum videre nequeunt; apud seipsos enim se recipere non possunt ut veritatem consulant. Beatos itaque illos quorum cor purum est, mens libera, imaginatio sana, qui mundo neutiquam, vix corpori adhærescunt! uno verbo beati illi sunt qui moriuntur, nam videbunt Deum. Sapientia id palàm dixit in monte, idque iis seorsim dicit qui sese recipientes illam consulunt. Qui in se superbiæ concupiscentiam perpetuò excitant, qui sexcenta ambitiosa agitant consilia, qui mentem non modò corpori, sed iis etiam quibus circumdantur uniunt atque etiam mancipant; uno verbo, qui vivunt non modò vitam corporis, sed etiam vitam mundi, non possunt videre Deum; nam sapientia in intimo rationis recessu habitat, illi verò sese perpetuò extrinsecus diffundunt.

Job. 28 2.

Videmus
nunc per spec-
culum in æ-
nigmate
tunc autem
facie ad fa-
ciem. Nunc
cognosco ex
parte. 1. Cor.
13.

At qui sensuum vividitatem indefinenter mortificat, qui imaginationis puritatem sedulò conservant, qui affectuum motibus strenuè resistunt, uno verbo, qui omnia vincula quibus alii corporis & magnitudinis sensibilis fiunt mancipia, solvunt, innumeras veritates retegere, & sapientiam illam *ab oculis omnium viventium absconditam* videre possunt. Vivere aliquo modo desinunt, statim atque apud seipsos sese colligunt; corpus deserunt ubi ad veritatem accedunt. Nam mens humana inter Deum & corpora ita sita est ut à corporibus recedere nequeat quin ad Deum admoveatur; Quemadmodum cum ad ea præceps currit à Deo recedit. Sed quia ante obitum corpus omninò deferri nequit, fateor etiam ante illud tempus hominem Deo perfecte uniri non posse. Jam juxtà Divum Paulum, Deus videri potest confusè ac veluti in speculo, sed non potest videri de facie ad faciem. *NON videbit me homo & vivet.* Potest tamen videri *ex parte*, hoc est confusè & imperfectè.

Vitam in omnibus hominibus viventibus æqualem esse illamque in puncto indivisibili consistere arbitrandum non est. Imperium corporis in mentem, quod impedit quominus uniamur Deo per cognitionem

tionem veritatis, potest suscipere magis & minus. Mens in omnibus hominibus æqualiter non unitur corpori quod sensationibus suis animat, & aliis corporibus versùs quæ affectuū ope fertur. Nec desunt qui voluptatum & superbiæ concupiscentiam ita enecant ut corpori & mundo vix amplius adhærescant. Atque sic sunt quasi mortui. Beatus Paulus hujusce rei nobis est exemplum insigne, corpus suum castigabat & in servitutem redigebat; atque sese ita humiliaverat & maceraverat, ut de mundo non amplius cogitaret, quemadmodum mundus de ipso. Mundus enim ipsi mortuus & crucifixus erat, sicut mundo crucifixus & mortuus ipse erat. Et hanc ob causam, inquit Gregorius, veritatis tantus erat amator, & ad illa divina lumina quibus splendent ipsius epistolæ suscipienda dispositus; quæ Epistolæ quantumvis lucidæ eos tamen duntaxat penetrant qui exemplo Pauli sensus & affectus crucifigunt. Nam, ut ipse ait, *Animalis* 1. Cor. 2. 14.
homo non percipit ea quæ sunt spiritus, stultitia enim illi est; quia scientia hujus Ad Moysen
mundi, sapientia hujusce sæculi. ingenii subtilitas, delicatula molli- dicatur, non
ties, vivacitas, imaginationis egregiæ igniculi, quibus mundo vivi- videbit me
mus, & mundus nobis vivit, stupiditatem &, ut ita dicam, stupendam, homo & vi-
insensibilitatem menti nostræ ingenerant respectu omnium veritatum, vet; ac si
quæ perfectè capi nequeunt nisi silentibus sensibus & affectibus. aperire dice-
retur: Nul-

Mors illa igitur quæ Deo unimur optanda est, aut istius mortis imago, quæ est somnus mysticus per quem omnibus sensibus externis sopitis, vocem veritatis internæ possumus audire, quæ nos non alloquitur, nisi per noctis silentium ubi tenebræ objecta sensibilia oculis nostris furripiunt, & mundus nobis veluti mortuus est. Hinc est cap. 18. Job.
quod Sponsa, inquit Gregorius, in canticis canticorum Sponsi vocem quasi per somnium audierat, quæ dicebat; Ego dormio, & cor meum vigilat. Ac si diceret, dum exteriores sensus ab hujusce vitæ sollicitudinibus sopio, vacante mente, vivacius interna cognosco. Foris dormio, sed intus cor vigilat, quia dum exteriora quasi non sentio, interiora solerter apprehendo. Bene ergo Eliu ait quod per somnium loquitur Deus. Ethica Gregorii ad cap. 33. Job. c. 28.

ILLUSTRATIO

Ad Caput Septimum Secundæ Partis Tertii Libri
in quo probo.

*Nos non habere claram ideam naturæ nec modificationum
mentis nostræ.*

ALicubi dixi, atque etiam tertio Libro de Inquirendâ Veritate me satis probasse arbitror, nos nullam habere claram mentis nostræ ideam; sed tantum conscientiam aut sensum internum; atque ita nos

Responsio
ad quintas
Objectiones
adversus
secundam
Meditationem,
sub finem.

illam multò imperfectius cognoscere, quàm extensionem. Id ita evidens mihi videbatur, ut rem fusiùs explicare necessum non duxerim. Sed Cartesii autoritas disertè dicentis; *naturam mentis esse notiorē naturā ullius alijs rei*, ita prævertit quosdam ex ejus discipulis, ut ea quæ super his scripsi nihil aliud effecerint quàm obtusi ingenii apud illos homo, qui veritates abstractas assequi & tenaciter amplecti non possem, utpote quæ attentionem levare & continere non possint haberet. Me admodum debilem, sensibilem, & crassum esse, mentem meam à corpore tot modis ut verbis exprimere nequeam, pendere, factor. Id mihi notum est, id sentio, & in id perpetuo laboro ut istam mei cognitionem magis ac magis augeam. Etenim si non possimus miseriæ nostræ mederi, saltem illam cognoscere & sentire debemus. Sensu miseriæ internæ saltem humiliter nosmet deprimere & quantum utile sit nobis liberari ab isto corpore mortis, quo omnes mentis nostræ facultates perturbantur & confunduntur, agnoscere par est.

Attamen quæstio nunc agitata ingenii capacitati ita accommodata est, ut ingenti mentis applicatione ad eam solvendam opus esse non censeam: & hanc ob causam huic non eram immoratus. Nam id me asserere meritò posse arbitror; ignorantiam scilicet plerorumque circa mentem suam, circa ipsius distinctionem à corpore, circa ejusdem spiritualitatem, immortalitatem, & alias proprietates, sufficere, ut evidenter probemus, nos nullam illius claram & distinctam ideam habere.

Nos ideam corporis claram habere possumus dicere, quia sufficit consulere ideam quā repræsentatur, ut agnoscamus modificationes quarum capax est. Illud quadratum, rotundum, in quiete, in motu esse posse clarè videmus. Nullo negotio concipimus quadratum posse dividi in duos triangulos, duo paralelogrammata, duo trapezia. Quum quis à nobis quærit, an aliquid pertineat, aut non pertineat ad extensionem, quid respondendum habeamus ambiguum non est: Quia idea extensionis cum sit clara, nullo negotio & simplici mentis apprehensione videmus quid includat, quid verò excludat.

Nullam, nî fallor, mentis nostræ habemus ideam, quæ ita clara sit, ut eam consulendo possimus cognoscere modificationes quarum capax est. Si nullam unquam sensissemus voluptatem aut nullum dolorem, an mens illius sit capax necne scire nequiremus. Si homo quispian melonem nunquam gustasset, dolorem nunquam esset passus, rubrum aut viride nunquam vidisset, certè frustra istam quam pertendunt mentis suæ ideam consuleret, an harum vel illarum sensationum, seu modificationum esset capax, distinctè nunquam cognoscere posset. Nec id modò; quamvis actu sentiamus dolorem, aut actu videamus colorem, non possumus tamen simplici visu cognoscere an qualitates illæ pertineant ad mentem. Dolorem esse in corpore cujus occasione eum sentimus, & colorem in superficie objectorum dis-

fusum esse imaginamur, quamvis hæc objecta à mente nostra distinguere clarissimè concipiamus.

Ut certiores fiamus an qualitates sensibiles sint modificationes mentis necne; suppositam istam mentis ideam non consulimus: Ipsi Cartesii discipuli contra consulunt ideam extensionis; & sic ratiocinantur. Calor, dolor, color non possunt esse modificationes extensionis: nam extensio nullius rei est capax quàm variarum figurarum, variorumque motuum. Jam autem duo duntaxat sunt entium genera, spiritus & corpora. Ergò dolor, calor, color, & omnes aliæ, qualitates sensibiles pertinent ad mentem.

Quandoquidem ad id adigimur ut consulamus ideam extensionis ad cognoscendum, an qualitates sensibiles sint modificationes entis, nonne evidens est nos claram mentis ideam non habere. Alioquin quorsum istud diverticulum? Quùm Philosophus vult cognoscere, an rotunditas pertineat ad extensionem, num consulit ideam mentis aut aliquam ideam aliam ab ideâ extensionis? Nonne videt clarè in ipsâ extensionis ideâ, rotunditatem ipsius esse modificationem, & nonne insaniret si ad id comperiendum sic ratiocinaretur. Duo sunt tantum entium genera, spiritus & corpora; rotunditas non est modificatio spiritus; ergo est modificatio corporis.

Igitur uno mentis appulsu sine ratiocinatione, & solâ mentis ad ideam extensionis applicatione videmus, rotunditatem, & quamlibet aliam figuram esse modificationem corporis & voluptatem, dolorem, calorem, omnemque aliam qualitatem sensibilem non esse modificationes corporis. Nulla potest moveri quæstio circa ea quæ pertinent aut non pertinent ad extensionem, cui facile, promptè, & confidenter non satisfaciat, solâ ideæ qua repræsentatur consideratione. Omnes homines super eâ re inter se consentiunt. Qui materiam cogitare posse autumant, illam hac facultate præditam esse non opinantur, qui a extensa est, extensionem præcisè ut in se est consideratam cogitare non posse fatentur.

Sed eodem modo non consentiunt de iis quæ circa mentem & ejus modificationes credenda sunt. Sunt qui credant dolorem & calorem, aut ad minimum colorem ad eam non pertinere. Immò ii Cartesiani quibusdam ludibrium debent, qui dicunt mentem fieri actu, cœruleam, rubram, flavam, illamque Iridis coloribus tingi, dum ipsam contemplatur. Multi sunt qui dubitent, & multò plures qui non credant, mentem, dum cadaver sentimus reverâ putidam fieri; & saporem sacchari, piperis, salis ad ipsam pertinere. Ubi igitur est clara mentis idea, ut illam Cartesiani consulant, & omnes unâ consentiant super hac re; cui scilicet colores, sapor, odores, debeant competere?

Verùm licet Cartesiani super his inter se consentirent, hinc protinus non foret concludendum, ipsos claram mentis ideam habere. Nam si unanimo tandem dicant consensu mentem actu esse viridem aut rubram, dum viride & rubrum videmus, id non concludent nisi

prolixis admodum ratiociniis; id nunquam uno & simplici visu videbunt: id nunquam comperient consulendo suppositam istam mentis ideam, sed potius consulendo ideam corporis. Afferent qualitates sensibiles pertinere ad mentem, duntaxat quia non pertinent ad extensionem, cujus claram habent ideam. Hujusce rei eos nunquam convincent, qui utpotè tenui & parvo præditi ingenio, perceptionum complexarum aut ratiocinationum sunt incapaces, aut potius qui ideam corporis claram attentè satis non considerantes omnia confundunt. Semper erunt rustici, pueri, feminae & forsan eruditi atque etiam Doctores qui de his sint dubitaturi. Sed feminae, pueri, Docti, indocti, ingeniosi & stupidi, nullo negotio capiunt, per ideam quam habent extensionis, ipsam esse capacem quarumvis figurarum. Extensionem doloris, saporis, odoris, aut alius cujuslibet sensationis non esse capacem facile concipiunt, dum ideam quâ extensio repræsentatur attentè & fideliter consulunt. Nulla enim qualitas sensibilis includitur in ideâ quæ repræsentat extensionem.

Possunt equidem dubitare an corpus sit capax sensûs, aut possit aliquam recipere qualitatem sensibilem, an verò secus. Sed id fit quia per corpus aliquid aliud intelligunt quàm extensionem, nullam corporis hoc sensu accepti claram habent ideam. Sed dum Cartesius, aut Cartesiani quos alloquor, mentem corpore melius cognosci asserunt, per corpus nihil aliud intelligunt quàm extensionem. Quomodo igitur possunt defendere naturam mentis clariùs cognosci naturâ corporis; cum idea corporis aut extensionis adeò clara sit ut omnes inter se consentiant de iis quæ includit vel excludit, cumque idea mentis ita confusa sit, ut Cartesiani ipsi quotidie disputent, an modificationes coloris ad ipsam pertineant.

Natura substantia, inquit isti Philosophi post Cartesium, eo distinctius cognoscitur quo plura ejus attributa cognoscuntur. Jam autem nulla res est
 Loco sup. à
 citato. *cujus tot cognoscamus attributa quàm mentis; quia quotquot in aliis rebus cognoscuntur totidem possunt recenseri in mente, ex eo quod illa cognoscat. Atque idè ipsius natura omnis alius rei naturâ notior est.*

Sed quis non videt multum esse discriminis inter cognoscere per ideam claram, & cognoscere per conscientiam. Quum cognosco bis duo esse quatuor, id clarissimè cognosco; sed clarè non cognosco id quod in me est quod hanc cognoscit veritatem. Id equidem sentio; Id novi per conscientiam aut per sensum internum; sed illius nullam habeo claram ideam, ut habeo de numeris, inter quos possum clarè deprehendere relationes. Possum *numerare* tres in mente meâ proprietates. Primam quâ cognosco bis duo esse quatuor; secundam quâ cognosco ternarium numerum ter repetitum esse 9. & tertiam qua cognosco quaternarium numerum, quater resumptum efficere 16. Imò, si ita libuerit, tres istæ proprietates inter se different, & sic in me innumeras potero numerare: sed nego clarè à me cognosci naturam earum rerum quas in me numeraturus sum.

Possumus dicere nos habere ideam claram entis alicujus ipsiusque naturam à nobis cognosci, quum illud cum aliis quorum etiam claram habemus ideam, possumus componere, aut saltem cum possumus conferre inter se modificationes quarum ens illud capax est. Claras habemus ideas numerorum & partium extensionis, quia hæc possunt inter se conferri. Numerus binarius cum quaternario potest comparari, quatuor cum sexdecim; & unusquisque numerus cum omni alio. Quadratum cum Triangulo, Circulus cum Ellipsi, Quadratum & Triangulus, cum omni alio Quadrato & omnia alio Triangulo, conferri potest; & sic possunt clarè cognosci relationes quæ sunt inter illos numeros, illasque figuras. Sed mentem nostram cum aliis mentibus non possumus conferre, ut aliquam illius relationem clarè cognoscamus. Relatio quæ est inter voluptatem & dolorem, calorem & colorem non potest clarè dignosci, vel, ut de modificationibus ejusdem generis duntaxat loquar, non potest exactè determinari relatio quæ est inter viride & rubrum, flavum & violaceum, neque etiam inter violaceum & violaceum. Benè equidem cernimus alterum esse altero obscurius aut lucidius: sed nescimus neque quantum sit obscurius aut lucidius; neque quid sit esse obscurius aut lucidius. Nullam igitur claram habemus mentis aut ipsius modificationum ideam. Et quamvis videam aut sentiam colores, sapes, odores, possum dicere, ut dixi, me eas non cognoscere per ideam claram; cum illius relationes clarè cernere non possim.

Possum equidem deprehendere accuratas relationes seu analogias inter sonos; octavum tonum, seu diapason, exempli gratiâ, esse duplicem, quintarium tonum seu diapente esse ut 3. ad 2. quartum seu diatessaron ut 4. ad 3. sed istas analogias cognoscere nequeo per sensationem meam. Si novi octavum tonum esse duplicem, id novi quia experientiâ compertum habeo, eandem chordam dare octavum, ubi, postquam integra pulsata fuit, deinceps pulsatur postquam divisa fuit in duas partes æquales; & quia novi numerum vibrationum esse duplicem, tempore æquali, aut aliquid simile; quia trepidationes aëris, vibrationes chordæ, & ipsa chorda, possunt comparari per ideas claras; & quia distinctè cognoscuntur relationes quæ possunt esse inter chordam & ejus partes, sicut & velocitatem variarum vibrationum. Sed soni in seipsis non possunt comparari, seu quatenus qualitates sensibiles & modificationes mentis; nec eorum relationes dignosci.

Et quamvis Musici varias *consonantias* optimè distinguant; earum tamen relationes non cognoscunt per ideas claras. Solo aurium organo de sonorum differentia judicant, non ratione. Atqui nemo dicet aurem judicare per ideam claram, aut aliter quàm per sensum. Ipsi igitur Musici nullam sonorum claram habent ideam, quatenus sunt sensationes aut modificationes mentis. Unde consequitur nec mentem nec ipsius modificationes per ideam claram concipi, sed solum per conscientiam aut sensum internum.

Præterea, quâ in re mentis dispositiones quibus ad agendum & ad sibi repræsentanda objecta promptior sit, consistent, nemo novit. Nequidem possumus concipere qua in re ejusmodi dispositiones sitæ esse queant. Addit etiam neminem posse ratione certiores fieri, an mens sola à corpore separata, aut sine relatione ad corpus considerata, habituum & memoriæ sit capax. Quomodo tamen hæc possumus ignorare, si natura mentis sit notior naturâ corporis? Nullo negotio videmus qua in re consistat facilitas quâ spiritûs animales sese per nervos diffundunt, per quos jam sæpius fluxere; aut saltem nullo negotio comperimus, tubulis nervorum sese dilatantibus & fibris ipsorum certo modo inflexis, spiritûs animales posse faciliè insinuari. Sed quid possumus concipere quod queat augere facilitatem mentis ad agendum aut ad cogitandum? Profectò fateor me rem non posse assequi. Centies meipsum consulo ut has percipiam dispositiones, sed nihil est quod mihi met respondeam super hac re; quamvis vividissimè sentiam istam facilitatem quâ in me quædam excitantur cogitationes; ac nisi rationibus specialibus eò adducerer ut credam, me reverâ tales habere dispositiones quamvis illas non cognoscam in me: judicarem in mente meâ nec habitum nec memoriam spiritualem esse. Quicquid sit cum circa hæc hæsitamus, id manifestò arguit nos res tam clarè non cognoscere quàm vulgò pertendunt; nam dubia cum evidentiâ & ideis clavis stare nequeunt.

Eccl. cap. 9. 1

*Sed neque
meipsum
dico. Nihil
enim mihi
conscientia
sua. Sed nō
in hoc iusti-
ficatus sum:
qui autem
iudicat me
Dominus
est. 1. Cor. c.
4. 4.*

Hominem oculatissimum, an dignus sit amore, an verò odio cum evidentiâ cognoscere non posse certum est, ut loquitur Sapiens, sensus internus, seu conscientia quam de nobismet ipsis habemus nihil nos certò docet hac de re. Paulus equidem dicit sibi suam conscientiam nihil exprobrare; non asserit tamen se justificatum esse; quin asserit id ipsum non justificare, nec audere seipsum judicare, quia Dominus est qui iudicat ipsum. Sed cum claram habeamus ordinis ideam, si æquè claram haberemus mentis ideam sensu interno quem de nobismet ipsis habemus, evidenter cognosceremus an esset ordini conformis necne; possemus etiam accuratè cognoscere omnes ipsius dispositiones internas ad bonum & ad malum quotiescunque aliquem earum haberemus sensum. Sed si possemus nos cognoscere quales sumus reapse, superbiæ non essemus adedò obnoxii; Nec verisimile est Petrum dicturum fuisse Jesu Christo quem erat abnegaturus. *Cur te nunc non sequer, vitam meam ponam pro te.* Nam illo virium suarum & *αρετων* sensu evidenter potuisset videre, an ipsi satis fuisset roboris & animi ad vicendam mortem, seu potius ad toleranda probra ancillæ & quorundam famulorum.

Joh. 13. 37.

Si natura mentis naturâ cujuslibet alius rei notior esset; si idea quam de mente habemus æquè clara esset ac ideæ corporis hæc unum quæro. Cur videlicet tam multi illam cum corpore confundant? Duæ ideæ claræ & omnino diversæ possuntne confundi? Dicamus quod res est. Qui idem nobiscum non sentiunt ratione sunt præditi æquè

ac nos; easdem rerum habent ideas; eandem participant rationem. Cur igitur confundunt ea quæ distinguimus? An in aliis casibus unquam confundunt res quarum claras habent ideas? An unquam duos diversos numeros ab iis confundi videas? An quadratum pro circulo acceperunt? Mens tamen longius differt à corpore quàm quadratum à circulo. Duæ enim sunt substantiæ nullâ in re inter se convenientes, nihilominus tamen eas confundunt, certè aliquam in agnoscendâ illarum differentiâ esse difficultatem necesse est. Id simplici mentis appulsu nonprehenditur, & ratiociniis opus est ut concludamus alteram harum substantiarum non esse alteram. Attentè consulenda est idea extensionis, & agnoscendum extensionem non esse modificationem corporis, sed corpus ipsum, cum nobis repræsentetur ut res subsistens, & ut principium eorum omnium quæ clarè concipimus in corporibus. Unde fit ut, cum modificationes quarum corpus capax est, nullam habeant relationem ad qualitates sensibiles, oporteat subjectum illarum qualitatum, vel potius ens cuius qualitates illæ sunt modificationes à corpore multum differre. Sine his aut similibus ratiociniis non possumus quin mentem cum corpore confundamus. Sed si ideam mentis claram haberemus, ut habemus corporis, certè ad ambages illas confugiendum non esset quò ab illo distingueretur. Id primo intuitu, & eadem facilitate quâ cognoscimus quadratum non esse circulum, deprehenderetur.

Hic non immoror fusiùs probando mentem ipsiusque modificationes non cognosci per ideas claras. Quacunque nos inspiciamus, id satis agnoscimus. Et iis quæ jam in libro de Inquirenda Veritate super hac re dixeram hæc duntaxat addo, in quorundam Cartesianorum gratiam qui istam meam carpebant sententiam. Si ipsis hac additione non fecerim satis; expectabo donec istam claram ideam quam in me frustra conatus sum reperire mihi ostendant.

I L L U S T R A T I O

ad Caput Octavum Secundæ Partis Tertii Libri.

*De terminis vagis & generalibus nihil significantibus:
Quomodo ab aliis distinguantur.*

UT intelligantur quæ in nonnullis locis dixi; eos rerum rationem non reddere, qui eas explicant per terminos Logicos & per ideas generales, hoc ad animum revocare sufficiet; nempe, quicquid existit cum redigatur vel ad ens vel ad modos entis, omnem terminum quo nullum horum distinctè & speciatim designatur, nihil distincti significare. Id mihi evidentissimum videtur, sed quodcunque in se

evidens est, tale semper non est respectu omnium. Apud homines iste mos invaluit ut verbis inanibus sese & alios pascant. Omnes termini quibus aures non læduntur inter homines usu valent; & veritas in quotidianis hominum sermonibus ita negligitur, ut qui loquuntur non secus ac qui audiunt ad illam nequidem respiciant. Loquacitas omnium naturæ dotum iis est præstantissima; imaginationis sermo omnium mediorum ad persuadendum est optimum, & memoria terminis obscuris & ἀκαρίπτως abundans semper præ cæteris omnibus præfulgebit, quicquid dicant Cartesiani.

Ubi homines veritatem unicè diligent, ad ea quæ sunt dicturi tunc attendent; quæ audiunt accuratè examinabunt; terminos sensu vacuos aspernabundi respuent, & ideis clavis duntaxat adhærescent. At quandonam homines veritatem unicè diligent? ubi nimirum à corpore non ampliùs pendebunt, nullam ampliùs relationem necessariam ad objecta sensibilia habebunt, sese mutuò non ampliùs corrumpent, ac magistrum ipsos in intimo mentis recessu edocentem fideliter consulent, sed id in hac vitâ nunquam continget.

Interea tamen omnes veritatem æquè non negligunt, si multi sint qui verba sine examine effutiant, qui ea indiscriminatim audiant & recipiant, quique ad nihil aliud attendant quàm ad ea quibus moventur, sunt etiam qui veritati adipiscendæ & alios docendæ seriò incumbant. Ac hos potissimùm alloquor; his me rogantibus hæc scripsi.

Dico igitur quicquid est, sive actu existat sive non, ac ideò quicquid est intelligibile, redigi ad ens & ad modum entis. Per ens id intelligo quod est absolutum, aut quod potest concipi solum & sine relatione ad aliud. Per modos entis intelligo quod relativum est, aut quod solum concipi nequit. Jam autem duæ sunt species modorum entis; alii modi consistunt in relatione seu analogiâ partium totius ad aliquam partem ejusdem totius; alii consistunt in relatione rei alicujus ad aliam quæ non sit pars ejusdem totius. Rotunditas ceræ est modus entis primæ speciei, quia ipsius rotunditas consistit in æqualitate distantiae omnium partium superficiæ cum illâ parte quæ centrum constituit. Motus aut situs ceræ est modus entis secundæ speciei; nam consistit in relatione ceræ ad corpora eam circundantia. Non loquor de motu accepto pro vi movente: quippe hanc vim modificationem corporum nec esse, nec esse posse clarum est, quoniam quoquo modo modificata concipiantur non possunt concipi ut vis movens.

Si certum sit quicquid intelligibile est ad entia aut ad modos entium reduci, omnem terminum quo neutrum illorum designatur, nihil significare clarum est, & omnem terminum qui non significat illud ens aut illum entis modum speciatim, esse terminum obscurum & confusum. Atq; ideò nec quæ alii nobis dicunt nec quæ aliis dicimus possumus clarè concipere, nisi ideas distinctas entis aut modi entis habeamus

habeamus, quæ respondeant singulis terminis quibus illi utuntur, aut quibus nos ipsi utimur.

Concedo tamen nos posse, uti terminis qui ideas distinctas directe non excitant, immò nos ad id interdum adigi. Id possumus, quia non semper necesse est definitionem substituere in locum definiti, & quia formulis loquendi compendiosis quamvis in se confusis utiliter quandoque utimur. Et ad id cogimur, cum necessitas incumbit loquendi de rebus quarum claram non habemus ideam, quasque non cognoscimus nisi sensu interno quem de nobismet ipsis habemus, ut cum de mente & ipsius modificationibus loquimur. Cavendum est duntaxat ne terminis obscuris & æquivocis utamur quum claros habemus, aut quum adstantibus falsam ideam ingignere possunt, Hæc aliquo exemplo clariùs intelligentur.

Clarius est dicere mundum à Deo creatum fuisse per ipsius voluntatem, quam dicere mundum à Deo conditum fuisse per ipsius *potentiam*. Posterior vox est terminus Logicus; in mente nullam distinctam & specialem excitat ideam, & in hanc potest injicere opinionem, potentiam Dei scilicet posse esse aliquid diversum ab efficacità ipsius voluntatis. Hi clariùs loquuntur, qui dicunt Deum peccatoribus condonare in JESU CHRISTO, quàm qui absolute dicunt, Deum peccatoribus condonare *clementiâ* & *miseri cordiâ*: Hi termini sunt æquivoci. In eam possunt inducere cogitationem, Clementiam Dei scilicet forsan contrariam esse ipsius Justitiæ; peccatum posse manere impune; satisfactionem JESU CHRISTI non esse necessariam, & alia ejuscemodi.

Terminis vagis & quorum significatio non est præcisa sæpè utimur, ubi de perfectionibus Divinis loquimur. Nec id culpandum est, nam *ἀκριβεία* Philosophica non est semper necessaria. Sed nefariâ stupiditate & negligentia plerique hisce terminis generalibus ita abutuntur, & ex iis tot falsæ eliciuntur consequentiæ, ut quamvis omnes homines eandem Dei habeant ideam, illumq; omnes ut ens infinitè perfectum considerent: nulla tamen imperfectio ipsi non fuerit tributa tempore idololatriæ ac sæpe etiamnum de ipso sermones tantâ majestate indigni habeantur. Et omnia quidem ista ex eo oriuntur, quòd seriò plerique non conferunt ea quæ de Deo dicunt cum ideâ quâ repræsentatur, seu potiùs cum ipso.

Sed præcipuè in rebus Physicis, hisce terminis vagis & generalibus qui nullas distinctas entis aut modi entis excitant ideas, abutuntur Philosophi. Exempli gratiâ quum dicunt corpora ad *centrum* suum tendere; *gravitate* propriâ deprimi, *levitate* sursum ferri, *naturâ* suâ moveri, *formas* successivè mutare; *virtutibus*, *qualitatibus*, *facultatibus*, &c. agere; utuntur terminis nihil significantibus; & istæ omnes propositiones sunt omninò falsæ eo sensu quem ipsi affingunt plerique Philosophi. Nullum est *centrum* sensu quod vulgò accipitur. Isti termini *gravitatis*, *forma*, *natura* & alii similes nec entis nec modi entis

Eccl. 11. 21.

excitant ideam. Termini sunt sensu vacui, viris sapientibus cane pejus & angue vitandi. *Scientiâ insensati inenarrabilia verba*, inquit Scriptura. Isti termini ad tegendam Pseudo-Doctorum ignorantiam & ad persuadendum stupidis & impiis Deum solum non esse veram omnium causam, duntaxat utilia esse possunt.

Id mihi certum & captu facile videtur. Tamen plerique de omnibus liberè & confidenter loquuntur, an termini quibus utuntur claram & accuratam habeant significationem parum anxii. Immo sunt Authores qui plurima composuerunt volumina, in quibus aliquem observare locum ubi intellexerint quid scripserint, difficillimum est. Itaque qui multa legunt, sermones vagos & generales falforum Doctorum cum veneratione auscultant, in crassissimâ versantur ignorantia. Nec ab eâ ipsos posse liberari video, nisi statuant in nullius unquam verba jurare; & nisi ideas distinctas conjungant cum terminis maximè vulgaribus quibus alii utuntur. Isti enim termini clari non sunt ut vulgò putant. Clari duntaxat videntur ob frequentem & perpetuum ipsorum usum; quia plerique se clarè intelligere arbitrantur quæ dicunt, aut quæ audiunt; cum dicunt aut audiunt res centies jam dictas & auditas, quamvis nunquam examinatas.

ILLUSTRATIO

ad Conclusionem Trium Priorum Librorum.

*Medicos & quos vocant Directores nobis esse omninò
necessarios. Sed ipsos in multis casibus consulere
& sequi periculosum esse.*

Homo ante peccatum omnia ad mentis & corporis in statu perfecto conservationem necessaria proculdubio habebat. Nec Medico nec Directore indigebat; Veritatem internam ut officii normam ἀναμάρτητον consulebat; sensus ita fideles erant ut ipsum nunquam fallerent in usu Corporum quæ ipsum circumdabant, ad proprii ipsius corporis conservationem.

Sed post peccatum res valdè fuerunt immutatae: affectûs longè sapiùs consulimus quam veritatem aut legem æternam; & sensus nostri ita sunt inordinati, ut illos sequendo sanitatem & vitam interdum amittamus; & qui ubique peritiæ suæ satis fidunt ut seipsos regere posse credant, in errores crassos ut plurimùm incidunt quibus seriùs experiuntur se magistrum sequutos esse non sapientissimum.

Possùm tamen nò fallor dicere peccatum omnes mentis facultates

ita non perturbasse, ut in multis non possimus nosmetipsos consulere; ac sæpe evenire, ut vitam animæ aut corporis amittamus, quia ad Medicos artis suæ parum peritos confugimus, quique temperamentum nostrum satis non norunt, vel ad Directores Religionis & Doctrinæ de Moribus ignaros, quique conscientia adyta non rimantur, ut varia vincula variasque dispositiones eorum à quibus consuluntur deprehendere possint.

Quæ ad conclusionem trium priorum Librorum de Inquirendâ Veritate dixi, eò adduxit nonnullos ut crederent me in ea esse sententia, homines ad conservandam sanitatem & vitam, sensûs & affectus suos in omnibus sequi debere; ac ut officium suum discant, ipsis inutile esse alios homines consulere, cum sapientiam æternam habeamus magistram, quæ nos in intimo rationis clarè alloquitur. Et quamvis nec dixerim, ac ne quidem cogitaverim Medicos & Directores esse inutiles nonnulli ad judicandum & concludendum præcipientes, hanc meam esse sententiam sibi persuaferunt, quia forsan ipsi sic sentiunt; & quia hominem non tam considerant ut nunc est, quam ut erat ante peccatum. Hæc igitur mea est super hac quæstione sententia.

Homo in duplici statu potest considerari in sanitate & in morbo. Si in prosperâ valetudine consideretur, nullum, nî fallor, dubium est, quin ipsius sensûs ad sanitatem illam conservandam ipsi longè sint utiliores ratione & peritissimorum Medicorum experientiâ. Medicus arcessendus non est ut notum fiat quodnam pondus homo possit sustinere; an lignum & lapides edere debeat; an præcipitem se dare possit. Sensus ipsum breviter ac tutò quid ipsi in his casibus frequentissimis agendum sit docebunt, & id sufficere mihi videtur ad ea quæ in conclusione trium priorum Librorum à me dicta sunt ab omni criminatione defendenda.

Verum id non sufficit ut istud à me cogitatum aut etiam dictum in alio loco possim defendere; nempe, *sensus nostros officio suo mirè defungi, & ad finem suum nos modo tamque justo tam fideli ducere, ut corruptionis & inordinationis immeritò accusari videantur.* Nam semper existimavi mirum illum ordinem qui in sensationibus nostris relatè ad vitæ conservationem occurrit, non esse sequelam peccati, sed primam naturæ institutionem. 1. Lib.

Objicitur istum ordinem nunc valdè interruptum esse, sique sensûs nostros sequeremur, nos sæpe non modò venenum, esuros esse, sed plus sæpè cibi sumpturos quam stomachus ferre & concoquere valeat.

Venena quod spectat; haud putem nos unquàm sensuum ductû illa fuisse sumpturos; ac si fortuitò oculi nostri ad venenum degustandum nos excitarent, in eo saporem non sentiremus quo ad illud hauriendum incitaremur; dummodò tamen venena illa essent in suo statu naturali. Multum enim intercedit discriminis inter venena ut ea producit natura, & cibos veneno infectos; inter piper crudum, &

carnes pipere conditas. Ad edendos cibos venenatos sensibus ferimur, id equidem fateor; sed ad edenda venena nos non ferunt; Immo satis mihi non constant an ad ea delibanda nos ducant, dummodò venena illa in eo sint statu in quo ea produxit Deus. Sensûs enim nostri ad ordinem naturalem rerum à Deo institutum duntaxat extenduntur.

Concedo etiam sensûs nostros nunc nos quandoque ferre ad utendum immoderatè quibusdam alimentis; sed id fit quia illa alimenta non sunt in suo statu naturali. Forsan nimium frumenti non edemus, si illud dentibus ad id comparatis moleremus. Sed molitur & incerniculo cribratur; pensitur & coquitur ac sæpè etiam lacte, butyro, & saccharo conditur. Præterea cum tragematis & variis condimentis, quæ appetitum provocant, comeditur. Non mirum itaque est sensûs nostros ad usum immoderatum nos ferre, ubi ratio & experientia ad ipsos decipiendos unà conspiraverunt.

De carne res non secùs se habet; illam sensus horrent ubi cruda est & cruenta, ut solet videri ubi animal morte naturali extinctum est. Sed homines postquàm cœperunt occidere bestias, sanguinem ex carnibus elicere, eas coquere, condire; sensûs corruptionis & inordinationis accusare sustinent. Cum ratione utuntur ad sibi paranda alimenta diversa ab iis quæ natura ipsis administrat, fateor ipsos eadem ratione uti debere ut cibis moderatè utantur. Si coqui artem invenerunt nobis condiendi attrita calceamentorum coria; rationis etiam usum in comedendo admittere debemus, & his cibis adulterinis quos Deus non instituit diffidere. Deus enim sensûs nobis dedit duntaxat relatè ad ordinem naturalem rerum.

Observandum est præterea imaginationem & sensûs in diffidentia versari, ubi alimenta nobis non ordinaria sumimus. Nam si quis de aliquo fructu nunquam edisset aut nullum de illo edentem unquàm vidisset, primâ fronte aversatione & timore afficeretur illum degustando: imaginatio & sensus forent naturaliter attentissimi ad saporrem illius cibi; quanquam fame premeretur, parùm tamen de illo ederet; siquæ fructus ille haberet qualitatem noxiam, illa qualitas aliquem statim in illo excitaret honorem. Ita ipse machina disponderetur ut aliàs de illo non ederet; & ipsius aversatio externo oris habitu manifesta, alios impediret quo minus de illo ederent. Omnia ista in ipso possent evenire sine ullâ rationis participatione; hic enim non loquor de auxiliis quæ à ratione possunt suppeditari. Sed quia amici nostri cibis non salubribus vescuntur, ipsos imitamur; ex opinione vivimus aliorumque exemplum nos facit audaciores. Effectum quod hæc alimenta in nos produciunt non examinamus, ac ea immoderatè sumere non timemus. Sed intemperantia sensibus potissimum imputari non debet.

Possunt equidem forsan reperiri fructûs quorum sapor homines ad sensuum testimonium attentissimos potest decipere, sed profectò id

valdè rarum est. Ex his casibus specialibus concludendum absolute non est, sensus nostros esse omnino corruptos nosque ab ipsis ordinariè decipi etiam in iis quæ bonum corporis spectant. Forsan illi fructus gustum nostrum fallunt, quia organum gustus vitiavimus alimento non naturali, & quo frequenter utimur. Nam cibos acuti saporis quibus vescimur particulis suis aculeatis fibras linguæ nostræ lædere, ipsique solertiam & sagacitatem demere, certò constat. Id eorum quibus nulli cibi præter condimenta arrident, exemplo probari potest. Nam si nullum saporem in frumento, & in carne crudâ reperiamus id fit quia lingua nostra ciborum particulas quarum motus sunt moderati, sentire amplius nequit.

At supponamus dari etiam fructus quorum sapor possit fallere sensus sagacissimos, & adhuc in perfectione suâ naturali perstantes, id à peccato oriri credendum non est; sed tantummodò fieri nequit ut juxta leges naturæ simplicissimas unicus sensus tantam habeat sagacitatem ut omne ciborum genus possit discernere. Præterea istius sensus defectus remedio non careret; quoniam quum matres fructus noxios averfantur, averfationem suam infantibus communicant, non modò dum adhuc sunt in utero, sed etiam postquam in lucem editi sunt. Infantes enim nihil edunt præter ea quæ ipsis à matre offeruntur. Ac in iis mechanicè & per habitum faciei externum suum imprimunt horrorem fructuum noxiorum. Aded ut Deus conservationi vitæ nostræ per sensus nostros sufficienter & ratione omnium optimâ consuluerit. Cum ordo postulet ut leges unionis mentis cum corpore sint simplicissimæ debent esse maxime generales: nec leges speciales propter casus nunquam ferè eventuros statuere debuit Deus. In hisce casibus ratio sensibus opitulari debet, nam ratione in omnibus uti possumus. Sed sensus ad quædam judicia naturalia omnium utilissima, ut in primo Libro probavi, determinati sunt. Nihilominus judicia illa nos quandoque fallunt: quia id aliter evenire nequit, nisi leges simplicissimæ unionis mentis cum corpore multiplicentur.

Jam si homo in statu ægrotationis consideretur, fatendum est ipsum à sensibus sæpè falli, etiam in rebus quæ ad conservationem vitæ pertinent. Nam, cum æconomia ipsius machinæ sit turbata, fieri nequit quin pro illa machinæ perturbatione, in cerebro multi irregulares excitentur motus. Ipsi tamen sensus non sunt ita corrupti ut vulgò putant: Deus conservationi vitæ per leges unionis mentis cum corpore adeò sapienter consuluit, ut, quamvis leges illæ sint simplicissimæ, sufficiant tamen, ad restituendam nobis sanitatem. Et illas leges sequi multò tutius est, quam ratione nostrâ uti, aut ad quosdam Medicos qui ægrorum statum accuratè satis non consulunt, confugere. Quemadmodum enim vulnus per se coalescit & reficitur, dummodò sedulò purgetur & lambatur; ut solent animalia ubi sauciata sunt; morbi ordinarii citò sanantur, ubi in eo statu manemus, & istud vitæ regimen accuratè observamus ad quod isti morbi

veluti instinctu & sensu nos compellunt.

Homini, exempli gratiâ, febricitanti, vinum videtur amarum; certe id fit quia vinum illi tunc temporis noxium est. Eidem homini prosperâ valetudine utenti vinum jucundum est, atque tunc vinum ipsi utile est. Immodò sæpè contingit ut vinum sit utilissimum ægrotis quibus videtur jucundum; dummodò voluptas quàm ex ipsius sapore percipiunt non oriatur ex consuetudine quadam ebrietatis, & desiderium quod in ipsis excitatur nascatur ex præsentis dispositione corporis. Itaque dubium non est quin sensus nostri sint interrogandi, etiam in morbo, ut ab iis discamus rationem restituendæ sanitatis. Hac autem ratione sese hoc in negotio gerendum esse arbitror.

Ægroti attentissimi esse debent ad quædam desideria secreta, quæ præsens dispositio corporis in ipsis nonnunquam excitat; ac imprimis videant ne illa desideria sequantur ex aliquo habitu præcedenti. Quocirca imaginationi suæ sese securè permittere debent, nihil cogitantes quod ipsam determinet, observare ad quid sese ferri sentiant, & examinare an ea cupiditas in ipsis excitetur, propter dispositionem in quâ tunc temporis sunt. Atque ita, illam sequi debent, sed moderatè admodum. Difficillimum enim est certò cognoscere an illæ inclinationes ex dispositione præsentis corporis oriantur; & nonnunquam alicuius experientiâ consummatum super hac re consulere opus est. Si ægro imaginationi sese permittenti, ut monui, nihil in mentem veniat, quietus manere debet & à cibis abstinere; nam verisimile est diætam in ipso aliquod desiderium esse excitaturam aut humores ex quibus natus est morbus dissipaturam. Quod si morbus augeatur, quamvis diætam observet & quietus maneat; tunc ad experientiam & ad Medicos confugiendū est; Omnia igitur Medico perito cui temperamentum, si fieri possit, nostrum sit notum, sunt exponenda, morbi primordia, series, & status qui morbum antecessit ipsi clarè explicanda, ut experientiam & rationem relatè ad ægrum sibi sanandum consulere possit. Et quamvis Medicus medicamenta amara & quæ reverà quædam species veneni sunt præscribat, sumenda sunt tamen; quia experientiâ constat illa venena in corpore ordinari non manere, & secum quandoq; humores ex quibus morbus ortus erat ejicere. Tum ratio seu potius experientia sensibus prævalere debet, dummodò averfatio nostra erga medicamentum nobis porrectum nova non sit. Nam si hæc averfatio in nobis eodem tempore quo morbus supervenit, excitata fuisset; id argumento foret hanc medicamenti speciem esse ejusdem naturæ ac maligni humores qui morbum pariunt, quo casû forsan augeret morbum.

Nihilominus, antequam validum medicamentum aut quod averfationem gignit, sumatur incipiendum esse censeo à lenioribus aut naturæ magis accommodatis. Ut, exempli gratiâ, multum aquæ bibere, aut aliquod vomitorium, si cibos fastidiat æger, ac vomitus difficilius

non excitetur. Aqua humores nimis crassos resolvere, & circulationem sanguinis per omnes corporis partes faciliorem reddere potest; ac vomitoria stomachum purgantia, efficiunt ut alimentum in eo non amplius corrumpatur, nec febres intermittentes amplius foveat: Sed his immorari meum non est. Credo igitur consulendos esse Medicos sapientes, qui temerè nihil faciant, qui de remediis suis nimium non sperent; quique ad præscribenda medicamenta non sint æquo promotiones. Ægris enim pro unico medicamento utili, multa semper porriguntur noxia. Cum ut plurimum illi satis patienter morbum non ferant, nec gloriosum sit Medicis aut Pharmacopolis lucrosum ægros visere nec illis quicquam præscribere; Medici rariùs æquo invisunt ægrotos & ipsis medicamenta frequentius præscribunt. Itaque cum morbo laboramus Medicum noscere debemus, nihil periclitari, naturam sequi & illam si fieri possit reborare. Ipsi insinuare debemus nobis satis esse rationis & patientiæ, ut ægiè non feramus quòd sæpè nos invisat quamvis nobis nihil levaminis afferat; nam in his casibus ii satis agunt qui nihil mali afferunt.

Existimo igitur Medicos meritò consuli, ipsisque esse obsequendum, si vitam velimus conservare. Quamvis enim restitutionem valetudinis certò nobis polliceri non possint, possunt tamen nobis multum prodesse, propter perpetua experimenta quæ circa varios morbos fecere. Pauca accuratè sciunt, plura tamen quam nos; & dummodò temperamentum nostrum cognoscere satagant, omnia mali symptomata sedulò observent, & ad sensum internum quem de nobis habemus multum attendant, ab iis omne auxilium quod ab hominibus legitimè sperari potest, sperare debemus.

De Directoribus conscientiæ idem ac de Medicis esse debet iudicium: In quibusdam casibus eos consulere omninò necesse est; idque ordinariè utile est. Sed sæpè evenit ut sine maximâ inutilitate, ac interdum sine summo periculo non possint consuli; quod fusiùs explicandum est, & argumentis evincendum.

Ratio hominis errori obnoxia dici solet, sed in hoc est æquivocatio ad quam satis non attenditur. Arbitrandum non est rationem quæ ab homine consulitur esse corruptam, ipsumque ab illâ unquam falli, quotiescunque illam fideliter consulit. Hæc jam sæpe dixi iterumque repeto: solâ supremâ ratione rationales sumus; solâ supremâ veritate illuminamur; solus Deus nos clarè alloquitur solusque nos erudire potest. Unicum habemus verum Magistrum Jesum Christum Dominum nostrum, sapientiam æternam, Verbum Patris, in quo omnes sunt sapientiæ & scientiæ Divinæ thesauri: Nec sine impietate dici potest, hanc rationem universalem quam omnes participant homines, & quâ solâ sunt rationales, obnoxiam errori & fallacem esse: Homo à ratione sua non decipitur, sed à corde. Ipsi lumen non impedit quominus videat, sed tenebræ: nec unione quam habet cum Deo, nec etiam aliquo sensu unione cum corpore, sed po-

tius imperio corporis in mentem; fallitur; vel potius decipitur quia vult seipsum decipere. Vult frui voluptate antequam examinandis rebus incubuerit; vult quiescere antequam in locum in quo residet veritas pervenerit. Errorum nostrorum causas in multis locis Librorum de Inquirenda Veritate accuratius explicui, & hic quæ à me alibi dicta sunt suppono.

His ita positis; ajo, Directores frustra consuli, ubi veritatem nos alloqui certum est; Veritatem autem nos alloqui certum est, ubi evidentiam deprehendimus in responsis quæ nobis interrogantibus seu attentioni mentis nostræ dantur; Itaque postquam in nosmet ipsos descendimus, silentibusque sensibus & affectibus nostris vocem adeò claram & distinctam audimus, ut de illius veritate dubitare nequeamus, huic voci obtemperandum, neglectis hominum ea de re judiciis; Consuetudo est nihili facienda; inclinationibus secretis resistendum; nec qui apud homines docti audiunt nimia veneratione prosequendi; à falsâ pietatis specie nos deludi sinendum non est, nec eorum oppositionibus qui nesciunt quo spiritu ducantur cedendum; sed patienter ferendæ sunt eorum contumeliæ, nec damnandus eorum animus. Lumine veritatis quod nobis affulget modestè gaudendum est. Et quamvis ipsius responsa nos damnent, præferenda tamen sunt, omnibus distinctionibus subtilibus quas excogitat imaginatio ad excusandos affectûs.

Quicumque, exempli gratiâ, in seipsum descendere, ac sensuum & affectuum tumultum sedare, potest, omnem motum quem Deus nobis indit, ad ipsum debere terminari, clarè cognoscit; ac Deum ipsum nos ab obligatione quâ ad illum amandum tenemur solvere non posse. Deum cessare propter seipsum agere, voluntatem nostram, ut aliud ab ipso velit, vel ut aliud velit quam ipse vult, creare aut conservare non posse evidens esse. Haud enim video quomodo quis possit arbitrari, Deum posse velle, ut quod minus amabile est magis ametur, vel ut id summè amemus tanquam finem nostrum, quod non est summè amabile.

Haud equidem ignoro qui affectûs suos consulunt, cum ordinem consulere deberent, eos facilè imaginari posse, Deum voluntatum suarum non aliam habere normâ quàm proprias suas volûtates; ac Deum, si ordinem sequatur cum sequi quia libet, eumq; ordinem ab ipso fuisse constitutum voluntate liberâ & omnimodè indifferenti. Sunt qui credant nullum esse ordinem immutabilem & necessarium naturâ suâ, ordinemque aut sapientiam Dei secundum quam fecit omnia, primam quidem omnium creaturarum esse, sed creaturam, factam voluntate Dei liberâ, non verò ex propriâ ipsius substantiâ genitam necessitate essentia. Verum ista sententia, quâ omnia Ethices fundamenta ruunt, ordini, & legibus æternis quæ ab ipso pendent suam detrahendo immutabilitatem, quæque totum Religionis Christianæ ædificium diruit, **JESUM CHRISTUM** aut Verbum Dei Divinitate suâ spo-

lian-

liando, ista, inquam, sententia satis menti non affundit tenebrarum ut veritatem illam; Deum, scilicet, velle ordinem, ei intercipiat. Itaq; ordine postulante ut tempus nostrum, seu duratio existentiae nostrae, sit propter illum qui nos conservat; ut omnis cordis nostri motus versus eum à quo ille motus indefinenter imprimitur tendat; utque omnes potentiae mentis nostrae non agant nisi propter eum cujus virtute agunt; Deus non potest nos solvere à mandato quod ipse nobis per Mosem tradidit in Lege, quodque per Filium in Evangelio renovavit, *Diliges Dominum Deum tuum ex toto corde, & ex totâ animâ tuâ, & ex Marc. 12. 30. tota mente tuâ, & ex totâ virtute tua.*

Sed quia omnem justum esse beatum, & omnem peccatorem esse infelicem; omnem actionem ordini conformem, seu omnem amoris motum versus Deum, remunerationem accipere, & omnem actionem ordini contrariam puniri, ordo postulat; hinc omnem hominem qui beatitudinem consequi cupit, ad Deum indefinenter tendere, ac id omne quod ipsius cursum moratur, aut motum versus verum bonum minuit cum indignatione respuere debere evidens est. Directorem eo in negotio consulere opus non est, quum enim Deus loquitur, homines silere par est: ac ubi responsa quæ in intimo rationis secessu audimus nobis dari sine sensuum & affectuum participatione certò scimus hæc responsa tum venerabundi auscultare debemus, ipsisque obsequi.

Ubi scire cupimus an choreæ & comœdiæ interesse debeamus; an diem in ludo aut in colloquiis inutilibus salvâ conscientia consumere possimus; an quædam commercia, quædam officia, votis nostris & obligationibus sint conformia; in nosmet ipsos descendamus; sensibus & affectibus silentium imponamus; & ad lumen Dei confugiamus, ut ibi cognoscere valeamus, an propter ipsum hoc vel illud fieri queat: Illum qui est via, veritas & vita interrogemus, ut sciamus an iter quod sequimur nos ad mortem non ducat; Et, (cum Deus sit essentialiter justus, & ad omnia quæ ordini non sunt consentanea punienda, ac quæ ordini sunt conformia remuneranda necessario obligatus) an possimus existimare nos aucturos esse aut firmaturos felicitatem nostram, cum id faciemus quod cupimus.

Si amor Dei ad choream nos impellat, eamus ad choream; si ut cælum lucremur ludendum nobis est, noctu diuque ludamus; si in munere quo defungimur gloriam Dei nobis proponamus, exerceamus illud; hæc omnia cum gaudio faciamus, nam merces nostra erit magna in cœlis. Sed si obligationibus nostris accuratè examinatis, existentiam nostram ejusque durationem à nobis non pendere, nosque iniquitatem admittere, quam non potest quin puniat Deus, agnoscamus, dum in id solum incumbimus ut genio indulgeamus. Si magister & Dominus noster JESUS CHRISTUS qui nos sanguine suo acquisivit, modo clarissimo & maximè intelligibili nobis exprobet infidelitatis & ingrati animi crimen, quia secundum carnem & mun-

dum vivimus, vitam mollem & deliciis plenam agimus opinionem & consuetudinem sequimur, tunc ipsius voci obsequamur: corda ne obduremus: Directores ne quæramus qui nobis ob istas Magistri nostri exprobrationes solatio sint, qui adversus istas minas nos præmuniant; & lumini isti quo lædimur & penetramur jucundas affundant tenebras.

Quum cæcus ducit cæcum, ambo, ait Evangelium, in præcipitium ruunt. At ubi cæcus qui se ducendum permisit cadit cum altero cæco à quo ducebatur, si Deus illum non excuset, quantuminùs excusabit hominem oculatum, qui se cæci ductui permittit, quia cæcus illum per amœna ducit; & iter faciendo accommodatè ad inclinationes ipsum alloquitur. Cæcos illos voluntarios scire oportet, Deum qui nunquam fallit, tales esse deceptores sæpè permittere, ut iis corda quæ decipi amant puniantur: occæcationem esse pœnam peccati, quamvis illius etiam sit causa, sæpè contingere; justumque esse ut qui noluit sapientiam æternam auscultare, quæ ipsum alloquebatur, ut ad meliorem frugem rediret, sinat denique se corrumpi ab hominibus qui ipsum eo periculosius fallunt, quò ipsi jucundius blandiuntur.

Difficile equidem est sese apud seipsum recipere sensus & affectûs ad silentium adigere, an Deus loquatur an verò corpus, discernere: sæpè enim argumenta à sensibus ducta pro rationibus evidentibus accipimus; atque tum ad Directores confugere par est. At ipsos consulere sèmpè necesse non est: Quid enim nobis agendum sit in multis casibus evidentissimè & clarissimè videmus. Ac tunc quidem Directores consulere periculosum est, nisi id fiat cum perfectâ sinceritate, & in spiritû humilitatis & obedientiæ, istæ enim dispositiones Deum ad id obligant ut non sinat nos decipi, saltem modo nobis noxio.

Ubi Directorem consuli casus postulat, eligendus est, cui Religio sit nota, cui Evangelium sit venerationi, qui hominem cognoscat: cavendum est ne mundi contagione infectus sit, ne amicitia fractus nobis nimis indulgeat, nève à nobis quicquam timeat aut speret, unus eligendus est inter mille, inquit Sancta Theresiâ, quæ ut ipsa testatur, imprudentis Directoris inscitia in maximum salutis venerat discrimen.

Mundus deceptoribus plenus est, immò etiam deceptoribus qui bonâ fide, decipiunt. Qui nos diligunt nos suâ indulgentiâ decipiunt; Qui nobis inferiores sunt nobis præ veneratione aut præ timore adulantur. Qui suprâ nos eminent contemptû aut negligentia nostris necessitatibus non consulunt. Præterea omnes homines consilia nobis dant juxta ea quæ ipsis de interno statu nostro repræsentamus, jam autem nobismet ipsis sèmpè palpum obducimus; quippe manum vulnere sensim admovemus ut illud tegamus ubi illius nos pudet. Directores nostros sæpè fallimus, ut nosmet ipsos fallamus;

nam nos in tutò esse credimus ubi eos sequimur. Nos eò ducunt quò tendebamus, ac invitis lumine & secretis rationis objurgationibus ipsi nobis persuadere conamur, nos obedientià in eam partem determinari. Nosmet ipsos decipimus, Deo permittente: At ipsum qui pectoris penetralia scrutatur non fallimus; & quamvis aures quantum possumus ad vocem veritatis internæ obturemus sentimus tamen exprobrationes istius veritatis æternæ dum nos permittit nobismet ipsis; sentimus ipsam in mediis tenebris nobis affulgere, & omnia philanthiæ artificia revelare.

Rationem igitur ad mentis sanitatem esse consulendam, sicut corpus ad valetudinis restitutionem, ac quum ratio nobis non responderet, ad Directores esse confugiendum, evidenter patet; quemadmodum ubi sensuum auxilium deest ad Medicos est recurrendum: Sed id cum iudicio faciendum est, nam Directores ignari vitam spiritualem, quemadmodum Medici imperiti corpoream, possunt in nobis extinguere.

Cùm hic leges quæ circa electionem & usum Directorum & Medicorum tradi possunt accuratè non explicem, animi mei sensa benigne accipi & explicari rogo; ne quis credat me id eo fine scripsisse ut impediam quominus ab aliis hominibus opem nobis necessariam mutuemur. Scio iis potissimum benè esse qui sententias suas sapientissimis summittunt: nec etiam inficiabor istam regulam, nempe; juxta solitas medicinæ leges moriendum esse, plerisque hominibus tutiorem esse omnibus aliis, quas ad vitæ conservationem possem statuere.

Sed quia apud seipsum secedere, Evangelium consulere Jesum Christum auscultare, sive mentem nostram aut cor immediatè, sive aures aut oculos per fidem, alloquatur; ea quæ dixi à me dici posse arbitratus sum; nam ipsi Directores nostri nos fallunt, dum nobis aliquid fidei & rationi contrarium proponunt. Et quia honor Deo tribuitur, existimando ipsius opera necessaria omnia ad sui conservationem in se habere; hinc factum est ut hominibus, machinam ipsorum corporis modo tam admirabili esse constitutam, ut per se quicquid ad sui conservationem necesse est, faciliùs quàm per scientiam, atque etiam per peritissimorum Medicorum experientiam, reperire, me posse insinuare duxerim.

ILLUSTRATIO

Ad Tertium Caput Quinti Libri.

Amorem differre à Voluptate & Gaudio.

MENS res valdè diversas, ubi eodem tempore eveniunt, nec sibi invicem repugnant, sæpiùs confundit. In hoc Tractatu multa hujusce rei attuli exempla; quia in hoc errores nostri circa ea quæ in nobis aguntur, potissimùm consistunt. Cùm per claram ideam non cognoscamus qua in re posita sit natura aut essentia mentis nostræ, aut ulla ex ipsius modificationibus; ut res planè diversas confundamus, sæpè sufficit illas in nobis peragi eodem tempore; ea enim quæ per ideam claram non cognoscimus facillimè confundimus.

Non modò impossibile est clarè cognoscere quâ in re sita sit rerum quæ in nobis aguntur diversitas. Immodò etiam difficile est cognoscere illas inter se reverâ differre. Nam ut id cognoscatur intra nosmetipsos nos recipere oportet; non ut nos consideremus relatè ad bonum aut malum, quod quidem sit libenter, sed ut nos consideremus visû abstracto & sterili, quod non fit sine maximo labore.

Rotunditatem corporis ab ipsius motu differre nullo negotio concipimus; & quamvis experientiâ notum sit, sphæram in plano positam non posse pulsari quin moveatur, atque ita motum & rotunditatem simul juncta occurrere; utrumque tamen non confundimus, quia motum & figura per ideas clarissimas & maximè distinctas cognoscimus. Sed de voluptate & amore res eodem modo non se habet, ac illa penè semper inter se confunduntur. Mens nostra, voluptate fit, ut ita dicam, mobilis, quemadmodum globus rotunditate; & quia nunquam existit sine aliquâ impressione versùs bonum, statim movetur versus objectum, unde illa voluptas oritur aut oriri videtur. Itaque cùm motus ille amoris in mente eodem tempore excitetur, quo sentit voluptatem, id sufficit ut voluptatem cum amore confundat, quia nec voluptatis nec amoris claram habet ideam, ut habet de figurâ & motu. Hanc ob causam nonnulli voluptatem & amorem inter se non differre, & æquo majorem rerum numerum in singulis affectibus à se distingui existimant.

Verùm, ut clarè ostendam voluptatem & amorem duo esse diversa, duo voluptatum genera distinguo. Aliæ rationem prævertunt, ut sensationes jucundæ, & vulgò dicuntur voluptates corporis. Aliæ nec sensû nec rationem anteverunt, & voluptates mentis appellantur. Ejusmodi est gaudium quod in nobis nascitur clarâ cognitione aut ex sensû confuso, aliquod bonum nobis evenisse aut eventurum esse.

Exempli gratiâ, vir quispiam fructum quem non cognoscit gustans,

illum edendo voluptate afficitur, si ad ipsum nutriendum idoneus sit. Voluptas illa præveniens est, cum enim ipsa afficiatur antequam sciat an fructus ille ipsi bonus sit, hanc voluptatem ipsius rationem prævertere evidens est. Venator fame pressus sperat se inventurum esse quod possit edere, aut actu invenit; actu sentit gaudium. Jam autem gaudium illud est voluptas nata ex cognitione boni sui præsentis aut futuri.

Per hanc distinctionem inter voluptatem quæ rationem sequitur & voluptatem quæ ipsam antevertit evidens mihi videtur, nullam esse, quæ non differat ab amore. Nam voluptas quæ rationem antecedit, amorem proculdubio antecedit; cum omnem cognitionem ipsa præcedat, amor verò aliquam supponat. Gaudium contra seu voluptas quæ cognitionem supponit, amorem quoque supponit; cum gaudium supponat sensum confusum, aut cognitionem claram nos possidere aut possessuros esse id quod amamus. Nam si rem possideremus, cujus amore nequaquam teneremur, ex ea nullum perciperemus gaudium. Itaque voluptas ab amore longè differt, cum voluptas quæ rationem prævertit, amorem prævertat & pariat; cumque voluptas quæ rationem sequitur, amorem necessario supponat ut effectum supponit causam.

Præterea si voluptas idem esset cum amore, nulla unquam esset voluptas sine amore, nec ullus amor sine voluptate, res enim sine se ipsa esse nequit. Tamen Christianus inimicum suum amat, filius probè educatus parentem suum quantumvis injustum & morosum diligit. Officii sui cognitio, timor Dei, ordinis & justitiæ amor, efficiunt ut non modo sine voluptate, sed etiam cum aliquo horrore, homines sibi non gratos amore prosequantur. Fateor ipsos nonnunquam sentire gaudium, dum cogitant se officium suum præstare; aut cum sperant se mercedem quam meruere accepturos esse. Sed præterquam quod voluptas illa ab amore quo erga Patrem ducuntur longè differt, quamvis istius amoris sit forte motivum, sæpè contingit ut isto motivo nequidem ad agendum impellantur. Quandoque agunt per quendam abstractum ordinis visum, aut per cogitationem timoris quæ ipsorum amor conservatur. Immo possumus dicere istos homines ab ipsis verè aliquo sensu amari eodem tempore quo de iis nequidem cogitant; namque amor in nobis manet etiam per distractiones nostras & per somnum: Sed voluptas in mente subsistere posse mihi non videtur nisi quandiu se ipsi sentiendam præbet. Itaque amore seu charitate manente in nobis sine voluptate aut sine delectatione, voluptatem & amorem unum & idem esse defendere nemo potest. Cum voluptas & dolor sint duo contraria, si voluptas idem esset cum amore, dolor non differret ab odio. Jam autem dolorem ab odio differre evidens est, nam dolor sæpè subsistit sine odio. Homo, exempli gratiâ, qui sese incautus vulneravit, dolorem maximè realem & acutum patitur, sed omni odio caret; nam causam doloris sui aut

odii objectum nequidem novit; vel potius causa ipsius doloris, odium quo digna non est, excitare nequit. Itaque istam doloris sui causam non odit, quamvis dolore ad odium feratur aut disponatur. Homo ille dolorem suum equidem odit, nam dolor est dignus odio. Sed odium doloris non est ipse dolor, illum supponit. Odium doloris non est odio dignum ut dolor; immò gratissimum est, nam doloris odio delectamur, ut ejusdem perpeffione contristamur. Dolor igitur non est odium, & voluptas quæ dolori contraria est, non est amor qui odio adversatur. Ac per consequens voluptas quæ rationem prævertit, idem non est cum amore. Eodem modo probo gaudium aut voluptatem quæ rationem sequitur ab amore distingui.

Cum gaudium & tristitia sint duo contraria, si gaudium idem esset cum amore, tristitia non differret ab odio; jam autem tristitiam ab odio differre evidens est; nam tristitia quandoque subsistit sine odio. Exempli gratiâ casu fortuito contingit ut homo quispiam rebus sibi necessariis destituatur id sufficit ut tristitiâ afficiatur; sed id in ipso odium excitare nequit: sive quia nulla est causa quæ ipsum rebus necessariis privet; sive quia causa illa odium excitare nequit, utpote quæ illo sit indigna. Homo ille odit equidem privationem boni quod amat; sed illam odii speciem esse verum amorem evidens est. Nam homo iste non odit privationem boni, nisi quia amat bonum; cum autem fugere privationem boni, nihil aliud sit, quam tendere versus bonum, motum ipsius odii non differre à motu ipsius amoris liquet. Cum itaque odium, contrarium non sit ipsius amoris, tristitiam ipsius non esse ipsius odium, ac proinde gaudium ab amore differre, evidenter patet. Denique ubi quis tristitiâ afficitur, id ex alicujus rei quam odit præsentiam, vel potius ex alicujus boni quod amat absentiam oriri manifestum est. Itaque tristitia supponit odium seu potius amorem: sed ab his duobus longè differt.

Haud equidem me latet Augustinum asserere, dolorem esse aversionem menti obortam ex eo quod corpus non sit dispositum ut ipsa optaret. Ac eundem Patrem sæpè confundere delectationem cum charitate voluptatem cum gaudio, dolorem cum tristitiâ, cum aversione aut cum odio. Sed sanctum illum Doctorem accommodatè ad caput vulgi pleraque quæ in nobis eodem tempore aguntur confundentis, loqui verisimile est. Vel forsan ipse hæc satis accuratè & Philosophicè non expendit. Existimo tamen me posse & debere dicere necessarium esse hæc accuratè distinguere, ut super plurimis quæstionibus ab Augustino agitatis, mentem clarè & sine æquivocatione possumus aperire. Il enim qui in diversas abeunt sententias istius Patris autoritate niti solent, propter varios sensûs quibus ipsius termini possunt explicari, utpote qui minus sint accurati, quam ut iis homines qui disputandi potius animo quam in unum coalescendi dantur, conciliari possint.

I L L V S T R A T I O

ad Caput Tertium Secundæ Partis Sexti Libri.

De efficaciâ causis secundis tributâ.

A Primi hominis peccato mens in externa indefinentur diffunditur; Sui ipsius, & illius à quo illuminatur & penetratur obliviscitur; & corporis sui ut & eorum quibus circumdatur, imperio ita se mancipat, ut in iis perfectionem & felicitatem suam nancisci arbitretur. Qui solus in nobis agere potest oculis nostris sese nunc subducit, in ipsius operationibus nihil est sensibile; & quamvis omnia producat & conservet, mens quæ rerum omnium causam tanto ardore rimatur, ipsum vix potest agnoscere, licet ipsum singulis momentis reperiatur. Nonnulli Philosophi *naturam* & quasdam *facultates* ut causas effectuum quæ naturalia vulgò dicuntur, excogitare, quàm honorem potentiæ Divinæ debitum tribuere, malunt; & quamvis nullum argumentum ac ne quidem ullam ideam habeant istius *naturæ* aut istarum *facultatum*, ut me demonstraturum esse spero, loqui malunt, quid dicant inscii, & potestatem merè imaginariam revereri; quàm ullo mentis conamine in id eriti ut illius agnoscant manum qui omnia in omnibus facit.

Non possum quin credam inter omnia mala à peccato originali orta pessimum in eo consistere, quòd omni prorsus erga Deum gustu & sensu destituamur, vel quòd illum nunquam gustemus aut reperiamus sine aliquo horrore & pavore. Deum in omnibus videre, ipsius vim & potentiam in singulis effectis naturalibus sentire, ipsius sapientiam in admirabili creaturarum ordine admirari; ac uno verbo ipsum solum in operibus suis adorare, timere, & amare deberemus. Sed nunc secreta quædam est inter Deum & hominem oppositio. Homo peccati sui conscius latebras quærit; lumen refugit; Dei præsentiam extimescit; & in corporibus ipsi circumstantibus potentiam aut naturam cæcam quâ possit familiariter uti fingere mavult, quàm in iis terribilem Dei sancti & justī omnia cognoscentis & efficientis potentiam reperire.

Fateor multos esse qui alio quàm Philosophi Ethnici moti principio, ipsorum sententiam circa naturam & causas secundas sequuntur. Sed spero fore ut ex hujusce explicationis serie pateat istos hanc duntaxat sequi opinionem ob præjudicium quo sese expedire penè impossibile est, sine auxilio principiorum Philosophiæ nondum satis notæ. Nam certè si illam Philosophiam cognovissent opinioni quam mihi propugnandam esse existimo, assensum suum præbuissent.

Multæ sunt rationes cur causis secundis seu naturalibus nullam vim, potentiam, aut efficaciam quicquam producendi tribuam : Sed præcipua in eo sita est, quòd ista opinio ne vel concipi quidem posse mihi videatur. Quicquid enitar ut illam concipiam nullam in me ideam reperio quæ mihi repræsentet quid esse possit vis aut potentia quæ creaturis vulgò tribuitur. Nec me temerarium ferre iudicium credo dum assero, eos qui defendunt creaturas in se vim & potentiam habere, rem in medium proferre quam ipsi clarè non concipiunt. Etenim, si Philosophi causas secundas vera vi ad agendum & ad sibi simile producendum præditas esse clarè intelligerent, certè cum ego sim homo æquè ac ipsi, & supremæ rationis non secus ac ipsi sim particeps, ideam quæ hanc vim ipsis repræsentat me quoque percepturum esse, verisimile est. Sed nullo mentis molimine, eo possum devenire, ut ullam vim, efficaciam, potentiam cognoscam, nisi in voluntate entis infinitè perfecti.

Præterea cum varias mecum reputo hac de re Philosophorum opiniones, id me in meâ confirmat sententiâ. Nam si clarè viderent, qua in re posita sit illa creaturarum potentia, aut quid in iis sit verâ præditum virtute, hac in re inter se consentirent. Quum homines inter se non possunt convenire nec ullo præiudicio aut affectu impediuntur, id manifestò arguit ipsos eorum quæ dicunt claram non habere ideam, nec sese mutuo intelligere; præcipuè si de rebus non complexis, quorum non sit longior discussio, disputant, ut in quaestione de qua hîc agitur. Quippe solutu non esset difficilis, si homines virtutis aut potentiæ creatæ claram haberent ideam. En igitur aliquot ex ipsorum opinionibus super hac re, ut quantopere dissideant quisque videre possit,

Harum opinionum
maximè
extraordi-
nariis vide
in metaph.
Suar. Disp.
18. sect. 1.
assert. 2. & 3.
Scot. in 4.
sent. dist. 12.
1. D. 37. 2. D.
17.
Paludan. in
4 sent. D. 12.
Q. 1. Art. 1.
Perer. 8.
Phys. cap. 3.
Conimbr. in
Phys. Ari-
stot. & in 2.
lib. multis
à Suarez ci-
tatis.

Sunt Philosophi qui asserant causas secundas per materiam suam, figuram & motum agere; atque hi aliquo sensu à ratione non ablu-
dunt. Alii per *formam substantialem*; Multi, per accidentia aut quali-
tates: Nonnulli, per materiam & *formam*; hi per formam & acciden-
tia: illi per quasdam *virtutes*, aut facultates ab his omnibus distin-
ctas. Sunt qui defendant, formam substantialem producere formas,
& accidentialem accidentia; alii formas producere alias formas &
accidentia: alii denique accidentia sola posse producere accidentia
atque etiam formas. Sed arbitrandum non est eos, exempli gratiâ,
qui dicunt, accidentia posse producere formas virtute quam recepe-
runt à forma cui adhærent, rem eodem modo intelligere. Alii vo-
lunt hæc accidentia non differre ab ipsâ vi aut virtute formæ substan-
tialis: alii accidentia in se recipere influxum formæ, ac non agere
nisi ipsius virtute; nonnulli denique accidentia nihil esse præter causas
instrumentales. Sed hi postremi inter se planè non conveniunt quid
per causam instrumentalem intelligendum sit, nec qua nam sit virtus
quam accipit à causa principali. Immò Philosophi nequidem conve-

niunt

niunt de actione quâ causæ secundæ effecta sua producant. Sunt qui dicant causalitatem non debere produci, cum ipsa producat. Alii censent illas agere reapse per actionem suam. Sed ut explicent quid præcisè sit illa actio, tantoperè desudant, totque sunt hac de re variæ sententiæ, ut illas hic recensere non sustineam.

Vid. Metaph. Fou-
sec. qu. 13.
sect. 3. Me-
taph. Sunci-
na & Javell.
super eadē
quæstione.

Maximam hic vides sententiarum varietatem, licet Philosophorum priscorum aut in longinquis regionibus natorum opiniones non enumeraverim, sed ipsos non magis inter se convenire super virtute causarum secundarum, quam eos qui à me citati sunt, judicare pronum est; Avicenna, exempli gratiâ, substantias corporeas quicquam præter accidentia posse producere non censet. Et hoc est ipsius systema referente Ruvio: Deum substantiam spirituales perfectissimam immediate producere existimat, hanc aliam producere minus perfectam; hanc verò tertiam, & sic deinceps usque ad ultimam, quæ omnes substantias corporeas producit, substantiæ verò corporeæ, accidentia. Sed Avicembrom non capiens quomodo substantiæ corporeæ, quæ sese penetrare nequeunt, possent sese alterare, vult solos spiritus posse agere in corpora, quia soli illa possunt penetrare. Cum enim isti Philosophi nec vacuum, nec atomos Democriti admittant, nec materia subtilis Cartesii ipsis satis nota esset, haud existimabant, ut Gassendistæ & Cartesiani, esse corpora ita subtilia ut possent subire poros eorum quæ durissima & solidissima videntur.

Ruvio l. 2.
ph. tract. 4.
qu. 2.

Ex hac sententiarum varietate colligere ni fallor possumus, homines sæpè loqui de rebus quas non cognoscunt; & potentiam creaturarum, cum sit merum ingenii figmentum, cujus naturaliter nullam habemus ideam, ab uno quoque pro arbitrio fuisse explicatam.

Hanc creaturarum potentiam per omnia sæcula realem & veram à plerisque habitam fuisse verum est: sed id sine ullo argumento, quod in mentem attentam ullam facere possit impressionem. Nam argumenta confusa, quæ fallaci sensuum & affectuum testimonio duntaxat nituntur, ab iis qui legitimum rationis suæ admittant usum, accipi non debent.

Aristoteles de eo quod *natura* vacatur, loquens, dicit eos fore ridiculos, qui vellent probare, corpora naturalia habere principium internum motus & quietis, quia, inquit, res per se nota est. Non dubitat quoque quin globus in alterum globum incidens, præditus sit vi illum movendi. Id oculis sic videtur, atque id ipsi sufficit; namque sensuum semper, rationis judicium rarò, sequitur. Id intelligine queat an contrà parùm curat.

Cap. 1. lib. 2.
Phys.

Qui nonnullorum Theologorum sententiam qui adversus causas secundas scripserunt, impugnant, dicunt cum Aristotele sensus earum efficaciam nos convincere. Hoc est primum & præcipuum ipso-
rum argumentum. Ignem urere inquiunt, solem lucere, aquam refrigerare evidens est. Il insaniunt qui inficias eunt. Authoribus sententiæ contrariæ, inquit Averroes, non erat mens sana, Qui hanc

V. Fonsec.
Ruvius
Suarez.

1.1. Topico-
tum cap.1.

efficaciam negant, inquiunt penè omnes Peripatetici, argumentis sensibilibus sunt convincendi, & hoc pacto eò adducendi ut fateantur se à causis secundis posse moveri & lædi. Adversus illos hoc iudicium jam tulit Aristoteles, quod oporteret executioni mandari.

Verùm ejusmodi demonstratio ridicula est. Nam mentis infirmitatem manifestò arguit, ostenditque Philosophos ipsos sensibus longè magis addictos esse quàm rationi. Id ostendit eos qui se veritatem inquirere gloriantur, ne quidem cum nosse quem de ea consulere debeant. An supremam rationem quæ nunquam fallit, quæque semper res ut in se sunt repræsentat; an verò corpus quod relatè tantum ad sui conservationem, & vitæ commoditatem, loquitur. Etenim nulla sunt præjudicia quæ non possint defendi, si sensuum à quibus omnia ferè nascuntur, iudicio nitamur, ut in *Opere de Inquirenda veritate* ostendi. Quum video globum in alterum globum impingere; oculi mei mihi dicunt, aut saltem dicere videntur, globum illum esse veram causam motûs alteri globo communicati. Nam vera causa quæ movet corpora oculis meis conspicua non est. Sed ubi rationem meam interrogo evidenter video corpora, cum seipsa movere non possint, ipsorumque vis movens nihil aliud sit quàm Dei voluntas quæ ipsa successivè conservat in variis locis, non posse communicare potentiam quam non habent, quamque nequidem possent communicare licet illam haberent. Manifestum enim est opus esse sapientiâ immò sapientiâ infinitâ ad dirigendam communicationem motuum ea concinnitate, proportionem, & uniformitate quam in iis observamus. Quum corpus non possit corpora infinita in quæ perpetuò incidit cognoscere, quamvis in ipso supponeretur cognitio, satis tamen cognitionis ei non fore patet ut in instanti concursus seu impulsione vim moventem quæ ipsum agit posset dirigere ac temperare.

Ubi oculos aperio, sol luce totus circumfulgere, nec tantum per se visibilis esse, sed omnia corpora circumjacentia visibilia efficere; terram floribus & fructibus coronare, vitam animalibus impertiri, ac ipsa terræ viscera calore penetrando, lapides, marmora & metalla in ipsâ producere mihi videtur. Ast ubi rationem meam consulo, horum omnium nihil video; immò quum illam fideliter consulo, me à sensibus decipi, Deumque omnia in omnibus facere, clarissimè agnosco. Cùm enim mihi notum sit omnes corporum mutationes, nullum aliud principium habere, quàm varias motuum communicationes quæ in corporibus visibilibus aut invisibilibus sunt; Deum omnia efficere video, cùm ab ipsius voluntate istæ communicationes pendeant, ejusque sapientiâ regantur.

Motum localem generationum, corruptionum, alterationum, & in genere omnium mutationum quæ in corporibus eveniunt, principium esse suppono: Ista opinio apud Doctos nunc uno consensu admittitur. Sed quicquid hac de re sentiant nihil interest. Nam facilius mihi videtur concipere corpus ab alio in quod incidit pulsari,

quàm concipere calorem & lucem ab igne produci, ipsumque è materia educere substantiam quæ in ipsâ antea non erat. Si necessarium sit agnoscere Deum solum esse veram causam variarum communicationum motuum, potiori jure judicare debemus ipsum solum posse creare & annihilare qualitates reales & formas substantiales. Creare & annihilare dixi; æquè enim difficile mihi videtur è materia substantiam quæ in ipsa non erat educere, vel substantiam in eam immittere denuò quæ tamen in ea non sit, quàm illam creare aut annihilare. Sed terminis non immoror. Istis utor, quia nullos esse novi, qui clarè & sine æquivocatione exprimant mutationes, quas Philosophi supponunt materiæ singulis momentis contingere virtute causarum secundarum.

Vix à me possum impetrare ut hîc alia argumenta quibus virtus & efficacia causarum secundarum probari solent, asseram; iis enim qui præjudiciis resistunt, quique rationem sensibus anteponunt, adeò invalida videntur, ut homines ratione præditos iis persuaderi potuisse verisimile non sit. Quia tamen multi Philosophi iis utuntur illa proferam & refellam.

PRIMUM ARGUMENTUM.

Si causæ secundæ nihil agerent, inquiunt, Suarez, Fonseca, & quidam alii, viventia à non viventibus distinguere non possent; siquidem neutra actionum suarum principium internum haberent.

In metaph. Disput. 18. Sect. 3. assert. 1. In metaph. Arist. qu. 7. sect. 2.

Responsio.

Respondeo hominibus semper eadem futura esse argumenta sensibilia quibus distinctionis quam inter viventia & non viventia admittunt, convicti fuere. Animalia quasdam actiones facere, ut edere, crescere, clamare, currere, saltare, &c. semper viderent. In lapidibus nihil simile observarent. Atque hoc solo vulgus Philosophorum persuaderetur bestias vivere, lapides verò non. Arbitrandum enim non est ipsos visu claro & distincto mentis, nosse quid sit vita canis; ipsorum hac de re judicia à sensibus reguntur. Si id necesse esset, principium vitæ canis admodum non differre à principio motus horologii, hic probarem. Nam vita corporum, quæcunque tandem illa sint, consistit duntaxat in motu partium: Nec difficile est judicare eandem materiam subtilem quæ in cane efficit fermentationem sanguinis & spirituum animalium, & in qua situm est ipsius vitæ principium, perfectiorem non esse materiâ quæ minorum horologiorum organa movet, aut quæ in meliorum horologiorum ponderibus gravitatem efficit, quæ gravitas principium est ipsorum vitæ, vel ut cum vulgo loquar, ipsorum motus.

Vid. Lib. IV. Invest. Ver. c. XI. Lib. VI. c. VII.

Peripateticorum est Cartesianis ideam claram tradere illius entis

quod nuncupant, *vitam brutorum*, *animam corpoream*, *corpus quod percipit, cupit, videt, sentit, vult*; ac postea ipsorum difficultates, si eas movere pergant, clarè solventur.

ALIVD ARGVMENTVM.

Differentiæ & virtutes elementorum cognosci non possent; ignis posset refrigerare non secus ac aqua; uniuscujusque rei natura non esset fixa & determinata.

Responsio.

Vid. cap. 2.
lib. IV. D.
Inqui en la
Veri etc.

Respondeo naturâ permanente in præsentî suo statu, hoc est, legibus communicationis motuum iisdem semper subsistentibus, contradictorium est ignem non urere, aut non separare partes quorundam corporum. Ignis non potest refrigerare ut aqua, nisi fiat aqua; cum enim ignis nihil aliud sit quàm lignum cujus partes materiâ invisibili quâ circundantur vehementer agitatae fuerunt; ut demonstratû facile est; Fieri nequit quin partes illæ de motu suo communicent corporibus obviis. Cum autem, istæ leges sint immotæ, natura, virtutes & qualitates ignis mutari nequeunt. Sed hæc natura istæque virtutes sequuntur necessariò ex Dei voluntate generali & efficaci, qui omnia in omnibus efficit. Itaque, naturæ investigatio fallax, & omninò vana, ubi in ea aliæ veræ causæ quærentur quam voluntates Omnipotentis.

Ad Deum seu ad causam universalem, ubi effectuum specialium ratio postulatur: recurrendum non esse fateor. Is enim ludibrium deberet, qui diceret Deum exsiccare terram, aut glacie constringere aquam fluminum. Dicendum est aërem siccare terram quia agitatur & secum fert aquam, quâ humectabatur; & aërem seu materiam subtilem aquam glacie constringere per hyemem, quia illo tempore satis non communicat motûs partibus aquæ. Uno verbo si fieri possit, effectuum de quibus agitur causa naturalis & specialis est explicanda: Sed quia actio istarum causarum consistit duntaxat in vi movente quâ agitantur, illa verò vis movens nihil aliud est quàm ipsa Dei voluntas, ipsas in se vim aut potentiam producendi aliquod effectum habere dicendum non est. Et quum inter ratiocinandum, tandem deventum est ad effectum generale cujus quæritur causa, is pessimè philosopharetur qui aliquam aliam à generali diversam quæreret. Quædam natura, primum mobile, anima universalis, aut aliqua similis entitas cujus nulla est idea clara & distincta, fingenda non est: Ejusmodi ratiocinium solos Philosophos Ethnicos decet, exempli gratiâ, ubi quis quærit cur sint corpora in motu, cur aer agitat motum suum aquæ communicet, vel potius corpora sese mutuò pellunt: Cum motus & ipsius communicatio sit effectum gene-

rale à quo cætera dependent, non modò Christianus verùm etiam Philosophus ad Deum ut ad causam generalem recurrere necessariò debet. Nam ipsius voluntas est vis movens corpora, quæ etiam communicationem motuum efficit. Si in mundo nihil novi pròducere voluisset, ipsius partibus motum non indidisset: Ac si quædam inter entia entia quæ formavit incorruptibilia reddere aliquando velit, communicationes motuum respectu illorum entium velle desinet.

TERTIUM ARGUMENTUM.

Terram arare, irrigare, & quibusdam dispositionibus corpora Suarez eo-
dem loco. præparare inutile foret, Deum enim subjecta in quæ agit præparare non opus est.

Responsio.

Respondeo Deum equidem posse facere quicquid ipsi libet, sine ullis præcedentibus dispositionibus in subjectis in quæ agit. At sine miraculo, aut per vias naturales, hoc est, secundum leges generales motuum quas ipse instituit, & juxta quas penè semper agit id efficere nequit; Deus voluntates suas sine causa non multiplicat; per vias simplicissimas semper agit; & hanc ob causam concursu corporum utitur ad illa movenda: Non quod ille concursus & mutua impulsio necessaria sit ad motum in iis excitandum, ut id nobis sensus dicunt: Sed quia cum mutua illa impulsio sit occasio communicationis motuum, admodum paucis legibus naturalibus opus est ad producenda omnia effecta admirabilia quæ videmus. Namque, hoc pacto omnes leges communicationis motuum ad unicam possunt referri, ad hunc scilicet: Cum corpora quæ sese mutuò impellunt, considerentur tanquam unicum corpus eo momento quo sese attingunt, vis mo-
vens inter ea distribuitur momento separationis, juxta proportionem
ipsorum magnitudinis. Sed cum corpora quæ sese mutuò impel-
lunt innumeris aliis quæ in ipsa juxta hanc legem & ipsius efficaciam a-
gunt, circumdantur; hæc lex, quamvis constans & uniformis, in-
numeras efficit communicationes planè diversas, quia agit in corpo-
ra innumera, quæ inter se mutuam habent relationem.

*V. ultimam
Caput de
Inquirenda
Veritate.*

Plantam ut crescat irrigare necesse est; quia juxta leges communicationis motuum, vix aliæ quàm partes aquæ, motu suo & propter figuram suam, sese insinuare & ascendere inter fibras plantarum, ac unà inter se coalescendo, figuram ad plantas nutriendas necessariam induere, possunt. Materia subtilis quam Sol indefinenter emittit, agitando aquam ipsam potest in plantas elevare; sed non habet satis motus ut partes crassiores terræ possit sursùm ferre. Attamen terra & ipse aer plantarum incremento necessaria sunt. Terra ad

conservandam aquam in radice : & aër ad excitandum in eadem aqua fermentationem moderatam. Sed cum actio solis, aëris & aquæ, si in solo partium motu consistat, Deus solus propriè loquendo agit. Nam, ut modò dixi, ille solus efficaciam voluntatum suarum, & infinitam cognitionem suam, communicationes motuum infinitas, quæ singulis momentis, & juxta proportionem accuratissimam & exactissimam fiunt, efficere & regere potest.

QVARTVM ARGVMENTVM

Nemo adversus seipsum pugnat, nemo sibi ipsi resistit. Corpora sibi invicem occurrunt, sese mutuò impellunt, sibi quæ resistunt. Ergò Deus non agit in ipsis nisi concursu suo. Si Deus motum in corporibus solus produceret & conservaret, illa averteret antequàm sese mutuò impellerent; ipsa enim impenetrabilia esse novit. Cur corpora pelleret ut ea deinde repelleret, cur illa promoveret eodem momento removeret; cur motus inutiles produceret & conservaret? Nonne absurdum est dicere, Deum adversus seipsum pugnare, & opera sua destruere; quum exempli gratia, taurus adversus leonem pugnat, lupo ovem vorat, & ovis herbam cui Deus dat incrementum, edit. Ergò dantur causæ secundæ.

Responsio.

Ergò causæ secundæ omnia efficiunt, Deus verò nihil. Nam Deus adversus seipsum agere nequit, at concurrere est agere. Concurrere in actionibus contrariis, est præbere concursus contrarios & idè actiones facere contrarias. Ad actionem creaturarum quæ sibi invicem resistunt concurrere, est agere adversus seipsum. Ad motus inutiles concurrere, est agere inutiliter. Atqui Deus nihil agit frustra, actiones contrarias non edit, adversus seipsum non pugnat, ergo Deus ad actiones creaturarum quæ se mutuò sæpè destruunt, & actiones seu motus inutiles faciunt, non concurrat. Vide quò ducat istud causarum secundarum argumentum. Sed audiamus rationem.

Deus omnia agit in omnibus, eique nihil resistit. Omnia in omnibus facit, quia ipsius voluntates omnes motus efficiunt & regunt; ipsi nihil resistit, quia facit quicquid lubet. Sed res sic concipi debet. Cum decreverit per rationes simplicissimas utpotè ordini maximè congruas, hanc producere infinitam creaturarum varietatem quam miramur; corpora secundum lineam rectam moveri voluit, quia hæc linea est simplicissima. Sed cum corpora sint impenetrabilia, & ipsorum motus secundum lineas oppositas aut sese mutuò secante fiant, necesse est ut sese impellant, ac per consequens eodem modo moveri desinant. Id Deus prævidit; concursum tamen seu mutuam istorum corporum impulsionem positivè voluit; non quia adversus se-

ipsum pugnare amat, sed quia uti volebat hac impulsione corporum, ut occasione ad statuendam legem generalem communicationis motuum, quâ praevidebat infinita mirabilia effecta productum iri. Persuasum enim habeo, duas istas leges naturales, quæ omnium simplicissimæ sunt: nempe, omnem motum fieri secundum lineam rectam, aut tendere ad lineam rectam; & in concursu seu mutuâ corporum impulsione, motus communicari juxta proportionem magnitudinis corporum quæ sese mutuò impulerunt, persuasum, inquam, habeo, duas istas leges ad producendum mundum qualis nunc est, hoc est, cælum, stellas, planetas, cometas, terram & aquam, aërem & ignem: uno verbo elementa & omnia opera seu non *organizada* aut non viventia. Nam corpora organizada pendent à multis aliis legibus naturalibus penitus incognitis. Fortè etiam corpora viventia non formantur ut cætera per certum quendam numerum legum naturalium. Verisimile enim est illa ab ipsâ creatione mundi formata fuisse, ac tempore nihil aliud præter incrementum necessarium ut oculis conspicua fiant, recipere. Certum tamen ipsa illud incrementum recipere per leges naturæ generales, secundum quas cætera corpora formantur. Unde fit ut ipsorum incrementum non sit semper regulare.

Dico igitur Deum, per primam legem naturalem, velle positivè, ac proinde efficere impulsione corporum; & deinceps hac mutuâ impulsione uti, velut occasione ad statuendam secundam legem naturalem, quæ communicationem motuum regit; atque ita impulsione actualem esse causam naturalem aut occasionalem, communicationis actualis motuum.

Si hæc seriò animadvertas nihil melius fieri potuisse clarè cognosces. Sed supponamus Deum rem sic non instituisse & corpora quæ sese mutuò sunt impulsura avertere, quasi daretur vacuum ad illa excipienda: Primò corpora perpetuæ isti vicissitudini quæ universi pulchritudinè constituit, non essent obnoxia: Nam quorundam corporum generatio non fit nisi quorundam aliorum corruptione; motuum contrarietas eorum varietatem efficit. Secundò, Deus non ageret per vias simplicissimas: Nam ut corpora sibi invicem occurrentia, motum suum sine ullâ mutuâ impulsione continuarent, ipsa lineas curvas innumeris diversis modis describere oporteret; ac per consequens innumeræ in Deo voluntates ad determinandos illorum motus essent admittendæ. Denique, si nulla esset uniformitas in actione corporum naturalium, ac si ipsorum motus secundum lineam rectam non fieret, nullum esset principium quo certò possemus ratiocinari in Physica & secundum quod in multis vitæ actionibus possemus nos gerere.

Lupos à leonibus, & oves à lupis vorari, & oves herbam cujus Deus tantam gessit curam, ut omnia ad conservationem ipsi necessaria, atque etiam semen ad speciei conservationem suppeditaverit, pasce-re, contra ordinem non est. Id causarum secundarum virtutem non magis probat, quàm pluralitatem causarum, aut contrarietatem prin-

cipiorum boni & mali, quam Manichæi, ut ista naturæ effecta explicarent, excogitaverunt. Id potius magnitudinis, sapientiæ, & magnificentiæ divinæ certum argumentum est. Deus enim nulla opera facit quæ sapientiâ infinitâ digna non sint; & illa facit cum profusione quæ ipsius potentiam & magnitudinem satis denotat. Quicquid destruitur eadem lege qua destruitur reparatur, tanta est illius legis sapientia, potentia & fecunditas! Deus novâ voluntate entium destructionem non prohibet, non modò quia prima sufficit ad ea reparanda, sed præcipuè quia ipsius voluntates istorum entium reparatione longè præstantiores sunt, Immò ipsius voluntates omnibus effectis seu operibus quæ producunt longè antecellunt: Ac si Deus hunc mundum visibilem condidit licet per se indignum actione qua formatus fuit; id fecit propter fines Philosophis incognitos, & quia in Jesu Christo seipsum honore afficere potest, quem creaturæ ipsi deferre non possunt.

Quum domus aliquem virum probum lapsû suo obruit, ex hoc eventu majus emergit malum quam quum bellua vorat aliam belluam, aut quum corpus reflecti cogitur ob impulsione corporis obvii: Sed Deus voluntates suas non multiplicat, ut iis quæ vel verè vel apparenter ordini repugnant, quæque necessariò sequuntur ex legibus naturalibus, medeatur. Deus leges suas nec corrigere nec mutare debet, quamvis monstra quandoque producant. Ordinem & simplicitatem viarum suarum confundere non debet: Parva negligere ipsum decet: hoc est, non debet voluntates speciales habere ut producat effecta quæ ipsius voluntatibus inferiora sunt, ac actione causæ producentis indigna, Deus miracula non edit, nisi quum ordo quem semper sequitur id postulat; jam autem ordo vult ipsum agere per vias, seu rationes simplicissimas, nec ullas in ipsius voluntatibus admittit exceptiones, nisi quum consiliis ipsius absolutè necessarium est, aut in quibusdam occasionibus nobis penitus ignotis. Quamvis ordini aut sapientiæ Divinæ cuncti uniamur, omnes tamen ipsius leges non novimus. Quid facere debeamus in ipsâ videmus: sed in ipsa non cognoscimus quicquid Deus velle debet, nec ad id cognoscendum nimis laborandum est.

Insigne hujusce rei nobis suppetit exemplum in damnatione innumerorum hominum quos Deus in iis sæculis quibus error veritati omnino prævaluit, perire permisit. Deus est summè bonus: omnia opera sua amat, omnes homines servari & ad cognitionem veritatis venire vult, illos enim omnes fecit ut ipso potirentur: maximus tamen eorum numerus damnatur, maximus numerus in erroris tenebris vivit & moritur, ac in æternum in iis permanebit. Unde nam istud? Nunquid quia Deus agit per vias simplicissimas, & ordinem sequitur? * Jam docuimus secundum ordinem Deum non debuisse voluptatibus * indeliberatis prævertere voluntatem primi hominis ex cujus lapsû orta est naturæ corruptio. Omnes homines

* Vid. Infl.
ad c. IV. 2. P.
Methodi.
* Vid. X. II.
Infl. ad c. V.

ab uno oriri operæ pretium erat, non modò quia hæc ratio est simplicissima, sed etiam ob rationes nimis Theologicas & nimis abstractas ut hic possint exponi: Id denique ordini quem Deus sequitur & sapientiæ quam semper consulit in suis consiliis formandis & exequendis conforme esse credendum est. Peccatum primi hominis innumera peperit mala; id negare nequit. Sed certè ordo postulabat Deum illa permittere mala, atque hominem in eo constituere statu, in quo posset peccare.

Deus opus suum reparaturus, nonnisi rarò gratiam illam victricem largitur quæ pertinacissimorum peccatorum malitiam superat. Gratias sæpè largitur inutiles ad eorum conversionem qui eas recipiunt, licet earum inutilitatem illorum respectu præviderit. Illas nonnunquam assatim profundit quanquam tamen paucissima tantùm producant effecta. Cur tot ambages & viæ indirectæ? Sufficit ipsum positivè velle peccatoris conversionem, ut eam modo efficaci & invicto producat. Nonne igitur patet ipsum agere per rationes simplicissimas, & ordinem id postulare, quamvis ordo iste nobis semper non sit notus? Deus enim agere nequit nisi cum ordine & sapientiâ, quamvis ipsius ordo & sapientia menti humanæ sæpè sint impenetrabiles. Quædam sunt leges in ordine gratiæ simplicissimæ, secundùm quas Deus ordinariè agit. Namque ordo gratiæ suas habet leges æquè ac ordo naturæ: Licet illas non cognoscamus ut leges communicationis motuum solemus. Sequamur modò consilia nobis ab illo cui leges gratiæ perfectè notæ erant, in Evangelio tradita.

Hæc obiter dixi ut injustis peccatorum qui JESU CHRISTI consilia aspernantur, & malitiam suam ac inordinationem Deo imputant querelis satisfacerem. Deum in ipsorum gratiam edere miracula vellent ac leges gratiæ ordinarias sequi recusant. In deliciis sese volutant, honores ambiunt; vulnera suo cerebro objectis sensibilibus incussa perpetuò refricant, ac nova sæpè accipiunt; & Deum ipsos miraculo sanare exigunt; Ægris similes qui præ morbi acerbitate fascias vulneribus obductas ferre non valentes illa renovant, ac postea ubi mors imminet crudelitatem eorum qui vulnus curant queruntur. Deum ipsos salvare volunt; quia, inquiunt, bonus est, sapiens, potens; penes ipsum est nos felicitate donare, nos creare non debuit ut nos perderet. Sciant igitur, Deum reverà ipsos salvare velle, & in eum finem fecisse quicquid secundùm ordinem & sapientiam quam consulit, fieri deberet. Nos ab ipso derelinqui credere non debemus, cum ipse proprium Filium suum ut esset Mediator noster & victima nobis dederit. Deus certè nos vult salvare, & quidem omnes; sed viis quas sedulò inquirere, & accuratè sequi debemus. Deus non debet consulere affectûs nostros in consiliorum suorum executione; solam sapientiam consulere solumque ordinem sequi ipsum decet. Et ordo postulat nos Jesum Christum imitari, ipsiusque con-

filia sequi ut sanctificemur & salvemur. Quòd si Deus omnes homines ad id non prædestinaverit ut essent conformes imagini illius, qui est Electorum norma & exemplar, id sit quia Deus agit per vias simplicissimas relatè ad decreta sua, quæ ad sui gloriam omnia tendunt; quia Deus est causa universalis, nec debet agere ut causæ speciales, quæ circa singulas actiones suas voluntates habent speciales; quia Dei sapientia quæ hac in re nobis est inscrutabilis rem sic voluit; Denique quia hæc Dei œconomia Deo dignior est aliâ quæ reprobis magis faveret. Namque reprobi damnantur secundum ordinem non minùs adorandum, ordine secundum quem Electi sanctificantur & salvantur ac sola ordinis ignorantia, & philautia, eo adducuntur homines ut damnent dispensationem quam Angeli & Sancti in æternum mirabuntur. Sed ad causarum secundarum efficaciam redeamus.

QVINTVM ARGVMENTVM.

Nisi corpora certam quandam *naturam*, aut *vim* ad agendum haberent, siq; Deus omnia efficeret in effectis etiam maximè ordinariis, nihil non esset supernaturale, distinctio naturalis & supernaturalis adeò vulgata, & universali Doctorem consensu probata, foret chimærica & inepta.

Responsio.

Respondeo hanc distinctionem in Aristotelis ore esse ineptam, namque natura ab isto Philosopho instituta, est mera chimæra. Dico hanc distinctionem in ore vulgi de rebus per impressionem sensibilem judicantis non esse claram; nesciunt enim præcisè quid sibi velint, dum dicunt ignem urere naturâ suâ. Dico denique hanc distinctionem posse tolerari in ore Theologorum, si per effecta naturalia ea intelligant, quæ sequuntur ex legibus generalibus, quas Deus instituit ad omnium productionem & conservationem, ac per effecta supernaturalia ea quæ non pendent ab his legibus. Hoc sensu ista distinctio vera est. Sed Philosophia Aristotelis conjuncta cum sensuum impressione, illam distinctionem periculosam reddere mihi videtur; quia eos qui nimia veneratione miseri istius Philosophi colunt opiniones, aut qui sensûs consulunt cum apud seipsos secedere deberent ad veritatem consulendam, à Deo avertere potest. Itaque hac distinctione utendum non foret quin explicaretur, Augustinus vocem *fortune* qua usus fuerat repudiavit, licet pauci ea decipi possent. Divus Paulus de idolothytis loquens, idola nihil esse monet. Si *natura* à Philosophia Ethnica excogitata, sit chimæra, si sit purum nihil, id monendi sunt Lectores; multos enim illa fallere possunt. Quamplurimi opera Dei imprudenter tribuunt, & huic idolo, seu figmento cerebri fascinati honores soli numini debitos deferunt? Mira-

culorum & quorundam effectuum extraordinariorum magnitudine & sapientiâ ipsius aliquo sensu parùm dignorum Deum authorem esse equidem fateantur. Sed effecta illa immutabilia & ordinaria quæ soli sapientes admirari norunt, potentiæ *naturæ* ipsorum imaginariæ tribuunt. Immo hanc dispositionem admirabilem quâ omnia corpora viventia ad sese conservandum, & sibi simile producendum apta sunt, istius quam fingunt naturæ esse effectum autumant; nam juxta istos Philosophos sol & homo generant homines. Ordo supernaturalis multis adhuc modis ab ordine naturali distingui potest. Nam dicere possumus ordinem supernaturalem referri ad bona futura; institui propter merita Jesu Christi, primum & præcipuum esse in Dei consiliis, & alia quæ sufficiunt ad conservandam distinctionem quam sine causâ aboleri timent.

SEXTVM ARGVMENTVM.

Præcipuum argumentum quo Philosophi causarum secundarum efficaciam tuentur, ex voluntate hominis & ipsius libertate desumitur. Homo vult: Seipsum per se determinat; atqui velle & sese determinare, est agere. Peccatum ab homine admitti certum est. Deus ipsius non est author nec concupiscentiæ & erroris. Ergo homo agit.

Responsio.

In multis locis, Libri *de Inquirendâ Veritate*, ac præcipuè primo capite primi Libri, & in primâ Illustratione ad illud caput, satis ostendi quid per voluntatem & libertatem hominis intelligendum sit. Id à me nunc repeti inutile est. Hominem velle, ac seipsum determinare, concedo: quia Deus efficit ut velit, ipsum versus bonum fert indefinenter, omnes ideas & sensationes, quibus se determinat in eo excitat: Peccatum quoque à solo homine perpetrari fateor: Sed quicquam ab ipso tum agi nego: nam peccatum, error, & ipsa concupiscentia nihil sunt. In prima Illustratione hæc explicui.

Homo vult sed ipsius voluntates sunt inefficaces in se, nihil producant, non impediunt quominus Deus agat omnia. Namque Deus ipse in voluntatibus nostris agit, impulsionem quam nobis dat versus bonum. Homo à se nihil habet præter errorem & peccatum, quæ nihil sunt.

*Nemo habet
de suo nisi
mendacium
& peccatū.
Conc. Arel.
c. Gau. 22.*

Inter mentes nostras & corpora quæ nos ambiunt multum est discriminis. Mens nostra vult, agit, sese aliquo sensu determinat, fateor. Hujus veritatem sensu interno quem de nobismet ipsis habemus, seu conscientiam, convincimur. Si nulla nobis esset libertas nec præmia nec poenæ futuræ essent; nam sine libertate nec bonæ nec malæ sunt actiones. Itaque Religio esset mera chimæra. At corpora vi agen-

di prædita esse : illud demùm est quod nec clarè videmus nec concipi posse existimamus, & illud quoque est quod negamus, dum causarum secundarum efficaciam negamus.

Ipsa mens tantùm non agit quantùm vulgò putant. Me velle & liberè velle equidem novi, nulla mihi suppetit dubitandi ratio validior sensu interno quem habeo de me ipso. Id etiam non nego. Sed voluntatem meam motûs brachii mei, idearum mentis meæ, & cæterorum quæ voluntates meas comitari solent* veram esse causam

*Eosensu nego : nullam enim deprehendo relationem inter res adeò diversas. Immo clarissimè video, nullam posse esse relationem inter meam voluntatem brachium movendi, & agitationem quorundam corpusculorum quorum nec motum nec figuram novi; quæ quosdam nervorum canales inter innumeros alios mihi ignotos eligunt, ut in me motum optatum, innumeris motibus quos nequaquàm opto, excitent. Voluntatem meam in me producere ideas meas nego : quia nequidem capio quomodo illas posset producere, namque voluntas mea cum non possit agere aut velle sine cognitione, ideas meas supponit, non efficit. Quid sit idea præcisè nequidem scio. Nescio an ex nihilo producantur, anque redigantur in nihilum statim atque illas videre desino. Juxta quorundam sententiam loquor.

Ideas meas, inquiet aliquis produco per cogitandi facultatem quam Deus dedit mihi : Brachium moveo propter unionem quam Deus instituit inter mentem & corpus meum. *Facultas, unio*, sunt termini Logici; voces vagæ & indeterminatæ, nullum est ens speciale; nec modus entis qui sit *facultas* aut *unio*. Hi termini sunt explicandi. Si unio mentis cum corpore in eo consistere dicatur quòd Deus velit, ut quum optabo brachium meum moveri, spiritus animales in musculis ex quibus constat diffundantur, ad illud movendum comodo quo opto, illud moveri. Illam explicationem intelligo & amplector. Sed idem illud est quod ego defendo; nam cum voluntas mea determinet voluntatem Dei; certè brachium meum movebitur non voluntate meâ quæ inefficax est per se, sed voluntate Dei quæ effectu suo nunquam frustratur.

Intelligo vim veram & real. n. Sed si unio mentis cum corpore in eo consistere dicatur, quòd Deus dederit mihi vim movendi brachium meum, ut corpori meo dedit vim excitandi in me voluptatem & dolorem; certè id supponitur quod est in quæstione & agitur circulus. Nemo habet ideam claram hujus virtutis mentis in corpus & corporis in mentem. Qui id positivè asserunt satis non assequuntur quid dicant. Hanc à præjudiciis sententiam hausimus : Id pueri & statim atque sensûs capaces fuimus, credidimus. Sed ejusmodi opinio à mente, ratione, & attentione non dictata fuit. Ex iis quæ in Libro de *Inquirenda Veritate* dixi id satis pater.

At, inquiet aliquis, sensu interno actionis meæ cognosco me reverà hac vi pollere; itaque non hallucinor dum id credo. Respondeo

dum movetur brachium, nos sensu interno affici voluntatis actualis quod brachium movetur, nec quum nos hanc habere voluntatem credimus, fallimur. Præterea sensu interno experimur quoddam conamen cum istâ voluntate conjungi, & istud conamen à nobis fieri etiam credendum est: Denique concedo nos * sensu interno cognoscere brachium moveri ipso momento conaminis, & hoc supposito nihil obstat quominus dicamus, motum brachii fieri eo instanti quo sentimus illud conamen, aut quo voluntatem *practicam* habemus illud movendi. Sed nego illud conamen quod nihil est præter modificationem & sensationem mentis nobis eo fine datum ut infirmitatis nostræ convincamur; & virium nostrarum obscurum & confusum sensum habeamus; nego, inquam ejusmodi conamen posse cōmunicare motū spiritibus, illumq; determinare. Ullam esse relationem inter cogitationes nostras & motūs materiæ, mentemque spiritūs animales quibus utitur ut moveat corpus quod animat, ullatenus cognoscere, nego. Denique etiamsi spiritūs animales mens accuratè cognosceret, & ipsos movere, aut ipsorum motum determinare posset; nego tamen ipsam posse eligere tubulos nervorum, quos neutiquam cognoscit, ut in eos spiritus impellat, & sic corpus ea velocitate, proportionem, vi quæ in iis etiam observatur qui corporis structuram minùs cognoscunt, moveat.

Etenim supponamus voluntates nostras esse reverâ vim moventem corporum, quamvis id captu impossibile videatur; quomodo corpus à mente moveri potest concipi? Brachium, exempli gratia, non movetur nisi quia spiritus instant quosdam ipsius musculos, ut autem motus spiritibus qui sunt in cerebro, à mente impressus, posset communicari iis qui sunt in nervis, hi verò aliis qui sunt in musculis brachii mentis voluntates multiplicari aut mutari oporteret, juxta infinitos concursus infinitasque impulsiones corporum ex quibus conficiuntur spiritūs. Verùm id concipi nequit, nisi innumeræ voluntates ad minimum corporis motum in mente admittantur, cum ut moveatur, necesse sit innumeras motuum communicationes fieri. Cum enim mens sit causa specialis, quæ quantitatem & agitationem innumeriorum corpusculorum quæ sese mutuò impellunt, dum spiritūs per musculos funduntur, accuratè cognoscere nequit, legem generalem communicationis motuum istorum spirituum statuere eamque institutam sequi non posset. Itaque mentem brachium movere non posse evidens est, etiamsi motum spirituum animalium determinare posset. Hæc clariora sunt quàm ut iis diutiùs insistere opus sit.

Res eodem modo se habet de nostrâ cogitandi facultate; nos de aliqua re cogitare velle, in id eniti, & ipso momento desiderii & conatūs nostri ideam istius rei sese menti nostræ offerre, sensu interno cognoscimus. Sed voluntatem nostram aut conatum, ideam nostram

cum in nam error panè semper deprehenditur in hisce sensationibus complexis; ut in primo libro de *La jeunesse Veritate*, ita is p obavi.

* Evidens mihi videtur mentem non quidem cognoscere sensu interno aut conscientia motum brachii quod animat. Unicam sensationem suam conscientia cognoscit, mens enim nullius rei habet conscientiam nisi cogitationum suarum; conscientia vel sensu interno cognoscimus nos sentire motum brachii nostri; sed conscientia non moneatur de motu brachii, de colore quem in eo patimur; nec de coloribus quos in objectis videmus; vel si id mihi non concedatur; dico sensum internum non esse certum & errore va-

producere, sensu interno non cognoscimus. Id fieri posse ratione non percipimus, desideria nostra causas esse idearum nostrarum ex præjudicio credimus; & quia quotidie experimur illas ideas cum desideriiis nostris conjungi. Cum in Deo & ipsius operationibus nihil sit sensibile, nec quicquam aliud sentiamus quod idearum præsentiam præcedat nisi desideria nostra; nullam aliam posse dari causam idearum nostrarum quam desideria nostra putamus. Sed ad rem attendamus. Certè in nobis nullam vim videmus quæ illas producere valeat: ratio ac sensus internus hac de re nihil nos docent.

Cætera argumenta quæ à causarum secundarum efficaciæ propugnatoribus afferri solent, hic proponere operæ pretium non existimo: quia hæc argumenta adeò futilia mihi videntur, ut quis Philosophos illos à me de industriâ ludibrio exponi credere posset, ac ipse ludibrium deberem si illis seriò responderem. Author quispiam, exempli gratiâ, causam suam propugnaturus seriò dicit. *Entia creata sunt vera causa materiales, formales, finales, cur non essent causa efficientes aut efficaces?* Si in ventilando ejusmodi ratiocinio tam crasso & æquivoco, & discrimen inter causam efficacem, & causam illam quam Philosophis materialem dicere placuit, ostendendo, tempus tererem, plus nî fallor fastidii, quam utilitatis Lectori crearem. Itaque ab ejusmodi argumentis crassis ad ea quæ ex Scripturâ ducuntur transeo.

SEPTIMUM ARGUMENTUM.

Gen. c. 1. Qui causarum secundarum efficaciam defendunt hosce scripturæ locos in medium proferre solent. *Germinet terra herbam viventem: Producant aqua reptile anima viventis & volatile: Producat terra animam viventem.* Ergo terra & aqua Verbo Dei receperunt *potentiam* producendi plantas & animalia. Deinde Deus jubet aves & pisces multiplicari. *Crescite & multiplicamini; & replete aquas maris, avesq; multiplicentur super terram;* ergò ipsis animalia ejusdem speciei producendi dedit *potentiam*.

Ectiam virtutis suæ obliens est. Cap. 16. Jesus Christus quarto Capite Evangelii secundum Marcum, dicit semen quod in bonam cadit terram centuplum reddere, & *terram ultrò producere primò herbam, deinde spicam, deinde plenum frumentum in spica.* Denique in libro Sapientiæ scriptum est, ignem in populi Dei gratiam *virtutis suæ* veluti oblitum fuisse. Ergò utriusque Instrumenti testimonio constat, causas secundas vi pollere ad agendum.

Responsio.

Respondeo in scripturâ multos etiam esse locos, qui Deo supposititiam illam causarum secundarum efficaciam tribuunt. Ecce aliquot ex illis.

Ego sum Dominus faciens OMNIA, extendens cælos SOLUS, stabiliens

terram & NULLUS mecum *Isaïæ c. XLIV. 24. Manus tuæ fecerunt me & plasmaverunt me TOTUM in circuitu. Job. X. 6. N. scio qualiter in utero meo apparuisti **** singulorum membra NON EGO IPSA COMPEGI, sed enim mundi creator, qui hominis formavit nativitatem, &c. Malach. I. 2. cap. VII. 22 23. Cum ipse DEUS det omnibus vitam inspirationem & omnia, Act. Apost. XVII. 25. Producens fœnum jumentis & herbam servituti hominum ut educas panem de terrâ. Ps. CIII. & CXLVIII. Innumeri sunt alii loci. Sed hi sufficiunt.*

Quum Author quispiam sibi contradicere videtur, & æquitas naturalis aut alia aliqua ratio nos ipsum secum conciliare jubet; ut quænam sit vera ipsius sententia possimus deprehendere hæc ratio iniri debere mihi videtur; nempe, attendendum est quando is author juxta propria sua lumina, quando verò juxta opinionem vulgi loquatur. Ubi quis ut vulgus loquitur, hinc non sequitur ipsum cum vulgo sentire. Sed ubi contraria iis quæ dici solent positivè profert, quamvis id semel duntaxat dicat, meritò judicare possumus ipsum mentem suam aperuisse; dummodò seriò & post legitimum examen loquatur.

Exempli gratiâ, Author aliquis de animalium proprietatibus loquens, centies dicet bestias sentire, canes Dominum suum agnoscere, ipsum amare, timere; & bis aut ter duntaxat dicet bruta non sentire, canes cognitionis esse incapaces, nihil amare, nihil timere. Quomodo author ille secum conciliari poterit, nam sibi ipsi contradicere videtur? An omnes loci inter se contrarii unà congerentur ut ex majori illorum numero judicetur quænam sit ipsius sententia? Si res sic procedat, haud puto quenquam esse hominem cui tribui meritò possit ipsum in ea esse sententia quæ bruta animâ carere censet: Nam ipsi Cartesiani quàm sæpissimè dicunt canem sentire quum percutitur, ac rarissimè dicunt ipsum non sentire. Et quamvis ego in hoc Libro per multa impugnem præjudicia, multa tamen ex scriptis mei possunt depromi, quibus, nisi regula quam nunc explico admittatur, facile erit probare me illa omnia quæ impugno præjudicia stabilire, & opinioni quæ efficaciam causarum secundarum adstruit, quam nunc refello favere; aut forsan quis concludet librum *de Inquirenda Veritate* esse Librum contradictionibus manifestis & crassis repletum ut reverâ concludunt nonnulli, quibus satis non est æquitatis & penetrationis ut alienorum scriptorum judices se gerant.

Scriptura sacra, Patres, sapientissimi inter homines, de bonis sensibilibus, divitiis honoribus secundum opinionem vulgi sæpius loquuntur, quàm juxta veras quas de his habent ideas. Jesus Christus Abrahamum iniquo diviti dicentem inducit. *Fili recepisti bona in vitâ tuâ*, hoc est divitias & honores. Quod ex præjudicata opinione *bonum* vocamus, seu bona nostra, hoc est, aurum & argentum, in Scripturâ sæpè vocatur, *sustentatio nostra* aut *substantia*, immò *honestas nostra*; *Paupertas & honestas à Deo sunt.* Certè istæ formulæ lo- Eccl. 11. 14.

quendi ab authoribus sacris & à viris probis usurpatæ eò nos adducere non debent ut credamus ipsos sibi contradicere, aut divitias, honores revcrâ esse bona respectu nostri, & nobis esse amanda & prosequenda, quia ejusmodi loquendi formulæ, utpote quæ præconceptis hominum opinionibus sint accommodatæ, nihil significant. Præterea Jesus Christus alibi divitias spinis affemilet, dicens eas nobis esse aspernandas, eas esse fallaces, quicquid in mundum magni ducitur Deo abominationi esse. Scripturæ igitur vel Patrum loca non sunt congerenda, ut ipsorum sententiam per maximum horum locorum numerum, agnoscamus, nisi præjudicia absurdissima ipsis perpetuò tribuere sustineamus.

Mat. VI.
28-29.30.

Hoc posito, videmus scripturam positivè dicere Deum facere etiam herbam agrorum, ipsum lilia ornare ornamentis quæ Jesus Christus anteponit toti Salomonis gloriæ. Cum contrà non duo vel tria duntaxat, sed innumera extent loca quæ Deo fictam causarum secundarum tribuunt efficaciam, & Peripateticorum naturam destruunt.

Alterâ verò ex parte præjudicio veluti naturali ad id feruntur homines ut de Deo in effectis ordinariis non cogitent, & vim atque efficaciam causis naturalibus tribuant: sola ut plurimum miracula mentem hominum ad Deum ut ad causam efficientem convertunt. Philosophi hanc tuentur opinionem quia, inquiunt sensuum testimonio evincitur. Illud est validissimum ipsorum argumentum. Denique hæc opinio apud eos omnes qui sensuum judicio nituntur invaluit. Sermone deinde huic præconceptæ opinioni accommodato usi sunt homines; nec minus frequenter dicere solemus ignem habere vim urendi, quam vocamus aurum & argentum bonum nostrum. Ergo loci ex Scripturâ aut Patribus deprompti ad adstruendam efficaciam causarum secundarum, non magis probant quàm probarent loci quos avarus ex eadem scriptura defumeret ut avaritiam suam excusaret. Sed de locis qui ad probandum Deum omnia efficere, possunt asferri, res secus se habet. Cum ista sententia præjudiciis vulgi sit contraria, isti loci ad literam debent explicari; eadem ratione quâ concludere par est, Cartesianum existimare bestias non sentire, quamvis id bis duntaxat vel ter dixerit, & contrà singulis momentis in familiaribus colloquiis dicat eas sentire, videre, audire.

In primo Capite Geneseos, Deus plantas & animalia jubet producere: aquis etiam præcipit ut pisces producant. Et proinde, inquiunt Peripatetici, aqua & terra *virtutem* hæc effecta producendi capacem acceperunt.

Hæc conclusio certa mihi non videtur: & quamvis istud caput per se & sine aliorum scripturæ locorum auxilio explicare teneremur, hanc consequentiam rejicere legitimè possemus. Hæc ratio explicandæ creationis accommodata est nostro concipiendi modo. Itaque illam ad literam explicare opus non est. Nec illâ ad confirmanda præjudicia uti æquum est. Cum animalia, & plantæ sint super terrâ,

aves

aves vivant in aëre, & pisces in aquâ, Deus ut nobis ostenderet hæc creaturas ipsius voluntate in his subsistere locis, eas in illis producere voluit. Ex terrâ formavit animalia & plantas; non quod terra quicquam possit per se gignere, aut Deus ipsi ad id vim seu virtutem quæ adhuc subsistat dederit; nam apud omnes in confesso est terram non gignere equos & boves. Sed quia ex terra corpora istorum animalium formata fuere: ut patet ex capite sequenti. *Formati igitur Dominus Deus de humo cunctis animantibus terra & universis volatilibus cæli.* Animalia formata fuere de humo, non verò producta ab humo. Ac revera postquam Moses narrat quomodo animalia & pisces jussu Dei producta fuere, addit *Deum ipsum illa fecisse*, ne ipsorum productio terræ & aquæ tribuatur. *Creavitque Deus cete grandia, & omnem animam viventem atque motabilem quam PRODUXERANT AQUÆ in species suas, & omne volatile secundum genus suum.* Et inferius postquam de animalium formatione loquutus est addit, *Et fecit Deus bestias terra juxta species suas & jumenta & omne reptile terra in genere suo.*

Obiter animadverti velim quod vulgata vertit, *producens aque reptile anima viventis & volatile super terram* in Hebræo textu scribi volatile VOLITET. Nam ut manifestò patet ex loco capitis sequentis mox citato, vox ista omiſsa aves ex aquâ non fuisse productas ostendit, Mosemque hic non intendisse probare, aquas recepisse veram potentiam producendi pisces & aves, sed designare voluisse locum unicuique rei jussu Dei assignatum, sive ut in eo viveret sive ut in eo produceretur, & volatile VOLITET super terram. Namque ut plurimum cum dicimus terram producere arbores & plantas, tantum insinuare volumus aquam & sales ut semina germinare & crescere possint necessaria, ab ipsâ ministrari. Hic cæteris scripturæ locis efficaciam causarum secundarum, si ad literam accipiantur, faventibus, explicandis non immoror. Namque formulas loquendi judiciis ordinariis juxta quæ sermo formari solet, nixas ad literam accipere non modò necessarium non est; sed sæpè periculosum est; quia vulgus hominum de omnibus loquitur juxta sensuum impressiones, & infantie præjudicia.

Eadem ratio quâ impellimur ad explicandos ad literam Scripturæ locos præjudiciis directè oppositos, nos ed etiam adducit ut credamus Patres eo consilio nunquam scripsisse ut causarum secundarum efficaciam & Aristotelis naturam tuerentur. Quamvis sæpè loquantur accommodatè ad præconceptas opiniones & judicia sensuum interdum tamen sermonibus suis satis aperiunt quænam sit circa id ipsorum mentis & cordis dispositio. S. Augustinus exempli gratiâ satis ostendit se existimare Deum esse vim aut naturam cujusque rei dum sic loquitur. *Omnia quippe portenta contra naturam dicimus esse, sed non sunt. Quomodo enim est contra naturam quod sit Dei voluntate: cum voluntas tanti utique, conditoris condita rei cujusque natura sit? Portentum ergo non fit contra naturam, sed contra quam est nota natura.*

S. Aug. de Civ. Dei. l. 21. cap. 8.

S. Augustinus sæpè equidem loquitur secundùm præjudicia. Sed ex eo nihil inferri potest: nam soli loci præjudiciis contrarii ad litteram sunt explicandi. Hujusce rei rationes modò attuli.

Si S. Augustinus in omnibus scriptis suis adversus causarum secundarum efficaciam nihil unquam dixisset, ac huic opinioni semper favisset, ad illam stabiliendam ipsius autoritate forsàn uti possemus. Sed, si ipsum hanc quæstionem seriò examinasse non liqueret, meritò existimare possemus ipsum hac de re fixum nunquam statuisse iudicium, & impressione sensuum forsàn ad id adductum fuisse ut rem sine examine crederet quæ certa videtur donec ad examen sedulò vocetur.

Hæc sunt nonnulla ex Augustini principiis. Id quod nunquam peccavit, non posse se alium pati, jam vero dolor est malorum maximum, & bestiae patiuntur dolorem. Nobilior non posse sibi infusè proponere, id quod minus nobile est, jam vero secundùm ipsam animam bestiarum spiritalis est & nobilior corporibus, bruta tamen nullum alium habent quam corpora. Id quod spirituale est esse immortale, & animam brutorum licet ex quibus mittit.

Augustinum, exempli gratiâ, de brutis quasi animam haberent, semper loquutum fuisse constat; non dico animam corpoream. Nam si ille Doctor mentem à corpore accuratiùs distinxerat, quàm ut existimare posset esse animas corporeas: Dico animam spirituales; nam materia est incapax sensus. Existimo tamen satius esse Augustini autoritate uti ad probandum bruta carere animâ, quàm ad probandum illa animâ esse prædita. Nam ex principiis quæ seriò examinavit & invictè probavit, manifestò sequitur bruta carere animâ: Vt ostendit *Ambrosius Victor* in sexto volumine *Philosophiæ Christianæ*. Sed cum sententia quæ statuit bestias habere animam, aut dolorem ubi percutiuntur sentire, præjudiciis sit conformis, quippe nullus est Pater qui id non credat; meritò judicare possumus Augustinum de his accommodatè ad sermonem vulgi fuisse loquutum; hanc quæstionem seriò non examinasse; ac certè si eam in dubium vocare cœpisset & ad eam attendisset, propositiones principiis suis adedò contrarias in medium nunquam protulisset.

Itaque licet Patres efficaciæ causarum secundarum semper favissent, ipsorum sententiæ etiam rationem habere forsàn non teneremur, nisi notum foret eos hanc quæstionem sedulò examinasse, ac ipsorum dicta sermoni vulgi accommodata non esse. Verùm res secus omnino se habet. Nam Patres & viri piissimi semper alicubi in scriptis suis manifestum fecerunt quid hac de re sentirent.

Eruditissimi, imo plerique ex Theologis hinc videntes scripturam sacram adversari efficaciæ causarum secundarum; inde verò impressionem sensuum, suffragia publica & Philosophiam Aristotelis, quæ Doctis erat venerationi, illam statuere efficaciam; nam Aristoteles Deum nullam rerum singularum quæ in regione *sublunari* aguntur curam gerere, hanc curam ipsius magnitudine indignam esse, & naturam, quam in omnibus supponit corporibus sufficere ad ea omnia quæ in his terris aguntur, existimat. Theologi, inquam, & eorum quidem maximus numerus, illud temperamentum ad conciliandum Fidem cum Philosophia Ethnicorum & rationem cum sensibus, inve-

spiritalis sit mortali obnoxiam esse: multa alia sunt simili à principio apud Aug. concludere possumus enim animam brutorum non esse spirituales qualem illam in iis ad-

nerunt; nempe causas secundas nihil esse acturas nisi Deus *concurſu* ſuo ipſas adjuvaret. Sed quia *concurſus* ille immediatus quo Deus agit cum cauſis ſecundis, magnas involuit difficultates, nonnulli Philoſophi illum rejecerunt, dicentes, ſufficere ut agant cauſæ ſecundæ, Deum ipſas conſervare cum *virtute* quam ipſis in creatione indidit. Et quoniam hæc opinio præjudiciis valdè accommodata eſt, quia operatio Dei in cauſis ſecundis nihil habere ſenſibile, ab hominum vulgo & ab iis qui Medicinæ & Phyiicæ magis quàm Theologiæ & veritatis meditationi operam dederunt admittitur. Plerique arbitrantur Deum omnia primò creaffe, ipſis omnes qualitates aut facultates ad ſui conſervationem neceſſarias dediffe; primum, exempli gratiâ, motum materiæ indidiffe; ac deinde ipſam ſibi ipſi permiſſiſſe ut motuum ſuorum communicatione hanc quam miramur formarum diverſitatem produceret. Corpora poſſe ſeſe mutuò movere plerique ſupponunt; & hæc opinio ipſi Cartefio tribuitur, contra quàm diſertè dicit articulis 36. & 37. ſecundæ partis Principiorum Philoſophiæ. Cùm homines agnoſcere cogantur creaturas à Deo dependere, iſtam dependentiam quantum in ipſis eſt minuunt; ſive arcano in Deum adeo, ſive ſupina erga ipſius operationem ſtupiditate & inſenſibilitate. Sed quia hæc opinio apud eos ut plurimum qui Religioni meditandæ parùm incubuerunt, & qui ſenſûs & Ariſtotelis authoritatem potius quam rationem & codicum ſacrorum authoritatem ſequuntur, duntaxat admittitur; illam altas in veritatis & Religionis amatorum mente radices acturam veriſimile non eſt. Iſtius enim opinionis ſerio examinatæ falſitas nullo negotio agnoſcitur. Sed opinio *concurſus immediati* Dei in ſingulis actionibus cauſarum ſecundarum, cum ſcripturæ locis qui ſæpè idem effectum Deo & creaturis ſimul tribuunt, conſonare videtur.

Animadvertendum igitur eſt loca eſſe in ſcripturâ ubi Deus ſolus agere dicitur: *Ego ſum Dominus, inquit, faciens OMNIA, extendens celos SOLUS ſtabiliens terram, & NULLUS mecum.* Mater divinitus inſpirata liberos ſuos alloquens dicit, *Nefcio qualiter in utero meo apparuiſtis. ſingulorum membra NON EGO IPSA COMPEGI, ſed mundi creator, &c.* Non ut Ariſtoteles & ſcholæ Peripateticorum, ſibi & Soli eos nativitatem ſuam debere non dicit, ſed mundi creatori. Jam autem ſententia illa Deum ſolum agere & formare infantes in utero matris opinionibus vulgi ſeu præjudiciis non eſt conformis. Iſti igitur loci, juxta principium à me priùs poſitum, ad literam ſunt explicandi, at contrà, cum ſententia efficaciz cauſarum ſecundarum ſit conformis opinioni vulgi & impreſſioni ſenſibili; etiam ſi locos inveniremus quæ diſertè dicerent cauſas ſecundas agere ſolas, nullam tamen vim haberent ſi cum his quæ opinioni vulgi adverſantur illa conferas. *Concurſus* igitur non ſufficit ad concilianda varia Scripturæ ſacræ loca: tota vis, potentia & efficacia ſoli Deo tribuenda eſt.

*L'è. Mech.
c. p. VII. ¶.
21. 23.*

Verum licet concursus immediatus Dei cum causis secundis esset idoneus ad conciliandos diversos scripturæ locos, nescio tamen an admittendus esset. Namque Libri sacri in usum Theologorum huiusce temporis compositi non fuere; sed in usum populi Judaici. Itaque si Judæi satis non eruditi essent aut subtiles, ut concursum imaginarentur, qualis in Theologia scholastica admittitur, & ut inter ipsos conveniret de re quam peritissimi Theologi non sine magno negotio explicant; hinc ni fallor sequitur scripturam sacram quæ Deo, immò soli Deo, productionem & conservationem tribuit, ipsos in errorem iniectionem fuisse: & authores sacrorum codicum sermone utos fuisse non modò incognito verum etiam fallaci. Nam iis dicendo Deum omnia agere, nihil aliud designare voluissent nisi, Deum ipsis suum præbere concursum ad omnia producenda, & verisimile est Judæos de illo concursu nequidem cogitasse, cum ii qui inter Judæos non philosophantur, Deum facere omnia, non verò Deum concurrere ad omnia, existiment.

Sed ut de concursu tutius statueretur iudicium, varia scholasticorum hac de re systemata accuratè explicare operæ pretium foret. Nam præter obscuritates impenetrabiles, omnibus opinionibus communes quæ explicari & defendi nequeunt nisi terminis vagis & indeterminatis; tanta est super hac materiâ opinionum varietas, ut illius causam deprehendere difficile non esset. Sed hic à discussione mihi & lectoribus fastidiosâ supersedeo. Immo in id studere malo ut ostendam, hypotheses meas aliquâ in re cum maximo Theologorum Scholasticorum numero convenire, quamvis hic diffiteri non debeam ipsorum terminos esse valdè æquivocos & confusos. Mentem meam clariùs explico.

Existimo ut jam alibi dixi, corpora, exempli gratiâ, non prædita esse vi sese movendi, ac proinde ipsorum vim moventem nihil aliud esse quàm Dei actionem, vel ne utar terminis qui nihil distincti significant, ipsorum vim moventem, nihil aliud esse quàm voluntatem Dei, semper necessariò efficacem, quæ illa in variis locis successivè conservat. Haud enim puto Deum creare quædam entia, ut sint vis movens corpora: non modò quia huiusce generis entium nullam habeo ideam, nec video quomodo illa entia possint movere corpora: sed etiam quia illa entia indigerent quoque aliis entibus à quibus moverentur, & sic in infinitum. Deus enim solus simul est immobilis & motor.

Cùm hoc ita sit, ubi unum corpus impellit & movet alterum, possum dicere illud agere per concursum Dei; & illum concursum non distinguere à propriâ istius entis actione. Nam corpus non movet aliud corpus in quod incidit nisi actione suâ aut vi movente, quæ reapse nihil aliud est quàm voluntas Dei, quæ illud corpus successivè in diversis locis conservat: cùm translatio corporis non sit ipsius actio aut vis movens, sed effectum ipsius virtutis moventis. Ac reverà penè omnes

Theologi fatentur actionem causarum secundarum non differre ab actione quâ Deus concurrit cum ipsis. Nam licet rem diversè intelligant, Deum in creaturis eadem actione qua creaturæ ipsæ agunt, agere existimant. Et ipsos sic loqui necesse mihi videtur. Nam si creaturæ agerent actione quam Deus in ipsis non produceret, ipsorum actio, quatenus actio, esset independens; jam autem credunt, ut par est, creaturas dependere immediatè à Deo, non modò quoad ipsarum essentiam, sed & quoad operationem.

Pariter, respectu causarum liberarum, existimo Deum menti indefinenter impressionem dare versùs bonum in genere, ac ipsum etiam determinare impressionem illam versùs bona specialia per ideas aut sensationes quas nobis imprimit, ut id in prima Illustratione explicui: atque idem credunt Theologi asserentes Deum movere & prævertere voluntates nostras. Itaque vis quæ mentes nostras movet, est voluntas Dei quæ nos animat & versùs bonum fert: Deus enim nulla creat entia ut sint vires moventes mentium, iisdem de causis ob quas non creat entia ut sint vis movens corporum. Cùm voluntates Dei per se sint efficaces, sufficit ipsum velle, ut faciat, ac inutile est entia sine necessitate multiplicare. Prætereà quicquid in motuum nostrorum determinationibus reale est, ab actione Dei in nos etiam procedit. Id ex primâ Illustratione clarè patet. Jam autem nihil agimus aut producimus nisi per voluntates nostras hoc est per impressionem voluntatis Divinæ quæ est nostra vis movens. Nam voluntates nostræ non sunt efficaces nisi quatenus à Deo sunt; quemadmodum corpora mota alia non pulsant, nisi quatenus habent vim moventem quâ transferuntur. Ergo non agimus nisi per Dei concursum, & actio nostra considerata ut efficax & capax producendi aliquod effectum, non differt ab actione Dei. *Eadem est numero actio*, ut ajunt plerique Philosophi.

Vid. Suarez
lib. I. de
Concursu
Dei cum
voluntate.
cap. 4.

Jam autem omnes mutationes quæ in mundo eveniunt nullam aliam habent causam naturalem, quam motûs corporum & voluntates spirituum. Nam juxtâ leges generales communicationis motuum, corpora invisibilia, quæ circumdant visibilia, diversis motibus suis omnes varietates, quarum causa oculos nostros fugit, produciunt. Et secundùm leges unionis mentis cum corpore, ubi corpora nobis circumjacentia agunt in nostrum, infinitas in mente nostrâ produciunt sensationes, ideas, & affectûs. Pariter mens nostra in se producit per voluntates suas innumeras diversas ideas: Nam voluntates nostræ applicant & modificant mentem nostram, ut causæ naturales, quarum tamen efficacia ex legibus à Deo institutis procedit. Et cum mens agit in corpus nostrum, in eo multas producit mutationes propter leges unionis ipsius cum illo. Et per corpus nostrum in iis quibus circumdamur maximum etiam mutationum numerum producit, per leges communicationis motuum. Itaque, omnia effecta naturalia, nullam aliam habent causam naturalem aut occasionalem quàm

motus corporum, & voluntates spirituum. Id si attentè animadvertatur nullo negotio concipietur. Nam hîc eos qui istâc legent ab istis blateronibus qui quod dicunt non intelligunt, qui entia quorum claras non habent ideas perpetuò fingunt, ac ea quæ ipsi non capiunt, per obscuriora volunt explicare, præoccupatos non fuisse suppono. Cum itaque ostenderim Deum concursu suo seu potius voluntate efficaci exequi quicquid motus corporum & voluntates spirituum agunt ut causæ naturâles aut occasionales; nihil est quod Deus non efficiat eadem actione qua creatura ipsius agit: non quòd creaturæ per se ullam actionem efficacem habeant; sed quia Dei potentia ipsis aliquo modo communicatur per leges naturales à Deo in ipsarum gratiam institutas.

Hac solâ ratione cogitata mea possunt conciliari cum sententiâ Theologorum qui concursus immediati necessitatem defendunt, & Deum omnia in omnibus agere eadem actione quâ creaturæ asserunt. Cæteros Theologos quod spectat, ipsorum opiniones, ac præcipuè Durandi, & nonnullorum Antiquorum ab Augustino refutatorum, qui concursus necessitatem negabant, causas secundas omnia per potentiam ipsis à Deo in creatione inditam, agere dicentes, defendi non posse existimo. Quamvis enim hæc opinio cæteris minus intricata videatur, scripturæ tamen ita adversa & præjudiciis ita conformis videtur, ut ipsam posse propugnari non arbitrer.

Scholasticos qui concursum immediatum Dei dicunt esse eandem actionem ac actionem creaturarum, rem ut eam explicui non omninò intelligere fateor: Et, si excipias Biel & Cardinalem de Alliaco, quoscunque legi, sentiunt efficaciam quæ producit effecta procedere à causâ secundâ non secus ac à primâ. Sed quia hanc mihi legem impono nihil asserere quod certò non mihi constet, & eam semper amplecti sententiam quæ cum Religione magis consonat, neminem fore confido qui ægrè ferat me à sententiâ desistere quæ multis eò obscurior videtur quò attentius examinatur; & aliam statuere quæ non modò rationi verum etiam Religionis & Ethicæ Christianæ sanctitati consentanea sit. Hanc veritatem jam probavi in Capite quod hac explicatione illustro: sed ad plenam systematis apologiam abs re non erit si aliquid his adhuc subijciam.

Deum à creaturis suis amari & coli velle ratione & Religione convincimur: vult amari ut bonum, & summâ coli veneratione ut preestas: Hæc veritas à nemine nisi impio & insano in dubium vocari nequit. Ut Deus ametur sicut vult amari & sicut meretur, oportet juxtâ primum legis & Evangelii præceptum, ac etiam juxtâ rationem, ut alibi dixi, ipsum amare totis viribus aut secundum totam nostræ facultatis amandi capacitatem. Ipsum omnibus anteponere non sufficit; amandus est præterea in omnibus. Alioquin amor noster imperfectus est; & Deo omnem amorem quem nobis imprimit, quemque propter se solum imprimit, cum non agat nisi propter se,

Vi. Dur. 11.
in 2. Dist. 1.
Qu. 5. &
Dist. 17. De
Generi ad
lit. 1. 5. cap.
20.

in 4. sent.
Dist. 1. 4. 1.
De Alliaco
ibid.

1. 4. cap. 2.

non retribuimus. Pariter ut Deus veneratione debitâ colatur, ipsum ut summam potestatem adorare, & præ cæteris creaturis timere non sufficit; timendus præterea & adorandus in omnibus creaturis; omnia studia nostra ad ipsum unum tendere par est, nam ad ipsum solum pertinet honor & gloria. Id Deus his verbis præcepit. *Diliges Dominum Deum tuum ex toto corde tuo; & ex tota anima, & ex tota fortitudine tuâ.* Et his: *Dominum tuum timebis, & illi soli servies.* Itaque Philosophia quæ nos docet efficaciam causarum secundarum esse merum ingenii figmentum, naturam Aristotelis & quorundam aliorum Philosophorum esse chimæram, Deum solum satis fortem & potentem esse non modò ut agat in mentem nostram, verùm etiam ut minimum det motum materiæ; hæc inquam, Philosophia, cum Religione cuius finis est Deo nos quam fieri potest arctissimè unire, omninò convenit.

Ea tantùm solemus amare quæ aliquod nobis bonum conferre possunt; ista igitur Philosophia solum Dei amorem probat, & omnis aliûs rei amorem damnat. Id solum timere debemus quod nobis aliquid mali asferre potest: Ista igitur Philosophia solum Dei timorem probat, omnis alius rei damnato timore. Itaque omnibus justis & rationi consentaneis mentis motibus favet, omnes verò rationi & Religioni contrarios improbat. Hac enim Philosophiâ amor divitiarum, ambitio, luxuria, nunquam comprobabuntur; cùm amor erga corpora juxta istius Philosophiæ principia absurdus & ridiculus videatur.

Hæc est veritas indubitata ipsâ naturâ, & notione communi freta, causam voluptatis amandam esse, & quidem juxta proportionem felicitatis quam nobis impertitur aut impertiri potest. Felicitatis nostræ causam, esse amoris nostri objectum non modò justum, verùm etiam necesse est. Itaque juxta hanc Philosophiam Deum solum amare debemus; Illa enim nos docet ipsum solum felicitatis nostræ causam esse. Juxta hanc Philosophiam corpora quæ nos circumdant non agant in nostrum; potiori ratione non agent in mentem. Sol nos non illuminat nobisque motum & vitam non impertitur. Ipse terram fructibus & floribus non coronat, nec alimenta nobis ministrat. Hæc Philosophia non secus ac Scriptura nos docet *Deum non sine testimonio semetipsum reliquisse beneficientem de Cælo, dantem pluvias & tempora fructifera, implentem cibo & lætitiâ corda nostra.* Juxta hanc Philosophiam dicendum non est naturam; vel Deum & naturam nos cumulare bonis, Deum solum id efficere dicendum est, & sic sine æquivocatione loquendum ne simplices decipiantur. Nam unica causa felicitatis nostræ distinctè est agnoscenda, si ipsam unicum amoris nostri objectum esse velimus.

Extra omne dubium quoque est ea esse timenda quæ nos malo afficere possunt, & id juxta proportionem mali quod nobis asferre valent. Sed hæc Philosophia nos docet Deum solum posse nos malo afficere, ipsum, inquit Isaias, *formare lucem & creare tenebras, facere pacem*

Amos III. 6.

& creare malum, nihilque contingere mali quod ipse non faciat, inquit alius Propheta. Itaque ipse solus timendus est; nec pestem, nec bellum, nec famem, nec ipsos Dæmones timere par est. Deus solus est timendus, ab acie gladii nobis impendentis fugiendum, ignis est vitandus; à domo labante recedendum est; Sed hæc non sunt timenda. Corpora quæ mali causæ sunt occasionales removeri possunt; sed Deus solus ut vera malorum quæ in impios ruunt causa timendus est. Et solum peccatum quod causam omnium bonorum ad id adigit ut fiat causa omnium malorum, odio habendum est, uno verbo omnes mentis motûs ad Deum solum referri debent, nam Deus solus est suprà mentem nostram; & corporis nostri motus ad corpora nobis circumstantia possunt referri. Hæc à Philosophia quæ causarum secundarum efficaciam non admittit docemur.

Sed efficaciam causarum secundarum suppositâ, corpora non immerito timeri & amari mihi videntur; ac, ut amor rationi accommodetur, sufficere existimo Deum omnibus anteponi & causam primam ac universalem causis secundis & specialibus. Deum totis viribus suis amare juxtâ hæc principia necesse non est. *Ex totâ mente, ex toto corde, ex totâ animâ, ex totis viribus*, inquit scriptura.

Attamen, ubi Deum cultu & amore nostro omnibus præponere duntaxat contenti sumus, in id perpetuò non studentes ut ipsum solum in omnibus summè colamus & amemus; nos decipi; charitatem in nobis extinguere, & bonis sensibilibus magis occupari quàm summo bono, sæpè contingit. Namque, si à pertinacissimis peccatoribus, & forsan etiam ab Idololâtris quæras, an non præferant causam universalem specialibus; in effrænâtissimâ licentiâ & in dentissimis erroris tenebris respondere tamen non dubitabunt; se officium adedò essenziale non negligere; nec ignorare quid Deo præstare debeant. Fateor eos falli & errare; sed efficaciam causarum secundarum rejectâ, nullo prætextu suum excusare possunt errorem; illâ verò efficaciam suppositâ hæc apud se possunt voluere, dum affectibus occæcantur, & sensuum testimonio aures præbent.

Natus sum ut sim felix; Non possum, immò non debeo mihi temperare ab amore & veneratione erga causam felicitatis meæ. Cur igitur non amarem & colerem objecta sensibilia, si veræ sunt causæ felicitatis quâ ipsorum usu fruor? Ens summum cultu summo solum esse dignum agnosco. Illud omnibus præfero. Sed, cum videam ipsum à me nihil exigere, fruor bonis quæ mihi largitus est causarum secundarum quibus me subjecit, ope, Nec ipsi cultum tribuo qui forsan sine ipsius honoris dispendio tribui non posset. Cum nullum bonum per se & immediate mihi conferat; hinc infero ipsum nolle, mentem & cor meum ipsi soli immediate adhærere; aut saltem mentem & cor meum inter ipsum & creaturas dividi vult, Cum solem gloriæ suæ participem fecerit, splendore & majestate circumcinxerit, omnibus operibus suis præfecerit, cumque ab illius ingentis astri in-

fluxu

fluxu omnia bona vitæ necessaria accipiamus, cur per aliquam vitæ nostræ partem ipsius lumine non gauderemus, & gratum ob ipsius magnitudinem ac beneficia animum ipsi non testaremur. Nonne ingrati animi criminis essemus rei, si à creaturâ tam præstanti omnium bonorum copiam recipientes, ipsi gratas non persolveremus? Et quis sine stupendâ cæcitate nullo venerationis & timoris motu duceretur erga illum cujus absentia nos frigore constringere & enecare, præsentia verò urere & destruere potest? Id jam dictum repeto, Deus omnibus anteposendus est, ac infinitè supra omnes creaturas venerandus; sed ipsius creaturæ etiam sunt timendæ & amandæ. Hoc pacto ei quies condidit legitimus tribuitur honor; & ad nova in nos conferenda beneficia adigitur. Honorem creaturis præstitum ab ipso probari ex eo liquet quod potentiam suam ipsis communicaverit, cum omnis potentia honore sit digna. Sed quia honor debet proportionari potentiae, & potentia solis & aliorum objectorum sensibilium talis est ut ab iis omne bonorum genus accipiamus, æquum est ipsa à nobis coli totis viribus, & nosmetipsos totos post Deum ipsis consecrare.

Hæc sunt ratiocinia in quæ naturaliter dilabuntur, qui causarum secundarum efficaciam præjudicio favent. Et verisimile est primos idololatriæ Authores sic fuisse ratiocinatos. En tibi hac de re sententiam Doctoris inter Judæos celeberrimi, sic tractatum de Idololatria orientis: *Tempore Enos homines in stupendos lapsi sunt errores, & sapientes illius sæculi sensu & ratione omnino destituti fuerunt. Enos ipse unus ex illis aberrantibus fuit. Hi sunt ipsorum errores. Cum Deus, aiebant, astra & cælos ad regendum mundum creaverit, illa in loco edito collocaverit, splendore & gloria cinxerit, ac iis utatur ad sua exequenda mandata; æquum est ipsa à nobis honore affici. Voluntas Dei nostri est, nos honorem prestare iis quos evexit & gloria cumulavit: Quemadmodum Princeps vult suis ministris honorem deferri se presente, quia honor ministris tributus ad ipsum redundat. Postquam id in animum induxissent templa in astrorum honorem adificare, ipsis sacra facere, ipsorum laudes dicere, & sese coram iis prosternere, caperunt; sibi hoc pacto Creatorem propitium reddere credentes. Hac est origo idololatriæ.*

*7. Moses
Maimonides.*

Grati animi affectu moveri juxta bona quæ in nos conferuntur, tam naturale & æquum est, ut omnes penè populi solem adoraverint, quia bona quibus fruebantur ab ipso veluti à prima causa manare arbitrabantur. Ac si Ægyptii non modò Solem, Lunam, & Nili-
lum, cujus inundatio Ægypto affert fertilitatem, adoraverunt, id factum est, referente Cicerone, quia ex iis aliquam percipiebant utili-
tatem: Itaque, cum propensio illa qua homines versùs veras felicitatis suæ causas naturaliter feruntur ab ipsorum mente excuti nec possit nec debeat, hinc evidenter patet aliquatenus saltem periculosum esse defendere efficaciam causarum secundarum, licet ipsi adjungatur necessitas concursus immediati, qui concipi nequit, & præju-

*Vid. Voss.
de Idololatriâ. lib. sec.
Ipsi qui irridentur Ægyptii nullâ belluam nisi ob aliquam utilitatem quam ex eo caperent, eo s. craverant.
Cic. lib. 1. De naturâ Deorum.*

f

dicatas opiniones nostras, quasi justæ essent, non secus ac Aristotelis Philosophiam, postquam eam amplexi sumus, approbat.

Vid. Sextū
Empiricum
I. 8. c. 2.

Quorum
Deum est
vener.
Phil. II 119.
Omnis fur-
nicator, aut
immundus,
aut avarus
quod est
dolorum
fructus.
Eph. V. 5.
In spiritu
et veritate
oportet ado-
rare.
Joh. IV. 24.

Sed tutissimum est nihil asserere quod clarè non percipiatur, & soli Deo potentiam & efficaciam tribuere, cum solæ ipsius voluntates necessariam & insolubilem habeant connexionem cum effectis naturalibus. Fateor nunc homines satis habere cognitionis ut crassos respiciant Paganorum & Idololatrarum errores. Sed ausim dicere mentem nostram, seu potius cor nostrum eodem sæpè modo disponi & inflecti ac cor Paganorum, & semper aliquam in mundo Idololatriæ speciem esse grassaturam; donec Jesus Christus omni imperio, dominatione & potestate, ut Deus sit solus in omnibus, devictis, regnum Patri restituerit. Etenim, nonne quædam est idololatriæ species, ventrem sibi Deum constituere, ut loquitur Paulus. Nonne ii sunt idololatræ ac Dei Mammonis cultores qui in acquirendis divitiis noctu diuque laborant? An ii Deo cultum debitum tribuunt, ipsumque in spiritu & veritate adorant, quorum cor alicujus objecti sensibilis pulchritudine totum detinetur, & mens fulgore alicujus dignitatis imaginariæ perstringitur?

Homines à corporibus omnes quibus potiuntur voluptates se accipere existimantes, ipsis quàm arctissimè possunt adhærent. Itaque erroris principium in eo situm est quod impressione sensibili efficaciarum causarum secundarum convincantur. Sola ratio ipsis dicit Deum solum in ipsis agere: sed præter quàm quod hæc ratio jam demissa voce loquitur ut eam vix audiant, & sensus qui ipsi adversantur tumultu suo obtundunt; prætereà, inquam, in præjudicio adhuc confirmantur rationibus & argumentis eò perniciosioribus, quod præ se ferant characteres sensibiles veritatis.

N: Glori-
ne pa rem
no amus
honor et a-
lii asserimus
no auctor
vi a n st a
et d. d. m. u.
Hier. cap 33.
in Matt.
1. Cor. IX.
22. X. 37.
Eph. VI. 6.
Colos. III.

Philosophi ac præcipuè Philosophi Christiani sensuum testimonia & præjudicatas opiniones ac præcipuè periculosas, qualis est, præconcepta opinio efficaciarum causarum secundarum, impugnare perpetuò deberent. Attamen, (quo principio agantur nescio) viri quos plurimum & meritò quidem veneror, illud præjudicium non modò confirmare conantur; imò etiam sanctam hanc, puram, & solidam sententiam quæ statuit Deum solum esse veram causam, vellent traducere ut doctrinam superstitiosam & ineptam. Deum in omnibus amari & timeri nolunt. Sed omnia, inquiunt, amari & timeri debent relatè ad Deum. Creaturæ, inquiunt, sunt amandæ, quia bonæ sunt Patri, Principi, & superiori amor & honor est tribuendus, quia Deus id præcepit. Idequidem non nego. Sed nego creaturas amandas esse ut bona nostra, quamvis in se bonæ sint. Hominibus ut Dominis observantiam & honorem posse legitimè tribui nego; Vel, ut clarius aperiā mentem meam. Dico Domino suo non esse servientium, nec patri aut Principi obediendum alio fine, quàm ut Deo serviamus & obediamus. Audiatur Paulus qui se omnia omnibus fecerat, & qui ad salutem hominum procurandam ipsis in omnibus,

complacebat. Servi, inquit, obedite *Domino carnalibus cum timore & tremore, in simplicitate cordis vestri* SICUT CHRISTO: non ad oculum servientes quasi omnibus placentes, sed ut servi Christi facientes voluntatem Dei ex animo, cum bona voluntate servientes SICUT DOMINO ET NON HOMINIBUS: Et in alia Epistolâ. Non ad oculum servientes, quasi hominibus placentes, sed in simplicitate cordis Deum timentes; Quodcunque facitis ex animo operamini SICUT DOMINO ET NON HOMINIBUS. Patri igitur obediendum est, Principi serviendum, superioribus honores deferendus UT DEO ET NON HOMINIBUS. Id clarum est nullisque obnoxium incommodis. Superioribus major hoc pacto tribuetur honos & promptior præstabitur obedientia. Sed Dominus, (id enim me posse asserere arbitror) qui honorem & obedientiam exigeret, quasi in se aliam potentiam à potentiâ Divina haberet, profecto impius esset; ac qui ipsi eo animo servirent, essent idololatræ: omnem enim honorem omnemque amorem qui versus Deum non tendit, esse species quasdam idololatriæ non possum quin credam. *Soli Deo honor & gloria.*

I L L U S T R A T I O

Ad ea quæ dixi in Capite Quarto Secundę Partis
Methodi, & alibi: *Deum, scilicet, semper
agere cum ordine, & per vias simpli-
cissimas.*

Nonnulli me temerariè conjicere, & terminis vagis & generalibus abuti existimant dum dico, Deum semper agere cum ordine, & per vias seu rationes simplicissimas procedere in consiliorum suorum executione. Itaque hanc veritatem probare & explicare, operę pretium est: siquidem non modò ad naturæ, verùm etiam ad Religionis & Ethicæ cognitionem utilissima est.

Per vocem Dei intelligimus ens infinitè perfectum, cujus sapientia & scientia nullis circumscribuntur limitibus, & qui proinde omnes rationes quibus consilia sua potest exequi, cognoscit: hoc ita posito, dico Deum semper agere per rationes brevissimas aut per vias simplicissimas.

Rem exemplo sensibili demonstro: suppono Deum velle ut corpus A pellat corpus B. Cùm Deus omnia sciat; optimè cognoscit A posse impingere in B, per innumeras lineas curvas, & per unicam lineam rectam. Jam autem Deus vult tantum B impelli ab A. & transitum A ad B. alio fine ipsum nolle supponimus, quam ut fiat illa

impulsio. Oportet igitur A. ferri ad B. per viam brevissimam, aut per lineam rectam. Nam si corpus A, ferretur ad corpus B. per lineam curvam, id argueret, aut illum qui corpus illud transfert nullam aliam cognovisse viam, aut ipsum non modò velle impulsione istorum corporum, sed præterea rationem quærere istius faciendæ impulsione, alio sinequàm relatè ad impulsione, quod est adversus suppositionem factam.

Eò plus actionis exerendum est ad transferendum corpus ab A. versùs B. per lineam curvam quàm per lineam rectam, quò linea curva longior est rectâ. Si igitur Deus transferret A. versùs B. per lineam curvam rectâ duplo majorem; hinc sequeretur dimidiam partem actionis Dei fore prorsùs inutilem; ac proinde altera pars actionis fieret sine consilio & sine æque ac sine effecto, Ergo, &c.

Præterea, actio in Deo est voluntas. Ergo plus opus est voluntatis in Deo ut A transferatur per lineam circularem, quàm directam: Jam verò supposuimus respectù motùs A. nullam in Deo esse voluntatem nisi præcisè ut fiat impulsio A. ad B. Ergò in Deo satis non est voluntatis ut moveat per lineam curvam. Ac per consequens contradictorium est A, moveri per lineam curvam versùs B. Itaque, Deum non agere per rationes simplicissimas, contradictionem involvit; nisi supponendo, in electione rationum quibus utitur ad exequenda consilia sua, aliquid aliud intendere diversum ab illis consiliis. Quod contradictionem implicat.

Quum dico plus esse voluntatis in Deo ad transferendum corpus ab A ad B. per lineam curvam, quàm per rectam; nihil ex eo concludendum est adversus simplicitatem entis & actionis Dei: Fatendum enim est nec concipi posse quomodo hæc simplicitas entis infiniti includat in se omnes diversas entium finitorum perfectiones, nec quomodo ipsius voluntas semper eadem & ordini conformis permanens, varietur tamen relatè ad varia entia quæ producit & conservat. Hic tantùm juxta nostrum concipiendi modum loquor. Nos facillimè concipere arbitror, Deum, quum vult & creat unum pedem cubicum materiæ, aliud velle quam cùm creat duos. Namque evidens est, Deum non posse creare duas res diversas, nec posse scire an unum aut duos materiæ pedes creaverit, vel an transtulerit corpus orbiculatim aut directè, nisi in ipsius voluntatibus esset aliqua differentia relatè ad materiam, aut ad ipsius motum, cùm Deus in seipso duntaxat & in suis voluntatibus videat omnes differentias creaturarum. Jam autem differentias seu autiones & diminutiones voluntatum voco, id quod in Deo est actionis, relatè ad varia entia quæ producit, aut conservat. Et juxta hunc res concipiendi modum, dico Deum non posse exercere plus voluntatis, quàm quod necesse est ad suorum consiliorum executionem: adeò ut Deus agat semper per vias simplicissimas relatè ad consilia sua.

Non nego tamen quin possit fieri Deo maximum suppetere rationum seu viarum numerum æqualiter simplicium ad producenda eadem effecta, ac proinde quin possit illa producere per diversas vias seu rationes. Sed ea semper producit per simplicissimas, dummodò sint omnes ejusdem speciei, nam contradictorium est enti infinite sapienti esse voluntates inutiles & inordinatas.

Si ad illud Ethicæ principium animum advertere velimus, eos saluti consulere videbimus, qui ad gratiam privatione, pœnitentiâ, & accuratâ obedientiâ præceptis Christi ita se præparant, ut Deus agens in ipsis per vias simplicissimas, hoc est parùm, novarum gratiarum ipsis concedens, multùm tamen in ipsis operetur. Quamvis enim Deus nos velit salvare omnes, eos tamen duntaxat salvabit quos poterit salvare per vias simplicissimas; quæ referuntur ad magnum illum decretum sanctificandi per Jesum Christum certum numerum Electorum ad sui gloriam; & posteros Evæ multiplicabit, donec ille numerus adimpleatur. Nam quia Deus vult nos sanctificare per vias simplicissimas, oportet ipsum post peccatum multiplicare filios hominum, ut impleat numerum Electorum; cum multi damnentur excedendo ab ordine Dei.

Cùm autem Deus non agat ut causa particularis, arbitrandum non est ipsum habere ut nos voluntates particulares ad singulas res quas producit. Nam si hoc ita se haberet, generatio monstrorum impossibilis esset, nec unquam contingeret ut unum opus Dei aliud destrueret. Cùm Deus non possit habere voluntates contrarias, recurrendum esset ad aliquod principium mali ut Manichæi, quod, exempli gratiâ, congelaret fructus quos Deus produceret. Cùm hoc ita sit, credendum esse mihi videtur, quasdam esse leges generales secundum quas Deus prædestinat & sanctificat electos in Jesu Christo, & leges illas esse id quod vocamus ordinem gratiæ, quemadmodum voluntates generales secundum quas Deus producit & conservat quicquid in mundo est, sunt ordo naturæ.

Nescio an mea me fallat opinio, sed ex hoc principio multas arbitror posse directè colligi consequentias, quibus forsan difficultates circa quas ab aliquot annis magnâ animorum contentione disputatum est, solverentur. Sed ab his eliciendis abstinere debeo, quisque eas pro lubitû eliciet. Silere satius est quàm res dicere quas scire necessarium non est & circa quas aliquando forsan homines faciliùs inter se conciliabuntur quàm hisce temporibus. Optarem tantummodò homines id altè in animum inducere, nempe rationes conversionis nostræ simplicissimas esse privationem & pœnitentiam; aut ipsos saltem seriò id animadvertere; scilicet, cùm Jesus Christus distinctè cognoscat leges ordinis gratiæ, illos in perpetua incurrere discrimina, qui non sequuntur vestigia ab ipso pressa & nobis indicata, non modò sermonibus suis, sed etiam actionibus.

Sed quia per illud vitæ curriculum multi eveniunt casus in quibus quid nobis sit agendum ambigimus, propter rationes nonarias quæ utrinque asserri possunt circa quasdam opiniones. Sed forsitan inutile non erit ostendere aliquo exemplo speciali, ex isto principio à me modò stabilito, Deum scilicet semper agere per vias simplicissimas, multum percipi posse usum.

Supponamus, exempli gratiâ, me ambigere an singulis diebus certum tempus debeam ad id destinare, ut intra memet me recipiam infirmitatem meam & miseriam mihi repræsentem, meas coram Deo agnoscam obligationes, & illum supplex orem, ut in vincendis affectibus meis mihi opem ferat: An verò debeam expectare donec spiritus Dei qui spirat quo vult & quando vult, me mihi ipsi & occupationibus ordinariis rapiat, ut me sibi applicet: namque verisimiles rationes asserri utrinque possunt: & homines in hisce casibus ut plurimum contenti sunt verisimilitudinibus; hinc fit ut viri pii rationibus planè diversis sese gerant.

Considero igitur quòd, si mortuus spiritus Dei peculiare expectem, illum nunquam precabor, nisi ad id recipiam lumina peculiaris, aut delectationes prævenientes. Cum autem illa lumina seu delectationes producantur à Deo per voluntates magis particulares, quam ipsius voluntates generales quibus constituitur ordo naturæ, sunt quædam miraculorum species. Itaque, cum ipsius gratias quæ semper necessariæ non sunt expecto ad orandum, exigo à Deo ut impellat me ad preces per vias non simplices, immò Deum aliquo modo tento.

At verò si assuescam me coram Deo certis horis prosternere, aut saltem id facere coner; horologii sonus sufficiet mihi ut officii mei recorder, nec opus erit Deum habere voluntatem specialem mihi inspirandi spiritum supplicationis: leges generales unionis cum corpore officii mei memoriam mihi refricabunt, ubi tempus quod orationi assignaveram per aliquid sensibile à me observari poterit.

Cum autem necesse sit, sese recipere in intimos animi recessus, cumque precari non possimus quin precandi cogitatio animum subvertit, nec possit subire nisi Deus ipsam det; Qui illam precandi cogitationem, Deo ipsam voluntatibus specialibus aut quibusdam miraculis non dante, concipere possunt, jam in negotio salutis rem assequuti sunt non parvi momenti. Immo ex illius primæ orandi, & suas coram Deo obligationes agnoscendi cogitationis defectu, forsitan oritur multorum cæcitas, ac per consequens damnatio æterna. Etenim Deus agens semper per vias simplicissimas, per voluntates speciales non debuit ipsis dare cogitationes quas obtinere potuissent per ipsius voluntates generales, si semel assuefacti fuissent orare certis temporibus. Itaque cum Deus velit salvare homines per vias simplicissimas, evidens est, ita agendum esse, quantum fieri potest,



ordo naturæ ordini gratiæ inserviat, & voluntates Dei in eis se, ut
 iudicium expectentur tempus assignando quod cogitationem pre-
 sentem in nobis saltem excitet.

Verisimile est Deum his de causis olim Judæis præcepisse ut ipsius
 mandata scriberent in ædium portis, & quædam semper haberent
 in oculis quibus in ipsorum memoriam revocarentur; id impediebat
 ut minus Deus voluntate particulari uti cogeretur, si fas sit ita lo-
 qui, ut ipsis has inspiraret cogitationes. Nam gratiæ miracula apud
 Judæos erant rarissima, quia tempus nondum advenerat quo Deus in-
 culcatus erat legem cordibus hominum, & spiritum charitatis ef-
 fundere.

Fateor omnia quæ possunt fieri per vires merè naturales non
 posse per se meritorie disponere ad gratiam, & sine illâ quicquid ex-
 ternum est in Religione ad id duntaxat conferre ut superbiam & phi-
 lautiam nostram foveat. Pharisei ex eo quod signa sensibilia & ad
 laudem Divinæ recordationem idonea secum ferrent gloriam aucupa-
 bantur, ut Jesus Christus ipsis exprobrat; Et Christiani crucibus &
 ceteris quibus sæpè utuntur per curiositatem, per hypocrisis, aut per a-
 liam quampiam philautiæ rationem. His tamen, quia Dei cogita-
 tionem in nobis excitant, utilissimum est uti; nam quantum possu-
 mus ordo gratiæ cum ordine naturæ conciliandus est, ut Deus possit
 nos servare per vias simplicissimas.

Quamvis enim naturâ nequeamus ad gratiam nos disponere,
 tamen ad illam efficacem reddendam conferre valemus, quia affectûs
 impetum minuere possumus, recedendo ab objectis quibus excitatur,
 aut rationes isti affectui contrarias sibi repræsentando. Qui imagi-
 nationis puritati cæteris accuratius incumbunt, aut ipsam usu perpetuo
 voluptatum sensibilibium & mundi consortio corrumpi non sinunt
 gratiam reddunt efficacem, quia ipsi minus obstant quam cæteri
 homines. Hoc sensu morbus, pluvia, aut alius quivis eventus quo
 domi detinemur, gratiam efficacem potest reddere. Nam qui gra-
 dus gratiæ debiliior fuisset quàm ut adversus impressionem sensibilem
 ex objecti jucundi præsentia natam animum nostrum firmaret; ad id
 posset sufficere ut cum horrore rejiceremus cogitationem aut scædam
 imaginationem istius objecti.

Id sufficit ut clarè cognoscamus consilia Evangelii esse necessaria,
 ut Deus per vias simplicissimas nos servet. Illa sequi utile est, non
 modò quia dum illa sequimur motu spiritûs Dei, ipsum ad id deter-
 minant ut propter leges generales ordinis gratiæ, augeat in nobis a-
 morem suum; Verùm etiam quia praxis istorum consiliorum gra-
 tiam ipsam efficacem sæpè reddere potest, quamvis philautiæ princi-
 pio in proximum redigantur, quod in multis casibus fieri potest.

F I N I S.







